










2932/P


243 483
18/199


16. A. 3765

66/99









IACOBI GRE-
SERI SOCIETA-
TIS IESV THEO-
LOGI

A

82.

EXERCITATIONVM THEO-
LOGICARVM ADVERSUS HÆ-
RETICOS.

Libri VI.

AD REVERENDISSIMUM
ET ILLUSTRISSIMUM PRINCIPEM AC

Dominum, Dominum IACOBVM CHRISTO-
PHORVM, Episcopum Basileen-

sem, &c.

Et legato Jo. B. Oehmarij Schulachman
hanschy in Vilsbiburg pio Conuent: Landt:
Fransij de Obere: H. 1612.



Cum Gratia & Privilegio Cæsareæ Maiestatis.

INGOLSTADII,


Ex Officina Typographica Ederiana apud AN-
DREAM ANGERMARIUM.

Anno M. DC. IV.



Index librorum.

- I. Commentariolus duplex, alter in numisma argenteum nuper ab hæreticis de Colloquio Ratisbonensi. cum. Alter in eiusdem metalli numisma in laudem Husi, Lutheri, & Rabi sub figura Anseris, Cycni & Corui signatum & vulgatum.
- II. Commentarius & glossa in orationem Hunnianam de Pseudoiubilæo VVitebergensi.
- III. Disceptatio, verum verum sit, & vnglium præcipuum doctrina sue caput didicisse à Diabolo, cum refutatione argumentorum, quæ pro defensione & vnglij adfert Marcus Beumlerus sacramentarius.
- IV. Supplementum duplex pro duobus libris de iure & more prohibendi, expurgandi, & abolendi libros hæreticos & noxios.
- V. Antimonium pro deliro quodam Medico & Alchymista, qui nominis sui oblitus se Basilium de Varna nominat, deliranti eo fine, per triginta Doses porrectum, ut expurgato cerebro cum alia, tum etiam hoc discat, quæ nam sit controuersiarum norma, & quis Iudex.
- VI. Brevis admonitio, qualis sit liber Antigretserus inscriptus, à Pado-triba quodam VVitebergensi in gratiam Hunnii emissus.





REVERENDIS-
SIMO ET ILLVSTRIS,
SIMO PRINCIPI AC DOMI-
NO, DOMINO IACOBO CHRIS-

tophoro, Episcopo Basile-
ensi, &c.

JACOBVS GRETSERVS
SOCIET. IESV.



Sidorus Pelusiota, scriptor anti-
quus & grauis, Reuerēdissime &
Illustrissime PRINCEPS, non ra-
rò in Epistolis, quos ad varios plu-
rimas dedit, inuehitur in Cappadocas, tanquam
in mortaliū, quos sol adspicit, improbissimos,
Subdola, inquit alicubi, *atq; improba magna*
ex parte hac natio est. Pace offenditur, con-
tentionibus ac disidiis alitur, eundemq; dul-

EPISTOLA

eis & amari fontem habet. In congressu blandè ac benignè loquitur, in absentia obstrictat. Fallax est, impudēs, temeraria, cauillatrix, il- liberalis, versuta, inhumana, superba & contumax; in secundis amicorum rebus mœsta, in aduersis leta & insatiabilis, ad mentiendum procliuis, ad peierandum velox.

Iac. 3.

Cassian. lib. I.
de Incarnat.
cap. I.

Hac oratione, velut viuo colore, non tam depinxit, iudicio meo, Isidorus Cappadocū nationē, quā hæresin, sapientiam illā, non desursum vt S. Iacobus loquitur, descēdentem, sed ex orco existentem, terrenā, animalem, Diabolicā. hydræ poëticae similem. Hæreses in Ecclesiis, ait Cassianus, illius, quam poëtarum cōmenta sinxerūt, hydræ similitudinē gerūt, & istæ enim aduersum nos linguis feralibus sibilant, & istæ virus lethale iaciūt, & istæ sectis capitibus renascuntur. Quid igitur factū opus, si pestifera hæc hydra, omnibus illis notis, quibus Pelusiotes Cappadocas describit, insignita aut nascatur, aut renascatur? Resurgente morbo, inquit idē Cassianus, non debet cessare medicina, & quanto maior fuerit egritudo, tanto instantior debet esse curatio. Potēs est enim Dominus Deus noster,

DEDICATORIA.

*fler, ut q̄ de morte hydra illius gentilium falsi-
 tas finxit, hoc in Ecclesiarū bellis veritas per-
 agat, & ignitus sancti Spiritus gladius, & ita
 in exstinguēda heresi omnes penit^r medullas p-
 niciosa generationis exurat, ut tandē p̄digiosa
 fœcūditas emorientibus venis parere desistat.
 Nec noua sunt hæc in Ecclesiis monstruosi se-
 minis germina: semp̄ has Dominici agri seges
 lappas, sentesq; tolerauit, & assiduū in ea suffo-
 catricis Zizania germen emerfit. Hinc enim
 Ebionita, hinc Sabelliani, hinc Ariani, hinc Eu-
 nomiani, & Macedoniani, hinc Photiniani &
 Apollinarista, hinc Lutherani, Zvingliani,
 Caluiniani, & ceteri enecantes bonæ fidei frugē
 tribuli pullularūt. Quib⁹ hydris cōficiēdis, pe-
 stibus vel sanādis vel exstinguendis, infautisq;
 filicib⁹ exstirpādis dedit Deus Doctores & Pa-
 stores, inter quos & *Celsitudo Vestra* illustrē locū
 obtinet in Diœcesi & puincia illa, verē regali & A. 20.
 Basilea q̄ magni Apostoli monitū: *Attēdite vo-
 bis & vniuerso gregi, in quo vos Spirit⁹ S. po-
 suit EPISCOPOS, regere Ecclesiā Dei, quā acqsi-
 uit sanguine suo: iā dudū eò pfūdī in intima p-
 cordia demisit q̄ p̄p̄r ab hostib⁹ Ecclesiæ obside**

EPISTOLA

Si. Aug. li. 19.
de ciuit. Dei
cap. 19.

tur & vrgetur, memor semper eius, quod iam olim sapienter à S. Augustino litteris proditum legimus: *Episcopatum nomen esse operis, non honoris. Græcum est, inquit, atq; inde ductum vocabulū, quod ille, qui præficitur, eis, quibus præficitur, superintendit, curam eorum scilicet gerēs, ἐπὶ quippe Super, σκοπός verò intentio est. Ergo ἐπισκοπεῖν Græcè, si velimus, latine superintendere possumus dicere: ut intelligat, non se esse Episcopum, qui præesse dilexerit, non prodesse.*

Inuisus equidem est illis, qui gregi capiendo retia tendūt, bonus, sollicitus, & in omnes partes oculos versare solitus pastor. Verū aduersus hos defensione alia vtendum non est, quā illa Isidori, cuius iam antea memini; quem cum Therasius quidam insectaretur, ob nimium studium, quo Hæreticorū conatibus occurrere conabatur, in hæc verba ad eundē scripsit. *Si te Imperator ad propugnaculum collocasset, turrisq; urbis custodem constituisset, ea autem suffoderetur, atq; concuteretur, ut hostibus ad urbem aditus pateret, an non instrumentis omnibus atq; armis, quæ vel recondita haberes, vel comminisci*

DEDICATORIA.

*nisci posses, utereris, prohibens ac tela iaciens,
 conatumq; huiusmodi frangens, atq; tum ur-
 bem, tum te ipsum à periculo vindicans, tum
 Imperatori fidem ac benevolentiam conseruans?
 Nobis autē, quos Deus Ecclesia sua magistros
 praefecit, eo nomine succenses, quod Ario, qui
 non modò cum pio grege bellum gerit, sed eti-
 am permultos iam interemit, obsistimus. Ego
 verò eam ob causam periculum omne cōtem-
 no, ac quiduis potius facere desierim, quam ut
 illū, non quam maximè queo, feriam. Præcla-
 rè hæc Isidorus; nec minus præclarè Cels. V.
 cui idem prorsus erga sibi commissos animus;
 cui haud satis est, ut quos hæresis non corripuit,
 incolumes conseruet, omniq; cura tueatur: illud
 insuper sempiterna nominis sui gloria, cunctisq;
 praesulibus imitando & suspiciendo exemplo
 praestitit, quod olim de se verè prædicabat vigi-
 lans ille & imperterritus pastor, hac oratione ap-
 pud Saulem Israëlitarum Regem vsus: *Pasce-* I. Reg. 17.
bat seruus tuus patris sui gregem, & veniebat
leo vel ursus, & tollebat arietē de medio gre-
gis, & persequabar eos, & percutiebam, erue-
bamq; de ore eorum, & illi consurgebant ad-
*uer-**

AI EPISTOLA I

uerſum me, & apprehendebam mentum eorum, & ſuffocabam, interficiebamq; eos: nam & Leonem & verſum interfeci ego ſervus tuus. Hoc idem decus Celſit. V. compete-
re voce publica teſtantur, me etiam tacente, nō pauca oppida ex mediis hæreſeos faucibus ani-
moſe & piē erepta, & religioni veteri reſtituta,
Quo inſigni facinore palam fecit, ſe veſtigia po-
nere in illius paſtoris veſtigiis, qui hæc de ſua in-
procuranda ouilis ſalute diligentia. *Quod pe-*
rierat, requiram: & quod abiectum erat, re-
ducam: & quod confractum fuerat, alligabo;
& quod infirmum fuerat, conſolidabo, &
quod pingue & forte, cuſtodiam.


Ezech. 34.

Nec aliud, quam ardentiffimi in ditionis
& Dioceſeos ſuæ incolæ amoris argumentum
eſſe interpretor Collegiū, quod in vrbe BRVN-
TRVTANA Societati I E S V Celſit. V. non exi-
gua impenſa à fundamentis exſtruxit, exſtru-
ctumq; liberaliter annuis prouentibus inſtruxit;
addito vt noui, ita & viſendi operis templo, in-
genuarumq; diſciplinarum Gymnaſio, quod &
frequentia & nobilitate auditorum ita celebra-
tur: vt iam BRVNTRVTVM quoq; *Cariath*
Sepher, hoc eſt, ciuitas literarū, illuſtri elogio,
audiat.

Iſai. 15.

DEDICATORIA.

audiat. Quæ omnia Celsit. V. cum in Ecclesi-
am, tum in Ordinem nostrum merita, me per-
mouerunt, vt eiusdem Illustrissimo nomini has
Theologicarum Exercitationum lucubratio-
nes inscriberem. Impar quidem & beneficiis &
dignitati Celsit. V. munus est; non abnuo; par
tamen fiet; tametsi longissimo par intervallo; si
spectetur vnâ cū offerentis animo, eaq; obser-
uantia, qua Celsit. Vestram, nos, qui in familiâ
Beati Patris Ignatii adscripti sumus, prosequi-
mur; qui vt iam pro diuturna Celsi. V. incolu-
mitate preces fundimus, ita & illud toto pectore
exoptamus; vt cum apparuerit Princeps Pa-
storum, immarcescibilem gloriæ coronam pro
benefactis percipiat. Ingolstadtij, Kalendis I. Petri.
Decembris, M. DCIII.




**

AP.




APPROBATIO D.
DECANI FACULTATIS
THEOLOGICÆ IN ACADEMIA
INGOLSTADI-
ENSI.



Vm exercitationes hæ Theologicæ
R. P. IACOBI GRETSERI ad
conuincendas & coarguendas secta-
riorum corruptelas & calumnias, ad confirma-
dam & illustrandam veritatem Catholicam e-
gregiæ, sint, eruditæ, solidæ; dignæ mihi viden-
tur, quæ typis excusæ etiam cum aliis, siue exer-
citis siue inexercitis, publicè communicen-
tur.

ALBERTVS HVNGERVS,
*Procancellarius & pro tempore
Facult. Theol. Decanus.*

APPRO,



APPROBATIO R. P.
PROVINCIALIS SOCIETA-
TIS IESV PER SUPERIOREM
GERMANIAM.

Hos libros Exercitationum Theologi-
carum contra Hæreticos, Auctore
P. Iacobo Gretsero, Societatis no-
stræ Theologo, à quatuor patribus itidem
Theologis visos & approbatos, ego GREGO-
RIUS ROSEFFIVS Societatis IESV per
Germaniam Superiorem Præpositus Prouin-
cialis, potestate mihi ab admodum R. P. N.
CLAUDIO AQUAVIVA facta, typis mā-
dari permitto; in quorum fidem hoc Auctori
testimonium manu nostra subscriptum & si-
gillo munitum dare voluimus. Ingolstadij 7.
die Septembris. MDCIII.

GREGORIUS ROSEFFIVS.



ISIDORVS PELV.

lib. 1. Ep. 391.

SIOTA DOMESTIO MEDI,
CO, GRETSERVS, FICTITIO

Varnæ, veroq; Libauio.

S Apientem artem profiteris (*quà Me-
dicus, non quàm aurifex Alchymisti-
cus*) *κακὸς λόγος*, male fe-
riatum geris: vt qui exigua quidem vulnera
cures, ipse autem ingentibus & grauibus vlce-
ribus labores. Quocirca si re ipsa medicum te
præbere cupis, moribus tuis medere. Frigidum
enim & ridiculum, atq; illepidum est, aliis
medicinam afferre conari, seipsum
autem ægrotantem ne-
gligere.

~*~ (:) ~*~



ISI.



ISIDORVS AM.

MONI ET MARO.

NI.

Lib. 1. Ep. 354.

Et lib. 2.

Ep. 16.

Quid tibi cum genere (*Alchymistico*)
belluinis moribus prædito? Quid tibi
cum barbara natione? Quid te cum
ignobilibus commisces? Quid cum Cappado-
cibus collideris? Quid eos, qui bibendo pluri-
mum possunt, exstimulas? Quid rabie percis-
tos canes, quorum pestiferi morsus sunt, exaspe-
ras? Quid maledicas linguas exacuis? Quid tu,
am ipsius existimationem commaculas, cum il-
lis te conferens, quibus nec ut mancipiis quis-
quam mente præditus uti velit? Medicus Hip-
pocrates incurabili morbo correptis manū ad-
moliri vetat, cui assentiētes nonnulli ex iis, qui de
tua salute, *o Chymice*, ut hominis ab omni do-
loris sensu remoti, vel potius mortui, desperarūt,
nos quoque, qui te ad poenitentiam cohortamur,
tanquam *Æthiopem* dealbare conantes co-

micis diſſectis infectan-

tur.

**

3

RE.



RESPONSIO EX EODEM ISIDO.

R. O.

EGo verò multas in hominibus mutationes & iam exstitisse audiens, & fieri conspiciens, & futuras expectans, rectè mihi facturus esse videor, si bona spe fretus, te *Alchymista Antimonio* excitem ac corrigam. Quod si (id quod vtinam ne accidat) mea me spes fefellerit, illud certè labor, ne quis me criminari possit. Nec iis, qui nauigant crudeliorem me præbebo, qui cum aliquem è naui lapsum viderint, demissis velis eum ex vndis extrahere nituntur. Quod si ille seruari nolit, nemo iam erit, qui eos hoc nomine accuset, quod eum, qui noluerit, minimè conseruarint. Quamobrem ex vitij fundo emerge (*Alchymista*) ac petulantiae & lasciuiæ tuæ finem impone. Cogita, quàm caduca & fragilis hæc vita sit, quam acerbum futuræ vitæ supplicium. Quid tu incassum, vel, vt re-
ctius

Etius loquar, in malum ac perniciem tempus
consumis? Veniat tibi in mentem, quemad-
modum cum vnam duntaxat animam habe-
as, omni eam flagitiorum genere contaminaris.
Libera, quæso, te ipsum vitio atq; infamia, &
suggillatione ac cruciatu, & Ecclesiam labe.
Hactenus Isidorus loco meo ad Alchymistam;
qui falcem suam Alchymisticam in messem
Theologicam Alchymisticè prorsus, hoc est,
sycophaticè & impostoriè immittens, ita mes-
suit, ut si ab inferis reditus concederetur, exi-
stimare posses, reuixisse Blandratã, aut aliũ ex
illorum medicorum numero, qui Quinto E-
uangelio eximiam operam nauarunt, potissi-
imum in Transilvania & Polonia.

Ceterũ præter notas in librum meum ad-
uersus Hunniũ, edidit supposititius Varna A-
nalyzin Colloqui Ratisbonensis, quã Analy-
sin rectissimè ^{ἀναλύειν} ~~ἀναλύειν~~, hoc est, resolues, in quatu-
or hæc principia, in insitiã plusquam asininã:
in mendacia plusquam humana: in calum-
nias & criminationes planè Diabolicas: &
demũ in cõtradictiones inconstatissimas. Qua
omnia capita sigillatim persequi, vanũ foret.

Nam

Nam qui ita comparatus est, ut ex ANTI-
MONIO, quod insanienti Chymico paravi,
Alchymista huius genium non agnoscat, is amore
hæreseos, veritatisque odio cæcus, ne ex quatuor
quidem inscitiarum, mendaciorum, calum-
niarum & contradictionum chiliadibus,
(quas conficere prope nullus labor esset,) eum
agnosceret.

Hæc autem, quæ nunc publico opuscula,
magna ex parte dudum conscripseram, sed al-
ia occupationes euulgare vetabant. Nunc
tandem prodeunt, utinam correctius. Notata
sunt nonnulla menda. Reliqua tu pro
tua æquitate, candide lector,
emendabis.



PRÆ.



Prefatio ad Lectorem.

HÆRETICOS CITANDO SCRIPTV. RAS PARACHARACTAS falsosque monetarios esse.



DE Saxonibus quibusdam ex Italia per Gallias domum redire volentibus, hæc memoriz Paul. lib. 3. prodidit Paulus Diaconus : *Dum ad Sigisbertum de gest. Regem pergunt, multos in itinere negotiatione sua de Longob. ceperunt, venundantes regulas auri, quæ nescio quo cap. 6. modo erant colorata, ut auri probati atque examina-*

ri speciem simularent. Vnde nonnulli hoc dolo seducti, dantes aurum & as accipientes, pauperes sunt effecti. Quod Saxones olim, minore eorum, qui fallebantur, dispendio, fecerant; illud hac ætate Martinus Lutherus Saxo, & ab hoc Saxonico genitore prognati prædicantes maximo & irreparabili totius Christianitatis detrimento factitarunt, & adhuc quotidie factitant. Regulas enim æreas; hoc est, hæreses, hæreticasq; persuasiones, & pestifera dogmata; ita auro verbi Dei; sacrarūq; litterarū fulgore fucāt & pingunt; ut videantur aureæ regulæ; animisq; avidissimis, à miseris mortalib; excipiantur; q; dū se opulētissimos evasisse existimāt, totius spiritualis salutis & incolumitatis iacturā passi sūt; & qdqd celestiu charismatū habebant; id penitus perdididerunt: non

Χαλκία χρυσίοις, sed χρυσία χαλκίοις insipientissime pmutātes, idq;

A

frau-

P R Æ F A T I O

10/ue.7.

Cassian.
Collat. 1.
cap. 22.

Lib. XI.
Cod. Iust.
sit. XI.
L. 1.

Lib. 2.
tit. 6.

Lib. 4. ca.
pit. 32.

Arrian.
lib. 3.

fraudibus impostorum circumuerti, qui diuersi à sacrilego illo Achan abeunt; Hic enim argentum & auream regulam terra, re vili & abiecta, operuit. At isti plumbeam suam regulam auro, metallo pretiosissimo, vestiunt ac circumlinunt, vt desinat videri quod est; incipiatque videri quod non est; quin etiam falsi monetarij effecti adulterina faciunt numismata, eaque suis, & Lutheri sui imaginibus insigniunt. Imitantur numismata veri Regis, inquit Cassianus; quia (illorum placita) videntur ad præsens plena pietatis, sed non sunt à legitimis monetariis, id est, catholicis & probatis patribus figurata; nec de cardinali ac publica collationis eorum prodeunt officina, sed furtim fraude Dæmonum fabricata, non sine detrimento imperitis quibusque & ignorantibus ingerunt, & ad contrarium noxiumque sensum detorquent. Quo ipso signa antiqua; hoc est, veterem & legitimum sensum, expungunt, & obliterant; nouaque signa, noui & perniciosi parachaactæ, auro alioquin probato; hoc est, scripturæ sententiis affingunt & imprimunt, vt imaginem tyrannici vultus, sensus nimirum hæretici & peruersi, sub colore auri fallentis obijcere, & vt Cassianus appellat, paracaraximis seu vt alij, paracharagmatis suis mundo illudere queant. Olim numismatis Imperatorum vultu decoratis tantus habebatur honor, vt ea nemini repudiare liceret; quod prius moribus & consuetudine; post etiam lege lata receptum fuit: Solidos veterum principum veneratione formatos ita tradi ac suscipi ab ementibus & distrahentibus iubemus, vt nihil omnino refragationis oriatur: modò vt debiti ponderis sint & speciei probæ, scituris vniuersis, qui aliter fecerint, haud leuiter in se vindicandum. Hoc lex Romana. Quod sequitur, lex Wisigotthorum. Solidum aureum integri ponderis, cuiuscunque moneta sit, si adulterinus non fuerit, nullus ausus sit recusare, nec pro eius commutatione aliquid moneta requirere, propter hoc quod minus fortè pensauerit. Qui contra hoc fecerit, & solidum aureum sine vlla fraude pensantem accipere noluerit, aut petierit pro eius commutatione mercedem, districtus à iudice ei cui solidum recusauerit, tres solidos cogatur exsoluere. Ita quoque & de tremisse seruandum. Ludouicus Imperator. Quicunque liber homo denarium merum & bene pensantem recipere noluerit, bannum nostrum 60. Solid. componat. Si verò serui Ecclesiastici, aut comitum, aut vasallorum nostrorum hoc facere præsumperint, LX. scitibus vapulent.

Arrianus. τὸ τῷ καίσαρος νόμισμα ὅκ' ἔχειν ἀποδοκιμασθαι τῷ τραπεζίτῃ, ὅς ἐλαχνοπώλῃ, ἀλλ', ἂν δ' εἴς τις θέλει ὡς θέλει πρὸς εἶδαι

AD LECTOREM.

ἐξῆς αὐτὸν ὁ αὐτὸς πᾶσι μὲν. Neque numulario, neque ole-
rum venditori fas est numisma Caesaris respuere: sed ubi ostensum fuerit, o- Paulus lib.
portet, ut alter velit nolit mexces cum illo permutet. Qui numos aureos, argē- 5. sent. rit.
teos adulterauerit, lauerit, conflauerit, raserit, corruperit, vitiauerit, vultu- 25.
uē principum signatam, monetam præter adulterinam reprobauerit, lege
Cornelia de falsis tenetur. Et honestiores quidem in insulam deportantur,
humiliores autem aut in metallum damnantur, aut in crucem tolluntur. Ita
Paulus Iurisconsultus. Tanta veneratione, colebatur, mortalis cadu-
cique hominis numismata: At eò temeritatis hodie processum est; ut
sacra scripturæ oracula, quantumvis Ecclesiæ Orthodoxæ & vni-
uersalis, ipsiusque spiritus sancti; & veterum patrum faciem & speci-
em præ se ferentia, audacissime & impudentissime reiiciantur; & sæpe
non alio nomine, quam quia antiquorum patrum vultum, sensum
geniumque repræsentant. Adeo enim noua Nouatores istos dele-
ctant; ut non raro veterum patrum expositiones ideo duntaxat refu-
tent: quia à nouitate nimirum abhorrent. Audi paracharactarum
huius temporis ducem & Coryphæum Lutherum. Primum scire con-
testatosque esse eos volo, me prorsus nullius quantumlibet sancti patris au- Luther in
thoritatis cogi velle: nisi quatenus iudicio diuinæ scripturæ fuerit probatus; Assert.
hoc est: ut Lutheri mentem interpreter: quatenus in numismate, art.
quod cudit & profert antiquus quispiam Doctor, meam imaginem;
meum stemma; meumque sensum paraeharacticum reperero. Sic eni-
nim contestationem suam intelligit Lutherus; cui nihil cum scriptu-
ra concinere videtur: nisi prius concinat cum Lutherano cerebro.
Quanti errores in omnium patrum scriptis inuenti sunt? clamat ille idem
falsus, monetarius. Quoties sibi ipsis pugnant? Quis est, qui non sapius
scripturas torserit? Quoties Augustinus solum disputat, nihil definit? Hiero-
nymus in commentariis ferè nihil asserit. Qua autem securitate possumus
alicui niti, quem constiterit sapius errasse, sibi & aliis pugnassee. Scripturæ
vim fecisse, nihil asseruisse, nisi auctoritate scripturæ nos omnia eorum cum
iudicio legerim, etc. Nemo ergo mihi opponat Papæ aut sancti cuiusvis au-
thoritatem; nisi scripturis munitam; Vides lector reuerentiam Lutheri
erga veterum numismata; dicta inquam & placita sanctorum patrum,
quæ nobis suo, vel potius spiritus sancti vultu exornata reliquerunt.
Quasi antiqui patres ex ære, plumbo, aut corio monetam formarint;
non ex probatissimo & purissimo sacra scripturæ auro; auro verè o-
bryzo; ut proinde dicta & oracula sanctorum Patrum quiuis verè
Christianus pro obryzatis solidis habere meritò debeat: paris pretij &

Lib. 9. Cod.
Theod. tit.
22.

æstimationis. Omnes solidi, inquit Constantinus Imperator, in quibus nostri vultus ac veneratio una est, vno pretio æstimandi sunt atque vendendi; quanquam diuersæ formæ mensura sit. Nec enim qui maiore habitu faciei extenditur, maioris est pretij; aut qui angustior e expressione excluditur, minoris habere credendus est, cum pondus idem existat. Solidi nostri sunt scripturæ diuinitus tradita oracula; cum Ecclesiasticæ traditionis intelligentia, à Doctoribus nobis explicata; quæ in his numismatis faciei vicem obtinet; ex vnius aspectu non minorem reuerentiæ affectum concipimus; quam Imperatores concipi volebant ex intuitu Imaginis Imperatoriæ in solido expressæ. Nec in minore pretio apud nos sunt sententiæ scripturæ, seu parvæ, seu magnæ, seu multæ, seu paucæ Ecclesiastici Canonis intelligentia signatæ; quam erant solidi illi Imperatorij apud eos, quibus Imperatorum honores curæ erant. Quod si aliter facienti lex aut capitis aut ignis supplicium, aut aliam mortiferam pœnam decernit; quid nam merebuntur illi, qui non Imperatoris, sed Spiritus sancti solidos contemnunt; & nec huius faciunt? Item illi, qui aliquos, si non reipsa; at tamen verbis recipiunt, venerantur, magnique æstimant; at alios simpliciter aspersionatur, nec pro probis legitimisque nummis agnoscere volunt. In quod crimen illi incurrunt; qui quosdam canonicæ scripturæ libros admittunt; alios vel totos, vel certe aliqua ex parte respiciunt.

Lib. XI.
Cod. Iust.
tit. XI.

Quos iure optimo similes dixeris illis, aduersus quos olim hæc lex lata est. Vniuersos auctoritas tuâ proposito edicto commoneat, obryzatorum omnium solidorum vni forme pretium postulare; scilicet capitali supplicio puniendo; qui vel iussa nostræ maiestatis auaritiæ cecitate contempserit, vel æternales vultus, dum fraudibus studet, duxerit viliores. Vt igitur idem pretium statuerunt Imperatores omnibus obryzatis numismatibus; ita idem pretium statuit Spiritus sanctus omnibus Canonicæ scripturæ libris; ac proinde, qui secus agunt non iam in Imperatoris, sed in diuini spiritus constitutionem delinquant.

Inter facinora; quæ legum auctoritas grauissimè detestatur, non immerito numeraueris fraudes & imposturas; quæ circa monetam committuntur. Nam primo omnibus præcipitur, vt monetarios adulterinam monetam clandestinis secleribus exercentes inquirant; vt inuestigati tradantur iudici, facti conscios per tormenta illico prodituri; ac sic dignis suppliciis addicendi. Secundo. Accusatoribus eorū immunitas permittitur, imò etiam præmiū proponitur. 3. Vniuersæ facultates fisco addicuntur. 4. Huiusmodi falsariis variæ pœnæ constitutæ fuerunt; vt capitis

L. Quonia
C. de falsa
moneta.

L. Si quis
C. de lib.
9. Cod.

AD LECTOREM.

25

capitis poena sine ulla distinctione L. l. C. de fal. mon. Et ignis ibid. L. 2. ubi hæc edicuntur. Quicumque solidorum adulter poterit reperiri vel a quocunque fuerit publicatus, illico omni dilatione summosa, flammarum exustionibus mancipetur. Quod ille etiam patietur, ait alia lex, qui mensuram circuli exterioris adroserit, ut ponderis minuat quantitatem, vel figuratum solidum adultera imitatione in vendendo subiecerit: Ludouicus Imperator. De falsa moneta iubemus, ut qui eam percussisse comprobatus fuerit, manum ei amputetur; Et qui hoc consensit, si liber est LX. solid. componat. Si seruus est, LX. ictus accipiat. Lex Wisigothorum; qui solidos adulterauerit, circumcidetur, siue raserit, ubi primum hoc index agnouerit; statim eum comprehendat: & si seruus fuerit, eidem dextram manum abscindat. Quod si postea in talibus causis fuerit inuentus, regis presentie destinetur, aut eius arbitrio super eum sententia depromatur. Quod si hoc index facere distulerit, ipse de rerum suarum bonis quartam partem amittat, quæ omnimodis fisco proficiat. Quod si ingenuus sit, qui hæc faciat, bona eius ex medietate fiscus acquirat: humilior vero statum suæ ingenuitatis perdat, cui Rex iusserit, seruitio deputandus. Qui autem falsam monetam sculpsit, siue formauerit, quacunque persona sit, simili sententia & poenæ subiacebit. Denique ut rem in paucæ conferam, falsa moneta rei, quos vulgo paracharactas vocant, maiestatis crimine tenentur obnoxij. Hæc & alia olim in paracharactas, a quibus se exemptos volunt, qui hodie nummos falsa fusione formant; quasi minus sit monetam Spiritus sancti adulterino exemplo imitari, falsare, arrodere, concidere & circumcidere, quam numismata à principibus cudi consueua. Olim poena falsi coerceretur, ut scribit Paulus Iureconsultus; si quis æs inaurasset, inargentasset, quibus, cum argentum vel aurum poneret, æs stannumque subiecisset. Hæretici vero qui sectas suas plumbeas, præsus, terrenas & diabolicas sacrarum litterarum dictis inaurant & inargentant, pro hac impostura laudem querunt & gloriam; tantum abest ut poenam metuant, cumque pro argento & auro supponunt æs, stannum aut plumbum; tum demum viri boni officio egregie se perfunctos videri cupiunt. Commemorat B. Iohannes Damascenus in catalogo Hæreticorum quosdam parermeneutas, qui nonnulla diuinorum scriptorum tam veteris quam noui testamenti capita interpretantur arbitrato suo, &c. Idque studio vincendi faciunt; ad multa autem, quæ ita accurate & subtiliter exponuntur, ut reprehendi non possint, studium vincendi contentionesque adferunt: idque faciunt imperitia quadam & inscitia iudicandi. Panermeneuta à Damasceno depicti, sunt nostri paracharactæ; Nam sacras litteras παρερμηνεύειν & παραχαράττειν re vnum scelus est, sub gemino nomine.

Theod. tit. 21. L. 5.

Paulus lib. 5. sent. tit. 12.

Lib. 9. C.

Theod. tit. 22.

Vide L.

Quicumque l. lege. Cornelia.

L. Qui falsam ff. de Lege Cornelia.

Lib. 4. cap. 32.

Paul. lib. 5.

sent. tit. 25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

25.

*Cod. de
falsa mo-
net. & lib.
9. Cod.
Theod. iij.
21. l. 9.*

Olim priuata auctoritate pecuniam percutere nulli fas erat: tanta enim seueritate cauebatur, ne quis hoc sibi licere crederet; vt quamuis rescriptum ea de re impetrasset; id Imperatores nullius ponderis esse iusserint. Si quis super cudendo ære, inquit Imperatores, vel rescripto aliquo, vel etiam adnotatione nostra sibi arripuerit facultatem; non solum fructum propriæ petitionis amittat, verum etiam pœnam, quam meretur, excipiat.

2. Pet. 1.

Queramus ex istis monetariis, quis illis fecerit potestatem monetæ non dicam adulterandæ; radendæ, rodendæ, conflandæ, vitandæ imaginisque principalis mutandæ; sed feriendæ? Certè rescriptum nullum nobis monstrare poterunt. Et vt maximè monstraret, pro subreptio à nobis haberetur. Quare quidquid agunt, id priuata auctoritate agunt; nullus autem priuato ingenio vel vnum bonum nummum cudere valet. Stat enim immota illa D. Petri sententia: Hoc primum intelligentes, quod omnis Prophetia scripturæ propria interpretatione non fit. Non enim voluntate humana allata est aliquando Prophetia; sed Spiritu sancto inspirati locuti sunt sancti Dei homines. Cum ergo Sectarij ἰδὲ ἐπιλύσαι, suo pte nutu & arbitrato nummos cudant & signent, recipiendi non sunt etiam tunc, cum veram alioquin interpretationem sacræ scripturæ adferunt. Quia hanc quoque propria auctoritate non publica adferunt. Nec illi tantum puniuntur, qui falsam monetam cudunt; aut veram vitiant; sed & illi, qui probam sua auctoritate ferunt; nam neque arma, neque monetæ, nisi publicæ, à certis publicis que personis fabricari aut percuti possunt. Quanto igitur magis fugiendi & detestandi sunt, cum in aurum vitij quid addunt, cum nummos flant adulterinos veteresque radunt, tingunt, fingunt; præsertim cum Lege de falsis non modo teneantur, qui eiu smodi nummos dolo malo vendunt, sed & qui emunt. At negant isti se sua eaque priuata auctoritate numismata cudere; hoc est; sacrarum litterarum oracula exponere; exposita que aliis proponere. Cæterum an ideo falsum nō est quod dicunt, quia ipsi id falsum non esse asserunt? Negant se adferre noua dogmata, sed instaurare vetera. Quasi vetera non sint, quæ ad hunc vsque diem ab annis mille quadringentis (& amplius) docuit ac seruauit Ecclesia; magno orbis consensu, aut quasi ipsis constet, quid Apostoli tradiderint suis Ecclesiis, &c. An non illud nouū dogma: hic panis consecratus est corpus Domini, hoc vinum est sanguis Domini? Corpus sub pane est sine sanguine; sanguis sub vino est sine corpore, neutri adest anima. An non nouum est, in Eucharistia nihil est, nisi panis & vinum? An nou nouum baptisma

*L. Lege
Cornelia
ff. de Leg.
Corn. de
falsis.*

*Erasmi. E-
pist. ad
fratres in-
fer. germ.*

nulli

A D L E C T O R E M.

7

nullo necessarium esse? Docent purum & putum Euangelion. Quodnam? ut
per fidem ab vno Deo per vnum servatorem & conciliatorem nostrum Ie-
sum Christum omnis & iustitia & salus petatur. Quid his verbis religiosi-
us? At quantum in his latet veneni? Impium est innuocare diuos aut colere,
cum nihil possint apud Deū, &c. Sola fides iustificat, nec refert cuiusmodi sint
hominis opera. Nil opus est operibus satisfactoriis, nam hoc est diffidere
Christo, qui pro nobis depēdit. etc. Inutilis est confessio, etc. Hæc omnia latens
sub illis religiosissimis verbis. Hoc sibi sumunt pro confesso, quod docēt Chri-
stum purē, quod orbi sincerē tradunt Euangelicam veritatem. Vbiq̃ue præ-
dicant litteras sacras, quasi apud nos nec Christus sit, nec Euangelium, nec sa-
cræ litteræ, etc. Cum & a summo Pontifice & a Cæsare. & a Theologorum
scholis, denique maximæ totius orbis partis consensu damnati sint hæreseos.
Ipsi Arianos habent pro hæreticis. Quo freti, nisi iudicio præsulū & orbis
consensu? At Ariani pernegabant se esse hæreticos, sed asseuerabant scri-
pturam a cæteris perperam intelligi. An ideo non erant hæretici, & falsi
monetarij? Verumenimvero, nullane ratio suppetit istos parachara-
ctas agnoscendi; ne nobis pro veris probatisq; nummis æreos, stan-
neos, plumbeosque obtrudant & vendant? Vtique non vna; sed mul-
tiplex; dummodo quis animum & oculos paululum advertere velit.
Sciens beatus Apostolus Paulus profana & noxia letalis doctrinæ instituta
posse veri specie obumbrari, & latentibus intrinsecus dolis, arguta verbo-
rum superficie, serpentina grassationis virus obduci, nec facile veneniferum
poculum, mellis dulcedine oblitum siue permixtum, in ipso primo libantis gu-
stu sentiri atque discerni, magnum nobis ac singulare indagandæ fraudis
indiciū dedit, ut ex cuiusque doctoris morum qualitate doctrinæ sin-
ceritas exploretur. Namque ut facili & prompta sagacitatis attentione
sceleratæ doctrinæ præstigia deprehendere valeamus, ipsorum nobis aucto-
rum vitia probrosis & indignis voluptatum moribus perpetranda depinxit
dicens: in nouissimis temporibus instabunt tempora periculosa, & erunt ho-
mines seipsos amantes, cupidi, superbi, blasphemæ, parentibus non obediētes,
ingrati, scelesti, perfidi, sine fide, sine affectu, criminatores, pacem non custo-
diētes, &c. Non est ergo ambiguum ex impietate hæretica descendere, paren-
tibus non obedire, eosdemque falsis criminationum iaculis appetere; hinc e-
nim tales perfidos & sine fide notauit, quod parentibus non solum inobedi-
ētes, verum etiam acerrimi eorum criminatores existant. Quæ cum ita sint,
nulli profecto ambiguum erit, istos hæreticos & paracharactas esse, qui cō-
temptris omnibus antiquis Doctoribus nobis, inquiunt, auctoribus, no-
bis principibus, nobis expositoribus, damnatæ quæ tenebatis, tenete quæ dam-
nabatis,

Noua nu-
mismata
paracha-
ratarum.

2. Tim. 3.
Vigilius li.
5. contra
Eutychen.

Vincent. c.
14. & cap.
26.

P R A E F A T I O

nabatis, reſcite antiquā fidem, paternā inſtituta, maiorum depoſita; & re-
tipite. quānam tandem? Horreo dicere, ſum enim tam ſuperba, vt mihi non
modo adfirmari ſed ne reſelli quidem ſine aliquo piaculo poſſe videantur.
Audias etenim quosdam ipſorum dicere. Venite o inſipientes & miſeri, qui
vulgo catholici vocitamini, & diſcite fidem veram, quā præter nos nullus
intelligit, quā multis ante ſæculis latuit, nuper verò reuelata & oſten-
ſa eſt.

Eraſm. E.
piſt. in
plendo E.
uang.

Quis verò vnquam Prophetes prædixit hoc futurum, vt totus orbis ig-
noraret Chriſtum ab Apoſtoliſ prædicatum, ac pro Deo coleret idola: tum
quotquot in Apoſtolorum vicem ſucceſſerant excæcati nihil viderent in ſa-
cris litteris, deinde poſt mille trecentos (imo propè quingentos) annos ad
neſcio quibus nouis Euangelifſtis ad veritatis cognitionem reuocaretur? Ita-
que quiſquis ſalutis ſuæ amans eſt; iſi in talem monetarium noua
numiſmata obtrudentem & venditantem incidat: Paulinam illam
admonitionem Timotheo datā in mentem reuocet: o Timothee,

Vincen. c.
27. & 34.

depoſitum cuſtodi. Aurum accepiſti; aurum redde. Nolo mihi pro aliis alia
ſubiicias, nolo pro auro aut impudenter plumbum, aut fraudulentè ara-
menta ſupponas; nolo auri ſpeciem, ſed naturam plane. Deuitans profanas vo-
cum nouitates, deuita, inquit, quaſi viperam, quaſi ſcorpionem, quaſi baſili-
ſcum, ne te non ſolum tactu, ſed etiam viſu aſſlatuque percutiant. Quid eſt
deuitare? cum huiusmodi nec cibum ſumere. Quid eſt deuita? ſi quis, inquit,
venit ad vos, & hanc doctrinā non adfert. Quā doctrinā, niſi catho-
licā & vniuerſalem; & vnam eandemque per ſingulas ætatum ſucceſſio-
nes incorrupta veritatis traditione manentem, & vſque in ſæcula ſine fine

Eraſm. E.
piſt. ad
frat. Infer.
germ.

manſurā. Blanda dictu ſunt iſta, quæ tertio quoque verbo occurrunt
Solidorum adulteri. Nullus obligatur ad conſtitendum ſacerdoti; pontificum
præſcriptiones de ieiuniis ac delectu ciborum reiicienda ſunt. Non eſt cur
quiſquā ſe maceret operibus ſatisfactoriis. Chriſtus dependit abundè pro no-
bis, nec ad ſalutem refert bona an mala ſint opera noſtra: tantum crede il-
lum pro te redimendo mortuum & ſaluus eris, quali acunquæ fuerint opera
tua. In Euchariftia non eſt niſi panis & vinum; Pontificum & Epiſcoporum
ſanctiōnes non obligant quēquam. Vota vt ſuſcipienda non ſunt, ita reſcin-
denda ſunt quæ ſuſceperis. Ius contrahendi matrimoniij nullius auctoritate
poſteſt cuiſquam interdici. Hæc aliaque ſimilia prima ſpecie blandiuntur auri-
bus, ſed etiam atque etiam videndum eſt, ne poculum melle prælitum, habeat
aconitum diſſimulatum. Eſtote ſimplices ſicut columbæ, ne quem lædatis aut
circumueniatis, ſed iidem eſtote ſapientes ſicut ſerpentes, ne vos Satanas mille
inſtructus aſtibus circumueniat, corrumpatque ſenſus veſtros à ſinceritate,

quæ

AD LECTOREM.

9

quæ est in Christo Iesu. Hæc monita ab eo profecta, qui paracharactas istos perfecte nouit; nec ab eorum studiis planè alienus fuit, merito magnum auctoritatis pondus apud quosuis prudentes obtinent: maius tamen absque vlla comparatione hæc Christi Domini adhortatio: *Estote boni trapezitæ seu nummularij.* Hoc enim Redemptoris nostri dictum esse testatur Clemens Romanus; S. Hieronymus, Eusebius Casariensis, Damascenus, S. Chrysostomus; Cassianus. Postremi hæc sunt verba, à quouis in intima præcordia demittenda. *Efficimur secundum præceptum Domini probabiles trapezitæ.* Quorum summa peritia est, ac disciplina, probare quodnam sit aurum purissimum, & ut vulgo dicitur, obryzum, quodue sit minus purgatione ignis excoctum: æreo quoque vbique denario, si pretiosum numisma sub colore auri fulgentis imitetur, prudentissima discretionem non falli; & non solum numismata tyrannorum vultus exprimentia sapientes agnoscere, sed etiam illa, quæ sunt, verique regis imagine, sed non legitime figurata, peritia sagacior discernere. Deinde ne quid illis à legitimo pondere diminutum sit, censura trutinæ diligenter inquirere. In numismate enim tria quærentur, metallum, figura & pondus. Si ex iis aliquid defuerit, numisma non erit. Quæ omnia nos quoque debere spiritaliter obseruare Evangelicus sermo sub huius nominis demonstrat exemplo. Primum, ut quicquid cordibus nostris irreperit, vel si quod nobis dogma fuerit intrinsum, verumnam sit diuino illo & cælesti Spiritus sancti igne purgatum, an ad Iudaicam (Hæreticam) superstitionem pertinens, seu de secularis Philosophiæ tumore descendens in superficie tantum præferat pietatem, diligentissimè perscrutemur. Quod ita poterimus implere, si illud Apostolicum fecerimus: nolite omni spiritui credere; sed probate spiritus, si ex Deo sint. Trapezitas vocauit vos Deus, ait S. Chrysostomus, ut doceret, omnes idem studium adhibere in excutiendis probandisque iis, quæ dicuntur, quantum adhibent trapezitæ, id est, mensarij in probandis nummis. Ut igitur illi adulterinum nummum eiiciunt, & legitimum ac iustum probant, & legitimum à non legitimo secernunt; sic facias tu: ne omnem sermonem amplexaris, quin potius adulterinum exclude, & salutarem menti trade. Habes enim lances & pondera non ex ære facta, sed quæ ex fide constant; his proba omnem scripturam. Idcirco enim ait: estote probi trapezitæ: non ut in foro nummos numeremus, sed ut sermones omni diligentia excutiamus: ob hanc causam ait Apostolus: omnia probantes, quod bonum est tenete. Huiusmodi trapezita fuit etiam S. Hieronymus; qui miratib. cur Hæreticorum scripta euoluat; in hunc modum respondet, Talis, sciat me illud Apostoli libenter audire: Omnia probate, quod bonum est tenete. Et

Clem. lib.
2. Constit.
c. 26 S. Hieron. Epist.
152. Euseb. Apolog.
pro Orig.
Damasc. lib.
4. fid. Orthod. S.
Chrysost.
Homil.
Quare a.
Hæc Apostolus. non leguntur in Pentateuco, etc. Cassian. Collat. 16.
20. Cyrill. Alexand.
in Isaiam.
teste Mariano V.
Borio in Schol. ad Epist. 152.
S. Hieron. Isid. lib. 16.
Erym. cap. 17. Cass. loc. cit.

1. Thess. 5.

B

Saluato-

Saluatoris verba dicentis? Estote probati nummularij: vt si quis nummus adulter est, & figuram Cæsaris non habet, nec signatus est moneta publica, reprobetur. Qui autem Christi faciem claro præfert lumine, in cordis nostri marsupium recondatur.

Tria ergo à probato nummulario in nummis exquirenda & exploranda sunt: metallum, ne plumbum deauratum pro auro, ne stannum aut es deargentatum pro argéto proponatur: figura; ne pro vultu & imagine spiritus sancti, veterumq; doctorum nobis obiciatur vultus & imago alicuius hæretici; Lutheri putà, Zwinglij, Caluini, & similium: pondus; ne numisma quod offertur, sit subuentaneum, inane & potius simulacrum numismatis, quàm verum numisma. Omnia hæc ad Lydiū lapidē; ad trutinā falli & fallere nesciā examinanda sunt; ad iudiciū in quā, sensum communemq; consensum Ecclesiæ; & si tu tam peritus non es, vt hoc lapide & hac libra vti noris, aliis te peritioribus hanc prouinciā delega, fraudēq; deprehēdes. Nō satis est sciscitari: cuius est hæc imago & superscriptio? quia quod ex veritatis præscripto respondendū esset, id nunquā respondebunt; aut si respondeant; nihilominus falsum responsum erit: Nā si dicant; superscriptionē illā esse Cæsaris, hoc est, publicæ auctoritatis; iā hoc ipso mēdacij eos arguere licebit; cum publicæ auctoritati adscribi nequeat id, quod priuata paracharakterū libidine patratum est. Memoria tene ipsum monetæ vocabulū, ne decipiaris. *Moneta appellata est, quia monet, ne qua fraus in metallo vel pondere fiat.* Sit ergo tibi moneta monitrix. Nec fidem adhibe iactantibus præstantiam metalli, fidemque ponderis in numismatibus, quibus te inescare student. *Etiāne volenti ac cupienti in monetæ vsu non hallucinari, satis est istud audire hortantem, vt probatæ monetæ denarios tantum accipiat, adulterinæ vero reiciat? Certè satis non est. Quid ergo huic monitioni oportet adicere? Num verò quid aliud quàm facultatem, qua possit cognoscere & discernere denarios probos ab adulterinis? Quapropter in pensitandis quoque rationibus simplex illa præceptio (& sinceritatis pollicitatio) non satis facit, sed omnino solertem æstimatorem earum effici conueniet, vt quid intersit, inter verum falsumq; & ambiguum ritè discernas. Accedamus ad regulas, clamat ille idem Philosophus. Adducito primas notitias. Mirari satis nequeo, quod vulgò fieri consuevit. Cum pōdera discernere volumus, non temere iudicamus: cum recta & curua, non casu quodam internoscamus. Breuiter, quando nostra interest simpliciter nosse quid, quolibet loco verum sit & consentaneum; minimè oscitanter agimus. At vbi primum & vnum illud est quod nobis causa sit rectè aut non rectè agendi, pro-*

sperè

*Isid. lib. 1.
Erymol.
cap. 17.*

*Arria. lib.
cap. 7.*

*Arria. lib.
cap. 18.*

spere vel improspere, misere aut beate viuendi, ex eo omnes temerarij & inconsiderati sumus. Nusquam apparet libra, nusquam canon aut regula, ad quam negotium religionis examinemus: sed simul vt visum fuerit, ita vt visum est facio.

Num furiosus aliud facit, quam quod sibi videtur bonum? An ei satis est ad se defendendum huiusmodi iudicium? Non satis videtur esse. Ergo accede ad sublimius iudicium, quam id sit, quo tibi videri aliquid dicis. Quodnam illud est? Principium scilicet philosophiæ (& religionis Christianæ) quod ipsum est notitia discordiæ, qua inter se pugnare solent homines, & peruestigatio, vnde dissensio & bella huiusmodi oriuntur: (Ex eo nimirum, dum ad vnitatis originem non reditur, nec caput queritur, nec magistri cælestis doctrina seruatur. Quæ si quis consideret & examinet, tractatu longo atque argumentis opus non est. Probatio est ad fidem facilis compendio veritatis; Loquitur Dominus ad Petrum; Ego tibi dico, inquit, quia tu es Petrus, & super istam petram ædificabo Ecclesiam meam, &c.) Præterea reiectio & fuga eius, quod obiter intuenti ita videri solet: nec non accurata inquisitio, num recte aliquid videatur: quin etiam inuentio regula cuiusdā, licet pensitandis ponderibus statera est inuenta, & vt perpendicularum atque æmulus tortuosus & rectis internoscendis. Principiumne philosophiæ (& religionis Christianæ) illud statuemus, omnia recta esse, pro eo vt cuiq; visum fuerit? At quomodo fieri potest, vt pugnantia inter se sint recta? Ergo non omnia sunt recta: sed duntaxat illa, quæ nobis (Lutheranis paracharactis) videntur. Cur magis recta sunt, quam quæ videntur Syris (Caluinianis) quam quæ Aegyptiis (Anabaptistis, Schwenckfeldianis) quam quæ mihi; quæ quæ cuius alteri? pfecto nihilo magis recta sunt. Itaq; vt aliquid rectū sit, satis nō est; quod ita alicui videatur, nā ne in ponderibus quidē librandis, mensurandisq; rebus, ὡς τῆς ἐμφάσεως sola nudaq; opinione & persuasione cōtenti sumus, sed in omnibus regulā quandam adhibemus. Annē igitur in his de quibus loquimur, nulla regula erit eminentior; quam nostra existimatio, seu quod ita nobis aliquid videatur? Sed qui fieri potest, vt certa indicia & κριτήρια nulla sint, aut peruestigare ea non queamus, quibus in vita nihil est magis necessarium? Quod si est aliquid, quare nō querimus? Et inuento, quare non absque vlla transgressione vtimur, ita vt ne digitum quidem absque eo extendamus? Eo inuento, vt mea fert sententia, liberari insania sua poterunt hi, qui vna hac mensura abutuntur, qua nimirum sibi videri aliquid dicunt, & ideo, quia videatur, censent rectum. Ergo si quis numismata, diuinarum inquam litterarum oracula; quæ ab istis pferuntur, expēdat ad pondus sanctuarij; & ad æquissimā Ecclēsiæ

Arian. lib.
2. c. 11.

2. Cypr. li.
de unit.
Ecclesiæ.

stateram appendat, hoc est, si diuinum canonem secundum vniuersalis Ecclesie traditiones, & iuxta catholici dogmatis regulas interpretetur: nihil periculi ab impostoribus ærea pro aureis obtrudentibus imminabit. Regula seu libra opus est; qua omnia metiamur & ponderemus: & quidem certa, stabili, & immota; quæ nemini fraudi sit, aut fraudis causa; quod consequemur si ad vnā Ecclesiastici sensus regulam scripturæ cœlestis intelligentiam dirigamus; neque nummos oblatos ideo approbemus; quia nobis probi videntur, aut quia à paracharactis probi esse asseruntur. Imitemur sedulos cautosque nummularios iussu & præcepto Domini. Considerate, inquit, ille, quid fieri in moneta soleat, quando ad nos pertinere, & nostra referre videtur, ut simus eius gnari, eius quidem cuiusmodi sit inuenta ars, & argentarius, quibus utatur ad explorandum numisma, oculis videlicet, tactu, olfactu, postremo auditu quoque, quis nescit? Violenter enim in aliquo illidens denarium, sono attendit. Quin etiam contentus non est semel vibrato nervo, sed multa sonorum attentione tandem efficitur musicus. Haud minor diligentia, in hoc itidem negotio adhibenda est; imò absque comparatione maior; quanto videlicet maioris momenti est circumueniri in his quæ ad salutem animæ spectant; quàm in his, quæ cum tempore labuntur & pereunt. Annunciare aliquid Christianis catholicis præter id quod acceperunt, nunquam licuit, nusquam licet, nunquam licebit: & anathemare eos, qui annunciant aliquid præterquam quod semel acceptum est, nunquam non oportuit, nusquam non oportet, nunquam non oportebit. Quæ cum ita sint; Estne aliquis vel tantæ audacia, qui præter id, quod apud Ecclesiam annunciatum est, annunciet: vel tantæ leuitatis, qui præter id, quod ab Ecclesia accepit, accipiat? Vinam nullus esset; maxima tamen ubique paracharactarū, & eorum, qui paracharactis fidem adhibent, copia visitur; quamuis clamet, & repetendo clamet, & omnibus & semper, & ubique per litteras suas clamet ille, ille vas electionis, ille magister gentium, ille Apostolorum tuba; ille terrarum præco, ille cœlorum conscius, ut si quis nouum dogma annunciat, anathematizetur; quia falsarius est; probatæque monetæ adulter; nec aliud iudicium sequitur quam suum; nec ad aliam lancem aut expendit ipse, aut ab aliis expendi vult sua numismata, dogmata inquam; quàm ad suam priuatam, eamque falsam & fallacem; Nam τὸ δὲ οὐκ ἔστιν, videri; pro vnica regula habet. Si aliter videretur, aliter sentiret. Nunc quia ita videtur, ita sentit; alia & aliter sensurus, docturus, se scripturus, ubi aliter videbitur. Sed negant isti audacter pro regula habere τὸ φανόμενον, id quod videtur, seu proprium iudicium; imò

Arrian.
lib. 1. c. 20.

Vincens.
cap. 14.

verò

AD LECTOREM.

13

verò, inquit, scripturam sacram pro vnica regula suscipimus, suscipimus & veneramur. Verum an ideo fidem meretur paracharactas; quia omnia sua se formare & figurare clamat publicè auctoritatis nutu & iussu; adque pondus stateramque publicam? An propter hanc mendacem gloriationem & prædicationem, non sequitur & sectatur priuatam suam libidinem; contempta auctoritate publica, in quam grauissimè delinquit, hoc ipso, quod tales nummos signat & cudit. Dic obsecro, an ille propositam sibi habeat aliam regulam præter suam phantasiam; & præter suum velle; qui ita scribit. *Principio neganda mihi sunt septem sacramenta, & tantum tria pro tempore ponenda, baptis- mus, poenitentia, panis.* Quid sibi vult illud pro tempore? Quid aliud, quàm tria tantum sunt sacramenta; quia videntur mihi hoc tempore tantum esse tria sacramenta; vbi mihi visum fuerit plura vel pauciora esse; plura vel pauciora constituam. Etsi statim Vertumno huic aliud visum est, quanquam si *vsu scriptura loqui velim*, inquit Lutherus, *non nisi vnum sacramentum habeam, & tria signa sacramentalia.* An talis sequitur certam, indubitatam, vndique sibi constantè & consentientè regulam; qui pro tempore tantum sua placita statuit; mutaturus pro tempore eadem, sicut pro tempore condiderat? An non iudicium duntaxat suum volubile, versatile & instabile sequitur, qui pro tempore quæ subiiciã dogmata tradit, tanquam aurea, quin & gemmea, & ex ipso Spiritus sancti intimo pectore deprompta. *Consequitur ridiculum commentum esse liberum arbitrium. Quia voluntas nostra adeò non est libera, vt eo tantum feratur, quorsum à Deo impellitur, &c.* Nos verò dicimus, non solum permittere Deum creaturis vt operentur, sed ipsum omnia propriè agere, vt sicut fatentur proprium Dei opus fuisse Pauli vocationem, ita fatentur opera Dei propria esse, siue quæ media vocantur, vt comedere, bibere communia cum brutis: siue quæ mala sunt, vt Davidis adulterium, etc. Ergo non est cur frigidum glossema recipiamus, Deum mala permittere; non etiam facere.

Luth. de captiuit. Babylonica.

Philip. in Aunotar. super Epist. ad Rom. Argentor. rati 1523

Hæc Philippus pro tempore; quia ei tunc ita videbatur; vbi alia phantasia superuenit, eluit priorem phantasiam; tam in dictis annotationibus super Epistolam ad Romanos; quàm in locis communibus, vbi similia, planè impia & athea, tradiderat; sed pro tempore, quia omnia sine stabili, immutabili, semperque veraci regula effutierat; ea solum de causa, quia ita videbatur. Obsecro, num quæ tragædia habet argumentum aliud? Quid est *Atreus Euripidis* & *παρὸς πρὸς*, visum. Quid *Oedipus Sophoclis*? Visum. *I hoenix*, visum. *Hippol. tus*, visum. Placita Lutheri;

Philip. loc. commun. tis. de lib. arbitrio. Argentor. 1573. Arrian. li. 1. c. 29

theri; dogmata Philippi, quid sunt? τὸ φαινόμενον. *Visum. τίς δ' ἐλπί-
γεται οἱ παντὶ τῷ φαινόμενῳ ἀκολουθῶντες; μαιόμενοι. Qui verò
appellantur, quibus consuetum, omne quod videtur, & à phantasia dicta-
tur, sectari? Insani.* Habent ergo Lutherus, Philippus; alique secta-
rij legitimum suum genuinumque nomen ab Ariano Philosopho
Ethnico: sed in hoc argumento omnibus nouatoribus longè sapi-
entiore, qui acutè vidit, rectèque scripsit in omnibus actionibus &
disceptationibus regula certa opus esse, ad quæ facile promptumque sit,
quâlibet quæstionè & controuersia exigere & exputare; litibusque
finem imponere; qualis regula scriptura non est, ut maximè alio quo-
dâ sensu norma sit & regula, tû quia omnes paracharactæ ad eam con-
fugiunt, & sub tegmine eius fraudes & imposturas suas celant; tum
quia de hac ipsa norma eiusque sincera & germana sententia cum
paracharactis disceptamus. Oportet ergo aliam regulam constitue-
re; ad quam disceptationem nostram examinemus, ut enim stultissi-
mè faceret ille paracharactes aut ponderum trutinarumque corrup-
tor; qui numisma pondusue mihi proponens, quod ego adulteri-
num falsatumque esse contenderem; huius aliam probandi & exami-
nandi rationem nec proferret, nec admitteret; quàm ipsum numi-
sma, vel pondus; aut aliud simile numisma vel pondus: ita insipien-
tissimè agunt sectarij, cum prolato quopiam scripturæ loco, hunc
vel illum loci illius sensum verum probumque esse asseuerant; nec
id aliter ostendunt; quàm per illum ipsum locum; aut per aliquem
aliquo modo similem, cum tamen ut in nummis & ponderibus di-
stincta quadam minimeque fallaci norma opus est; ut veritas eru-
atur; ita & in nostro argumento per aliud indicium indagare debea-
mus; num verus sit ille sensus; quem tu mihi venditas; an falsus &
commentitius. Aliàs insulsiimè, aut idem per idem examinabi-
tur & probabitur; aut per aliud quidem: sed æquè incertum, per-
plexum & adulterinum: quod dico propter illos, qui numismata per
numismata, scripturas per scripturas examinant, explorant, & pro-
bant, quasi verò si nummus probandus falsatus sit; alter non possit
etiam esse falsatus. Aut si is cum quo prior comparatur, non sit a-
dulterinus; ideo necesse sit priorem quoque non esse adulterinum,
quasi paracharacta in eodem sacculo non queat circumferre plura
adulterina numismata, & falsa pondera; prolatisque duobus dicat:
Ecce nummum probum probatumque; quia & iste probus proba-
tusque

tusque est. En pondus iustum; quia & hoc pondus iustum est. Hoc, id est, panis, est corpus meum: quia Apostolus Eucharistiam vocat panem. Hoc, id est, panis, Est, id est, significat corpus meum: quia Exodi 12. accipitur est pro significat. An non sunt hæc egregia examina numismatum & ponderum, de quorum probitate & sinceritate ambigitur? An non per hæc examina omnis dubitatio & incertitudo tollitur? Tantum abest, ut tollatur, ut potius magna accessione augeatur. Ergo ad Lydium lapidem; ad pondus sanctuarij; ad Ecclesiæ traditionem doctorumque veterum auctoritatem confugiendum est. Ad Zygoslaten publicum, & à Deo in hac Ecclesiastica Republica constitutum, accedere oportet; Quorum trutinæ & examini si dogmata ista imponamus, è vestigio, vanitatem, inanitatem, leuitatem, omnēque fraudem deprehendemus. Quid est, de quo litigamus probumne sit an improbum genuinum an adulterinum inquit Arrianus, *Voluptas*. ὦταγε αὐτὴν τῷ κανόνι, βάλε ἐς τὸν ζυγόν. *Applica eam canonis seu regule. Mute in libram.* An non bonum eiusmodi esse debet, cui fidere dignum sit? *Vtique.* An igitur tale quid voluptas? Nequaquam. Deice ergo & voluptatem ex libra; eamque extra bonorum classē quā longissimè ablega. Quod si tam acutis non es oculis; & statera, quæ in te est, huic rei expendendæ non sufficit; accipe aliam. Gloriarinè licet bono? *Vtique.* Præsenti voluptate estne qui gloriari possit? Caue ne affirmes; aliàs ne trutina quidem te dignum dixerō. ὅτω κείνεται τὰ πρᾶγματα καὶ ἴσεται τῶν κανόνων ἡτοιμασμένων, καὶ τὸ φιλοτοφεῖν τὸ ἐπὶ ἐπισκέπτεισθαι καὶ βεβαίῃ τὰς κανόνας. In hunc modum diiudicantur res, & subsistunt constitutis certis definitisque regulis. Et hoc est philosophari, perpendere & constabilire regulas. Hæc pulchrè philosophus ille; quæ & nobis vsui erunt; si velimus uti. Nam ut vno alteroūe exemplo rem clariorem efficiam; quando Philippus cum his adulterinis nummis & ponderibus tibi sese offert; omnia necessariò euenire scripturæ doceat; Esto videatur tibi in rebus humanis esse contingentia, iudicio rationis hic imperandum est: Nullam libertatem esse voluntati humanæ in sumendis vel ponendis spiritualibus affectibus, amore, metu Dei, fide, spe, &c. perspicuum est: nam carnales nihil moror, quanquam neque in his libera est. Etiam iuxta naturæ iudicium in affectibus nulla libertas est. Nulla libertas est, si voluntatem humanam ad prædestinationem conferas. Contendere iudicio Christianis non licet; quando, inquam, hæc & id genus alia plumbea, sed scripturæ auro fucata numismata Philippus tibi obtrudit; adhibe

Arrian.
lib. 2. c. 10.

Philip. loc.
comm. tit.
de lib. ar.
bitr. 1523.
Argenti.

Idem tit.
de abrogat
legi.

ea ad stateram & examen Ecclesiastici Canonis, moxque, plusquam stoica, ne dicam planè Diabolica, esse videbis, quæ vulgus cerebri vacuum propemodum adorat: Et hoc est θεολογῆν, seu de diuinis rebus rectè sapere & loqui; Ecclesiasticæ traditionis canonem sartum tectumque conseruare; & extra præscriptum illius nihil approbare.

Clemens
Rom. E-
pist. 5. re-
fertur d.
37. cap. 14.

Diligenter namque obseruandum est, vt lex Dei cum legitur, non secundum propriam ingenij intelligentiam legatur vel doceatur. Sunt enim multa verba in scripturis diuinis, quæ possunt trahi ad eum sensum, quem sibi vnusquisque sponte præsumpsit. Sed fieri non oportet. Non enim sensum, quem extrinsecus adulteretis, alienum & extraneum debetis querere: aut quoquo modo ipsum scripturarum auctoritate confirmare: sed ex ipsis scripturis sensum capere veritatis. Et idè oportet ab eo intelligentiam discere scripturarum, quæ eam à maioribus secundum veritatem sibi traditam seruauit; vt ipse possit ea, quæ rectè suscepit, competenter asserere.

Ephes. 4.

Theod. lib.
1. de curad.
græca. af-
fect.

Quod si quis tam dexter doctusque non est, vt ipsemet talia numismata explorare, & ad pondus sanctuarij, ad iudicium videlicet, sensumque Ecclesiæ adhibere norit; is roget pastores & doctores, vt hoc suo loco præstent; hos enim collocauit Christus in hoc gradu ad consummationem sanctorum in opus ministerij, in adificationem corporis Christi, vt iam non simus paruuli fluctuantes, & circumferamur omni vento doctrina in nequitia hominum, in astutia ad circumuentionem erroris. Harum rerum peritia non est omnium, sed eorum duntaxat, qui illius artis sciētiam tenent. Itaque si probatum aurum à crudo dignoscere velimus, minimè nos quidem id probationi subiicimus, sed explorari ab eo curamus, qui sit huiusmodi probationis peritus. Is verò aut indici admotum, aut igni excòctum, vel legitimum esse aurum vel adulterinum decernit. Ita & cum pretiosos lapillos emimus, nequaquam nobis in eorum discretione ac delectu credendum putamus, sed iis potius insitioribus, quibus temporis diuturnitas experiētiæque huius rei iudicium inuexit. Si quis præterea sericam sibi vestem, picturatamque aut intertextam auro comparare statuit; à peritis textoribus æstimari eam iubet. Ille etiam, qui scire auet, quot pondo censenda sint vel aurea vasa vel argentea, vel numismata quæpiam, pendenda ea liblatoribus defert, ab iisque pondus illorum, grauitatemque perdocetur, creditque illorum dictis, nec diffitetur.

Cum olim emptio venditioque solidorum (quos multi auaritia rapti

rapti excidebant, deminuebant, & arrodebant impediretur, nonnullis tanquam leues eos vel debiles repudiantibus, iussit Imperator, per singulas ciuitates constitui Zygoſtaten, qui pro ſua fide atque induſtria neque falleret, neque falleretur, vt ad eius arbitrium, atque ad eius fidem, ſi qua inter vendentem emptoremque in ſolidis exorta eſſet contentio, dirimeretur. Huiusmodi Zygoſtatas & ponderatores præfecit etiam Chriſtus Eccleſiæ ſuæ; vt æqua lance & libramentiſ paribus diiudicent; quoties aliquid litis ſuper ſolidis aureisque nummis; hoc eſt ſacræ ſcripturæ ora- culis, enaſcitur: inter quos primas tenet ille: cui dictum: *Pæſce oues meas*: quales olim æſtimatores, trutinatores, examinatores, arbitri & iudices erant quoque in populo Iſraëlitico; cui proinde hoc mandatum diuinitus datum eſt: *Si difficile & ambiguum apud te iudicium eſſe perſpexeris inter ſanguinem & ſanguinem, cauſſam & cauſſam, lepram & non lepram.* (inter numiſina & numiſma, inter pondus & pondus) & iudicium inter portas tuas videris verba variari (quia paſtores nonnulli & doctores inferioris ordinis ipſimet non raro à paracharactis circumuenti ſunt; tantum abeſt, vt alios ab errore præſeruarent) *ſurge & aſcende ad locum, quem elegerit Dominus Deus tuus* (locus iſte Romana Eccleſia eſt; quæ hanc promiſſionem à Chriſto emeruit: Et portæ inferi non præualebunt aduerſus eam.) Veniesque ad ſacerdotes leuitici generis, & ad iudicem qui fuerit illo tempore (ad ſummum Eccleſiæ præfulem) quæresque ab eis, qui indicabunt tibi iudicij veritatem. Et facies quodcunque dixerint, qui præſunt loco, quem elegerit Dominus, & docuerint te iuxta legem eius, ſequerisque ſententiam eorum. Nec declinabis ad dexteram, nec ad ſiniſtram. Qui autem ſuperbierit, nolens obedire ſacerdotis imperio, qui eo tempore miniſtrat Domino Deo tuo; ex decreto iudicis morietur homo ille, & auferes malum de Iſrael, cunctusque populus audiens timebit, vt nullas deinceps audiens intumeſcat ſuperbia. Hæc olim mandata Iſraelitis data ne in pleudozygoſtatas inciderent, ſpectant etiam ad Chriſtianos, vt fugiant mendaces filios hominum in ſtateris, qui falſo examine fallunt intuentes, qui que neſciunt alium eſſe qui appendit, alium qui de pondere iudicat: qui illud Dei interdictum mente non recôdunt. Non habebis in ſacculo diuerſa pondera maius & minus, nec erit in domo tua modius maior & minor, pondus habebis iuſtum & verum, & modius æqualis & verus erit tibi, &c. Abominatur enim Dominus tuus eum, qui facit hæc, & auerſatur omnem iniuſtitiam. Nolite facere iniquum aliquid in iudicio, in regula, in pondere, in meſſura. Statera iuſta & æqua ſint pondera, iuſtus modius, æquusque ſextarius, quia pondus & pondus, meſſura &

Lib. 12.
Cod. The.
od. tit. 7.
L. 2.

Pſal. 61.
S. Auguſt.
in Pſal.
eund.
Deut. 25.

Leuit. 19.



Prover. 20. *mensura utrunque abominabile est apud Deum. Quis autem magis diuina hæc præcepta violat, quam paracharactæ & pseudozygostatæ nostri; qui normam diuinæ scripturæ habent in ore; phantasiâ propriumque suum iudicium in pectore; dumque ad illam se omnia appendere; & ad præscriptum illius admetiri dicunt; omnia appendunt & admetiuntur ad proprium cerebrum; quibus meritò illud D. Augustini obiicias: Non videt cui tu appendis, sed videt, qui & seipsum appendit; qui aliquando, nisi ab imposturis & paracharagmatis desistant, audient illud: Appensus es in statera, & inuētus es minus habens, tunc & illud Domini implebitur; Diuidet eum, partemque eius ponet cum hypocritis, illis erit fletus & stridor dentium.*

S. August.
loc. cit.

Daniel, 5.
Matth, 24.

COM-

COMMENTA-
RIOLVS DVPLEX: ALTER
IN NVMISMA ARGENTEVM, NVPER
AB HÆRETICIS DE COLLOQVIO RATISBONENSI
cusum & sparsum: Alter in eiusdem metalli numisma in laudem Husi,
Lutheri & Rabi: sub figura Anseris, Cycni, & Corui signa-
tum & vulgatum.



Commentariolus primus.



Va hinc vides numismata, amice lector, ea nuper cuderunt hæretici monetarij nescio in qua officina. Scilicet hoc supererat, vt non modò famosas chartas, sed & famosa numismata spargerent; vt qui capi nequeunt libris, capiantur nummis, hamolongè
C 2 gratio-

gratiore, si tamen nummi nomen merentur. Si enim nummus seu nummus, ut Aristoteli aliisque placet, appellationem suam inde traxit, ὅτι ἔ φύσει, ἀλλὰ τῷ νόμῳ ἐστὶ, quod non sit à natura sed à nomo, hoc est, *lego*, numus utique, hoc est, *lex*, seu *legale* seu *legitimum* dici non poterit, nisi per catachresin, id, quod contra leges fit; ut quidē nomismata hæc cōtra leges facta esse fatebitur omnis ille, cui notum, in Imperio interdici non modò libellos famosos, sed & eiusdem generis *picturas*, & *facturas fusiles & sculptiles*. Sed prædicantes nullam legem, quæ calumniandi & criminandi libidinem coërceat; sibi positam arbitrantur.

Vide Constit. Caroli
V. Imper.
in Comit.
August.
1548. cap.
34.

Nec refert, quod alteri nummo subscriptum vides: *Cum privilegio*. Non excusant hæc verba, sed vel maximè accusant. Cuius enim privilegio nummus ille eusus est? Num Imperatoris nostri? Id quidem verba indicant: quæ cum absolute alicui rei præponuntur vel imponuntur; *Cæsareum privilegium*, inueterata iam in Imperio consuetudine, denotant. Si enim sit alterius principis, cuius potestas certis limitibus in Imperio circumscripta est; tum addi solet, si candidè agatur, restrictio & limitatio; ne lector aut spectator in fraudem inducatur. Quis porro rerum omnium adeo rudis & imperitus est, ut credat Imperatorem catholicum, Romanæque Ecclesiæ observantissimum & studiosissimum *privilegio* ornare & munire voluisse numisma, in quo visitur Hussus sub imagine Anseris; Lutherus sub imagine Cycni; Godefridus Rab, ut nuperrimus, ita & flagitiosissimus Apostata, sub imagine cetui; vnguibus suis sacrosanctæ crucis effigiem, infulas Episcopales, vexilla Ecclesiastica; tiaram & pedum Pontificium, totumque Ecclesiarum decorem & apparatus conculcantis & lacerantis, non sine nequissimæ istius traidis

dis elogio, quod ex altera nummi parte legitur? Pepo sit non homo, qui hoc sibi persuadeat.

Quis rursus mentis & frontis tam perditæ reperitur, qui disertè dicere audeat, nummo huic priuilegium à Cæsarea, catholica & Romana maiestate concessum esse? Disertè; inquam, tacitè enim iam id nummi huius Auctores asseuerāt; sed ita tacitè, vt si fortè super hacre cōueniantur; effugium aut latibulum aliquod restet; nempe se non de Cæsareo, verum de aliquo alio priuilegio locutos esse. Ita enim λογία isti, bilingues, & amphidextri omnia ambiguent, dicunt & agunt; vt semper sibi reseruent latebram aliquam, quò se recipiant; si factorum aut dictorum rationem reddere compellantur. At fortassis ille, quisquis est; cuius auctoritate nummus iste factus est; generale priuilegium à Cæsare obtinuit cudendi monetam. Esto, obtinuerit; non enim repugno; at hoc priuilegium non habet à Cæsare ad tales nummos; hoc est, ad *hereticos, famosos*, & in catholicæ religionis detrimentum formatos, sicut & Typographus; qui priuilegium à Cæsare habet excudendi libros; is nequaquam iustè & licitè priuilegium hoc ad libellos *famosos & hereticos* accommodat; quia priores ab ipso Cæsare prohibiti sunt; nec digni censentur priuilegio sed supplicio; posteriores autem, & si in Imperio tolerantur, à catholico tamen Imperatore priuilegiis non muniuntur; Et si enim licet, circumstantiis ita efflagitantibus, hæreses tolerare; non licet tamen priuilegiis promouere & amplificare. Quod si quando factum est; id per surreptionem factum est. Irrepunt enim vulpeculæ istæ clanculū non tantum in frumenti cameras, sed & in aulas, offuciisque suis os proceribus oblinunt; nisi Argus quispiam custos adhibeatur; non est ergò hoc, quod nummus iste iacet, priuilegium Cæsareum nec generale; nec speciale.

A quo ergo priuilegium hoc cōcessum est? dicite prædicantes. Nam si ab aliquo qui Anserē, cyenum porcinū & Rabum seu Coruum amat & suspicit; nihil priuilegiū istud aut moramur, aut miramur, nec moraretur, aut miraretur lector, si adiecissetis nomen. Quid enim mirū, si Anseris, cyeni suilli & coracis cultor & admirator, tergeminum istud monstrum priuilegiis decoret? Verum de nummo hoc plura postea. Nunc in viam redeo.

Ego neutrum ex istis nummis propriè nummū nominari posse contendo; quia vterq; est contra νόμον seu legem. Moneta vocetur; si, ut multi tradunt, moneta à *monendo* nomē duci t: Monet enim nos vterq; horum nummorum, quali nam genio & ingenio sint prædicantes; nimirū mendaci, turbulento, seditioso, & ad bella ciēda aptissimo. Quid enim sibi vult gladius flammiumus libro clauso insistent? Quid manus gladiū apprehendens & vibrans? Quid vespertiliones ad fulgorē gladij aduolantes, volatuq; capita sauciantes, imò & amputantes? Quid sibi vult illa vernacula inscriptio? *Attendite à falsis prophetis, qui veniunt ad vos in vestimentis ouium; intrinsecus autē sunt lupi rapaces. Matth. 7.* Quid illa Epigraphe? Colloquium XVIII. Nouemb. Ratisb. A. S. MD. LXXI.

Quid ex altera numismatis parte mulier decicorni, ut prædicantes loquuntur, bestię insidens, cum hac inscriptione? *Et vidi mulierem ebriam de sanguine sanctorum, & de sanguine martyrum Iesu.* Quorsum spectant illa sub pedibus bestię? Die groß Babylonisch Hur. Magna babylonica meretrix. An non hoc est:

Cere ciere viros, Martemq; accendere cantu?

Et in id vnum incumbere, ut

Tympana tenta sonent, & cymbala circum

Concaua, raucifonoque minentur cornua cantu.

Et

Et Phrygio stimulet numero caua tibia mentes.

Si à catholicis eiusmodi nummus prodisset; quos clamores nō iustulissent p̄dicantes; quā tubā non inflassent? Quē non de insidiis conatibusq; sanguinariis cōmonetecissent? Rursus Osiander non vnū, sed plures tractatulos bella nuntiantes in imperitū vulgus disseminasset, vt olim fecit; cum in picturam Pragensē de vinea Domini à principibus aurei velleris defendēda incidit: Rursus cœli terræq; opē implorasset, vt germaniā à præsentiſſimo discrimine & exitio eriperent. At nunc cū p̄dicātes, pacificiſti, imò pacis filij, pacisq; nutritij, qui solent *pacē oxare manu, prætendere puppibus arma*, gladiis micantes nummos spargunt; cumq; digitum intendunt per bestię & vesperilionum effigiem; in quos gladius ille exerendus sit; fauendum est linguis, bonumq; factū acclamandum huiusmodi Irenai, nihilq; aliud existimandū, quàm quod nobis accinant *pax Domini sit semper vobiscum*.

Quin & adhuc ex postulabunt cum aduersariis; quod bonā scilicet mentē non bene interpretentur; Nummū enim mysticū & allegoricum esse, vt & gladium; & quidquid demū in numismate illo apparet. Nihil referendum ad bella hæc externa & carnalia; sed ad spiritualia; quæ nō hastis & sclopis mucronibusque ex ferro conflatis; sed gladio spiritus, verbo nimirum Dei geruntur & administrantur. Regulam Iuris esse, in ambiguis orationibus maxime sententiam spectandam esse eius, qui eas protulit. Idem accommodari debere ad facta; & ad numismata. Item, semper in dubiis benigniora preferenda esse. Et, in re dubia benigniorem partem sequi non minus iustus, quàm excius censeri. Denique in ambigua voce legis, eam potius accipiendam significationem, qua vitio caret, eandemque æquitatem ad facta transferri deberet.

L. Ea quæ
ff. de reg.
Iuris.
L. In am-
bigua ff.
de legib.

*L. Quoties
ff. de reg.
Iuris.*

*Luth. in
assert. art.
34. tom. 2.
lat. VVit-
reb.*

Audio quid sui expurgandi gratia prædicantes adferant. At cur ista purgatio nullius sit momenti, iam demonstrabo. Nam alia quoque regula Iuris ita præcipit. *Quoties idem sermo (eadem ratio est facti) duas sententias exprimit, ea potissimum accipiat, quæ rei gerendæ (& personæ loquenti vel agenti) aptior est.* Quis autem neget aptiorem esse interpretationem à nobis allatam, si quis prædicantium naturam & indolem penitus introspicere velit; quàm illam alteram; quam prædicantes iam in sua mente contra mentem suam comminiscuntur. Exulat ab his Mauritiis mystis omne *pax vobis*. Spiritum enim parentis sui Lutheri in sinu suo circumferunt; eoque non calent; sed ardent. Qualis autem spiritus ille Lutheri fuerit; quàm pacificus; quàm semper virentis oliuæ amans; quàm mitis & placidus, præfertim in pontificem Romanum & pontificios, id lector abundè cognoscet ex *pacifico* *Luthero* *M. Conradi* *Andree*; & ex his pauculis, quas subiiciam sententiis. *Qui habet aures audiendi audiat, & à bello Turcico abstineat, donec Papa nomen sub cælo valet.* Dixi. Bone Deus; qualis iste Salomon, hoc est, *pacificus*; qualis præco pacis & Angelus? Si quis catholicorum ita scripisset, aut etiam num scriberet: *Qui habet aures audiendi audiat, & à bello Turcico abstineat, donec Lutheri & Lutheranorum nomen sub cælo valet*: an non prædicantes consona vociferatione omnes Germaniæ angulos complerent? An non conuersis ad sidera capitibus omnia tristissimo ululatu personare facerent? Et quidem non planè immeritò. At cum Lutherus talia de Papa & papistis scribit; nihil quod seditiosum sit, aut turbulentum, aut Christianæ Reipublicæ perniciosum, iudicio prædicantium, scribit; sed zelo diuinæ gloriæ exstuat; & nil nisi pacem in optatis habet.

Si quis appellaret Lutheranos *Turcissimos* *Tarcas*, *trunculen-*

culentiores; eruentiores; insaturabiliores & peiores Turcas, quàm Luth. loc.
sint veri Turcæ; an non prædicantes talem lapidibus ob-
tuerent; vel saltem obruere tentarent?

Si quis catholicorum cum Hutteno primitiis Lutherani spiritus plenissimo, scriberet: *Quàm est indecorum, quàm turpe & fœdum, orbis reginam nationem, cuiquam, nedum otiosis sacerdotibus servire. Vinam enim Turcæ seruiamus potius, qui viri sunt, & in primis strenui, ac rei bellica, ut vix vlla natio periti, ut in fortunam, quæ in bello potest plurimum, hanc reicere culpam liceat. Quin etiam mitius imperant Turcæ, & in subiectos æquiores sunt, neque de religione, ut audio, pugnant, sed pro imperio decertant. Isti verò Domini nostri, quem fraudandi ac diripiendi modum statuunt?* Hut. in Con-
quæst ad Frid.
Electorem.

Si quis, inquam, orthodoxus furiosis chartis odio Lutheranorum talia illineret, quæ verborum fulmina prædicantes non vibrarēt? Et ô si absque innocentum detrimento experirentur isti Turcicæ dominationis tam auidi suaue istud Mahometis iugum, forsân stylum mutarent, & quem nunc execrantur ut Antichristum, postea venerarentur ut Christi vicarium, & maledicentissima illa conuicia in benedicta commutarent: vel saltem paci publicæq; tranquillitati magis accommoda scriberent.

Sed ad Lutherum, qui dum supradictis Epithetis Romanos afficit, nihil, suo & prædicantium iudicio, paci & communi quieti aduersum agit; quin & Propheta videri cupit. *Fortè sicut Michaas, qui & ipse odiosus erat, inquit Lutherus, quia non prophetabat nisi malum, dicam & ipse meo Achab;* (Quis iste Achab Lutheri?) *Ite, præliamini contra Turcas, ut resistatis virgæ Dei, & cadatis, sicut & ille cecidit.*

Finge item catholicum quempiam de Luthero & Lutheranis scripsisse, quod Lutherus eodem loco furiis agi-
tatus effutit; an non prædicantes Menadum instar è ve-

stigio insanirent, & in catholicos tanquā fœdifragos inuolabunt? Quid ergo scripsit Lutherus? Accipe. *Quanto rectius faceremus, si primū orationibus, imō totius vitæ mutata ratione, Deum propitium faceremus; tum idolo illi Romano Cæsar & principes modum ponerent tyrannidis, illusionis, perditionis animarum. Nam vti et ego prophetæ semel, licet nō audiar, quod scio. Nisi Romanus Pontifex redigatur in ordinem, actum est de omni re Christiana, &c. Nil nisi peccatum & perditionem Papatus operari potest. Quid vis amplius?*

Fingamus iam verba hæc à catholico Turcicum bellū dissuadente, in Lutherum & Lutheranos dicta esse hunc in modum. *Quanto rectius faceremus, si primū orationibus, imō totius vitæ mutata ratione, Deum propitium faceremus; tum idolo illi Lutherano Cæsar & principes modum ponerent tyrannidis, illusionis, perditionis animarum. Nam vti & ego prophetem semel, licet non audiar, quod scio. Nisi Lutherus & Lutheranismus redigatur in ordinem, actum est de omni re Christiana. Fugiat, sicut Christus docuit in montes, qui poteris, aut vitam homicidis Lutheranis cum fiducia offerat in mortem.*

Si Lutherani hæc verba in orthodoxi alicuius libro inuenirent; ea non modò, cum immenso eiulatu in chartas referrent; sed & exararent in libro *Stylo ferreo & plumbi lamina, & celte sculperent in silice*; nec satis dispicerent, quæ orationis vehementia tam truculentam immanitatem exaggerarent. Nunc cum hæc & his æuiora passim in Lutheri Tomis occurrant; nihil ab humanitate & spiritū mansuetudinis alienum, nihil crudele, nihil sanguinarium, Lutherana pituita præpediti prædicantes, odorantur.

Luther. in Epitologo Epitomes Responsi-

Verum enim uero iam paulò maiora canamus. Mihi videtur, inquit Lutherus, *si sic pergat furor Romanistarum, nullum reliquum esse remedium, quàm vti Imperator, Reges & principes*

principes vi & armis accincti aggrediantur has pestes orbis terrarum, nempe non iam verbis, sed ferro decernant. Quid enim lallant perditii homines, etiam communi sensu priuati, quàm id quod Antichristus facturum prædicitur, ac si nos insensatiores quàm trunci sunt habeant. Si fures furca, si latrones gladio, si hæreticos igne plectimus, cur non magis hos Magistros perditionis, hos Cardinales, hos Papas, & totam istam Romanæ Sodomæ colluuiem, quæ Ecclesiam Dei sine fine corrumpit, omnibus armis impetimus, & manus nostras in sanguine istorum lauamus: tanquam à communi & omnium periculosissimo incendio nos nostrosque liberaturi.

nis Syluestri
Tom. 1. lat.
Visteberg.

Iterum conuenio prædicantium conscientiam; (si quam tamen reliquam habent) an non cum Caipha vestes suas in mille frustra discepturi, adeòque prolixas suas barbas euulsuri essent, si hæc Lutheri verba ad Lutheranos catholicus scriptor transferret; & beneuolentiæ captandæ gratia, eos initio vocaret. Nimbrotos, Ismaelitas sanguisugas, Sybaritas, Zodomitas, Antichristos, orbem terrarum fidelis verbis seducentes; licet ante supradicta truculentissima verba vocauit Lutherus Romanos.

Sed ad parodiam. Mihi verò videtur, si sic pergat furor Lutheristarum, nullum reliquum esse remedium, quàm ut Imperator, Reges & principes, vi & armis accincti aggrediantur has pestes orbis terrarum, remque non iam verbis sed ferro decernant. Quid enim lallant perditii homines, etiam communi sensu priuati, quàm id quod Antichristus facturum prædicitur, ac si nos insensatiores, quàm trunci sunt, habeant? Si fures furca; si latrones gladio; si hæreticos igne plectimus, cur non magis hos magistros perditionis, hos prædicantes, hos superattendentes, & totam istam Lutherana Sodomæ colluuiem, quæ Ecclesiā Dei sine fine corrumpit, omnibus armis impetimus, & manus nostras in sanguine istorum lauamus: tanquam à communi & omnium periculosissimo incendio, nos nostrosque liberaturi?

Si Lutheri furiosissimam orationem ad prædictū modum aliquis ad Lutheranos accommodaret, an non prædicantes intolerabiliter furerent, totumque mundum excitarent, ut vomeres & falces in gladios & sicas commutarent; quò hanc tantam vim & tyrannidem à ceruicibus suis depellerent? An non cum præstantissimo vate quamprimum canereliceret?

*Vomeris huc & falcis honos, huc omnis aratri
Cessit amor, patrios recoquunt fornacibus enses,
Classica iamq; sonant, it bello tessera signum.
Hic galeam cæcis trepidus rapit: ille frementes,
Ad iuga cogit equos, clypeumque, auroque trilicem
Loricam induitur, fidoque accingitur ense.*

Iud. cap. 19. An non prædicantes Confessionem suam Augustanā, aut Concordiam; non modò in partes duodecim ut Leuites ille uxorem suam; sed & in decies mille particulas laceratam mitterent in omnes Germaniæ terminos, conclamantes; Nunquam res talis facta est in Germania, ex eo die quo pater noster Lutherus Euangelicam faciem accendit, usque in præsens tempus, ferre sententiam, & in commune discernite, quid facto sit opus? Nunc cum hæc & id genus plura & atrociora Lutherus scribit; non Aleæto, non Megæra, non Tisiphone, sed ipsa pax iudicio prædicantium scribit; nec Marte, sed pace tincta.

*In edict. contra Luther.
Tom. 2. Luth.
VII. lat.*

Prætereo plurima alia eiusdem generis plane sanguinaria; quæ ex Luthero adduci possent; si hoc iam ageremus. Ut enim Inuitissimus Imperator Carolus V. rectissimè de Lutheri scriptis scripsit; uniuersaliter nihil aliud spirant eius scripta, quod non seditionum, distractionum, bellorum, caedum, rapinarum, exustionum, & occasus fidei Christianæ materiam causamque præbeat. Nobis vnum aut alterum paradigma protulisse iussit, ex quo liquidò liquet, quò spiritu agiten-

agitantur prædicantes; neque enim alio præditi sunt; quàm Lutheri genitoris sui spiritu, eoque non simplici duntaxat, sed propemodum gemino; vt à multis ex propriis prædicantium lucubrationibus demonstratum est; prolatis euidentissimis huius rei documentis; inter quæ nummus, de quo nobis sermo, non immeritò numeratur, non enim alio fine ab istis cusus & sparsus est; quàm turbarum concitandarum gratia; Etsi vt spero, spe sua & exspectatione fallentur.

Nec digni sunt, quibus opitulentur leges suprà citatæ. Quia leges nequitiae & flagitiosæ improbitati nō patrocinantur; Et in dubiis mitior & benignior pars eligenda & amplectenda est, nisi is, cuius caula agitur; gratia hac & fauore penitus sit indignus, ob manifestam & non semel deprehensam imposturam & fraudulentiam; quales profectò nostri prædicantes, qui ea sunt indole, vt aliorum vel optime dicta, vel sincerissimè facta in pessimam partem accipiant & interpretentur, quod notum est omnibus illis, quibus aliquid negotij vel coram vel eminus per scripta cum prædicantibus intercedit. Cur ergo à nobis exigunt, quod ipsi aliis non concedunt? cur nos volunt esse malefactorum suorum bonos & lenes interpretes; cum ipsi benefactorum nostrorum non nisi malignissimos & peruersissimos interpretes nobis se exhibeant?

Vt maximè facta illorum; & hæc ipsa numismata essent dubia; nihilq; nobis de consilio prædicantium plene liqueret; attamen hic sequeremur consilium Lutheri, quod dedit instruēs lectorem, quomodo cum Erasmi figuratis, obliquis, ambiguis & insidiosis verbis agendum sit.

Hic primus locus fuit, inquit Lutherus, qui alienauit animū meum ab Erasmo, Proinus suspicari capieum esse simpliciter De-

*Luther. in suo
Iudicio de-*

rasmo Tom.
2. lat. VVite-
berg.

mocritum seu Epicurum, & versutum irrisorem Christi, qui ubiq;
odium suum in Christum suis Coëpicturis indicat sed ita figuratis &
insidiosis verbis, ut furiosissimè debacchari possit in Christianos,
qui suis obliquis & suspectis verbis offensi, non interpretentur om-
nia pro Christo eorum Quasi vnus in orbe Erasmus regnum possi-
deat liberrimum insidiosè & obliquè loquendi de rebus maximis,
& omnes homines obnoxios habeat in ea seruitute, ut cogantur ob-
liquitates & insidias eius rectè & sincerè interpretari. Cur ipse po-
tius non loquitur rectè & apertè? ut quid delectatur insidiis & fi-
guris istis tam periculosis? &c.

Hæc quæ Erasmo à Luthero dicta sunt de stylo, acci-
piant, isti à me de suo nummo. Quare rectè faciunt omnes,
addit Lutherus, qui suspecta & insidiosa eius verba (numisma-
ta) contra ipsum interpretantur. Nec est audienda eius vocifera-
tio; calumnia calumnia, & quod non commodè & candidè interpre-
temur eius dicta (numismata.) Cur ipse fugit commodè dicta, &
sectatur incommodè dicta? Esset enim hæc tyrannis inaudita, vni-
uersum genus hominum ita velle habere subiectum, ut insidiosè &
periculosè dicta (& facta) cogeretur commodè intelligere, & illi re-
gnum concedere semper insidiosè loquendi, &c. Vnde & publicæ leges
imperij Romani damnant hanc dicendi (& agendi) rationē, mul-
tantq; hac pœna, ut iubeant verba interpretari contra eum ipsum,
qui clarius dicere potuit, & dixit obscurius. Et ipse Christus seruum
illum nequam sese insidiosè excusantem damnavit, & verbis ipsius
in eum retortis dixit: Ex ore tuo te iudico serue nequam. Quid enim
fieret si in religionib. & legibus, & omnibus grauib. causis, assue-
sceremus ambiguè & insidiosè dicere (& agere) nisi confusissima
illa Babylō, in qua nullus alterū tandem intelligere possit? &c. De-
inde si ista licentia regnet, possem ego omnia cōmodè interpretari,
quacūq; vnquam omnes hæretici dixerunt (aut fecerunt) De-
nique quidquid ipse Diabolus fecit, dixit, aut dicere & facere pos-
se in æternum. Hæc Lutherus de Erasmo: nos de istis nu-

misma.

mismatis, eorumque Auctoribus; qui cum Zizania, hoc Luth. loc. cit.
est, semina dissidiorum seminauerint; attamen interpreta-
tionibus commodis sic se pingunt, ornant, & ex oculis nostris se pro-
ripiunt, utar enim apud Lutheranos verbis Lutheri, ut tri-
ticum seminasse videantur, &c. Hæc est via mulieris illius adulte-
ræ, quæ cum deuorauerit, tergit os suum, & dicit non feci malum
prouerb. 30.

Neque seruitutem istam exigunt à nobis prædicantes
tunc tantum; cum factum aut dictum Lutheri aut alicuius
Lutherani specie recti & boni utcumq; velatur & fucatur,
sed & tunc, cum improbitas in propatulo est; oculisq; vi-
deri & manibus tangi potest. Quid enim sceleratius, quã Luth. contra
duo edicta
Cæsaris.
quod Lutherus Imperatorẽ Carolũ V. & alios principes,
qui Lutheri conatibus aduersabatur, disertè nominat, mi-
seros & fascinatos principes, tanquã pestes & alastoras, improuidos
duces, tyrãnos, vecordes, deliros, fatuos, mēte capros, quos Turca so-
lercia, cōsilio, integritate, moderatione lōgè antecellit. Et tamẽ præ-
dicantes imperant nobis, ut hæc tã inaudita, & planè stygia
cōiugia non adscribamus furori & amētia; sed ardoris di- Luth. in Iud.
de Erasmo.
uini vehemētia. Nos verò Christiani, inquit Lutherus, qui nō
tantũ victualia, sed etiã Angelos & mundũ sumus iudicaturi, & iam
de facto iudicamus, istã tyrannidẽ amphibolistarũ (p̄dicantium)
nō solum non ferimus, sed cōtrā opponimus libertatẽ duplicis condẽ-
nationis, prima est; ut omnia Erasmi (Lutheri, p̄dicantium) am-
biguè dicta damnemus, & cōtrā ipsum accipiamus: sicut Christus di-
xit: ex ore tuo iudico te serue nequã. Item. Ex verbis tuis condẽna-
beris. Quare. n. locutus es contra animã tuam; sanguis tuus sit super
caput tuum. Secunda, ut glossas eius (Lutheri & Lutheristarũ)
& interpretationes commodas bis damnemus & maledicamus, ut
quibus non solum non corrigit impiẽ dicta, sed etiam defendit, hoc
est, duplo nos magis ridet interpretando, quàm fecit loquendo; p-
inde quidquid prædicantes aut sui aut Lutheri sui purgãdi
gratia

Luth. in Ind.
de Erasmo.

gratia proferant; dicendum est, tam Luthero; quàm cuius huiusmodi patròno: *Disce de maiestate loqui reuerentius; Moriones quidem aliquando principes alloquuntur irreuerentius; aut stultius, nec tamen semper impune. Quod si faceret aliquis alius sano iudicio & studio, fortè plecteretur capite, tanquam læsæ maiestatis reus.* Ita Lutherus.

Ex quo, perspicuè sequitur, (vt hoc obiter annotem) Lutherum, quando tam irreuerenter, petulanter & impudenter principes allocutus est, aut Morionem fuisse; aut si sano & integro cerebro erat, læsæ maiestatis crimen incurrisse. Eligant Lutherani, quodcunque volent. Datur optio. Hactenus de primario vñ, sine & sensu huius numismatis; quem si negent prædicantes; non credam. sed dicam illud Chrysippi sophisma, inquit Lutherus, *si mentiris, etiam quod verum dicis, mentiris.*

Accedamus ad sensum mysticum & allegoricum; què cum considero, mitificè nummus placet. Placet & quidè totus ab ea parte; qua meretricem Babylonicam septicipiti bestię insidentem expressam repræsentat: hæc enim meretrix & bestia; est ipsissima hæresis Lutherana; vt postea planum fiet. Ex altera parte spectatur clausus, & quidè bene clausus liber, qui sine dubio biblia designat. Valdè laudo, quod clausum effinxerunt. Verè enim bibliorum codex prædicantibus clausus est: verè scripturà clausa; quia cæci sunt, & duces cæcorum quibus omnia clausa; etiam illa, quæ alioquin aperta sunt.

Isaia, 29.

Ad prædicantes pertinet illud vaticinium. *Miscuit vobis Dominus spiritum soporis, claudet oculos vestros, prophetas & principes vestros; qui vident visiones, operiet. Et erit vobis visio omnium sicut verba libri signati; quem cum dederint scienti litteras, dicent: lege istum: & respondebit: non possum, signatus est enim.* Hac poena verè percussii sunt prædicantes; quibus visio,
hoc

hoc est, legitima intelligentia, & interpretatio sacrarum
litterarum, permissu Dei, operta est; liberque scripturæ si-
gnatus: Ea tamen cæcitate vel potius stultitia laborant;
ut etiam illa, quæ non vident; videre se existiment; librū
que signatum legere; & quidem intelligenter; tentent:
nec quærant, qui signacula eius soluat; ut fecit ille in Apo- *Apocal. 1.*
pocalypsi, cum in dextra sedentis super thronum librum si-
gnatum conspexisset. Quis autem potis soluere clausu-
ras libri signati, nisi ille, quem Christus Ecclesiæ promi-
sit; spiritus veritatis; sanctus & verus, qui habet clauem David;
qui aperit; & nemo claudit: claudit, & nemo aperit, quo ducē &
doctore cū heretici destituti sint, fieri non potest, ut clau- *Apocal. 3.*
sum illum librum aperiant, quidque complectatur, intel-
ligant; quia, ut rectè dicit S. Athanasius Sinaita, ὁ δὲ τὴν
γραφὴν, ὁ δὲ τὸς τῶν πατέρων λόγος συνίσταται ἀνθρώπου ἀπεί-
σως καὶ ἀπλανῶς καταλαβόν, ἐὰν μὴ τὸ πνεῦμα τὸ ἅγιον τὸ λα-
λήσας ἐν αὐτοῖς ἐνομοῦ καὶ ὁδηγὸς κτήσεται. Neque scripturam,
neque patrum scripta potest ullus homo absque lapsu & errore in-
telligere; nisi quis habeat spiritum sanctum; qui in ipsis locutus
est, incolam & ducem. A quo indigena immane quantū
absint sectarij.

*Anast. in suo
Hodego cōtra
Seuerianos.*

At dicunt ipsi; se librum istum planissimè legere & in-
telligere; verumque & genuinum sensum promere; & ex
intimis libri istius visceribus eruere; neque quidquam se
de suo proferre. πρὸς δὲ καὶ ἐγὼ, inquit S. Anastasius
ὅτι καὶ πάντες οἱ αἱρετικοὶ τὸ αὐτὸ λέγουσιν. Quibus & ego re-
spondeo; hoc ipsum omnes hereticos dicere. An ideo verum est?
Multa ad comprobandum furorem suum ex scripturis proferunt
(sectarij) inquit S. Cyrillus, ut simpliciores ipsorum auctoritate
seducant. Imò, probè facerent heretici, ait ille idem sanctus pa- *S. Cyrill. lib. 3.*
ter, si undique studerent verum scripturarum sensum venari, nec *Thesau. c. 2.*
ad voluntatem suam omnia vertere, atque inde falsas ratiocinati- *Idem. lib. 2.*
ones connectere. *Thef.*

Hier. 13.

S. Cyrill. Dia-
log. 2. de Trin.

Verum hæretici non essent; si hunc in modum age-
rent; quos ab hac amabili infania, qua sese oblectant, nul-
la ratio aut oratio auertere valet. Si mutare potest *Æthiops*
pellem suam, inquit *Hieremias* Propheta, aut *pardus* varietates
suas, & vos poteritis benefacere, cum didiceritis malum. Mentem
sanè aduersariorum à pardo nihil differre, opinor, inquit *S. Cy-*
rillus; pardus enim variis notis & omnigenis coloribus interstin-
cto tergo est: illi verò inaequalem & non coherentem animum ha-
bent, & sermonem, quem in cordibus tenent sursum mittunt. Sagit-
sa enim vulnerans lingua eius est, ut scriptura dicit, dolosa verba
oris eorum, proximo suo loquitur pacifica, & intra se gerit inimici-
cias, &c. Quod autem in hanc stoliditatem peruenire soliti sint, ni-
hil aliud in causa esse dixerim, quam hoc, quod valde arrogantes
sunt; ac putant, quod possint sapere & loqui abstrusius quiddam quam
alii, adornareq; verborum pugnas, unde videantur in bonis actibus
enutriti esse, & posse suarum cogitationum versutis in omnia va-
lidè trahere eos, qui simpliciter viuere voluerint, dum arundineum
quodammodo suis animabus subdunt baculum mundanam sapienti-
am, & adulcerinorum sensuum paleas colligunt, &c. qui rectè ver-
bis illis Domini ad oram numismatis adscriptis, ipsi met
monet, ut cauelatur; Attendite à falsis prophetis, qui veniunt ad
vos in vestimentis ouium, intrinsecus autem sunt lupi rapaces.
Quid est vestitus ouium? &c. quaerit *Vincentius*, nisi propheta-
rum & Apostolorum proloquia, quae iidem ouili quodam sincerita-
te agno illi immaculato, qui tollit peccatum mundi, tanquam velle-
re quodam texuerunt? Qui sunt lupi rapaces, nisi sensus hæreticorum
feri & rabidi, qui caulas, Ecclesia semper infestant, & gregem Chri-
sti, quaque possunt, dilacerant.

1. Matth. 7.

Vincent. con-
traster. c. 36.

Libro clauso insistit gladius & uisus uisus & splendens, cu-
ius manubrium nescio quæ *Lutherana* manus tenet. Gladi-
us symbolum est dissensionis non modò illius, quæ vi
armisq; rem gerit; sed & illius, quæ in opinionum senten-

tiarumq; -

tiarumq; verietate & discrepantia consistit: non veni pacem mittere, aiebat Dominus, sed gladium, veni enim separare hominē aduersus patrem suum, &c. Vbi gladij vocabulo iudiciorum diuersitas, mentiumq; distractio significatur. Benè ergo & conuenienter libro suo clauso & signato addiderunt isti dissensionis gladium. Nam ex bibliorum codice prædicantibus clauso, hoc est, non intellecto, quid aliud nascitur, quam dissensio, & quidem irreconciliabilis; nec inter extraneos; sed inter illos ipsos, qui librum illum clausum signatumque tractant & versant; inter illos, inquam, qui se fratres charissimos, & Symmystas fidißimos, & in eadem vinea operarios indefessos appellitant: exemplis recentibus omnia abundant. Quid initio Lutherani Euangelij coniunctius erat Luthero & Carlstadio? Llibrum istum clausum pariter & concorditer terebant, idque eo fine, vt catholicam Religionem obtererent. Sed quia concordia hæc malè coierat; nitebaturque libro clauso & non intellecto; subito dissoluta & in implacabile odium conuersa est; ita vt ille, qui olim Archidiaconus Wittebergensis fuerat; solum vertere debuerit; infinitis conuiciis à Luthero laceratus; & inter cætera hoc itidem elogio ornatus: *Res & verba Philippus: verba sine re Erasmus. Res sine verbis Lutherus: nec rem, nec verba Carolstadius.* De quo Philippus quoque hæc. *Homo ferus, sine ingenio, sine doctrina, sine sensu communi, quem nullum vnquam humanitatis officium aut intelligere, aut facere animaduertimus: tantum abest, vt in eo significatio aliqua spiritus sancti animaduersa sit, imò exstant manifestæ signa impietatis.*

*Luth. serm. E-
pular. tit. de
doctrina Philip.
Epist. ad
Frid. Mico-
nium.*

Ex hoc libro clauso, tanquam ex seminario exstiterūt quoque perpetuæ illæ dissensiones, quæ Lutheranis mūt ab anno Domini 1520. vsque ad præsentem 1603. exercuerunt, & in varias sectas distraxerunt; quas omnes perfe-

qui, infiniti propemodum operis foret: adeo in immen-
tum excreuerunt, & indies excrefcunt, & futuris quoque
temporibus excrefcunt, quamdiu codicem istum biblio-
rum seducti isti & seductores claufum retinuerint; hoc est,
quamdiu veram eius intelligentiam affecuti non fuerint;
quam in fempiternum nunquam affequentur, nifi ad ca-
tholicæ Ecclefiæ fcholam reuertantur.

VVitteb. in
actis Synodi-
cis. fub finem
libri.
Smid. in Sy-
nops. orat.
Grynei.
Schluffelb. li-
bro 2. de The-
olog. Calui-
nift. pag 95.
et feqq.
Ita refert
Schluffelb.

Et certè tanta vis difiungendorum animorum in hoc
libro claufo inest: vt etia marctiffimum illum amicitia
nodum, quo Lutherus & Philippus colligabantur, diffol-
uerit, vel potius difruperit; Philippo ad facramentario-
rum castra transgreffo; Luthero autem fua in fententia
obftinatiffimè perdurante; mentiuntur enim prædican-
tes, qui fcribere audent, de præcipuis doctrine capitibus inter
Lutherum & Philippum diffenfionem nullam fuiiffe, Mendacij res
darguuntur ab ipfo Smidellino & fuperattèdente Schluf-
felburgio, qui ingenuè fatentur, præfertim Schluffelbur-
gius; Philippum de præfentia corporis Chrifti in Eucha-
riftia non cum Luthero, fed cum Zvinglianis & Calui-
uinianis fenfiffe; & Lutherum diffidium hoc toleraffe,
& fuppreffiffe, maioris offenfionis & feditionis vitandæ
caufa. Quando venit ad locum de cæna Domini, de libero arbi-
trio, de iuftificatione hominis peccatoris coram Deo, de interimiftis
eis actionibus, da lobe dich der Teuffel Philippe/ich nimmers
mehr/aiebat Ioachimus Morlinus Lutheranus prædi-
cans; laudes te Philippe, diabolus, non ego.

In hac ergo teterrimarum diffenfionum denfiffima
caligine circumuolitantes vefpertiliones hæretici Lu-
therus cum fuis, Carlftadius, Zvinglius, cum fuis, Oeco-
lampadius, Islebius, Flaccius cum Flaccianis; Philippus
cum Philippiftis; Brentius vbiquifta cum Brentianis vbi-
quiftis, Maior cum Maioriftis; Adiaphoriftæ cum Adia-
phoriftis

phoristis, Stancarus cum Stancaristis, Osiander cum Osi-
andristis; alij cum alijs, in istum dissensionis mucronem
fortiter impingunt; ita vt multis non tantum capitis te-
gumenta, sed & ipsa capita decutiantur; aut si clementius
accipiantur, faciem & corpus totum saucij aut decidunt,
aut abeunt, eo modo, quo id nummi species spectatori-
bus non malè repræsentat; quibus mulier illa septicipiti
& decicorni bestię insidens, de poculo aureo, quod mani-
bus gerit, medicum haustum præbet, vt post accepta vul-
nera vires reparent, & ad nouas dissensiones ferendas, aut
ad veteres fouendas denuo alacriter accingantur, bestię-
que & meretricis magnæ negotium strenuè & impigrè
agant.

Tradit Plinius verspertilionē, si ter circumlatus domui vi-
uus per fenestram inuerso capite infigatur, amuletum esse, priua- Plin. lib. 29.
timque ouilibus circumlatum toties, & pedibus suspensum sursum cap. 4.
in superliminari. Forlan idem & in his nostris verspertilioni-
bus locum habet: Sunt enim eiusdem speciei, & quod in-
de sequitur, eiusdem efficaciz, cuius alij. Sed finio hanc
mysticam nummi expositionem; eidemq; aliam adiun-
go; sed à nobis, non ab hæreticis stantem.

Nam libro & gladio ancipiti & flammeo rectissimè ex-
primitur verbum Dei, quod est, teste Apostolo, gladius Ephes. 6.
spiritus; imò, penetrabilis omni gladio ancipiti, pertingens vsq; Hebr. 4.
ad diuisionem animæ & spiritus, compagum quoque ac medullarū.
Verbum hoc gladius ille est; vtraque parte acutus, qui exit ex
ore eius; quem Ioannes in medio septem candelabrorum aureo-
rum vidit, similem filio hominis, vestitum podere, & pracinctum
ad mammillas zona aurea, &c.

Est autem gladius iste flammeus; quia ignitum eloqui-
um tuum Domine, canit beatus Dauid. Capulum item habet
hic gladius; quo firmiter apprehendi, manu retineri, vi-

brari, & in hostes stringi possit; cum nihil aliud esse dixerim, quam Ecclesiasticæ intelligentiæ certam indubitatamque auctoritatem, cuius ductus neque fallit, neque fallitur.

Ad huius fulgorem aduolantes lucifugæ aues, vlulæ, nycticoraces, noctuæ, vespertilioes; verissimi hæreticorum typi, opprimuntur à claritate & maiestate; quam ferre hac tanta oculorum imbecillitate nequeunt, quippe non lucis sed tenebrarum; non dici sed noctis filij. Anne gladius iste hæreticis competit? negauit id iam pridē antiquissimus & doctissimus Tertullianus. Et rectè quidem. Non enim sacram scripturam habent hæretici; sed quandam suam; quam quæuis hæresis arbitratu suo eudit.

Tertull. de
prescript.
cap. § 1.

Pulchrè de Apelle Hæretico Tertullianus. *Solo vitur Apostolo, sed Marcionis.* Sic Lutherani & Zvvingliani vtuntur scriptura, sed Lutheri & Zvvinglij; non nostra & diuina; Quomodo enim eadem, inquit Saluianus Presbyter, *quæ ab auditoribus quondam malis & malè sunt interpolata & malè tradita, ac per hoc iam non eadem, quia non possunt penitus dici ipsa, quæ sunt in aliqua sui parte vitata; siue quo ad verba, siue quo ad sensum; neq; enim in solis verbis ratio scripturæ consistit; sed in verbis simul & vero legitimoq; verborum sensu; quem cum hæretici à verbis separent eandem nobiscum scripturam minimè habent; vt maximè à verbis omnis fraus & impostura in hæreticorum bibliis abesse; quæ tamen nunquam abest, siue latinas, siue vernaculas illorum versiones inspicias.*

Multò adhuc minus competit illis gladius iste, vt est *quæ quædam, seu anceps, siue, vt Ioannes in Apocalypsi loquitur, ex utraq; parte acutus.* Alteram enim huius gladij sciendentem partem, & quidem admodum penetrabit.

Iem, tollunt hæretici. Quæ est ista pars? Verbum Dei non scriptum, siue traditiones, quæ vel solo nomine Prædicantes enecant; quibus admissis, tam excordes non sunt, ut non intelligant se perditos esse.

Accedit, quod gladius, quem sectarij iactant, manubrio, hoc est, certa & indubitata intelligentia caret; unusquisque enim suo arbitrio modulatur, quæ accepit, quemadmodum de suo arbitrio ea composuit ille, quid tradidit, ut verè & scitè ait Tertullianus. Christi vero Ecclesia, inquit Vincentius, *Vincent. quæ sedula & cauta depositorum apud se dogmatum custos nihil in eis Hæres. ca. 32. vnquam permutat, nihil minuit, nihil addit; non amputat necessaria, non apponit superflua, non amittit sua, non usurpat aliena, sed omni industria hoc vnum studet, ut vetera fideliter, sapienterq; tractando, si quæ sunt illa antiquitus informata & inchoata, accurret & poliat; si quæ iam expressa & enucleata, consolidet, firmet; si quæ iam confirmata & definita, custodiat.* Ergo circa hunc gladium & p[ro]p[ri]os circumuolitant, ut vides in effigie numi imatis; vel pertiliones, hæretici; qui nunc quæ ventus impulerit, incitato errore rapiuntur: nunc in semetipsos reuersi, tanquam contrarij fluctus, reliduntur: nunc temeraria præsumptione ea, quæ incerta videntur, approbant: nunc irrationali metâ, etiam quæ certa sunt, expauescunt: incerti quæ eant, quæ redeant: quid appetant, quid fugiant, quid teneant, quid dimittant. A quibus merito abiterremur & auocamur illa Epigraphe: *Attendite à fallis Prophetis;* imò non tantum attendite; sed & ancipiti gladio spiritus, quod est Verbum Dei scriptum & non scriptum, repellite & conficite: nec ipsos duntaxat; sed & mulierem illam septicipiti & decicorni bestię insidentem, quæ est ipsissima Lutheri hæresis; poculum aureum, id est, simulatū Dei verbum, manu ostentans, plenum abominatione & immundicia fornicationis eius; *Babylon seu confusio magna, mater fornicationum & abo-*

Luther Epist. ad Volf. Reissenbusch. & abominationum terra. Iungit enim Monachos & sacerdotes monialibus; aliisq; pellicibus, & elata voce clamarat. *Agamus seu celebs* ὁλως θεόμαχῶς pugnat cum Deo, καὶ ἀδύνατα τῆς, & impossibilia seruat.

Hec nimirum est mulier illa ebria de sanguine Sanctorum, & de sanguine Martyrum IESV. Quot enim Lutherana hæresis in Gallia, Anglia, Belgio crudelissimè trucidauit? Lutherana inquam hæresis; ex hac enim tanquam ex genitrice sua prodiit Calviniana; quæ ut pia filia; omnia sua κατορθώματα, vel potius latrocinia & homicidia matri suæ in acceptis refert.

Bestia, qua mulier hæc inuehitur, est ipsemet Lutherus, quem iam dudum septicipitè nobis depinxit Cochleus. De qua bestia, si loqui ingrediar, finem nullum inueniam. Paucis omnia dicam. Bestia fuit Lutherus voce & vita; Testantur id scripta eiustam *bestialia & bruta*, ut mirandum sit reperiri vllum mortalium, qui Luthero vlla in re fidem habeat, si vel solos symposiacos illius sermones legat; ut hos solum exempli gratia ex omnibus sordidissimis & inquinatissimis Lutheri scriptis nominem. Sed bene habet. *Bestia, quam vidisti fuit, & nō est, & ascensura est de abyssō* (ad generale iudicium) *& in interitum ibit*: (Audiet enim illam vocem: *discedite à me maledicti in ignem æternum*) *& mirabuntur inhabitantes terram* (Lutherani) quorum non sunt scripta nomina in libro vitæ à constitutione mundi, videntes bestiam, quæ erat, & non est. Hæc tamen bestia, etsi in se amplius non est, viuit tamen adhuc in libris, quos gladius verbi diuini scripti & non scripti iugulet necesse est, iugulabitq; non secus ac olim libros Arii, Eunomij, Nestorianorum & Eurychianorum: ut enim omnium par est impietas; ita & par ratio exitij. Non modo olim meretricibus inter se contendentibus

Matth. 25.

tibus strinxit Salomon gladium, tanquam Iudex, sed & nunc eundem usurpat scortis hæreticis inter se & nobiscum de filio, hoc est, de legitimo scripturæ sensu, discipulantibus & digladiantibus. Vident ergo hæretici ex altera nummi parte, ubi metetrix & bestia effigiata; non Romam aut Romanam Ecclesiam, sed hæresin suam effigiatam esse: ex altera verò parte nihil, quod ad ipsos spectet, reperiunt, præter vespertilioes; hoc est, præter

seipsos, quibus ista indoles, *ut ignorantia scientia &*

Vincen. c. 26.


caligo serenitatis; & tenebræ luminis appellatione

fucentur. Hæc de nummo

primo.



COMMENTARIOLVS ALTER IN NUMIS- MA ARGENTEVM, DE HVSSO, LVTHE- ro, Rabo, sub specie Anseris, Cyeni, Corui, nuper ab ha- reticis cufum & sparsum.



Theod. hist.
relig. in Sime-
one.

Iustin. No-
uelli. 105.



ON iniuria hic quæres; cuius est hac im-
ago & superscriptio? Certenon Cælaris; mul-
to minus Dei. Non Angeli; non Stellæ,
non Leonis, non Ovis, non Cyathi, quibus
olim numismata insigniebantur, sed *Anse-
ris, Cyeni, Corui*. Anser Hussus est, ut aiunt.

Cygnus, Lutherus; Coruus, Rabus ille; qui nuper ex eo-
dem ordine profugit, ex quo olim Lutherus, ruptis pu-
dicitæ, conscientiæ, frontisq; repagulis. Pinguntur simul;
ut ostendatur, tantam inter istos tres esse dogmatum & o-
pinionum conuenientiam, quanta est in anserem, Cyeno &
Coruo naturarum & actionum. An non enim anser, cygnus,
Coru⁹, natura, cantu, colore, ceterisq; adiunctis seu acci-
dentibus egregie cōueniunt & concinunt? Quid cōsonanti-
us, quod ad cantum attinet, anserem & cyeno? quid cyeno
& coruo? Quid coruo & anserem?

vide Paral-

Mirificè sibi de hoc affato anserem blandiuntur Luthere-
rani;

rati; cum tamen certum sit, Hussitas, Anseris posteros *lela doctrinae*
 Lutheranos, habere phæreticis; nec in alia tribu, quam *Lutheri &*
 Hæreticorum, ipsemet Hussus Lutheranos collocaret, si *Hussi edita &*
 adhuc in his terris degeret. Et quidem num verum sit, *D. Pistorius,*
 quod vulgus refert, Hussum anserem, de Luthero cycno
 vaticinium edidisse; item num vero congruat quod fe-
 runt, Hussum ipso supplicij die dixisse orthodoxis:
Post centum annos respōdebitis Deo & mihi, (quæ verba Bo-
 hemi post in moneta quadam ad effigiem Ioannis Hussi
 excudisse dicuntur) accuratius non disquiram. Nout
 quàm proclive sit, apud Hæreticos præsertim; oracula
 fingere, & fida imperitæ multitudini diuendere; quasi
 Hæreticus nō sit Hæreticus, si quis Hæreticus siue Dei, si-
 ue Dæmonis instinctu, aliqd de illo prædicat, aut præferat.

Illud miror, quī factum, quod Lutherus, initio sui
 Euangelij anterem istum Bohemicum non præsentia
 tantum, sed & futura canentem, nullo modo agnoscere
 voluerit. Nam cum in Disputatione Lipsica clarissimus
 Doctor Eckius Luthero studium factionis Hussiticæ
 seu Bohemicæ obieciisset; impatientissimè id tulit; Pri-
 mum; aiebat, diluam contumeliam; Quod me egregius Dominus
 Doctor insinuat Bohemica factionis studiosum, & planè patro-
 num; parcat ei Dominus, præsertim in tanta cerona tantorum vi-
 rorum. Nunquā mihi placuit, nec in æternum placebit, quodcunque
 Schisma: Iniquè faciunt Bohemi; quod se auctoritate propria sepa-
 rant à nostra unitate, etiam si ius diuinum pro eis staret; cum supra-
 mum ius diuinum sit charitas & unitas spiritus.

Alibi grauissimè conqueritur, quod ab aduersariis
 suis Bohemus, parentibusque Boëmis natus esse dicere-
 tur, rogatusq; à Spalatino, cur in quibusdam Thesibus veno-
 rationem Sanctorum pro corporalibus necessitatibus; &
 lue supersticiosam, iudicauit, respondit: mi Spalatino.

non fuit mens mea unquam venerationem Sanctorum esse superstitio-
sam, neque inuocationes eorundem pro causis vel corporalisimis.
Hoc enim sapiunt Heretici illi vicini nostri Pighardi in Boho-
mia. Ecce, quam sollicitè à se amolitur suspicionem, ne
quid cum Anserillo Bohemico Husso eiusq; posteris
anserulis commune habere videatur.

Vide Concil.
Constant.
sess. 15.

At audiamus iam quis sit anseris huius cantus. Et
quia totus audirinequit, et diu vitandi gratia, audiamus
parrem: & quidem hanc, quæ se primò offert. *Condemna-
tio quadraginta quinque articulorum Ioannis VViclephi per Doctores
facta, est irrationabilis, & iniqua, & male facta, & ficta est causa
per eos allegata, videlicet ex eo, quod nullus eorum sit catholicus,
sed quilibet eorum aut est Hereticus, aut erroneus, aut scandalosus.*
En cantum; nam inter Articulos VViclephi laudatos &
probatos ab Husso, continentur sequentes. *Deus debet obe-
dire diabolo. Omnia de necessitate absoluta eueniunt. Nullus est
Dominus ciuiliu, nullus est prælatus, nullus est Episcopus, dum est
in peccato mortali. Iuramenta illicita sunt, quæ fiunt ad roboran-
dum humanos contactus & commercia ciuilia.* Ita cum VVicle-
pho canit anser Boëmicus, imo cygnus quoq; Islebicus; is
enim palam profitetur non aliquot vel aliquos, vt olim sen-
serat, sed omnes articulos Husli constantiæ damnatos, et
le *Euangelicos, verissimos & Christianissimos*; Ex quo neces-
sario sequitur, à Luthero prædictos quoque articulos ap-
probatos fuisse, cum approbauerit omnes articulos Ioan-
nis Husli, quorum vnus omnium VViclephicorum arti-
culorum patrocinium & defensionem suscipit.

Et quamuis alioquin Anser & cygnus cantu non con-
sonent, ob diuersitatem naturarum, hictamen, vt & ali-
bi sæpius, consonant; quod non fit ob similitudinem spe-
ciei, sed ob æmulationum imitandi. Quemadmodum e-
nim Sturni ea sunt docilitate, vt miluos, picas, gallos galli-
naceos,

naceos, gallinas, coruos, & alias aues voce imitentur; licet proprio suo cantu ab omnibus dissentiant; ita & cyenus noster Saxonicus tam sagax & solers fuit, vt voce sua Anserem perfectè referre, & ad vinum exprimere posset. *Quis docuit? dicam cum poëta. Magister artis, ingeniq; largitor venter.* Is nimirum, qui expediuit *psitaco* suum *Xatze*, *picasq;* docuit nostra verba conari.

Quid quod contentione imitandi cyenus noster eo vsq; processit, vt cantui suo prorsus dissentanea, & aduersantia caneret. Wiclephi enim articulus hic inter ceteros erat: *Christus non est in eodem sacramento (altaris) identice & realiter in propria presentia corporali.* Hunc articulum Lutheranz opinionationis euersorem pronunciauit cyenus vvitebergensis *Euangelicum, verissimum & Christianissimum*, hoc ipso, quod omnes Hussi articulos, *Euangelicos verissimos & Christianissimos* asseruit: Nam Anser iste, et si ipse etiam sibi contrarius, articulum habuit, quo omnes V Wiclephi articulos approbavit, vt antea diximus; què cum cyenus suillus approbavit, per consequens etiam omnes V Wiclephi articulos *Euangelicos, verissimos & Christianissimos* esse sensit. Tam enim isti sunt velani, vt infinitis contradictionib' & antilogiis sese implicare minime erubescant; dummodo furori suo satisfaciant. Quam autem Bohemicus anser Martius fuerit, quamque cantu suo arma ciere doctus, id heu cum multorum exitio didicit florentissima olim Bohemia; cuius tamen finibus pestis hæc se non continuit; Sed ex regno illo egressa in proximas quoq; prouincias incredibili damno irrupit: dumq; Hungaros, Germanosq; occupatos tenet, ferocissimæ Turcarum genti ad non pauca Christianorum regna aditum patefecit; quod & Saxonicus cyenus egregiè postea præstitit; ne Christianitatis extirpanda studio

Husso cessisse putaretur, ac proinde non iniuria dignus censeri potest, in cuius honorem, quotannis anser publicus in pompa circumferatur, non ut olim apud Romanos vesti stragula mollissimè incubans ob seruatum videlicet à Gallorum incurſu Capitolium; sed cruci affixus ob tot cruce digna commissa piacula.

Verumenimucrò diutius cum Anſere, vel ſi mauis, vulpansere, morari non licet. A cyeno vocor. At quis ille Cyenus? Lutherus. Quis nominis huius honorem Lutherò tribuit? Huſſus. Quibꝰ teſtibus? prædicantibus. Nō igitur de hoc dubitare fas eſt, cū prædicantes omniū mortaliū veraciffimi, ſcilicet, prædicet quos, ut inqꝛ clariffimꝰ

D. Piſt. Epist. 3. ad Pappum. Doctor Piſtorius, non pudet ad magni inſandā vanitatē mentiri Prophetiā, tanquā ſi ex ore moriturus Huſſi ſuſcepta fuiſſet: aſſari tū anſerem, ſed venturum centum decurſis annis cyenum, quem melius cantantem nemo ſit aſſaturus. Id enim ubi eſt? in quo auctore, libro, folio, in quo delirio, ſomnio, furore? Tamen dic teſtimoniū vel conſicere pudendam eſſe fabulam: & ut Epistolam ſancti Valerici, & ſuffragia alia ad regendam ſocietatis nuditatem, tanquā ficus folia, fabricarunt, ſic finxiſſe prophetiam iſtam iſta ſones magiſtros tuos: cum in ſancto Dauide haberent prophetiam veriorē, ubi vaticinatus Prophetæ maximus, non cyenū, ſed aprum vel ſuam de ſylua, exterminatorem vineæ Dei nuncupauit Lutherum, & ſingularem ferum Calvinum: quæ & verior, & ſpiritus ſancti eſt Prophetia: propiusqꝛ conuenit in Lutherum, qui in ſylua Hercinia, ubi non cyeni, ſed apri naſcuntur, editus in lucem, & proſuſus in mūdum fuit: & ut aper vaſtauit, ut ſus ſordidauit omnia, & ut originis atqꝛ naturæ memoriā teſtimoniumqꝛ relinqueret, ſemper ſtercora tū in ore & calamo cōtinuit, tū magnis fruſtis vomuit in aērē & libros, ut oſtenderet non cyeni, ſed apri & ſuis ad ſe naturam attingere, perfecteqꝛ compleri ſpiritus ſancti vaticinationem. Hæc veriffimè D. Piſtorius.

Illenē

Ille nē cygnus sit, qui non modò plenus est cacodemone, sed & *Cacodemone*: cuius canor nihil aliud est, quam pector, fætor, stercus; oletum, latrina; lupanar, hara; & id genus alia Islebica aromata; cuius comparatione veteres Hæretici, à cæno nomē sortiti, Borboriani seu Borboritæ, (Latini quidam *stercoranistas* appellant) propemodum sunt Cathari seu mundi. Itaq; si auem Lutheri signum Hieroglyphicū, Lutherani pingere, fingere, sculperre, scalpere, tūdere aut cudere volebāt; v. pupā, suo in nido, nitida illa in aula sese iactantem, effigiare debebant. Hæc enim Lutheri vera & germana forma est.

Sæpè mirari subit, cur Propheta iste & tertius Helias semper vomat stercore, iisq; os, manus, calamū, chartam, mensam, suggestum tam Scholasticum, quam Ecclesiasticum conpurcet. Tandē, nisi fallor, causam reperi. Laboravit Lutherus dura aluo, quodq; infernè egerere non poterat; hoc eructavit supernè. Testem tibi huius rei alium non do; quam ipsum Lutherum, qui de hoc suo morbo sæpius conqueritur in Epistolis ad amicos, præsertim ad suum Spalatium. *Durities digestionis meæ, ut video* inquit Lutherus, *perpetua erit; semper lenienda remediis.* Quarto, imò quinto ferè die semel secessum habeo. Mirabilis stomachus. Et ad suum Philippum, quem Titulo Evangelistæ VVitebergensis condecorat. Dominus percussit me in posteriora graui dolore. Tam dura sunt excrementa, ut multa vi vsq; ad sudorem extrudere cogar, & quo diutius differo, magis dure scunt. Heri quarto die excreui semel; vnde nec tota nocte dormiui: nec adhuc pacem habeo. En quam seria tractet Turpinus VVitebergensis in suis Epistolis, argumenta. Ergo quod Lutherus non poterat gutture inferiore, hoc abundantissimè præstitit superiore, sordesq; sordidissimas sine more, modoq; nullo planè nisu expuit & eiecit, maxima oris laxitate.

Fertur

Vide tres spiritus Lutheri
Editos à
Doct. Pistorio. Item Castum, Cyneum & Mumidum Lutheri M. Andr. Conradi.

Luth. Tom. I.
Epist. 240.

Epist. 226.

Fertur quidem Lutherus Islebij natus. At si de loco urbis coniectare licet; equidem crediderim effulum in lucem, aut in porcili; aut saltem in foro suario; aut in Pilati prætorio; aut in prostibulo, aut in cacabo, adeo quid conabatur dicere, stercus erat, porcus erat: aut ex eodem censu simile quidpiam. Ita ut impudentissimus mortalium ausus fuerit ipsum quoque religiosissimum & sanctissimum Saxonie principem Georgium appellare

Luth. Epist.
229.

Porcum Dresdensem.

Lib. XI. cod.
Iust. tit. 17.
Vid. ibid.
Cuiac.

Verum quid non ausus est *Suarius* iste & *porcinarius* forisq; *Suarij* tribunus. Forte ad se pertinere arbitrabatur privilegia, quæ in eodice Iustiniano & Theodosiano huic hominum generi concessa sunt. Comminiscuntur nunc prædicantes, quando insaniunt, nescio quos *Suitas*. *Suita* verus à sue, & Porcius à Porco est Lutherus: ipsi verissimi *Suita* & Porcij ab eodem sue & Porco; Et *Suitas* non illa Iurisconsultorum, sed alia ex hara exhalans, Luthero & prædicantibus quarto modo propria est; ne dicam omnino *essentialis*.

In quadam Epistola ad Melancthonem hæc subscriptione usus est Lutherus, $\mu\alpha\sigma\tau\iota\nu\ \&\ \delta\ \sigma\omega\varsigma$. Puto aurifabrum, ut sæpissime aliàs ita & hic in Græcarum dictionum editione hallucinatum esse. Longè enim aptius legitur: $\mu\alpha\sigma\tau\iota\nu\ \&\ \delta\ \sigma\omega\varsigma$. Fuit quidam apud Lacedæmonios, cui nomen *Sus*. Eius frater est Lutherus. Itaque loco cycni, suum expressum Anserique oppositum oportuit.

An non enim suis potius, quàm cycni hæc cantio, quam porcus hic de suo porcello cecinit an grunniit? Putet referre, pudebit & lector legere. Sed frontem meam expugnat inuerecunda frons hæreticorum, qui foedissimum suem in candidissimum cycnum transformare molit-

moliuntur. Audiamus igitur acroama festiuissimum. *Luth. Epist. ad Ionam. Tom. 1. Epist.*
Salutabis eum Distazius; (adgrunnit sus Iustum Ionam suum, non enim dicere possum, *alloquitur*) *multis basiu, vice mea & Ioannelli mei* (porcelli) *qui hodie didicit flexis poplitibus solus in omnem angulum cacare, imò cacauit verè in omnem angulum, miro negotio.* Alioqui plura ad te mandasset, si osium illi fuisset; *mòx enim balneatus dormitum abiuit: mirari desines, quod de cacando scribo, aliàs scribā de aliis.* *Salutat te Ketha mea* (lucula) *& orare pro se iubet puerpera* (porcipara) *propediem futura.* Iudicium tuum appello, lector, num symphonia hæc cycni sic an porci. Nimum hebes sit & stolidus, qui porcum ex hoc cantu non agnoscat. Itaq; quod supra dicebam, loco cycni porcum in nummo expressum, anseriq; oppositum oportuit.

At fortè existimabant parùm referre siue cycnum, siue porcum pingerent; quia apud Germanos *Schwein* & *Schwan* vix vna literula differunt, sicut apud Græcos *corax* & *colax*. Quod si ita sentiunt, mecum prope faciunt, & loue iudicant æquo; sed tamen monendus erat lector, olorem *Suis* locum subire, eò quòd Germanis olorem inter & suem, sit, vt Lucretius loqui solet, *paruissima differitas*; idq; eo consilio, ne in errorem induceretur, si cycni imaginem cycnum significare crederet; nam *Lutherus* cycnus non esset; sed *porcus*, licet in *cycnea* vrbe natus esset. Et si quando bona dicta dicit, (*nunquam enim à malo seiungitur prorsus bonum; quadam sed est horum inter se commixtio*, vt ait Euripides) tunc impletur illud *Salomonis: Circulus aureus in naribus* *S v l s.*

Cæterum ne rigidius æquo cum *Luthero* agere videamur, demus cycnum esse; sed cum naturâ non possit esse cycnus; oportet ut sit sola similitudine, & Metaphoricè: sicut vir fortis metaphoricè est *Leo*: *vaser, vulpes;*

timidus, lepus. Contingit autem hoc communione earundem vel similium proprietatum & affectionum: interpretates verò cycni hac est laudatissima & decantatissima, quod sub ipsum mortis articulum suauissima & mellitissima melodia sibi quasi parentat. In hoc errore non modò conuenit cum verò cycno metaphoricus noster cycnus; sed & longissimo interuallo eum exsuperat. Nam à 17. Christi anno, vsq; 46. nihil aliud fecit; quam quod Germaniam iucundissima vocis suæ symphonia demulset ac beauit: Verba enim lasciuos meretricum imitantia cætus perpetuò vibrauit; perpetuò item obscenos numeros pruriginis impleuit, perpetuò velut enthea Damone Manas insanijt, inq; omnes cuiuscunq; status & dignitatis furiosissima conuicia effudit; calumniasq; inauditas & planè Diabolicas texuit. Perpetuò Cacus iste, &, vt Erasmus appellat, *Cacangelicus* seu *Caceuangelicus* ea in ore, calamòq; habuit, chartisq; suis Volusianis illeuit; quæ honestæ aures nullo pacto ferunt. Et si aliquando ex improviso ad aures accidunt; frontem statim rubore tingunt.

Tradunt quoq; cycno candidas esse pennas, nigrasq; carnes. Eadem indoles Luthero. Quid candidius illo, quod Lutherus toties inculcat; *Verbum Domini, Verbum Domini, viuat Christus, pereat Antichristus, Euangelium, Euangelium, Euangelium*. Iam aures nobis istius modi vocibus occurrunt, inquit Erasmus. Quid diuinius Luthero, ait idem Erasmus, si illi de se predicanti crederemus. Vereor, inquit idem alibi; ne sub isto (*Euangelij*) nomine, multi nobis oriantur pagani, quò magis, etiam sint liberi, si nec cælum credant esse, nec inferos, nec animos à morte corpori superesse. Et qui tales sunt, sub nulla vmbra tutius latere possunt, quàm sub istorum *Euangelio*. Docent purum & putum *Euangelion*. Quod nam? Vt per fidem ab vno Deo per vnum seruatore[m] & conciliatore[m] nostrum Iesum

Erasm. Epist.
de Eleuth.
Epist. ad frat.
infer. Germ.
Episto. in
Pseudoeuang.
ge.

Ad frat.
inf. Germ.

Chri-

Christum omnis & iustitia & salus peratur. Quid his verbis religiosius? Et quantum in his latet veneni? Impium est inuocare Diuos aut tolerare, cum nihil possint apud Deum: Impium est orare Sacerdotes, ut in sacro Deum precentur pro ipsis. Sola fides iustificat, nec refert cuiusmodi sint opera. Nihil opus est operibus satisfactoriis; nam hoc est diffidere Christo, qui pro nobis dependit. In Purgatorio nulla est satisfactio per cruciatum; inutilis est confessio; nam hoc est iustitiam ab homine petere. Hac omnia latent sub illis religiosissimis verbis, imò hæc & infinita alia, eaquæ a terrima portenta celat Lutherus sub cadentibus Euangelij pennis. Obiciunt nobis Euangelion, Christum, Christi spiritum. Sed nouum. En non nouum adferunt Euangelium, qui secus interpretantur, quam hactenus interpretata est Ecclesia? Anima scriptura sententia est. Frustra consencium in verbis, qui sensu dissident. Nec potest subsistere nouum, nisi subuerso vetere.

Scribit Plinius cycno & Aquilæ à natura insitas inimicitias. Dissident, inquit, olores & aquila: Idem animus Plin. lib. 10. cap. 47.
cycno Saxonico in Aquilam Romanam, hoc est, in Romanum imperium fuit; cuius principes iniuriosissimis criminationibus & cōuiciis proscidit, & inter sese miserandum in modum commisit; & Aquilæ huius capita Carolus Cæsare, & Ferdinadus Regem Turcico Tyranno, quantum in se erat, obiccit. Annō plerique apud Saxones, inquit Erasmus, negarunt Erasmi. Epist. ad frat. inf. Germ.
Cæsari ac Regi Ferdinadō suppetias aduersus vim Turcarum, sequentes dogma Lutheri, cuius nunc ille palinodiam cecinit? At ubi Erasme? Nā si serio perdit dogmatis palinodiam cecinit; cur loca, quibus aduersus Turcas pugnare dissuadet, ex tomis suis non expunxit? Nonne voces hæc iactarunt Euangelici, se malle pugnare pro Turca non baptizato, quam pro Turca baptizato? hac nota designantes Cæsarem.

Nonne cycnus iste Aquilam, hoc est, Imperium Romanum tumultibus & seditionibus impleuit? En non Eras. loc. cit.
G 2 seditio.

seditionosè rem gerit, inquit Eratmus, qui tanta petulàtia debacchatur in Caesarem, reges ac principes prapotentès? In Pontificem, Cardinales, & Episcopos. Sed quamobrem tantopere nunc horrent seditionis vocabulum, cum Lutherus scripserit eam esse peculiarem Euangelij naturam, mouere seditiones; celebreturq; Zuuiglij dictum: Euangelium vult sanguinem. Et iste populus tam Euangelicus, etiam Turcorum principi dicitur detestabilis, quem ait seditioni natum. Quos subinde tumultus excitat? Quoties, quàm leuibus de causis procurrūt ad arma? Nesuis quidem Ecclesiasticis sasis obtemperans, nisi dicāt blanda auribus; profligandi etiam si liberius in vitam illorum in vehantur, aut ab opinione dissentiant.

Erasm. Epist.
in pseudo
Euang.

Sed aiunt: cupimus Monarchis placere per omnia. Cur igitur quidam templa spoliare ab illis extracta? Sed cum precipiunt impia, contemnendi sunt inquit. Verum impium erit, quidquid ipsis incommodum est. Morigerantur omnibus principibus, Episcopis & magistratibus, quatenus licet illa sapientia; sed quidquid ab ipsis non traditur probaturuè, ledit pietatem. Adhorrent ab omni tumultu & seditione sic, vt non alius magis; verum si nemo repugnet illorum instituto Nec illud absq; risu legetur, quod aiunt, se neminem velle ledere, neminem cogere, à seditione longè, latèq; abhorre. Quid autem hoc est, neminem ledere? Hoc cine est neminem ledere, canonicos depellere à collegiis, Monachos è Monasteriis, Abbates & Episcopos ditione spoliare, mouere ciues magistratu, virulentis libellis etiam in Regum, ac principum capita debacchari? Hæc cine longè fateq; discrepant à seditione? Neminem, inquit, occidimus. Nec piratæ quenuam occidunt, si nemo resistat. Hæc an nusquam fiant aliis relinquo iudicandum. Atroces certè multorum querimonias audimus quotidie. Non est Euangelica virtus neminem ledere, qui te non ledat, sed immane scelus est ledere innocuum. Et maleficium beneficio repensare, id demum est Euangelicum. Nos, inquit, sinimus hostes nostros tu-

Epist. ad frat.
inf. Germ.

to in-

o inter nos viuere: In hoc vbiq, fiat dubito. Quos autem vocant hostes? omnes Catholicos. Quid magni faciunt? Annon & ipsi quotidie veniunt ad alias vrbes vel animigratia, vel negotiandi causa? At idem non est tutum Ecclesiasticis, hoc est, Prædicatoribus. Nec nostris Episcopis (& Sacerdotibus) tutum est apud ipsos versari. Quid si nulli læduntur, cur tam multi cesserunt è suis vrbibus? Cur apud Casarem querelarum plena sunt omnia? Hæc & plura huius generis Erasmus in hæreticos, ab eorum instituto alioquin non valde auersus. Et tantum de cycno porcino dictum esto.

Coruum contemplemur. Quis ille? Aspice nummum, & cognosces. Rostro & vnguibus conculcat crucis, vexilla Ecclesiastica; infulas & baculos Episcopales; templa, triplicem coronam Pontificis, alia de genere eodem Ecclesiæ & Ecclesiasticorum ornamenta & insignia. Sed vereor, vt coruus iste in Saxonia materiam rostri sui & vnguium exercendorum inueniat. Iam enim veteres corui hunc nuperum anteuenterunt; hocq; labore subleuarunt. Itaq; ἐς κόρακας, ad reliquos suos gregales, qui furcas & canicidarum latibula circumuolitant, auolare non immerito iubebitur.

At fortasse Catholicos hoc coruo copronymiano crucisq; inimico terrere cogitant; quasi futurum sit; vt ipse ad uncis suis vnguibus & rostro euertat templa, crucis, infulas, altaria, imagines, & si quæ alia sunt Christianæ pietatis monumenta; ijs in locis, vbi necdum alijs coruis aditus patefactus est. Cæterum orthodoxi tam meticoloso pectore non sunt, vt quidquam formidinis ab isto coruo sibi incuti patiantur, siue pingatur, siue sculpatur, siue ærefundatur; siue alia specie oculis illorum obiciatur. Quid enim est? Coruus est; ut paucis omnia complectar. Nam qui coruum nominat, is nihil faustum, ni-

hilq; mundum nominat; sed nec robustum & generosum, aut vi inuicta præditum. Vt tamen, mi lector, non in genere tantummodo hunc eorum; sed & in specie noris; moneo inprimis, vt perlegas, quæ de illo litteris mandauit & publicauit Theodorus Cynæus, vitæ, quam coruus iste vixit, non ignarus; itemq; sequentem instructionem Pragæ missam ad eos, quos corui huius propius cognoscendi acre desiderium incessebat. Adscribam Germanicè, qua lingua Auctor vsus.

Gottfridt Rab verlossner Mönch / ist von Lutherischen armen Leuthen im Landt Francken geboren / zu Würzburg erstlich ins Closter kommen/ etliche Jar allda verbliben / hernach ohne Licenz entlossen / vnd gen Mönchen kommen. Zu Mönchen ist er Priester worden / hernach hat er mit einem Botten ein falsche Practic gemacht / ist wider gen Würzburg kommen / abermals ein Zeitlang da bliben. Von Würzburg ist er volgends entlossen / gen Dnolsbach kommen zum Marggraffen / dienst begert / ist gen Heilßbron zu studieren geschickt worden (Nota: Dis Heilßbron ist ein Closter gewesen Ordinis Cisterciensis, jetzt ein Lutterisch Seminarium) daselbst hat er an statt des studierens eines Prædicanten Tochter gebulet: Derwegen der Marggraff vber ihn erzürnet / vnd in dem Bischoff von Würzburg hat schicken wollen. Da er aber so gar hoch dafür gebetten / hat man den Leckerlauffen lassen. Nach disem hat er sich zu Prag im Augustiner Closter eingestellt / ist allda inn gebührende Straff genommen vnnnd ein Zeitlang da gebliben. Volgends gen Wien kommen / alda er sich gar schendtlich mit vnzucht verhalten / offtermals die Rutten inn den Sack gesteckt / inn die Schottenaw geloffen / daß er erstlich die Frankosen heftlich bekommen / dessen er alles oberflüssig mit den Leuthen / so ihne curiert, vnd ihme gewartet / auff den Nothfal zu berweisen.

Als ihme geholffen worden / ist er gen M̃nchen zogen / vñnd
daselbst ein Zeitlang gepredigt. Hernach ist er widerumb gen
Prag kommen / vñnd als er ein Zeitlang da gewesen Prediger
worden / hat zwey Jar gepredigt / vñnd ein Leben darneben ge-
führt / daß ein Schand ist darvon zuschreiben / sonderlich soll
er auch eines Trabanten Tochter an ihme gehabt / derselben
ein Kind befohlen / hernach ein Cansley Schreiber ins Spil
gebracht haben / daß derselb Vatter seyn / vñnd durch seyn Vñ-
derhaltung mit zweinkig Talern sich des Kinds vñnd der
Mutter ledig machen müssen. Schlichlich als der alte Prior ge-
storben / hat er sich vñnderstanden Prior zu werden / weil ihme
aber ein anderer fürgezogen / sein ime auff seyn begeren Brieff
nach Würzburg gegeben worden / mit denen er aber des
Wegs verfehlt / vñnd sich nach Drösten begeben. Solle sich
sonst an mehr Orten dermassen gehalten haben / daß er nicht
mehr dahin darff. Das ist / so vil mir vñnd dem schendlichen
Gottfrid Raben bewust.

Vertam latine; vt & exteri naturam & genium huius
corui inspiciant, simulq; admirentur Lutheranorum stul-
titiā, qui tali coruo tam perduto & carniuoro, tamque
Caballino numisma dicant.

Godefridus Rabus (hoc est, coruus, Rab enim Germa-
nis est coruus). Monachus Apostata, natus est in Franconia pa-
rentibus Lutheranis & egenis. Herbipoli Monasterium (Ordinis
Eremitarum S. Augustini) ingressus aliquot annos illic ex-
git: inde absq; superiorum facultate aufugiens, Monachium venit.
Monachij Sacerdos factus; inita cum nuntio quodam falsa practi-
ca; seu cōspiratione fraudulenta, Herbipolim rediit, vbi etiam den-
uō aliquandiu mansit. Postea fugam arripiens Anspachium ad
Marchionem venit; oblataq; sua opera Heilsbrunnum, studiorum
gratia amandatus est. (Fuit autem Heilsbrunnum olim
Monasterium Ordinis Cisterciensis: Nunc Seminarium
Luthe-

Lutheranorum.) Ibi loco studiorum. Prædicanti cuiusdam filiam efflictim deperibat & deamabat. Quod indignè ferens Marchio, volebat eum Episcopo Herbipolensi tradere. Sed quia, ne id fieret, summis precibus contendebat, ideo nebulo discedere permissus est. Post hæc monasterium Augustinianum Pragense adiit, ubi debitas pœnas persolvens, aliquanto tempore substitit. Inde Viennam venit: qua in vrbe turpissimam & obscenissimam vitam egit. Sæpè coniecta in saccum cuculla, locum, qui Schottenayr appellatur petiit, ita ut ad extremum Gallicam luem turpiter contraheret. Quorum omnium perspicuè convinci potest (si ita necessitas postulet) testimoniis illorum qui ei medicinam fecerunt & ministrarunt. Ab hac lue liberatus Monachium se cōtulit; & aliquandiu ibi concionatorem egit.

Deinde rursus Pragam reuersus; & nonnullo tempore elapso concionater cōstitutus, duos annos cathedræ præfuit, eamq; vitam duxit, de qua turpe sit vel scribere; Præcipuè autem fertur Culi ei cuiusdam Satrapæ filia adhesisse; & ex ea infantem sustulisse, substituto deinceps suum in locum scriba quodam ex Cancellaria, quasi ipse infantis parens esset; qui 20. Taleris ab infante & matre sese liberare coactus est. Tandem mortuo antiquo Priore, Prioratam ambiit. At spe sua falsus, electo altero; litteras Herbipolim versus, ut petierat, accepit; cum quibus à via aberrans Dresdam (ad Lutheranos) venit. Pluribus aliis locis ita sese gessisse dicitur; ut redire non ansit. Hæc sunt, quæ de flagitioso Rabo seu coruo comperta habeo. Hactenus litteræ Pragenfes.

En talis est coruus, qui ad nidulum Lutheri coapostata & confractis sui auolauit. Dignus Euangelij Lutherani, hoc est, Apostatici, præco. Dignus cuius effigies in nummis sub specie corui circūferatur. Dignus sub cuius pedibus omnia sacra; præcipuè signum Crucis, abiecta & conculcata depingantur. Est enim inimicus crucis, cuius finis, insaritus, Deus, venter: & gloria in confusione. Quàm est eius pecca-

eorum multiplex conscientia, quàm execrabilis vita; quàm turpis, 5. Cyer. Ep. 55.
 ut et si in Ecclesia essent, eiici tales de Ecclesia debuissent. Sed sine
 magno molimine excutitur ab aëre, quod nullo pondere intra aream
 tenebatur. Quod si hic coruus talis fuit in Ecclesia; qualis Vincent. c. 25.
 iam erit extra? Quibus morticinis non incubabit? Quam
 scelerum accessionem ad vetera non arbitrabimur fa-
 ctam; cum hæc sit Lutherani & Calviniani Euangelij pe-
 culiaris indoles ex probis efficere improbos; ex castis,
 libidinosos; ex modestis, insolentissimos & impudentis-
 simos. Quid futurum centebimus, si hoc Euangelium
 antea improbum, lascivum & effrontem reperiat?

Profer mihi, clamat Erasmus, quem istud Euangelium ex Erasmi. Ep. in
 comessatore sobrium, ex feroci mansuetum; ex rapaci, liberalem; Pseudeuang.
 ex maledico, benedicum: ex impudico reddiderit verecundum. E-
 go tibi multos ostendam, qui facti sunt seipsis deteriores. Nunquam
 illorum Ecclesias sum ingressus, sed aliquando vidi redeuntes à con-
 cione veluti malo spiritu afflatos, vultibus omnium iracundiam ac
 ferociam miram præseferentibus. Sic, opinor, discedunt milites à
 concione ducis ad prælium, & ad ὁρτοὺς ἄλκην exhortati. Quis vn-
 quam vidit in illorum concionibus quemquam pro peccatis suis fun-
 dentem lacrymas, tundentem pectus, aut ingemiscentem? Circum-
 spice mihi Sodalitatem istam Evangelicam, quot habet adulteros,
 quot temulentos, quot aleatores, quot decoctores, quot aliis vitiis in-
 fames. Et hos quidam etiam habent in deliciis, tantum abest, ut
 vitent. Apostoli, quo magis vacarent Euangelio, aut abstinebant
 ab vxoribus, quas ducere tum licebat; (ita censet Erasmus) aut
 legitimè ductas vertebant in sorores. Nunc floret Euangelium, quod
 Sacerdotes & Monachi contra leges certè humanas, contra profes-
 sionem suam ducunt vxores.

Ego novi Monachum, inquit idem Erasmus, qui pro vna In Epist. ad.
 duxerit tres. Novi sacrificum virum alioquin probum (num Se- frat. inf. Ger.
 crilegus potest esse probus?) qui duxerit vxorem, quam post
 H compe.

comperit alteri nupfisse. Similia permulta de Monachorum & Monacharum coniugiis referuntur, qui ductas repudiarint eodem iure, quo duxerant, &c. Iam ut donemus istis Euangelij præconibus esse fas vxores ducere, quis non iure admiretur ouiculas mactationi destinatas, nihil in hoc mundo querentes præter Christi gloriam, tot curis districtos, tot afflictionibus obnoxios, quibus accedit & paupertas, onus tum miserum, tum graue, non posse viuere sine vxoribus, quas tam multi ob leuiiores causas aut non ducunt, aut ductas nollent. At istis omnis trægedia exit in Catastrophen comicam. Vbi contigit vxor, occinitur, valete & plaudite. Que malum est ista tanta Salacitas, quam tot mala non possunt excutere? Vnde tanta carnis rebellio in his, qui se iactant agi spiritu Christi? qui Christum & Euangelium habent in ore: Satanam in pectore; ut alibi dicit Erasmus. Egregius Euangelij profectus, si ex vna ciuitate siecta sunt imagines, ut inam eicerentur animorum idola, qua prodigiosiora video penes istos, qui iactant Euangelij titulum. Olim amore Euangelij, qui habebant vxores, relinquebant ultro. Nunc floret Euangelium, si pauci ducant vxores bene dotatas, &c. Verum an vxore ducta protinus consultum est castitati? Quid si sacerdos, qui prius habebat concubinam, nunc habeat vxorem cum pellice? Ita de fructibus huius Euangelij Erasmus; qui & sequentia. Alicubi scio nusquam fuisse maiorem luxum, plus adulteriorum, quam inter Euangelicos, sic enim appellari gaudens. Hoc nos ipsi negant Euangelici, &c. Nonne Lutherus coactus est visitatores mittere, qui populum in omnem licentiam ruentem cogerent? &c. Nonne idem suis ad me litteris deplorauit Melancthon? Nonne idem in colloquio fassus est Oecolampadius? Ipse Capito noui Euangelij Episcopus, non habebat alias delicias, quibus se oblectaret, quam perditissimi decoctoris conuiuium: Qui primum inuexerunt mundo Euangelium, tales furciferos non dignati fuissent alloquio.

Idem Erasmus alibi. Noui quendam, quem plus decem annis non
aliter

Erasm. lib. 21.
Epist.

aliter atq; filium amavi, meque vicissim ille non secus ac parentem observabat; indole quam dixisses probitati natam. Simul atq; habuit Spiritum Evangelicum, præter omnem expectationem cepit esse bonus aleator, pernox chartarum lusor, non inelegans scortator. Cæpit discinctus gestare prælongum ense, cogitare de matrimonio, postremò, verbulo læsus, ex tali amico, qualis esse videbatur, subito mutatus est in viperam, vindicta avidissimus, perinde quasi matrem ipsius ferro necassem. Ibid. Quos antea noveram puros, candidos & fuci ignaros, ubi se secta deditissent, scio loqui cæpisse de puellis, lusse aleam, abieciisse preces, factos ad rem attentissimos, impatientissimos omnis iniurie, vindices, obrectatores, vanos, viperinis moribus, & prorsus hominem exuisse.

Quod si Evangelium Illebicum cyenos, hoc est, candidos & sinceros atro colore tingit; quid fiet si coruum aut Nycticoracem, hoc est, improbum & sceleratum, qualis Rabus, inueniat? Ex tetro sanè efficiet teterrimum; & ex teterrimo deteriorem teterrimo. Cogitet ergò lector, qualis nunc sit hic coruus. Si talem vitam duxit in Monasterio; qualem ducet in Lutheranismò? Si antea fuit tantus scortator, quantus nunc erit, postquam se addixit Evangelio, quod scortator in sinu scortatricis genuit? Nominem. (Pseudoevangelicum) mihi adhuc contigit nosse, inquit Erasmus, qui non videatur seipso factus deterior. Hanc Doctrinam ferè leuissimus quisq; amplectitur. Et tamen non pudet Lutheranos hunc coruum coruis dignissimum in argenteis numismatis effigiare, monstrumq; hominis totius mundi oculis subiicere. Vbi frons? Vbi pudor? Vbi vetus illa vitæ morumq; honestas & integritas?

At fortè coruus iste turpitudinem vitæ & maculas incluibiles, quibus se contaminavit, repensat egregia eruditione, multipliciq; doctrinæ varietate. Quid enim vetat esse sceleratum simul & excellenter litteris excul-

H 2 tum?

Erasm. Epist.
contra Pseud.
Evang.

tum? Fallitur, quisquis ita sentit. Non modò indoctus est; sed propemodum stipes & truncus. Testantur id, qui detortorem norunt. Et ut his testibus careremus; euidenter id cognoscerem⁹ ex reuocatoria concione Witebergæ dicta: & ex eiusdem Apologia aduersus Theodorum Cycnum. Quid concione illa insulsius? quid stolidius? Quid stupidius?

Stuporem discite ex hoc vno. Si beati, inquit, res nostras & miseras nossent; fieri non posset, quin cum dolentibus, dolerent; cum auxiliis angerantur. Atqui omnis dolor & auxietas abest ab illa beata vita: Igitur neq; Beati res nostras norunt, & sic neque preces pro nobis ad Deum fundunt; nec nostras ad se suas audiunt. Brutum dicas non hominem. Vtinam hoc omni fatuitate abundantissimum argumentum in ipso coruino numissimate inscriptum circumferretur; ut eius stultitia pluribus patefieret. Et tamen stuporem hunc approbationis suæ stupore confirmauit Facultas (non enim cum Luthero dicam; *Vacultas*, aut *Fecultas*) Theologica in Academia VVitebergensi. Sed hæc patella tali egebat operculo.

Simile acumen prodit Coruus cum sacerdotes catholicos impietatis, & quidem atrocissimæ, ea de causa accusat; quod dum Missam faciunt, hostiam frangant. Hoc, inquit, nihil aliud est, quam Christo intrepidè manus iniicere, eumq; quodammodo denuò crucifigere. Ethnicitam audaces non erant, ut Christo in cruce pendenti os confringerent; Et hoc ideo fiebat, ait S. Ioannes cap. 19. ut impleretur scriptura dicens Exod. 12. Os non comminuetis ex eo. At Papistæ audacissimè Christum in tres partes frangunt seu diuidunt. Ecce qua inscitia imperitissimi isti Sycophantæ simplici vulgo illudant. Quasi vero fracta panis specie, frangatur ipse in se Christus. Vel vulgatus ille hymnus, qui Festo Corporis Christi canitur, Lau-
da Sion

da Sion Salvatorem, &c. rudissimam hanc Phantasiā A-
postatæ eripere poterat, & obstare; quo minus tam cla-
rum & euidens insipientiæ suæ argumentum lectoribus
præberet. *Fracto demum Sacramento*, inquit S. Thomas Au-
ctor illius hymni, seu ut vulgò vocāt, *Sequentia. Ne vacilles,*
sed memento, tantum esse sub fragmento, quantum toto tegitur.
Nulla rei fit scissura; signi tantum fit fractura: qua nec status nec
statura signati minuitur. Et tamen ad has stultissimas inc-
eptias hiant Lutherani lani, suoq; suffragio tanquam omni-
Scoticis subtilitatibus subtiliores comprobant.

Parum abest, quin credam coruo Romano plus fuisse
intelligentiæ, quàm coruo huic Lutherano: coruo in-
quam illi, qui, ut ait plinius, *omnibus matutinis euolans in ro-* *Plen. lib. 10.*
stra, in forum versus, Tiberium, dein Germanicum & Drusum *cap. 43.*
Cæsares nominatim, mox transeuntem populum Romanum salu-
tabat. Cui postea interempto funus innumeris celebratum
fuit exequiis, *constratum lectum super Æthiopum duorum hume-*
ros, præcedente tibicine, & coronis omnium generum ad rogam usq.
Et si animæ huius corui, ni coruus esse desinat, similis
pompa; paribusq; deductoribus Æthiopibus continget,
& quidem usque ad rogam non temporalem, sed sempi-
ternum.

Nihil dicam de aliis coruis, quos ob ingenium & do- *Macrob. li. 2.*
cilitatem Augustus Cæsar multis millibus nummum re- *Saturn.*
demit. Hunc certè coruum tam hebetem & bardum, ne
vitiosa quidem nuce emisset; et ne teruntio di-
gnatus fuisset: quem tamen Lutherani argenteo numis-
mate venerantur. Quis vos tum malus abstulit error?
Nemo fortassis exprobrasset vobis hoc factum, si cor-
uus, quem cepistis, alicuius nominis, eruditionis, & pro-
bitatis fuisset. Nunc cum fuerit, sitq; adhuc, ipsa inscitia,
& improbitas, plusquam mirum est; tantum cæcitatis in

illos cadere; ut in lucem pertrahant; quem sempiternis tenebris, si scirent, sepelire debebant; ut taceamus semper adhuc superesse illam questionem soluendam: Quis vobis huiusmodi numismatis famosi & seditiosi cudendi fecerit potestatem.

*Lib. 1. Maab.
cap. 15.*

Simoni sacerdoti & principi gentis Iudæorum dedidit olim facultatem cudendorum numismatum Rex Antiochus. *permitto tibi facere percussuram proprii numismatis in regione tua.* Cuius concessu fecerunt & sparserunt isti percussuram huius *Coruanferolorini seu Cyenanserocorui* numismatis? Quem denotat illa appensa hedera? Cum Privilegio. Fortè illum de quo vaticinatur Daniel; cuius vaticinium nummo in orbem inscriptum visitur: *Et facies iuxta voluntatem suam Rex; & eleuabitur & magnificabitur aduersus omnem Deum;* qui licet necdum natus, Satellites tamen suos iam habet tam inaspectabiles, quàm aspectabiles; Dæmones & Hæreticos; qui agunt quidquid lubet, venturoq; suo Regi viam quam diligentissimè sternunt.

*Luth. Tom. 2.
Epist. ad Lan-
gum pag. 54.*

Sed finio argumentum hoc nummarium; claraq; voce testor, nullum ex catholicis esse; qui Euangelico gregi coruum hunc tam auspicatum alitem, inuideat. *Ostiosi homines sunt,* ait de se & sui similibus Monachis Lutherus, *& sua quarunt, ut melius sit eos extra, quam intra cucullum, peccare & perire, ne bis pereant, sibi vitæ puniantur.* Gratulandum est, inquit S. Cyprianus, cum tales de Ecclesia separantur, ne columbas, ne oves Christi saua sua, & venenata contagione prædentur. Cohærere & coniungi non potest amaritudo cum dulcedine, caligo cum lumine, pluuia non serenitate, pugna cum pace, cum fecunditate sterilitas, cum fontibus siccitas, cum tranquillitate tempestas. Nemo existimet bonos de Ecclesia posse discedere. *Triticum non rapit ventus, nec arborum*

*Cypr. lib. de
vni. Eccles.*

rem solida radice fundatam procella subuertit. Inanes paleae tempestas iactantur, inualide arbores turbinis incursione euertuntur. Hos execratur & percutit Ioannes Apostolus dicens: Ex nobis exierunt, sed non fuerunt ex nobis: Si enim fuissent ex nobis, mansissent utique nobiscum. Hinc haereses & factae sunt frequenter, & fiunt, dum peruersa mens non habet pacem, dum perfidia discordans non tenet unitatem.

Triumphent Hæretici cum coruis, anseribus, cygnis porcinis seu vpupis, quia columbas non habent; nec aucupio suo capiunt. *Simplex animal & laetum est*, inquit Cyprianus, Martyr beatissimus, non felle amarum, non moribus saeuum, non unguium laceratione violentum: Hospitia humana diligere, vnius domus consortium nosse, &c. Haec est in Ecclesia noscenda simplicitas, hac charitas obtinenda; ut columbas dilectio fraternitatis imitetur, ut mansuetudo & lenitas agni & quibus coaquetur. Quid facit in pectore Christiano luporum feritas, & canum rabies, & venenum lousale serpentum, & cruenta sauitia bestiarum?



FINIS.



AD



Ad Lectorem.

Cum meus iste commentariolus sub
 prelo esset, rumor ad me peruenit
 Coruum viuere desisse, & ad Stygios
 coruos auolasse, turpissima vita, & turpioris
 adhuc Apostasia premia reportaturum. Pa-
 rentandum censui defuncto, hoc, quod subiun-
 gitur, Epigrammate.

EPITAPHIVM RABIDE- SERTORIS MONACHI.

Cecidit infelix caperatae Rabula gentis
 CORVVS, in immeritam non be-
 ne raptus humum.
 Qui sacra FERALI temerare silentia CANTV
 Ausus, ad infernas præcipitauit aquas.
 Nigrarum quicquid volucrum est, intendite
 luctus,
 Cū CORVO, vestri pars quoque magna perit,
 Inferias

Inferias iam bubo para, iam corue parenta,
 Ad cognata tuis funera questus eat:
 Et quoniam stygiis animam reuocare latebris
 Non potes, id facito quod potes, O S S A

LEGAS.

Et iterum quod Erasmus hic & alibi
 aliquoties testem produco, id non fit,
 quia apud me magnus Erasmus; sed quia a-
 pud illos, cum quibus pugno, quorum mores
 optimè perspectos habuit; quippe diu inter
 illos & quidem familiariter, versatus. Vale.

IN HVSSI ET LVTHERI SYMBOLVM.

Dicitur Assyrias PHOENIX animare fa-
 uillas,

Claudit odoratis cum sua fata rogis:
 Nam fera longæuum vix hausit flāma volucrē,
 Cum nouus è flammâ parturiente redit.
 Nūc eadem raucus sibi funera vēdicat ANSER,
 Dum parat in meritos HVSSIVS ire focos:
 Nā venit exusto fatalis ab ANSERE CYGNVS:
 Dumq; cupit monstrum perdere flamma,
 parit.

I EX-

EXPLICATIO EPIGRAM-
MATIS SUPERIORIS.



Etamen hunc Cycnum, deceptus voce
rearis

Esse cycnum verum, noueris esse
suum.

Ni monstro insolito lubet insolitum indere no-
men,

Atq; vocare nouo nomine PORCOCYC-
NUM.



IACO.

IACOBI GRET-
SERI SOCIETATIS
IESV THEOLO.
G I.


Commentarius

ET GLOSSÆ IN ORATIO-
nem Hunniam de Pseudois-
bilao VVitebergen-
si.



I 2

AD



Ad Lectorem.

Edidit nuper Ægidius Hunnius, Prædicans VVitebergen-
sis, orationem, hac inscriptione.


Oratio

*Habita in seculari festo natalitio Academia VVitebergensis, cum centesi-
mum à prima fundatione compleuisset annum, 18. die Octobris, Anni
currentis 1602.*

In qua

*Prædicantur beneficia Dei in hanc Scholam collata, cum primis verò benefi-
cium repurgata doctrinæ Euangelicæ, & admiranda protectionis Scholæ
huius aduersus insidias diaboli & sanguinarios Antichristi Romani
conatus.*

Hanc orationem, si breuibus Scholiis & glossis illustrarem, o-
peræ pretiū me facturum credidi. Illustrauit igitur. Hoc scribendi ge-
nus si prædicantes mirètur, nouerint Lutherum, Huttenū, Vergerium,
similesq; hæreticos exemplo suo nobis præiuisse; qui impudentissi-
mis & dentatissimis scholiis Bullas pontificum Leonis X. Adriani
VI. et aliorum; imò & edicta ipsius Inuietissimi Caesaris Caroli V.
exagitarunt; quorum tamen impudentiam absit vt imiter,
etsi ipsam scribendi rationem imitor. Tu
lector faue & vale.



COM-



COMMENTA-
RIV ET GLOSSÆ IN O-
RATIONEM HUNNIANAM DE
PSEVDOTIBILÆO VVI-
tebergensi.



Rincipiū iure quis miretur, qua mento
& conscientia isti noua festa instituunt &
celebrent, cum abrogarint & sustulerint
vetera in honorem Christi, cœlitumque
instituta? *Nos VVitebergæ solis Dominicis* Luth. in for-
& festis Domini sabbatizare queremus, inq̃t ma Missæ pro

Lutherus, Et ecce isti Lutheri in VVitebergensi ciuitate Eccl. VVite.
posterī, aliis itidem diebus sabbatizant. Et quidem die Ve. Tom. 2. VV.
neris; incidit enim festum hoc sæculare in diem Veneris,
quando id Hunnius vaniloquentia sua decantauit.

*Omniū Sanctorum festa prorsus abroganda, vel si quid
dignum in eis esset, in dominicalibus concionibus miscenda esse pu-
tamus;* ait Lutherus in formula Missæ pro Ecclesia VVi-
tebergensi. Et isti contra istam Formulam à beato (scilicet) Luthero præscriptam, nouum festum instituunt,
eo die, quo apud orthodoxos anniuersaria memoria Eu-
angelistæ Lucæ recolebatur. Expulit Lutherus è sta-

Luth. lib. de
piis caremo-
niis Tom. 2.
VVite.

tionem suam S. Lucam, & isti Academiae conditae festum substituunt? Lutheri iteratum praeceptum est. *Festa Sanctorum in vniuersum aboleantur.* An potiore loco isti habent Academiam exaedicatam; quam totam coelestium incolarum turbam? Parum abest, quin eos hac mente praeditos suspicer; cum me non fugiat Lutherum VVitebergense templum *omnium Sanctorum*, blasphemam lingua nominasse alicubi templum *omnium Diabolorum*; ut proinde Sanctos & Diabolos eodem loco habuisse, abique temeritate censerique queat.

Caluin. Epist.
178.

Obseruet autem Lector, Lutherum praecise & simpliciter omnium & singulorum Sanctorum festa repudiare; ita ut ne Apostolis quidem hunc honorem relinquat. In quo ipsum profecto Caluinum superasse videtur, cuius hoc est votum: *Optandum est, ut praeter Dominicum pauci retineantur dies festi.* Vbi saltem paucos dies festos concedit. Lutherus nullos, praeter dies Dominicos & festa Christi. Nam *festa S. Crucis anathema sunt.* Sic enim edicit Lutherus: *Et loco festi S. Stephani, & Ioannis Euangelistae, officium natiuitatis placeat.* ait idem Apostata. Mirum profecto reperiri Christiano vocabulo ornatos, qui sanctae Crucis inuenta & exaltata, omniumque Sanctorum memoriam abolere & sepelire, inque eius locum anniuersariam vel saecularem memoriam erecta schola sufficere tentent.

Luth. lib. de piis
carem.

Festa D. Virginis explosa sunt a Lutheranis. Hoc enim est Lutheri decretum: *Solennitates Annunciationis & Purificationis Mariae peragimus, ut Christi serias: Assumptionis autem & Natiuitatis Mariae plane reuicimus.* En maior & honorabilior apud VVitebergenses est Academia, quam Virgo Deipara, coeli, coelitusque Regina. Illa enim diu festum habet; haec nullum.

Hic

Hic Pontificibus esset summè vigilandum, inquit Lutherus, imò saluberrimum foret, omnes dies festos abrogare, paucissimis seruatis, in quibus mane verbum Dei audiretur & Missa. Nihil enim sunt Sabbata nostra (Lutherana) nisi opprobrium Ecclesie, & non eusebia, sed asebia in Deum. Cur ergò isti nouum festum instituunt, si festa nihil aliud sunt, quàm impietas in Deum? quod verissimè affirmare licet de illo, quod celebratur expulsis Sanctorum festis.

Luth. in expli.
1. precepti.

Cum Lutherani quidam post librum illum, qui vocabatur *Interim*, Festum corporis Christi admisissent, tanquàm re adiphoram; statim insurrexerunt rigidiores & cerebrofiores prædicantes, qui totis viribus id egerunt, vt Festum hoc exterminaretur. Cur Ecclesie Christi, inquit Schlüsselburgius, ab idolomania liberata adiguntur ad hoc festum colendum? Nec valet elusio, quod saltem in eo festo conciones habenda sint. Cur enim ad hunc diem colendum Ecclesia Christi cogetur? En sacratissimo Christi corpori negant Lutherani diem festum, eumq; Academiæ concedunt. Si nolebant more & ritu Catholico obire illud festum; cur corpori Christi diem illum non dedicant, eo ritu, cæremonia, animo, & consilio, quo natiuitati Christi, Circumcisioni, & Epiphaniæ dies festos consecrant, etiam ex Lutheri præscripto: Academiæ institutio oratione soluta & ligata decantatur, instituta noua panegyri celebri omnium Ordinum conuentu. Et corpus Christi, quod in Eucharistia fidelibus porrigitur, dignum non erit, vt peculiari die concio in tanti beneficii, simul & mysterii commemorationem, habeatur?

Schlüsselbur.
lib. de Adia-
phoristis.

Cum in supradicto libro, cui titulus, *Interim*, generatim diceretur: festa Virginis Mariæ obseruanda esse: è vestigio reclamarunt pertinaciores Lutherani, quod sub illis verbis in genere comprehenderentur festa Natiuitatù, Assumptio-

Schlusse. loco
citato.

nis Maria, & similia. Nimirum Lutherani tantum solliciti sunt, ne Deiparæ Virgini, Sanctisque festa decernantur; aut iâ olim decreta religioſe obeantur. Sed cû dies feſtus in honorẽ gymnaſij litterarij indicitur; bonũ, omniũq; ſeculorum recordatione prædicandũ facinus perpetratur.

Amos 5.
Eſa. 1.
An non timent iſti, ne cum nouis ſuis feſtis audiant illud Domini. Odi & proieci feſtiuitates veſtras, & non capiam odorem cætum veſtrorum. Aufer à me tumultum carminum tuorum, quæ Hunnius & Poëtaſtri Hunniani hoc ſæculari feſto detonauerunt; Neomeniam, & ſabbatum, & feſtiuitates alias non feram: iniqui ſunt cætus veſtri; Calendas veſtras (ſæcularia feſta) & ſolemnitates veſtras odiuit anima mea; facta ſunt mihi moleſta, laborauit ſuſtinens.

Malachi. 2.
Luth. in Declam. popu. de 3. præc. To. I. VVitab.
Exo. 32.
Qui tot feſta cœlitum, & ſanctæ crucis ſuſtulerunt; non immeritò formidare poſſunt; ne à Deo occinatur illis illud. Diſpergam ſuper vultum veſtrum ſtercus ſolemnitatum veſtrarum, & aſſumet vos ſecum. Vide, inquit Lutherus; ſtercus appellat ſolemnitates talium; quia & ſtercorant in illis, ſicut porci immundi. Nam quod ſacra ſcriptura teſtatur de nouo illo, & prope dixerim, ſæculari Iudæorum feſto: Sedit populus manducare, & bibere, & surrexerunt ludere; id, opinor, ſine iniuria cuiusquam ad hoc itidem ſæculare feſtum tranſtuleris: tales enim fructus naſcuntur ex tali feſto; quod obitur abolitis & proſcriptis veris & legitimis feſtiuitatibus: Vt enim Iudæi cibo, potui, luſui, tum maximè vacarunt; cum veri Dei cultui valedixerunt; ita & Hæreticos in eadem vitia incidere neceſſe eſt; quando veris feſtis antiquatis & expunctis, noua comminiſcuntur; aliisq; obſeruanda proponunt; & in huiusmodi ſolemnitates belliffimè quadrat illud Lutheri de Dedicat[i]onibus: Veſperi domum redeunt pleni indulgentiis, id eſt, cœreniſia, luxuria, & alijs portantiſ peccatorum, quibus ibidem ſeruierunt.

nierunt; Si tamen redeunt: nam fermè est velut regulare, aliquos occidi, aut saltem grauitè vulnerari in Dedicationibus (scribere, in festis sæcularibus) adeo vt in prouerbiū transferit: Indulgentias dedicationis (Lutheranæ, & festi sæcularis) distribui serò, cum sese trucidauerint, aut saltem læserint. Hæc Lutheri dicta aptè conueniunt, in huiusmodi Lutheranas dedicationes; quæ cum aliis indulgentiis penitus careant; par est, vt saltem prædictis gaudeant; quæ distribuntur, postquam deuotissimi isti Dedicatores mero aut cereuisia incaluerunt. Et non cogitant, qui sic sabbatissant, inquit Luthetus, quod si hoc esset sabbatizzare; quilibet meretrici hoc posset, & quilibet Turca, aut Paganus, imo equus & sus, scilicet comedere & bibere, deinde ociari, tandem pomposè adorari.

Porro cum Lutherus doceat quinque esse facienda pro Luth. in expl.
sanctificatione festi, scilicet audire Missam, audire verbum Dei, o. 3. præc.
rare, offerre secundum aliquos, & conteri de peccatis: quærere
lubet ex Hunnio; an in hoc sæculari festo ipse cum suis
hæc quinque Lutheri documenta obseruârit; præsertim
primum, quod est de Missa. Et si Missam audiuit; qua-
lem nam? Maturam, an seram? Et vbi? Num in Monasteriis,
an in Parochia? Hæc enim omnia difficultatibus & scrupulis implicata, & intricata sunt, vt docet sæpius jam citatus Casista scrupulosissimus Lutherus.

De oratione nihil dubito; precatore & oratore estis feruentissimi & efficacissimi: precem potissimam arbitror fuisse illam ex sæculari carmine Horatii; (nam festum sæculare decent sæculares preces)

*Alme Sol curru nitido diem qui
Promis & celas, aliusq; & idem
Nasceris, possis nihil vrbe nostra -
Visere maius.*

R

Rite

Rite maturos aperire partus
 Lenis Ilihyia, tuere matres,
 Siue tu Lucina probas vocari,

Seu genitalis

Dina producas sobolem, patrumq;
 Prosperes decreta super jugandis
 Fæminis, proliq; nouæ feraci

Legæ marita.

Certus ut denos decies per annos

Orbis, & cantus referatq; ludos,

Tor die claro, totiesq; grata

Nocte frequentes.

Hæc sine dubio summa est vestrorum sæcularium
 votorum.

Oblationem, (quæ est quartum caput in festo ob-
 seruandum ex doctrina Lutheri) ait Lutherus abolitam ef-
 se. At ego Hunnium cum suis hunc morem restituisse, &
 egregie obtulisse existimo, non quidem altari, sed ven-
 tri; non sine hoc vel simili Odario.

Festo quid potius die

Sæclari faciam? prome recondisum

Lyde strenua cæcubum,

Munitaq; adhibe vim sapientiæ

Inclinare meridiem

Senti, ac veluti stet volucris dies,

Parcis deripere horreo

Cessantem Bibuli consulis amphoram.

In hunc quoq; modum celebrauit Pomeranus fe-
 stum translationis Bibliorum in Germanicam linguam:
 nam ut ait quidam Iubilarius VVitebergensis: *Singulis*
annis, eo die, quo (à Luthero) absolutum opus fuerat, amicos so-
lemni conuiuio excipere, & quasi natalem translationis Bibliorum
cele-

Andr. Vrs. in
 Act. Pseudo-
 iub. VVis.

celebrare solitus fuit. Inde factum, ut eum d. em festum translationis Bibliorum appellarent. Cogitet deuotus Lector, qui hanc tantam Pomerani & commensalium deuotionem animo informare potest, quàm deuotè festiui isti conuiuæ ob versa Biblia verterint pocula; & quam ex intimis præcordiis protulerint illud à Luthero, quamuis in alio argumento, pronunciatum: *En hoc villum, optimam creaturculam Dei mei, donauit mihi Christus meus: sit illi laus & gloria: in sempiterna secula.*

Luth. 2. Tom.
Epist. ad Spalat. f. 306.

Verum hic moueri potest quæstio, jam olim à Luthero mota, cum tertium decalogi præceptum pro concione interpretaretur; *An Vitebergenses sint excusati, quod in die festo (sæculari) exercent balistarum artem pro aue deicienda de bastili erecto, cum id æquè possint alio die facere, cumq; non sit hic necessitas, nec pietas, nec modicitas, ac dimidius ille dies post prandium possit Deo dari, sicut & ante prandium. Simile iudicium de armorum ostensione, quasi non & alia die fieri possit æquè bene.*

Ad hanc quæstionem nihil aliud respondet Lutherus, quam hæc pauca. *Hic domini consules vigilare deberent. Ego hoc.* Hic dominus Vitebergensis superintendens Hunnius uigilare deberet; ne festum sæculare sæcularibus & profanis actionibus profanaretur & violaretur. Nec ambigo aduigilasse. Fortè enim pridie per plateas & compita Vitebergensia circuiuit clamitans: *Eras solennitas lehoua est.* Si enim Aaron siue præconis, siue suæ voce id fecit; mirum sane foret, si Hunnius hoc misterium detrectasset. Interim tamen non video, cur aut Lutherus, aut Hunnius ab hoc sæculari festo eam oblectationem penitus remouere contendat? cum Æneas parentalia Anchisæ simili ludo honoratit pariter & exornarit.

Virg. 5. *En.*

Namq̃ manu ingenti malum de naue Serefti
 Erigit, & volucrem traiecto in fune columbam,
 Quò tendant ferrum, malo suspendit ab alto.

Cūr hoc Virgilianum exemplum non imitentur
 Lutherani, quorum feriæ, nisi tempestiuè cauerint, indi-
 es crescent. Natalem enim Lutheri non negligunt, nisi
 fallor, vt nec diem obitus. Quorum enim parentales
 orationes, quas subinde V Viteberga nobis mittit; si ter-
 tii Helix, & octauī Sapientis, & quinti Euangelistæ ex
 hac vita abitus non celebraretur? Instituit dudum Po-
 meranus parochus V Vitebergenſis, *festum translationis Bi-
 bliorum*: quod præclarè celebrauit ille prædicans, qui, te-
 ste Matthesio, Germanica Lutheri Biblia publicè in sug-
 gestu virgis cecidit; addita hac acclamatione, *Discas mi-
 lius*.

Matth. conc.
 12. de Luth-
 ro.

Iam accessit nouus, & quidem Lutheranus Iubile-
 us; *Venite exultemus Domino*, intonat Iubilarius prædicās,
*jubilemus Deo salutari nostro. Iubilare in conspectu Regis leho-
 ua. Iubilare Domino omnis terra.* Euohe Bacche, Quò mo-
 Bacche rapis tui plenum? Nil paruum aut humili modo, nil morta-
 le loquar: dulce periculum est ò Lenæ, sequi Deum cingentem vi-
 ridi tempora pampino: quia tali jubilæo plenarias dat indul-
 gentias, quæ prædicantibus longè sunt gratiores, quàm
 illæ, à quibus Lutherus Tragædiæ suæ exordium duxit.

Verumenimuerò, qui rem accuratius perpendere
 volet, cum non modò ingens admiratio capiet, quod
 Lutherani, qui Lutheri iussu, tot festa Sanctorum sustu-
 lerunt, festum sæculare nunc instituant; sed etiam quod
 id instituant honorandæ & celebrandæ Academix; cū
 Academix plus emolumentī Ecclesiæ non adferant, quā
 Diabolus: Iste est enim 29 articulus V Viclephi in Con-
 cilio Cōstantienſi recitatus & damnatus: *Vniuersitates stu-
 dia*.

Secl. 8.

dia, collegia, graduationes & magisteria in eisdem, sunt vana gē-
tilitate introducta, & tantum profunt Ecclesia, sicut Diabolus.
Ergo festum sæculare merebitur Academia, Reipub-
licæ Christianæ tam perniciofa?

Dicet fortassis Prædicans. Quid ad nos Articulus
ille Wiclephi? Multum, mi Prædicans, multum; quia
multum ad vos Ioannes Hus, qui omnes Wiclephi ar-
ticulos tanquam veritati & religioni consentaneos di-
laudauit & comprobauit hoc suo articulo, qui est 25. in-
ter Hussiticos. *Condemnatio quadraginta quinque articulorum
Ioannis Wiclephi per Doctores facta, est irrationabilis, & ini-
qua, & malefacta, & ficta est caussa per eos allegata, videlicet ex
eo, quod nullus eorum sit Catholicus, sed quilibet eorum aut est
hæreticus, aut erroneus, aut scandalosus.* An & hic quæres,
quid ad nos Ioannes Hus? Num nihil ad vos Ioannes
Hus, quem tu in hac ipsa oratione tua sæculari vocas
gloriosissimum Martyrem.

An nihil ad vos ille, qui, vt tu ipse nartas, hoc elo-
gio à Luthero decoratur? *Sanctus Ioannes Hus.* An nihil
ad vos ille, de quo in disputatione Lipsiæ habita Luth-
erus disertè dixit: *Aliquot articulos Ioannis Hus fuisse Christia-
nissimos & Euangelicos, & inter Articulos à Leone X. dam-
natos continetur ille, & est 30. Aliqui articuli Ioannis Hus
condemnati in Concilio Constantiensi sunt Christianissimi, verissi-
mi & Euangelici, quos nec vniuersalis Ecclesia posset damnare.*
Quid si inter istos aliquos Christianissimos & Euangelicos
articulos etiā vnus ille fuit de vniuersitatibus, collegijs,
gradibus Academicis? Quid ni hoc non suspicemur, sed
planè nobis persuadeamus; cum Lutherus articulum il-
lum particulariter prolatum in vniuersalem mutauerit:

Erravi, inquit, & hunc articulum reuocaui, & adhuc reuoco, in *Luth. asserti.*
hoc, quod dixi, aliquos articulos Ioannis Hus esse Euangelicos. *Art. Tom. 2.*

Quare nunc sic dico: Non aliquos, sed omnes articulos Ioannis Husi Constantia esse damnatos ab Antichristo, &c. Et in faciem tuam sanctissime Dei vicaris tibi libere dico, omnia damnata Ioannis Husi esse Evangelica & Christiana, tua autem omnia prorsus impia & diabolica. Approbavit ergo Lutherus simpliciter omnes articulos Husi; & quod hinc est consequens, etiam VVielephi; quia ex Articulis Husi, quos Lutherus probat tanquam Evangelicos, verissimos, & Christianissimos, vnus est impius ille de Academiis gradibusq; Academicis articulus. Articulus, inquit Lutherus, Ioannis Husi damnatos omnes suscipio, paratus defendere eos per Christi gratiam, inuito illo rerum portento.

Luth. loc. cit.

Luth. lib. de
abrog. missa
privata.

Quid ni ita suspicemur, cum vt Lutherus tradit, Academia nihil aliud sint, quam Antichristi lupanaria. Academia autem Parisiensis, Sodoma, Louanienfis, Gomorrha. cuiusmodi Encomia Academia- rum passim in Lutheri tomis occurrunt, vt Tom. 2. Germ. vonn Mißbrauch der Weis. anno 22. folio 37. diese grauw- same verderbliche Grewel hören die vnuersehmbten Hure- häuser/ die Hohenschulen/sitzen vnd schweigen still/ &c. als ge- horsame Kinder der Kirchen/den Worten ihres Hurenwirts. Item Tom. 1. lat. fol. 539. Anno 45. Hurenhäuser vnd Lotterbuben Schul seyn vil keuscher dann die Römische So- doma/ vnd die Hoheschul Gomorra. Rursus Tom. 2. German. im Buch an die Rathsheren aller Städte/ daß sie Christliche Schulen/ &c. War ist / ehe ich wolt daß Hohen- schulen vnd klöster bliben so/ wie sie hieher gewesen sind / daß kein andere Weiß zu lehren vnd leben solt für die Jugende- gebraucht werden / wolt ich ehe daß kein Knabe nistler nichts- lehrte vnd stumme wäre. Dann es ist mein ernste Mey- nung/ bitt/ vnd begirde/ daß diese Esselställe vnd Teuffels- schulen einweder inn Abgrundi versinken / oder zu Christ- lichen

lichen (das ist / Lutherischen) Schulen verwandelt werden. Hæc & plura huius generis Lutherus in honorem Academiæ; ex quorum numero vni Lutherani VVitebergenses festum sæculare celebrant.

Vide Anas.
D. Pistorii spi.
ritu secundo
c. 8. & 9.

Dicent; Lutherum hæc & plura talia dixisse & scripsisse in *Academiis Papisticis*. Non nego; At VVitebergensis Academia ab anno Domini 1502. hoc est, à primo suo ortu vsq; ad annum 17. & ultra, etiam Papistica fuit. oportet ergo, vt sicut Lutherus de aliis Academiis pronunciat, fuerit *lupanar, stabulum asinorum, & schola diabolorum*. imò anno Domini 1518. adeò fuit Vniuersitas VVitebergensis Pontificia seu Papistica, vt Rector, Magistri, & Doctores Vniuersitatis studii VVitebergensis, hæc verba ad Illustrissimum Principem Electorem Fridericum scripserint. *Ante omnia mirifice places, quod Illustriss. Cel. T. simpliciter & purè desert honorem sanctæ Ecclesiæ & summo Pontifici. Neq; nos VNQVÆM QLIUD SAPIEMVS, &c. nihil enim antiquius ducimus iudicio sanctæ Romanæ Ecclesiæ.* Hæc Academici VVitebergenses. Fuit ergò Academia VVitebergensis nono Kalend. Decemb. M. DXIIX. adhuc Papistica, & quidem adeò vehementer, vt se talem fore in omnem sempiternitatem promitteret; Etsi aliquot post annis voti propositiq; sui immemor, desuit esse quod erat. Si igitur Papistica fuit; oportet vt & illa, à primo suo ortu, per multos consequentes annos fuerit ex sententia Lutheri, *lupanar, stabulum asinorum, & schola Diabolorum*.

Acad. VVite.
Epi. ad Fride.
Elect. Tom. I.
lac. VVite.

Quam ergò laudem meretur ille, qui excitat, fundat, dotat, priuilegiis ornat *lupanar, stabulum asinorum, & scholam Diabolorum*? Annæ prudenter illi agunt, qui *lupanari, stabulo asinorum, schola Diabolorum* diem festum agunt, sicut agunt VVitebergenses? debebant certè hoc sæculare suum festum non inchoare ab anno 1502. sed potius

potius ab eo tempore, quo ex lupanari Academia facta est schola virtutum, ut Lutherani existimant: & ex stabulo asinorum, stabulum prædicantium, hoc est, onagrorum.

Quam verò illud Lutherano dogmati dissentaneum est, Academiae erectæ præficere aliquem ex coelestibus patronum & tutorem! cum, ut Lutherus ait; nostra ætate eò redactus sit cultus Sanctorum, ut melius fuerit neque festa Sanctorum agi, neq; nomina eorum sciri. Et tamen, eodem Luthero teste, initio Academia VVitebergensis patronum habuit sanctum Paulum; darnach iste Insiglen verendert worden, inquit Lutherus, Postea mutata sunt insignia. Cum ergo ex Lutheri & Lutheranorum placito cultus Sanctorum sit idololatricus, sequitur profectò Academiam Witebergensem Idololatricam fuisse; cum sanctum Paulum Patronum & advocatum apud Deum sibi delegit; cumq; festiuitatem eius, tanquam patroni, solenni ritu peregit. Et tamen Lutherani Idololatricæ Academiae sæculares ludos & ferias decernunt.

Luth. in expl.
1. præcep.
Lut. in sermo.
coniuiali. tit.
vonn guten
Künster.

Lut. in expl. 1.
præcepti.

Acriter olim inuectus, vel potius debacchatus est Lutherus in eos; qui nouorum festorum dignitate, privilegiis, indulgentiis replebant totos sermones. Quæ inuectiua num in Hunnium quoq; aliosq; festi sæcularis VVitebergicos panegyristas competat, lector ipse statuatur. Nouum ceriè festum Hunniano, hoc est, verbosissimo & turgidissimo sermone repleuit: qui iure cum suo Luthero dicat: Nec frustra nos quoq; vixisse videbit posteritas, quia nouis festis fecimus vetera verè veterasse, si nihil aliud fecimus, hoc vnum satis est dignum aeterna memoria.

Lut. loc. cita.

Sperabat Lutherus futurum, ut adhuc festum Abrahamæ celebraretur, quia in fide eius fuit origo salutis, & promissus Christus. Et fortè diem Adæ & Heuæ quoq; celebrandum,

est predestinatum, inquit ille idem Lutherus. Sed hæc-
nus spe sua falsus est Lutherus: nam loco festorum *Ab-*
ruha, Ade, & Heua, habet jam VVitebergæ festum Aca-
demix erectæ. Itaq; venerunt dies, ait Lutherus, in quibus
omnia libentissime docemus & audimus, præter ea, quæ sunt an-
tiquæ & solida veritatis.

Lut. lib. cont.
Catharin.

Lutherus explicans visionem Danielis, & Regem
illum potentem faciebus, pro nona facie statuit festorum die-
rum multiplicationem, & iniquitatem. In hac autem facie infig-
nius lucent, inquit Lutherus, magni illi festi dies, *Vistationis*,
corporis Christi, *Epistolorum*, *Conceptionis*, & similium. Si hæc
festa adeo lucent in facie illius Regis, longè splendidius
lucebit hoc festum seculare, nimirum velut inter astra *lana*
minora.

Iam verò qui vniuersitatem instituit, is etiam fa-
cultates in eadem Vniuersitate instituit; & qui festum in-
stitutæ Academix celebrat, is celebrat etiam festum in-
stitutarum Facultatum, inter quas primas tenet Facul-
tas Theologica. Verùm quàm multa sunt in Facultati-
bus, quæ, si Lutherum audimus, non modò non sunt di-
gna festo, sed ne profesto quidem. Primum enim si no-
men ipsum spectes, Luthero Facultas est *Fecultas*, à fece, *Lut. lib. de*
& *Vaccultas* à vacca. Doctores Facultatis Theologicæ *Miss. priu.*
Magistrolli, *nostrolli*, separatim, coniunctim, *Magistrolli* *abrog. tom. 2.*
nostrolli, *Theologista*, *Theologastri*, *Liripipiati*, *Magistrolliter*, *lat. VVir.*
Liripipia, qui tria habent Sacramenta, *magistrollica*, *Birre-* *Lut. con. 32.*
tum, *Talarem*, *Liripipinm*, seu *Relipendium*. Quæ dicunt (Lo- *arr. Louanie.*
uauientes Theologi) *artic. 21. cum sequentibus octo*, sunt per- *to. 2. la. VVir.*
fectè *Marcolfica*, nec nisi in speculo *Marcolfi visibilia*: hinc *Luth. in ludo*
Marcolfus Nostrollorum; & bruta *Magistrollia*, *Sophista*, *Asini*, *com. Parisi. to.*
Doctorelli, quorum alii *Scotista*, alii *Scotellista*, alii *moderni* *2. VVir. la.*
stæ, alii *Oceanista*, alii *Gregorista*, alii *Thomastri*, qui non *Idem con. Syl-*
possunt *uest.*

L.

possunt

Eu. con. Henr. Reg. Angl. possunt errare; quia *Liripipium & Almutium non sunt signa fallibilia: vt Thomisticissime, imò & Henricissime loquamur.*

Lut. con. Catharinum to. 2. la. VVir. & lib. de Missa priuata abroganda. L. to. 1. VV. la. in Epit. Resp. Syluest. Quod si cum Doctoribus facultatis Theologicæ, ipsius facultatis adyta subire, & paulò curiosius scrutari velis, reperies omnia esse picta *stultissimis Thomisticatibus & Italicatibus, magisteriis nostralissimis, & magistralissimis determinationibus*, liceat loqui *Syluestraliter, imò & Thomistraliter, Colonialiter, Louanialiter, & Catharinaliter.* Ibi videbis quoq; profanam illam scholasticen, quam Theologiam vocant, si volunt, vt inquit in Apologia pro Luthero contra Parisienses profanus Melanchthon; qua admissa, nihil salui reliquum est Ecclesie. Euangelium obscuratum est, fides extincta, recepta operum doctrina, & pro Christiano populo, ne legi quidem, sed moralium Aristotelis populus sumus. Meum consilium dixi, ait Lutherus, vt adolescens vitet Philosophiam & Theologiam Scholasticam, vt mortem animæ suæ: non sunt Euangelia ita obscura, vt pueris ea non possint patere. Videte ne quis vos decipi. at per Philosophiam, &c. hanc ego Scholasticam Theologiam interpretor fortiter & cum fiducia.

L. Serm. conu. cir. de schola. Theol. L. co. Lasom. Lu. co. Catha. Inuenies in eadem Facultate S. Thomam Aquinatem, qui Luthero est, ein Wätscher vnd Schwäcker. Et de Thoma Aquino, inquit Lutherus, an damnatus vel beatus sit, vehementissime dubito, citius Bonauenturam crediturus beatum. Thomas multa hæretica scripsit, & auctor est regnantis Aristotelis vastatoris pia doctrina. Quid ad me, quòd Bullarum Episcopus illum canonizauit? Alibi. De quo numero & S. Thomas Aquinas, si tamen sanctus est, nam vehementer dubito, cum adeò nihil alfiat spiritus (Lutherani) in eo. Non quod negem illum (S. Thomam) esse sanctum, inquit Lutherus in eodem libro contra Catharinum; quamuis reuera hæretica doceat, & planè Christi doctrinam vastet; sed fortè imprudens, &c. Ita Lutherus

therus de S. Thoma, prorsus coebleatiue, & testudinatiue, vt ipse libro aduersus armatum virum Cochlaeum loquitur.

Et quid verbis opus? Propè est vt jarem, inquit Lutherus, nullum esse Theologum Scholasticum, qui vnum capitulum Euangelii vel Biblia intelligat, praesertim Lipsensem, imò ne Philosophi Aristotelis vnum capitulum, quod cum gloria spero me probaturum: si examinandi daretur facultas, nisi id est Euangelium nosse, syllabas pronunciare, vtunq; tamen. Quare non timeas à facie ignorantia: cedat ex animo titulorum ille fragor Doctorum, Vniuersitatum, Magistrorum, laruae enim sunt. Et tamen institutioni harum laruarum diem festum Lutherani consecrant, eumq; qui laruas istas VVitebergæ instituit, summis laudibus in coelum tollunt.

Hic iterum occlamabunt, Lutherum loqui de facultatibus Theologicis Pontificiis, vt de Parisiensi, Coloniensi, Louaniensi. Equidem non abnuo: dummodo mihi etiam hoc concedatur, Academiam VVitebergensem multis annis fuisse pontificiam, &, vt Lutherus pro sua nouas voces eudendi felicitate loquitur, *Papensem*; Et eadem studia in eadem tractata, quæ Parisiis, Louanii, Colonia, alibi, ac proinde istos festum suum sæculare auspicari non posse ab anno Domini M. DII. nisi contra Lutheri mentem, institutionem *Laruarum, omniq; ignorantia* solennitate aliqua dignandam esse existiment.

A Facultate Theologica procedamus ad Facultatem Iuridicam; quæ & ipsa Vniuersitatis membrum, & quidem à Theologica proximum. Hanc Facultatem condidit & instituit Illustrissimus Academiae VVitebergensis conditor & institutor; Quocirca qui conditæ Academiae festum celebrat, is huius quoq; Facultatis festum celebrat. Cæterum vt videamus quid nam sit Fa-

L. ferm. cōui-
tit. de Iurist.

cultas Iuridica, videre oportet ante omnia quid sit, Iurista seu Doctor Iuris tam Canonici, quam Cælarei, idq; iudicio Lutheri, nihil enim hic asserimus, aut asserimus, nisi ex ore & mente Lutheri. Ergo ut à definitione ordiamur, *omnis Iurista est aut nequista, aut ignorista*, inquit Lutherus. Notetur vox *Omnis*, quæ omnes comprehendit, nullo excepto; licet sit Cancellarius, aut Consiliarius maximi Principis. *Omnis Iurista est aut nequista, aut ignorista*. Nil opus multis ambagibus.

Fuit olim, qui superiori Scholæ suæ limini inscripsit, *nullus Geometra expers ingrediasur*. Cur, saltem Lutherani Iuristæ, hanc definitionem à Luthero traditam, Auditorio seu loco, ubi conueniunt, non adscribunt, & inscribunt, & quidem litteris grandiusculis, ut & à cæcitate de plano pellegi possit?

Quod si definitio ista nimis stricta videtur & breuis, addant & illud à Luthero repetitum Prouerbum, *ein Iurist, ein böser Christ*. *Iurista, malus Christianus*. qui si de rebus diuinis disputare velit, dic ad illum: *hōrest du Gesell/ ein Iurist soll hie nicht ehe reden/te*. nam cætera ad scribere nolo, videat, qui volet in Colloquiis Sympotiacis titulo de Iuristis: & in Iuridico Luthero M. Conradi Andree: qui nuper prodit.

Imo, quod mireris, *Iurista non est maioris pretij, quàm Sartor, aut Sutor*. Et quid tandem sciunt Iuristæ, quod sit alicuius momenti & pretij, licet vehementer sese iactitent; & omnia regere velint; etiam illa, quæ ad Iurisprudentiam minimè pertinent. *Dann wann sie viel können/ so können sie ein Kuchen/ vnnnd Schmeißhaus auffbawen vnd auffrichten*. Si multa norint, *culinam & latrinam edificare norunt*: Quod si Iuristam distilla-ueris ad quintam essentiam, samen ne vnicum quidem Præceptū Dei explicare posset, quantumuis sit doctus & prudens. Et omnis
legista

*Legista purus, est superbus & coccus idololatra, qui omnia intelligē-
do nihil intelligit.*

Relinquamus Iuris Cæsarei Doctores; ad Canoni-
stas veniamus. Qui quales sint, & qui, si ex Luthero sci-
sciteris hoc responsum ē vestigio feres. *Canonista sunt meri* L. con. Cath.
Diabolista, meriq; Diaboli. Canonista purus, est magnus asinus.
Quod elogium transfert quoq; Lutherus ad Thomistas.
Ego planē illud verum nunc video, inquit Lutherus, *Thomi-*
stam purum esse asinum verum, siue sit Italus, siue Germa-
nus. Deus perdat & Canones & Canonistas, vociferatur Lu-
therus, qui putant Ecclesiam Dei gubernandam hoc dicto: con-
suetudo est habenda pro lege. Quid Ecclesia primitiua ad tantos
Dominos rerum porcos, sophistas, & asinos canonistas? Ipla Iu-
ta Canonica nihil aliud sunt, definitore Luthero, quā
Eselsfürs vnd Bapstsdirect/ ipsum Decretum, Directet/ Do-
cretales, Drecketales.

Lut. in disp.
cont. Concil.
Consta thes.
29. & 34. to.
1. lat. VII.
Vide serm. cō-
uinal. Luth.
cit. de Iure
Canonico.

Prætereo sciens innumerata alia eiusdem pectoris &
fætoris. Quæ cum ita se habeant, consideret, etiam atq;
etiam oro prudens lector, an laude dignum facius per-
petret ille, qui Collegium Professorum vtriusq; Iuris,
hoc est, *nequistarum, Ignoristarum, Diabolistarum, & Diabo-*
lorū exstruit, instituit, fundat, & locupletat eos, q̄ ius illud
explanāt, q̄ Luther nō tātū infinitis maledictis proscidit,
sed & flammis voracibus absumendū tradidit. *Decretales pa-*
panon dico Apocryphas, ait Lutherus, sed impias & Christo ad-
uersarias, solo spiritu satanæ efflatas; quæ causa & eas exusti cum
fiducia. Item an Lutherani, si Luthero & doctrinæ pro-
priae obtemperare velint, possint diem festum celebrare
ob huiusmodi Collegium institutum?

Lut. in assert.
Art. Ar. 30.

Nec est, quod hic obijciant, Lutherū loqui de Iuri-
stis Pontificijs; tum quia Iurista in Academia VViteber-
genū ab initio ad annum vsq; decimum octauum, & vl-

L. Serm. cōui.
sit. de art. li-
beral.

Lut. in expl. I.
præc.

terius, Pontificij, hoc est, Catholici fuerunt; tum quia Lutherus generatim loquitur: *Omnis Iurista, aut est nequissus, aut ignorissus*; quæ vox *Omnis* tam Pontificios, quàm Hæreticos Iuristas complectitur. Mirum ergò, quæ constantia festis diebus VVitebergenses colant; quod repudiant & abominantur. Mitto dicere, quod Theologis Patronus datus est S. Augustinus; Iuristis S. Catharina; ut dicit Lutherus; mihi hoc inauditum hætenus; nam S. Iuonem Iuristis tutorem obuenisse arbitrabar, ut ipsemet Lutherus alibi scribit. Sed forrè Lutherus plusculum se inuitarat, cum prius illud inter Epulas effutiit.

Vt ut sit, non ignorant Lutherani, quanta verborum acrimonia hunc patronos deligendi morem incusarit & reprehenderit Lutherus initio statim sui Euangelismi. *Percurre, inquit, superstitiones stulti vulgi*; (en Academici, Theologi, Iureconsulti, Medici, Philosophi coniiciuntur à Luthero in stultum vulgus) *Curarij fabri S. Eulogium, Sutores S. Crispum & Crispinianum, fullones S. Seuerum, Pictores S. Lucam, Medici S. Cosmam & Damianum, Iurista S. Iuonem, Arista S. Catharinam, aliquando & Aristotelem* (cave sis mentiaris Luthere) *habent Patronos*. Malè itaque factum, quod Theologi & Iuristæ VVitebergenses, inquit *stulti vulgi*, cæcites sibi Patronos delegerunt, statim atq; Academici esse cœperunt: Non ergo tale factum festo die venerandum, sed silentio potius tegendum erat. Restat igitur ut isti præcipitem suam celeritatem emendent, & sæculare suum festum post annos octodecim aut viginti demum festiuè celebrent.

Zang. inorat.
de Iubi. VVit.

Porro quod dixi de S. Iuone Iureconsultis VVitebergensibus in Patronum dato; id confirmat Ioannes Zangerus Professor Iuris in Academia VViteberg. & Facultatis senior his verbis: *Quod igitur interpretandi & discend*

scendi iuris rationibus optimè prospectam cupere; (Fridericus Princeps Elector) & à lous, quod dici solet, principium faciendum censeret: ideo Iureconsultorum Facultati in Deum tutelare (nimiū hoc est; suffecerit in Patronū, seu Diuū tutelare) delegit sanctum Iuonem. Hic natione fuit Britannus, & vidit sub Carolo Quarto, propter doctrinam & singularem eloquentiam, etiam mira pietate celeberrimus. Et post multa in laudem Iuonis adducta, subiungit Zangerus. Seuerè igitur præcepit Fridericus III. ut nostra Facultas huius Iuonis Iuristarum Patroni festum quotannis decimo nono die mensis Maij in templo solemniter perageret, nimirum, ut Decanus inuitaret Rectorem cum reliquis Professoribus ad Missam super altari Iuonis celebrandam, ut tunc temporis nostri à Rectore proximum occuparent locum, ac, ut in alijs Facultatibus, prima vespere haberentur, &c.

Si hæc vobis tam seuerè Illustrissimus Princeps vester mandauit, cur mandata eius non obseruatis? Cur festum Iuonis, eo, quo præscripsit ritu, non celebratis? Dices fortassis, hoc ideo fieri, quod ipsemet Princeps decretum suum reuocauerit & retractarit; idque suasu Lutheri. Non disputo de Principis facto; (nihil enim scriptis meis cum illo Principe, sed cum Prædicantibus) tantum quero; an non Luthero saluberrimarum Academicæ Fundatoris constitutionum abrogationem suadenti, idq; ut ipse sibi persuadebat, ex sacris litteris, & ipsius Spiritus sancti impulsu; occini potuerit illud ab ipso Luthe-
ro pronunciatum, litterisq; mandatum. Nullus est Morrychus (stultulus) adeo stupidus, ἢ οὐτως τενούδιαις εἶναι (adeo rudis & indoctus) qui non quidquid probè adpotus somniauit, Luth. Tom. 2.
Ep. ad Antu. proinus à Spiritu sancto sibi suggestum esse contendat; & mædæ erp. Prophetæ esse labores.

Laudo autem eximiam huius Iureconsulti; etiam in
capi-

capitales hostes, charitatem & benevolentiam: cum enim Lutherus Iuristas pessimis modis oderit, omniq; ratione perditos desiderarit, iste tamen bonus Iurista, seniorq; Facultatis Iuridicæ persuadere nobis nititur, Lutherum de Iuristarum professione non nisi honorifice sensitse; Doctoresq; utriusq; Iuris, suis, hoc est, veris & legitimis pretijs æstimasse, cui propè assentior: Mouet me. I. Iuristarum definitio tradita à Luthero supra iam allata: *Omnis Iurista aut est Nequistia, aut Ignoristia.* II. Mouet me descriptio Canonistæ sapius à Luthero assignata: *Canonista est Diabolista, aut Ahnista.* III. Mouet me Lutherana illa Paronomasia Luthero & Prædicandibus familiarissima: *Decretum, Drecketum. Decretales, Drecketales.* IV. mouet me totus titulus de Iuristis in symposiacis Lutheri colloquiis, & totus Lutherus Iuridicus: M. Conradi Andreæ, qui Encomia Iuristarum, Legum, & Canonum, diligenter ex operibus Lutheri collegit, & in vnum fascem comportauit: inter quæ maximè eminet

*in Coll. la.
franef. 1571.*

*D. Pist. spiritus
secund. Luth.
cap. 6. 1704.
5.*

hoc præconium: *Iuridicam Facultatem omnium esse spurcis-
simam, ab omnibus artibus alienam, neq; legibus Romanis fundatâ,
sed tantum Rabolismum, questuosum esse.* V. Mouent me
nominatim, quod ad ciuiles leges attinet, illa, quæ ex
Lutheri tomis nobis exhibet clarissimus vir D. Ioannes
Pistorius. VI. Maximè moueor exustione Iuris Cano-
nici à Luthero procurata & peracta. Quis enim neget
factum hoc fuisse luculentissimum testimonium honori-
fici illius affectus, quo Lutheri pectus in utriusque Iuris
Professores flagrabat?

Sed ait Zangerus. Lutherum non combussisse *jus
Canonicum in contumeliam aut Iurisconsultorum, aut legum vi-
lissimarum, quas Pontificium jus complectitur, quasq; in Aca-
demiâ, jussu Principum, vtiliter conseruant & explicant Doctores;*
sed

sed in ignominiam Papæ, & in detestationem impiorum Decretorum, quæ bonis legibus admiscuerunt. Crederem, nisi Lutherus ipse ab assensu me remoraretur per conuicia in totum jus Canonicum; in quæ huius juris interpretes largiter effusa; & jam à me aliqua ex parte superius recitata: Anne vllum honorem Iuri Canonico habendum censuit ille, qui in libro ad Nobilitatem Christianam scribe-
 re ausus est? Bonum fore si Ius Canonicum à prima littera vsque
 ad ultimam funditus aboleretur, præsertim Decretales; satis super-
 que in Bibliis tradi, quomodo vnusquisque in rebus agendis sese
 gerere debeat. Tante studium impedire sacram scripturam: ma-
 xima ex parte olere auaritiam & superbiam; & posito, quod mul-
 ta salutaria contineret; meritò tamen debere exterminari; eò quod
 Pontifex omnia iura Canonica in scrinio pectoris sui captiua tene-
 at, &c. Pereat igitur & concidat in nomine Dei, quod sese in no-
 mine Diaboli exulit. Et nullus sit amplius Doctor Decretorum
 super terram. Hæc Lutherus anno Domini 20. quo Ius Ca-
 nonicum exussit.

Lut. im Buch
 an Christl.
 den Adel.
 Tom. I. Ger.

Ex quibus liquidò apparet, quàm verè scribat Se-
 nior Facultatis VVitebergensis, Lutherum non exussis-
 se Ius Canonicum in contumeliam Iuris Professorum & sa-
 luberrimarum legum, quæ in illo comprehenduntur. O-
 prabat Lutherus Ius Canonicum, Iurisq; Canonici Professo-
 res stirpitus excisos esse; & vt hoc votum suum omnibus testa-
 tum faceret, volumina Iuris Canonici in flammam abie-
 cit; & tamen hoc non fecit in contumeliam Doctorum
 & Canonum; si ille vera canit. Quæ tandem contume-
 lia erit, si hæc non sit? Laborabat totis viribus vefanus
 Apostata, vt Iuris Canonici professio ex omnibus scho-
 lis ablegaretur, vt alibi fufius demonstraui; & tamen hoc
 non redundat vilo modo in contumeliam Doctorum Iu-
 ris? Quis VVitebergæ in Facultate Iuridica tantam pa-

Lib. 2. de iure
 prohib. malos
 lib. c. 12.

cientiam, tantamq; aliena dicta interpretandi æquitatē
reperiri cogitasset?

Placet autem quod scribit, iussu Principum, in A-
cademiis Ius Canonicum auditoribus explicari, & salu-
berrimas leges in eo comprehendi. Placet inquam hoc;
quia nihil est aliud, quàm manifesta condemnatio Luth-
erī; qui in Ius illud, quod Principes in Scholis retinent, &
cui enucleando proprios Doctores honestissimis salariis
conducunt; & dictis & flammis tam furiosè debacchatus
est.

Nec fuit Lutherus, quod attinet ad affectum, mul-
tò æquior in leges ciuiles, earumq; interpretes; vt etiam
inuidiissimus Imperator Carolus in suo aduersus Lutherū
edicto obseruauit, & publicè monuit. Sed affectum tor-
midine supplicii non nihil cohibuit, quem tamen vsquo
ad edò comprimere nequiuit, quin aliquādo foras promi-
carer; & quidem luculenter; vt factum est in eo ipso lib-
ro, quem supra testem citabam, in libro, inquam, ad No-
bilitatem Christianam; vbi post verba, quæ supra adduxi,
hæc subiungit: *Fertur, nusquam esse pulchriorem gubernatio-
nem & administrationem politicam, quam apud Turcam; qui ta-
men nec pontificium, nec ciuile jus habet, solo Alcorano contentus.
Fateri rogamur, turpiorem administrationem non esse, quam apud
nos per Canonica & ciuilia jura; quodq; nullus status naturali ra-
tioni, nedum sacra scriptura conuenienter viuat & agat. Ciuile
jus, bono Deus, in quantam solitudinem degenerauit? Quamuis
longè sit melius, artificiosius, & æquius, quàm Canonicum, in quo
præter nomen, nihil inest boni: quamuis & hoc nimium excreuit.
Reuera sat juris essent prudentia præstantes Reipublica governa-
tores vñ cum sacris litteris; sicut monet sanctus Paulus 1. Cor. 6.
Sic non est inter vos sapiens quisquam, qui possit judicare inter
fratrem suum? sed frater cum fratre iudicio contendit, & hoc apud
infi-*

infidelem? Videtur mihi quod iura municipalia & consuetudines
preferantur Cesareis legibus. quodq; leges Cesarea tantum in casu
necessitatis usurpande sint. Veinam sicut cuius provincia sua est
consuetudo & indoles, ita quavis etiam paucis legibus, & compen-
dioso jure gubernaretur; sicut factum, antequam leges istae nasce-
rentur; sine quibus multa adhuc provinciae administrantur, diffusa
illa, & longè accersita leges nihil aliud sunt, quàm onera hominum;
& magis impediendū, quàm expediendis rebus idonea.

Hæc Lutherus de legibus civilibus, quæ ad ipsos
civilium legum Doctores ignominiosè redundare, qui
non videt, is profectò parum videt, omitto alia Lutheri
loca, ubi quo animo fuerit in leges civiles, satis prodit.
Certè si poenæ metus non obstitisset, mira & scripsisset
& egisset aduersus civilia iura: Nec aliunde hausit Carol-
stadius suum de hoc iure dogma; quam ex disciplina Lu-
theri.

Quale verò dogma Carolstadij? Audiamus Philip-
pum in Epist. ad Fridericum Myconium: In tota doctrina so-
lebat (Carolstadij) ἡ δ' αἰσῶν καὶ σασιῶν ἀπὸ τοῦ θεοῦ ἀνάβηται omnes leges
ab Ethnicis conditas, cōtendebat in foro ius ex Moyse dicendū esse.
Doctrinæ huius ova, ut sic dicam, posuit Lutherus; sed
cum ea à Carolstadio exclusa videret; quasi cohorrescēs,
resiliit; Intelligebat enim huic opinioni, nō eam propo-
situm iri impunitatem; quæ alijs. Quid enim ad everten-
dam Rempublicam Christianam aptius excogitari pos-
set, quam si leges humanæ, illa vitiorum fræna & repa-
gula è medio tollerentur? Obijceret fortassis Iubilarij no-
stri: Lutherum alibi leges civiles commendasse. Quid
tum postea? Nihil aliud hinc sequitur, quam Lutherum
bilinguem fuisse; & pro temporis, vel potius furoris sui
ratione linguam ad maledicendum aut benedicen-
dum exercuisse. Quæ verò illa laus, si eandem professio-

nem eiusdemq; Doctores & Professores vno loco dilaudes; altero conuiciorum iaculis obruas? Certè si quis aliquem modò nebulonem & tycophantam, modò optimum & candidissimum appellaret; laus non magni penderetur, nisi ab illo, qui nesciret, quid vera solidaq; laus à figurata & diasyrctica discreparet.

Schat. in ora.
de pseudoiub.

Sed satis de Facultate Iuridica; gradum faciamus ad Medicam, in quam Lutherus speciatim criminationibus & conuicijs, præter suum morem & indolem iniuriosus, quod sciam, non fuit: *Vnum addere placet*, inquit Andreas Schato Medicus VViteberg. *quod ad commendationem nostræ artis non parum facere arbitror, amasse Lutherum doctrinam Medicam, & remedia familiaria, & salutaria multa nouisse. At propterea filio Paulo auctorem fuisse, ut post religiose (Lutheranæ) pietatis studium, ad hanc doctrinam, tanquam nobilissimam, animum applicaret, quod & præclare cecidis. Cohibuit ergò bestia os suum ab hac Facultate speciatim criminanda; quam quod primus Academix fundator, in elientelam sanctis Cosmæ & Damiano tradidit; parum profectò cum Lutheranis placitis & decretis concinit: ut iam antea dictum de Iuone Iuristis dato Patroni titulo. Non igitur debebat Schato Facultatis suæ incunabula repetere ab Idololatria; sed ab eo tempore, quo luce Lutherana perfusa tantum splendescere cœpit; quantum sol aut luna; quando deficiunt seu Eclipsantur.*

Erat inter cetera, ait Schato, quæ ad collegium pertinebant, hoc etiam legibus ab initio constitutum, ut Deos quasi tutelares agnosceret & coleret (fallis aut falleris; patronos aut aduocatos, aut tutores dicere debebas, non Deos, quia vnus est Deus omnium tutelarum) Dinos Cosmam & Damianum, &c. Præceptum insuper, ut dies ille quotannis in honore esset,

set communitati Medicorum, quo festum, solenni ritu, patronorum horum nomine, celebraretur, inuitatis ad hoc, Rectore & cæteris Academia Professoribus, ne quid ad splendorem & dignitatem summam sacris in deesset, in qua etiam festiuitate proximum à Rectore locum princeps Decano & collegio Medico clementer attribuit. Atq; hac cultus religiosi opinione factum arbitror, vobis, quales putabatur, (imò erunt, semperq; erunt; vobis etiam inuitis) Diuorum imagines sigillo inculperentur; quod publicum Collegio nostro donatum est, &c. Pro horum ergò Medicorum & Martyrum honore & cultu Missa solennis celebrata fuit anno salutis 1519. in Aed. arcis, &c. Interfuit solennitati illustrissimus Princeps Barnimus Dux Pomeraniae, &c. Cæperat biennio ante Lutherus purgare (inquinare) doctrinam cælestem, &c. Inter quæ purgamenta hoc etiam vnum fuit; adimere Facultatem Medicam, honoresque à fundatore decretos Diuis Cosmæ & Damiano; Cosmamq; & Damianum Facultati Medicæ.

Quam præclare fecisset non modò Facultas Medica, sed & vniuersa VVitebergensis Academia, si cum Luthero Facultates tutoribus & patronis cœlestibus spoliante egisset; quod ipse se acturum cum Carolitadio scripsit ad suum Lincum. Quid illud? Certum est ei (Carlstadio) interdicere suggestu, quod ipse temeritate propria, nulla vocatione, inuitis Deo & hominibus conscendit. Ideo sicut ex Deo non venit, ita ex Deo non docuit; & fructus ipse docet, cuius verbum locutus sit, & cuius gloriâ quaesierit. Quem Deus misit, verba Dei loquitur. Quam hæc aptè in ipsum Lutherum quadrant! Quam pulchrè ex ore suo seruus hic nequam damnari & jam olim potuisset viuus; & nunc potest ad inferos detrusus!

Lut. 10. 2. Epist.

Vocat nos Facultas Philosophica: Cui in primis, ex Lutheri dogmate, hoc vitio vertendum, quod S. Catha-

Geor. Scherer
cont. Herb.

rinam Patronam & aduocatam apud Deum habuit; eiusque imagine insignia & stemmata, & vt vocant, sigilla decorauit; more aliarum Academiarum; quibus mos iste ante Lutherum sollemnis erat: tametsi necdum planè defuit. Nam ante paucos annos visebatur adhuc effigies S. Catharinæ in Sigillo Facultatis *Artistica* V Vitebergensis. Neque enim apud ingenuos potest improbitas omnia antiquæ religionis monumenta obliterare & dispungere.

Sed mittamus Patrocinium S. Catharinæ Lutheranis dogmatis nequaquam consentiens; contemplemur, quod nam sit præcipuum huius facultatis munus; quod officium, & inde colligamus, num commendationem mereatur, qui talem Facultatem condit.

Artisticæ Facultatis potissimum officium erat, eo præsertim tempore, quo Academia V Vitebergensis cōdita est, tradere Iuuentuti Rhetoricam, logicam seu Dialecticam, Physicam, Metaphysicam, Ethicam: idque ex **L. to. I. Epi. 9.** Aristotele: Iste enim in Christianis scholis à multis iam sæculis primas tener. Quis verò Aristoteles? Nisi caro fuisset Aristoteles, inquit Lutherus, verè Diabolum eum fuisse non pueret asserere. Eidem Luthero est Aristoteles Proteus, hisirio, qui græca larua Ecclesiam luse, vaferrimus ingeniorum illusor, calumniosissimus calumniator, sycophanta impiissimus, Princeps tenebrarum, triceps Cerberus, tricorpor Gerion, verè ἀπολλύων, id est, perdens & vastator Ecclesiæ; merus logodædalus & logomachus, vastator piæ doctrinæ, bestia, caligo hominum, & quidem terribilissima. Ecce qualem Academiae Conditor Doctorem iuuentuti à Philosophica facultate explanandum proposuit: num dignus est, Lutheri calculo, vt huiusmodi institutio sæculari cultu & memoria cohonesteretur?

Lut. Ep. con:
Eckium. to. I.
VVit. lat.
L. li. co. Amb.
Cath.
L. in resolu. de
indulge. to. I.
lat. VVit.

At relicto Aristotele videamus, num saltem ipsæ scientiæ, quarum interpretatio ad *Artificiam* Facultatem pertinet, fructuosæ sint Auditoribus. Id nobis Lutherus de singulis pulchrè expeditum dabit. Auspicemur à Dialectica. *Quærñ*, inquit Lutherus ad Spalatinum; quatenus vtilem dialecticam arbitrer Theologo. Ego sanè non vi-
 L. 10. l. 1. Ep. 54.
 deo, quomodo non sit noxia potius Dialectice vero Theologo. Est quod sit fortè vtilis iuuenilium ingeniorum lusus vel exercitatio: sed in sacris litteris, vbi mera fides & superna expectatur illustratio, foris relinquendus vniuersus syllogismus, non aliter, quàm Abraham sacrificaturus reliquit pueros cum asinis, &c. Quod si vlla necessaria est Dialectica, naturalis illa ingenita sufficit, quæ homo promptus est conferre credita cum creditis, & sic concludere vera. Ego sæpius cum amicis disquisui, quidnam nobis videretur vilitatis accessisse ex tam anxio studio Philosophiæ & Dialecticæ, & certè vno consensu admirati, imò lamentati nostri ingenij sortem, nihil vilitatis, totum autem nocentia pelagus inuenimus. Et post multa in eandem sententiam, sic affatur Spalatinum. Si ergo meo iudicio credis, proste tibi Dialectice vbi potest, in sacris litteris etiam nocebit. Alibi idem Lutherus. Ego
 L. Ep. 47.
 simpliciter credo, quod impossibile sit Ecclesiam reformari (deformari) nisi sūdicius Canonēs, Decretales, Scholastica Theologia, Philosophia, Logica, vt nunc habentur, eradicentur, & alia studia instituantur, atq; in ea sententia adeo procedo, vt quotidie Dominum rogem, quatenus id statim fiat, vt rursus biblia & sanctorum Patrum purissima studia reuocentur. Hæc Lutherus de Dialectica.

Quid de Physica? Physica Aristotelis, inquit Hæresiararcha, est prorsus inutilis materia omni penitus atati. Contentio quadam est totus liber super re nihili, & velut assumpto argumē-
 L. Ep. 100.
 to. Eiusdem farina & metaphysica & de anima sunt. Indignū est itaq; id ingenij (loquitur de Melanchthone) in eo ruga-
 rum

rum cœno versari. Melius legitur (Aristoteles) non intellectus, (pro dispensatione) quam intellectus.

De Ethicis Aristotelicis ita nobis suam sententiam promittit Lutherus. *Philosophia Aristotelis de virtute morali, de obiecto, de actu, de actu elicito, talis est, quæ nec in populo doceri possit, nec est ad scripturæ intelligentiam utilis, quia continet duntaxat portenta verborum, non nisi ad contentiones verborum conficta. Et: Ethica lectio est planè ad Theologiam, lupus ad agnum. Denique, tota ferè Aristotelis Ethica, pessima est gratia inimica.*

To. 2. la. VV.
inter acta à
Paris. Acad.
damn.
L. to. 1. Ep. 59.
L. tom. 1. VV.
lat. in disput.
quadam.

L. Ep. 100.

Quid de Rhetorica? Rhetorica exercitatio nullius usus, nisi velis exemplum Rhetorica declamationis cernere, ut si de stercore, vel alia re nihili ingenium, & artem quis exerceat. Ira Dei voluit tot sæcula his nugis & eisdem nihil intellectus humani genus occupari.

L. con. Catha.

Et quid longis verborum ambagibus utimur? Duodecima & ultima facies Regis faciebus potentis apud Danielem, est chaos illud, & janua patens inferni, incredibili facie spectabilis, vniuersitates inquam, in quibus periuria & abusus nominis Dei sunt introitus. Deinde conuersatio in omni scelus libera & licentiosissima, sub in tamen peccatis & perditionibus promittitur scientia & sapientia, etiam præstituti titulis & gradibus vice mercedum. Quid autem præstant tandem? Primum electiores Christiani populi adolescentes hic prostituuntur, & in patens guttur inferni proiciuntur, ut per idolum Moloch figuratam hanc perditionem, cui filios & filias olim dilectissimos lustrabant per ignem. Deinde proposito Aristotele, nec ipso rectè intellecto, cum gentilibus & humanis litteris ingenia Christiana occupantur, imo excantantur & opprimuntur. Et pro verbo Dei, Papæ dogmata trahantur, ut videatur ad Euāgelium funditus exstinguendum, nec astutius, nec efficacius inuenisse Satan commentum, quàm vniuersitatum erigendarum, ubi sub titulo doctrinæ Christianæ

non nisi pugnantiſſima doctrina Chriſtiana docerentur, &c. Et mihi ſanè hæc facies vltima omnium nocentiſſima eſſe videtur.

Hæc & alia cum Lutherus de Ariſtotele, Ariſtotelica doctrina, iſiſque vniuerſitatibus docuerit, publicis que litterarum monumentis ad poſteritatis memoriam conſignarit, plusquam mirificum videri poteſt, quomodo Lutherani, ſi parentis ſui doctrinam veritati conſonare cenſent, audeant feſtum celebrare in honorem Academiæ inſtitutæ, quæ duodecima, & vltima, omniumque nocentiſſima facies eſt Regis illius faciebus potentiſſima. vel ſi dicant, jam non eſſe; ſaltem à primo ſuo ortu per octodecim annos talis fuit; in qua, vt & aliis omnibus Academiis. generaliſſimus Rector non Chriſtus, ſi vera dicit Luther. li. cont. Lutherus, non Angelus Domini, ſed Angelus abyſſi, id eſt, mor- Caſhar. tuus & de mortuis ac damnatis fuit; Ariſtoteles nimirum, qui in vniuerſitatibus regnat.

Et tamen Lutherani lætis vocibus die ſuæ Academiæ Natali cantitant: *Salve feſta dies, toto venerabilis æuo.* obliſ illius, quod Helias Vitebergensis & Iſlebicus ſcripſit, vniuerſitates eſſe vnum ex tribus illis *Va*, quæ Angeli Apocalypſici mundo inuexerunt. Quintus Angelus tuba cecinit; ait S. Ioannes. *Is primus eſt inter tres*, ſub- iicit Lutherus, qui tria *va* inducturi erant ſuper terram, *is eſt*, qui primus Vniuerſitates inſtituit vel confirmauit, quem mihi non facile fuerit nominare, ita variantibus hiſtoriis.

Ecce qui Academias inſtituit, *va* ſuper terram induxit, auctore Luthero; hoc tamen *va* Vitebergenses ſolennitate ſæculari celebrant. At cum Lutherus neſciret, quis nam primus Academiatarum inſtitutor fuerit; ſubdidit. *Sit quiſq; fuerit. Stella de cælo in terram lapſa, vel Alexander de Hales, vel quod magis credo, S. Thomas fuit, qui poſt Vniuerſitates approbatas, & tubam huius Angeli, vel primus, vel*

maximus fuit Auctor inuehenda in orbem Christianum Philosophia, solus Aristotelicissimus, ac planè Aristoteles ipse, in quem velut in terram de cælo à Christo cecidit fretus auctoritate impossibili illius Angeli (fundatoris primi Academiarum) eiusmodi studia probantis. Hæc Lutherus.

Quæ quomodo cum Lutheranorum festiuitate conueniât, equidem non video: nisi fortè dicant isti Lutherum alibi aliter & honorificentius scripsisse de Academiis, & scientiis, præsertim de Dialectica; idq; potissimum in sermonibus conuiualibus, vbi alioquin honorificentissimè & modestissimè (scilicet) de omnibus loqui solet. At quid ad nos, si ipsemet Lutherus sua vincata cædat, & ex eodem ore calidum simul & frigidum efflet? An ideo illa, quæ recitauimus, non scripsit, quia alibi alia scripsit? Antilogias, enantilogias & contradictiones Lutheri in concordiam redigere, mihi nunquam proposui, quia impossibilia mihi non proposui. Inanem laborem capiet, quisquis hoc tentauerit: non lecus ac si quis (vtar exemplo Lutheri) conaretur verbum S V M regulariter iuxta communium regularum præscriptionem coniugare: *Sum, sus, sunt.* Aut si quis provinciam hanc suscipere velit, faciat id aliquis, vt Lutherus loquitur, *Magisterculus* ex illis 64. quos nobis Iubilæus V Vitebergensis peperit.

Ego ad alia perge; in primis ad hoc, an non Academia V Vitebergensis auctoritate & consensu summi Pontificis erecta, & ab eodem confirmata fuerit? Hunnius nobis, oro, hanc quæstionem expediat. Sed nil opus Hunnio. Quæstionem hanc iam nobis expeditam dedit senior Facultatis Iuridicæ, in sua Iubilæaria oratione: qui ait, Academiam V Vitebergensem Anno supra sesquimillesimum octauo, à Iulio secundo Pontifice Romano, Privilegiis datis confir-

L. serm. conui. ti. de art. liberal.

L. serm. conui. tit. de Iurist.

Lut. Ep. 36.

confirmatam esse, licet iam antea sub ipsa sua primordia. Anno 1502. à Rainundo Cardinali, nomine Pontificis, approbata & sedis Apostolicæ auctoritate munita fuisset. Quod si ita est, mirari iterum subit, qua ratione audeant Lutherani celebrare festum Vniuersitatis institutæ approbatione eius; qui, ut Lutherus lingua digna execari blasphematur, non est vicarius, sed *Vaccarius Dei in terris*. Qua conscientia repetunt incunabula suæ scholæ ab Antichristo? Hoc enim conuicio summum Pontificem insectantur.

L. lib. com.
Cathæ

Illud etiam perquam scire velim; num priuilegia illa suo in Archivo Academici adhuc retineant: Et si retinent; qua conscientia retinere possint diplomata, ut ipsi credunt; Antichristi? Fortè ideo retinent, quia, ut Zangerus ait; *Raimundus Card. concessit Academicis Vitebergensibus ut Quadragesimalibus & aliis diebus, quibus butyri, casei & aliorum lacticiniorum esus esset prohibitus, duntaxat septimana, qua memoria passionis & mortis Christi celebrari solet, excepta, butyro, caseo & aliis lacticiniis absque conscientia scrupulè liberè vescerentur nō obstantibus decretis generalium vel particularium synodorum: cum in his locis oleum oliuarum non crescat, neq; sine magnis impensis ex remotissimis oris adferri possit, cumque oleum nucum & similibus rerum raucedinem, & alia corpori incommoda pariat.* At vix credo diplomata Pontificia asseruari ab istis ob hanc causam; quia potestas illa à Rainundo Card. concessa durauit duntaxat ad viginti annos. Itaq; cum anno 1502. concessa fuerit, necesse est, ut exspirauerit anno Domini 1522. quo, ut & aliquot antegressis, nacti sunt Vitebergenses longè benigniorem & liberaliorem dispensatorem, Martinum Lutherum, qui etiam carniū edendarum potestatem plenissimam fecit; non modò Quadragesimæ diebus; sed &

in ipsa passioni dominicæ singulari cultu antiquitus dedicata hebdomade; & simpliciter quouis totius anni die; ut proinde Raimundi pro butyro, caseo & lacticiis Bulla amplius non egeant. Sed satis de his, Hunnium iam grandiloquentia sua subsellia replentem, audiamus; facite, auditores, ut *vaticina* sint ædes aurium: non aliò mentes, aliò aures conuertantur; sed hoc agant, quod agendum est; ne tantus orator verba in cassum fundat; qui ubi narrasset ex omnibus Saxonici Electoratus oppidis pro Academia fundanda VVitebergam delectam fuisse à Principe Friderico, à sapientiæ laude nomen & elogium *sapientiæ* adepto; præfagiente immensam ex hac schola utilitatem ad vniuersam Ecclesiam & Reipublicam Christianam exundaturam esse; sic fari pergit.

(a) Ne quid celebritati Academicæ defuit, ornanda quoque est vaticiniis & quidem Fleckianis, cuius prædictio similis est Lutheri prædictionibus collectis à Christophoro Walthero, & Ioanne Amsterodamo; præferimus illi, quam Lutherus spiritu Prophetico afflatus effudit anno Domini 1521. in die diuisionis Apostolorum. Carolus (V. Imperatorem) impeti bellis, nihil mirum: nihilque unquam habebit prosperum, & cogetur alienæ impietatis penam soluere, infelix iuuenis. quod veritatem VVormatiæ malis consultoribus in faciem sic repudiavit: & Germaniam inuoluit calamitate sua quoque, quod impietati consensit. An non verum hoc Lutheri vaticinium? An non Carolus V. post hoc oraculum Italiam, Germaniam, Libyam, Galliam domuit, capto potentissimo Rege; captis

Lut. Ep. 236.

ptis item Illustrissimis Imperii Principibus? Quis ergò de veritate Lutherani vaticinii dubitet? præsertim cum ipsemet Lutherus in Sermon. Conuiual. tit. de Principibus, vaticinationem suam refellat, & mendacii coarguat. Simile prorsus est hoc Flecki vaticinium, nisi quis verum putet ideo, quia ab hoc monte Albo mutuatus est Zwinglius suam sapientiam Zwinglianam; Oecolampadius, Oecolampadianam; Calvinus Calvinianam; Pacimontanus Anabaptisticam; Swenckfeldius, Swenckfeldianam; Seruetus, Seruetianam; Illyricus, Illyricam; alij aliam. Omnium enim Hæreticorum huius æui parens fuit Lutherus, Albi huius montis niger incola. Omnium huius ætatis hæreson oua posuit Lutherus, quæ postea alii excluderunt. Qui enim docet solam scripturam legendam & audiendam esse, contemptis omnibus antiquorum monumentis, spretoq; Ecclesiasticæ intelligentiæ Canone; quam ille fenestram ad peruersas, sceleratasq; opiniones & sectas non pandit?

Vt tamen in specie exempla aliquot sapientiæ, ex hoc albo monte profectæ indicemus, nouerit lector, hinc fluxisse illam plusquam mirificam sapientiam, quam habet Lutherus in Epistola ad Amstdorffium, his verbis comprehensam: *De animabus tuis non satis habeo, quod tibi respondeam, proclive mihi est concedere tecum in eam sententiam, iustorum animas dormire, ævq; ad iudicii diem nescire ubi sint.* En sapientiam Witebergensem, quæ ex animabus glires facit; vel certè somnulosos Epimenides. At ne hæc tanta sapientia nuda sit, vestienda est scripturis. In quam sententiam, inquit Lutherus, trahit me verbum scripturæ: dormiunt cum Patribus suis. Et mortui resuscitati per Christum & Apostolos idem testantur, cum velut à somno euigilarint; ignari ubi fuerint. Nec habeo, quibus hanc sententiam subuersere possim.

Tom. 2. Epist.
pag. 44.

En nouam & inauditam huius Albi montis sapientiam, quæ tamē, an vniuersale hoc sit omnibus animabus, non audet asserere, propter raptum Pauli, Helie & Moysis, &c. quis enim nouit, quomodo Deus agat cum animabus separatis? Nonne potest eas æquē sopire alternis vel quādiu voluerit, atq; viuentes in carne sopit? &c. Idem de damnatis sentio, posse aliquas sentire pœnas statim à morte, aliquas verò separari vsq; in illum diem, &c. Verisimile autem est, exceptis paucis, omnes dormire insensibiles. Hæc Lutherus anno Domini 1522. die octaua Epiphaniæ. Quo eodem anno die Veneris post Inuocauit ad Fridericum Electorem hæc scripsit Lutherus: Certo scio, & firmissimè persuasum habeo, ver-

Tom. 2. Epist.
bum f. 304.

bum seu initium Euangelij mei, non à me, sed à Deo profectum esse, & poetica. Es muß recht seyn / was ich schreib. Necessario rectum est, quod scribo: ut proinde nemo amplius dubitare queat, num rectum & verum sit; quod de animarum extra corpus statu Lutherus ad Ambrosium effutit: ut nec de illo ad Erfordienſes Prædicantes effato: Quid de mortuis statuerit. aut. agat Deus, nihil nos scire voluit.

*Tom. 2. Epist.
fol. 82.*

*Luth. Serm.
Sympos. Tit.
de art. lib.*

*Lut. in Symp.
Colloq.*

Ab hoc item Monte Albo manauit illa sapientia Carolstadiana; qua statuit, gradus & promotiones in Vniuersitatibus; illicitas esse; & hoc propter illud Matth. 23. *Vos autem nolite vocari Rabbi, vnus est enim Magister vester, omnes autem vos fratres estis.* Quare ipsemet deposito habitu seu Doctorali seu Prædicantico, nolebat amplius salutari Doctor, sed *frater Andreas* seu, vt Lutherus refert, *Diabbar Andre*: rusticus ex doctore factus; qui Anabaptisticus Enthusiasmus occupauit quoq; Philippum, qui Magistri titulo abiecto pistor effectus est: quem Witebergæ imitati non pauci alij, ex Lutheri etiam disciplina enati, multa salute studiis scholisq; dicta, labori manuum se dedere cœperunt; quia scriptum est: *In sudore vultus tui vesceris pane tuo.* Et, *labores manuum tuarum manducabis, beatus es, & bene tibi erit.* Et quid verbis opus est? Omnia plena erant nouorum fratrum & opificum. Vacabant scholæ; Muta erant pulpita Académica. Imminebat bonis litteris perpetuum ab his fratribus exilium. Sed subsidio accurrit Lutherus ex sua Pathmo, inscio Electore Friderico: Videns enim in quantam, quamque intolerandam inesset excreuissent semina Euangelica à se sparsa, cunctandum minimè ratus est; ne spiritus Lutheranus nimium se prodens suo iudicio foricis instar periret. Properandum itaq; fuit; & Euangelio supra modum furenti & in omnia tam sacra, quam profana; tam Ecclesiastica, quam politica; tam litteraria quam mechanica grassanti; frenum iniiciendum, ne, quod dicitur, iumento suo malum sibi arceſſeret; & quo in solo exstiterat, in eodem etiam certo exitio interiret.

Quam pulchrè autem hanc suorum metamorphosin dissimulat ubiq; Lutherus, præsertim in Epist. ad Fridericum Electorem; vbi sese excusans, quod ex Pathmo sua, inscio Principe, Witebergam rediisset; causas tantummodo generales adducit; vlcusque ipsum vix suspensa manu tangit, *Witebergæ, inquit, me ab-*
sente,

Tom. 2. Epist.

sente, Satanas irruit in gregem meum, & ut iam ubiq; omnium clamores testantur, idq; verissimè, tantum excitauit turbarum, ut mihi scriptis duntaxat hos tumultus reprimere non sit integrum; sed necesse est me viuum, presentem, loquentem & audientem ibi agere, adesse, præesse & prodesse.

En quàm cautè insanas Carolstadij & Philippi sui turbas tangit. Cur principi non pandis, quid in specie designarint, potissimum circa litteras, gradusq; & honores Academicos? At non audet Apostata. Norat se harum seditionum primum auctorem, & ex spiritu Lutherani Euangelij spiritum Carolstadianum & Philippicum progeneratum esse. Quid enim Lutherus de Academicis & litteris senserit; satis superq; elucescit ex illis, quæ supra ex ipso Luthero adduximus. Nonne Lutherus totam Philosophiam Aristotelicam appellat Diabolicam? inquit Erasmus. Nonne idem scripsit omnem disciplinam tam practicam, quàm speculatiuam esse damnatam? omnes scientias speculatiuas esse peccata & errores? Quid ex huius spiritus Lutherani vberibus suxit Philippus? Nonne Melanchthon damnabat aliquando scholas publicas? inquit idem Erasmus. Nonne passim & publicè clamabat Pharellus: omnes humanas disciplinas esse inuenta diaboli? Ex isto sodalinitio exstiterunt, ait Erasmus, qui priuatim atq; publicè docuerunt, disciplinas humanas nihil aliud esse: quàm retia demonum; tantiq; profecerunt, ut per quã raros in isto grege conspicias, qui seriò dent operam litteris vel sacris vel profanis: quæstui & voluptati studetur affatim. Fuit & Argentorati prædicans, qui disciplinas omnes pro concione damnaret, excepta lingua Hebraica, & paucula portione lingue Græcæ.

Erasm. Epist.
ad frat. inf.
Germ.

Epist. contra
Pseudoenang.
Erasm. ad
frat. inf. Ger.

Porro Spiritus ille Lutheranus & Carolstadianus de exterminandis gradibus & honoribus Academicis non continuit se Witebergæ; sed & Tubingensem Academiam inuasit; ut alias taceam; in qua multis annis huiusmodi graduum collatio, tanquam ridicula, stulta, & puerilis intermissa & penitus abrogata fuit; ut testatur Smidelinus; licet culpam non in Lutherum & Philippum; sed in Zvvinglianos cõferat. At esto, relegarint Zvvingliani ex Tubingensi Academia gradus & honores Academicos. Vndenam hoc hauserunt, nisi ex Lutheri fonte? qui præter alia, quibus ad hoc facinus furiosis exoptatissimam occasionem dedit; Wiclephi in super articulum tuebatur; qui asserbat: Vniuersitates, studia, collegia, graduationes & magisteria in eisdem vana gentilitate introducta esse; & tantum prodesse Ecclesiæ, quantum prodest Diabolus.

Smid. in orat.
qua Candid.
quibusdam
licentiam cõ-
cessit 1584.

Itaq;

Luth. sermo.
sympo. tit. de
Studiis.

Itaque per Lutherum non stetit, quo minus omnes liberaliū artium studiosi agerent cum libris, quod Lutherus refert quendam suum contubernalem egisse; qui librorum alioquin negligentissimus & incuriosissimus, cum semel monitis aliorū inductus librum lectitare cœpisset, vix semihora durare potuit. Qua exacta, ira frementis, codicem abiecit; pedibusq; conculcavit: hac addita increpatione: *An tu me ad insaniam redigere tentas? Studeo, studes, studui, studere habet stultum in supino.* Plura sapientiæ ex Witeberga vberitum profectæ exempla adduci possent. Sed quia breues esse cupimus hæc paucula satis erunt.

(b) Vbi hoc legitur, nisi in tui similium chartis? An ideo credibile? præsertim cum, vt Zangerus ait in sua Orat. *Fleckus prior fueris Cœnobii Steinlauffig ad Muldam fluvium prope oppidum Bitterfeld.*

(c) Fuiſſet, nisi flagitiosus? Apostata faustitatē intrupisset.

(d) Non est in præſenti.

(e) Prophetia Lutherana, hoc est, vana & inanīs, peribit falsitas, regnabit denuō veritas, etiam vbi nunc hæresis sceptrā tenet. *Fiet enim vnum ouile, & vnus pastor.*

(f) Non opinor eo sensu, quo verba hæc Lutherus alicubi Germanicè interpretatur.

(g) per Antiphrasin.

Sic ergo quod felix, faustumq; toti Christianitati (c) fuit, (d) & est, & vt speramus ac precamur, (e) erit etiā ad posteros, ante centum annos, hoc est, anno millesimo quingentesimo secundo, die, qui Lucæ Evangelistæ antiquitus sacreſt, hoc celebratissimum emporium studiorū solenniter excitatum, introductū, & vt eius ætatis hominibus loqui mos erat, intronizatum est, primo renunciato Rectore, Martino Pollichio Mellerſtadio; qui post ad summum honoris gradum in tribus facultatibus superioribus euectus, & (f) lux mundi nominatus fuit. De hoc per celebri viro refert (g) insignis Theologus, Ioannes Mathesius in concione de Luthero prima funebri, quod cum Mel-

Mellerstadius multò antè quàm mutatio Religionis inciderat, audisset in publica disputatione Lutherū *(b)* principia scholasticè Theologiae oppugnantem & demonstrantem, quod scripta Prophetarū & Apostolorum omni Theologiae Thomæ, Scoti, Alberti & aliorum eiusdem farinae scholasticorum longissimè sint *(i)* præferenda; Mellerstadius jam tum Lutheri hac de re cū argumentationes, tum solutiones *(k)* admirari satis nō potuerit; & aliquando in mensa *(l)* in hanc vocem eruperit: Hic Monachus vniuersæ Ecclesiæ Romanæ *(m)* reformabit doctrinam. nam insistit *(n)* scripturæ Prophetarum & Apostolorum, quam nulla Sophistica seu Thomistarum, seu Scotistarum, seu aliorum, quorumlibet Scholasticorum expugnare potest & euertere.

(b) Principia scholasticæ Theologiæ sunt articuli fidei. oppugnavit ergò Lutherus articulos fidei.

(i) Quis hoc unquam negavit?

(k) Si hoc verum est, tū satis indicat, se lucem mūdi immeritò vocatum esse. Quid enim in Lutheri disputationibus argutum, quid ingeniosum, quod scholasticorū Theologorum disputationes adeò euerterit, aut evertendas esse significavit.

(l) fortè postquam calices meraciores hauserat.

(m) lege deformabit Et ita fortasse dixit Mellerstadius.

(n) Non aliter ac Arius, Sabellius, Eunomius, Macedonius, Nestorius, Eutyches, Berenarius, Wiclephus, Hussus. Eandem seu fabellam, seu historiolum de Mellerstadio narrat Philippus Præfat. in secundum Tomum Lutheri Lat. Witeberg. Sed aliter ac Hunnius, hæc enim sunt Philippi verba. Cumq; eum (Lutherum) attentè audirent viri sapientes, Doctor Martinus Mellerstadius & alii, sæpè dixit Mellerstadius tantam esse vim ingenii in hoc viro, ut planè prælagiret mutarum esse vulgare doctrinæ genus, quod tunc in scholis vnicum tradebatur. Cæterum siue Philippus, siue Hunnius, siue uterq; mentiatur,

Lm. Ep. 8.

difficile non erat de futuris Lutheri actionibus coniectare, si quis eum propius nouisset. Incredibili enim odio ardebat in Aristotelem; & quod hinc est consequens, etiam in scholasticos Theologos; partim ex arrogatia, partim ex ignorantia. Et hoc antequam Tragœdiam de Indulgentiis inceptaret. Nam anno Domini 1516. die 8. Februarii hæc ad Ioannem Langum Augustinianum scripsit: Misto has litteras ad eximium D. Iodocum Isenacensem, plenas questionum aduersus Logicam, & Philosophiam, & Theologiam, id est, blasphemiarum & maledictionum contra Aristotelem, Porphyrium, Sententiarios, perditas scilicet studia nostri seculi. Sic enim interpretabuntur, quibus decretum est, non quinquennio cum Pythagoricis, sed perperuo & in æternum cum mortuis silentium tenere, omnia credere, semper auscultare, nec unquam saltem leui præludio contra Aristotelem & sententias velitari & musitare; quid enim non credant, qui Aristoteli crediderunt? &c. Nihil ita ardet animus, quam histrionem illum (Aristotelem) qui tam verè Græca lingua Ecclesiam luser, multis reuelare, ignominiamque eius cunctis ostendere, si socium esset. Habeo in manus Commentariolos in primum Physicorum, quibus fabulam Aristei denuo agere statui in meum istum Protea (Aristotelem) pars crucis meæ vel maxima est, quod videre cogor fratrum optima ingenia, bonis studiis nata in istis cænis vitam agere, & operam perdere. Nec cessant Vniuersitates bonos libros cremare & damnare, rursus malos dictare, imò somnare. Vellem quod & M. V. Singer, vnâ cum Isennach abstinerent, imò continerent aliquando ab istis laboribus: plena sunt mihi omnia armaria contra eorum editiones, quas video esse prorsus inuiles.

Lm. Ep. 18.

Alibi ad eundem Langum eodem 16. anno. Dico istis mirabundis, vel potius mirabilibus Theologis, mecum non esse disputandum, an Gabriel hæc, an Raphael ista, aut Michael ista dicat. Scio quid Gabriel dicat; scilicet omnia bene, præterquam vbi de gratia, charitate, fide, spe, virtutibus dicit: vbi cum suo Scoto, quantum Pelagisset, non est, ut per litteras nunc proferam. Hæc mente cum Lutherus esset, eamque non tacite in præcordiis circumferret, sed lingua & calamo passim proderet; Oedipo nullo opus erat, qui conliceret, à Luthero, si altiores radices in Academia Witebergensi, & aula Electorali ageret; Aristotelem, omnesque Theologos Scholasticos, ex Scholis Saxoniciis exterminatum iri.

Et

Et hoc suum consilium processu temporis magis atq; magis patefecit, & in rem conferre studuit. Nam anno 17. ita ad Langum scribit. Sex aut septem Magistrandos paro ad futurum examen, &c. non nisi ad ignominiam Aristotelis, cuius vellem hostes citò quàm plurimos fieri.

Lut. Ep. 28.

Tandem anno 18. scribens ad eundem Langum, sperat expulsum iri ex Academia lectiones Aristotelis: & ad Spalatinum suum, putat bonum videri, ut non modò Physica Thomistica cadat, verum ut ruat quoq; Logica Thomistica, inq; eius locum substituatur Ovidius Metamorphosiacus, sic enim loquitur Metamorphosiacus Lutherus, quod & in alia Epistola ad eundem Spalatinum fieri optat. Admodum enim Ovidius Metamorphosiacus Luthero curæ, cordiq; fuit. Ergo mirandum non est, si qui ex moribus, dictis, & scriptis Lutheri de futuro eventu coniecturam fecerunt.

Lut. Ep. 42.

ἄντικα μὲν φησὶ δὴ λῶν ἀμείδι καὶ ἐπὶ τοῖς.

Vrit maturè, quod vult vrtica manere.

Lut. Ep. 78.

C. 20.

Et lupus. etiam in cunis lupus est, aut certè lupulus.

Quòd verò Lutherus hæc omnia ex spissa quadam ruditate & incitia Philosophiæ aduersus Philosophiam & Theologiam Scholasticam aggressus sit; id vno vel altero exemplo manifestissimum fiet. Demonstrare enim volens suo Spalatino Dialecticam nihil prodesse Theologiæ. Quomodo, inquit, prodest Dialectica, cum postquam accesserò ad Theologiam, id vocabuli (corpus) quod in Dialectica sic significabat, cogar reicere, & aliam eius significationem accipere? Corpus in arbore Porphyriana significat rem constantem materiæ & formæ, at tale corpus non potest homini contingere, cum in scriptura corpus nostrum solam materiam significet, non etiam formam, ut ibi: Nolite timere eos, qui occidunt corpus, animam autem occidere non possunt. Quo, quid imperitius dici aut fingi potest? Passim enim in scriptura vsurpatur vox corporis pro composito ex materiæ & formæ, ut 1. cor. 15. corpora cælestia, & corpora terrestria. Inter quæ terrestria corpora utiq; & homo est. Sic 1. cor. 12. corpus non est vnum membrum. & 11. hoc est corpus meum. Reus erit corporis & sanguinis Domini; non diiudicans corpus Domini, & plurimis aliis scripturæ locis vocabulum corporis non accipitur pro sola materiæ, sed pro composito ex materiæ & formæ prout dat esse corporeum, ut proinde nihil insipientius affirmari queat, quam Cæregoriarum seu logicæ doctrinam Theologo esse inutilem, imò noxiam, eò quod vox corporis aliud in prædicamentis, & aliud in

Lut. Epist. 54.

facra scriptura significet. Et ut vox *corpus* aliud in scriptura, & aliud in Dialectica significatum haberet; an ideo Dialectica Theologo infructuosa esset, cuius vel maximè proprium est homonymias & ambiguitates vocabulorum in sua significata distinguere?

Pergit ineptire Lutherus. Deinde intuli, absurdè dici, Angelum nec rationalem, nec irrationalem. Item, quod nullus usus sit scripturæ hominem vocari sensitivum, rationalem, corporeum, animatum, & breviter totum illud commentum arboris Porphyriane dixi, & adhuc dico, minus quàm anile signum, aut somnium agrotantium. Deinde & prædicamenta, ac nonnulla alia Philosophiæ, tantum Theologiæ nocere. Quæ omnia tum bruta sunt & stolidia; tum ab omni sensu & ratione aliena, ut suspicer à contubernali Lutheri, de quo supra ex Luthero, migrasse ad Lutherum verbi studeo supinum; ab illo inquam contubernali, qui librum pedibus conculcans clamabat, *studeo, studes, studui, studere habes stuleum in supino*. Nam si homo secundum scripturam non est animatus; cur ergo Gen. 2. dicitur factus in animam viventem? Si non est sensitivus, cur in scriptura dicitur homo videre, audire, gustare, odorari, tangere? Si corporeus non est; quorsum ergo illud: *corpus quod corrumpitur aggruat animam*? Et, *seminatur corpus animale, resurget spirituale*. Si homo rationalis non est, hoc est, facultate intelligendi, aliudq; ex alio colligendi præditus; cur in scriptura iubetur querere & inquirere Deum, pacem, & id genus alia? An hæc aliter quæruntur & inquiruntur quam ratione, ratiocinatione, discursu, & intellectu?

Lut. lib. cont.
Catharin.

Nimis longum facerem, si reliqua stultitiæ argumenta, quæ Lutherus in argumentis Philosophicis & Theologicis dedit, persequer. Quid stultius & stolidius illis syllogismis, si vanitatem materiæ spectes, quos Lutherus proponit Catharino tanquam insolubiles contra primatum Pontificis Romani?

Nullum cedens portis inferi est petra

Omnis peccator sedit portis inferi

Ergo nullus peccator est petra.

Nullum cedens portis inferi est Ecclesia supra petram adificata.

Sic etiam Papistarum cedit portis inferi,

Ergo etiam Papistarum non est Ecclesia supra petram adificata.

Omnis papa peccans cedit portis inferi.

Papa peccat.

Ergo papa cedit portis inferi.

Omitto

Omitto reliquos, quibus ita exultat, ita triumphat; quasi nulla penitus vi argumentationes istæ infringi & eneruari possint; cum qui vel à limine Dialecticam & Theologiam salutauit in, promptu habeat non vnam machinam, qua totam istam vanitatem disiciat & dispergat.

Porro Lutherum quoq; Hæreticum futurum non adeo arduum erat diuinare siue Mellerstadio, siue cuiusq; alteri perspicacioris ingenij homini. Vt enim olim S. Gregorius Nazianzenus de Iuliano Apostata, qualis & quam pestilens futurus esset, argumentum cepit ex vita & moribus, & tota corporis conformatione; ita ex Lutheri studiis, dictis & factis nullo negotio quiuis colligere poterat, quorsum fastuosus ille & arrogantissimus Spiritus euasurus esset. Vtinam plures Epistolæ exstarent ex illis, quas Lutherus ante annum Domini M. D. XVII. scripsit. Repræsentarent enim nobis, tanquam viuæ imagines, pectus illud Lutheri, iam tum variarum sectarum seminarium; sicut & illæ pauclæ, quæ superant, satis superq; Lutherum nobis depingunt, in quarum vna ad Spalatinum, qua dissuadet, ne Staupitius creetur Episcopus; hæc euomuit. *Non sunt hæc Lu.ep. 13.* tempora eius felicitatis, vt beatum, imò non miserrimum sit præsulari, id est, pergracari, Sodomitari, Romanari. Hæc flagitiosus Apostata. Sed ad Hunnicum.

Hic ergò Mellerstadius, vt dixi, primus fuit Academiz Rector, & in Facultate Theologica primus omnium Decanatum gessit eximius

(o) Magister noster (vt tum dicebatur) Ioannes Staupitius Augustiniani Ordinis Eremitarum Generalis

(o) imò, vt Lutherus loquitur, *Magistrollus* & *strollus*.

per Germaniam Vicarius, De cuius viri laudibus differere temporis angustia prohibet. Satis est indicasse,

quod è tenebris (p) refulgentem (p) Tartareis (q) ebulli-

(q) Euangelii (r) veritatem (s) suo entem. (r) Lutherani.

calculo comprobauit, & fideli corde (s) falsitatem.

de (r) suscepit, Cuius itidem vox de (r) circumuentus dolis

& imposturis Lutheri. Sed cur taces, quomodo idem Staupitius, poenitentia ductus, Saxoniam deferuerit, & ad Archiepiscopum Salisburgensem sese transfulerit, ut ipsemet Lutherus scribit in Serm. Epularibus tit. de Doctis? Et quia ultra biennium in illa diocesi non superuixit, ideo Lutherus mortem illam, tanquam desertæ veritatis Lutheranae supplicium, interpretatur, vanus nimirum & hic & alibi interpres; quia placens Deo factus dilectus, & viuens inter peccatores translatus est. Raptus est, ne malitia mutaret intellectum eius, aut ne fictio deciperet animam illius; sicut jam antea deceperat.

(v) Factus est Lutherus Doctor, siue iussa & procuratione Ducis Saxoniae Friderici Electoris, siue sumptibus cuiusdam matronæ, Vicarii fraude pecuniis interuersis. Quandoquidem illa certam pecuniæ summam, pro alterius fratris ad Doctoratum promouendi subsidio deputauerat Nurenbergæ. Vnde factum est, ut frater ille fraude intellecta, & pecunia illa sibi prærepta, præ dolore & indignatione aufugerit occulte: ut nemo adhuc hodie sciat, quonam peruenierit. Hæc Cochleus init. Act. Lutheri.

(x) Nimirum Lutherus ἐκὼν & ἐκὸν τῆς Συμῆς Doctoris insignia cepit. Volens corde, nolens ore, ut solent hypocritæ & auræ popularis cupidi, qualis vel maximè Lutherus. Erphordienfes certè Lutherum ob Doctrinæ gradum Witebergæ susceptum, periurii accusare non sunt veriti, tametsi hoc crimen à se amoliri nititur Epistola ad eos data. Nescio tamen num verè amoliat. Illud negari

non potest, Lutherum fuisse glorie animalculum, ut ipse de Eckio loquitur, ac proinde excusationem eius meritisimo simulatoriam cēseri. (y) Habemus jam tres Prophetas, Fleckum, Mellerstadium, & Staupitium: At Wittbergenſes, nec ex tripode, sed ex Leucorio vaticinantes. Et quidem si Staupitius per miram rerum conuersionem intellexit illam rerum euerſionem, cuius Lutherus Auctor exſtitit, tum non immeritò iudicari poſſet Staupitius aſſatus fuiſſe à Dæmone illo, quem Lutherus perquam familiarem habuit: Nam cum Lutherus adhuc in Monasterio Erphordiz degeret, viſus eſt fratribus non nihil ſingularitatis habere, inquit Cochleus, ſive ex occulto aliquo cū Dæmone commercio, ſive ex morbo comitali: tum propter alia quedam indicia, tum præcipuè, quòd ſemel in choro, cum in Miſſa legeretur Euangelium de eiecto à ſurdo & muto dæmonio, repente conciderit vociferans, Non ſum, Non ſum. Multorum itaq; eſt opinio, eum occulta uſum eſſe familiaritate Dæmonii cuiuſpiam, quandoquidē & ipſemet talia de ſe aliquando ſcripſiſſe, quæ lectoris ſuſpicionem de huiusmodi commercio nefariaq; ſocietate ingere-re poſſint. Ait .n. in quodam ad populum habito ſermone, ſe benè cognoscere Diabolū, & ab eo ſe viciſſim benè cognitū eſſe, ſeq; plusquā vnū fruſtū ſalis cum eo comediſſe. Et proprium deinceps edidit Germanicè librū de Angulari, ut vocat, Miſſa, ubi Diaboli contra Miſſam diſputationē ſecū habitā notu commemorat. Sunt & alia non pauca hac de re argumenta, quod etiam corporaliter viſus quibusdā fuerit cū eo cōuerſari. Ita Cochleus init. Acto-rū Lutheri. Ab hoc igitur Spiritu inſtinctū oportuit Staupitium, ſi per conuersionem euerſionem illam à Luthero profectam intellexit. Solēt autem maligni ſpiritus ea, quæ facturi ſunt, prædicere per ſubs, ut præſcientiæ famam & ſibi, & ſuis concilient.

Quod ad Lutheri operam attinet, ea Deo tam fuit neceſſaria & grata, quā opera Arii, Eunomii, Neſtorii, Eutyſchis, & ſimiliū, qui magnū operæ pretiū facerēt, ſi opera ſua ſuperfederent. Comparat poſthæc Hunnius Academiam witebergenſem grano ſinapis.

Nam à tenuibus principiis cōp-ta mox feliciffimis augmentis om-nium ſpem & exſpectationem ante-uertit, euocato nimirum ex Erphor-diana Academia Luthero, ex Tu-bin genſi porrò Philippo Melanch-

thone

(τ) Benè distinctis, quia Lutherus Lutheranus fuit: Philippus Sacramentarius & Zwinglianus. Deinde quia Lutherus nomine saltem Theologus erat; Philippus Grammaticotheologus, vel, Theologogrammaticus.

(α) Recte, quia ut sanctus Augustinus loquitur in Psalm. 80. *quammis opinionum varietate discordarent, simili tamen vanitate colligabantur. Ergo in peius sibi isti consentiunt, inquit ille idem sanctus Antistes, quammis dissentire & se inuicem videantur.*

(b) Eo modo, quo fama Alexandrinæ Ecclesiæ & Academiæ Pragensis totum Christianum orbem peruagata est propter Arium & Hæsum.

(c) Vel quasi, cur non super astra? grandior enim foret oratio.

(d) Ad eam videlicet faciem, quam Theologiæ olim appinxit & affinxit Simon Magus sola fide hominem justificari asserens, Cerdo, Eubion, Marcion, Apollinaris, Arius, Eunomius, Eutyches, Nestorius, & similes. Quæ si Hunnio nitida est; quæ tandem erit facies fuliginosa?

(e) videlicet per compendia Philippi, quibus nihil insulsius & ἀφρόνως ὁμώρεον. His ita decantatis, & pleno ore dilaudatis proponit prædicans auditoribus considerandum admirandum Dei consilium, ut ipse putat, quo Witebergam ciuitatem tantulam Romanæ vrbi opposuit.

thone. Sub quorum sanctis & indefessis, tametsi (τ) distinctis (α) suo tamen modo coniunctis operis & laboribus, incredibile est, quantum paucorum annorum spatio creuerit, & in quantam se diffuderit amplitudinem, ut eius fama non Saxoniæ limitibus, non Germaniæ terminis, non Europæ finibus clauderetur, sed vniuersum Christianum orbem (b) peruagaretur, imò ad astra cælorum usq; (c) pertingeret: dum & sacrosancta Theologia pristinum suum adepta decus ex horrendis erroribus regni Pontificii paulatim ad primæuam illam ac natiuam primitiuæ Ecclesiæ Apostolicæ (d) faciem longè nitidissimam reuocaretur; & Philosophia pariter omnis ab inculta barbarie superiorum temporum (e) vindicata in clarissimam lucem erumperet.

Nec opposuit tantū, inquit *Prædicans*, sed ita suis armis intruxit, ut & pugnaret (f) feliciter; & gloriose (g) vinceret; & in Dei oculis, conspectuq; beatorum Angelorū, totiusq; militantis Ecclesiæ de regno Pontificio fracto, debilitatoq; splendidissimos ageret (h) triumphos. (f) Multo certè felicius Arius & alij, si qua est in hæresi & oppugnatione veritatis felicitas (g) ubi illa victoria? *Porta inferi* nō praeualebūt aduersus eā. Christi hæc vox est, quæ in æternum inconcussa subsistit. (h) Imaginarios & verbales triumphos video, quos triumphat Hunnius, quoties lubet, reales nullos. Utar hic iure aduersus ipsum blateronem verbis Lutheri, qui hæc ad suum Spalatinum de disputatione Lipsica Epist. 116. *Quando vnquam auditum est à sæculo, hanc esse gloriam veram & stabilem, quæ seipsam prædicat, & ante tempus iaculat? Nonne in hanc sunt proverbialia edita? Encomium ante victoriam; rumor ante salutem.* Hæc Lutherus. Absciderunt sectarij isti ab Ecclesia Romana aliquot orbis particulas; & iam splendidissimos triumphos sibi decernunt. Ne triumphat Hunni; multum tibi tuisq; laboris superest. Nondum deuicit Witeberga Caluinianos, nondum Suenckfeldianos, nondum Anabaptistas, nondum Seruetianos; nondum alios Hæreticos; & orthodoxorum pauculas dūtaxat prouincias Lutherani cōcordistæ deuicerunt & sub iugum hæreticum coniecerunt; & tamen fractum iam est regnum Pontificium. Non frangitur, o prædicans; stat & stabit vsq; ad consummationem sæculi; quia supra immobilem petram fundatum est. Non fregit Arius hoc regnum, non Mahometh, non alij, quorum comparatione culices & muscæ vel locustæ estis; Deficietis, sicut deficit fumus; sicut fluit cera à facie ignis; sic peribunt peccatores (hæretici) à facie Dei. Vidi impium superexaltatum & eleuatum sicut cedros Libani, inquit beatus David. Quis exitus? Et transiui, & ecce non erat, & quæsiui eum, & non est inuentus locus eius.

Verè ausim & possim affirmare, historiis etiam contestantibus, non inclutam Carthaginem, &c. tam pugnasse feliciter aduersus Romam

P sub

(i) Atqui si fidem Romanam obolere felicitas dici debet, longè felicius contra Romam pugnavit Mahometh, quàm Witeberga. Habeat ergo primas huius laudis Mahometh, secundas Witeberga, quando ira placet Hunnio.

(k) Nota nequitiam prædicantis.

(l) Cur ergo toties arma corripuistis, & Germaniam bellis turbastis? Nihilne vnquam audisti de bello Schmalcaldio? Nihil de aliis in gratiam Lutherani Evangelij susceptis? Si carnalibus armis abstinendum; quid ergo sibi sibi vult illa Lutheri vox? *Wirdt nur der Türck auff Rom gezogen / so sehet was nicht vngern.* Ingratum mihi non foret, si Turca Romam bello peteret. Serm. Conuiual. Tit. de Turcis.

Quid sibi vult illud Lutheri classicum Tom. I. lat. Witeberg. in Epilogo Epitomes Syluestri ad Lutherum; *si fures furca, si latrones gladio, si hæreticos igne plectimus, cur non magis hos Magistros perditionis, hos Cardinales, hos Papas, & totam istam Romanam Sodomam colluuiem, quæ Ecclesiam Dei sine fine corrumpit, omnibus armis impetimus, & manus nostras in sanguine istorum lauamus, tanquam à communi & omnium periculossimo incendio nos nostrosq; liberaturi?* Omitto plurima alia huius generis Lutheri celeusmata.

(m) Ergo non verbo Lutheri. Verbum enim Lutheri non erat verbum Dei.

sub Ethnicismo quàm contra illam V Viteberga (i) pugnavit sub Christianismo, &c. Fuit (k) nequitia regni Pontificij cunctis externis armis superior, spiritualis quippe, & in ipsis conscientiarum fibris altissimè defixa & radicata. Proinde potentissimi quiq; Imperatores operâ luserunt omnem quando (l) carnalibus armis Antichristum oppugnabant; & è solio deiicere moliebantur. Spiritualibus armis opus erat, quibus olim Apostoli mundum expugnauerunt, nempe (m) verbo Dei, tanquam gladio diuini Spiritus inuictio, &c. Nam (n) Dei Spiritu cõficiendus erat (o) Antichristus, &c. Lutherus ergo ex suo (p) Musæolo cum (q) precibus ad Deum, tum (r) salutaribus scriptis suis, &c. stupendum in modum (s) quasi tonabat, & fulgurabat, & fulminabat, &c.

(n) Er-

(n) Ergo non Lutheri spiritu, quia non est Dei spiritus.

(o) Lutheranus videlicet & Hunnianus.

(p) Gurgustio.

(q) Assiduissimis nimirum & efficacissimis, nam toties orabat domi suæ; quoties in sua pathmo: *Ego otiosus hic & crapulosus sedeo tota die*, inquit ad suū Spalat. Epist. 229. Item Epist. 243. *Ego hic benè habeo* (propter lautam culinam) *sed segnesco & languesco*, atq; adeo frigesco spiritu miser. Ibid. *Adhuc sum stertens & otiosus ad orandū & opponendum*. Et ad Philipp. Epist. 234. *Hic induratus & insensatus sedeo in otio*, pro dolor, parum orans, nihil gemens pro Ecclesia Dei, quia carnis meæ indomita vror magnis ignibus, &c. Octo iam dies sunt, quod nihil scribo, neq; oro, &c. Quod ergo fecit in Pathmo, hoc fecit & in Musæo. Sed quibus stipatus sociis? Audi ex Epist. 251. quid Lutherus dicat. *Non est vnus Satan mecum, vel potius contra me*, (imò tecum, nil opus correctione) & Epist. 249. *Ad sunt enim multi & mali & astuti Demones, qui mihi tempus, quod aiunt, eludunt, sed moleste*. Isti ergo familiares & commensales Lutheri mirificè inflammaverunt mentem eius ad preces; & ad mirificas quoq; preces.

(r) In quibus omnia oblita sunt stercorebus, merdis, cacationibus, omnia plena suibus; clunibus; latrinis, & id genus aliis spurcitiis, vt filcam Diabolos, qui singulas propè pagellas sturnatim obsident non sine Diabolicis conuiciis & calumniis in omnes omnium statuum ordines.

(s) Troch/boh/boq/pligg/donder/po, pu, pa, plump, &c. En tonitrua ex Lutheri cælo emissa; quæ iam olim ipsi quoque Zwingliani non immeritò riserunt. Tom. 2. operum Zwingl. fol. 376.

Genus dicendi & scribendi Lutheri non malè depinxerunt Tigurini Ministri in sua confessione his verbis. *Neminem vnquam mortalium Luthero vel fædius, vel inciuius, vel inhonestius, idque præter omnes Christianæ modestiæ, & sobrietatis terminos, in negotiis illibata religionis nostræ, & aliis magnis & arduis disputationibus scripsisse, luce clarius constat, nec à quoquā etiam negari potest. In omnium enim manibus versantur Lutheri Heintzius Anglicus contra Angeliæ Regem editus; & alius nescimus quis Heintzius cum Meinzio quodam in spurco suo libro, quem Hans Worst appellari voluit. Accedit his eiusdem contra Iudeos liber, vbi fæda & spurcissima quadam de Iudeorum bibliis & litteris, quas non legere, sed vorare illi debeant, deblaterat. Exstat præterea eiusdem Schem hamphoras liber prodigiōsus, porcorum frequentis*

mentio-

mentionem, & olei ac sterquilini crebra & fœda commemoratione spurcus atq; fœtens, quem si forte subulcus aliquis (non insignis huiusmodi animarū pastor) scripsisset, aliquam fortasse, quamvis non adeo splendidam, excusationem mereretur. Hæc Tigurini.

Contemptim Luthero nostro Papi-
colæ solent obuertere, nullis eum
(†) claruisse miraculis.

*Tertull. de
præscrips.*

(†) Meritò Luthericis Catholici hoc obiiciunt. Nullam enim fidē meretur, qui extraordinariam doctrinam inducit, nisi extraordina-
ria opera faciat. Pro bent se novos Apostolos esse, acclamat Tertulli-
anus Hæreticis, dicant Christum iterum descendisse, iterum ipsum docu-
isse, &c. Sic enim Apostolos solet facere, dare illis præterea virtutem, ea-
dem signa edendi, quæ & ipse. Volo igitur & virtutes eorum præferre, nisi
quod agnosco maximam virtutem eorum, quæ & Apostolos in peruersum
emulantur: illi enim de mortuis viuos faciebant: isti de viuīs mortuos faci-
unt.

*Eras. Epist. in
pseud.*

Non malè Erasmus cōparans inter se pseudoeuangelicos & A-
postolos: Apostolorum doctrinam tot res orbi commendabant; cœlestē
erat ac plausibile quod docebant. Narrabant ea, quæ viderant oculis, au-
dierant auribus, nihil adferebant, quod non erat olim multis modis & fi-
guris adumbratum, & Prophetarum oraculis prædictum. Accedebat tā-
tus in prædicando consensus. Eadem loquebantur, quia eodē spiritu. Ad-
erat præsentanea miraculorum vis, aderat Spiritus ille igneus, qui sese mo-
ribus illorum, atque etiam vultu, oculisq; promebat. Nihil vigerebant,
tantum vrebantur gladio Spiritus. Neminem agebant in exilium: nullius
facultates inuadebant, &c. Deniq; non aliter loquebantur apud suos, ali-
ud in tormentis. Adde nunc tot Martyrum mortes. Et tamen talis doctri-
na tot rebus commendata, paulatim ac sensim occupauit orbem. Vos postu-
latis vt intra nouem annos mundus aspernetur, quod ante annos mille (imò
longè pluribus) à Maioribus est traditum, & in vëstra dogmata pedibus
ear, ac manibus, nulla harum rerum, quas recensuimus, commendati. Quæ-
le est autem quod exigitis? vt credamus Ecclesiam annis mille quadringen-
tis caruisse Christo, sed sponso stertente, sponsam pro Deo coluisse laruas, &
idola, in sacris literis enarrandis fuisse prorsus cecam, miracula Sanctorum
nihil aliud fuisse, quàm præstigias Dæmonum. Arduum est, quod profite-
mini, inquit ille idem, & Apostolorum negotio durius, quemadmodum
antea demonstratum est; nec vos subleuant vlla vel vaticinia, vel miracula.

Quod

Quod si vita quoque non solum non commendat doctrinam vestram, sed fidem potius abrogat, si neglecta hac commendatione fiduciam in improborum conspiratione, in seditiosis tumultibus, in maledicis libellis, in armis, in fucis & technis reponitis, piget commemorare quid vobis metuum; sed magis miseret me tot hominum millium, quos ea calamitas inuoluet. Hæc ille.

In sua verò Ecclesia edi signa &

(v) prodigia. (x) Valeant illi cum suis. (y) Et quidem evidenter prodigiis, quæ à (y) pseudoprophetis, & pseudochristis editum iri,

per cooperationem Satanæ; Christus olim discipulis suis prædixit, & Paulus ex Spiritu sancto pronunciauit. Lutherum quod attinet, (z) satis est miraculi, quod vnus ipse prope totius mundi sustinuit imperiū,

quod solo verbo, (a) sine vlllo armorum strepitu, contra omnem humanam potentiam & resistantiam diuinum illud saluificæ religionis opus, (b) Deo excelso fretus, (c) instaurauit, doctrinamque Christianam non ab errore vno vel alio (d) vindicauit, sed ab erroribus in vnum omnibus (e) in solidum repurgauit.

Eoque sublimius meritò censetur opus, quod de illo jam olim Deus non vno modo vaticinari (e) dignatus est, &c.

ro, tametsi jam mortuo; sed in seditiosis suis scriptis adhuc viuente, minasque truculentas spirante?

(b) Diabolo fretus, cum quo noctu disputauit, vt ipsemet fatetur in libro de Missa angulari.

(c) Non corruerat. non ergò instauratore isto egebat.

(d) Non aliter ac Arius.

(e) planè

(a) Falsum. Vnde enim bellum rusticum, nisi à Lutherò? vnde Schmaldicum, nisi à Lutherò?

(b) Similia prorsus miracula fecit Arius, Nestorius, Eutyches, alii.

(c) Falsum. Vnde enim bellum rusticum, nisi à Lutherò? vnde Schmaldicum, nisi à Lutherò?

(d) Similia prorsus miracula fecit Arius, Nestorius, Eutyches, alii.

(e) Falsum. Vnde enim bellum rusticum, nisi à Lutherò? vnde Schmaldicum, nisi à Lutherò?

(e) Planè vt Simon Magus, aut Eunomius. Ne lac quidem lacti similius est; quàm vindices & repurgatores isti Luthero.

(e) Per D. Petrum, opinor, 2. Petri 2. *Fuerunt verò & Pseudoprophetae in populo, sicut & in vobis erunt Magistri mendaces, qui introducens sectas perditionis, & eum, qui emit eos, Dominum negant: superinducentes sibi celerem perditionem. Et multi sequentur eorum luxurias, per quos via veritatis blasphemabitur, &c. & cap. 3. venient in nouissimis diebus in deceptione illufores, iuxta proprias concupiscentias ambulantes, &c.* Vbi enim in scriptura sacra de Lutheri secta aliquid prænuncietur, præterquam dictis, & id genus aliis locis; nemo poscentibus ostendet.

(f) Fide digna historia, (f) In Apologia Confessionis Augustinæ sub titulo de votis legitur, quia ex Philippi officina profecta, & ab Illyrico in Catalogo testium feritatis repetita. Sed faciamus esse veram. An ideo impius non erit Lutherus, quia impius eius furor prædictus est à Monacho siue bono, siue malo; siue à bono, siue à malo Spiritu impulsio. Certè hæc prædictio nec poteritis ei resistere non magis iuuat Lutherum, quàm prædictio Sibyllæ Erythrææ iuuat & excusauit Arium; de Arii enim aduentu multis sæculis ante vaticinata est Sibylla, vt testatur Constantinus Magnus in Episto. ad Arium. Non modò boni & bona, sed mali quoq; & mala prædici possunt tam à bonis, quàm à malis, siue id fiat instinctu boni spiritus, siue mali, vt interdum accidere potest.

(g) Nimirum sanctus est apud Lutheranos, quisquis Monasticam vitam carpit & insectatur.

Iam de vaticinio gloriosissimi

(h) occurrit, quod aliquoties Donatistis à S. Augustino dictum est. *Cum viuatis vt latrones, mori vos iactatis vt Martyres: qui faciunt opera latronum.* (h) Martyris Ioannis Hussi, &c. quid dicam? Certè Lutherus ipse, rebus durissimis, dira moliente Papa, diraminitante Cæsare, non mediocriter illo se solat⁹ est. Itaq; in sua (i) glossa super

super edictum Catareum, quod ta-
men non (k) Cæsari, sed alii cuidā
artifici tribuendum censet, scribit
his verbis: (l) Sanctus Ioānes Hus-
sus de me (m) vaticinatus est, cum
scriberet ex carcere ad Bohemos:
Hodie assabunt anserem (nā Huss
anserem significat) post centum ve-
rō annos audient (n) canentē cyc-
num; hunc ferant necesse erit.

tronum & Daemonum, &
gloriam sibi vendicans
Martyrum.

(i) Si profanus Apostata
impudentissimis scholi-
is Caroli V. tanti Mo-
narchæ decreta exagita-
re ausus est, veniam da-
bit nobis Hunnius, si
nos orationem sæcula-
rem glossis veris illustre-
mus.

(k) Finxit se nescire, cuius esset edictum, ut eò furiosius in illud de-
bacchari posset.

(l) pertinet iste Sanctus ad Martyrologium Rabi aut Foxi.

(m) Vnde sciuit Lutherus Hussum de se vaticinatum? Quid si vati-
cinatus est de Carlstadio? Quid si de Zwinglio? Quid si de Oecolā-
padio? nam quod paulò plures quàm centum annia vaticinio vsque
ad istos elapsi sunt, id non refert; quia isti Prophetæ chronologiam
non semper acū tangunt. Ad ipsam quoq; Lutheri Apostasiam ab in-
cendio Hussi plures sunt, quam centum anni. Sed vaticinatus sit an-
ser ille assandus & vstulandus de Luthero, an ideo Lutherus non e-
rit Hæreticus, quia Hæreticus aduentum eius prædixit? imò S. Pau-
lus de Luthero vaticinatus est tot ante sæcula. 2. Tim. 3. Hoc autem
scito, quod in nouissimis diebus instabunt tempora periculosa, & erunt ho-
mines seipsos amantes, cupidi, elati, blasphemii, & ingrati, scelesti, sine affe-
ctione, sine pace, criminales, incontinentes. De Lutheranis verò tem-
poribus ead. Epist. cap. 4. Erit enim tempus, cum sacram doctrinam non
sustinebunt, sed ad sua desideria coaceruabunt sibi Magistros prurientes
auribus, & à veritate quidem auditum auercent, ad fabulas autem con-
uertentur.

(n) Qualis cycnus sit Lutherus, quamquē suauiter cantet, docet M.
Conradus Andreæ in libellis, quos inscripsit den Schwannischen
Luther/ den Schwaben Luther/ den Reuschen Luther/ Lutherum Cyc-
neum, Mundum, Castum, Et D. Pistorius in Anatomia sua; Nos item
aliquid diximus de canore huius Cycni in Commentariolo super
duo Numismata nuper ab Hæreticis cusa. Hoc loco lector vnico
huius oloris concentu contentus esto, quem edidit ad finem glossæ
sua

suæ in duo edicta Cæsarea. Quis ille concentus? Audi. In fine Christianos omnes adhortor, seu potius obtestor, ut mecum coniungant preces suas pro tam miseris & fascinatiis principibus, quos Deus citra dubium inflammatus ira, tanquam pestes & alastoras immisit nobis. Ne temere consentiamus ad suscipiendam expeditionem, aut conferendas pecunias aduersus Tyrannum Turcicum, cum Turca longè solertia, consilio, integritate, moderatione nostros principes antecellat. Num sperandum est tam inconsideratis, tam improvidis contra Turcam ducibus omnia secunda fore, qui extremè adeò tentare Deum, & blasphemias afficere non veremur? En qualis Cygnus?

(o) Ita est. Lutherus manet cygnus grunniens, id est, porcus.

(p) Periphrasis Prædicantiũ Lutheranorum.

(q) Esse Martyr non potest, qui in Ecclesia non est, ad regnum peruenire non potest, qui eam, quæ regnatura est, derelinquit, inquit beatus Martyr Cyprianus.

(r) Quemadmodum qui amant, sibi somnia fingunt; ita hæretici vaticinia. Quis scit, num verum sit quod primum Hussitæ, postea Lutherani iactarunt? Et certè vera esse nequeunt. Quia nec Deo, nec Hussio ob incendium Hussi responderunt Catholici post centum annos. Quod si Hussus tempore Lutheri vixisset, eandemq; doctrinam tradidisset, quam suo tempore tradidit in Bohemia; benignius à Luthero exceptus nõ fuisset, quam Carolstadius, Zwinglius, & alij. Et tamen, quia ante Lutherum vixit, iam gloriosissimus Martyr audit; quo titulo isti etiam cohonestarent Zwinglium, si centum annis ante Lutherum suam doctrinam per mundum disseminasset; inq; bello pro suis dogmatis pugnans cecidisset: minimum ab Illyrico in Catalogum testium Feritatis receptus fuisset. Nunc inter sordes vermeros collocatur, & mille maledictis laceratur.

Totum hoc genus vaticiniorum tam verum non immeritò reputamus; quàm vera erat prædictio, quam olim Huss iactabat his verbis, prout in concilio Constantiensi refertur. Ecce completa est prophe-

Et adiecit Lutherus (o) da soll es auch bey bleiben/ ob Gott wil. Idem vero Hussus (p) ad sanguinariæ illius meretricis Babylonicæ Prælatos, hostes suos, dicebat in die (q) Martyrij. (r) Post centum años respondetis Deo & mihi; quæ verba Bohemi post in (s) moneta quadam ad effigiem Ioannis Hussi curarunt procudi & exprimi.

prophetia, quam prædixerat Iacobus de Theramo, quod anno Domini millesimo quadringentesimo nono surget vnus, qui Euangelium, Epistolas & fidem Christi persequetur, per hæc denotando Dominum Alexandrum, qui in suis bellis mandauit libros VVicleph cremari.

(f) Bohemos imitati Lutherani cuderunt & sparserunt nuper numisma de colloquio Ratisbonensi, deque suo anseri, olore, corac.

(e) Vnde verò id com- Imo (e) compertum habemus indupertum habes, nisi ex biis documentis in Apocalypsi Iotuo cerebro? quod tribus annis cap. 4. & 18. notanter (v) inAnticyris sanari nō posse, indubiis documentis comparabilem hunc religionis vindicem Apostolico vaticinio prædoceri potest.

(v) Incomparabilis est; nunciatum esse. quia comparari Lutherus non potest, nisi irregulariter, sicut *malus, peior, pessimus*. Porro si quis ex Hunnio quarat, quomodo probet Lutherum à sancto Ioanne notanter, vt ait, prænunciatum esse; more suo id admodum eruditè probat in hunc scilicet modum. Post hæc vidi alterum Angelum volantem per medium cœli, habentem Euangelium æternum, vt Euangelizaret habitantibus super terram, & omni genti & tribui & populo, ergo Angelus iste *indubiè* alius non fuit, quam Lutherus; quia quando Erphordia Witebergâ volauit, tunc volauit per medium cœli; & ad concionem eius statim ruit regnum Papislicum, ita vt ne stipula quidem de illo super sit. Et licet solis Germanis, iisq; non omnibus Euangelium suum annunciârît, omni tamen genti & tribui & populo illud annunciauit. Quis ergo *indubiis istis documentis* non persuadeatur, ipsum Lutherum sancto Ioanni ante oculos versatum esse tunc, cum visa illa cœlestia vidit? Quod si quis adhuc de rei veritate ambigat, en alteram demonstrationem.

Quia post hæc vidit sanctus Ioannes alterum Angelum descendentem de cœlo, habentem potestatem magnam, & terra illuminata est à gloria eius, & exclamauit per fortitudinem voce magna dicens: cecidit, cecidit Babylon magna; quis ergo dubitet, quin Angelus iste fuerit Lutherus, qui tomis suis, præsertim Thalia sua seu opere mensali totum mundum contaminauit *stercoribus, porcis, podicibus*, & impleuit *suibus, meretricibus, Diabolis, criminationibus, conuiciis, calumniis, sarcasmis, dictisq; de dictis melioribus, quibus*

Q

parafu

parasiti Plautini & Terentiani menstruales dapes olim sibi comparassent. Ergo ut conclusionem in omnem sempiternitatem Hunniam in concussam hinc inferamus; irrefragabilis euentus edocet his tam illustribus vaticiniis *Lutherum, seu digito, palam notatum esse*. Nec est hæc res amplius in quæstionem vocanda. Quia demonstrata est ab Hunnio.

(x) Si Heros, ergo semi-Hic ergo (x) heros inuietus per occasionem (y) turpissimæ nundinationis Indulgentiarum Papalium, &c. Cum Romano Pontifice congressus est. (z) At quis homo? (a) Cum

(y) Imò turpissimæ æmulationis. nam Domini-quo hoste? (b) Quibus armis? canos in promulgatione

Indulgentiarum sibi antepositos esse, ægerrimè tulerunt Fratres Augustiniani, inquit Cochlæus, inprimis Ioannes Staupitius, &c. & Martinus Lutherus, veluti præcipui duo gregis sui arietes.

(z) Non homo, sed monstrum hominis.

(a) Cum Pontifice Romano. Christi vicario; quem, cum hostis non esset, sed Pater, Lutherus pro hoste habuit.

(b) Mendaciis, dolis, audacia, impudentia, criminationibus, conuiciis ferè plusquam Diabolicis, fauore Aulicorum, præsertim Spalatini, per quem aditus ad Electorem Fridericum patuit, ut & per Staupitium; qui principi se insinuauit familiaris, inquit Cochlæus, instillans eius pectori frequentes indulgentiarum abusus, & quæstorum ac commissariorum scandala, &c. Lutherus verò ardentioris naturæ, magisq; iniuriarum impatiens, arrepto calamo, mox ad Germaniæ primatem Archiepiscopum Moguntinum & Magdeburgensem in eandem sententiam indignabundus scripsit Epistolam, &c. Tandem subdit Cochlæus. Confidebat ingenio & eruditioni suæ Lutherus, atq; etiam potentiæ & gratiæ sui protectoris Ducis Friderici Electoris, & vasis Staupitij sui consilijs ac prædicis.

(c) Filii hominum, dentes eorum arma & sagittæ & lingua eorum gladius acutus. Ps. 56.

(d) Diaboli, Spalatini, Staupitij, imperiti vulgi.

Nimirum homo (e) imbellis, cum illo præpotenti Monarcharum omnium Monarcha, &c. solo fretus (d) Dei præsidio, solius scripturæ (e) armatus gladio, &c. Neq; verò solum-

solummodò signa contulit, & emi-
 nus fortè scriptorium illum calamū
 vibrauit, sed cominus confligit, Le-
 oninam, in qua se ille (f) Cumanus
 abdiderat, &c. (g) extra portam El-
 steranam huius oppidi, flammis vl-
 tricibus exussit, &c. Et qui sæculis
 anteactis putabatur esse omnium
 sanctissimus, &c. hunc Lutherus ex
 (h) indubitatis testimoniis (i) Spiri-
 tus sancti demonstrauit esse nobile
 illum in Prophetarum etiam scrip-
 tis decantatum (k) Antichristum,
 esse hominem illum scelerosum, ef-
 se filium illum perditionis, &c.
 (l) Hoc pacto Christus Iesus sine
 manu, quod Daniel prædixit, solo
 Euangelii verbo, atq; sic oris sui Spi-
 ritu conficere cœpit Antichristū
 in cordibus (m) Electorū, &c. Quid-
 quid enim (n) Deo duce ac præside,
 Lutherus præclare gessit, eius non
 minimam sibi depolceit partem il-
 lustris hæc ciuitas scholastica, cuius
 ipse (o) membrum fuit apprime no-
 bile, eoq; meliori jure se in huius
 glorię communionem offert, quod
 et si Lutherus (p) solus istius (q) refor-
 mationis fecit initium, tamen ipsi-
 us college & (r) παρὰ τὰς, Academicę
 nostrę ciues, arduos illius cona-
 tus suo quisq; loco (s) fideliter ju-
 uerint.

(e) Planè instar Arii, Ne-
 storii, Eutychis.

(f) Epitheton Hunnii.

(g) De hoc Lutheri sacri-
 legio fusè egi lib. i. de ju-
 re prohibendi libros no-
 xios. Hic tantum illud
 Lutheri addo, non esse ar-
 tis, neq; ingenii papyrus
 (jus Canonicum) exure-
 re, quod lixæ nostri & pin-
 cernæ etiam possunt. Ignis
 (aiunt) non soluit argumē-
 ta. Hæc contra Latomū

Lutherus: quæ valent in
 illum; jus Pontificium
 exurentem; non in Ca-
 tholicos opera Lutheri
 concremant.

(h) vbi illa testimonia?

(i) Non Sancti, sed Dia-
 bolici.

(k) Elogia Lutheri &
 Hunnii.

(l) Tām verè hoc prædi-
 cat Lutheranus de Lu-
 thero, quā verè Zwing-
 lianus de Zwinglio; Cal-
 uinianus de Caluino;
 Seruetianus de Seruetis;
 Arianus de Ario. Scilicet
 quod Dæmonis ope ef-
 fectum est, id ad Christū
 tanquam ad auctorem,
 referre oportet; vt tur-
 pitudine facinoris specio-
 so Christi & verbi diuini
 nomine veletur.

Q 2

(m) tali-

(m) Talium Electorum, quales olim erant Electi Manichæi.

(n) Illène quidquam, Deo duce ac præside, egit; qui publicè dixit coram Illustrissi. Ducis Georgii Confiliariis, quodq; ex dicentis ore excepit D. Emserus: *rem istam non esse propter Deum cæptam, nec propter Deum finiendam.* Quo nihil verius ex Lutheri ore exiit. Vide Cochli in A&Luth. anno 1518.

(o) Tale videlicet membrum, quale struma in corpore, & latrina in domo.

(p) Non solus, nam non unus Satan mecum est, inquit alicubi Lutherus.

(q) deformationis.

(r) Fortè legendum: parastantes.

(s) Præsertim Carlstadius & Islebius; quibus Lutherus quoq; debitam & fidelem mercedem persoluit. Nam Carlstadio postquam multum in vinea Lutherana laborarat, hos denarios annueravit. *Carlstad est Diabolus, Schwermer/ Rottengeist/ Falscher/ böser Geist/ mörderischer Geist/ der Bubenstuck treibet/ Bildstürmer/ Judischer Heylig/ Bub in der Hautt/ dem ein Fürst soll den Kopff vber ein kalte Klinggen habe laßē hupffen/ ic. Ein Heyd/ Gauckler/ Narr/ Peter vom Flaschhausen/ den der Teuffel reit/ voller Teuffel.* Omitto id genus alia sine modo & more maledicta. In libro wider die himmlischen Propheten. At Islebio his nummis satisfacere Toller dürstiger Narrenkopff/ ein stolznarrichen/ tollnarrichen/ zornigs Teuffelin/ Narr grickel/ den der Teuffel reittet/ Meister Gricke/ verloggen Maul/ falscher Mensch/ ohnmächtiger ellender Nauckkopff/ Meuchler/ Leckerlin/ Lugner/ Zweyzüngiger Judas vñ Verräter/ ic. Prætereo alia, quæ plena manu in Islebium coniicit tam in Sermon. conuiualibus, quàm in libro inscripto: *Bericht von M. J. leben.*

Aliam olim monetam miserat Lutherus ad Islebium, vel potius ad uxorem Islebij puerperam, & ad infantem recens natum. *Aureum vnum offeres,* inquit Lutherus Epist. 227. ad Islebium, data ex regione volucrum, (sic enim nominat suam Pathmon) recenter nata proli, alterum matri puerpere, ut vinum bibat & lacte abundet. Ego enim præsens, fuissē compater amnino, Sed hæc olim fuerunt.

Postea

Postea, aliis temporibus succedentibus alia salaria operariis Lutheranis distribuenda erant: Nunc ad propositum. Conferat Hunnius Lutherum cum Iulio Cæsare; Alexandro Magno, Hercule. Non vitupero collationem; dummodo lector norit, similitudinem præcisè in hoc consistere, quod, sicut Iulius Cæsar & Alexander impij fuerunt, & à Deo alieni; libidinibus spurcitiisq; & rapinis dediti; ita & Lutherus impius, à verò Deo alienus; omniumq; libidinum cœno contaminatus fuerit. Optima item comparatio Lutheri cum Hercule, præsertim furioso, nisi quod Lutherus ipso furioso Hercule furiosior videtur.

Sed valeant Ethnici, *clamat prædicans.* Nos comparisonem multo digniorem instituemus præstantissimi huius & ad posteros celebran-

(†) Vulgo dicitur diametrum non esse commensurabilem & comparabilem costæ. Pari modo Lutheri facta incom-

mensurabilia sunt factis sanctorum virorum; cum quibus conferri nullo modo possunt. Hinc frustra est prædicans cum Lutheri euersionem & desolationem contendit cum facto Moyse Israelitas ex Ægypto educens. Lutherus enim Christianos in Ægyptum induxit, cum antea in terra promissionis degerent. Itaq; si legitima comparatio instituenda est, comparandus erit Lutherus cum Iohanan filio Caræe, Hier. 43. Tollens enim Iohanan filius Caræe & vniuersi Principes bel-latorum vniuersos reliquiarum Iuda, qui reuersi fuerant de cunctis gentibus, ad quos fuerant ante dispersi, ut habitarent in terra Iuda, viros & mulieres, & paruulos & filios Regis, &c. Et ingressi sunt terram Ægypti, quia non obedierunt voci Domini. Ita etiam fecit Lutherus; qui ex Ecclesia tot millia eduxit, & in Ægypti tenebras coniecit contra expressum Domini mandatum. Conferatur insuper cum Rege Babylo-nico filios Israel Hierosolymis Babylonem; hoc est; ad omnium rerum confusionem transportante; & cum Nabuzardan Principe militiæ incendente domum Domini, & domum Regis, & omnes domos Hieru-salem; cumq; reliquis Chaldeis, qui sacrosanctum illud templum expilarunt, Tulerunt enim lebetes, & creagras, & psalteria, & Phia-

las, & mortariola, & omnia vasa area, quæ in ministerio fuerunt; & hy-
driat, & thymiamata, & vrceos, & pelues, & candelabra, & mortaria,
& cyathos. Quotquot aurea, aurea, & quotquot argentea, argentea, &c.
Hierm. 52. His aliisq; locis inueniet prædicans viuam spirantemq;
imaginem cum ipsius Lutheri, tum actionum eius, maximè quod
attinet ad profanationem & expilationem templorum. Nec est
quod prædicans longè abeat; vel ad ipsum templum, in quo oratio-
nem hanc sæcularem recitauit, oculos conuertat, videbitq; quantus
Lutherus sit Chaldæus.

*Erasm. Epist.
ad Grun.*

Non abs re Erasmus, cum nescio quis Grunnius nescio quem
Hæreticum cum Moyse conferret. Si cum Mose conferendus est, edat
miracula, & has calamitates, bella, penuriam, pestilentiam suis precibus
à nobis depellat. Idem Hunnio Lutherum cum Mose comparanti
dictum volo. Mirificè prædicant isti libertatem in quam asserti à
Luthero; excusso ceruicibus iugo. Excussum est iugum humanarum
constitutionum, inquit Erasmus, sed ubi sunt, qui submiserunt ceruicem

*Erasm. Epist.
contra Pseud.*

suauis iugo Domini? Et interim constitutiones humane constitutionibus hu-
manis, imò parum humanis mutantur. Titulus modò mutatus est; vocatur
enim verbum Dei, ceterum res adeo nihil est mitior, vt complures boni viri
preferant vtroneum exilium isti magnificè decantata libertati. Atque
adeo procures quidam & antesignani huius factionis, cum nondum ad E-
piscoporum dignitatem, opes ac ditionem peruenerint, tamen eiusmodi spe-
cimen de se præbent, vt ego me malim in Episcoporum, quàm in horum po-
testatem tradere, si detur optio; malimq; Caesaris potentissimi ferre iugum,
quàm quorundam Magistratuum Evangelicorum, quamuis humili sorte. Sic
excutiunt iugum hominum, qui vestro Euangelio submittunt ceruicem. Ma-
gis vereor ne pleriq; pro graui iugo hominum, portent grauius iugum Dia-
boli. Excussa est obedientia Episcoporum, sed ita, vt ne profanis quidem
magistratibus pareatur. Iactant isti liberatas conscientias. Perfecta pietas
habet quietam conscientiam; sed habet & summa impietas. At ego malim
irrequietam conscientiam, quam fidei semen perpetuo stimulans non sinat
esse tranquillam. Insanabile malum est, quod non sentitur.

(v) Beatus est Lutherus
sed sicut Arius, Euno-
mius, Nestorius, Euty-
ches. Beatus est, non in
cælo, sed in orco, Foris

Quod igitur ex Antichristi capti-
uitate, &c. Deº, &c. (v) beati Luth-
eri ministerio nos eduxit: quibus lau-
dibus sacrosanctum nomen Dei ve-
hemus? quas gratias agemus?

canes, qualis Lutherus, & venefici, & impudici, qualis Lutherus, & homicida, &c. qualis Lutherus, & omnis qui amat & facit mendacium, sicut Lutherus. Præclare S. Basilius Hom. in Psal. 61. Multi sunt qui actiones improbas laudent, atq; scurrilem, suauem ac lepidum (damnatūque beatum) appellant: obscænis verbis vtentem; vrbānum ac festiuum; acerbū & iracundū, non contemnendū; tenacem atq; à largitione abhorrentem, vt rei familiari optimè consulentem laudibus efferant; profusum ac decoctorem, vt liberalem; impudicum & libidini deditum, vt volupcatibus bellè fruētem, atq; hilaritate præditum. Atq; vt rem vno verbo complectar, vitia omnia vicinas virtutes esse statuunt; (damnationem beatitudinem) qui per verborum laudem maledictionem omnem animæ suæ accersunt, vt qui per ea, quæ comprobant, sempiternæ pœnæ obnoxios se reddant.

Parietes, (x) me Christe, templi (x) En nouum iuramentum huius, ipseq; valuæ, quæ primas vi. modum.

derunt Theses Lutheri de Indulgentiis, operis, de quo loquimur, admirandi primitias, æterno Deo

(y) gratias agere gestiunt, pro hoc ipsius inenarrabili dono atq; munere, &c. Cerrè diuinum illud opus (z) translationis Bibliorum ex Hebræis & Græcis fontibus in linguā vernaculam, nullus non modò hominis oratione, sed ne quidem (a) Angelorum linguis dignè satis vnamquam (b) celebrari potest. Non Oceanus tantam fundit aquarum vim atq; copiam, quantam (c) cœlestis sapientiæ, &c. ex hoc perenni latice scripturæ in nostram conuerse linguā largissimis venis atq; tuis ad fideles emanat. Quæ res, &c. vel sola triumphum sibi (d) festum-

(y) Non' magis quàm parietes templi Hierosolymitani, quando Chaldæi illud spoliarunt, & profanarunt: imò si quis sensus parietibus illis fuisset, Theses Lutheri in minutissimas partes cōcidissent; & Hunnium hæc deblaterantem lapidibus ex sua compage erutis abegissent, vanitatisq; impudentis coarguissent.

(z) De illis, opinor, Bibliis tibi sermo est, quorū fraudes, deprauationes & imposturas, si quis particulatim persequi vellet

vellet, opus nasceretur que diem quodam suo iure depo-
sceret.

modò orthodoxi sepissi-
mè notarunt & dignis animadversionibus castigarunt; sed & ipsi
Hæretici, Zwingliani præsertim; & Lutheraus ille prædicans, qui
Biblia Lutheri virgis cecidit.

(a) En hyperbolicum superattendentem.

(b) lege, vituperari.

(c) Errorum; & in super hoc emolumentum; quod etiam mulieres
Euangelizant. Nihilne vnquam audiisti de Catharina Zellin Ar-
gentoratenſi quæ cum non posset esse *minister* vestræ Ecclesiæ; facta
est *ministra*, & quidem per decennium? Eadem arte Bibliorum ver-
naculorum dementauit olim Hussus Boëmicas fæminas, & opifi-

ces.

(d) Tamen jam Pomeranus, Episcopus vestræ Ecclesiæ, vt à Lu-
thero nominatur, instituit festum translationis Bibliorum; quod, vt
opinor, inedit in ipsa Bacchanalia. Nullus enim locus in toto Ca-
lendario dignior est tali festo. Tunc homo tam festiuus festum hoc
ignoras?

Sed & hoc obiter perstringo, quod
ex Witeberga nostra, solennis Ec-

(e) De illa, nisi me fallit
animus, confessione lo-
queris, quam filii Mem-
phæos & Taphnes, hoc est
Prædicantes, constupraue-
runt vsq; ad verticem, vt loquitur Hieremias capit. 2. quæ in omni col-
le sublimi, & sub omni ligno frondoso sese tanquam meretrix, prædican-
tibus substrauit: quam ita vitiarunt & corruerunt, vt præter primū
articulum vix inuenire sit vllum; qui non sæpius ab istis corruptori-
bus sit corruptus. vt cum aliunde, tum ex Harmonia Andree Fabri-
cii luculentissimè patet. Et hæc tam corrupta confessio pro integra
imperiali multitudini aliquot annorum decadi bus diuendita, dilau-
data & obtrusa est: donec tandem Concordiæ confessionem ex
Prototypo, Concordiæ inseruerunt, eiusq; editione cæteras omnes,
fraudesque & corruptelas suorum Prædicantium condemnarunt;
Etsi neq; in prima Concordiæ editione incorruptam confessionem
a vulgari, vt alibi dictum.

Qui a

Quia verò huc delapsa est oratio, quærere lubet ex Prædicantibus, qualemnam Confessionem Augustanam miserint Constantinopolim, & Constantinopolitano Patriarchæ obtulerint; corruptam an incorruptam? Sinceram an vitiatam? Equidem Præcones Evangelij decebat cum externo Patriarcha, externa in regione, absq; omni fūco & dolo agere, vel ob verus illud verbum: *Inter bonos bene agere oportet.* Et posset quis primo ad spectu censere, Prædicantibus iniuriam irrogari, si quis vel suspicaretur eos Constantinopolitanæ Ecclesiæ aliam quàm incorruptam Confessionem obtulisse.

Verūmenimvero, qui Acta inter Confessionistas & Patriarcham Græcum (in quibus etiam Augustana Confessio continetur) percurrit; is vel inuitus credere cogitur, Prædicantes non modò Germanorum, sed & Græcorum seductores esse. Vitiatam enim, & à Prædicantibus falsatam confessionem Patriarchæ obtulerunt. Et ut Germanos multis annis falsata illa & deprauata confessione ludificarent; ita & Græcos ludibrio habere conati sunt; obtrusa non confessione Augustana; sed alia quadam, eius larua: Vitiatam enim Confessio Augustana; non est Confessio Augustana Cæsari oblata, & à Principibus subsignata; ut rectè ait Hunnius Prædicans.

Ut verò omnibus perspicuum redderent, se cum Græco non agere fide Germana, sed Græca, hoc est fraudulenta & subdola; amputarunt ex ipso falsatæ confessionis vestibulo præfationem protestantium ad Carolum V. Imperatorem. Qua, obsecro, de causâ? An quia Paulus Dolscius tantum Græcè non norat, quantum Præfationi illi in Græcam linguam transferendæ satis esset? Difficile hoc est creditu. Aliam igitur omisæ præfationis causam subesse oportet. Tametsi quid si transtulisset. Certè non ipsam legitimam & genuinam præfationem transtulisset, sed mutatam, adiectione & detractatione corruptam; quæ non est præfatio, quæ Carolum Cæsarem in Comitibus Augustanis Principes allocuti sunt, sed alia quadam veræ illius & genuinæ simulacrum? Cum enim Dolscius veram Confessionem in Græcum sermonem non conuerterit; sed falsatam & vitiatam, (ut ex lectione Actorum, & ex eorundem collatione cum Augustana Confessione ex prototypo desumpta, luce clarius elucescit;) Probabilissimum fit Dolscium nobis quoq; & Patriarchæ Græco daturum fuisse præfationem falsatam Græcè loquentem; si dare voluisset.

Hun. lib. de
Sacr. præfat.

Quocirca mentiuntur Smidelinus & Crusius, cum in Epistola ad Patriarcham Constantinopolitanum scribunt, se transmittere compendium quoddam antiquæ doctrinæ, Carolo eius nominis Quinto Augustæ Vindelicorum à Principibus exhibitum. Fallitis, impostores. Nam compendium doctrinæ, quod ad Patriarcham transmissistis, non fuit illud, quod Principes nonnulli Carolo V. exhibuerunt; quia corruptum, deprauatumq; & à Carolo V. nec visum, nec lectum transmissistis. Mutatum autem compendium doctrinæ vestræ, non est illud Augustæ Imperatori exhibitum, & à Principibus subscriptum; ut disertè non semel fatetur Hunnius.

Lib. 7. f. 496. Mentitur rursus Crusius cum in sua Turcogræcia dicit, Confessionem Augustanam oblatam fuisse *Hieremie Patriarchæ, Theodosio Zygomata. Metrophani Berrhææ Metropolitæ. Gabrieli, qui postea factus est Philadelphie Metropoli. Simeoni Hierodiacono. D. Michaeli Cantacuzeno, qui sibi in vulgarem linguam transferendam curauit*: non enim illa oblata est; quam Carolus V. vidit, quæq; Confessionis Augustanæ nomen verè habet; sed alia, quam Cæsar nec vidit, nec legit; quam Principes non subsignarunt; Postea enim à Prædicantibus cula & excogitata est. Vide autè miram Confessionis falsatæ felicitatem. Ex prædictis sex Confessionis corruptæ exemplaribus, *unum in Ibericâ seu Georgianam linguam conuersum, in illam regionem abiit.*

En quanta gloria huius Confessionis. Etiam Ibericè loquitur.

Quid si & Æsopus in Ibericam linguam conuerteretur; an idedò Æsopus non esset? Libri Theodori Mopsuestheni in Armenicâ linguam translati sunt; an ideo scelerati, impii & execrabiles non erant? Scire autem velim ex Prædicantibus, an Iberi suum iudicium de hac confessione necdum significârunt. Aut si significarunt; cur eius non faciunt mundum participem? O si patriarcha perspectam habuisset hanc Prædicantium fraudem in ipsa confessione commissam; quam egregiè illos excepturus fuisset: vel saltè excipere debuisset; si candoris amans, & impostorum osor erat.

(f) Atq; olim Thalia
Arij ex Alexandria.

Eiusq; sonus ex loco tam illustri
tamq; celebri haud aliter in omni
Europa percrebuit, (f) atq; Paulus
Apostolus à Thessalonicensibus olim sermonem Domini in Macedo-

nia

nia & Achia cæterisq; locis pertonuissse scribit. (g) Qui dies exhibitæ Confessionis nostræ, &c. ex celebratissimis ante finem mûdi nequam postremus est, (h) stabitq; in omnia sæcula Confessio nostra, VVitebergæ primùm septendecim articulis inclusa, dehinc dilatata (i) in totius orbis Christiani oculis atq; auribus clarissimâ in lucē edita, (k) stabit, inquam, immota prorsus & (l) inconcussa, quamlibet contra (m) insurgat mundus, tumultuetur Antichristus, ringantur Papicolæ, fremat orbis & orcus.

licet. Et Prophetia eius tam vera, quàm illa quadringentorum circiter vatum. *Ascende (in Ramoth Galaad) & dabit eam Dominus in manu Regis.*

(i) Vel quasi.

(k) Aut certè sedebit, aut iacebit.

(l) Ne ipsi quidem Prædicantes hoc permittent: denuò concutient, & turbabunt: neq; enim quietiores sunt antecessoribus suis.

(m) Nil opus insurgere, ruet sponte sua; quia non super Petrum, sed super Philippum ædificata est.

Atq; hic transitum faciamus ad alterum beneficium priori connexū, merito iidem suo celebrandum.

Rectè canit Poëta:

Non minor est virtus, quàm querere parta tueri.

Magnū est in Academia nostra (m) Ex orco celitus accensam esse Euangelij (n) Lutherani lucem, &c. Non minus autem est sacrosanctum illud depositum in

R. 2

rantis

(g) Habemus ergo, aut certè habebimus nouū festum exhibitæ Confessionis Augustanæ. Fortè etiam Argentineses, Memmingenses, Lindauenses diem festum suæ Confessionis exhibitæ solenniter instituent. Ita nec modus nec finis festorum erit; sicut nec Confessionum. (h) Hunnius propheta qualis Hananias Hierem. 28. & qualis Sedecias filius Chanaana 3. Reg. 22. cornutus vide-

(o) Nihil prorsus molitus est, ut Lutheranismum exstingeret; quem fovet & amat, ut suum factum. Hoc tamen curavit ut Lutheri sectæ alias sectas adiungeret; quod si qui fortè à Luthero abhorrent, in alias nassas & pedicas inciderent.

(p) Et quidem perpetua, à primo statim Evangelij Lutherani ortu vsq; ad hodiernum diem.

(q) Diabolo felix fuit hoc certamen.

(r) Non hoc tantum, sed & ubiquetario, & plurimis aliis.

(s) Horum omnium parens fuit Lutherus.

Nec ab alio excitati sunt isti, quàm ab excitatore Lutheri. Cur verò in hoc sectariorum Catalogo non comparet Illyricus? Cur non Philippus, & quidem ante omnes? Philippum enim sacramentarium fuisse, remq; sacramentaria sedendo & tacendo plus amplificasse, quàm alios vociferando & scriptitando; non inficiaberis, opinor; & quidem viuo adhuc Luthero, quem inter & Philippum dissensio adeo excrevit, ut Philippus Witebergæ abire statuerit, comite Casparo Crucigero, qui socius ut sententia erat, sic & periculi & exilij esse cupiebat. Sed Lutherus, re intellecta, mox famam compescuit, & cum Melanchthone ad se accersito certis legibus transiit. Vide Schlüsselb. lib. 2. de Theolog. Calvinist. fol. 101. & seq. & fol. 110.

(t) Dissimilis similitudo. Nam illi; quos alloquebatur Apostolus in vera Ecclesia erant. Vnde qui ab illis exierunt, de vera Ecclesia exierunt. Sed qui cum Luthero erant, ab eoq; abire; ab Apostata apostatarunt,

tantis furoribus Satanæ & mundi factum rectum potuisse conservari, &c. Quid nō molitus est (o) Diabolus, quo lucem Evangelicæ doctrinæ rursus exstingeret? Huc spectat, quod sectarios immisit, quod (p) dissidia excitavit in negotio religionis conflato (q) infelici certamine (r) sacramentario, excitato ad oppugnationem doctrinæ sanæ (s) Carlstadio, post Zvinglio, Oecolampadio, Suencofeldio, Anabaptistarum, aliorumq; fanaticorum, multiplici Lerna atq; hydra, &c. Quin idem accidit Luthero, quod Paulus Apostolus suo tempore futurum ominabatur; ex (t) vobis ipsis exurgent viri, loquentes peruersa, ut abducant discipulos post se.

tarunt, desertoremq; deseruerunt; facti duplices aut triplices Apostata & perfugæ, cum antea simplices tantummodo essent.

Et sicut olim ex Ecclesia Antiochena Paulus Samosatenus, ex Alexandria Arius, ex aliis nobilissimis Ecclesiis alij exorti sunt hæretici; sic ne quidem nostra cathedra Academica potuit ab huiusmodi hominibus prorsus esse immunis, quin post mortem Lutheri (v) nouum exoriretur hominum genus in eadem cathedra, dogmata à Lutheri doctrina planè diuersa profitentium, atq; nihilominus impio conatui (*) nomen obducentium ipsius Lutheri. Hinc (y) noui procusi Catechismi; hinc (z) infelix ille partus, in ipso prope partu ingulatus & confossus, quod *segewux* seu fundamentum *grundtsest* sese nominabat; hinc alij venenati libri, quibus (a) Nestorij hæresis velut ex orco resuscitata studiosissimam iuuetutem miserandum in modum inficiebat, ita ut ex (b) Viteberga sub alieno pallio atq; nomine Calvinismus, longius latiusq; fuerit disseminatus, quàm Calviniani ipsi suis ex nidis propagare multo tempore potuissent.

(*) Lutherus impio conatui suo obtendit nomen Christi & Evangelij, istud nomen Lutheri. Qui nam magis impij?

R 3

(v) Non magis nouum, quam est ipsum genus Lutheranum; nam & hoc & illud ex Nouatoribus constat. Nouo autem hoc hominum genere complectitur Hünnius Petzelium, Crucigerum, Widebramum, Mollerum, Peücerum & alios, quos Schlüsselburgius Antilutheranos Witebergenses nominat. Huc pertinet Philippus; à quo Philippistæ Maior à quo Maioristæ & Synergistæ. Flaccius à quo Flacciani, omnes nouum hominum genus, si vetustissimo Hunnio credimus. Nec silendus Huberus nouissimus sanè; qui cum Hunnio placita non doceret, solū vertere coactus est.

(y) Ex

(y) Ex his Catechismis etiam unus est ille; quem Antilutherani Witebergenſes ex impuro corpore Philippi, inquit Schlüſſelburg, confarcinatum, in ſcholas introduxerunt, mirabili prætextu.

(z) Diſplicet Hunnio liber iſte, quia reiiciebat ubiquitatem, monſtrum illud dogmatis. Et quia approbabat diſputationem Ingolſtadienſem de Maieſtate Chriſti hominis contra Ubiquiſtas; quæ ſecundò Witebergæ typis excuſa & iuuentuti ſtudioſa tanquam norma ſacrorum verborum commendata fuit, ut ait Schlüſſelb. Hoc nimirum prædicanti huic eſt cordolium.

(a) Mendacium. Refellere ubiquitatem non eſt Neſtorianum; ut ubiquiſtæ, veriſſimi Neſtorianiſtæ & Eutyſchianiſtæ fabulantur.

(b) Si Witeberga Calui niſmum tandem perfectè amplexa fuiſſet; quid aliud egiſſet; quam quod lupo exuiſſet; & lupum induiſſet, ut de quodam hæretico dicit S. Ambroſius. Veprior ſit paulò mitior, at tamen lupo eſt. Et fermè tantundem eſt ſine quis per Calui niſmum, ſive per Lutheraniſmum ad inferos tendat. Ducunt enim ad eundem terminum; Eſt in viâ non nihil eſt discriminis.

Et quidem aliquoties hoc molitus eſt Satanæ, ut Academiam hanc

(c) Diabolus etiam amat conſtitueret (c) ad amati ſui Calui niſmi ſedem & arcem, ex qua virus ſuum in orbem Chriſtianum plenis

catacactis effunderet. Idq; tam immani conatu, ut his terq; de (d) puritate doctrinæ cœleſtis in articulo perſonæ maieſtatisq; Domini noſtri Ieſu Chriſti actum videretur & conclamatum.

(d) De Ubiquitate; hanc enim intelligit nomine puritatis. Atqui ſapius periclitata eſt Nympha iſta inter Hamadryadas pulcherrima, & quidè periculoliſſimè 1572. in Synodo Dreſdenſi, in qua omnes Superintendentes Saxoniæ, Doctoresque Lipſenſes & Witebergenſes eam damnarunt tanquam horribilem profanationem omnium articularum ſymboli & renovationem omnium hæreſeon. Simile periculum prius adierat 1566, & poſtea regnantibus Antilutheranis Witebergæ. Et Heſhufius cum Hoffmanno in Colloquio Quendelburgenſi teſtatus eſt, inquit Georgius Sohn Calui nianus Miniſter, Ubiquitatem corporis Chriſti non poſſe defendi; teſtimonia Scripturæ, quæ ad probandam Ubiquitatem corpo-

In diſp. de om-
ni præſ. Chri-
ſti Theſi 19.

vis allegantur, depravari: argumenta item quæ adhibentur, εὐλόγηται
esse, & nihil concludere: de subscriptione libri concordia se & alios quos-
dam circumuentos, nec candidè, ut in tantis rebus fieri debuisset, secum a-
ctum esse: testimonia Lutheri de Vbiquitate in libro Concordia omni debui-
isse, atq; iterum expungenda esse; deniq; non posse se vel in libro Concordia,
vel in Apologia acquiescere. Ita senferunt de bella ista Vbiquitate ip-
simet primarii prædicantes.

Semper autem Deus misericordi-
ter respexit hanc verbi sui cathe-
dram, semper (e) ὁς ἀπὸ μηχανῆς tan-
tis malis medicinam fecit, delectis
illorum hominum dolis occultis, &
machinationibus illorum, provida
cura magistratus, & salutari vigilan-
tia sincerorū Doctorum (f) repres-
sus ac dissipatis. Interim verò dissen-
sionum istarum causa & culpa tam
(g) non est impingenda doctrina
per Lutherum nobis reddita, quàm
nec exorta olim hæreses conferri
poterant in doctrinam Apostolo-
rum, &c.

te ipsemet prædicans alicubi vitur, si rectè memini. Sed Lutherus
est causa causæ; nempe suæ doctrinæ, quæ dissensionum istarum di-
recta & per se causa fuit: ergo est etiam causa causati, hoc est, ipsa-
rum dissensionum & prauorum dogmatum Carolstadii, Zwinglii,
Oecolampadii, Caluini, Flaccii, Huberi, aliorum. Ex doctrina enim
Lutheri per se tanquam ex suo seminario Zizania hæc enata sunt. Ex
doctrina autem Catholica, quæ est doctrina pacis & concordia, ori-
untur talia dissidia non nisi per accidens.

Cæterum ut contra impetum se-
ctariorum Deus hanc almam scho-
lam benignissimè protexit, sic non
minus potenter & clementer eam

(e) Deus iste ex machina
fuit Smidelinus visitator
Saxonie, qui Vbiquistas
& Panistas in sedem suâ
restituit, expulsis Anti-
lutheranis.

(f) per carceres, exilia,
& id genus alia asperio-
ra medicamina: Ita enim
actum in Saxonia cum
Crucigero, Mollero,
Petzelio. Widebramo.

(g) imò impingenda est:
quia quidquid est causa
causæ, id etiam est caus-
a causati, quod axioma-

turatus est contra vim omnem hostilem, &c. Certè Põtificiorum colluies nullam sub sole ciuitatem tam oderunt acerbè, (h) tam cupiunt euerfam funditus, quàm nostram hanc VVitebergam; quodq; lapis adhuc manet super lapidem, id non (i) illorũ voluntati, sed æterni Dei clementi protectioni acceptum ferendum est. In bello Schmalcaldico, cum post partam victoriam, (k) Cæsar Carolus & Ferdinandus Rex cum Hispano milite oppidum nostrum, adeoq; templum hoc nostrum ingrederetur: quis tum ciuis ab hoste victore & furente milite nõ extrema quæuis metuenda esse putabat? Quis (l) sepulchrum Lutheri, &c. quis corpus eius, quis ossa intacta mansura saltem somniare poterat? Sed ecce, Deus misericors, qui corda Regum, &c. in sua manu continet, hosti superbienti, ceu frenum immisit, & diuino suo nutu ceu retinaculo quodam cohibuit, victoriæq; insolentiam sic moderatus est, vt nemo (m) quisquam non modò ciuium, sed ne præfidiariorum quidem militum, qui morè belli hostium loco haberi, & ad vnum omnes contrucidari poterant tantillum læderetur: Lutheri quoq; sepul-

(h) Mendacium euidentis seditiosi Prædicantis. potuissent enim in bello Schmalcaldico Pontificii hanc ciuitatem funditus euertere, jam enim totam in suam potestatem redegerant; an euerterunt?
 (i) repetitum mendacium.
 (k) Et quid tandem mali passi estis? Non erant Witebergenses in manu Cæsaris & Regis, quos tu impudens caput, colluiei Pontificie adnumeras? Bone Deus, si vobis talis fortuna obtigisset, quas strages edidissetis in Catholicorũ vrbibus.
 (l) De lenitate victoris facile id sibi Witebergenses persuadere poterant. si enim viuus pepercit, etiam prædicantibus, mirum non est, si in defunctum nihil seuerius statuit. Vos si vel ipsum domini sepulchrum, & sacratissima Apostolorum Petri & Pauli ossa in potestate vestra haberetis, longè aliter cum illis ageretur.

sepulchrū & cadauer intacta prorsus & inuiolata manerēt.

Taceo nunc breuitatis studio bellorum motus alios, & (u) tempestates Germaniæ læuissimas, sub quibus omnipotens Deus hanc scholam sub alarum suarum vmbra benignā (o) protexit, &c.

tum abludit à Turcico; profectus à Turco, qui in sinu vestro recubat. *Palpa sinum tuum*, inquit Lutherus ad Lutheranos (nam nos Pontificii vocem hanc tam detestabilem non audimus,) *Et Turcum palpasti. Interim Deus eo magis in pœnam, principes in mutua bella tradit, ut nos magis quam Turcos puniat, quia peius polluimus sacra quàm illi.* Hæc Lutherus in explicatione secundi præcepti?

(n) Quis excitauit nisi Lutherani sagi & sagæ, hoc est prædicantes & prædicantium animæ mulieres?

(o) An ignoras quoniam benignitas Dei ad pœnitentiam te adducit, & totam tuam Academiam? *Secundum autem duritiam tuam Et impœnitens cor thesaurizas tibi iram in die iræ Et reuelationis iusti iudicii Dei Rom. 2.*

Quoniam verò horrendum in mo-

dum (p) frendet ac fremit Satanas, tum ultuatur ob acceptam plagam

(q) Antichristus, dira moluntur, & sanguinem nostrum sitiunt Pontificii, cum primis (r) suitæ, (s) ranæ Apocalypticæ & infernales locustæ, quæ ex abyſso prouolantes (t) accedunt & inflammant animos Regū & Principum in Lutheranos, & nullum non lapidem mouent (etiā si scorpis sub vnoquoq; dormiat) ut *Academiæ Euangelicarum sta-*

(m) Hæc lenitas Catholicorū damnat vestram crudelitatem & sœuitiam, cuius est nemini parcere; si quando victoria, etsi exigua, à vestris stat partibus. Et tota hæc orthodoxorum laus, vituperatio & infectatio vestri moris est, qui non multum

(p) Certè nō contra vos tam fidos sodales & amicos. Tubam porro prædicantiam audis lector, & classicum ad arma, nō orationis Epilogum. Quando ad rauim vsq; præcones isti seditiosissimi mē calūniantur & mētuntur; tum primum pacis studiosissimi, imò pacis filii salutarī & nuncupari volunt: quid enim his clamoribus huius prædi-

prædicantis ad perniciosissima dissidia & excidia accommodatus?

(g) Gaudet Antichristus, etsi adhuc in lumbis parentum suorum ob plagam à vobis orthodoxæ fidei inflictam. Et cum venerit, magnas agat vobis gratias.

(r) Epithetum Hunnii & Prædicantium à sue Luthero; qui quantus quantus, sus fuit, à nescio qua Circe in hoc brutum transformatus.

(s) Elogia Sectæ Lutheranae, vel resonabili Echo teste, quæ rogata, quid est secta Lutherana? Absq; mora respondebit: *Rana*.

(t) omnia hæc prædicantium sunt, non Catholicorum.

(v) Vbi præclarissima hæc constitutio, nempe in Hunnianis hyperbolicis.

(x) *Vade, & dices Hanne* (Hunnio) *Hæc dicit Dominus. Catenas ligneas contriivisti, & facies pro eis catenas ferreas: quia hæc dicit Dominus exercituum, Deus Israel. Iugum ferreum posui super collum cunctarum gentium istarum* (Lutheranarum) *ut serviant Nabuchodonosor* (Luthero) *Regi Babylonis* (auctori omnis confusionis) *& servient ei. insuper & bestias terræ* (prædicantes) *dedi ei.* Qualis differentia inter iugum Christi & Diaboli, talis item est inter iugum Pontificis & Lutheri. hoc enim, etiam si interna duntaxat spectes, infinitis parti-

tus pulcherrimus turbetur, imò co-uellatur, ut data religioni pax annihiletur, ut nos omnes radicitus exterminemur, & deleamur funditus, ut Ecclesiæ (v) præclarissimè constitutæ sub iugum (x) intolerabile Romani Antichristi retrahantur, ut pestilentia cathedra reficiatur, ut vulnera (y) Babylonica meretrici (z) inflicta sanctur, ut *Papatus* totus in integrum restituatur, ut (si mundus tam diu consisteret) ipsi suum quæstorium jubilæum maiori numero & vberiore quæstu celebrare, deq; nobis devictis triumphum agere pro suo libitu valeant, idcirco poenitenti corde te precamur, æterne Deus, *Pater Domini nostri Iesu Christi*, ut delicta nostra, quibus tuam iram sumus promeriti, &c. paternè nobis condones, neq; (z) nobiscum agas secundum peccata nostra, &c,

bis

bus grauius est, quàm illud. Constat quali tyrannide Prædicantes sua ad placita alios cogant, & in eis detineant. Væ illi, qui vel contra mutire aufit, iis potissimum in locis, vbi Prædicantes sceptrum tenent. Scio quosdam coniectos in carcerem, inquit Erasmus, Epist. ad frat. infer. Germaniæ, quod verbum ipsis excidisset in Ecclesiastas (Prædicantes) quendam etiam de capite periclitatum. Sibi tutum esse volunt in Episcopos, Reges, & Principes, quidquid libet conuiciorum effundere, experiatur qui velit, an si simili modo debacchetur in Ecclesiastas aut magistratus istorum, impune sit ablaturus. Ego priuatam quorundam mansuetudinem abunde sum expertus.

(y) Encomium Matris Hunij. Hunnium enim ex Apostata parente (monacho an sacerdote?) natum esse scribit D. Pistorius. Quæ alia igitur mater eius, nisi meretrix?

(z) Tam pœniteni, quàm fuit cor Iudæ, cum dixit: peccauit tradens sanguinem iustum:

(a) Aget, quia iustus est. Ex istâ pœces ex corde prædicantico ne nubes quidem penetrant; quomodo cœlum? quæ prædicantem istum non magis expiant, quàm olim Placina seu Februa sub ipsum festum sæculare populo distribui solita; quæ erant tædæ, sulphur, & bitumen. Et hæc in festum illud sæculare seu Iubilæum Lutheranum; quo verè nunquam cantabitur:

Iam fides, & pax, & honor, pudorq;

Priscus, & neglecta redire virtus

Audet, appareatq; beata pleno

Copia cornu.

Verius illud Hunnio accinetur.

Protinus irrupit vena peioris in eum

Omne nefas: fugere pudor, verumq; fidesq;

In quorum subire locum fraudesq; doliq;

Insidiæq; & vis, & amor sceleratus habendi, &c.

Quam enim sanctè Euangelici viuunt; graphicè depingit vnus ex Iubilariis oratoribus Witebergenfibus M. Erasmus Schmidt Græcæ linguæ Professor; qui ipso S. Catharinæ festo, anno Pseudo-Iubilæo, hæc ad studiosam iuuentutem verba, præter cætera, fecit. Vita nostra cum omnium ætatum, tum maximè iuuentutis ea est, vt nomen Dei inter gentes blasphemari faciamus. Tot iam vigent idololatriæ, non externa illæ, sed internæ, illis nocentiores: Tot audiuntur Blasphemie, tot abusus nominis diuini, tot execrationes, tot inania iuramenta: tot fiunt

periuria, tot profanationes sacrorum; tot experimur inobedientias & asoq-
 ylas liberorum erga parentes, discipulorum erga praeceptores; subditorum
 erga magistratus: tot iurgia, tot rixas, tot percussiones, tot homicidia, tot
 adulteria, tot scortationes, tot furta, tot rapinas, tot fœnerationes, tot
 mendacia, tot calumnias, tot appetitus illicitos, tot deniq; inordinata, ut
 Iovem fulminibus inermem breui futurum credant Ethnici, si omnia ista vl-
 eisci vellent: nobis verò ipsis mirum fiat, Deum tam patienter & μακροθύ-
 μως ista adspicere posse; & nobis multò magis ô secularis Orator.

Lut. tom. 2.
 Epist. ad Lan-
 gum pag. 54.


Sed quinti Euangelij arbor non fert alios fructus. Vera est illa
 Confessio Lutheri de se & suis. Sumus iidem, qui antea, duri, insensati,
 impatientes, temerarij, ebrij, lasciui, contentiosi. Summa, Symbolum illud
 & insignis Christianorum charitas nusquam prodir: Et sit illud Pau-
 li; regnum Dei habemus in sermone, in non in

virtute.

FINIS.



Ad



Ad Lectorem.

Scripseram hæc iam dudum, viuentis Hunnio:
Interea, dum editionem differo, descendit il-
le ad cœlum, vnde negant redire quēquam:
neq; enim meliora habeo, quæ de prædi-
cante in sua perfidia extincto, mihi polliceri queam: In
cuius Iubilæum & abitum cum mihi lusus quidam poëti-
ci ab amicis oblatis essent, eorum specimē huc adscribe-
re placuit.

I.

*Dum, VViteberga, tuos numerare scit Hunnius annos,
Non, VViteberga, suam scit numerare Fidem.
Hunni, iam centum tua fert Academia soles;
Sed tua quot soles, dic, habet, Hunne, Fides?*

II.

*Hunni Romanos imitari mimice mores:
Roma suos seruat, tu tibi Mime tuos.
Dum ludis Papas, imitaris perfide Papas;
Nunc imitator obis, nunc imitator abis.*

III.

*Mortuus in Stygios cum vergeret Hunnius ignes,
Flens Hunnus, Meus hic an Paradysus? ait.*

IV.

*Infera Saxonios lustra venatio saltus,
Hunnius in pradam iam parat ire tuam.*


*Hunnius expirat, moritur miserabilis Hunnus,
Iamq; miser vidit, iam miser ergo perit.
Immani fauces distende tricerbere ritu;
Pinguior hac nunquam prada futura tibi est.*

V.

*Hunnius extremam vitam cerneret horam,
Quam miser est Hunnus! dixit, & ingemuit.
Quid tantum dic Hunne gemis? Te dignior hora
Non fuit illa tibi, quam fuit illa tibi.*

Illud etiam te lector nosse velim, hanc eandem
Hunni orationem refutatam iam esse erudito libro Tri-
boniani Cassij à SEESTERVVRT, Moguntia excuso; qui
fermè effecisset, ut hæc mea in spongiam incumberent.
Sed quia postea animaduerti vtrumq; nostrum ad eiuſdē
quidem aduersarij expugnationem, diuersa tamen via
tendere; ideo passus quoque sum, ut hæc mea
qualiacunque in lucem pro-
dirent.

FINIS.



Disce

Disceptatio

IACOBI GRET-
SERI SOCIETATIS
IESV THEOLOGI.

Verum verum sit,

ZVINGLIUM PRÆCIPVVM

doctrina sua de Eucharistia caput à

Diabolo didicisse.

Cum

REFVTATIONE ARGVME-

torum, quæ pro defensione Zvving-

lij refert Marcus Beumlerus Sa-

cramentarius,



Ad



Ad Lectorem.

S. Aug. lib.
18. de ciuit.
Dei cap. 51.

S. Cypr. lib. de
vnit. Eccle-
sia.



Hæreses à Diabolo tanquam ab auctore proficisci, docent non vno loco sancti patres. Videns enim Diabolus templa demonum deseri, inquit S. Augustinus, & in nomen liberantis mediatoris currere genus humanum, hæreticos mouit, qui sub vocabulo Christiano, doctrinæ resisterent Christianæ. Videns idola derelicta, ait S. Cyprianus, & per nimium credentium populum sedes suas ac templa deserta, excogitauit nouam fraudem, ut sub ipso Christiani nominis titulo fallat incautos. Hæreses inuenit, & schismata, quibus subuerteret fidem, veritatem corrumpere, scinderet vnitatem. Rapit de Ecclesia homines, & dum sibi appropinquasse iam lumini, atque euasisse seculi noctem videntur, alias nescientibus tenebras rursus infundit, ut cum Euangelio Christi, & cum obseruatione eius & lege non stantes, Christianos se vocent; & ambulantes in tenebris, habere se lumen existiment, blandiente aduersario, atque fallente, qui, secundum Apostoli vocem, transfigurat se in Angelum lucis, & ministros subornat suos, velut ministros iustitiæ, asserentes noctem pro die, interitum pro salute, desperationem sub obtentu spei, perfidiam sub prætextu fidei, Antichristum sub vocabulo Christi.

Porro licet ex testificatione sanctorum Patrum nobis manifestum non esset, quisnam sit magister & institutor Hæreticorum, & ex qua schola hæreses prodeant, id tamen hac ætate, probè exploratum haberemus testimonio ipsorum Hæresiarcharum Zwinglij, & Lutheri, qui publicis librorum monumentis testatum fecerunt, se Diaboli magisterio vsos, & ex intricatissimis nodis exsolutos & expeditos fuisse: quam confessionem non possum non vehementer laudare;

dare; Est enim benignum & plenum ingenui pudoris, fateri per quos profeceris, vt iam olim rectissime Plinius scripsit.

Ergò pudori ingenuo conuenienter, candidè fassus est Zwinglius, cui Doctore profectum suum acceptum referat. Fassus est idem adhuc candidius & liberalius Lutherus. Zwinglij confessionem sapissimè obiiiciunt Lutherani Zwingliani, & quidem meritissimè, vt hac tota disceptatione planum facere conati sumus. nec, vt opinor, successus conatum fefellit.

Illud autem immeritò agunt Lutherani, quòd non vident maticæ ea, quæ in tergo sunt; quòd inquam obliuiscuntur, qua in schola, & à quo Doctore Lutherus institutus sit; cum tamen Lutherus magistro suo Diabolo didactron, seu Minerval longè maius & honorificentius persoluerit, & beneficia ab illo accepta ore multò pleniorè & sonantiorè celebrauerit, quàm Zwinglius.

Nec illud admiratione caret, quòd Zwingliani tam excordes sunt, vt Lutheranis Zwinglio nigrum Doctorem obiectantibus, vicem non referant; illudq; Comici nonnihil mutatum reponant: Vitium quòd de parente nostro prædicatis, id itidem vestro parenti est. In eodem ludo, sub eodem ludimoderatore eductus & edoctus est. Eidem ferulæ manum subiecit, testante id ipso Luthero, non obiter, & quasi aliud agendo, sed accurate, attentè, sollicitè.

Recitant quidem Ministri Tigurini in Confessione sua aduersus Lutherum ex libro Lutheri de Missa Angulari hanc Diaboli cum Luthero disputationem; sed recitant tantum; non improbant: aut si improbant, ipsam per se disputationem non improbant: sed quædam eius adiuncta, seu circumstantias: vt quod Lutherus, enarrata illa disputatione, valde prædicat vim & efficacitatem Diaboli in loquendo & disputando, quam ait esse tantam, vt puncto temporis animam ex corpore exsoluere possit; eaq; ratione Oecolampadium animam efflasse, & in strato suo exanimem repertum esse. Quare pro Oecolampadij fama, tanquam pro aris & focis, pugnant, Lutherumq; calumnix & mendacij arguunt.

Illud item vitio vertunt; quòd tanta cum vanitate & offendiculo eorum infirmis de Satana & viribus potentiaq; ipsius disputer; quasi tantorum mysteriorum minimè sint capaces. Non ergò improbant ipsam disputationem, validosq; atri illius disputatoris lacertos; sed hoc tantum, quod Lutherus vires magistri sui linguâ vernaculâ tantopere celebrarit. Hoc illos cruciat; nam dogmata, de quibus Dia-

bolus cum Luthero differnit, quæq; adeo eidem persuasit; Zwingliani quoq; obuiis vlnis amplectuntur, Missam enim *pro mera idololatria* reputant; & in Eucharistia Christi corpus & sanguinem *substantialiter* adesse aut adorari negant: quæ prima fuere capita, à Diabolo Luthero proposita. quæ cum à ministris Tigurinis pleno assensu probentur; non possunt, si constare sibi volunt, congressum Lutheri cum Diabolo, vel si mauis Diaboli cum Luthero, reprehendere, cum suam doctrinam inde hauserint; si non totam, certè partem eius.

*Serar. Orat.
de disputat.
Diaboli cum
Luth. excusa
Ingolst. 1603.*

Verùm de disputatione Diaboli cum Luthero religio fuerit aliquid dicere pòst Nicolaum Serarium nostrum; qui certamen hoc duorum tam insignium lanistarum sciea, erudita, & planè Apellea manu nuper depinxit; toti;q; mundo spectandam proposuit. Ego Zwinglij cum Diabolo congressum hac lucubratiuncula Lectoris oculis subiicere statui. Multum enim refert nosse; à quibus Hæresiarchæ huius ætatis placita sua acceperint: vt si minus eorum sectatores dogmatum absurditate absterri possunt ab hæresi; turpitudine certè magistri, & infamia tam nefarii magisterij absterreantur.

*Hun. de Con.
Domin. ca. 14.*

Cæterum obseruatione dignissimum arbitror; non modò Zwinglium & Lutherum à Diabolo eruditos & instructos fuisse; sed ipsum etiam Carolstadium sub eodem præceptore meruisse; quod ipse de seipso litteris prodidit; ne nesciremus; *gloriatu* enim est; inquit Lutheranus prædicans Hunnius, *venisse ad se quendam virum, qui monuerit de explicatione verborum cœnæ, quod vocula (Hoc) eum in modum, quem ipse tradebat, esset accipienda: & hunc virum fuisse patrem cœlestem. Respondit autem Lutherus, virum illum non patrem cœlestem, sed aut Diabolum ipsum, aut certè huius fuisse matrem.*

Suos igitur errores didicerunt Lutherus & Zwinglius determinatè à Diabolo; Carolstadius aut à Diabolo, aut à matre Diaboli, interprete Luthero. Docebat autem Carolstadius, *Christum vocabulo Hoc, monstrasse corpus suum, quatenus visibiliter in mensa sedebat, ita vt diceret, porrecto pane: accipite, edite. Deinde manu ad ostendendū Apostolorum oculis corpus suum versa, subiunxerit: Hoc est Corpus meum. Quæ profectò explicatio manifestè indicat, virum illum, qui Carolstadio apparuit; alium non fuisse, quam eum qui cum vigilante Luthero disputauit; stertenti; Zwinglio; rebus in arctis, opem tulit. Quis verò iste Zwinglij monitor fuerit abundè ex hac disceptatione cognosces.*

Finiam,

Finiam, vbi verbū addidero de prædicante Hunnio, qui & ipse
Zwinglianus Zwinglij somnium approbat; immemor disputatio-
nis Diaboli cum Luthero; prius rectè, posterius malè: vt & illud, cum
has ampullas aduersus Zwinglium effundit: *Indubitatum planè & in
omnem perpetuitatem irrefragabile est, Deum articulos doctrinæ, hodiè præ-
sertim, per somnia non reuelare.* Quàm facile occurrere potest Zwin-
glianus si dicat multò magis indubitatum & irrefragabile esse; De-
um per Diabolum non patefacere articulos fidei, eo modo, quo Lu-
therus scribit, se ex disputatione Diaboli nonnulla cognouisse; quæ
ipse pro articulis fidei habet. Illud etiam addet Zwinglianus: Zwin-
glium nouam explicationem articuli per Somnium didicisse; non
nouum articulum: articulum enim prius exstitisse. At quis nescit fie-
ri posse, vt occultissimorum sensuum, quos ne tenui quidem vigilantes opi-
natione percepimus, quiescentibus nobis, & vel soporis stupore demersis, in-
telligentia reueletur; vt iam olim notauit Cassianus? Hære-
spondere in promptu erit cuius paulò perspicaciori Zwingliano.
Quocirca si quid Lutheranus præco aduersus Zwinglium effectum
volebat; minimè inficiandum erat per somnium aliquid cognosci
posse, aut solere, quod ad scripturæ, articulorumq; fidei declara-
tionem spectet.

Hun. lib. de
Sacramentis.

Cass. collat.
14. cap. 10.

Illud potius toto conatu agendū erat; vt ostenderet, hoc quod
Zwinglius per Somnium didicit; à magistro Lutheri, hoc est, à Dia-
bolo prouenisse; & monitorem illam Zwinglium aliū non fuisse;
quam qui cum Luthero disputauit; & quidem non semel, sed sæ-
pius; fatente id ipso Luthero his verbis: *Corpus ille (Diabolus) peri-
mere vel iugulare nouit. Nec id modò, verum & animam disputationibus
suis ita urgere & in angustum coarctare nouit; vt in momento quoq; illi ex-
cedendum sit; quo sanè me quoq; NON SEMEL, tantum non perpulit.*
Sæpius ergo Diabolus cum Luthero pedem contulit: Et si vnum dū
taxat congressum ex omnib; Lutherus præcipuè litteris illustrādum
duxit. In quo Lutherū succubuisse non vanis coniecturis ducti affir-
mant Ministri Tigurini; non quidē propter illud, quod Luther⁹ de
interitu Oecolampadij scripsit; vt ipsis videtur; sed propter dogmata,
quæ sibi à Diabolo persuaderi passus est. Et quia ille idē quē supra
nominaui Serarius noster libello quoq; Germanico vniuersam Lu-
theri cum Diabolo familiaritatem & necessitudinē egregiè descripsit;
idcò rectā me ad Zwinglium conferto, & de Luthero, ne verbum
quidem amplius addo.

Luth. lib. de
Missa Angu-
lari.



Disceptatio

VTRVM VERVM SIT,
ZWINGLIVM PRÆCIPVVM
DOCTRINÆ SVÆ DE EVCHA-
ristia caput à Diabolo didicisse.

CVM

REFVTATIONE ARGU-
mentorū, quæ pro defensione Zwing-
lij adfert Marcus Beumlerus Sa-
cramentarius.



Trem ipsam statim aggrediamur, omiſſis
omnibus verborum anfractibus; Respons-
deo; Zwinglium præcipuum doctrinæ
suz de Eucharistia caput à Diabolo didi-
cisse, non modò verum est, sed & verissi-
mum: Cum autem dogma aliquod à Dia-
bolo dupliciter disci possit, primò generatim, & quasi
mediatè, quo pacto Diabolus omnium hæreticorum Ma-
gister est, omniumq; hæreleon repertor (*quæritur*, inquit
Tertullianus, à quo intellectus interpretetur eorum, quæ ad hæ-
reses faciant? A Diabolo scilicet, cuius sunt partes interuertiendi
veritatem) Secundò, speciatim, & velut immediatè: no-
uerit lector, nos, cum asserimus, Zwinglium, Diaboli
Magi-

Tertull. de
prescript. cap.
40.

Magisterio vsum esse; id non tantum intelligere de primo illo & generali institutionis modo; sed & de secundo & speciali. Hunc enim suum tam fidelem & ingeniosum discipulum pleniore gratia (vt & illum alium in Saxonia, Lutherum) lucifugus iste, Tartareusq; professor dignatus est. Ne autem id temerè & absq; argumentis affirmare videamur, ipsa Zvvinglii verba ex libro, quem *subsidium* Exstat Tom. 2.
oper. Zvving-
lii. siue *Coronidem de Eucharistia* inscripsit, exscribemus: re tam prius paulò altius repetita: vt omnia planiora euadant.

Cum Zvvinglius cum suis apud Tigurinum Senatum valdè instaret, vt Missa, omnisq; Eucharistiæ cultus, & veneratio penitus abrogaretur; suamq; illam hæreticam expositionem illorum verborum: *Hoc est corpus meum*, id est, *hoc significat corpus meum*, senatoribus obtruderet; multisq; scripturæ locis comeret & phaleraret; restitit Zvvinglio in faciem scriba quidam, qui hac oratione senatum compellauit, vt refert ipse Zvvinglius, *Equidem, Patres conscripti, non eo sum ordine aut loco, vt mihi coram vobis verba facere liceat, dummodo causa ageretur, quantumvis magna, quæ ad Rempublicam attineret: Cum autem hic animarum salutis cardo versetur, ipsaq; fides periclitetur, cuiusque esse sentio, vt in medium adducat, quæ sentiat. Ego igitur firmiter credens in isto pane verum corpus ac sanguinem edi, testor me in hac esse opinione, neq; me patiar ab ea diuelli, speroq; de vobis, quod nullo pacto sitis me ad opinionem Zvvinglii adacturi, &c.* Et post multa alia, quæ Zvvinglius refert partim à scriba obiecta; partim à se, suisque collegis responsa esse: subiungit Zvvinglius.

Cum ergò duodecimo Aprilis die ad senatum rediremus, atq; vt Missa, in vniuersum aboleretur, ageremus, prodit denuò scriba iste; atq; eandem cantilenam canit, additq; me quidem sic docuisse,

ut ista vox *EST* in presentibus Christi verbis pro *SIGNIFICAT* posita sit; at agrè scriptura testimoniis probauisse ad hunc modum accipi debere. Nam isti sermones; Semen est verbum Dei; Luc. 8. & Ager est mundus. Inimicus homo est diabolus, &c. Mar. 13. ad hoc propositum nihil faciunt, Christus enim hic parabolicè locutus est, non etiam istic; cum dicit; hoc est corpus meum.

Cum Zvvinglius cum Collegis ad hæc & alia huius generis, quæ obiciebantur, more suo respondisset, secutum est, inquit, Senatus decretum totius Ecclesiæ nomine ad hunc ferè modum. Eucharistia Deo volente, juxta institutionem Christi, Apostolorumque ritum posthac viminor. Infirmis, ac in fide adhuc rudioribus fas esto hac vice tantummodo, veteri more uti. Missa in vniuersum sic abolita, antiquata, & ablegata esto, ut ne crastino quidem die repetatur.

Restabat adhuc haud minimus conatus, quo scilicet exempla proderemus, quæ nulla cum parabola coniuncta forent. Cœpi-
mus ergo cogitare omnia, omnia reuoluere, attamen aliud nihil exemplorum occurrebat, quàm quod in Commentario proditum est, aut quod occurrebat, erat illorum simile. Cum verò tredecima Aprilis lux appeteret, visus sum mihi in somno, multo cum tædio denuò contendere cum aduersario Scriba, sicq; obmutuisse, ut quod verum scirem, negante lingua beneficium suum, proloqui non possem: qui me angor, ut solent nonnunquam somnia fallaci ludere nocte, (nihil enim altius, quàm somnium narramus, quod ad nos at-
tinet: tamen si leue non sit, quod per somnium didicimus, gratia Deo, in cuius solius gloriam ista prodimus) vehementer turbare videbatur. Ibi ἄπο πανταχὺς visus est monitor adesse, (ater fuerit an albus, nihil memini, somnium enim narro) qui diceret, Quin ignaue respondes ei, quod Exo. 12. scribitur, Est enim Phasè, hoc est, transitus Domini. Protinus ut hoc phasma visum est, simul ex-
pergesco, & electo exilio. Locum apud Septuaginta primum vndiq; circumspicio, ac de eo coram tota concione pro virili dissero: qui

sermo

sermo, ubi acceptus est, quemadmodum paulò post dicemus, omni-
bus sacrarum literarum candidatis, qui adhuc nonnihil propter
parabola obstaculum hærebant, omnem nebulam discussit. Factum
est, ut tribus istis diebus Cæna Domini, Parasceues, ac Resurre-
ctionis tantum Pascha Christi celebratum sit, quantum ipse nun-
quam vidi, eorumq; numerus, qui ad allia, ollasq; Egyptias respo-
derent, opinione longè minor esset.

Hæc Zvinglius paulò tectius & subtili⁹, quàm Lutherus;
q; disertis verbis confitetur, eū, quo cum disputationem *Luth. lib. de*
inijt, hoc est, Magistrum suum, fuisse Diabolum. Zving- *Missa anglic.*
lius, cautius, ut dicebam; Attamen tam apertè, ut quiuis
non obstipæ mentis nullo negotio colligere queat, mo-
nitorem istum alium non fuisse, quàm Diabolum: Idq;
ostendo primùm testimoniiis & auctoritate Lutherano-
rum, qui ita sentiūt. nominatim ita sentit & scribit Smide-
linus contra Grynæum, & Beumlerum Sacramentarios;
Wirtebergenſes in refutatione orthodoxi consensus, &
Schluffelburgius, ut alios præteream.

Accipe verba Schluffelburgii. Narrat ibid: Laua-
therus somnium Cinglii somniatoris, quod 13. die Aprilis, anno Do-
mini 1525. consecutum sit, quando Spiritus iste, de quo dubitat *Schluff. lib. 2.*
Cinglius, num ater vel candidus fuerit (hic astute gener Laua- *Theol. Calvin.*
therus verba ista socii sui omisit) ei exemplum suggererit, Exod. *f. 76.*
14. Est enim Phase Domini; ubi EST pro significat exponere. *Lauath. in*
sur. Valde Sacramentarii sibi hoc somnio sui præceptoris Cinglii *hist. Sacram.*
placent, sicut etiam Beza atheos contra Heshusum in blasphema
creophagia sua id somnium deprædicat; idq; eam solum ob causam,
ut vniuersa Ecclesia Dei innotescat, quoniam sit ille Spiritus, à
quo Cingliani suam opinionem sacramentariam hauserint, nempe
spiritus iste tenebrarum ater, qui noctu obambulans lucem fugit.
Hic Spiritus fallax sua fallacia somnia Cinglio somniatori inspi-
rant.

Hæc

Hæc Lutheranorum testimonia, vt apud Zvving-
lianos nullius sint momēti, (tametsi immeritò) apud nos
tamen non iniuria plurimum valent: cum enim Luthera-
ni cum ducem parētemq; sequantur, qui & ipse in scho-
la Diaboli strenuè militauit; facile agnoscunt stylum, ge-
nusq; dicendi & docendi, quo Diabolus vri solet: Vnde
tanquam probi discipuli illius, qui Diaboli probus disci-
pulus fuit; fidem merentur, cum hoc Zvvinglii dogma à
Diabolo profectum esse tradunt.

Secundò idem liquet ex huius suggestionis fine; qui
erat euersio Missæ, abnegatio præsentix Christi in Eu-
charistia, veterum cæremoniarum abdicatio, templorū
& Monasteriorum profanatio. vno verbo, desolatio &
abominatio, qualis olim à Daniele Propheta propheti-
cè adumbrata; imò & disertè prænunciata est. Licet enim
paucis diebus ante hoc somnium Missa à senatu Tiguri-
no interdicta & abrogata fuisset: plurimi tamen adhuc
nutabant, & impostori Zwinglio fidem habere renue-
bant; quos Zwinglius *imbecilliores & rudiores* vocat. At vbi
hoc somnium Zwinglio obtigit, idq; Zwinglio ipso pa-
refaciente, in vulgus manauit, jam velut ruptis omnibus
religionis & conscientix repagulis, furor hæreticus fu-
rere, & omnia sacra funestare cœpit. Quis ergò dubitet
monitorem illum Zwinglii fuisse furum, non can-
didum: coruum non cycnum? etiam si Zwinglius nihil
scriberet; quo id, quod volumus, perspicuè probare-
mus.

Tertiò, falsa interpretatio vel collatio scripturæ
nec à bono Deo, nec à bono Angelo proficiscitur. At
quod vocula EST, in his verbis: *Hoc est corpus meum*; ac-
cipiatur pro *significat*; Etiam si concederemus in illo loco
Exodi 12. *Est enim Pascha, id est, transitus Domini*, accipi ver-
bum

bum Est, pro significat, id falsissimum est; ut sapissimè cōtra Zwinglianos demonstratum est; adeò ut hic usurpare liceat illud Lutheri; & quidem lōgè meliore jure. *Quid. Vide Bellarm. lib. 1. de Euchar. cap. 11. Luth. Epi. ad Amsdorff. Tom. 2. latino Vitebr.* quid in Scripturis & Patribus contra nos produci potest, produclū & declaratū est. De reliquo manet illos gloria tantum maledicon- di, mentiendi, calumniandi, quam cur eis inuideamus, cum nullis aliis virtutibus possint & velint nobiles fieri. Fieri ergò non potest, ut interpretatio illa à bono monitore, hoc est, à Deo aut sancto Angelo profecta sit.

Quartò, cum Zwinglius ipse dicat, se non meminisse, utrum monitor iste ater fuerit an albus. causæ nihil est, cur Album fuisse credamus, nam quod aiunt, dubia in meliorem partem interpretanda esse, id non diffitemur; quando dubia non sunt tantummodò dubia & ambigua apud eum, qui agit, scribit, aut loquitur; sed & apud eos, qui agentem vident; scribentem, legunt; loquentem audiunt. Iam ut maximè Zwinglius dubitaret, ater an albus monitor fuerit; nos tamen consideratis aliis circumstantiis, minimè dubitamus, sed certissimò nobis persuademus monitorē illum & instructorem fuisse nigrum: quare id quod dubium fuit apud Zwinglium; & quod dubiè scripsit; (si dubium fuit, & si dubiè scripsit) non cogimur in bonam partem interpretati: imò non satis prudenter aut religiosè ageremus; si certissimis & euidētissimis argumentis conuicti animum non induceremus credere, monitorem Zwinglii fuisse tenebrosum & stygium.

Quintò. Cur Zwinglius plus exigit à nobis, quàm à se? Cur ipsemet monitoris illud spectrum in meliorem partem non est interpretatus? Cur nobis imponit onus, cui ipse suos humeros subiicere detrectauit? Ipsemet dicit, seu verè, seu fictè, se nescire, vel non meminisse, utrū monitor ille ater fuerit, an albus; Et vult tamen, ut nos albo

Cassian. colla.
16. c. 11.

calculo album esse statuamus. Idem à nobis efflagitant Zwingliani. Sed cur ipse Zwinglius definitè non dixit, fuisse album? Certè vel hac tam aperta assertionem non persuasisset nobis fuisse album. Etenim sapè illud, quod Apostolus dicit, probatum est euenire: Ipse enim Satanas transfigurasse in Angelum lucis; ut obscuram ac tetrâ caliginè sensuum pro vero lumine scientiæ fraudulenter offundat. Qui nisi humili & mansueto corde suscepti, maturissimi fratris vel probatissimi senioris reseruentur examini, & eorum iudicio excussi, aut abiciantur, aut recipiantur à nobis; sine dubio venerantes in cogitationibus nostris pro Angelo lucis Angelum tenebrarum grauissimo seriemur interitu. Ita Cassianus. Nunc cum ipse Zwinglius albus ater fuerit, dubitet; postulat à nobis, ut absq; vlla dubitatione credamus fuisse album. Quæ hæc impotentia? ne dicam impudentia?

Sextò. Si monitor iste albus fuisset, nemo id melius & certius nosse poterat, quàm Zwinglius; sed Zwinglius id non nouit. Nam albus an ater fuerit, se non meminisse dicit; cur ergò à nobis petitur, ut albū fuisse affirmemus, cum nostro intellectui seu phantasiæ imago monitoris illius minimè obiecta fuerit?

Septimò. Si Zwinglius putabat suggestionem illam à Deo proficisci; haud sine blasphemia asserere potuit; se nescire, num monitor ille ater an albus esset. An nescit, num Deus ater sit an albus? tenebrosus an lucidus? aut si blasphemiam à suo parente Zwingliani amoliri conabuntur; extremæ inscitiae suum Euangelistam condemnent oportet; quippe cui exploratum non fuerit num Deus qui habitat *lucem inaccessibilem*; ater sit an albus.

Octauò. Idem argumentū iisdem viribus in Zwinglium vibrari potest; si ab Angelo bono suggestionem illam

lam manasse credebatur. Quæ enim impietas; dicere, te ignorare, *albus* an *ater* fuerit monitor, quem tu Angelum sanctum esse credas? An tam impius est Zvinglius, ut Angelum lucis non censeat esse candidum? aut tam ignorans, ut Angelum lucis nesciat esse candidum?

Nonò. Quid sibi vult illud ἀπὸ μηχανῆς, *Deus ex machina*? Hoc profectò non *albo* sed *nigro* monitori competit. Nam candidus monitor non venit *ex machina*; sed ex *cælo*: illud enim ex *Machina* propriè illis competit, quorum nominibus & titulis, tanquam numinum, Spiritus *ater* & infernalis ad mortalium perniciem olim abuti solebat. Sic enim olim in tragædiis Iuppiter, Apollo; aut alius de eadem tribu Deus ex machina quapiam apparerebat, nodosq; tanto vindice dignos dissolvebat. Vbi ergò olim fictiti tantummodo dii; & qui *Dæmonum* personam sustinebant, cum fabulæ agerentur, ex machina sese ostentabant: ita & jam Choragus Zvinglius, fabulam verè fabulosam exorsus, & in labyrinthum inextricabilem delapsus, *Deo ex machina*, hoc est, *Dæmone* indiguit; qui impeditissimam difficultatem expediret, & ad improbitatis curriculum absq; obice decurrendum, Zvinglio viam sterneret.

Decimò. Cur monitorem illum, seu monitoris apparitionem vocat *phasma*? Hoc enim vocabulū malè sonat; cum idem sit, quod Germanis *Gespönist*. quod non nisi Diabolicis præstigiis & illusionibus tribuitur. Vbi enim apparitio Dei aut sancti Angeli in sacris litteris appellatur *phasma*? Ergò hoc etiam vocabulo satis perdidit Zvinglius, quid de monitore isto sentiendum sit.

Vndecimò. Aut mentitur Zvinglius, cum ait, se non meminisse, utrum monitor ille *albus* an *ater* fuerit;

aut non mentitur; si mentitur, ut equidem mentiri existimo; jam vel hinc apparet, quid de hoc mendaciloquo lycophanta statuendum sit. Mentiri autem Zwinglium, inde coniicio, quod longè difficilior fuerit, ipsum locum Exodi à monitore suggestum & insusurratum memoria tenere; quam ipsam monitoris formam intellectui aut imaginationi in somno obiectam. Quis enim credat Zwinglium tam imbecilli fuisse memoria; ut nominatum scripturæ locum animo firmiter commemoraretur? Species autem monitoris statim ex mente elaboretur, præsertim cum simul atque hoc phasma apparuit, ipse se expergefactum esse, & ex lecto exiliisse dicat.

Item cum meminerit, atque adeo etiam litteris mandarit, quomodo cum Scriba Tygurino, aduersario suo, contenderit; Et si somniando; quomodo item sibi obmutuisse visus sit, ut quod verum sciret, *negante lingua*, beneficium suum, proloqui non posset, nemini verisimile fiet; Zwinglium non meminisse, quæ forma monitor ille se conspiciendum præbuerit; maximè cum ex huiusmodi visis nihil tenacius in memoria hære consueverit, quam forma. Omni igitur probabilitate caret, quod ait, se non meminisse num monitor iste *albus anater* fuerit. Sciuit utique; sed quia dicere non audebat expresse, qualis fuerit, dixit obliquè; & quidem ad perpetuam nominis sui ignominiam: *Sed sic à DEO ordinatum est*, ait alicubi Lutherus, *ut impii semper seiplos confundant*.

Si autem verè nesciuit, aut non meminit Zwinglius, utrum Magister & institutor sibi missus *ater* an *albus* fuerit; non nisi summa temeritate, in re tanti ponderis institutionem & confirmationem eius sequi potuit:

& hoc ipso Diabolica mente se præditum demonstra-
uit; quod nouam illam expositionem aduersus totius
mundi tunc florentis & vigentis sensum arripuit & disse-
minauit; quæ tamen, num ab *atro* aut *albo* monitore,
hoc est, à Diabolo, an à DEO profluxerit, ignora-
bat.

Tamne fatuus erat Zwinglius, vt in præcipuo pro-
pmodum Christianæ religionis articulo tam ludicrè lu-
deret, aut potius mundo illuderet. Tam fatui ne alii e-
rant, vt Zwinglio ob hanc verborum Dominicorum
expositionem tantopere applauderent; cum ipse pro-
palator & præco illius nescierit; vtrum à Deo, an verò
à Diabolo esset. Dicent: *Sciuisse à DEO esse*. Men-
titur ergò, cum ait, se nescire, num monitor ille fuerit
ater aut *albus*: aut certè summam & prorsus intolle-
randam impietatem prodit cum de DEO, aut bono An-
gelo tam blasphemè loquitur: vt jam supra diximus: vt
non attingam spissam illam ignorantiam, si fortè ad aliud
responsum confugiant.

Duodecimò. Ipse futilis, friuolus & ludicus huius
somnia describendi modus satis indicat, vno & eodem
Auctore somnium hoc & Zwinglio obiectum, & à
Zwinglio in litteras relatum esse. Quis enim vni-
quam vbi vel DEI, vel Angeli alicuius apparitione
& conspectu dignatus est; tam scurriliter & profa-
nè beneficium Dei prædicauit & extulit, vel potius
depressit? Apparuit Angelus Domini in somnis Ioseph,
cum D. Virginem abs se dimittere cogitaret, inq; hoc co-
gitationū æstu fluctuaret. An experrectus cum Zwing-
lio dixit. Hæc me de vxoris meæ dimissione cogitâte; ibi
ἐν τῷ ἰανθῶντι, ex *Machina* Tragica & poëtica, visus est
monitor adesse (*ater fuerit an albus, nihil memini, somnium*

Mat. 1.

onim narro) qui diceret: quin ignaue noli timere accipere Mari-
am coniugem tuam.

Mat. 2.

Alia vice rursus apparuit Angelus Domini Iosepho
in somnis; monens de fuga in Ægyptum, vt & tunc, quā-
do reditum ex Ægypto significauit. An hic Iosephus ad
Tragicas Machinas, ad phasmata confugit? An dixit beatæ
Virgini: Dormienti mihi visus est *ὁ ὄμιλος* adesse mo-
nitor; ater an albus fuerit, nihil memini; somnium enim narro;
qui dicebat: surge & accipe puerum, & matrem eius, &
fuge in Ægyptum; Absit hæc profanitas tam à Iosepho,
quàm ab Euangelista somnia hæc litteris mandante: Vt
enim ab Angelo sancto profecta erant; sic non nisi
sanctè efferri, & in chartâ referri debebant. Alia Zwing-
liani somnii ratio est: quod quia à nigro & stygio moni-
tore manauerat; alia non merebatur encomia. Sa-
tis superque erat dicere: Vilus est tanquam ex machi-
na mihi adesse monitor; albus an ater fuerit, nihil
memini. Protinus, vt hoc phasma visum est, exper-
gesco.

Mat. 2.

Decimo tertio. Cum Diabolus Principi omnium
Lutheranorum, tam beneuolè, humaniter, & amicè, &
quidem, vt probabilissimum sit ex ipsius Lutheri verbis;
forma aspectabili; videndum, & audiendum sese exhibu-
erit, discipulumque suum cominus tam sedulò instruxerit;
non est cur, positis supradictis argumētis ex ipso Zwing-
lii libro desumptis, inficiemur, Zvvinglio Sacramentari-
orum huius temporis satori primario, si non similè, cer-
tè ad similem gratiam obtigisse.

Dico ad similem; Quia carus ille professor Luthe-
ro vigilans vigilanti; aspectabilis aspectabili apparere dig-
natus est: Zvvinglio in somnio duntaxat & per somniū.
Et visione imaginaria, seu intellectuāli. Quod ideo forte

fecit.

fecit; ne ostensione conspicua sui crebrius repetita, faceret auctoritatis & existimationis suæ aliquam jacturam; nam ut vulgò dicitur, *nimia familiaritas parit contemptum*. Neque enim niger iste disputator ignorabat illud: *Modus omnibus in rebus est optimus habitus. Nimia omnia nimium exhibent negotium hominibus ex se.*

Ex his igitur planum testatumque relinqui arbitror id, quod initio demonstrandum proposuimus; Zvinglium, præcipuum suum de Eucharistia caput à Diabolo didicisse; placetque, quod Zvinglius ait: *se hoc insulius Dei gloriam lusteri predidisse*. Verè enim ad gloriam Dei cedit, nosse Zvinglium, sacramentariam suam hæresin à Diabolo hausisse; & hoc doctore Christum ab Eucharistia ablegasse; celsissimo & sacratissimo Christianæ Religionis mysterio in nudum, clumbe, languidum & emortuum symbolum commutato. Vt nam hoc, quod Zvinglius ad gloriam Dei se prode re testatur, cæci mortales in ima pectora demitterent, non ita præcipientes, & quasi clausis oculis ad interitum, & ad ipsum Zvinglii Magistrum ruerent.

Exprobrauit olim Tertullianus Hæreticis commertia cum Magis, Philosophis, & id genus aliis. *Notata sunt etiam commercia Hæreticorum cum Magis quampluribus, cum circulatoribus, cum Astrologis, cum Philosophis, curiositati scilicet debitis*. Deum immortalem, quæ verborum fulmina Tertullianus non intorsisset in istos sectarios, si audisset propria utriusque confessione, ipsos, Diaboli non tantum consortio, sed & magisterio & disciplina usos; idque ne ullus dubitationi locus relinqueretur, in propriis ipsorum Commentariis legeret; Et alterum itidem, Zvinglium videlicet, pro hoc tam

Tertull. de
prescript. ca.
43.

insig.

in signi beneficio Deo gratias agentem conspiceret. Scribit paracelsus se cum *Auicenna disputasse in faucibus Querni*, & litteras sibi redditas à *Galeno ex ipso Orco*. Magnum hoc quidem profligatæ mentis argumentum est: sed maius nisi me omnes sensus ludificent; id, quod de se Lutherus & Zvvinglius scribunt.

Et quamuis duo isti Dæmonis discipuli Lutherus & Zvvinglius, eorumq; posteri Lutherani & Zvvingliani hostilibus planè modis se mutuo insectentur & lancinèt, id tamen non impedit, quo minus credamus, utrumq; ab eodem Doctore in eodem ludo, institutum. Ista enim Phlegethontei Magistri natura est; ut suos discipulos inter se committat, excitatis variis, iisq; portentosis opinionibus; ut si qui fortè hac vel illa minus inescantur; inescantur alia; ut qui esca à *Luthero præbita* non capitur, capiatur esca *Carolstadij*; qui non huius, esca *Zvvinglij*, qui ne huius; esca *Pacimontani*; aut *Serueti*; aut alicuius ubiquistæ. Nihil enim interest illis (Dæmonibus) licet diuersa tractantibus, dum ad vnius veritatis expugnationem conspirent: ut quod de Hæreticis scripsit *Tertullianus*. Ego ad Dæmones transferam; quorum pax & concordia in hoc duntaxat consistit; ut veritas oblitteretur & obruatur; siue iam id fiat per sectam *Lutheri*, siue *Zvvinglij*, siue *Carolstadij*; siue alterius Nonatoris, id susq; deq; habent.

Et quia probè norunt, per sectarum diuersitatem, earumq; inter se mutuam digladiationem, veritatem valde obscurari; ea de causa sollicitè enituntur, ut sectas sectis, sectariosq; ex sectariis procudant; quod ipsis sanè perquam feliciter hoc nostro æuo cessit; quo vix vllum sectarum feracius existit. Putas idèò *Diabolum* multas hæreses induxisse, inquit Auctor operis imperfecti, ut inuicem se men-

*Tertull. de
prescripte.*

*Hom. 48. in
psalms.*

se mendacia eius expugnent? Absit. Sed multiformes causas erroris induxit, ut multis modis Christi circumueniatur Ecclesia, ut pars pereat per illam sapientiam, pars per istam. Sicut qui multas etiam venationes prætendit, cogitans quia necesse est, aut in hac aut in illa retia venatio cādat.

His hunc in modum explicatis, tempus est, ut discutiāmus defensionem; quam Beumlerus Tigurinus Sacramentarius pro suo Zvvinglio aduersus Smidelinum instituit. Feram Smidelino siue merenti siue immerenti opem. Etsi quod ad hanc quæstionem attinet, nequaquam censi queat aut debeat immerens. Iure enim atri monitoris magisterium obiecit Zvvinglio & Zvvinglianis. Quāto præclarius iniuriam hanc; ut interpretatur Beumlerus; vltus fuisset, si Smidelino disputationem Diaboli cum Luthero ex libro de Missa Angulari oggessisset & occinuisset! id quod ab eoque vlla difficultate præstare poterat; transcriptis duntaxat ex libro Lutheri in Beumleri Apologiam, Lutheri verbis. At quia hoc per summam oscitantiam & socordiam facere omisit Beumlerus; agedum expendamus, quā validis scutis tela Smidelini à se repellat.

Ait ergo Beumlerus. Calumniam esse, quod Smidelinus suis in postremis scriptis sexcenties scribit, Zvvinglium in Subsidio fateri, se interpretationem coenæ Dominicæ ab atro spiritu didicisse. Atqui calumnia non est, sed ipsissima rei veritas; quod non paucis argumentis iam planum fecimus. Nec aliter probat Zvvinglianus istam calumniam esse, quam iterum iterumque dicendo; mendacium, & falsum testimonium, & plusquam Arguam calumniam esse. At assertio- nis repetitio aut exaggeratio; non est eiusdem probatio. Et manifestior est Zvvinglij confessio, quā ut huiusmodi calumniarum nebula obscurari queat.

Beuml. in A-
polog. contra
Smid. cap. 4.

Quod verò Zvinglius in somnij sui explicatione nullam omnino spiritus facit mentionē, quæso, quid te iuuat? Nā si de vocabulo spiritus contendas, fatemur id in Zvinglio nō reperiri. Si verò de re vocabulo spiritus subiecta, negam⁹ nō inueniri in Zvinglio. Quis enim alius fuit *monitor ille ex machina* quā spiritus? Homo certē nec in Phantasiā, nec in intellectum Zvinglij dormientis & somniantis, nec in vtrumq; simul agere potuit. Oportuit igitur spiritum fuisse. Et vt, vertumnū istum, qui etiā Dialecticus haberi cupit, arctius stringamus, respondeat, oro, ad hoc dilemā. Aut monitor ille Zvinglij homo fuit, aut spiritus. Non homo, vt per se notum; & fatetur etiam ipse met Beumlerus; ait enim fuisse *Deum*: fuit ergo spiritus. Nō ergo malo faciunt, qui dicunt, Zvingliū sua ipsius confessione doctrinā suā à spiritu accepisse. A spiritu in quā, præcisē. Nā *ater an albus* fuerit, id nunc non agitur. Cur igitur criminari illos, qui dicunt, Zvinglium à spiritu doctrinā suā accepisse. Imò cur criminari te ipsum, quia idem dicis hoc ipso, quod à Deo accepisse dicis? nisi fortē putas, Deum non esse spiritum.

Quā igitur confidentia & vanitate sequentia effudit? Inspiciant lectores & euoluant *Subsidium Zvinglij*, & si ibi mentionem spiritus, à quo Zvinglius per insomnium aliquid didicerit, inuenerint, verax sit Andreas, vera sint quæ suis centonibus postremis insar sit omnia, atq; omnes suos aduersarios vicerit & prostrauerit. Mira impudentia simul & impostura. Nam si vocabulū vrges, fumū vēdis, fucūq; facis. Si de re vocabulo spiritus substrata loqueris, vt loqui deberes; si quid conuenienter ad obiectiones aduersariorum loqui velles, victus & prostratus es; nam quæ Zvinglius narrat, competere nequeunt in hominem, etiam te ipso teste & suffragatore, qui Deo admonitionem illam adscri-

bis:

his nisi fortassis te huius sententiæ pœnitet, putasque illustrationem illam ab aliqua saga in conclaue stertentis Zvvinglij Hircoceruo quopiam inuecta, profectam esse.

Vbi igitur os tuum Beumlere? vbi frons? vbi religio? vbi conscientia? vbi pietas? vbi timor Domini? vbi charitas Christiana? (omnes enim istæ interrogatiunculæ Smidelino abs te propositæ, ad te dirigi possunt) *Et te profecto, quantum vel ex hac unica fraude Sapientes judicant, quàm longissimè absumunt.* Nam si istarum virtutum vel aliqua scintilla in animo tuo residua esset, non induxisses animum; rem tam claram & euidentem inficiari, nodumq; in scirpo quærere; dum litē de vocabulo spiritus moues, de quo nemo aut tecum, aut cum Zvvinglianis litigat. Rem, Rem, inquam, spectā. Rē spectant tam orthodoxi, quàm Hæretici, cum scribunt, Zvvinglium doctrinam suam à Spiritu accepisse; quia monitor ille Zvvinglij alius esse non potuit, nisi spiritus. ipsis etiam Zvvinglianis id attestantibus.

Inspice, inquis, *denud locum Zvvinglij, & reperies Zvvinglium hanc reuelationem nō spiritui atro, sed Deo spiritui candidissimo, tribuere: atq; proinde nō spiritui atro, sed Deo pro isto beneficio gratias agere.* Iā inspexi Zvvingliū, teq; mētiri, deprēdi. Non enim adscribit reuelationem illam Deo, sed *monitori ex machina*, de quo non meminit, *ater fuerit an albus*, quem *phasma* vocat. An hæc in Deum quadrant? an nesciebat Zvvinglius, num Deus *ater an albus* monitor esset? Cur si credebat Deū esse, tā scurriliter de Deo loquitur: *ater an albus fuerit, nihil memini?* ò obliuionē plusquā Lethæam. Tūc censes monitorem hunc, ipsum Deum fuisse, & nescis, num *ater an albus* fuerit?

Dices: non nescio, sed non memini. Si non nescis, ergò meministi? si non meministi, ergò nescis. At Zvvinglius agit gratias Deo pro hac illuminatione. Pulchra gratiarum

tiarum actio. Perinde est ac si magus, postquam aliquid à Dæmone didicit, Deo gratias ageret. Et quænam hæc est Tigurini Chrysippi consecutio? *Zyvinglius agit Deo gratias pro illa illuminatione, ergo Deus fuit Auditor illius illuminationis.* Quasi verò nullus vnquam hæreticus, aut magus exstiterit; qui sudans & æstuans, inque syrtibus & falo hærens gratias Deo egerit; postquam à malo genio ex salebris locisq; impeditis expeditus fuit.

Illud perquam facetum est & lepidum; quod ait eos, qui Dominum in cruce audierant clamantem: *Eli, Eli, Lamah Sabachthani;* verba Christi libidinose & petulanter peruertisse, Christumq; Dominum Idololatriæ insimulasse, quasi in acerrimo dolore & extremo cruciatu Heliam, non Deum verum innocasset. Et cui vnquam huiusmodi commentum in mentem venit, nisi ex eorum sit numero, qui commentarios dictant & scribunt, quibus nihil commentitius excogitari potest? Scilicet Romani milites; quos pleriq; interpretum verba illa *Eli, Eli,* ad Eliam transtulisse referunt; Christo Idololatriæ crimen impingebant; quod ipsorum iudicio, Eliam inuocaret; aut etiam Ipsi Iudæi; si qui fortè verba Domini minus distinctè perceperant, quibus sancti in tanta veneratione erant, vt cum maximè Deum ad misericordiam flectere studerent; viros sanctos vt Abraham, Isaac, Iacob, Davidem & alios Deo proponerent; vt eorum meritis precibusq; inductus ad lenitatem sese daret. Communem enim apud Iudæos persuasionem fuisse, sanctos rectè inuocari, ipsosq; etiam non vocatos preces pro incolumitate mortalium offerre, satis liquet ex 2. lib. Macchabæorum cap. 15. & aliundè.

Non dubito tamen, si Sacramentarius quispiam Beumlerus, aut Vbiquisticus Smidelinus cruci adstitis-

set.

set, vocesq; illas Christi imperitè ad Eliam retulisset; futurum fuisse, vt è vestigio Saluatori impietatis & idololatricæ dicam scriberet. Nam quod ipsi facturi erant, si præsentes fuissent; id Iudæos aut milites Crucem custodientes iam fecisse autumant, aliorum animos ex animis suis æstimantes.

Sed ait iste: *Inter Eli & Eliam est aliqua paronomasia; at inter vocabulum Dominus & spiritus ater; item monitor & spiritus, nulla est similitudo.* Respondeo, si loqueris de similitudine nominum, non inficias imus nullam esse: Ac si sermo sit de conuenientia rei; tunc tanta est inter *Monitorem Zvinglianum* & spiritum, eumq; atrum; vt ne ficus quidem similior sit ficui. Eadem similitudo apparet inter Dominum, à quo sibi Zvinglius locum illum impertitū scribit; & inter spiritum atrum. Verè enim *Dominus* ille alius non fuit, quam spiritus ater. Nam si fuisset Dominus cœli & terræ; Zvinglius nunquam dixisset, se non meminisse; *albus an ater monitor illo fuerit.* Quæ enim hæc impietas foret de Deo, spiritu candidissimo, tale conuicium effundere? Sed quia de Diabolo sermo erat; non temere sibi persuadere poterat Zvinglius eum, non ægrè laturum, licet tali conuicio feriretur; imò planè necessarium videbatur, vt huiusmodi orationis schemate Zvinglius vteretur. Nam si disertè dixisset fuisse *album* monitorem; à cunctis sanioris iudicii statim mendacij damnatus fuisset. Si autem candidè dixisset, monitorem illum fuisse *atrum*, neminem in sua retia pertraxisset. Temperauit ergo orationem; & Diaboli sceditatem voce illa, *DOMINVS*, &, gratia Deo, non nihil velauit: vt & illa simulata & affectata ignorãtia; *albus an ater fuerit; nihil memini.*

Interim tamen Deus neutiquam permisit, vt turpi-

tudo & obscenitas huius monitoris se non proderet: propterea adiecta sunt illa: *ἄπο μηχανῆς*, hoc est, *Deus ex machina*; *phasma*; *albus an ater*, & id genus alia circumstantia. Gratia Deo, qui Zvvinglij mentem incitavit & perpulit, ut hoc suum somnium in charta referret. Nā Zvvingliū ad hoc suum Diabolicū somnium & magisterium litteris mādandum peculiari instinctu diuinitus impulsū esse; ipse liquidō testatū facit his verbis. *Vera narro, adeoq̃ vera; ut celare volentem conscientia cogat effundere, quā Dominus (Nigrinus scilicet) impertiit.* Ecce quomodo occulta Numinis vi adactus est Zvvinglius, ut quod à furuo suo monitore didicerat; in commentarios mitteret, eo, opinor, sine ut illis, qui per Zvvinglij vestigia gradiuntur; omnis excusatio coram iusto illo viuorum & mortuorum iudice præcideretur.

Quiritatur Beumlerus dicta Zvvinglij à Smidelino adulterari, perueri & in alienum sensum torqueri. Ut maximè Smidelinus aboquin adulter, corruptor, deprauator, & tortor fuerit; n̄ hæc tamen vitia tractans, hoc de Zvvingliano somnio argumentum non incurrit; ut nec alij Lutherani aut Catholici. Nec tu vnquam contrarium euinces, quidquid tandem debres. An non enim deliramentum est, quod probationis gratia subiicis? Calumniosè deprauat dictum Zvvinglij, propriè nimirum accipiendo, quod nō nisi per prouerbiū & figuram tam à Zvvinglio quàm à veteribus scriptoribus usurpari consuevit.

Primum non omnis prouerbialis locutio impropria est. Si enim dicas: nec lac lacti; nec ficus ficui; nec aqua aqua tam similis est; quàm sacramentarius sacramentarius; prouerbiale locutionem usurpas: & tamen propriam. Nulla enim vox est in prædicto dicto; cui sua propria notio non constet. Secundo falsum etiam est om-

neq̃

nem prouerbialem locutionem esse figuratam, hoc est, tropicam; sed conuiueamus ad ista. Aquila non captat muscas; multoq; minus musca aquilas. Paulò maiora canamus.

Ex prouerbio, inquit, seu figurata locutione, qua Zvvingli⁹ vitur, sic perperam colligit. Zvvinglio visum est in somnio adfuisse monitorem, qui ater an albus fuerit, non meminerit. Ergò Zvvinglius fatetur se nescire, virū spiritum bonum, an verò malū viderit. Hæc collectio non ex alterius, quàm ex tua officina prodiit. Tu tibi vanè cōsequētiās extruīs, quas mox pari vanitate destruas. Quāquam, si in cōsecutione loco spiritus monitorē ponas, non video, quid in hac argumentatione meritò desiderare possis. Zvvinglio visum est in somnio adfuisse monitorem, qui ater an albus fuerit, non meminerit. Ergò Zvvinglius fatetur se nescire, verum monitorem bonū, an verò malum viderit. Quid in hac argumentatione desideras Zvvingliane?

Hoc tuum consequens, inquis, etiam pueri septennēs ridebunt. Te verò etiā pueri biennēs, tuāq; crassam inscitiam cum sibilis explodent. Quæ enim cōsequentia hic colligitur mutato predicationis genere; vt tu ex rudissimus Rudimēris Philippicis edoctus rudis. Alij, inquis, argumentationē, quæ constat quatuor terminis, vitiosam esse aures tuas circumsonabūt. Vt quatuor termini sint in illa, quam tu tibi finxisti; at quatuor non sunt in illa, quam ego proposui; quamque proponunt illi, qui vobis Zvvinglianis hoc Zvvinglianū somnium opprobrant.

Alij, inquit Zvvinglianista, argumentum homonymias carcinomate laborans, animi indocti & versipellis certissimum indicium esse clamabunt. Qua verò in parte argumenti latet hoc homonymiæ carcinoma? Monstrato, sodes; vt aduocato Machaone aut Podalirio medicinam facere

facere liceat. An quia tu *ἐλκεδι βεβέει*, vlceribusq; oblitus es; ideo & in aliorum argumentis *carcinomata* somnias?

Ais, Nemo vnquam hoc prouerbium nisi tropicè & figuratè vsurpauit, de re valdè & planè ignota, siue illa bona siue mala fuerit. Vide, milestor, quo amens cæcitas istos impellat. Contendit Beumlerus hoc Zvvinglij somnium fuisse à Deo; idq; Zvvinglium non ignorasse. Et tamen Zvvinglius de hoc suo monitore dicit; se non meminisse *ater an albus* fuerit: hoc est, interprete Beumlero; *monitorem illum valdè & planè sibi fuisse ignotum*. Vnde ergo sciuit Deum esse? Et si valdè & planè hoc nesciuit Zvvinglius, vnde hoc tam valdè & planè scit Beumlerus? Si dicant monitorem istum fuisse Angelum bonum; idq; Zvvinglium non latuisse: statim quæram; cur igitur scripserit, se nescire vel non meminisse vtrum monitor ille *albus an ater* fuerit. hoc est, sibi valdè & planè ignotum fuisse. Hoc enim prouerbium de re valdè & planè ignota vsurpatur, vt ait iste Zvvinglianus. Tàmne Zvvinglio ignotus fuit Deus? Tàmne ignotus bonus Angelus? Qualis iste Minister, imò & reparator diuini Verbi; (si tituli non mentiuntur) cui Deus res est valdè & planè ignota, peregrina, & exotica?

Vsurpatur, inquit, de re valdè & planè ignota siue bona siue mala. Falsum; sed de illa; quam nescimus vtrum bona sit an mala. Aut si scimus num bona sit an mala; dicere tamen definitè nolumus; num bona sit an mala. Nam si quis sciat rem esse bonam: nunquam nisi mendaciter dicere potest; se nescire, num *atra* sit an *alba*. Vt & tunc, cum definitè scit esse malam: Etsi verè dicere potest; se nolle dicere: num *atra* sit an *alba*. Ergo cum Zvvinglius dixit; se nescire, aut non meminisse, vtrum monitor ille fuerit *ater an albus*; nihil aliud voluit, quam se nescire, nū bonus

bonus an malus monitor fuerit; aut certe insigniter mentitus est; ut ego quidem mihi persuadeo, quia cum non ignoraret, monitorem illum esse *malum*; scripsit tamen se non meminisse *ater an albus*, hoc est, bonus an malus fuerit.

Porro hanc huius prouerbij veram legitimamq; esse interpretationem, ut scilicet referatur ad mores alicuius significeturq; nobis nō liquere; *atrine* sint illi mores, an *eadidi*, hoc est, boni an mali; manifestū sit ex omnibus testimoniis, quæ ex variis Auctoribus producit Erasmus in explicatione huius prouerbij; quæ adscribam; quandoquidem ad ea sese Beumlerus refert.

Primum est Ciceronis Philippicā secundā. *Te is, quem nunquam vidiſti. L. Rubrius Cassinas fecit heredem; & vide, quā te amarit is, qui albus aterue fueris ignorans, fratris filium prateriis*; hoc est, qui ignorabat probus an improbus, bonus an malus esses. Nam quod Rubrius penitus Antonium non ignorarit, inde planum sit; quod eum heredem instituit. Quis autem instituit heredem eum, quem penitus nescit? Quintilianus lib. 11. Oratoriarum Institutionum. *Negat, inquit, se magni facere aliquis poetarum, verum Caesar sit albus an ater homo: Catullum, opinor, digito indicans, cuius in Casarem hoc exstat Carmen.*

Nil nimium studeo Caesar tibi velle placere,

Nec scire, utrum sis albus an ater homo.

Vtiq; Cæla rem probè norat Catullus: sed ostendit, se non anxie in mores eius inquirere; ut cognoscat; num probus sit an improbus, bonus an malus.

Apuleius Apologia. *Etiā libenter te nuper vsq; albus an ater esses, ignorabam, adhuc heretè non satis noui. Vbi sermo moribus quos, ait sibi nec fuisse, nec adhuc lat cognitos esse probinè sint an improbi.* S. Hieronymus de

Heluidio. *Nobilis factus es scelere. Ego ipse, qui contra te scribo, cum in eadem Urbe tecum consistam, quæ balbus & erubescit; albus ve aiunt, an ater sis nescio.* Licet hoc loco aptius pro tummo contemptu positum videatur; quam pro morum ignorantia: non enim nesciebat S. Hieronymus, Heluidium, atrum, hoc est, sceleratum & flagitiosum esse.

Solere autem hoc prouerbum etiam in illos usurpari; quos extremè contemnimus, docet Muterius ad paulò ante citatum Catulli in Cæsare Epigramma. Quo sensu, si Beumlerus prouerbio hoc Zvvinglium vsum esse contendit, & nihilo tamen secius monitorem illum Deum aut Angelum bonum fuisse statuit; tunc videat ipse; quomodo à summæ impietatis macula & infamia prophetam suum liberare velit. Quid enim à Christiano pectore alienius; quàm vt de Deo aut Angelo sancto contemptim dicat: *Albus an ater sit, nescio, non memini, &c.* Sed pergamus. Horatius:

Vultu mirabilis, albus an ater.

Quo loco Porphyrio admonet prouerbiali figura dictum; *albus & ater*, pro eo, quod est, *bonus & malus*, & Horatium, *album aut ad liberalem, aut latum reddidisse, atrum ad sordidum & arumnosum.*

Ex his veterum scriptorum testimoniis perspicuè conficitur, prouerbum hoc dici in illos; de quibus, num probis an improbis, laudandis an vituperandis morib⁹ præditi sint; ignoramus; aut ignorare nos simulamus; quod etià ex Apologia Gualtheri pro Zvvinglio liquet. Nā de Carione ita scribit. *Exstat & Carionis cuiusdam Chronicon, hominis, qui albus an ater sit, non noui. Hic tamen, quod satis scio, vel maligni, vel egregiè negligenti & incurij.* Idem ex ipso Zvvinglij Subsidio ostendi potest: Non multò enim ante somnij sui explicationem, loquens de scriba

Tigu.

Figurino, qui in senatu non parum negotii Zvvinglio creauerat, sic scribit. Et ibi scriba quidam (*qui albus an a-
ter sis, non est huius instituti dicere*) forte surrexisset, &c. Quo-
so, quid hoc loquendi modo significare vult Zvvinglius?
An scribam illum sibi planè fuisse ignotum? Nihil minus,
nimis enim probè nouerat eum; & quidem magno cum
gemitu; quippe qui Zvvinglio animosè & intrepidè sese
cominus opponeret. An verbis illis contemptū suū in-
scribam illum aperit? Sit ita: dum modo nobis conceda-
tur, similem contemptum significasse paulò pòst, iisdem
verbis, cum de monitore suo loquitur, quem Zvvinglia-
ni aiunt fuisse Deum aut Angelum sanctum. An Zvving-
lius significare voluit, se eo loci, hoc est, in libro, quem
Subsidium de Eucharistia inscripsit; nolledicere; qualis scri-
ba ille sit moribus & vita, num probus an improbus;
num flagitiosus, an à flagitiis exsolutus? Omnino hoc
Zvvinglius indicare voluit, & per consequens etiam dā-
nare insulstatem huius sui discipuli, qui hanc vim & no-
tionem huius parcemix inscienter negat, tantum
ut Diabolicum Zvvinglii somnium defendat; poti-
usque elegit esse patronus ineptus & blennus, quam
plane nullus: Cum & vulgatae locutiones & sententiae
à candore seu albore; itemque à nigrore ductae vanita-
tem istam luculenter redarguant. Semper enim candor
bonitatis, integritatis, probitatis, felicitatis, vno verbo,
virtutis nota est. Contra nigror, seu ater color, malitiae,
fraudentiae, improbitatis, infelicitatis, breuiter, mali-
tiae & nequitiae.

Hinc candidi mores, candida mens, candidi soles. Alba a-
ua, alba gallina filius, albus calculus, alba faba, albus lapillus, alba
nora, albus dies; & id genus alia, quae oīa bonum quid & au-
spicatum significant; ut & haec ab atro colore nihil

nisi malum & inauspicatum sonant. *Nigrum Theta: ater sen niger lapillus. Niger Calculus. Mens atra & fusca. Et Pythagoræ Symbolum est; Gustari non debere, quibus est nigra cauda.* Quod interpretatur Plutarchus de Educat. Liber. non habendum esse commercium cum improbis, & iis, qui sunt nigris & improbatis moribus. Huc refer illud poetæ:

Fingere, qui non visa potest, commissâ tacere

Qui nequit, hic niger est, hunc tu Romane cauto.

Ex quibus dilucidè profectò elucescit; hoc adagium; *albus an ater sit, nescio*: pertinere ad mores. Falsum ergò & imperitum est, quod ait iste: *Nemo unquam hoc prouerbum nisi tropicè & figuratè usurpauit de re valde & planè ignota, siue illa bona fuerit siue mala*: falsum inquam hoc est; tametsi inde sequitur quiddam, quod nec Zvvinglio, neq; huic Zvvingliano patrono valde honorificum accidit; videlicet, Deum, de quo Zvvinglius, si iste vera narrat; prouerbum prædictum usurpauit, fuisse Zvvinglio valde & planè ignotum; sed de hoc iam supra:

Quò plura tutor iste blattit; eò plures pedicas sibi nequit. *Alio*, inquit, *veterum prouerbio veram sententiam sepius iam nominati adagionis discere potuisset.* Quodnam illud? *Quid album, quid nigrum sit nouit, quod nihil aliud significat, quàm nouit etiam id, quod indoctissimo promptum est.* Nam albi & nigri coloris discrimen euidentius est, quàm ut aliquem lasere possit. Et tamen Zvvinglius nesciuit, num monitor ille *albus an ater esset*? *Quid hoc, oro, ad excusationem Zvvinglij facit?* Ut autem ineptia magis emineat, ratio cinemur cum Logico. Zvvinglius nouit *quid album, quid nigrum sit*; ergò Zvvinglius, cum non meminit, *albus an ater fuerit suus monitor & institutor, nouit quid sit album & nigrum*

Fortè hanc consequentiam texere vis. *Zvvinglius no-*

nis

nuit quid sit album & quid nigrum, ergo Zvvinglius nouit moni-
torem suum fuisse album. At eodem iure ego inferam: ergo
Zvvinglius nouit monitorem suum fuisse nigrum. Quod si no-
uit fuisse album, vt tu dicis; cur ergo scribit; se non memi-
nisse atq; adeo nescire, *albus an ater* fuerit?

Pergit ineptire; quemadmodum igitur cognitio albi & ni-
gri non propriè sed figuratè, non de re siue bona siue mala, sed de re
facili, & manifesta, sic contra albi & nigri ignorantia non tam de
spiritibus, quàm aliis creaturis, non tam de re bona & mala, sed de
re planè ignota & abstrusa de qua nihil tibi constet, dicitur. Quà
acutus est iste Paroemiarum interpret? Quam concin-
nè aliam per aliam explanat? Quam scitè aliam cum alia
confert? Interim tamen sciscitari libet, an non legerit
apud Paroemiographum hæc verba. *Nouit quid album,
quid nigrum. Duplicem in sententiam accipi potest. Aut nouit di-
scrimen recti prauiq; Aut nouit id, quod nemo vel indoctus igno-
rat: nam euidentius est albi nigriq; discrimen, quàm vt quisquam
non videat. Priore explicatione, non est cur aliquid subfi-
dij pro tuo Zvvinglio speres. Dicit enim se nescire albus
an ater ille monitor fuerit. Ex quo sequitur, quod albi &
nigri hoc est, recti prauiq; discrimen in hoc suo monitore
non agnouerit; etsi reuera agnouit nigrorem & prauita-
tem; vt supra dicebam; sed prodere palam & disertè no-
luit, ne omnes à dogmate suo Diabolico & tartareo ab-
sterreret.*

Altera verò expositio multò minus te iuuat. Quia
in hoc suo monitore nec *album*, nec *nigrum* nouit; quia
albus an ater fuerit, non meminit: Ergo, vt alibi *album* &
nigrum nouerit; hic tamen non nouit; vt ipsemet testa-
tur. An tu melius, quam ipsemet nosti, quid nouerit?
Et si colorem in suo monitore agnouit; *atrum* agnouit;
non *album*; Tartareum non cœlestem, vt iam sæpius di-

atum. Et quamuis rei ipsa sceleris colorem in hoc suo monitore non animaduertisset, atq; adeo oratio Zvvinglij cum pectore eius concineret; verè tamen alius, quam ater monitor non fuit, vt supra pluribus, iisq; euidentissimis argumentis ostensum est.

Ait Zvvinglianus. *Ex verbis Zvvinglij non magis colligi posse monitorem illum fuisse malum spiritum; quam olim Iudæi de his verbis Domini Ioan. 8. Amen, amen, dico vobis, si quis sermonem meum seruauerit, mortem non videbit in aeternum; colligerint Christum habere Damonium.* Sed hanc comparationem Zvvinglij cum Christo instituit iste, nihil dubito; eius ipsius spiritus impulsu; à quo Zvvinglius in somnio tam mirificè illustratus fuit. Quid enim in tota Christi oratione vel tenuissimum vestigium, quo ad tam horribilem blasphemiam Iudæi meritò induci potuerint? Quid contrà in Zvvinglij verbis non planum, perspicuū & luce lucidius, sermonem esse de atro, non de bono monitore? Vt mihi quidem ab omni iudicio desertus videatur; quisquis cōsideratis circumstantiis, ipsoq; loquendi modo quem Zvvinglius vsurpat, expenso, existimat narrationem Zvvinglij de bono monitore posse accipi.

Ridebunt, inquit, pueri ita colligentē. Zvvinglio in somnio adfuit monitor de quo non meminit, ater an albus fuerit. Ergo Zvvinglius didicit doctrinam suam ab atro spiritu. Atqui non malam esse hanc consecutionem copiosè iam ostendimus; quia licet Zvvinglius dicat, se nescire, num monitor ille fuerit alter an albus; manifestissimū tamen est ex omnibus circumstantiis, atrum monitorem fuisse; & nisi ater fuisset; nunquam adeo contemptim de eo locutus fuisset Zvvinglius; nisi apertè insanire voluisset.

Quare quod proximè subiicis sponte sua euanescit. Cum ipse Zvvinglius de externa monitoris illius speciei sibi per
somnia

Somnium obiectæ qualitate, hoc est, de externo habitu, de colore siue nigro, siue albo, siue caruleo, siue viridi siue rubro noluerit (arrogantia nimirum vitanda causa) pronunciare, quis te Oedipodem fecit, ut tanta temeritate de rebus ignotis responderes? Primum, visio Zvvinglii non fuit externa; hoc est, sensibus externis conspicua; ut fuit Lutheri visio; cum quo Diabolus ore ad os, & forma aspectabili amicè sermocinatus est; sed fuit interna; hoc est, imaginaria, & intellectualis, quandoquidem Zvvinglio, cum somno, forsan & vino, sepultus esset, oblata est. Quare externum colorem hic non valdè urgemus; facileque damus, Zvvinglium, cum dixit, se non meminisse *ater an albus* monitor ille fuerit; non tam respexisse ad *nigrum* aut *album* colorem; quam ad malitiam & bonitatem. Nam & ipsum proverbiū de malitia & bonitate intelligitur, non de hoc colore externo; quem si solum consideres, contingere potest; ut corpore niueus sit animo nigerrimus: Vicissim; corpore Æthiops; sit moribus & mente candidissimus, nam & de Æthiope, cuius mores nobis non perspecti; non opinor, inscitè dicas. *Albus an ater sit* nescio: Quemadmodum de lacteo Galata tibi moribus ignoto rectè itidem affirmes; *albus an ater sit*, nescio. Quod certè fallum erit; si externum colorem tantummodo spectemus.

Ergo quaestio hic non est; quo colore externo monitor ille Zvvinglio sit obiectus; sed quo colore ingenij & propositi; *albo* ne an *atro*? hoc est, prauo, an probo. Sed quia cum res, etiam à materiæ concretionem liberæ, ut sunt spiritus; phantasiæ repræsentantur, ex obiecti solent aliqua specie corporea & colorata; sicq; in imaginatione relucere; ut patet quotidiana somniantium experientia; ideo certum arbitror

arbitror monitorem hunc atro colore imaginationi Zvvinglianæ obiectum esse; vt hoc imaginario colore, demonstraret *nigrorem* suę indolis & naturę, licet Zvvinglius dicat seu verè seu falsò (reor tamen falsò) se coloris phantasie obiecti nō meminisse. Quod autē ipse Zvvinglius definitè non dixit; monitorē illum fuisse *nigrum*; id non obstat, quò minus id nos definitè asseramus. Quia Zvvinglius causas habuit cur id non assereret; nobis aliæ causæ, & quidem eidentissimæ suppetunt, cur id asseramus; nec hic Sphinge aut Oedipo vllò opus est. Res clarè liquet.

Festiuum autem illud, quod ait Zvvinglium *arrogantiae vitandæ causā* noluisse pronunciare definitè *de colore sui monitoris*. Quę verò hæc *humilitas*, dicere sibi Domino somniū hoc venisse, & tamen pronunciare nolle; utrū Dominus ille *ater sit an albus*; hoc est, bonus an malus. In eodiffertene in arrogantiae crimen, si ratus hoc somniū sibi diuinitus missum, dixisset; monitorem illum *album* seu *candidū*, hoc est, bonum & sanctum fuisse? An nemo, si beneficium quodpiam à Deo aut Angelo sancto accipiat; largitorem beneficij bonum & sanctum appellare & prædicare potest; absq; arrogantiae nota? *Etenim sacramentum Regis abscondere bonum est*, aiebat Angelus ad Tobiam; *opera autem Dei reuelare & confiteri, honorificum est*.

Tob. 12.

Si autem Zvvinglius ab *atro* monitore edoctus & instructus fuit; vt reuera fuit; non video quisnam arrogantiae vitium ei tribuisset; licet definitè & disertè pronunciasset, se ab *atro* monitore doctrinam suam; vel saltē doctrinæ suæ complementum & coronidem accepisse. Quæ enim in hoc gloria; quod quis Diaboli opera & magisterio usus sit? Probabilius certè mihi sit, Zvvingliū noluisse hoc palam & absq; ambagibus profiteri, non arrogantiae, sed infamiae vitandæ gratia.

Su-

Superioribus ineptiis non contentus Sacramentarius alias atq; alias adiicit. Nam Zvvinglii somnium comparat cum somnio Nabuchodonosoris, seu Zvvingliani & Lutherani Nebucadnezeris. Tu, inquit, repente & audacter de somnio Zvvinglii sententiam tuam profers, neq; animos nostros diu suspensos tenes. Daniel verò, vt de se, non minus videlicet, quàm Zvvinglius arrogantia crimen fugiens, testatur, non nisi temporis aliquo intervallo interposito, de somnio Nebucadnezeris pronunciare ausus fuit. Atqui ab Anno Domini 1525. quo Zvvinglius somnium suum somniauit, monitoremq; illum habuit, vsq; ad illum annum, quo Smidelinus somnium Zvvinglii interpretatus est; longè plus temporis effluxit, quàm à somnio Nabuchodonosoris vsq; ad interpretationem Danielis; minimùm enim quinquaginta anni intercesserunt, cum inter Regis illius somnium & expositionem illius à Daniele datam, pauca fortassis hebdomades intercurrerint: Et cuius Zvvinglii somnium in *Subsidio Eucharistico* legenti, vel dimidiata hora satis est, vt Zvvinglii somnium interpretetur; & quid dico dimidiata hora? simul atq; quis perlegit totum hoc somnium, pro vt à Zvvinglio in litteras relatum est; (quod brevissimo temporis spatio præstare licet) è vestigio, & *stans pede in vno* poterit mysteria somni illius reuelare; & quidem ita, vt acu rem tangat.

At quod scribis, Daniele *arrogantia vitanda causa* Danielis 2. dilationem pro interpretando somnio postulasse, id, in quibus Bibliis legeris, nec vnde etiam per validam consequentiam deducas; incompertum habeo. Nam ex meis & veris Bibliis colligo, Daniele *ideò* dilationem petiisse, quia nec somnium ipsum, nec interpretationem eius tunc nouerat; Vt ergò reuelationem vtriusq; à Deo precibus tam suis, quàm sociorum suorum impetraret

aliquid temporis sibi à Rege concedi postulavit. *Tunc Danieli mysterium per visionem nocte reuelatum esse*, inquit scriptura. Non ergò sciuerat tunc, cum primò ad Regē ingressus est.

Dam. 4.

Pari modo cum aliud somnium Nabuchodonosor habuisset, eiusq; interpretationem à Daniele exigeret, non arrogantie vitandæ causa vna hora tacitus, sed ita, sed ut interpretationem à Deo disceret. *Tunc Daniel, cuius nomen Balbassar, cepit intra semetipsum tacitus cogitare, quasi vna hora, & cogitationes eius conturbabant eum.* Quid ergò iste fingit de studio vitandæ arrogantie? Quæ comparatio Danielis & Zvvinglii, lucis & caliginis?

Ans. Tu propria libidine, & charitate Christiana neglecta, de somnio Zvvinglii iudicas. Daniel vero propriæ infirmitatis sibi conscius, non nisi Numine diuino implorato, somnium Nebucadnezæris sibi interpretandum duxit. Quam mente Smidelinus Zvvinglii somnium interpretatus sit, nescio, nec scire admodum laboro. Hoc scio, verè interpretatum esse; Nam si tantam precum contentionem non adhibuit, quantam Daniel, id ea causâ fecit, quia tanto conatu minimè opuserat: Somnium enim Nabuchodonosoris obscurum erat & tenebriosum; & primum quidem eò etiam obscurius & tenebriosius, quod Rex ipsemet nesciret, qualenam suum illud somnium in specie fuerit. At somnium Zvvinglii clarum est & dilucidum, & vel cæco patens & parens. Partim suapte natura, partim beneficio ipsius Zvvinglii, qui non modò somniatorem & narratorem, sed & interpretem somnii sese nobis præbuit: Quid ergò opus temporis longinquitate, votis, studio, & labore ad huius somnii Interpretationem, cum nullis tenebris inuolutum sit, nullisque integumentis implicatum? Si quis tam hebes sit, qui somni huius inter-

interpretationem ipse per se, sine vlllo coniectore, non statim videat aut capiat: is iure hoc encomio exornabitur: *Album & nigrum non nouit.*

Obiicis, *Tu sine reuelatione diuina somnium Zyvinglii nobis explicas; Daniel verò ante visionem nocturnam diuinitus sibi obiectum somnium Regis indicare & exponere nec ausus fuit nec potuit.* Non ergò petiit dilationem arrogantia vitanda causa, vt tu supra dicebas; sed vt somnium & interpretationem eius à Deo cognosceret. Sed ad rem. Explicatio somnii Regii reuelationem diuinam poscebat; quia somnium illud diuinitus immissum fuerat. At somnium Zyvinglii venit ex orco; non ergò opus habebat eius expositio cœlestis reuelationis subsidio.

Deinde vtrumq; somnium Nabuchodonosoris calliginosissimum & humano ingenio imperuiss. Sacramētis refertissimum erat: At somnium Zyvinglii ab ipso litteris palàm mandatum est, non sine explicatione, ne quis fortè diuinando à somniatoris mente aberraret. Nulla igitur inter hæc duo somnia similitudo & conuenientia est, nisi generalis quædam: quia ambo fuerunt somnia. Quod si indicatio & interpretatio somnii Nabuchodonosoris tam procliuis fuisset Chaldæis, quàm facilis omnibus est interpretatio somnii Zyvingliani; haud tam multi Chaldeorum sapientes ferro trucidati periissent; neq; Daniel & socij in simile discrimē incurrissent.

Cupis vt tibi rotundè explicetur, vtrū Paulus in corpore; an verò extra corpus in tertium cœlū raptus sit; idq; ex illis verbis: 1. cor. 12. *Noni hominem in Christo, an in corpore, an extra corp⁹, nescio, raptū in tertiu vsq; cælum.* Respōdeo, quod Paul⁹ nesciuit; seq; nescire ingenuè cōfessus est; id nobis quoq; nescire, eiusq; ignorantiā cādide p̄fiteri liceat. Eadē, inq;.

facilitate ex hisce Pauli verbis, certi aliquid concludere, nobis quo omnem dubitandi occasionem praecludere poteris, quam ex verbis Zvinglii, quippe cum Zvinglius non minus de sua reuelationis modo, quam Paulus dubitauerit. Minimè verò, ò Zvingliane. Nihil enim in verbis vel in verborum sancti Pauli adiunctis, vel in ipsa persona S. Pauli apparet, ex quo colligere possimus, illum, aut extra, aut intra corpus ad tertium cœlum raptum esse. At ex Zvinglii verbis & persona nihil habemus, cur ancipites de sententia eius hæreamus. imò verò plurimum habemus; cur definitè sentiamus, monitorem illum fuisse atrum, hoc est, prauū & peruersum.

Et si nihil aliud argumentorum suppeteret, hoc certè satis superq; esset, quod nescire ait: vtrum monitor ille *albus an ater* fuerit. Nam si purabat à Deo esse; cur tã scurriliter & contemptim de Deo loquitur? Quod si nesciebat, aut non meminerat, vtrum Deus sit *albus an ater*, tum videant Zvingliani, cui Apostolo se suamq; salutē crediderint: S. Paulus de loco, ad quem raptus erat, deq; illis, quæ viderat, minimè dixit: *Albus an ater fuerit locus ille, nihil memini: alba an atra fuerint, quæ vidi, non recorder;* sed tantum dubitauit de se, vtrum in corpore an extra corpus visionem illam viderit. Si Zvinglius tantummodo pronunciaffet, se non meminisse, vtrum in somnio, an extra somnium visum illud viderit, nihil admodum esset, quod miraremur, aut indignatemur. At cum de ipso suo monitore *albus ne fuerit an ater* nihil statuit; nos rem in medio nequaquam relinquentes, atrum fuisse decernimus; idq; necessariis rationibus conuicti apud quemcūque, cui Zvinglianismi amor oculos non ademit, cuicūque.

Subiungis. *Cachinnis hanc tuam argumentationem excipient, quæ colore communi videlicet accidente, statim concludis, essentiam ipsam, seu essentia proprietatem. Nam si tibi maxime darent pueri, vidisse monitorem atro colore prædictum, non tamen inde concludes, atrum fuisse monitorem. Imò verò quisquis inscitiam tuam intelligit, ille non modò cachinnis te excipiet, sed & sibilis explodet. Vnde enim essentiam rei colligere vis, si non ex his notis externis? An tam oculatus es, ut in iplas rerum essentias oculos quætos inferere queas? Mitto dicere, hic non esse sermonem de colore propriè dicto & physico, qui nullus est, nec in Deo, nec in vlllo spiritu bono aut malo; sed de colore imaginario; secundum quem monitor ille phantasie Zvvinglii obiectus est; qui si niger fuit, nigrum peruersumq; spiritum denotauit; quidquid tu contra garrias. Ut enim: malus spiritus se in Angelum lucis transformet, atq; adedò candidissima & lucidissima specie tam sensibus externis, quàm internis sese obiiicere possit ac soleat; inauditum tamen est, ut Deus aut Angelus bonus Diaboli colorem, hoc est, *furum & atrum*, induerit, inque eo sese mortalium vel oculis vel imaginationi obtulerit.*

Risu igitur non plaulu digna est hæc tua consequentia: *Diabolus transfiguratur se in Angelum lucis; Ergò Angelus lucis transfiguratur se in Angelum tenebrarum, hoc est, in Diabolum.* Addo, Zvvinglium nobis fidem facturum non fuisse, licet; & si vis, iureiurando interposito, affirmasset, *album*, hoc est, bonum & sanctum fuisse monitorem illum: occurrissemus huiusmodi asseuerationi dicto illo Apostolico, quod iam olim de Zvvinglio, Zvvingliique similibus protulit. *Eiusmodi pseudoapostoli sunt operarii subdoli, transfigurantes se in Apostolos Christi: Et non minus; ipse enim* 2. Cor. 11
Satanas transfiguratur se in Angelum lucis, non est ergò magnum, si

ministri eius transfigurentur velut ministri iustitie, quorum finis
erit secundum opera ipsorum.

Pergis. Quod Zvinglius Dominum sibi impertuisse affir-
mat, hoc tu Diabolo tribuis. Quod Zvinglius ad Dei gloriam com-
memorat, hoc tu Diabolo acceptum esse ferendum concedis. Nō ne-
gamus, Zvingliū initio narrationis de suo somnio, pro-
fiteri dominum id sibi impertuisse; sed de quo dominolo-
quatur, ipse satis prodit, cum paulò post monitorem ex ma-
china introducit; de quo albus an ater fuit, nihil pronūcia-
re habet; quē *Phasma* nominat. Hæcine Domino, qui in
coelis habitat, competunt? Videtur Zvinglius similis
capra Scyria, mulctrum, quod lacte impleuerat, rursus e-
uertere consuetæ. Sic quod principio orationis Domi-
no adscripterat; id postea rursus euertit; vel potius,
quem Dominum antea intellexerit, dilucidius declarat.
ne quis ambiguitate prioris vocabuli in errorem indu-
catur.

Porro Zvinglium hoc suum somnium ad Dei glo-
riam, etsi inuitum & reluctantem, litteris mandasse, iam
supra concessimus. Verè enim ad Dei gloriam cedit, nosse,
qua in schola, & quo doctore Zvinglius doctrinam suā
didicerit. Et ipse satis indicat, se oculo quodam stimulo
adactum fuisse, vt somnium hoc ad posteritatis memori-
am, imò & cautelam litteris consignaret. Idem q; Luth-
ero sua in disputatione Diabolica euēisse, planè mihi per-
suadeo.

Quod Moses, inquis, Exodi 12. instinctu spiritus sancti litte-
ris memoriaq; prodidit, hoc tu ab atro genio factum esse clamitas.
Nihil minus Zvinglianista: Sati ne lanus es, qui utq; a-
dedò delires? Quod Moyles scripsit; id spiritus sancti
inspiratione scripsit. At quod spiritus sancti inspiratione
scriptum est; verèq; & sanctè scriptum est; id iste spiri-
tus,

tus *ater* peruersè arripuit, & ad euertendam præsentiam Christi in Eucharistia per Zyvinglium, fidissimum suum administrum, adhibuit. Licet enim verbum, Est, eo loco Exodi acciperetur pro SIGNIFICAT, deque hoc nulla prorsus dubitatio existeret; non valeret tamen hæc à Diabolo formata, Zyvinglioq; proposita consequentia. Exodi 12. in illis verbis: *Est enim Pascha* (id est, transitus) Domini; Verbum, *Est*, accipitur pro, significat; ergo etiam in illis verbis Domini: *Hoc est corpus meum*, accipitur verbum *Est*, pro significat. Redolet hæc consequentia ingenium Auctoris sui; cuius similes quotidiè texunt prædicantes, easq; ipso horreo nobis admetiuntur.

Dic, inquit, *utrum hæc vox, Agni Paschalis celebratio est Pasche transitus Leuæ; à Deo, an verò ab atro spiritu proficiscitur?* A Deo utique est, à Spiritu illo purissimo & candidissimo. Addis, *Concedas igitur necesse est, Zyvinglium eam non à Diabolo, sed à Deo didicisse.* Cur obsecro, hoc concedere oportet? An quod à Deo profectum est, id Diabolus Diaboliq; minister quispiam arripere, & ad veritatis oppugnationem conuertere non potest? Quæ sanè cōuersio, vel potius peruersio rei à Deo profectæ, non proficiscitur à Deo, sed à Dæmone.

Dic, oro, Zyvingliane, loca scripturæ, quæ Arius & Ariani assumebant ad oppugnationem diuinitatis Verbi Diuini; à Deo né erant, an à Dæmone? A Deo, respondebis, opinor; & loca etiam Scripturæ, quæ ipse Cacodæmon CHRISTO in solitudine obiecit; Deum auctorem habuerunt. Neque quispiam integræ mentis hoc inficiabitur. At verò abusus locorum, quibus Dæmon per Arium, & ipse Dæmon per seipsum abutebatur, minimè à Deo erat; sed ab illo omnium technarum & deceptionum artifice & satore. Eadem

dem hic est ratio, quod ad Zvvinglium attinet. Locus ille Exodi à Spiritu sancto est. At abusus eius ad infrigendum & profligandum mysterium Eucharisticum, à Spiritu atro est; vt & Zvvingliana explicatio verborum illorum, *Hoc est corpus meum*. Tu contendis non esse à Dæmone. Sed quo argumento?

Non te fugit, inquis, Diaboli non eam esse naturam & consuetudinem, vt scripturam cum scriptura conferat: vt scripturam scriptura explicet & illustret: vt scripturam cum scriptura conciliet. Imò verò omnia hæc Diabolus facit; sed ad eum modum, quo id fecerunt, & hodie faciunt veteres & noui prædicantes, qui artificium suum, scripturam cum scriptura comparandi; scripturam scriptura explicandi, scripturamq; cum scriptura conciliandi; in Diaboli Schola didicerunt. Quàm enim egregiè hæc præstent, id quotidie, non sine admiratione est; cum & non sine risu, oculis nostris intuemur. videlicet comparando, explicando, conciliando, pomum Eridis (quantum in ipsis est) ex diuinis oraculis effecerunt, cum quibus, quasi cum pila ludunt; & ludificant tam se, quàm alios.

Hoc Diabolus in more perpetuo habet, inquit iste, vt scripturam sibi egregiè consentientem, pugnantem faciat: vt fallacia diuisionis sacram scripturam mutilet & corrumpat, alienūq; illi sensum affingat. Idem vobis mos, idemq; prorsus genius. Comparisonibus vestris, expositionibus, conciliationibus nihil aliud præstatis, quàm quòd lites ex litibus inter vos & alios seritis, scripturamq; vndiq; concorditer sibi consentientem distrahitis & dilcerpitis, mutilatis, truncatis; & in alienissimos sensus non trahitis, sed rapitis; idq; auspiciis atri illius spiritus, qui Zvvinglio suggestit, vt locum illum Exodi cum verbis Domini compareret, & hæc per illum explicaret & illustraret, vel potius sub-

subrueret, tenebrisque densissimis oblecturaret.

Quod verò attinet ad illud artificium, quod Zvvinglianus iste vocat *fallaciam diuisionis*, id non modò Diabolo, sed & hæreticis Diaboli ductu & suasu, familiarissimum esse, notauit iam olim S. Cyprianus his verbis: *Corruptores Euangelij atq; interpretes falsi, extrema ponunt; & superiora prætereunt, partis memores, & partem subdolè comprimantes. Vt ipsi ab Ecclesia scissi sunt, ita Capituli vnius sententiam scindunt.* S. Cyp. lib. de vnit. Ecclesie.

Si ex eo colligis, inquit Zvvinglianus, à spiritu atro edoctum fuisse Zvvinglium, quod sacramentales locutiones veteris testamenti cum locutionibus sacramentalibus noui testamenti contulit; atq; utrasq; eodem modo intelligendas explicandasq; docuit, quid queso superest, quàm ut eadem audacia Christum Dominum damnes, Paulum & Chrysostomum suam doctrinam ab atro spiritu hausisse vocifereris? Nemo reprehendit Zvvinglium quod dicta veteris testamenti contulit cum dictis noui; sed quod contulit peruersè; & ex institutione Diaboli. Nec ita ratiocinamur; Zvvinglius dicta veteris testamenti comparauit cum dictis testamenti noui; ergo fecit hoc edoctus ab atro spiritu; sed ita cōcludimus: Zvvinglius dicit se interpretationem verborum Domini planè falsam impiam & hæreticam accepisse à quodam monitore de quo albus an ater sit, non meminit; collato loco Exodi, cum Domini Verbis: ergo reuera interpretationem illam verborum Domini accepit à spiritu atro: Hæc est nostra consequentia, non illa, quam tu ex tuo cerebro producis. Ostende Christum, Paulum & Chrysostomum simili modo & monitore comparasse dicta veteris & noui testamenti; & tum demum fucus, quem lectori facere conaris, aliquid fuci habebit.

Nosti, inquis, Christum Dominum non minus, quam Zvvinglium de sacramentis noui testamenti iisdem phrasibus &

locutionibus, quæ in veteri testamento passim occurrant, usum esse & retinuisse. Nunquam dixit Christus: *Hoc est corpus meum*; id est, *hoc significat corpus meum*; quia Exodi 12. scriptum est, Est enim Phase (id est, transitus) Domini: quia *Est*, hoc loco accipitur pro *significat*, ergo & in his meis verbis non aliter, quam pro *significat* accipi volo: ut taceam, ne in hoc quidem Exodi loco, *Est*, viurpari pro *significat*, ut hallucinatur Zyvinglius. Nam ut rectè docet Cardinalis Bellarminus, Agnus Paschalis non dicebatur Phase tropicè, quia significaret transitum, nulla enim erat similitudo inter Agni occisionem & transitum Domini: sed dicebatur propriè Pascha, sicut etiam festus dies dicebatur *Patcha*, nomine deriuato ab illo transitu domini, quia Agn^{us} imolabatur, & dies festus agebatur in memoriâ & honorem illius transitus. Vnde in Euangelio Agnus Paschalis absolutè dicitur pascha: *ubi vis tibi parem? comedere Pascha?* Et, *neceffe erat occidi Pascha.*

Bell. lib. 1. de
Euch. cap. 11.

Marci 14.
Luca 22.

Addis. Quemadmodum circumcisio dicitur *scelus*; Agnus Paschalis, transitus; arca *sceleris*, *lehoua*: sacrificia, peccata populi: sic Christus Dominus noui testamenti sacramenta iisdem planè locutionibus instituit, ordinauit, & sanciuit. Itaq; panem appellauit corpus suum, vinum verò sanguinem suum, respiciens ad sacramenta corporis sui. Ut maximè Christus Dominus in institutione sacramenti respexerit ad figuras, quibus id olim prænunciatum & adumbratum est, itemq; ad modos loquendi, quibus figuræ illæ in sacris litteris explicantur; non sequitur tamè Verbum *Est*; aut quodcūq; aliud, accipitur alicubi tropicè & figuratè in sacramentalibus antiqui testamenti locutionibus; ergo etiâ in istis: *Hoc est corpus meum*: *Hic est sanguis meus*: accipitur verbum *Est*; aut vox *corpus*, aut *sanguis* tropicè & figuratè. Quæ est ista tandem argumentandi, ne dicam insaniendi, ratio? Non exami-

examinabo, vtrum, quod isti assumunt, verū sit an falsum; examinarunt id iam dudum cum alij, tum Bellarminus; tantū affirmo, ipsam consequentiā nullius momenti esse: rectiusq; ratiocinatu-ros, si hanc consecutionem colligerent; ergo verbum, *est*, vel *vox*, *corpus*, non accipitur tropicē & figuratē in hac locutione: *hoc est corpus meum*; quia oratione ista non significatur figura, sed veritas, non umbra, sed adumbratum; non typus, sed id, quod typo quasi præformabatur.

Nec quisquam est, inquit Zvinglianus, qui hætenus Christum Dominum reprehenderit, aut demonium habere dixerit: quippe cum de sacramentis sacramentaliter, verbo Dei, eiusq; immetate veritati cōuenienter locutus sit. Sed quid hoc ad Zvingliū? An & Zvinglius ita egit? Qui de sacramentis non sacramentaliter, sed Diabolicē dixit & scripsit; edoctus, nimirum ab illo suo monitore ex machina, ab illo Phasmate seu Phantasmate; cui atrum an candidum colorem assignet, se statuere non posse profitetur. De sacramentis sacramentaliter locutus est; non aliter ac blasphemus, qui vt blasphemiam exaggerent; aliquot sacramentorum millia, per quæ iurent, comminiscuntur.

Quæris. Quo spiritu ductum & edoctum Paulum arbitraris? Facilis responsio. Candido & sancto: cuius impulsu non solum locutiones sacramentales è veteri testamento magna religione in nouum introduxit. Sed etiam ipsas sacramentaliter inter se contulit. At quod ais, illum nobis veterum; veteribus nostra sacramenta tribuisse: falsum est: si id intelligas, vt quidem intelligere videris, de propria, peculiari & quasi specificæ ratione sacramentorum noui testamenti. Vbi enim tribuit nobis circumcisionem? Vbi antiquis Baptisma? Vbi nobis manna? Vbi antiquis Eucharistia? Vbi vn- Galat. 4.
quā nominauit Apostolus sacramēta nouæ legis infirma

& egena mundi elementa; sicuti nominat sacramenta legis antiquæ? Si nobis tribuit vetera, & veteribus nostra; curigitur tam grauitè obiurgat Galatas, quod post agnitionem Christianæ veritatis, ad circumcisionem, & alia Hebræorum sacramenta reuertissent?

Quam tibi, inquis, ista Paulina collatio probetur, quantius à te fiat, satis ostendis, cum in Zvvinglio tam graniter reprehendas ac Diabolo tribuas, quod is, Pauli exemplum secutus, facit. Collatio Paulina placet nobis, quia Paulina est. Collatio Zvvinglij non placet, quia Zvvingliana est: imò, ne Magistrū Zvvinglij debito honore defraudē, quia Diabolica est. Ostende tu, vbi S. Paulus scribat; se collationem, si quā instituit, inter noua & vetera sacramenta, didicisse à monitore, & Machina quadam scenica, de quo albus ater sit; exploratum non habeat. Ostende, inquam, similem in D. Pauli monumentis confessionem; & tunc minore quàm iam impudentia & vanitate asseres Zvvingliū sua in collatione exemplum sancti Pauli secutum esse.

Nec plus proficis, cum vt impietatem & summam turpitudinem magistri tui aliquo modo veles & cohonestos; S. Chrysostomum producis. Diuum quoq; Chrysostomū atrum spiritum præceptorem habuisse affirmare necesse habebis, si Zvvinglium idcirco rectè colligis ab atro spiritu impulsū esse, cū eandem rationem istarum prædicationum: panis est corpus Christi, & Agnus est transitus Iohannæ, esse docuit. Nam D. Chrysostomus Hom. 23. in Matth. in hunc modū scribit: Discipulos Christi ideo non fuisse turbatos, cum audirent se iuberi carnem Christi mādūcare, quòd quemadmodum Moyses de Agno Paschali, hoc æternum vobis memoriale est, dicebat; sic & ipse Dominus, In meam commemorationem facite, ait, donec veniam. Respondeo I. Si alicubi D. Chrysostomus scripsisset, verbū, Est, in verbis Christi accipi pro, significat; idq; confirmasset loco illo Exodi

cap.

cap. 12. & eum sibi à monitore quopiam ex *machina*; de quo non constet, *albus an ater fuerit*, suggestum & suppeditatum fuisse palam profiteretur; tum non vereremur idem iudiciū de sancto Chrysostomo ferre, quod ferimus de Zvinglio. At cum nihil huius notę & modi in omnibus Chrysostomi, viri sanctissimi, lucubrationibus reperiatur, æquo animo patieris, ut Chrysostomum numeremus inter discipulos spiritus *candidi*: Zvinglium verò inter discipulos spiritus *atri*.

Secundò, ubi obsecro dicit S. Chrysostomus in illa Homilia: esse eandem rationem istarum prædicationum; *panis est corpus Christi*: Et, *Agnus est transitus lehoua*, ostendens Chrysostomi loco has duas propositiones; & quidem inter se comparatas; cum asseveratione, vnā & eandem prorsus vtriusq; rationem esse? Ni feceris mendacij & imposturę crimine notaberis. Tertiò, cur tua verba pro verbis S. Chrysostomi nobis supponis, plumbea pro aureis; falsa pro veris? Nihil enim aliud dicit S. Chrysostomus; quam Eucharistiam esse monumentum seu *memoriale* Christi Domini; sicut etiam Agnus Paschalis seu *Elus* eius, erat memoriale redemptionis ex seruitute Ægyptiaca. Quartò, quæ nam ista est argumentandi forma? *Christus vocat Eucharistiam memoriale seu symbolum sui & sue passionis*, ergo *Christus ex sententia S. Chrysostomi non est realiter & substantialiter præsens*; sed sicut tantum est symbolum passionis Dominica iam olim peractæ; ita tantummodo est symbolum Christi in solo cælo corporaliter existentis. Quænam hæc stoliditas huius Zvingliani, texere ex Chrysostomo non argumenta, sed deliramenta. Perinde est ac si diceres. *Agnus ille Paschalis erat symbolum destructæ seruitutis & adeptæ libertatis*, ergo verè & substantialiter non erat *Agnus*; sed *Agnus duntaxat symbolum*. An non vidisti Beumlere, hæc S.

Aa 3 Chry-

Chrylostomi verba præter cætera: Quemadmodū vetus testamentum pecudes & vitulos habebat, eodem modo nouum, Dominicum possidet sanguinem. At vetus testamentum verè & substantialiter habebat illum sanguinem pecudum; ergo nouum testamentum verè & substantialiter habet sanguinem Christi ex sententia Chrylostomi: Ergo non tantum in figura: vt delirat Zvvinglius, Hęc & alia huius generis, si in S. Chrylostomi Homilia obseruasses; stultiloquentiam tuam hoc saltem in loco occlusiorem habuisses.

Concludit Apologiā suam Beumlerus; quæ conclusio vera erit, si partim negationes orationi addantur, partim additæ omittantur, in hunc modum. Ex his igitur, quæ hactenus dicta demonstrataq; à nobis sunt, intelligit pius lector, Zvvinglium quod à verbo Dei, à doctrina Christi, à confessione Apostolorum, à sententia primitiua Ecclesia alienum sit, vel potius, his per omnia cum ea pugnet, scripsisse & docuisse, ac proinde doctrinam eius ab atro spiritu profectam esse, neminem, nisi atrum spiritum familiarissimum habeat, penitusq; ab eo occupetur & regatur, inficiari posse.

Deut. 13.

Vincent. contra Her. 6. 15.

Et hæc de somnio Zvvinglii dicta sufficiant: cui cum somnium suum proponebat, occinendum erat illud mandatum Moylis: Si surrexerit in medio tui Propheta, aut quis somniū se vidisse dicat: id est, vt interpretatur Vincentius, Magister in Ecclesia constitutus, quem discipuli vel auditores sui ex aliqua reuelatione docere arbitrentur. Quid deinde? Et prædixerit signum atq; portentum, & euenerit, quod locutus est; magnus profectō, nescio quis significatur Magister, & tanta scientia, qui sectatoribus propriis non tantum ea, quæ humana sunt, nosse, verum etiam quæ supra hominem sunt, prænoscere posse videatur: quales ferè discipuli sui iactant fuisse, Valentinum, Donatum, Photinum, Apollinarem. (Lutherum, Zvvinglium, Caluinum) Quid postea? Et dixerit tibi; Eamus & sequamur.

Deo.

Deos alienos, quos ignoras, & seruamus eis. Qui sunt Dii alieni, nisi errores extranei, quos ignorabas, id est, noui & inaudiri. Et seruamus eis, id est, credamus eis, sequamur eos. Quid ad extremum? Non audies, inquit, verba Prophetæ illius, aut somniatoris. Et quare, oro te, à Deo non prohibetur doceri, quod à Deo prohibetur audiri? Quia, inquit, tentat vos Dominus Deus vester, ut palam fiat, verum diligatis eum, an non, in toto corde, & in tota anima vestra. Luce clarius aperta causa est, cur interdum diuina prouidentia quosdam Ecclesiarum Magistros noua quædam dogmata prædicare patiatur. Ut tentet vos, inquit, Dominus Deus vester.


Quæ cum ita sint, ille est verus & germanus Catholicus, qui Vincent. c. 17. veritatem Dei, qui Ecclesiam qui Christi corpus diligit, qui diuinæ religioni, qui Catholice fidei nihil præponit: non hominis cuiuspiam auctoritatem, non amorem, non ingenium, non eloquentiam, non Philosophiam: sed hæc cuncta despiciens & in fide fixus & stabilis permanens, quidquid vniuersaliter antiquitus Ecclesiam Catholicam tenuisse cognouerit, id solum sibi tenendum, credendumq; decernit; quidquid verò ab aliquo deinceps vno præter omnes vel contra omnes cunctos nouum & inaudicum subinduci senserit, id non ad religionem, sed ad tentationem potius intelligat, pertinere.

FINIS.

☉ (:) ☉



EPI.



EPIGRAMMA

IN SOMNIVM ZVVIN-
GLII.

SOmniat arcanâ Parnassî PASTOR in
vmbâ,
Et felix VATEM parturit vmbra
nouum.

ZVINGLIUS Helueticis noua somnia captat
in vmbriis,

Et noua DOCTOREM protinus vmbra
parit.

Nam vigil in dubias illabitur vndiq; curas,

Quâ velit assertos arte nouare dolos:

Vt nihil in vigili profecit cura cerebro;


Dormit, & in voto Morphea somnus habet.

Ecce per infaustas adrepit LARVA tenebras,

Quodq; vigil nequit discere, LARVA docet.

Euigilat, dubiisq; vigil sua SOMNIA iurat.

SOMNIA quid iuras? credimus: esse nega.




Disce-

JACOBI
 GRETSERI
 SOCIETATIS JESU
 THEOLOGI
 Supplementum
 DUPLEX

PRO DVOBVS LIBRIS,


De

JVRE ET MORE PROHI-
bendi, expurgandi, & abolendi libros
Hæreticos, & noxi-
os.



Bb

Ad



Ad Lectorem.

Quod vulgò dicitur; priorem diem esse posterioris discipulum: id veritati perquam consentaneum esse, liquet vel maximè ex illis scriptionibus, qua non tam ex ingenij proprij solertia, & acumine; quàm ex lectione multiplicium librorum pendent. Nam quo quis legendo, variosq; Auctores euoluendo magis progreditur, eo copiosior, vberiorque commentandi materies occurrit. Quod mihi cum aliàs, tum nuper editis duobus libris de iure & more prohibendi libros noxios euenit: Etenim postquam opus illud publici iuris feceram, nec pauca, nec contemnenda sese obtulerunt, quibus neq; meos libros, neque Lectorem carere volui.

Diuisi autem supplementum hoc in duas partes: quarum altera primo libro respondet, altera secundo, notatis ad marginem locis, quò quiduis referendum sit. Vale.

SVP-



SVPPLEMENTVM DVPLEX PRO DVO-

bus libris de iure & more prohibēdi, expurgandi & abolendi libros Hæreticos & noxios;

PRIMÆ PARTIS CAPVT

PRIMVM.

Libri suspecti à Romanis exusti.

Lib. 1. cap. 2.



Acitus in vita Agricola, initio: Legimus cū Cruleno Rustico Patus Thrasea; Herennio Senecioni Priscus Heluidius laudati essent; capitale fuisse: neq; in ipsos modo auctores, sed in libros quoque eorum scitiam, delegato triumuiris ministerio, vt monumenta clarissimorum ingeniorum in comitio ac foro vrerentur. In hoc factum stringit Tacitus stylum non sine bile. Scilicet illo igne, inquit, vocem populi Romani & libertatem senatus, & conscientiam generis humani aboleri arbitrabantur; expulsis insuper sapientia professoribus. Verum, vt alibi dixi de Cremutii Cordi Annali-

bus; meritōne, an immeritō Rustici & Herennii monumenta incensa sint; accuratius non disquiram, neq; examinabo, num Taciti querela æqua sit, an iniqua, quia nihil aliud mihi propositum est, quàm demonstrare, ipsis quoq; Ethnicis persuasum fuisse, libris damnosis non esse parcendum. Iam verò num in executione huius persuasionis hoc vel illo casu errârint; id ad institutū nostrum nihil facit.

*S. Augu. lib.
7. de ciuitate
Dei ca. 34.*

De libris Numæ, à senatu Romano exustis, pulchrè differit S. Augustinus ex Varrone. *Terentius quidam cum haberet ad Ianiculum fundum, & bubulcus eius iuxta sepulchrum Numæ Pompilii traiciens aratrum, eruiſſet ex terra libros eius, vbi sacrorum institutorum scripta erant causa, in Urbem pertulit ad prætorem. Et ille cum inspexisset principia, rem tantam detulit ad senatum. Vbi cum primores quasdam causas legissent, cur quidque in sacris fuerit institutum, Numæ mortuo senatus assensus est, eosq; libros, tanquam religiosi patres conscripti, prætor ut combureret, censuerunt. Credat quisq; quod putat; imò verò dicat, quod dicendum suggererit vesana contentio, quilibet tanta impietatis defensor egregius. Me admonere sufficiat sacrorum causas à Rege Pompilio, Romanorum sacrorum institutore, conscriptas, nec senatui, nec saltem ipsis Sacerdotibus innotescere debuisse: ipsumq; Numam Pompilium curiositate illicita, ad ea Demonum peruenisse secreta, quæ ipse quidem scriberet, ut haberet, unde legendo commoneretur: Sed ea tamen cum Rex esset, qui minimè quenquam metueret, nec doceret aliquem, nec delendo, nec quoquo modo consumendo perdere auderet: ita quod scire neminè voluit, ne homines nefaria doceret: violare autè timuit ne Deos iratos haberet: Obruit, vbi tutū putauit, sepulchro suo propinquare aratrum posse nō credēs. Senat⁹ autē cū religiones formidaret dānare maiorū, & ideo Numæ assēiri cogeret, illos tamē libros tā perniciosos esse iudicauit, ut nec obrui rur⁹ iuberet, ne humana curiositas*

multò

multò vehemēsius rem jam proditā quæreretur, sed flammis aboleri nefanda monumenta; ut quia jam necesse existimabant sacra illa facere, tolerabilius erraretur, causis eorum ignoratis, quàm cognita ciuitas turbaretur.

Quàm verò perniciosa vel à cultu vera diuinitatis aliena illa littera iudicata sint, inquit alibi S. Augustinus, hinc intelligi potest, quòd eas maluit senatus incendere, quas Pompilius occultauit, quàm timere quod timuit, qui hoc audere non potuit. Quocirca refutans Varronem S. Augustinus eodem loco sic contra illum disputat. Quid mihi ergò Varro illorum sacrorum alias nescio quas causas velut Physicas interpretatur? quales si libri illi habuissent, non utiq; arsisent: aut & istos Varronis ad Cæsarem Pontificem scriptos atq; editos, Patres conscripti similiter incendiissent.

Cap. 35.

Hæc S. Augustinus: Ex quibus multa discet, qui discere volet: Præcipuè hoc, libros noxios, etiam casu repertos, non esse legendos, sed aut abolendos, aut ad Magistratum deferendos. Si enim hoc ab Ethnicis veri Dei ignaris actum est, quanto magis præstari debet ab illis, quibus lux veritatis illuxit. Secundò, si Romani amore suæ religionis, quam à Maioribus acceperant; ne tanti quidem Regis lucubrationibus pepercerunt; quod existimarent, eas valere ad sacra jam publico vsu recepta labefactanda & conuellenda; quanto minus Christianus Magistratus, veri Dei cultor, permittere debet; ut libri in auitam fidem iniuriosi & contumeliosi

liberè circumuolitent; & in subditorum manibus versentur.

¶ 66 (:) 90



CAPVT II.

De libris Eutychetis.

Lib. I. cap. 7.

In Concil.

Chalce. act. 1.

ADmodum versipellis veterator fuit Eutyches, & in comenda spargendaq; sua hæresi perquā industrius artifex. De quo hæc Eusebius Dorylæus Episcopus. *Comperi, quia Eutyches presbyter & Archimandrita volumen direxit per monasteria, & ad seditionem excitat Monachos; & quia hoc ipsum ad tutelam Ecclesiasticam sancta synodo pertinet inquirere & cognoscere, qualia conficit & machinatur tumultum faciens.* En morem hæreticorum disseminandi, & in omnes partes extrudendi sectæ suæ libellos. nam eo consilio misit Eutyches ad varia Monasteria tomum suum (sic enim in Chalced. synodo appellatur) vt Monachos ad subscriptionem & suffragationem pelliceret. Cui tamen S. Flavianus, Eusebius, & alij imperterrito animo restiterunt; & vt pestiferum illum foetū maturè opprimeret; plurimum allaborarunt. Et successisset conatus, nisi Eutyches ab aula præsidium petiisset & impetrasset. Nam cum emergentes hæretici veritate se & sua tutari nequeant; ad potentiorum clientelam confugiunt; sub quorum clypeo securi quiduis in orthodoxam fidem & disciplinam eruant; quod non modò prisca, sed & nostra ætas nimium quantum experta est.

CAPVT III.

De libris Nestorij & Theodori Mopsuesteni.

Lib. I. cap. 9.

Refert Pelagius Pontifex in Epistola ad Episcopos Iſtriæ ex Hesychio Hierosolymorum Presbytero

Theo.

Theodorum Mopsuestenum monitum fuisse, ut profanos commentarios in librum Psalmorum aboleret; & promississe se facturum; sed postea fidem fefellisse. Verba Pelagij ex Hesychio sunt ista. *Prima elementa suae doctrinae ex Iudaico vaniloquio incipiens, codicem in Prophetiam Psalmorum conscripsit; omnes de Domino predicationes (praedictiones) abnegantem; culpatus verò & periclitatus contraria sibi dixit, non ex voluntate, sed compulsus omnibus caeremoniis & codicem ipsum delere pollicitus, latenter cōseruabat Iudaica impietatis vitium, &c.*

Subdit Pelagius. Contra errores eiusdem Theodori pia recordationis Theodosius & Valentinianus legem promulgantes inquirunt: *Debitam à nobis venerationem piissima doctrinae reddentes, eos qui ausi sunt contra Dominum impiè conscribere debita condemnationi subicere, & nominibus dignis vocari oportere existi maiumus. Iustū igitur circumdari eos cōfusione suorum peccatorum, & in tali vocabula permanere in aeternum, quatenus nec uiuiliberentur, & post mortem mancant contempti. Igitur doctrina Theodori & Nestorij impiorum & pestiferorum visa nobis abominanda esse, similiter autē & omnes, qui sequuntur eorū errorē, & cōsentiunt eorum impietati, iustum est ipsos eandem nominationem mereri, & confusionem indui, ut non Christiani, sed Nestoriani, nominentur, ne dum nominantur Christiani, ex ipso inueniantur decorati vocabulo, longè constituti à Christianorum proposito, & alienati à recta & immaculata fide: & post pauca: si quis praeterierit praesentem nostram sanctionem, & Theodoro & Nestorio assēserit, & illorum socios imitatur, post gladii ultionem omnis eius substantia fisco addicatur.*

Rursum contra errores illius pia recordationis Theodosius & Valentinianus legem promulgantes, inquirunt: *Nemo babeat, aut legat, aut scribat, aut proferat Nestorium, seu illius libros, vel Codices omnino inutiles, vel ipsius Nestorii, vel alterius, & maxime*

in Nestorii aduersus solos Christianos conscriptos, aut Theodori, sed vnusquisq; habens tales Codices publicè illos proferat, & in conspectu omnium igni tradat.

Haftenus Pelagius Pontifex de Imperatorum aduersus Nestorium & Theodorum constitutione, quæ eadem esse videtur cum illa eorundem Imperatorum, quæ habetur in Concil. Chalcedonensi A. 451. de qua dixi li. 1. c. 2. Quanquã Valentinianus & Marcianus Imperatores postea abrogarunt, quorũ cõstitutio ead. a. 451. Conc. Chalcedonensis recitatur. Sed cū lex Theodosii, quã pro Eutychē tulit, seductus à Chrysaphio; nõ sit contra Theodorũ Mopsuestēũ; sed cõtra Theodoretũ Cyri Episcopũ, mirum videri potest, quomodo Pelagius legem hanc de Theodoro acceperit; de Theodoreto autẽ accipiendam esse, satis liquet ex ipsa lege; itemq; ex lege, quam postea Marcianus pro Flauiano, Eusebio, Theodoreto, & alijs orthodoxis Episcopis promulgauit. Neque lex, quam protulit Pelagius, videtur diuersa. Eadem enim sunt prope modum vtriusq; verba; vt conferenti planum erit; nisi quod in lege Theodosii, prout refertur, in Synod. Chalcedonensi fit Porphyrii: *Et maxime, quos contra solas Porphyrius edidit Christianas litteras.*

Veruntamen nihil obstat, quo minus legem à Pelagio prolatam diuersam esse affirmemus ab illa, quam in Theodoretum sanxit Theodosius. Neq; enim credibile videtur Pelagiũ Pontificem deceptum, Theodorũ in locum Theodreti subrogasse, & priora constitutionis verba satis id ipsum ostendunt; planè enim alia sunt ab illis, quæ leguntur in Concilio Chalcedonensi.

Illud item scrupulum mouet, quod in lege sancitur, vt qui Nestorii dogmata sectabantur, non *Christiani*, sed *Nestoriani* vocarentur: Quæ enim hæc ignominia, præfertim

sertim apud perfrictæ frontis hæreticum; qui appellatione à Magistro suo deducta, mirificè sibi blandiri solet; ut suo loco fufius dixi, notumq; est, Theodosium edixisse; ut Nestoriani appellarentur *Simoniani* à Simone Mago; *præcipientes*, inquit, *ne Christiano saltem nomine censerentur, sed ut Simoniani potius vocarentur, quoniam blasphemiam Simonis dilexerunt.* ut taceam nunc alias leges ejusdem Theodosij eodem nomine *Nestorianos* insignientes, nisi fortè quis existimet, satis pœnæ & probri esse excludi à vocabulo communi omnibus, eoq; salutari & honorifico; & quodammodo adstringi ad appellationem priuati hominis; quem ut sectator suspiciat, efflictimq; depereat, alij tamè in hæreticorum classe reponunt. Quocirca hoc etiam tempore pleriq; non Lutherani aut Calviniani à Luthe- ro & Caluino, sed *Euangelici* ab *Euangelio*, audire vo- lunt.

Syn. Chalc.
Act. 3.

Cæterum quamuis hæretici tam suos quàm hæresi- archarum suorum libros quoquo versus disseminant; di- scipuli tamen Theodori libros ejus non secus asserua- runt; atq; gryphes aurum; aut peruigil ille Draco Phrixé- um vellus, ne ad Mopsuestenicis Mysteriis non initiatos emanarent. Qua de caussa difficiles repertu erant. Te- statur id Leontius Byzantinus: *Si, inquit, facile esset scripta ejus (Theodori) reperire, non pigeret nos in omnibus capitibus, de quibus eum accusauimus, illum ipsum testem producere. Quia verò nos vix, & magnolabore, & multis cogitationibus vix librū ejus contra incarnationem reperire potuimus. vehementer enim obseruant. & cauent, ne illius libros cum iis, qui non sunt in illis instituti, communicent, ob hanc causam ea solum, &c.*

Leont. lib. 3.
cont. Eutych.
& Nest.

Quod ad Theodoretum attinet; Testatur quoque Pelagius Pontifex, à Catholicis illos duntaxat Theodo- retilibros repudiatos & interdictos fuisse, qui fauerent

Pelag. Ep. cir.

Nestorianis. Quis non videat, ait Pontifex, quanta temeritate plenum sit, Theodoretum scripta superbiendo defendere, quæ eundem ipsum constat recta post proficendo damnaſſe. Dum verò eius & personam recipimus, & ea, quæ dudum latuerant prauæ scripturæ reprobamus, in nullo à ſæctæ Synodi actione deuiamus: uia ſola eius hæretica ſcripta reſpuentes, & cum Synodo adhuc Neſtorium inſequimur, & cum Synodo Theodoretum profitemem recta, veneramur. Alia verò ſcripta illius non ſolum recipimus, ſed eis etiam contra aduerſarios utimur.

Sohn diſp. de
omni præſent.
corporis Chri-
ſti The. 18. 19.

Notanda eſt autem hoc loco ſpiſſa ruditas & inſci-
tia eorum prædicantium, qui librum Concordiæ Tor-
gæ primùm architectati ſunt, Smidolini, inquam, Chem-
nicii, Selnecceri, Chytræi, Muſculi, Corneri, quos refert
Georgius Sohn, Caluinianus Miniſter, affirmare, Theodo-
retum Neſtorianum eſſe, atque olim hoc nomine damnatum fuiſſe;
neque hunc errorem unquam retractaſſe. Quod proſectò
ignorantiæ historiæ lōgè eſt illuſtriſſimum exemplum,
cuius neſcio à quo admonitos ipſos Auctores poſtea
puduit. Idcirco hoc ruditatis ſux testimoniū expun-
xerunt, cum Bergæ Concordiam illam ſuam relam-
berent.

CAPVT IV.

De libris Origenis.

DE his magna fuit olim in Eccleſia diſſenſio, ut ſuo
loco dictum. Tandem in eam ſententiam creb-
rioribus ſuffragiis itum video, ut libri illi interdice-
rentur. Sed dicet aliquis, inquit Vincentius Lirinien-
ſis, corruptos eſſe Origenis libros. Non reſiſto, quin po-
tenta

Lib. 1. cap. 11.

Vincen. c. 23.

eius & malo: Nam id à quibusdam & traditum & scriptum est, non Catholicis tantum, sed etiam hæreticis. Sed illud est quod nunc debemus advertere: Etsi non ipsum, libros tamen sub nomine suo editos magna esse tentationi qui multis blasphemiarum vultu-eribus scatentes, non ut alieni, sed quasi sui & leguntur, & amantur, ut etsi in errore concipiendo Origenis non fuit sensus, ad errorem tamen persuadendum Origenis auctoritas valere videatur. Iure igitur olim interdixituerunt.

Virum autem tantis & tam tetrīs erroribus ipse Origenes libros suos contaminarit; an hæreticorum improbitas; an verò partim Origenes ipse, partim Hæretici, id discutere non est huius loci. Primum sensisse videtur sanctus Hieronymus; secundum Ruffinus, & cum hoc Pius Mirandulanus; quanquam tertium fortasse omnium propinquissimè ad veritatem accedit. Aegrè ferebat olim non Pamphilus, sed Eusebius Pamphili libros Origenis ab Orthodoxis veneni instar deuitari, lectoresque & amatores Origenis rectè sentientibus odio esse. *Aduersus eos qui hac legunt, inquit, hostiles inimicitias sumunt, tam pertinaciter id agentes, ut nulla prorsus venia eos dignos haberi putent: ne ea quidem, quæ impartiri solet verbi gratia his, qui Græcorum secularium libros, vel nonnunquam etiam hæreticorum percontandi atque cognoscendi studio decurrunt.* Nihil mirum, ô Eusebi; celebre enim nomen Origenis erat, quo vel solo cuius absque vllis argumentis in errorem induci poterant error. magistri est in Ecclesia Dei tentatio populi, & tanto maior tentatio, quanto ipse est doctior, qui errat.

*Mirand. in
sua Apolog.
Euseb. in A-
polog. pro Or-
igen.*

Ego ita sentio, ait Vincentius, quod cum multos in hoc tentandi genere proferre valeamus, nemo panè sit; qui Origene tentationi valeat comparari, in quo plura adeò præclara,

adeò singularia, adeò mira exstiterunt, ut inter initia habendam eunctis eius assertionis fidem, quiuis facile iudicaret: Quod pluribus deinceps ostendit Vincentius. Nihil ergò à ratione alienum fecerūt, quilibet Origenis ex manibus mortalium excutere conati sunt, ne cum amore tanti viri influeret sensim in animum amor perniciosorum dogmatum.

Ab his, qui Origenis libros legunt, ait Eusebius, penitus exclusum putant mandatum, quo probabiles iubentur esse trapezita, scientes, quod bonum est retinere; ab omni autem specie mala abstinere. Iubentur quidem omnes probatos nummularios imitari; sed quid sit tantum artis & ingeni non sit, (sicut profectò plerisq; non est) ut probatos nummularios imitari queant; quibus non rarò accidit, ut aureum nummum trutinando se elegisse credant, cum elegerint plumbeum. Omnibus Hæreticis solenne est vociferari, Omnia probate; quod bonum est, tenete; quasi non liceat omnibus malè examinatis in electionem alicuius mali impingere per errorem, ut verè & scitè Tertullianus dixit. Quid si Ecclesia, seu Ecclesiæ Antistites vetent, ne quiuis promiscuè officio trapezitæ fungatur; ut vetuit, nec semel, quod ad libros Origenis attinet? An, nò obstante tali interdicto, quilibet absque discrimine monumenta illa euoluet, arreptaque lance expendet quid genuinum sit, quidue adulterinum? Hic quidem Hæreticis mos innatus est, non orthodoxis, qui vocem illam Domini in animo perpetim circumferunt: Si Ecclesiam non audierit, sit tibi sicut Ethnicus & publicanus.

Quid si ipsa naturæ lex & præscriptio à tali probatione & experimento arceat propter periculum erroris & ruinæ? quod sanè ex lectione librorum Origenis præ-

sens

Tertull. lib. de
præscript.

sens imminabat ob summam viri auctoritatem, nominisque celebritatem, qua totum Christianum orbem replauerat. *Quanta apud omnes illius admiratio, inquit Vincentius, quanta gloria, quanta gratia fuerit, quis exequi valeat? quis non ad eum paulò religiosior ex ultimis mundi partibus aduolauit? Quis Christianorum non penè ut Prophetam, quis Philosophorum non ut Magistrum veneratus esset?* Ipse quoque Eusebius scribit vitio datum Origenis cultoribus, quod quasi in numero Apostolorum vel Prophetarum tam Origenem, quam dicta eius collocarent. *Sed de hoc certum non habeo, subdit Eusebius, verum calumniandi voto ista tantummodo jactitent, an & verè ab aliquibus simplicioribus & propensiori affectu diligentibus virum, aliquando fortassis tale aliquid audierint. At procliue est nescire, quod scire non lubet.*

Si Eusebius studium Origenistarum in Origenem discere voluisset, factu utiq; id pronum erat; neque enim minore affectu in illum ferebantur, quam hodiè nostri nouatores in suos duces & auspices; quos *Helia, Euangelistarum, Prophetarum; & Apostolorum* speciosis titulis exornant, quibus tamen tanto minus venia danda est, quanto minus noui errones ad eruditionem Origenis accedunt, quem ipse etiam Porphyrius tamen capitalis Christianorum hostis ad *arcem totius scientia* euectum esse, ingenue confessus est.

Addit Eusebius; ea, quæ Origenes litteris mandauit, & in quibus hallucinari visus est, non *asserendi, sed disputandi* caussa prolata fuisse; idque ipsum Origenem non semel profiteri, ut & hoc, sibi non constare, quæ sit verior sententia; ac in lectoris arbitrio posuisse, ut eam, quæ magis arriserit, cæteris anteponat. *Vetus hæc est cantilena, & jam ipsa temporis diuturnitate contrita, quam nobis itidem occidit Auctor ille*

Phot. No-
lum. II 7.

apud Photium in Bibliotheca, qui post Eusebium Apologiam pro Origene texuit: Ait enim, ἢ γυμνασίας διὰ τοῦ χάριτος εἰρηδοῦν, ἢ ὑπὸ ἄνων ἐπερὸς ὀξὺν παρὰ μελέτην ποιεῖν. *Talia vel exercitationis gratia ab illo scripta, vel ab Hæreticis intrusa.* ἡ δὲ ὑπὲρ αὐτοῦ ἀπολογία οὐκ ἐσιλεύσις τῶν ἐπικλημάτων ἀλλὰ συνηγορία τῆς κατηγορίας. *Hæc defensio non est criminum obiectum dilutio, sed accusationis confirmatio, ut rectè dixit Photius;* quid enim necesse erat oia ponere; quibus ab alio exclusis, regulus seu basiliscus in Christiano orbe progigneretur? Quid opus digitum intendere ad impietatem, aliisque viam ad perniciem munire?

Vincent. c. 23.

Quotus enim quisque, tanti ingenii, tanta doctrina, tanta gratia, virum à se facile deponeret, ac non potius illa viceretur sententia, se cum Origene errare malle, quam cum aliis vera sentire? Quotusquisque erat, qui eò non irrueret, quò tantus vir innueret? ut taceam plurima ab omni pietatis ratione prorsus abhorrentia ab eo non inquirendo aut dubitando, sed afferendo tradita. Neque inficiamur, quæ Eusebius de probatissimis Origene moribus commemorat: Nam si vita facit auctoritatem, inquit Vincentius, magna illi industria, magna pudicitia, patientia, tolerantia fuit, qui pro Christo, non solum patre, sed omni quoque facultate priuatus, tantum inter sanctæ paupertatis profecit angustias, ut pro nomine dominicæ confessionis, sapius, ut ferunt, affligeretur. Attamen hic tantus ac talis; dum gratia Dei insolentius abutitur, dum ingenio suo nimium indulget, sibiq; satis credit: cum parui pendit antiquam Christianæ religionis simplicitatem, dum se plus cunctis sapere præsumit; dum Ecclesiasticas traditiones, & veterum magisteria contemnens, quædam scripturarum capitula nouo more interpretatur, meruit, ut de se quoque Ecclesia Dei diceret: Si surrexerit in medio tui Propheta, &c non audies verba Prophete illius.

Quam-

Quamobrem rectissime olim fecerunt; qui ab Origenis libris & se & alios abstinuerunt; cū pellacia sua quēvis in perniciales errores inducere potuerint. Nec malè factum, cum quidā eō usq; processerunt, vt ne bona quidem ab Origene profecta reciperent; id enim eo consilio agebant; ne dum bona animo arriderent; simul etiam mala arridere inciperent: Arduum enim tunc erat; vt quis partē duntaxat Origenis probaret; partem improbare. Itaq; vt à mali se redderent securos, ipsa itidem bona repudiabant. quod hoc etiam a uo usitatum est cum Hæresiarcharum libri; ex quibus pleriq; odio hærescos & timore lapsus, ne bona quidem haurire volunt; imò nec licitè possunt, absq; superiorum permissu, vacante id lege Ecclesiastica. Cæterum cur hodie libri Origenis, qui exstant, cunctis permittantur; alibi ratio reddita est.

CAPVT V.

De Nicolao primo Pontifice, monente Michaellem Imperatorem, vt exemplaria Epistolæ suæ in Apostolicam Sedem contumeliosa exurat, & de libro Nicetæ Pectorati concremato.

CVM Michael Imperator Constantinopolitanus se moribusq; suis dignam, Apostolica autem Sede indignissimam Epistolam ad Nicolzum Pontificem dedisset; Pōtifex intrepidè in hæc verba rescripsit. *Quapropter, Imperator sublimissime, diligenter propter Dominum inquirentes atq; scrutantes, si vestra illam non fuisse præceptione tam*

Lib. 1. ca. 14.

Nicol. ep. 1. ad
Micha. Impe.

canosam

canosam inueneritis confectam, inò toxicatis syllabis infectam Epistolam (ut interim de tot præstigia texentium poena taceamus) quam illi vobis zelo veritatis flagrantibus inuoluere conuenit saltem huius socia accepta, & palam cunctis igne succensa per Augustales vestros tam nobis quàm omnibus, ad quorum notitiam peruenit, destinatos apices competenti satisfactione à tam peruerso sensu, & tam profanis adinventionibus, quod à sensu vestro non fuerit commentis tradita, vos exhibere prorsus immunes.

Iam verò si vobis in multis huiusmodi sollicitudinibus occupatis, surreptum est, ut talia scribere mandaretis, ne pigeat clementiam vestram hoc etiam humiliter confiteri, & legibus vestris, ut huiusmodi scripta nullius habeantur momenti, decernere, ita ut penes quem reperta fuerint, impunito non euadente, ipsius quoque saepe memorata & execranda Epistola vel exemplaris eius apices (intemeratis pro reuerentia manentibus sacris dictionibus) flammeo dedantur igni voranda, ut à sinistro opinionis nauo, quem ex blasphemis scriptis incurreretis, cauere valeatis, &c.

Sin autem, scitote quoniam postquam in hac vos pertinacia persistere sine tenus velle comperimus, primum quidem congregatis cunctarum occidentalium regionum venerabilibus sacerdotibus, dictatores & dispositores atque, preceptores tanta fallacia, seu crudelissima derogationis sanctorum vel paternarum traditionum, ab omni Christiana compage remotos, Apostolica freti auctoritate, diris anathematis vinculis innodabimus: nec von & patrum & prædecessorum meorum secuti vestigia, qui soliti sunt etiam numerosorum concilia nequiter celebrata cassare pontificum, si qua sociata sunt crebro dicta vel exemplaria fortassis Epistolae; quin potius non solum hæc, sed & omnia scripta, quæ vel aduersus fratrem & Cœpiscopum nostrum Ignatium iniquè confecta, vel aduersum nos causam illam canonicè prosequentes furiosè deprompta sunt; penam damnationi mandabimus.

Deinde

Deinde verò decernentibus nobiscum & simul confidentibus iudem sanctissimis fratribus & Coëpiscopis nostris, ipsam Epistolam in *S T I P I T E*, videntibus cunctis, *S V S P E N S A M*, vasto supposito foco, ad vituperium vestrum coram omnibus nationibus, quæ penes memoriam sancti Petri multipliciter inveniuntur, extrema perditioni donabimus, quatenus his rite patratæ, discas pius, quod amet, & crudelis quod timeat, &c. Non possumus in Ecclesia Dei dissimulando tam spurca relinquere germina, quæ antecessorum nostrorum beatissimorum pontificum tempore, aut nunquam exorta, aut certè si undecunq, aut quomodocunq, exorta sunt, eorum iudicij ligone, antequam proficerent, radicitus extirpata sunt. Et post pauca. Alioquin, ut iam præfati sumus, sic Deo favente de cætero vigilabimus, & studio, quibus possumus, insistemus, ut inter exanimis computentur, qui auctoritatem Petri non senserint, imò Dei hanc ordinantis in Petro non intellexerint, ita ut nec ista, quæ perniciosè compilata sunt, defendere, sed nec similia scripto tradere, vel in mente voluere quis ulterius audeat.

Hæc Nicolaus Pontifex, quem technæ Græcorum in deprauandis libris & litteris non minimè fugiebant, Quocirca Epistolam suam hoc anathematismo munitam in Græciam misit. Quisquis interpretatus eam fuerit, & ex ea quidquam mutauerit, vel subtraxerit, vel addiderit, præter illud, quod idioma Græcæ dictionis exigit, vel interpretantis scientia intelligendi non tribuit, anathema sit. Putat Baronius blasphemiam Michaelis Epistolam fuisse postea sub Adriano secundo, Nicolai successore, cum libro Photij combustam; de qua exustione iam alibi satis dictum est.

Baro. To. 10.
anno Christi
868.

De Niceta Pectorato Monacho Constantinopolitano, Latinorum disputationibus convicto, & ad sanio-rem mentem reducto hæc referuntur in succincta & compendiarîa relatione eorum, quæ gesserunt Apocrisarij sanctæ Ro-

De

mana

mana & Apostolica Sedis in Regia Urbe. Anno undecimo imperij Constantini Monomachi, ipso die Natiuitatis Ioannis Baptistæ: aduenientibus à Domino Papa Leone nono Apocrisarius sanctæ Romanæ & Apostolicæ Sedis, Humberto scilicet Cardinale Episcopo Syluæ Candidæ, & Petro Amalphitanorum Archiepiscopo, Friderico quoque Diacono & Cancellario, ad Monasterium Studij intra urbem Constantinopolitanam, Niceta Monachus, qui & Pectoratus, ante præsentiam præfati Imperatoris & procerum eius insistentibus ipsis nuntiis Romanis, anathematizauit quoddam scriptum sub suo nomine contra Sedem Apostolicam & omnem latinam Ecclesiam editum, & prætitulatum, de Azymo, de Sabbato, & de nuptiis Sacerdotum. Insuper anathematizauit cunctos, qui ipsam sanctam Romanam Ecclesiam, negarent primam omnium Ecclesiarum esse, & qui illius fidem semper orthodoxam præsumerent in aliquo reprehendere. Post hæc statim in conspectu omnium ad suggestionem eorundem nuntiorum Romanorum, iussit idem orthodoxus Imperator, præfatum incendi scriptum, sicq; fuit discessum.

CAPVT VI.

De libris Hussi & Wiclephi.

Multa de his scripsi li. 3. de iure prohibendi libros noxios cap. 17. sed postea incidi in ipsa Hussi opera, in quibus varia de hac librorum suorum & Wiclephicorum exustione tractat; quæ partim referenda, partim refellenda duxi, quia ut Lutherus, ita Sectarius iste Bohemicus operum suorum concremationem, indignissime tulit: & in conflagrationis huius auctores omnis generis criminationes plenis buccis exspuit, non secus ac Lutherus, qui Hussi vestigia diligenter sectatus est; quod

quod quidem ad hanc animi imparietatis & efferati impotentiam & insolentiam attinet. *Fideles & in Deo dilecti Christiani*, ait Hussus ad suos, *ne deserremini illorum, qui in eo erant, lata de libris meis sententia. Illi huc & illuc dispergentur, tanquam volantes papiliones, & eorum statuta durabunt, ut tela aransarum.* Huss. Ep. 12.
Tom. 1. operum.

Hæc Hussi prædictio tam vera fuit: quàm prædictiones Lutheri, ex quibus Prophetæ nomen sibi comparare studuit; & verò etiam obtinuit, at non nisi apud suos; aut si & apud alios; id de Baalítico Propheta intelligendum est. An non enim Catholicæ & Romanæ Ecclesiæ cultores & sectatores, qui Hussum vnà cum suis operibus damnârunt, *velut papiliones* dispersi & disiecti sunt? An vestigium de illis superat? An non decretum vetans libros Hussiticos fumi instar euanuit, & in tenues auras dilapsû interiit? An non volumina Hussi ubiq; regnant, omniûq; manibus teruntur, & in omnibus bibliothecis primas tenent; & adeo quidem vt extra Bohemiam difficillimè reperiantur; exq; centum eruditis vix vnus sit, qui Hussi libros viderit, nedum legerit; licet non ita pridem à Lutheranis (quos Hussus si viueret, pro Hæreticis haberet) Norimb. 1583
& 1558. typis descripti fuerint. Talia nimirum sectarij oracula fundunt; quæ exitus ita probat, vt quàm ex præsago peccatore prodierint; nemo nisi cæcus perspicuè non cernat.

Alibi idem Hussus suos corroborare & munire nititur, ne in exustionem suarum lucubrationum, quasi in petram scandali impingant. *Monendos vos esse duxi*, inquit, *ne paucatis, neue terreamini, eò quod aduersarij libros meos comburendos decreuerunt: quod his argumentis suadet. I. Quia impij olim conciones Hieremiæ combusserunt. II. Pari impietate flammis grassati sunt scelerati in vniuersam Dei legem.* Huss. Epist. 13.

ut ex libris Machabæorum liquet. 1 II. Quia Ethnici tempore legis nouæ sanctos cum libris diuinæ legis concremabant. 1 V. Cardinales condemnauerunt, & igni tradiderunt quosdam libros sancti Gregorij, & omnes tradidissent, nisi à Deo per Petrum Gregorij ministrum fuissent defensi.

Verum ad tria priora facilis est responsio. Maximo enim discrimine distant, liber Hieremiæ; libri diuinæ legis tam veteris quam nouæ, & libri Hussi. Nam illi à Deo manarunt; isti ab aduersario Dei. Illi abundant pietate; isti impietate. Illi omnis veræ & incorruptæ religionis fontes sunt & doctores: isti omnium prauarum opinionum & sectarum seminarium. Quare immeritò in illos igne scuitum est: meritissimò autem in istos rogo animaduersum. Maximo etiam discrimine secernuntur illi, qui sanctos libros exusserunt; & illi; qui Hussi chartas pyre adiudicarunt. Illi enim aut Ethnici erant, aut alioquin Deo eiusq; legatis rebelles, immorigeri, & refractarij: Hi verò erant Ecclesiæ orthodoxæ præsules; ad clauum Christianæ Reipublicæ sedentes; & in Concilio Constantiensi legitimè congregati. Quocirca causæ nihil est; cur causam suam Hussus iungat cū causâ veterum illorum; qui olim in exustione suorum librorum iniuria affecti sunt. Multò accommodatius produxisset Hussus exempla de libris Arii, Porphyrij, Nestorij, Eutychis, Apollinaris & similium, iussu Præsidum Ecclesiasticorum & politicorum quondam in ignem abiectis. Quantum enim solatij, quantumq; roboris adtulisset & inspirasset suis, si orationem in hunc modum conformasset! Olim in cineres versi sunt libri Arii, Prophyrij, Nestorij, & innumerabilium maiorum & antecessorum nostrorum; nemo igitur vestrum mirari, multoq; minus scandalizari debet; si eadem fortuna libros meos maneat.

Quod

Quod ad libros S. Gregorij attinet; Cardinales incendij illius auctores fuisse; comminiscitur Hussus in gratiam Cardinalium; vt illis apud Hussiticum vulgus beneuolentiam & amorem conciliet. Nam Ioannes Diaconus nullam Cardinalium mentionem facit. Sed quidquid sit de hoc, à libris sancti Gregorij non est, quod Hussus suis aliqui d subsidij & patrociniij promittat. Nam libri S. Gregorij plenissimi erant diuino spiritu, ac proinde omni ratione conseruandi, & multiplicatis exemplaribus in vniuersum terrarum orbem disseminandi; at libri Hussi contrario spiritu abundabant. Quocirca rectissime data est opera; ne latius serperent & propagarentur; illi autem, qui iam in vulgus manauerant, opprimerentur.

Porro cum Archiepiscopus Pragensis Sbynko, diplomate publico mandasset; vt quicumq; libros Viclephi (ex quibus omne virus Hussus suxerat, & ad alios transfuderat) penes se retinerent; *Thesaurario* suo intra prestitutum diem traderent; Hussus, collecta asseclarum manu, ad Sedem Apostolicam appellauit, eamq; appellationem adhibitis cunctis, quæ à Iure requiruntur, solemnibus, in litteras retulit; quæ & hodie inter opera eius exstat.

De qua appellatione antequam plura dico, lectori monitum volo; Lutherum, non modò hanc appellandi versutiam exemplo Hussi vsurpasse; sed & ipsas loquendi formulas propemodum ex Iussu sublegisse, quod manifestum fiet cuiuis volenti Lutheri appellationes cum appellatione Hussi comparare. Dixi autem; *appellandi versutiam*. Quia vt Hussus ab Archiepiscopo Pragensi ad Sedem Apostolicam appellanti propositum nunquam fuit, Sedis Apostolicæ decreto obtemperare; ita & Luthero

Dd 3

à Car.

*Vide lib. 1. de
iure prohib.
lib. cap. vlc.*

*Tom. 1. operum
Hussi.*

Vide Appell.
Luth. Tom. I.
Lut. VII.

à Cardinale Caietano ad Pontificem summum Leonem X. appellanti nunquam in mentem venit ; vt se summi Pontificis sententiæ submitteret , id quod liquido inde apparuit ; quia paulò post à Pontifice ad Concilium appellauit , eadem prorsus vanitate , qua prius à Caietano ad Pontificem appellârat , nimirum ea solum de causa , vt omnes ludibrio haberet ; quam artem ab Husso didicerat : qui multa in Sbycnkonis sententiam velut iniquam , sibi quæ & suis gregalibus nimium *onerosam* odiosissimè declamauit ; vt & postea Lutherus fecit aduersus Caietanum & summum Pontificem.

At cum Archiepiscopus Pragensis vesani Hæretici vociferationes parum moratus , interea à summo Pontifice nouum mandatum obtinuisse ; vt telam , quam aduersus VViclephilibros orsus fuerat , pertexeret ; Pontificis quæ auctoritate munitus Archiepiscopus nouum edictum contra VViclephicos libros euulgasset , tum demum Hussus cum suis , furiis agitatus iniquis , totis viribus in Archiepiscopum insurgere , decretum quæ Apostolicæ Sedis surreptitium & fraudulentum esse stentorea voce clamitare institit. Sed non abs re erit partem aliquam Edicti Archiepiscopalis abscribere.

Christi nomine inuocato , pro tribunali sedentes , & ipsum Deum solum præ oculis habentes , per hanc nostram sententiam definitiuam pronunciamus , decernimus in his scriptis , libros & tractatus Ioannis VVicleph , infra scriptos , videlicet : Dialogum , Trialogum , de incarnatione Verbi diuini , de corpore Christi , de Trinitate , de ideis , de materia & forma , de hypotheticis , de indiuiduatione temporis , de probationibus propositionum : de Vniuersalibus ; super Euangelia Sermones per circulum anni. De domino ciuili. Decalogum , de Simonia , de attributis ; cum manifestè in se hæresin & errorem contineant eandem nandos fore , & præsen-

presentibus condemnamus, & ut à fidelium oculis amoueri valeant, decernimus esse cremandos, & ipsos, quantum in nobis est, à fidelium oculis per ignis voraginem amouemus, &c.

Postea rebelles, & contra hanc prioremque suam sententiam libros VViclephicos legentes & retinentes primò, secundò, tertio & peremptoriè communiter & diuissim, requirit ac monet, quatenus intra sex dies à notificatione presentium continuò & immediatè sequentes, libros & tractatus Ioannis VVicleph in Curia Archiepiscopali in Camera Thesaurarij deponant cum effectu: quæ omnia Archiepiscopus auctoritate Apostolica imperabat. quam Hussus, communibus omnium hæreticorum technis & sutelis eludens, obiiciebat primò, Pontificem malè fuisse informatum; se proinde à malè informato appellare ad melius informandum. Quo actu Lutherus quoque sententiam Caietani, imò ipsius Sedis Apostolicæ declinans, à præfato sanctissimo Domino nostro Papa, inquit, non bene informato, eiusque prætenso commissione, ad supradicti Domini Procuratoris Fiscalis instantiam (ut præfertur) signata ac à prætensis ludicibus & citatione supradicta, ac prætenso processu contra me forsitan instituto aut instituendo, & omnibus inde secutis & secuturis, & quolibet ipsorum, nec non à quolibet futuro grauamine, quod mihi ex eo venire poterit, ad sanctissimum Dominum in Christo Patrem & Dominum nostrum, Dominum Leonem, diuina prouidentia Papam X. melius informandum prouoco, & appello in his scriptis, &c.

Sed paulò post eodem prope verborum tenore appellauit Lutherus ad Concilium, futurum legitimè, ac in tuto loco; hoc est, ad concilium Lutheranum; quod omnia Lutheri dicta & facta calculo suo probaret, ac rata haberet; neque enim vllum aliud Concilium pro legitimè congregato flagitiosus Apostata aut agnoscebat, aut agniturus

turus erat. Hæc de Luthero monere visum est; ut lector videat, simili via & mente Hæreticos ad errorum suorum defensionem procedere.

Addebat Hussus, Edictum Pontificis & Archiepiscopi fraudasse Evangelio; attamen non Christi; sed VViclephi & Husli. *Falsitate & mendaciis abundare.* Quid ita verò? Quia asserbat, in Bohemia & Moravia varias hæreses pullulare. An hoc mendacium erat? An dogmata VViclephi & Husli non erant hæreses? Certè erant, & quidem omnium iudicio, exceptis ipso VViclepho, Husso & sectatoribus; quorum iudicium nec expectandum, nec vlllo loco habendum erat. Nulla enim hæresis vnquam hæreseos nota inuri & damnari potuisset, si id sine ipsorum Hæresiarcharum suffragio fieri non potuisset.

Quod autem Sbincko anno Domini 1408. testatus est in prouinciali synodo; *habita diligenti & exacta inquisitione neminem erroneum vel hæreticum incivitate, Diœcesi & prouincia sua Pragensi repertum esse, aut reperiri potuisse;* id si verum est, nihil obstat; quia Hussus, vafer & plane vulpinus, egregiè sua dogmata velare, & tegumento fraudulentia excellenter tegere norat, doctus quidquis simulare & dissimulare; donec tandem vires nactus in apertum prorupit, & Ecclesiastico magistratui in faciem restitit. Quem modum tenuit quoq; Lutherus, sensim progrediens, vrinitio nequitia vix nisi à bene oculato perspici posset. Quam ergo flammam prius non viderat Sbincko, (si non vidit, nam Husli fides apud me vacillat) eam postea clarius relucens, & extrema quæq; minitantem facili negotio vidit, & ingemuit.

Illud insuper obiicit Hussus, causæ huius cognitionem ab Alexandro alteri fuisse commissam; ac proinde, lite pendente, Archiepiscopum Pragensem nihil innouare posse

posse in vilipendium litispendentia, ut ipse loquitur; Edicta quoq; Archiepiscopi nullum robur habere, eò quòd inter-
ea Alexander Pontifex ex hac vita migrarit. Quasi verò cū Pontifex notionem alicuius causæ certo iudici commit-
tit, eandem à priore reuocatam non queat alteri delega-
re, si ita necessitas postulet; ut quidem tum postulabat, Hussi secta indices maiora incrementa capiente. Nec morte Pontificis exstinguitur Pontificis constitutio, ma-
ximè tam necessaria, quàm erat illa de VViclephi, Hussi-
quæ secta maturè coërcenda.

At probat Hussus libros VViclephi non fuisse pro-
hibendos. I. Quia multi ex illis erant Philosophici;
Logicales, Mathematicales, & Theophysicales; Sic enim Hussus
pro sua elegantia loquitur. Respondeo; Omnibus istis
VViclephus perniciosissimos errores asperferat. Quare
merito interdicti sunt. Et ut errorū puri fuissent, propter
alios tamen, quos idem ex professo contra orthodoxam
fidem scripserat: jure optimo proscribi & exuri poterāt.
Iustè enim infligitur hæresiarchis hæc poena, ut nec bona
illorum monumenta, si quæ bona sunt, viuant; sed si-
mul cum malis intereant: sicut & in veteri lege sæpè præ-
cepit Deus, ut non modò fontes, sed & insontes in son-
tium detestationem delerentur; idèò duntaxat, quia ali-
quid fontium erant.

II. Constat Moysen & Danielelem, Egyptiorum, Chaldaeo-
rum, Gentilium, & infidelium, quarum superstitiones perhorre-
bant, libros habuisse, & vi eorum scientia excultos fuisse. Re-
spondeo: neq; Ecclesiam huiusmodi librorum lectione
vetare, si nihil aliud, quàm naturalium rerum scientiam
tradant, ut tradebant illi, quorum cognitionem, & forsā
etiam possessionem prædicti sancti adepti sunt. At libri
VViclephi omni in Deum, veteremq; religionem impi-

etate redundabant: & scripti fuerant eo fine, vt fidem antiquam eluerent. Quare iustissime ad rogam quæsi & damnati sunt, ne plures inficerent. Et vt quidam ex illis nulla erroris macula contaminati fuissent, decebat tamen, vt perirent, quia VViclephi, hominis perditus erat, quiq; ex proposito Catholice p̄fessionis dogmata euellere tentauerat; & qui placuisset in libris Philosophicis, facile quoq; animos leues & inconstantes sibi deuinxisset in Theologicis, vt eque veritati consentanea cesserentur, atq; illa philosophica, & ad solam naturalium rerum cognitionem pertinentia.

III. *Ipsa Ecclesia non Gentilium, sed Hæreticorum libros pro necessitate & tempore legere præcepit.* Vbi hoc præceptum? At sit præceptum. Si audis Ecclesiam præcipientem, vt libri Hæreticorum pro tempore & necessitate legantur, audi eandem præcipientem, vt libri Hæreticorum pro tempore & necessitate non legantur. Eadem enim Ecclesia cum hoc, tum illud præcipit. Nec vnquam præcepit Ecclesia, vt omnes promiscue, etiam ex medio vulgo, Hæreticorum libris euoluendis operam impendant; cum indocti multò citius pestem, quàm salutem ex libro Hæretico hauriant, ignari recta à prauis discernere; aut recta præ prauis eligere. Nam quod adicit de Paulo, qui *versus Ethnicorum scripturis immiscuit*, id friuolum est; quia alius est Paulus, alius Hussus, & grex Hussiticus. Alius Aratus, alius Menander, ex quibus S. Paulus versus protulit: & alius Hæresiarcha VViclephus.

IV. *Litterarum studiosis permittitur Aristoteles, Auerroes, & alii, quorum libri multos errores continent, cur non & libri VViclephistici?* Respondeo, ea de causa, quia VViclephici longè erant pestilentissimi, & ex instituto aduersus ortho-

orthodoxam doctrinam conscripti; At libri Aristotelis, si quid erroris habent, id ex infirmitate & incuria humana accidit: Ea enim ingenii, præsertim fidei luce destituti, imbecillitas est, ut in rebus obscuris, inq; naturæ intimo sinu delitescantibus, facile labatur. Wiclephus verò errores suos ex mera improbitate disseminavit, & in commentarios retulit, minimè nescius, quæ sit yniversalis Ecclesiæ sententia.

Magnam igitur discrimen est inter libros Aristotelis, & V Wiclephi, ut & inter aliorum quorundam monumenta erroribus nonnullis infecta, ut Origenis, quem Hussus etiam pro V Wiclepho adducit, ut postea itidem fecit Lutherus pro suis libris. cui jam alibi respondimus.

Quis verò non rideat, cum Hussum, eiusq; sodales hunc in modum protestantes audit: *protestamur propter æmulos ex superabundanti publicè & expresse, quemadmodum ante a superius fuimus protestati, quod nullum errorem (quorumcunque librorum) tenuimus aut defendimus, tenereq; aut defendere intendimus quoquo modo.* Perinde, ac si fur aut adulter in ipso scelere deprehensus, protestaretur, se nullum furtum aut adulterium commissurum: cuius protestatio an non risu, vel potius sibilis dignissima foret? Quàm stultum est protestari se facere nolle, quod facit, & dum facit, ita ut factum & protestatio aduersa fronto sibi mutuo repugnent. Sed iste est Hæreticorum mos, omnes ex suo ingenio æstimare, ut quia ipsi in stipites conuersi ni-

hil absurditatis sentiunt, putent alios itidem omni sensu destitutos.

¶ (:) 20

Ee. 2.

CA.

CAPVT VII.

Refutatio libelli Ioannis Husi, quem inscripsit; de libris Hæreticorum legendis.

*Vide cap. 25.
S. 29. lib. I.*

REM ipsam statim aggreditur Hussus, sine vlllo proce-
mio, quasi apud Arcopagitas dicat. *Libri Hæretico-
rum, inquit, sunt legendi, non comburendi, dum in ipsis veritas
continetur. Probatur auctoritatibus Sanctorum, Augustini, Hiero-
nymi, Ambrosii, Bedæ, Theodori, Liberati, Cyrilli, Gelasii
Papa, Canonibus & ratione.* Huic argumento oppono
ego, & quidem iustissimè istud. Libri Hæreticorum sunt
tegendis & comburendi, quia in ipsis falsitas continetur.
Probatur auctoritate totius antiquitatis, cuius testimo-
nia plurima & luculentissima toto primo libro de iure
prohibendi noxios libros in medium attulimus, refuta-
tis & profligatis omnibus illis, quæ vel ab Hussio, vel à
quocunq; alio perniciosorum voluminum patrono ad-
ducuntur.

Verumenimverò abs re nihil faciemus, si Hussi ar-
gumenta hoc loco sigillatim expendamus, & excutia-
mus eo ordine, quo ab ipso proferuntur.

*Referetur I. q.
I. Cap. 87.
Dominus de-
clarauit.*

Ex S. Augustino quinq; vel sex testimonia produ-
cit, Primum est ex libro 2. contra Petilianum, vbi dicit:
*Sacerdotem malum, quamuis ipse verax non sit, quod dat ra-
men verum esse, si non det suum, sed Dei.* Ergò & Hæreticus
per libros verum dabit, si non det suum, sed Dei. Acci-
piendum igitur erit, nulloq; modo respuendum. Respō-
deo; Mentē D. Augustini esse, vt bonū à malo accipiam⁹
tūc, cū sine periculo accipi potest: Et si Ecclesia (cui tam
obsequēs fuit Augustin⁹) cui⁹ accipiendi copiā faciat; sec⁹
verò,

verò, si accipiendi potestare neget. Iam verò licet Hæretici aliquando bene & bona, veròq; cōsentanea dicant; id tamē non fit sine veneni admixtione, à quo plus discriminis lectori incauto imminet, quàm opis & subsidii à bono qualicumq; libris illis Hæreticis insperato capere queat. Quamobrem Ecclesia de filiorum suorum salute sollicita; non iniuria interdicit, ne quis boni, nescio cuius cupidine illectus, libros hæreticos euoluat; ne dum bonum temerè queritat, grande malum inueniat: nam quod Tertullianus scripsit de Scorpio Hæretico, hoc ad quemuis librum Hæreticum accommodare licet. *Intemat virus, & properat in viscera, statim omnes pristini sensus resorpesunt, sanguis animi gelascit; carne spiritus exolescit, nausea nominis inacrescit. Iam & ipsa mens sibi quò vomat querit, & que ita semel infirmitate quoq; percussa, sauciata fidem vel in hæresin, vel in seculum expuat.* Tertul libro
con. Gnost.

Adde, quod Hæretici ob suam improbitatem hæc pœna non iniuste plectuntur: vt etiam tunc, cum vera dicunt, non audiantur: Sicut neq; Christus Dæmones audiit, quia vera loquentibus silentium grauissimis verbis imposuit.

Accedit, quod S. Augustinus loco citato non loquitur de libris Hæreticis, sed de malis Ecclesiæ præsulibus; quos à subditis audiendos dicit; quòd vt Præsules, non sua, sed ea, quæ Dei sunt, atq; adeò vera, dicant.

Alterum testimonium eiusdem S. Augustini eodē loco. *Si Apostolus nescio cuius alienigena testimonium, quia verum comperitur, etiam ipse attestatus est, cur nos apud quemcunque inuenerimus, quod Christi est, & verum est (etiam si ille apud quem inuenitur, peruersus & fallax est) non discernimus propter vitium, quod homo habet, veritatem, quam non suam, sed Christi habet?* Respondeo, etiam hoc loco D. Augustinum non

agere de libris Hæreticis, sed de malis Ecclesiæ Antistitibus; quibus licet malè viuentibus aures præbendas docet; cum vt pastores, non proponant ouibus sua; hoc est, falsa & vitiosa; sed ea, quæ Dei sunt, hoc est, sancta, & bona. Itaque non video, qua arte hæreticus ex hoc S. Augustini dicto hanc consequentiam extundat. S. Paulus non est aspernatus Ethnicum cuiusdam dictum; quia verum erat; ergo neq; nos aspernari debemus libros Hæreticorum, quando vera canunt. Item S. Augustinus vult, vt mali pastores ab ouibus audiantur; iuxta illud: *omnia quæcunq; dixerint vobis, seruate & facite*: ergo etiam Hæretici suis in libris bona falsis miscentes legendi sunt, vt bona inde excerpamus; mala fugiamus. Nulla est inter ista connexio; neque enim si quid Paulus fecit; id etiam à quouis alio ex imperita vulgi multitudine fieri potest aut debet; neque si Epimenidis aut alterius Ethnicum libri inoffenso pede decurrebantur, ideo etiam hæreticorum libri sine damno à quouis indiscriminatim euolui queunt. Neq; ideo libri hæreticorum proscribendi non sunt; quia non prohibentur libri Gentilium, Poëtarum, Oratorum, & Historicorum. magno enim discrimine distant; quia isti iam extinctos, cunctisque ridiculos errores continent: at illi viuos & spirantes, pestiferamque auram etiamnum efflantes. Quocirca meritò interdicuntur & vitantur; cum si quid boni continent; aliunde id petere liceat, sine vllius detrimenti periculo.

Pari modo, si Ecclesiæ præsulibus fides habenda, obsequiumq; præstandum est, licet non ducant sanctam vitam; non sequitur tamen etiam hæreticos bona & bene suis in libris aliquando loquentes audiendos esse; quia bona loquatur, vt mala persuadeant. Bona proponunt,

nunt, ut mala ingerant. Nec pastores nostri sunt, sed lupi; qui speciem boni prætendunt, ut in retia sua nos pelliciant, pellectosque miserabiliter discerpant.

Tertium testimonium S. Augustini. Multi irruunt in preces non solum ab imperitis loquacibus, sed etiam ab hæreticis compositas, & per ignorantia simplicitatem non eas valentes discernere, viuntur eis, arbitantes, quod bona sint, nec tamen in eis, quod peruersum est euacuat, quæ recta sunt, sed ab eis potius euacuatur. Hæc Augustinus, ubi dicit glossa, quod utilia non vitiantur per inutilia. Respondeo, locum istum penitus nihil ad rem facere. Disputat enim S. Augustinus de forma baptismi, cuius vim negat eneruari, licet consecrationi baptismi adhibeantur preces non bonæ, imò ab hæreticis compositæ; quia, ut ait, certa illa Evangelica verba, sine quibus non potest baptismus consecrari, tantum valent, ut per illa sic euacuentur quacumque in prece vitiosa contra regulam fidei dicuntur, quemadmodum demonium Christi nomine excluditur. Quid hoc ad lectionem librorum hæreticorum?

S. Aug. lib. 6.
de bapt. c. 25.
Ref. Grat. de
consecr. d. 4.
cap. 72.

Non enim eam ob causam duntaxat libri Hæretici vetantur, quod bonum conuertant in malum; (fieri enim potest, ut non conuertant, sicut lutum non conuertit aurum in lutum; quia aurum manet aurum etiam in medio luto) sed quia bonum semper inquinant malo, (sicut is, qui proicit aurum in lutum, aurum contaminat luto) ita ut difficile sit separare bonum à malo; nec nisi à doctis & circumspectis seiungi queat.

Deinde ideo prohibentur tales libri; quia ea vis est mali, ut animos propter insitam propensionem ad malum, multò valentius trahat, quàm bonum; quod tantis

tantis illecebris & blandimentis non est fucatum. Itaque esto, quod, ut sanctus Augustinus ait, *bonum non euacuetur à malo*; istamen, qui mala propter bonum inde seligendum tractat, facillimè vi mali euacuatur; adeò, ut vacuus omnis boni, plenusq; omnis mali à libri Hæretici lectione recedat; qui plenus omnis boni, & vacuus omnis mali accesserat.

Duo autem hic obseruari velim à lectore: alterum, quod sanctus Augustinus ait: *Multorum preces emendari quotidie, si doctioribus fuerint recitatae, & multa in eis reperiri contra Catholicam fidem*. Fas igitur est, tollere & expurgare, si quid orthodoxam religionem offendat, quantum inuitis Prædicantibus nostris, qui hoc tanquam immane sacrilegium detestantur.

Alterum est; Sanctum Augustinum disertè scribere, preces cum *ab imperitiis loquacibus, tum ab Hæreticis compositas, non esse usurpatas, nisi à rudioribus, qui per ignorantiam simplicitatem, non valuerint eas discernere*. Excusat ergò hos propter simplicitatem, minimè id facturus, nisi tales per ignorantiam dignos se excusatione reddidissent. Si igitur huiusmodi homines, quòd hæreticis formulis vterentur, sola simplicitate excusationem merentur; quam veniam merebuntur illi, qui sola curiositate, aut etiam nefaria impietate ducti Hæreticis libris perpetuò vtuntur? De illo: *Vtilia per inutilia non vitiantur*, dicemus infra.

Quantum & quintum testimonium ex libro de Baptismo, & ex libro contra Manichæos, ut quidè Augustinus citat, nihil aliud volunt, quàm ut ex Ethnicorum libris, si quid utile complectantur, id in vsum nostrum excerpamus: quod faciendum esse etiam in Hæreticorum libris, non imus inficias; veruntamen non promiscuè

S. Aug. lib. 13

c. m. Faust. c. 15

Refert. d. 37.

C. si quid veri.

scuè à quouis, sed à gnaro internoscere, quid distent æ-
ralupinis: Item, nisi Ecclesia iubeat, vt potius talis liber
pereat, quam viuat; rata exigua fore iacturam, si vtili-
tas, quæ aliunde securè hauriri potest, non hauriatur pe-
riculosè ex libro Hæretica peste infecto.

Ad eundem scopum tendunt dicta Bedæ, Ambro-
sij, & S. Hieronymi, quæ Hussus ex d. 37. recitat. Et
quoties hæretici vel tacitè vel expressè hanc consecutio-
nem formant: Libri Gentilium securè & fructuosè euo-
luuntur: ergo etiam libri Hæreticorum: toties risum no-
bis mouent, tanquam qui clarissimum discrimen inter
libros Ethnicos & Hæreticos non intueantur.

Sextum testimonium petit Hussus ex libro S. Au-
gustini de vera religione, vbi ait, *Hæreticos plurimum pro-
desse Ecclesiæ*. At certè hæc utilitas non consistit in hoc,
vt libri Hæreticorum passim omnibus permittantur,
neq; istud vnquam affirmavit S. Augustinus; sed in hoc,
quod pastores & doctores Ecclesiæ per hæreticos exci-
tantur, vt excussa omni socordia veritatem contra irru-
entium tela defendant: Cuius defensionis pars non mi-
nima rectè censerì potest illa diligentia, quæ impiis libris
extirpandis impenditur.

Pari facilitate refelluntur, quæ Hussus promit ex
S. Hieronymo: nam cum ait; *Boni aduersariorum detra-
bendum non esse si honestum quid habuerint*; id & nos fatemur; *S. Hier. Epist. ad Pammach.*
laudem enim potius, quam reprehensionem, quâ tales, *O Ocean.*
mereantur: At maxima vituperatione, atq; adeo castiga-
tione digni sunt; quòd, cum scribunt, honestum hære-
tica labe cōmaculant; cuius castigationis portio quædā
est; vt libri illi interdicanr, & flammis adiudicent, nō ppter
bona, si quæ cōtinēt, sed ppter mala, quib⁹ bona inficiūt.

Sic quod idem dicit; *se omnium tractatorum volumina*

colligere; omnia legere, & quod bonum est retinere; id non obstat. Da mihi Hieronymum; & facile ab Ecclesia obtinebit; ut omnium hæreticorum monumenta absq; vllq; discrimine congreget ac percurrat: omniaq; ad iudicij stateram appendat; idq; quod probum est, teneat. Verum enimvero non quia hoc potuit Hieronymus, ideo idem potest quiuvis de triuio sartor aut litterator. Nec illud: *omnia probate*; ad quẽuis pertinet, quasi per se ipsũ omnia probare debeat; sed ad illos, qui huius artis gnati sunt; quiq; eius exercendæ potestati à publica Ecclesiæ auctoritate acceperunt; quo ipso quiuvis etiam plebeius omnia probat; etsi non suã, sed alienã operã; idq; quod iudicio eius, qui aliquid probauit, bonum est; studiose retinet.

Si olim in veteri lege probatio & iudicium non spectabat ad quẽlibet de grege vulgi, sed ad sacerdotes; cur hodie cuius grauissimis in rebus libera iudicandi & probandi facultas concederetur; cum hac facultate ad errores multiplicandos, fraudesq; propagandas nihil aptius excogitari queat?

Leuit. ca. 27. Olim Israelitis hoc præceptum dedit Deus. *Homo si vouerit domum suam, & sanctificauerit Domino, considerabit eam sacerdos, utrum bona an mala sit, & iuxta pretium, quod ab eo fuerit constitutum, venundabitur. Item. Animal immundum, quod immolari Domino non potest, si quis vouerit, adducetur ante sacerdotem, qui diiudicans, utrum bonum, an malum sit, statuet pretium. Ecce sacerdotis est inspicere, probare, improbare; pretium definire; quidq; factu sit opus, explicare: & isti cum de libris Hæreticis, aliisq; ad religionem spectantibus disceptatur; suis cerdonibus adhuc acclamabunt. Omnia probate; quod bonum est, tenete: quasi inerudita multitudo butyrum & mel comederit, ut sciat reprobare malum, & eligere bonum.*

Nec

Nec officit causse nostræ illud eiusdē S. Hieronymi, ubi de Lactantij quibusdam erroribus loquens; tandem subiungit. *Quis mihi interdicere potest ne legam Institutionum eius libros, quibus contra gentes scripsit fortissimè, quia superior sententia (de Spiritu sancto) detestanda est?* Non nesciuit S. Hieronymus sibi & omnibus aliis hoc interdici posse ab Ecclesia, cuius ipse filius erat; sed non passus est hoc sibi interdici ab illo priuato; qui carpebant illum ob lectionem librorum Origenicorum, quibus ipse perquam sedulam operam nauabat; nullo enim vniuersalis Ecclesiæ decreto tunc proscripti erant. At non sequitur, licitum esse, vt quod ius iure suo sibi sumpsit S. Hieronymus, nullo Ecclesiæ præcepto prohibitus; id iam quoq; quicui sibi arripiat, nullo Ecclesiastici interdicti metu absterritus; Non enim omnes sunt Hieronymi; & vt maximè essent; id tamen lege iam lata, sine Ecclesiæ permisso non facerent; idq; cō minus, quo minus Hieronymo dispares essent.

Post S. Hieronymum iungit Hussus trigam testium; quorū vnus Theodorus; alter Liberatus; tertius Cyrillus, quos sanctos nominat. Detertio non laboro; de duobus dubito. Præsertim de primo; qui videtur esse Theodorus Mopsuestenus; Canonizatus ab Hussu, nisi fortassis Theodorum pro Theodoro substituit; neq; enim nominatim locum designat, vnde hoc acceperit. Quid ergo isti? Non propterea dogma verum reiici debere, quod Hæretici illud nobiscū profiteantur; vt quando Ariani dicunt, Patrem esse Dominum & creatorem omnium; non ea de causa fugiendam esse hanc confessionem. Quod libenter confitemur. Sed quid hoc ad libros Hæreticos? Certè, non obstante hac, & quidem vera cōfessione, prohibuit tam synodus Nicæna, quā Constantinus magnus libros Arii eosq; ad ignem damnauit.

Pari modo licet Hussus, Lutherus, Calvinus, & alii quædam vera doctrinæ capita nobiscum profiteantur, non idèd tamen libri illorum tolerari & lectitari debent. Falsa moneta non rarò aliquid auri, aut argenti veri continet. Non tamen propter illud aurum, aut argentum moneta falsa toleratur; sed etiam constitutis suppliciis exterminatur, ita ut in rerum commutatione & contractibus nullo modo expendi queat. Par ratio de libris Hæreticis. Moneta sunt, sed à pseudomone- tariis, & paracharacteris, qui licet aliquid de aurea veritate admisceant; plumbum tamen, auri vel argenti specie coloratum, apponunt: idèd ex foro & publico usu exturbandi sunt; nec nisi peritis concedendum, ut aurum vel argentum à plumbo vel æro seiungant.

Gelasium Pontificem, qua fronte Hussus, aut alii Hæretici producant, mirari posset ille, cui frons Hæreticorum ignota est. At qui novit, hos quidvis audere, eum nulla admiratio capiet. Nam nisi omnem pudorem abiecerint, Gelasium pro se nunquam citarent: quia hæc sunt expressa Gelasii verba. *Numquidnam in ipsorum Hæreticorum libris non multa, quæ ad veritatem pertinent, posita reloguntur? Numquidnam veritas refutanda est, quia illorum libri, ubi prauitas inest, refutantur? Cur idèd prauis libri suscipiendi sunt eorum, quia veritas, quæ illic inserta est, non negatur?* Vbi expressè docet, Hæreticorum libros tolerandos non esse: Licet bona, si quæ fortè continent, non sint repudianda, sed potius amplectenda. tamen si Pontificis mens nequaquam est, ut quiuis rudis & indoctus bona ex hæreticis libris proprio studio seligat, quia hoc illorum munus est, qui id absq; periculo præstare possunt, & quibus ad hoc præstandum copia fit ab Ecclesia, postquam Ecclesia lectionem Hæreticorum voluminum prohibuit.

Nonne

Nonne ipsemet Gelasius decretum de libris noxiis publicauit; quique expetendi, & qui vitandi sint cunctis fidelibus exposuit? Minimè ergo voluit; vt omnes indiscriminatim p se omnia probarent; satis est, quod fideles omnia probent per doctores & pastores suos. Nec quia Hæreticus liber, in quo boni quidpiam inuenire est, proscribitur, idè ipsa veritas proscribitur; repetam enim quod iam aliquoties dictum; quia eadem veritas in aliis libris pura & ab omni labe immunis reperitur, qua cuiuis volenti ad satietatem vsq; frui licet: Nec exstinguitur, nisi quatenus ab hoc malo libro malè & insincerè proponitur. Alibi superest pura, & ab omni labe remota.

Nec iuuat Hufsum illa Iuris Regula; *Vtile per inutile non vitatur*: nam, vt Ioannes Andreas, Dynus, & alij ab ipso Hufso citati, docent; axioma hoc intelligendum est, si vtile ab inutili separari possit: nam quæ separationem non admittunt; in totum vitantur. At in Hæreticorum plerisq; libris tam pauca vtilia insunt; vt si inutilia separet, liber funditus pereat, vel ad paucas pagellas redigatur. Quare cum operæ pretium non sit tantum laboris capere propter paucula quædam vtilia; iure aboletur parum illud tritici cum copiosa Zizaniorum segete; præsertim cum ab aliis libris nobis offeratur, sine vllius lolij admixtu.

Quod si liber ita comparatus sit, vt longè plura vtilia, quam inutilia complectatur, tunc expurgatur & emaculatur; lappæq; & tribuli hæresen euelluntur; quod non semel ab orthodoxis factum, fietq; sæpius, si id exigat vsus. Cæterum, quod Ostiensis, & post eum Ioann. Andreas in cap. *Fraternitatis*, dicunt, *quamuis scripta Hæreticorum auctorizabilia non sint, si quid tamen boni reperitur in iis, id posse induci & allegari, non tanquam auctoritatem, sed*

tanquam rationem naturalem. Id Hussiticæ causæ nihil prodest. Nam & nos hoc non tantum vltro confitemur, sed quotidie reipsa præstamus; ita tamen, vt non quis arbitrato suo ad hæreticorū libros excutiendos profiliat, sed is solummodò, cui facta est legitima potestas.

Iam verò, quod notitia legis abrogata necessaria est; (prout Hussus asseri ait, d. 8. ponc. d. 7. C. Moyses, licet nihil huius in hoc capitulo appareat) quodque Innocentius tertius argumentatur ex lege Theodosiana abrogata, *ext. de Iudiciis cap. Nouit.* quid tandem libertatem legendi libros Hæreticos iuuat? Alia ratio est legis Mosaicæ, quæ sancta est & diuina, legisque Theodosianæ, quæ ex intimo pietatis affectu manauerat; & alia nefariorum dogmatum, quibus ferendis Hæretici insistant; quæ nisi lectariorum importunitas vrgeret, nullus est, qui non mallet nescire, quàm scire, adeò pleraque omnia profana sunt & scelerata.

Necdum à Canonistis abiit Hussus. Opem denuò petit ab Innocentio, Ostiensi, & Ioan. Andrea, qui tradunt, dicta cuiusquam ratione personæ redargui non posse de falso, nisi aliunde falsa probentur.

11. Fridericum Imper. damnatum esse in Concilio Lugdunensi per Innocentium IV. vt patet ex cap. Ad Apostolicam de sententia & rejudicata in 6. & tamen leges eius, quas pro honore sanctæ matris Ecclesiæ, & pro exterminatione Hæreticorum tulit, summo in honore ac pretio haberi.

111. Cyprianum, & cum eo 80. Episcopos redargui & reprobari, d. 32. quod Baptismum Hæreticorum lauacrum Diaboli appellet: Et tamen in libris suis tenetur & acceptatur, inquit Huss.

IV. D. 37. cap. 1. dicit Carthaginense Concilium: Episcopus Gentilium libros non legat; Hæreticorum autem legat pro necessitate & tempore.

V. Baptisma Hæreticorum bene ipsum suscipienti non obest; ergo nec veritas suscepta ab Hæretico obest fidei, cum omnis veritas sit à Deo.

VI. Libri Hæreticorum valent ad excitandum spirituales, verum aperiant, ad pungendum carnales, ut verum quærant, ut dicit Augustinus libro de vera Religione, & ad euitandum & repudiandum errorem quem ponunt.

VII. Multi Canones, multe Decretales & leges abrogatae sunt, & tamen leguntur, exponuntur, & docentur per Doctores, & non delentur, nec comburuntur.

VIII. Aristoteles, & commentator eius Averroes, multos errores commiserunt; & tamen non propterea reiciuntur in his, quae verè scripserunt.

IX. Liber Magistri sententiarum in multis reprobatur, & tamen non comburitur.

X. Lex vetus quo ad ceremonialia iam desit, & tamen non comburitur.

Sed has aranearum telas dissipare nullius negotii fuerit. Ad primum argumentum respondeo, dicta Hæreticorum censerì falsa & impia, nō quia sint huius vel illius personæ, sed quia sint huius vel illius personæ hæreticæ.

Ad secundum respondeo. Leges Friderici reiectas non fuisse, quia piæ, sanctæ, & vtilis erant, quisquis deum ipse Fridericus fuerit: Hinc & à Pontifice Bonifacio IX. acceptæ & renouatæ sunt, ut patet cap. *Ut inquisitionis*, de Hæret. in 6. At Hæreticorum voluminum longè diuersa est ratio, quia impietatem ex professo tradunt: hinc ex professo aboleri debent.

Ad Tertium respondeo. Nec Cyprianum fuisse
Hære-

Hæreticum; nec opera eius Hæretica; licet errorem illum de baptismo hæreticorum contineant; quia à veritate quidem, quod ad hunc errorem attinet, auis iuit; sed non ab Ecclesia, non à charitatis lege. Quamobrem longè alia est eius ratio, quàm hæreticorum, qui perniciofa dogmata, non ex humana imbecillitate & caligine; sed ex diabolica peruerfitate & cœcitate pertinaciffimè defendunt & diffundunt.

Ad quartum Respondeo: Quod Concilium Carthaginense pro neceffitate & tempore Episcopis concessit; id neq; iam Episcopis & Doctoribus pro neceffitate & tempore denegari. Multis enim ea facultas datur, vt libros Hæreticos legant, refellant, & expugnent. Sed vt Carthaginense Concilium noluit huiusmodi libros à quouis ex plebe attingi; ita neq; hac ætate id permittit Ecclesia.

At dices. *Legi debent isti libri; ergo non comburi.* Quasi verò eorum non fit tanta copia, vt licet plurimi exurantur, plurimi tamen superent, qui ad paucorum lectionem fufficiant. Quod si aut Concilium Carthaginense, aut iam quoq; Ecclesia efficere poffet, vt nullus penitus liber Hæreticus exstaret; id profecto longè fatius, & ipfi Ecclesiæ gratius fructuosiusq; foret. Sed quia hoc propter mortalium improbitatem obtinere nequit; faltem id quod in fua potestate fitum videt, efficit; dum fcilicet Fideles edictis à lectione talium librorum arcet; nec nifi doctis, & in fide benè corroboratis vsum eorum concedit.

Ad Quintum respondeo, si Hæreticus folam & puram veritatem fuis in libris offerret, poffet fortaffis admitti; sed quia falutatem fimul admifcet, aut fi reipfa non admifceat, admifcere tamen aut timeretur, aut non

teme-

temerè præsumitur; (nam qui semel malus, semper malus præsumitur ex vetere juris regula) ideò quilibet cum ei ab Hæretico veritas promittitur, occinere potest illud: *Anne vlla putatis dona carere dolis Danaum; (Hæreticorum) sic notus Vlysses? (Hullus, Calvinus, Lutherus) Aut hoc inclusi ligno (libro) occultantur Achivi. (Sectarii) Aut hæc in nostros fabricata est machina muros. Aut aliquis latet error. Equo (libro) ne credite Teucris. Quidquid id est, timeo Danaos (Hæreticos) & dona ferentes.*

Ad Sextum respondeo. Licet Hæretici libri valcant ad excitandos eruditos, pietatisq; & auitæ fidei cultores; plurimum tamen valent quoq; ad euertendos simpliciorum animos, & à sana doctrina auertendos: cum sermo eorum, *ut cancer serpat*. Exacuit pestis industriam medicorum, oscitantesq; & somniculosos impellit, ut de remediis diligentissimè circumspiciant. An ideò pestis non est omni ope & studio comprimenda, & quoquo modo licet, ad nihilum redigenda?

Ad septimum, nonum & decimum idem esto responsum. Videlicet, legem veterem, leges politicas & Ecclesiasticas abrogatas nulli fraudi aut damno esse, ac proinde meritò securitatem à flammis habent. At libri hæretici pariunt perniciem, & lethale virus mentibus inspirant, dulcibusq; venenis lectores suos enecant. Quamobrem nihil conducibilius est, quàm ut ex libris fiant cineres.

Ad argumentum Octauum de Aristotele & Auerroë respondimus suprà, errores illorum jam ipsa temporis longinquitate emortuos, itemque hoc tempore tam apertos, & tanta veritatis luce dissipatos esse, ut nemini periculum creent: nisi qui spontè prorsus sese in exitium præcipitare velint. At errores Hæretici,

specioso CHRISTI & Euangelij titulo compti vendi-
cantur; milleque blandimentis & illecebris instru-
ti, instabiles mentes; quarum pars multò maxima,
pedicis suis & retibus illaqueant. Quocirca nihil est
salutarius, quam ut huiusmodi deceptrices Sirenes non
infelicibus, sed felicibus lignis absque mora vstulen-
tur.

Postquam Hussus sententiã suam de libris non exu-
rendis abundè sibi probasse visus est, conatur etiam sol-
uere argumenta, quibus orthodoxi probant libros Hæ-
reticos Vulcano tradi debere.

Primum argumentum est ex cap. *Fraternitatis* ext. de
Hæret. ubi dicitur: *Cum Cælestinus atq; Pelagius in Ephesina
Synodo sint damnati, quomodo poterunt illa Capitula recipi, quorũ
damnantur auctores?*

Secundum argumentum. *Leges civiles iubent, ut Hære-
ticorum libri comburantur, quod patet ex L. Damnato, & ex L.
Quicumq; C. de Hæreticis.*

Tertium argumentum. *Quia ext. de summa Trinitat.
& fide Cathol. dicitur de Abbate Ioachimo. Si quis igitur sen-
tentiam vel doctrinam præfati Ioachim in hac parte defende-
re vel approbare præsumpserit, tanquam hæreticus ab omnibus e-
mitetur.*

Ad primum Respondet Hussus, *Capitula, Hæreticorum
damnatorum nullo modo esse recipienda. Capitula verò veritatem
continentia, non esse recipienda tanquam auctorizabilia, recipi
tamen posse, ut rationabilia. Cæterum hæc non labefa-
ctant argumentum, sed confirmant. Fatetur enim
Hussus libros hæreticorum iam damnatorum recipien-
dos non esse. Iure igitur per ignem abolentur, & ex
manibus hominum, interdictis, & quandoq; etiã pœnis
propositis exeuntur. Quorsum enim libri damna-
tionis*

tionis nota iam iniusti, nisi ut exurantur?

Quod attinet ad vera dogmata, quæ damnati auctores tradunt; ea quidem absolutè repudiari non debent; repudiari tamen possunt, prout à damnatis auctoribus proficiscuntur; exemplo CHRISTI; qui eandem veritatem (quod scilicet esset filius Dei) Petro Apostolo prædicante, accepit; ut verò à Dæmonibus proficisceretur, non accepit. Neq; ullus ex Canonum interpretibus eius fuit sententiæ; ut diceret, ius fasq; esse subditis, libros ab Ecclesiæ Præsulibus damnatos lectitare, veritatis inde eruendæ gratia; præsertim cum hæretici libris suis vera non adspargant, ut doceant, sed ut specie veri decipiant, falsiq; instillandi occasionem inueniant: quem finem non consequerentur, si falsum purum putum aut falsum solo falso temperatum admiscerent. Verum accedat oportet, & conglobatæ sacrarum litterarum sententiæ, ut decipula apta fiat. Pulchrè Tertullianus. *Nemo venenum temperat felle & bello-
boro; sed conditis pulmentis & bene saporatis, & plurimum dul-* *Tertull. lib. de
spect.*
*cibus id mali iniicit: ita & Diabolus lethale quo conficit, rebus
Dei gratissimis & acceptissimis imbuat. Omnia illic seu for-
sia, seu honesta, seu sonora, seu canora, seu subtilia proinde habet,
ac si stillicidia mellis de libacunculo venenato; nec tanti gulam fa-
cias voluptatis, quanti periculum.*

Ad secundum argumentum respondet Hussus. Leges illas aduersari sacris Canonibus, sanctorum dictis & scriptis rationabilibus. Sed quam responsum hoc sit ablonum satis superq; liquet ex toto primo libro de lure prohibendi libros noxios; ubi ostensum; libros hæreticos non tantum ab Imperatoribus; sed à summis Pontificibus; aliisque

Ecclesiasticis Antistitibus & ab integris Conciliis sapissimè interdictos, flammisq; addictos esse.

Verum responsionis suæ absurditatem notasse videtur ipsemet Hussus; quare aliam adfert, priorē non multò aptiorem: Dicit enim Imperatorem ex nimio odio erga hæreticos damnationis sententiam aduersus eorundem libros tulisse; non sine ignorantia, eò quod nescierit, quantum utilitatis ex huiusmodi librorum cōseruatione enasci possit ac soleat. At quod Hussus ait de odio, non diffitemur. Odio hæreseos & hæreticorum proscripserunt Imperatores per suas leges libros hæreticos: sicut iidem odio furti & furum proscripserunt furta & fures.

Quod verò addit de ignorantia, calumnia Hussi est. Optimè enim perspectum erat Imperatoribus, quid in vulgus prodesse libri Hæretici; nihil videlicet; nam si dicerem, PARVUM; nimis Parum dicerem. Neq; ideo vetandi non erant, quia à Doctoribus refutari debebant: quia poterant nihilominus refelli; licet vetarētur, sicut non ideo pestis coercenda non est, quia curari debet à Medicis; imò ut optandum est medicos hoc curandi onere leuatos esse; ita etiam optandum est, ut doctores orthodoxi labore relucendi pestiferos libros supersederent; quod fiet, si omnibus abolitis nulli amplius existent.

Ad tertium de Abbate Ioachimo respondet Hussus his verbis. *Dico, quod prohibetur sua doctrina vel sententia de Trinitate erronea defendi & approbari, sed non liber suus comburi, nec veritas libro eius inserta quomodolibet reprobari.* At Hussus verba Capituli illius attentionibus oculis inspicere debebat. An non enim hæc sunt Capituli verba? *Damnamus ergo & reprobamus libellum seu Tractatum, quem*
Abbas

Abbas Ioachim edidit contra Magistrum Petrum Lombardum, de unitate seu essentia Trinitatis. Vbi manifestè vides damnari ipsum librum Ioachim: Nam quod in specie non iubetur comburi, quid tandem Hussum iuuat? An non satis, quod damnatur & reprobatur? An non hoc ipso fideles monentur, vt ab huiusmodi libro sibi caueant? An non cum liber damnatur, hoc edicatur; vt aboleatur, exterminetur, & ex conuictu Christianorum expellatur, siue id igne; seu quo alio modo fiat?

Dices. Instrumentum Tabellionis! hæretici damnatur, nulliusq; momenti ducitur, vt patet cap. *Excommunicationis. S. Credentes, extra de Hæreticis*, & tamen lectio huiusmodi instrumenti non propterea prohibetur; ergo licet libellus Ioachimi fuerit vetitus, non ideo lectio illius fuit vetita; multoq; minus liber ipse ad ignem aliudue supplicium damnatus. Respondeo consecutionem esse nullam. Nam huiusmodi tabellionis instrumentum ideo legi potest; quia nullam peruersam impiam doctrinam, sed res merè politicas continet. Quamobrem salua pietate & religione legitur; licet Auctor ipse damnatus sit; instrumentumq; omni auctoritate priuatum. At cum liber Erroneus aut Hæreticus damnationi subiicitur; non tantum auctoritate priuatur, ne alicuius sit ponderis & existimationis: sed id præterea agitur; ne erronea aut pestifera illa doctrina latius serpat. Qui finis obtineri nequit, nisi Fideles à damnati libri lectione arceantur: ad quod nihil est conducibilius, quam vt liber ille tenues dilapsus in auras penitus esse desinant. Et hæc ad libellum Hussi de libris Hæreticorum legendis dicta sufficiant.

Idem argumentum tractat Hussus in libro, cuius inscriptio: *Adus pro defensione libri Ioannis VVicleph de Trinitate sancta à Ioanne Hus publicè celebratus anno 1430. Dominicis post festum S. Iacobi.*

Item in libro, cui hunc dedit titulum: Replica Magistri Ioannis Hus contra Anglicum Ioannem Stokes VViclephi calumniatorem. Verum in neutro libro noui quidpiam adfert. Tantum veterem cantilenam de S. Hieronymo, Beda, Ambrosio, Augustino, Concilio Carthaginensi, Aristotele, eiusq; erratis & de libris diuinæ legis iussu impiorum concrematis occinit; ad quæ abundè iam responsum est: nisi fortè nouum videri debet, quod ait; Ioannem Chrysostomum potius passum esse excommunicationem & damnationem ab Episcopis & Clero, quam vt ad condemnationem librorum Origenis temerariè consentiret. Respondeo, quod Chrysostomus, instante Theophilo Alexandrino, damnationi librorum Origenis subscribere noluit; id eâ causâ factum est; quia Theophilo non subiciebatur. vnde nec illius iussa capessere debebat. Quod si eadem causâ à Romano Pontifice, Chrysostomo fuisset proposita; proculdubio posita omni mora damnationi illorum voluminum subscripsisset; doctus nimirum summi Præsulis imperata absq; vlla tergiversatione exsequi. Accedit, quod Chrysostomus hoc facere detrectauit, non quod putaret libris Hæreticis & noxiis parcendum esse; sed quia existimabat libros Origenis maiore emolumento legi, quam exterminari ob insignem tanti viri eruditionem.

Quod verò orthodoxi dicebant, malum cum bono in hæreticis libris comburi debere; contrà hoc contorquet Hussus hoc spiculum. Sequeretur, quod boni homines deberent cum hæreticis pertinacibus comburi, & cum damnatis damnari. Qua verò ratione hoc sequeretur, ô hæretice? An homines mali & boni tam inter se conglutinati cohererent; quam bonum & malum in aliquo libro Hæretico; si Hæreticus bonum malo admisceat? Si eadem pagina

com-

complectatur decem hærefes, vnamq; aut alteram duntaxat veritatem: qua, quæso, arte separabis bonū à malo? An quæ mala sunt expuages & obliterabis? At quantulū de libro supererit; si hoc facere insistas? Et quid si ita malum bono sit implicitum; vt ne quidem sciūgi possit? An tu malo, & quidem tanto & tam copioso parces, vt parcatur bono? Hoc nec ipsum bonum postulauerit: quia nō interit, licet hic liber intereat. Alibi enim exstat sincerū & integrū & à mali contagione secretum. Itaq; licet perdatur bonum, vt huic tam prauo libro illigatum est, nulla tamen irrogatur ei iniuriā; quia non tam perditur, quam ex sordido cœno liberatur.

Porro cum Anglus ille, contra quem Hufs *Replicam* suam contexuit, asseruisset, libros VViclephi ad Hæresin disseminandam adeo appositos esse; vt vix reperire sit hominem, *etiam bene dispositum ad bonum*, qui non lapsurus sit in hæresin, si illis legendis continuam operam impendat: Huffsus multa verborum loquacitate & barbara profluentia id tanquam falsum exagitat: sed tam inaniter & futiliter, vt referre pigeat, nedum refellere. Verè enim hoc Anglum illum affirmasse, docuit ipse euentus. Tota enim propemodum Bohemia, vt de Anglia nihil dicā; lectione VViclephicarum lucubrationum à Catholica fide abducta est; & in primis ipsemet Huffsus; & nisi tanta diligentia & seueritate pestilentibus istis libris obuiam itū esset, forsan clades hæc ad multò plures prouinoias pertinuisset, nam in recentium sectariorum libris longe viuacissimus est spiritus Satanæ; totusq; quasi vegetus, virus suum per libros latissimè spargit; si vel minima spargendi occasio offeratur. Hactenus de Huffsio librisq; VViclephicis.

CAPVT VIII.

Litteræ Adriani VI. Pontificis contra Lutherum, librosq; Lutheranos, eiusdemque argumenti tria edicta Imperatoria.

*Exst. ha litt.
Tom. 2. Luth.
lat. Viteb.*

D Edit Adrianus Pontifex litteras ad Bambergenses, quibus monet illos, ut à Luthero, eiusq; libris sibi caueant, nulloq; pacto sua in vrbe excudi, venundari, aut legi permittant; vbi meritò miratur Pontifex, tam multos reperiri potuisse, qui libros Lutheri, eiusq; sequacium omnino perniciosissimos, veneno plenos, maledictis redundantes spurcitiis, scurrilitatibus, contentionibus, amaritudinibus ubiq; scærentes, etiam postquam in vim sententiæ Apostolicæ & Imperialis Edicti sæpè in pluribus locis concremati sunt, certatim emerent, auidè legerent, libenter audirent. Cum tamen vel ex hoc ipso, quod huiusmodi sunt, quales modò diximus, omnibus rationi & Spiritui Dei vel paululum auscultantibus facile fuisset intelligere, eundem Spiritum Dei suauem, benignum, mitem, veritatis & pacis amatorem & conciliatorem; scandalorum, contentionum, & discordiarum pacificatorem, nonitatum refugientem, ab eisdem libris, eorūque Auctoribus longè absuisse; imò contra spiritum malignum horum contrariis gaudentem, &c. ipsorum librorum Auctores ad talia euomenda exagitasse. Hæc Pontifex, quibus nihil verius dici poterat. Subiungit verò:

Quapropter charissimi, &c. tanquam filii electi, & populus acquisitionis, vestigiis patrum vestrorum, & omnium Sanctorum inherentes, doctrinam istorum perniciosissimam, perfidam, blasphemam, Diabolicam, & ut semel dicamus, in interitum trahentem,

sem, cum suis auctoribus, tanquam infernum horreatis; eorumque libros venenatos non solum ipsi non legatis, sed nec legentibus, vel docentibus aures admouere velitis, aut ipsis Lutheranis ad cor redire contemnentibus, *Aue dixeritis.*

Et post alia non pauca, Ceterum quoniam videmus huiusmodi venenatorum librorum impressio, distractio, atque lectio, quantum vera fidei ac pietati longè lateq; obsuerit, vos, &c. in Domino hortamur, &c. ut omnibus modis providere curetis, ne apud vos, aut in territorio civitatis vestrae huiusmodi libri vel impressi ultra diuendantur, vel nondum impressi deinceps imprimantur. Imò verò quotquot in dicta civitate vestra inueneritis, juxta Sedis Apostolicæ sententiam & imperiale edictum comburi faciat, alioquin, si peruersitatem impressorum vestrorum, qui pecunia (ut credendum est) à Lutheranis corrupti (si vera sunt, quæ audiimus) Lutheranorum opera promptissimè imprimunt; quæ verò à Catholicis pro veritate contra illos scribuntur, imprimere nequaquam volunt, corrigere & emendare neglexeritis, denunciamus vobis, quod diuinam, eamque terribilem ultionem, &c. non eua-
deatis. Hæc & alia huius generis Pontifex ad Bambergenses; quæ animum Lutheri mirificè pupugerunt.

Igitur litteras pontificias scurrilibus & contumeliosis scholiis & glossis, more suo nō illustravit, sed iniquavit: & ad lectorem declamatiunculam adiunxit; adeò insultam, furiosamq; ut insulitas & vesania ex omnibus vocabulis, propè dixeram, syllabis, emicet. Nec tantum Pontifex, sed & Imperii Ordines, anno Domini 1523. Norimbergæ congregati de coercenda Lutheri pestifera doctrina per libros vndequaq; diffusa, seriò cogitârunt. Præter cætera promiserunt Ordines, se omnem diligentiam adhibituros esse, præcipuè verò cum illo Magistratu, sub cuius imperio Lutherus, & quidam alii eius sectatores fouentur, magnò studio velle agere, ut efficiat, ne Lutherus, aut alii eius sectatores

Exstat Tom.
2. lat. VVireb.
oper. Lutheri.

porro aliquid noui scribans, aut in publicum edant. Præterea ne posthac publicis typis imprimantur aut vendantur noua scripta, nisi prius à doctis quibusdam viris peculiariter ad hoc designandis, inspecta ac explorata sint, atque admissa.

Monentur insuper omnes, ut in omnibus officinis typographicis, item apud Bibliopolas in suis territoriis prospiciant, ne posthac aliquid nouorum scriptorum intra tempus futura Synodi excudatur, seu venum exponatur, aut alioqui, ut vendi possit, circumferatur, nisi primum à doctis, & in quolibet imperio ad hoc delictis viris, &c. recognitum sit & approbatum. Ceterum si quid præterea excusum, vel ut excudatur, ab aliquo traditum fuerit in quo vitium deprehendatur, eiusmodi scriptum, præsertim libellos famosos, nemini sub graui pœna excudere, vel excusos distrabere licebit.

Cum hoc edictum ad Lutheri manus peruenisset, breuè Comentariorum in illud ad Principes edidit, in quo homo impudens, quis Edicti sensus sit, ipsis Edicti Auctoribus, hoc est, Vicario, seu locum tenenti Cæsareæ Maiestatis Electoribus; aliisque Imperii statibus explicare nititur, & quidem, quod attinet ad articulum illum, ne ullus liber imprimatur, nisi prius lectus & approbatus ab aliquibus eruditis, à me, inquit Lutherus, facile seruabitur, imò superiori anno in nostra Academia hoc constitutum est. Facile seruabitur, ita tamen, ut libri à Luthero elucubrati celsor sit Melanchthon, aut Amsdorffius, aut Ionas, aut alius de eadem tribu. Hos enim iudices non inuitus feret Lutherus, satis gnarus, quàm candida arbitria ab illis promanent.

Sed hoc articulo non censendum est prohiberi, ait Lutherus, ne scriptura sancta libri imprimantur, aut hætenus editi legantur & vendantur, ita nec versiones scripturae in nostram vernaculam, aut alias linguas interdictas esse iudicamus. Malè judi-

judicas Luthere; vel maximè editio Bibliorum interdicta fuit; Bibliorum, inquam; non Christi, sed tuorū, quibustantas turbas concitasti, futoresque & sartores ex opificibus in pseudotheologos transformasti. Longè profectò melius edicti sensum assecuti sunt Principes Orthodoxi, qui testamentum Lutheri statim proscripserunt, & publicè mandârunt ne quis emereret, aut si prius emptum esset, delectis ad id Commissariis & Præfectis traderetur.

Vide Cochl. in
Act. Luth.
anno 1522.

Hoc ubi ad Lutheri aures peruenit, ita in seculares quoq; Principes, & ira exarsit, & maledico calamo debacchatus est, inquit Cochleus, ut omnes maledicendi vires, & omnia conuiciorum tela, in eos solum reseruasse; in Papam verò & Episcopos nihil antea euomuisse videri potuerit. Mox igitur post initium anni subsequenti edidit librum Theutonicum de potestate seculari ad Principem suum Ducem Saxoniam Ioannem, &c. ad quem sancta mordacitate in Principes liberè inuectus est. perinde ac si is, ad quem scribebat, aut Princeps natus non esset, aut ab aliis Principibus velut hostis, aut Apostata degener ad ignobile vulgus defecisset. Quis enim non miretur Principem tot retro clarissimis nobilissimisque atavis illustrem, æquis auribus accipere potuisse hæc ignobilis ex plebeia fece Apostata in eo libra verba. In Misnia, inquit Lutherus, in Bavaria, in Marchia, aliisq; in locis promulgauerunt Tyranni edictum, ut noua testamenta hinc inde in præfecturas tradantur. Hic subditi sic agant: non solum, non litteram vnā tradant sub periculo salutis suæ. Quisquis enim id fecerit, is tradit Christum Herodi in manus. Illi enim agant velut Christicida, sicut Herodes, &c. Tales namq; Tyranni agunt, sicut agere debent Principes mundani. Mundani Principes sunt; mundus autem inimicus est Deo. idcirco & ipsos quoq; facere oportet, quod Deo contrarium, mundo autem consentaneum sit, ut scilicet non fiant infames, sed Principes mundani permane-

ant. Nemireris igitur, si contra Evangelium furiant, & fatuè agunt: oportet ipsos titulo nominiq; suo satisfacere. Et scire debes, quod ab initio mundi admodum rara avis est Princeps prudens, adhuc multò rarior Princeps probus. Sunt communiter maximè fatui, aut pessimi nebulones super terram. Quapropter semper pessima ab ipsis expectanda sunt & parum boni sperandum est, præsertim in rebus diuinis, quæ ad salutem animarum pertinent. Ipsi enim sunt lictores & carnifices Dei, &c. Magnus Dominus est Deus noster, idcirco & tales, nobiles scilicet, illustres & diuites carnifices & lictores, eum habere oportet.

Hæc & plurima huius generis alia longè contumeliosissima impius transfuga in Principes ob edictum Norimbergense. Hæc scilicet illa est obseruatiã, qua Lutherus Edictum Norimbergense se recepisse prædicat. Edictum Casareæ Maiestatis, aithypocriticus veterator, nuper à vobis, illustrissimis & generosis Domini, publicatum, qua debui obseruantia, & animo suæ gratissimo accipi, & diligenter Ecclesia nostra proposui. At notæ Lutheri in illud Edictum, & liber de Potestate seculari longè aliud loquuntur, & simulatorem istum vanitatis simul & impudentiæ euidenter redarguunt: cumq; libellum suum de hoc edicto, hac inscriptione prænotauit: contra calumniatores & falsarios edicti Casarei, equidem accuratius re tota expensa, dispicere nequeo, quinam sint isti calumniatores & fallarii, præter ipsum Lutherum, Lutheriq; affeclas, qui clarissimis edicti verbis tenebras offundere tentarunt. Sed vt moris est Diabolo, rebus optimis corruptelas affingere, pessimis autem fucù facere, ita hæc etiam edicto fraudem esse factam video à Luthero.

In Comitibus Augustanis anno Domini 1548. rursus salutari constitutione malo librorum famosorum & hæresin disseminantium mederi conatus est Carolus Impera-

perator. Sed vidit verum esse vulgatum illud antiqui
Vatis:

Serò Medicina paratur

Cum malaper longas conualuere moras.

Nec plura de hoc edicto: quia ferè conuenit cum VVor-
maciensi, quod suo loco recitauimus: Tantum obserue- Lib. I. c. 18.
tur, & imo animo condatur sententia quædã Imperato-
ris de Luthero; Nuper, inquit Imperator, à decretis & con-
stitutionibus Ecclesiasticis publicè cremandis nullo pudore, metu,
reuerentiãq; deterritus est. Et nisi ciuili gladii aciem magis, quàm
fulmina, execrationes, pœnasq; Pontificias reformidasset, indignio-
ra longè in ciuilia jura commisisset. Nihil certius, ô Impe-
rator, ferro & flammis sæuius in Volumina Iuris Ciuilis
debacchatus fuisset; nisi formido pœnæ furiosi impetû
cohibuisset: quam enim mentem gereret in leges ciui-
les, legumq; Doctores & Professores, perspicuè ipsemet
docet in colloquiis suis symposiacis, titulo de Iuristis.

Anno Domini 1540. Promulgauit Carolus Cæsar
aduersus Hæreticorum libros huiusmodi edictum pro
Hæreditariis Belgii Prouinciis. *Ordinamus & statuimus pro* Refertur à
Cochl. de Aet.
Luth. Anno
1540.
*edicto & perpetua lege, ut sequitur: Primum, ut nemo cuiuscun-
que status aut conditionis fuerit, posse debeat, apud se habere, ven-
dere, portare, dare, legere, prædicare, docere, tolerare, defendere,
impertiri, aut disputare, siue occultè, siue manifestè de doctrina, de
scriptis & libris: quos fecerunt, aut facere poterunt, Martinus Lu-
therus, Ioannes VVicleph, Ioannes Hus, Marsilius de Padua,
Oecolampadius, Vlricus Zyvinglius, Philippus Melancthon,
Franciscus Lamperti, Ioannes Pomeranus, Otto Brunfelsius, lu-
thius Ionas, Ioannes Purpuri, & Gorcianus, aut alii auctores de eo-
rum secta, similiter & omnes alia secta ab Ecclesia reprobata, ne-
que etiam doctrinas ab eorum adhaerentibus, fautoribus & sœdera-
tis; neq; etiam noua testamenta impressa apud Adrianum de Ber-*

gi, &c. Et si quis eiusmodi libros apud se habeat, ut confestim comburat, sub pœnis declarandis & exequendis, &c.

CAPVT IX.

Libri Zvvinglij ab Orthodoxis Heluetijs vetiti, & in cineres redacti.

Zvving. To.
2. in Resp. bre-
ui ad Eckij
Epist.

CVM Zvvinglius à clarissimo Doctore Ioanne Eckio Badenam Heluetiorum disputationis incundæ gratia vocaretur, venire renuit. Cuius detractionis causâ his verbis Zvvinglius reddidit. Dicendum est quamobrem nec mihi commodum, nec tutum sit illuc locorum proficisci, in quibus rerum potestas penes Lucernenses, Vrianos, Suteses, Subsiluanos, Tuginos, & Friburgenses est, &c. eò nimirum, quod ne-
mo jam ignorare possit, sex hosce modo prædictos pagos, aut Cantones tam scripta, quam doctrinam nostram jam antea hæreses nota contaminavisse, & pluribus in locis edictis publicis in suggestu quoque promulgatis librorum nostrorum lectionem prohibuisse. Quidam verò ex his libros nostros incluserunt, ne ab aliquo legi possint: quidam eosdem flammis tradiderunt: quidam imaginem nostri contumeliosè cremauerunt, & ceu captivam duxerunt, non sine summa contumelia & dedecore, quæ iniuriarum novæ species inclysæ Germaniæ hominibus, inprimis autem communi Heluetiorum solo hætenus incognita fuerunt.

Zvving. Epl.
ad 12. pagos
Heluet. Tom.
2.

Alibi idem Hæreticus. Friburgi libros meos nullâ admissa excusatione combusserunt. Sed & Lucernæ imaginem mei effectam publicè cremârunt, hoc modo me, & doctrinam meam, quam per univèrsam agrum suam proscripserunt, infamem reddere volentes. Aggrè fert impius Sectarius imaginem su-

am in fumum versam, qui tot Diuorum imagines, tot Sanctorum reliquias, tot Redemptoris nostri Cruces profanauit, & succendit. Aegrè fert pestiferos suos fetus proscribi, qui tot monumenta veterum scriptorum contempsit & conculcauit; cui tota antiquitas quasi delirans ludibrio fuit. Benè profectò Lucernenses, præclare Friburgenses, laudabiliter cæteri; piè, atque virtutibus consentaneè omnes, qui hydræ huic succrescenti maturè obuiam ierunt, & tam pestifera capita absq; cunctatione succiderunt. in quos & alibi stromachatur Zvvinglius: *Libros meos, inquit, grauius pennis probibuerunt (sex pagi) & me vbicunq; locorum comprehendere possem, captiuum ducere iusserunt. Hoc omne verò citra scriptura auctoritatem (scilicet) quia nondum conuictus eram (imò vel maxime conuictus eras jam olim in Berengario, VViclepho & aliis) & contra publica jura (scilicet) ab ipsis decretum est.*

Et quia Zvvinglius scripturæ auctoritatem postulat, dabo illam, quam olim doctissimus pariter & religiosissimus Episcopus Rossensis dedit, cum de Luthero sermo esset. *Christi vox in canticis est: capite nobis vulpes paruulas, quæ demoluntur vineas. Qua planè monet, Hæreticos esse capiendos, antequam adolecant: nam hi vulpinis fraudibus vineas, hoc est, Ecclesiam Christi demoliri student. Optarim igitur, ut hanc vocem audissent hi, quibus ex officio incumbit, hæreticos, dum paruuli sunt, comprehendere. Neq; enim hodie tam grauis esset in Ecclesia tempestas, & rerum omnium perturbatio, si Lutherus, (Zvvinglius) dum esset vulpecula, fuisset repressus. At nunc euasit in vulpem grandiusculam, annosam, & veteratricem, tot dolis, astutiis, artibus instructam, ut mediam teneri difficillimum sit. Sed quid dixi vulpem? canē dixissem rabidū, imò lupum rapacissimum, aut sauisimam quandam vrsam,*

Zvving. Resp.
ad Antigra-
Fabri.

Ross. lib. pro
Rege Angliæ.
cit. Cochl. in
Act. Luth.
anno 1523.

que

quæ raptis catulis furore quodam agitur, vel magis hæc omnia simuli: multas enim hoc monstrum intra se bestias alit. Hæc verè sanctus ille Præsul, quorum non ignari magnanimi Heluetii, quibus prisca fides, pietasq; cordi erat, Zvvinglium, adhuc vulpeculam, sollicitè à suis finibus arcuerunt; ne si in traditionem eorum augesceret, viresq; crescendo acquireret, omnia sacra pessundaret & demoliret; vt alibi factum, vbi vulpeculæ huic augmenti sumēdi tempus & otium concessum est.

At videamus vulpis huius vāfram, genioque vulpis prorsus dignam de suis libris professionem. Quantum ad me spectat, lubens profiteor, me libros meos omnes non inuitum exustum esse, si quidem me vnius erroris convincere poteris. Non autem Badena hoc facere licebit: humidis enim in locis libros incendere minus commodum esset. Ita per iocum festivius scetarius, cūi Badena minus arridebat, ob Catholicam fidem, quam tunc retinebat, & vero hodie quoq; diuino munere, constanter retinet. Similes voces eructavit etiam non semel Lutherus, offerens se ad Palinodiam; si erroris conuinceretur. Ea tamen lege Hæretici talia pollicentur; vt num erroris conuicti sint, non rectè sentientium, sed ipsorum Hæreticorum committatur iudicio. Quo nihil magis ridiculum! Quis enim Hæreticus vquam aut suo, aut a seclarum suorum iudicio erroris cōuictus est?

Porro cum Doctor Ioannes Faber sedulam operā daret, vt Biblia à Zvvinglio, aliisq; Hæreticis deprauata, & in vulgus sparsa, abolerentur, Zvvinglius arrepto calamo ad vniuersam Heluetiorum Rempublicam Parænesin scripsit; vbi sic causam suam agit. Summo studio & consiliis multiuariis hoc euincere & impetrare cupis (Faber) vt noui testamenti Codices, & si qui alii libri intra paucos annos Germanicè

Zvvingl. in
Paræn. Tom.
2. oper.

manicè scripti sunt, imò latini quoq; plures exurantur. Quamvis autem omnium librorum exustio diligenter caueri & visari debet, priusquam certis & fide dignis rationibus confutati fuerint, nemo tamen Christiani nominis hominum eò dementia se adduci patietur, ut noui testamenti scripturas probroso & ignominioso incendio abolendas esse censeat; idq; his de causis maximè.

Fatemur libros temerè non esse tradendos flammis, sed tunc, ubi perspicuè constiterit, perniciosis dogmatibus inquinatos esse: hæc autem perspicuitas metienda non est iudicio illorum, qui huiusmodi libros producunt; sic enim neque Protagoræ, neq; Porphyrii, neque Arii, neq; ullius alteri⁹ aut athei, aut Ethnici, aut Hæretici libri vnquam comburi potuissent; sed totum hoc æstimandum est iudicio orthodoxorum Ecclesiæ Catholicæ antistitum, quibus libros Zvvinglii foedissimis erroribus scaterere tam euident erat, quàm euident nobis est, binarium numerum esse parem, ternarium imparem: ac proinde absq; vlla temeritate has tot hæresibus foetas chartas ad rogam deponere & quærere potuerunt.

At nefas est sacros diuinarum litterarum codices flammis absumere: non abnuimus; sed probandum restat Zvvinglio, codices, quos ipse aut alius Nouator falsauit & corrupit, sacros esse. Veneranda sunt, & quidem cultu non exiguo, biblia, non Zvvinglii, non Lutheri, non Caluini, non Bezzæ, non Castalionis, non Roberti Stephani; sed Biblia Catholicæ Ecclesiæ; à patribus nobis commendata, & ad nos per tot annorum centurias delata. Biblia Zvvinglii & Lutheri hoc nomine immeritò afficiuntur, quia non sunt vera, sed falsa & falsata Biblia.

Expendamus tamen, quibus argumentis probet Zvvinglius sua & Lutheri Biblia flammis tradenda non esse:

esse. 1. Graui editto & praecepto cautum est, ne maledicamus Principi populi nostri, vel aliquo modo in illum simus iniurij Exod. 22. Multo minus ergo ferendum erit, vt in caelestem illum Principem nostrum, aliqua ex nobis contumelia redeat. Nihil adhuc occurrit, quod displiceat. Perge igitur. Cum verò verbum illius publico incendio tollimus, ignominiosè tractamus, in carceribus detinemus, quæ nam Deo maior iniuria per nos inferri poterit? Et hoc verum est; si de vero verbo Dei intelligatur, non de illo putatio, quod verius Verbum Lutheri aut Zvvinglij, quàm Dei dixeris. Nam prius illud abolere velle, summæ impietatis est. At hoc posterius excindere, pietatis legibus vel maximè consonat. Si ergo Zvvinglius aliquid contra nos efficere cupit, demonstrandum erit, verbū illud, quod Biblia Lutheri, aut alterius sectarij cōtinēt, esse Verbum Dei, non Lutheri, aut similis hæresiarchæ.

At qui nemo Principum est, ait Zvvinglius, qui suas leges de aqueductibus, edificiis, pascuis, & aliis rebus huiusmodi sancitas impune contemni patiatur. Ita est; at si quis impostor existeret; qui legum Codicem deprauaret & falsaret; aliusq; Principis amans exurgeret; qui corruptum illum Codicem ferro & flammis exterminaret; is non modo Principem nullo dedecore afficeret; sed de illius nomine & existimatione præclarissimè mereretur. Pertinet enim ad gloriam Principis, vt decreta eius sincera & intacta conseruentur; nullaq; mendacia à falsariis sub hoc velo venditentur. Si igitur iure à corruptorum fraudibus, libros legesq; Principū vindicamus, vitio nemini dabitur; si eadē diligentia libros & iussa Dei ab imposturis fallaciisq; hæreticorū asserat: Et vt is, qui falsatum & deprauatum Constitutionum Codicē exurit; non exurit Codicē Principis, sed falsarij; ita qui corrupta Biblia abolet; is non abolet librum Dei, sed aliquius sectarij.

secun-

Secundum argumentum Zvvinglij. Deut. 6. Deus diserte precipit, ut verbum ipsius in animis nostris geramus semper, & in omnibus vite actionibus, hoc, cunctam vite Cynosuram, respiciamus: prater ea, ut libris quoque nostris illud exponere studeamus, &c. necessarium igitur est, ut Dei verbum exactissime descriptum quotidiano usu teramus; & quod hinc est consequens, minime comburi debet. Quem petit hoc argumentum? quem ferit? Totum concedimus, si de genuino & legitimo Dei verbo intelligatur, ut quidem intelligi debet; non de verbo Saxonico aut Tigurino; de quo legendo; rimando; ediscendo, nullum penitus exstat verbum in Deuteronomio, aut alio libro sacro. Quare si quis informe argumentum paululum lambere, & in hanc formam redigere velit: Deus precipit, ut verbum Zvvinglij aut Lutheri perpetim in animo circumferamus, illudque memoria mandemus, & libris nostris tradamus; ergo non est abolendum flammis: Vel puer videt, quonam responso Antecedens dignum sit.

Tertium Argumentum. Circa initium Christiana charitatis & xeli in usu fuisse videmus, ut veteris testamenti libros haberent omnes, ergo multo magis nos Christiani, qui lucis sumus, non noctis aut tenebrarum, Dei Verbum litteris mandatum manibus nostris tenebimus. Et hoc argumentum a scopo abit; quia nihil de Verbo Lutheri aut Zvvinglij adfert, aut si adfert, falso adfert: cum hoc Verbum nostro demum tempore in Heluetia & Saxonia natum sit. Illud item ex Zvvinglio quaerendum est, unde nouerit, hunc vulgarem veteris Ecclesiae morem fuisse, ut singuli e plebe eum scriptura locum coram in libris inspicerent, qui a doctore tractabatur. Citat quidem cap. 14. prioris Epistolae ad Corinthios. Sed licet capit illud legatur, saepiusque relegatur, nihil simile inde exsculpi potest, Ingēs enim raritas & infrequē-

tia librorum sacrae scripturae erat, praesertim in vulgo, & necdum consuetudo illa inualuerat, quae hoc aeuo in castris Nouatorum viget; ut imperitissimus quisque sacrum litterarum volumina in sinu circumferret; earumque exactam cognitionem insolentissimè sibi arrogaret.

Quartum argumentum. Nulli vnquam genti aut populo interdictum est, quo minus vnusquisque integra biblia domi sua priuatim haberet, legeret, & in illis exerceretur. Respondeo, nulli vnquam vetitum fuisse, ut integra biblia latine, graecè aut Hebraicè conscripta domi haberet & legeret; at ut biblia ab haereticis vulgata & contaminata domi retineat, id toties prohibitum est; quoties haereticorum librorum lectio prohibita fuit. Saepissimè autem prohibita est; ut planum fecimus toto primo libro de iure prohibendi libros noxios. Quod verò biblia vulgari lingua multis in locis non conceduntur absque superiorum permisso, id summa aequitate constitutum est; cum neminem fugiat, quid incommodi ex hac promiscua lectione apud imperitam multitudinem enascatur.

Quintum argumentum. Si scriptura usum nobis exorqueri permiserimus, haud dubiè Conciliorum decretis & Patribus denuo subiiciemur, in quibus multa ex affectibus instituta esse palam constat: quae enim in Christum fides, quam pura etiam & sincera haec fuit, priusquam Patres isti prodirent? Occurrit, quod Dominus alicubi ait cum Iudaeis disceptans. Neque vocem eius (Patris) vnquam audistis, neque speciem eius vidistis, & verbum eius non habetis in vobis manens, quia quem misit ille, huic vos non creditis: scrutamini scripturas, quia vos putatis in ipsis vitam aeternam habere: & illae sunt, quae testimonium perhibent de me, & non vultis venire ad me, ut vitam habeatis. In eandem sententiam merito possent Patres & Concilia agere

agere cum Zvvinglio aliisque hæreticis : Neque vocem scripturæ unquam audivistis, neque speciem eius vidistis, & verbum eius non habetis in vobis manens; quia Conciliis & Patribus, quos misit ille, his vos non creditis: scrutamini scripturas, quia vos putatis, incredulorum Iudeorum more, in ipsis vitam æternam habere: & illæ sunt, quæ testimonium perhibent de nobis, & non vultis venire ad nos, ut vitam habeatis.

Subiiciuntur ergo hæretici scripturæ eo modo, quo olim Iudæi; ut scilicet sint supra, non infra; quemadmodum & Iudæi supra non infra scripturam erant, ad propriam libidinem scripturam inflectendo & detorquendo: & in hoc pulchra illa, scilicet, subiectio istorum consistit. Nam si verè & ex animo scripturæ subiicerentur, subiicerentur quoque pastoribus & Doctoribus Ecclesiæ; quibus, ut ceruicem subdamus, toties scriptura monet. *Si crederetis Moysi*, ait Christus, *crederetis forsitan & mihi; de me enim ille scripsit. Si autem illius liceretis non creditis, quomodo verbis meis crederetis?* Ita si hæretici crederent scripturæ, crederent fortassis Patribus & Conciliis. De illis enim scriptura loquitur. Si autem scripturæ non creditis, quomodo verbis Patrum & Conciliorum crederetis? Conuicia, quæ Zvvinglius hoc loco in Patres euomit, prudens prætereo, quia non tangunt Patres quippe iam extra omnem teli iactum positos.

Sextum argumentum. *Si noui testamenti lucem e manibus nostris auferri passi fuerimus, concubinariis sacerdotibus & adulteris pro suggestu publicè mentiendi & se arroganter ostentandi occasio & copia denuo data est.* Mira ratio, si tamen ratio. Quid enim à ratione alienius, quam hæc argumentatio? Non est permittendum, ut sacerdotes concubinarij & adulteri pro suggestu publicè mentiantur, & sese ostentent; ergo permittendum non est, ut hæretica bi-

blia exurantur; probatur cōsequentia; quia si posterius permittatur, necessariò eueniet illud prius. Quæ verò cōnexio inter librorum exustionem & mentiendi, thra-soniceq; gloriandi impotentiam & impudentiam? Cæte-
rum, quinam magis è loco superiore detonent & debac-
chentur, prædicantesne in sacerdotes, an sacerdotes in
prædicantes; id vel ex iam auditis Epithetis, quibus
Zvvinglius sacerdotes cohonestat, pròptum est intelli-
gere. Si Ecclesiastæ (prædicantes) tanta sauitia declamita-
rent in vitia suorum, inquit Erasmus, quàm clamitant in vitia
sacerdotum, demirabar si tres habituri sint auditores. In vitam
Pontificum, Cardinalium, Episcoporum, Sacerdotum ac Mona-
chorum mirè diserti sunt, de quibus ita loquuntur, quasi inter eos
nullus sit non sceleratissima ac deploratissima vitæ, cum arbitrer
inter illos esse longe plures, qui Christo in sinceritate spiritus ser-
uiant, quam inter istos. Alicubi scio, nusquam fuisse maiorem lu-
xum, plus adulteriorum, quam inter Evangelicos, sic enim appella-
ri gaudent, Hæc Erasmus.

Septimum argumentum. Omne veritatis studium, quod
Dominus hoc nostro sæculo tam feliciter incendit, ut Pontificij
quoq; vel inuicti ad scripturarum lectionem compulsi sint, denuo ex-
stinguitur. Fortè legendum est. Omne feritatis studium,
quod Diabolus hoc nostro sæculo tam feliciter incendit, &c. de-
nuo exstinguitur; si Biblia hæretica, alijq; libri, perfidias
doctores, exstinguantur: quod Zvvinglio certè tantæ fe-
ritatis Magistro commodum non foret. Quia verò
Zvvinglius denuo linguam in sacerdotes vibrat; ideo fa-
cere non possum, quo minus illum fructuum qui ex Euā-
gelio Zvvingliano succreuerunt admoncam, non meis,
sed Erasini verbis, qui hæc ad Henricum Stromerum.
Hic nobis hoc nouum Evangelium gignit nouum hominum genus,
præfractos, impudentes, fucatos, maledicos, mendaces, sycophantas,
inter-

Erasm. Epist.
ad frat inf.
Germ.

Eras. lib. 19.
Epist.

inter se discordes, nulli commodos, omnibus incommodos, seditiosos, furiosos, rabulas, qui mihi adeo displicent, ut si quam nossem civitatem ab hoc genere liberam, eo demigrarem.

Verum ut capiti huic finem imponamus, monendus est lector, licet iam alibi monitus, etiam Lutherum & Lutheranos Zvinglij opera proscripsisse: Quiratur ipsemet Zvinglius lamentabiliter super hac, ut quidem ipse interpretatur, iniuria. ex Lutheri libris non obscure coniectere possumus, inquit Zvinglius alloquens Principes Hassia & Saxoniae, nostra scripta intra vestrae ditionis terminos nequaquam legi, cum videlicet ea nobis obrudat, quae nunquam a nobis tradita sunt, interim verò quae docuimus semper, nos nunquam docuisse clamitet. Quae sanè res non exiguum damnum veritati aliquando dare posset; si enim Paulum Apostolum audire velimus, ille, omnia probate, inquit, quod bonum est tenete, Lutherus verò in hoc totus est, ut prohibeat, ne doctrina nostra usquam legatur; quin potius priusquam cognosci possit, damnetur undiq. Iubet quidem Apostolus, o Zvingli, ut omnia probemus; at non simpliciter omnia; sed omnia, de quibus, num proba sint, iure ambigitur. Nam si perspicue constet, improba esse; quid opus est probatione; ut & tunc, cum bonitas in propatulo est? Iam vero librorum tuorum vanitas & inanitas Lutheranis dubia non erat. Quare nullo examine egerebant, sed etiam non visos merito exterminabant, omniq. ad provincias suas aditu arcebant.

Praefat. lib. 1.
de iure Pro-
hib. libros.

CAPVT. X.

*Libri Hæretici ab ipsis hæreticis interdicti.
Iudicium Lutheri de operibus
Erasmi.*

*In disput. de
multipresen-
corp. Christi.
Thes. 16.*

*Illyr. Epist. ad
Aug. Elef.*

INter Articulos Heidelbergensium & Anhaltinorum primus est iste. Lutheri scripta simpliciter damnanda & abroganda esse. Et articulus decimus quintus mandat, ut Lutheri parvus Catechismus ex Ecclesia Dei exterminetur. Hoc honore dignantur aui sui scripta Calvinistæ; non obstante, quod in libro Concordiæ omnia Lutheri scripta didactica simul ac polemica canonizata sunt, ut loquitur Georgius Sohn Minister Calvinianus.

Libros Illyrici in Saxonia & Mísnia vetitos, aut saltem, ne vetarentur, periclitatos fuisse, testatum reddunt ipsa Illyrici verba partim querelæ, partim impudentiæ plenissima; quibus Augustum Electorem affatur. Hoc munusculum solummodo peto, ne patiatur isthic malos contra innocentes, constantesq; doctores furere, neue nostros istos libellos tanquam seditiosos sinas condemnari, &c. Equidem non patiar mea pia & innocentia scripta pro seditiosis damnari. Ac si quis vel Ecclesiasticus, vel politicus gubernator ea tanquam seditiosa condemnauerit, nec veras simul rationes (quod scio impossibile esse) attulerit, eum ego vicissim coram tota Ecclesia, tanquam IESU Christi persecutorem accusabo & condemnabo, &c. Non patiar sanè quenquam vel magnum vel paruum mea scripta pro libitu condemnare. Tentet sanè, qui vult aliquid contra. Na ego ei respondebo. En quam minax Illyricus, quam arrogans & fastuosus; & hoc cum tanto Principe loquens! At fungus fuisset,

set, quisquis superciliosissimi Nouatoris minas vel vnus assis æstimasset. Neq; Catholici, neq; aduersarij hisce ampullis absterri sunt, quo minus Illyrici libellos, tanquam seditionis flabella, damnationis sententia percellerent, & sempiterna ignominia simul cum Auctore notarent.

Basileæ in carcerem coniectos esse duos typographos, q; libellos Germanicos Carolstadij excuderāt, scribit Erasmus. *Ex Basilea scribunt amici*, inquit Lutherus, *typographos Carlstadij illic carcere fuisse punitos, & parum ab- fuisse, quin libris eius fuissent exusti.* Calvinus de Libertinorum & Anabaptistarum quorundam libris, *Existimo*, inquit, *nemini non esse perspectum, quam sint fugiendi tales libri, infecti opinionibus adeo fanaticis.*

Eraslib. 19.

Epist. ad Melanct.

Luth. Tom. 2.

Epist. ad spal. fol. 269.

Cal. Instruct.

contra Libert.

cap. 24.

Tom. I. Epist.

42. anno Domini 1518.

Obseruatione porro dignum est Lutheranos non solum in suorum, hoc est, Illyrici & similium, Zvvinglijq; & Caluini libros edictis inuectos, sed & in Catholicorum lucubrationes flammis grassatos esse. Non memorabo hic incendium Iuris Canonici, de quo copiosè alibi; audi quid Lutherus ipse de exustione Thesium Tetzellinarum narret. *Studentes*, inquit, *ut sunt mirè pertæsi sophistici huius antiqui studij, cupidissimi verò sacra biblia, fortè & mei fauoris studio, cum rescuissent, aduenisse virum ab Hallis missum à Tetzel auctore positionum, statim adeunt, & hominem terrentes, quod talia huc auderet adferre, aliquot quidam emerunt, alij verò rapuerant, & reliquas omnes fermè 800. (præmissa intimatione & conuocatione, & si quis vellet adesse conflagrationi & funeri positionum Tetzellinarum, veniret ad forum, hora secunda) cõbuserunt: atq; hac in scio Principe, Senatu, Rectore; deniq; omnibus nobis. At quis credat tantum facinus in publico foro perpetrandum, à tanta multitudine; præmissa itidem ad spectaculum hoc inuitatione, latere potuisse vniuersos Academicos Witebergenses; præsertim Lutherum; de*

quo tunc verè cani poterat.

Quidquid agit mundus Luther vult esse secundus.

An omnes eo die somnum Epimenideo profundiorē dormiebant?

Certè mihi & omnibus, inquit Lutherus; *displicet illa gravis iniuria homini à nostris illata.* Quis credat hypocritæ aliud promptum in ore; aliud clausum in pectore gerenti? Videlicet tantum Luthero displicuit hoc factum; quantum postea Iuris Canonici Incendium. *Sum extra noxam.* Tuo fortassis iudicio, quia pro noxa non reputas; at non aliorum. *Timeo, quod totum mihi imputabitur.* Merito timuisti, si tamen timuisti; & non potius sceleratum hoc facinus, si non tua iussione; profecto tua dissimulatione susceptum; gloriæ & laudi tibi duxisti.

Tom. I. Ep. 47

Cum Iodocus Isenacensis Luthero conflagrationem istam adscriberet, indignabundus Lutherus in hæc verba respondit. *Miror, quod etiam credere potuisti, me fuisse auctorem concremationis positionum Tecellinarum.* adeo mihi omnem sensum humanum periisse credis, ut tam insignem iniuriam, ego religiosus & Theologus in loco non meo homini tanti officij irrogarem? Hæc impudens perfuga transfigurans se in Angelum lucis & modestiæ; cum iam omnes modestiæ leges transcendere & frontem egregiè perfricare cœpisset. Non frustra hoc de Luthero suspicatus est Isenacensis. Norat hominis indolem & furiam; norat impetus illos & proiectam ad quidvis audendum audaciam, inficiandique impudentiam, ubi ausa ex voto successissent; sana autem mente præditis displicerent. Et nunc multo magis suasu Lutheri id accidisse credimus, postquam videmus eò nequitia Apostatam processisse; ut ipsum Ius Canonicum flammis absumendum daret.

Duo

Duo verò hic notari velim non à Luthero, qui nullius bonæ observationis amplius capax, sed à Lutheranis adhuc superstitibus; primum, nihil causæ superpetere, cur adeo vociferentur, si ardere cernant libros Lutheranos, cum ipse Lutherus libros Catholicos æquissimis oculis ardentes adspexerit. Alterum, ab omni culpa meritò purgari Orlamündenses rusticos: de quibus Lutherus stylo veteri, sibiq; consueto, *Orlamündenses rustici nates libello meo purgant*. Dignum tali bibliotheca opusculum, & bibliotheca tali opusculo digna.

Tom. 2. Epist.
ad Lincum.
fol. 272.

Restat Lutheri iudicium de libris Erasmi, quod est huiusmodi. *Ego sanè optarim totum Erasmus esse ex nostris scholis explosū; nam si etiā non esset perniciosus, tamen nihil esset utilis, nullas res docet aut tractat. Nec expedit iuuentuti Christiana assuescere huic Erasmi dictioni. Discet enim de nulla re scribē & grauius loqui & cogitare; sed tantum in graculi seu spermologi morē, omnes alios ridere, & planè aliud nihil, quàm morionari. Hac verò leuitate & vanitate paulatim desuescit à religione, donec adhorreat & penitus profanescat. Papistis relinendus esset, qui tali sunt Apostolo digni, & haberent labra suas lateas.* Agimus gratias, Luthere, pro hac tua liberalitate. Tu res tuas tibi habeto; conditione tua non vitmur. Alij sunt ab eruditione, & eloquentia longe instructiores, qui scholarū nostrarum Cathedras tenent, quam fit aut ille cuius tu dicendi genus adspernaris, aut etiam tuus Philippus.

Luth. Tom. 2.
Lat. VViteb.
Epist. ad Am-
storph.

Alibi de eodem Erasmo Lutherus. *Erasmi libri valde sunt venenati, post mortem meam interdiciam meis librīs, nelegant eius colloquia; quia in illis loquitur & docet multa impia sub peregrinis & fictitiis nominibus & personis, ut ex proposito oppugnet Ecclesiam & fidem Christianam.*

Luth in Serm.
symposiac tit.
de Schvver-
meris.

Scalig. Orat.
contra Cicer.
Erasmi.

De eodem Iulius Scaliger. *Humani generis odio flagrare videris, qui prater se unum probes nihil. Num Propyrium (te vocabo?) ac notis sunt sanctissimis collegiis tui commentarij, quorum impietatem omnibus suffragiis damnarunt, quorum labes, ut expurgaretur, mediis Latetia foris, suggerente etiam populo ignem, publice concremarunt.*

CAPVT XI.

Scriptores impuros merito expurgari, nec nisi ab obscenitate emaculatos Iuuentuti concedi aut pralegi debere; cum refutatione calumniarum, quas nuper Hæreticus quidam

Grammatista in huiusmodi morem effutit.

Iuuentutem à lectione lasciuorum poetarum meritò arceri; ipsosq; poetas, doctos alioquin & elegantes ab impudicitiae sordibus laudabiliter expurgari; omni argumentorum genere demonstratum est lib. 1. de iure prohibendi libros noxios cap. 26. & 27. Interea incidi in nouum quendam Poëtæ Iuuenalis Interpretem, cumq; hæreticum Lutheranum, (nisi mauult audire Caluini-
nus) qui pro Iuuenale Apologiam instituens, multis cō-
uiciis debacchatur in illos, qui adolescentes dehō-
rantur, ne lasciuia Iuuenalis Poëmata attingant; qui-
que ex Poëtis turpia exsecant; ut sine pudicitiae & ho-
nestatis detrimento ab ætate in vitium plusquam cerea,
euolui queant. Adeo autem inconsideratè & inconstan-
ter causam hanc agit; ut manifestè appareat, scribentis
manui

manui & calamo rectorem non fuisse animum cautum & circumspectum, sed furorem improuidum, & vix quæ antepedes obuersantur, intueri consuetum.

Miratur, Iuvenalem non explicari; aut certè rarius explicari in Academicis. Rationes adfert duas: *obscuritatem & obscenitatem*. Prætereo obscuritatem: Quod attinet ad obscenitatem; ea profecto tanta in Iuvenale inest; ut rei euidentia ipsimet hæretico Confessionem veritatis non semel exprefferit: Non enim it inficias, *obsceniora quædam & castis auribus indigna* in Iuvenale contineri; præsertim in Satyra sexta: *quæ multis*, inquit, *in locis tam tætris obscenitatibus deformata est; ut vir bonus & honestus illam vix legere, nedum publicè explicare, salua fronte ac pudore possit*. Quod si ita est; ut reuera esse intelliget, quicunque satyram illam vel obiter inspicere volet; cur igitur insectatur illos; qui adolescentes ab impuro Iuvenale arcant? Si vir *bonus & honestus* obscenitates illas vix euoluere potest; *Salua fronte & pudore*, ut ais; multo minus id poterit feruentior & calidior ætas, cui genua vigent; & melior sanguis dat meliores vires.

Rursus si obscenitates illæ adeo omnem honestatis normam transcendunt; iure igitur abolentur & obliterantur; ne vel vestigium illarum supersit. Cui enim bono tanta obscenitas; à qua vir bonus & honestus exitium sibi metuere debeat? Cui fini salua sit talis turpitudine? An ut alios perdat, & à salute deiiciat?

Quid, quod ipsemet immanni turpitudine versus cuiusdam ex Satyra sexta offensus; negat illum in antiquis exemplaribus reperiri; idque testimonio Probi probat, qui iam olim commentarios in Iuvenalem

edidit : Et Satyra I X. adiecit iste hæc verba ad versus quosdam nimium Fescenninos. *Propter insignem turpitudinem hi versus explicari neq. possunt, neq. debent; & aliis quibusdam videtur illos non esse Iuuenalis, sed ab alio quodam impuro nebulone insertos.* Si tam nefarii sunt, meritissimò igitur reciduntur, & à castis oculis remouentur, ne virus suum legentibus afflent & inspirent. Nam quod addit de intrusione horum versuum; id optarem esse verum; sed qui Iuuenalis os nouit; simulque ea, quæ tam in sexta, quam in Nona Satyra canit; considerat; haud facillè induci poterit, vt Lubino assentiatur; credatq.; versus illos ex alia; quam ex Iuuenalis officina processisse.

Vt autem videas, lector, quam Sectarius sibi suis in dictis constet & concinat; placet consensionis illius aliquot specimina proferre. Primum enim laudat & approbat iudicium Scaligeri; qui censuit virum bonum à toto Iuuenalis opere auocari posse propter obscenitatem : *Nec absurdè doctissimus ille Scaliger Pater ob talem obscenitatem (quamuis illa rara in Iuuenale) à toto opere pudicis abstinendum censet.* Cur ergo tu toto tuo Apologetico, imò toto commentario, nihil prope aliud agis, quam vt omnes ad sedulam Iuuenalis lectionem incites? Si Scaliger non absurdè pudicos ab hoc poëta abstinere iussit; vt tu ipse confiteris; sequitur te non nisi absurdè omnes exstimulare; vt te huic poëtæ euoluendo studiosè dedant. An fortè Scaliger pudicos absterruit; tu solos impudicos ad tam bellas tui poëtæ epulas inuitas? Quas si non in Helicone, sed sub fornice structas & apparatus dixeris; verum dixeris.

Quod autem ait: *obscenitatem in Iuuenale esse raram,* ad falsum esse docet Satyra sexta & nona; tametsi enim

in toto Iuvenale nihil præterea turpitudinis occurreret; an non plusquam satis esset; quod his duabus Satyris non leuiter inspersum; sed plenissima manu intersum est?

II. Ait Lubinus *Satyram sextam ab honesto & bono viro vix posse legi, nedum publicè explicari, salua fronte & pudore.* Sed hinc alterum horum necessario colligitur: aut Lubinum aliud loqui, aliudque agere; aut virum bonum, & honestum non esse. Quia satyram illam sextam non modò accuratissimè legit; sed & prolississimo commentario publicè explicauit; nequitiamq; Iuuenalis multis in locis obscuram & abditam; nec intellectu facilem clarsa in luce posuit, & quidem verbis turpissimis, & ex medio lupanari petitis; *nudum olido stans fornice mancipium quibus abstinet.* Quid in schola fecerit, nescio. Sed si coniecturam facere licet; suspicor illum ea impudentia satyram sextam intra parietes scholæ explicasse; quæ eandem explicauit audiente & inspectante toto litteratorum consensu. Vix enim arbitror modestiorem fuisse apud paucos, quam modò sit apud plurimos.

III. Versus quosdam impurissimos ex Satyra I X. dicit Interpres, *nec posse, nec deberi explicari propter insignem turpitudinem.* Et tamen illo ipso loco, vbi Lubinus hoc scribit; explicat turpissimos illos versus explicatio-
ne digna eiusmodi versibus; hoc est, turpissima, & sordidissima.

IV. Ibidem hæc habet Lubinus. *Reprehendendus profectò Iuuenalis, quod hac enormia tam aperte exprimat; & quasi ob oculos ponat.* Et tamen in Apologetico pro excusatione Iuuenalis ait commentator iste: *de scelerum illorum prodigiis ac portentis honestius neminem loqui potuisse; scapham enim, ut est in prouerbio, scapham dicendam esse.*

Cur

Cur ergo reprehendis Iuvenalem, si *scapha* est dicēda *scapha*? An non sat nudis & latinis verbis *scapham* nominavit *scapham*; *lignonem*q; *lignonem*?

Lub. in Sat. 2. V. Non vult Lubinus videri doctor turpitudinis. *Fædis*ima aliquot vocabula, inquit, paucis, non vt turpia te doceam, sed vt poëtam scilicet intelligas, exponam. Sed quælo te, quid est docere turpia nisi vim, sensum & sententiam turpium explanare & elucidare? Quid est docere leges, nisi animo auditoris vim verbis legum subiectam patefacere? Quam ridiculus igitur esset; si quis legum Professor diceret: Vtitissima aliquot vocabula legum paucis exponam; non vt te leges doceam; sed vt pandectas scilicet intelligas: tam ridiculus est commentator noster, cum ait se *fædis*ima quadam vocabula, exponere vellet; non vt te doceat turpia; sed vt poëtam scilicet intelligas. Vbi nescio an illud scilicet ironiæ gratia interiecerit, vt communi loquentium consuetudine sæpius fieri solet. Vt vt sit; quæro ex isto, quonam discrimine distent exponere & docere turpia? An non docet qui exponit? An Euclidem non docet, qui Euclidem interpretatur? Non inbeo, inquis, patrare turpia. Quasi verò hoc solum sit docere turpia. Nimis impudens talis doctor esset. Subtiliorem & specie paulò honestiorem turpia docendi rationem init pudicitia, omnisque virtutis hostis Diabolus: satis illi est, quod turpia tegumentis nonnullis inuoluta euoluuntur, & in omnium conspectu collocantur: neque enim ignarus est; qua vi polleat turpitudine voluptatis amictu vestita; si menti ad corporis oblectamēta tam propensæ absq; vilo velo proponatur.

Si quis chartis suis hæretica & blasphema in Deum
mandet,

mandet; eaq; verbis nudis & disertis lectori explanet; an ideo blasphemix & hereseos doctor non erit, quia aperte non jubet, ut heresin amplectatur, aut linguam seu calamum in blasphemias resoluat? Iussio, si nescis, duplex est; Expressa nimirum & tacita. Ut expresse turpia agere non jubeas; at jubes tacite, hoc ipso, quod *scdisi-*
ma illis exponis, quos aut malitia, aut ardor ætatis ad fœda quæq; non modò trahit, sed & rapit. Etiam exempla docent, quanto magis verbat? Scis quid Iuuenalistus dicat, *de voce blanda & nequam?* quàm excitet & incitet? Istæ voces non sunt aliæ, quàm tuæ & tui Iuuenalis.

VI. Illud Iuuenalis præceptum Sat. XIV.

Nil dictu fœdum, visus, hæc limina tangas

Intra quæ puer est.

Vocat iste sanctissimum & diuinum præceptum, omnibus cubiculis & conclauihus inscribendum, ne teneros puerorum animos, & castas aures aliquo scandalo verbi vel operis offendamus. Ostendit quanta verecundia & reuerentia pueris debeatur: quod ubi pueri sint, ab omnibus fœdis dictis & factis sit abstinendum. Si hoc sanctissimum præceptum est ac diuinum; cur illud non obseruas? Cur in eodem Commentario quo hoc præceptum meritis laudibus extollis; illud opere ipso toties violas? nisi fortè sparcitæ illæ, quas Satyræ secundæ, sextæ, nonæ, & alibi in medium adducis, non sunt in dictu visuque fœdis numerandæ, tuo iudicio. Si præceptum hoc Iuuenalis omnibus cubiculis & conclauihus inscribendum est, ut tu ipse mones; væ tuo commentario, in quo tam multa visu, dictuq; adeò nefaria. Recipi profectò non poterit in conclaue, cui præceptum illud Iuuenalis inscriptum fuerit: quin ipsi quoq; Iuuenali foris emanandum erit: & quidem ex lege, quam ipse sibi dixit.

VII. In Apologetico ait Lubinus, Satyræ sextam

LI

persequi

Eph. 4.

S. Chry. in ca.
ad Ephes.

persequi inaudita veneficia, & innumera alia scelerum portenta & flagitiorum prodigia, quæ honestè nominari non possunt, inhonestissima: Et tamen iste contra hanc suam propriam sententiam, ruptis vniuersæ honestatis repagulis, non modò nominat inhonestissima illa flagitiorum prodigia, sed & explicat. *Fœdissima*, inquit, *vocabula*, paucis exponam. Vbi obsecro, manet illud apud Caccuagelicum, vel maximè memoria tenendum? *Fornicatio autem & omnis immunditia, aut auaritia, nec nominetur in vobis, sicut decet Sanctos, aut turpitude, aut stultiloquium, &c.* Hæc turpia Apostolus ne nominari quidem vult; at Lubino fœdissima quoque vocabula explicare, & quod Poeta testè dixit; hoc sine vilo verborum inuolucro efferre lubet. Forlan & sibi dictum nouit, quod mimis & histrionibus olim, solenni formula, mandatum fuisse testatur S. Chrysostomus: *Sû mimus & nihil pudeas*, &c. *VIII.* Grauitèr inuehitur Lubinus in illos, quibus maxima pars vitæ elabitur malè agentibus, magna nihil agentibus: tota aliud agentibus. quod de Poetis & Criticis nostri æui verè affirmari posse dicit. *Vi enim omnium rerum, sic litterarum quoque intemperantia laborant, inquit. Et plerique non nihil agent, mala aut superuacanea tractare malunt: Et toto vitæ tempore disputant, dicendumne sit Vergilius an Virgilius, Carthaginienses an Carthaginienses, intellego an intelligo. Et si quod otium ab huiusmodi assaniis superest, Epigramma aliquod componunt in emergentem aut præposteram Venorem, in laudem Cupidinis, in elogium Bacchi, id est, suorum vitijs ac turpitudinis, & ipsius adeò Satane, vnde hæc omnia Encomia instituunt.* Hæc in alios Lubinus obliuiscitur, qui fœdissima quæque in Iuvenale non modò clarius & expressius, sed sæpè multò fœdius, quàm

ipse Iuuenalis explicat, & ut gloriatur, Poetam hunc
de obscuro facillimum, & quantum pote, ex grypho scirpum
reddit: ita, ut impuritas, quæ antea vel sub antiquita-
tis, vel obscuritatis tegmine recondita & ignota de-
litescebat; nunc omnium oculis exposita sit nuda
prorsus & aperta. Imò publicè profitetur iste sui mu-
neris esse, ut obscena & castis auribus indigna, pari fide,
parique luce, quareliqua omnia explicet ac illustret, ne
quid obscuritatis scilicet, quod Lectorem ullo modo remorari pos-
sit (à nequitia) relinquat.

Quæso quis tempus & otium instructius con-
terit? Illene, qui Vergilius an Virgilius; suboles an se-
boles dicendum sit, Criticorum more, disquiri; an
illi, qui omnia Vela turpitudinis, & quidem extremæ
pandit? Quid aliud hic dicam, præter illud Iuue-
nalis?

Quis tulerit Gracchos de seditione querentes?

Quis cælum terris non misceat, & mare cælo,

Si fur displiceat Verri, Homicida Miloni?

Clodius accuset mæchos, Catilina Cethegos?

Careat vitio necesse est, inquit Lubinus, qui alterius vitia car-
pere studeat: Et quod Iuuenalis monet:

Loripedem rectus derideat, Æthiopem albus.

Alioquin aduolabit etiam Flaccus, & hoc occinet:

Tu cum sis, quod ego, & fortassis nequior, vltro

Insectere velut melior, verbisq; decoris

Obuoluens vitium. Quid si me stultior ipse?

Addo ego per parodiam:

Quid si me surpior ipse?

Verum Cacodamonis technæ, ut ubiq; ita hic etiam non ob-
scure, qui talia ingenia vel omnino ad mala deducit; & in om- Verb. Lubli.

ni generis haereses & errores precipitat, vel saltem in huiusmodi ineptiis, (& sceditatibus) per totum vitæ tempus detinet, quibus nec sibi nec aliis profuit.

IX. Exagitat Lubinus Poetas nostri temporis, quod diuina poëseos arte malint abuti, quàm vti. Quotus quisque inuenitur, inquit, qui suos amores, delicias, libidinem, voluptates, iram, odium, inuidiam, & alios prauos affectus, omnibus ingenii viribus adhibitis carmine & versibus non celebrare malit, quàm illum, cuius causa in mundum introductus, & ratione ac oratione donatus est? Hic iterum sui oblitus est Lubinus. Nam si suos amores, voluptatesq; & delicias carminibus decantare non licet, vt reuera non licet; utiq; nec alienos amores, & facta prorsus nefanda, scedissima & turpissima, Commentariis illustrare, & in lucem protrahere licebit. At hoc posterius impudenter facit Lubinus: Testis Satyra sexta & nona Iuuenalis. Imo testis totus eius in Iuuenalem Commentarius. Videat igitur quàm constanter agat, dum alios asperè accusat; sibi autem illud ipsum, si non plus indulgentissimè concedit. Mihi, vt quod sentio, liberè promam:

*Vltra Sauromatas fugere hinc libet, & glaciale
Oceanum, quoties aliquid de moribus audeo*

Lubinus, inter Commentatores turpes turpissimus.

X. Cum Satyra nona nouus hic interpres peruénisset ad nefanda prorsus, nullisq; pudicis oculis adspicienda carmina, hæc annotauit. Meritò hic exclamârim:

Este procul casti, procul ô procul este pudici.

Vos inprimis Germani mei, quibus hoc, quod hic exprimitur, horrendum, execrandum & detestabile scelus, non solum inusitatum, sed Deo optimo maximo sit gratia etiam incognitum, Si vis, vt Germani ab hoc tam periculoso loco abstant; cur Germanos, imò omnes cuiuscunq; nationis adeò sollicitè

exci-

excitas, & tanto verborum strepitu in tua Apologia instigas, ut Iuvenalem nocturna diurnaque manu versent? Cur mentiris, (scapham voco scapham) in quibusdam Iuvenalis Satyris plus doctrinae, plus praeceptorum ad vitam & mores emendandos contineri, quam in integris decem Aristotelis ad Nicomachum filium libris?

Quod Germanis scelus illud ais esse incognitum, opto, ut ita sit. Sed vereor, ne tu & tui similes commentatores flagitium incognitum cognitissimum reddatis: si huiusmodi commentariis Germaniam implere non desinatis. Si serio optas, ut talia ignota sint tuis Germanis, cur debaccharis in illos, qui Iuvenalem, aliosque Vates ab huiusmodi sordibus expurgant? Verum sat speciminum inconstantiae Lubinianae in scribendo & agendo protulimus:

Tempus jam est, ut expendamus rationes, quibus Lubinus suam commentandi turpitudinem comere nititur, & quam de causa tam furiose incurrat in illos, qui lascivos Scriptores amputata obscenitate castigant. Prima causa est, ut Poeta intelligatur. Eandem reddit cum turpia quaedam Persii Sat. 4. turpissimo commentario explicat. *Hae obsceniora*, inquit, *explicanda tamen, non ut Romanorum infanda scelera vel discamus, vel doceamus; sed ut Poetam intelligamus.* Si non vis disci, cur explicas? Si vis disci Poetam, ergo & haec; quia sunt Poetae, quem explanandum suscepisti, pars. Professio certe tua facto tuo ex diametro opponitur. *Hae sunt feda* inquis, *& turpissima in hominem feda, quae non nisi curiosi legant.* Atqui longe rectius fecisses, si ne curiosis quidem tam infamem commentarium lectitandum proposuisses: quorum cum maxima sit multitudo, praesertim inter adolescentes, fieri non potest, quin tanta obscenitas aliquorum mores

inficiat atq; deprauet. Sed satis de hoc iam supra

S. Aug. lib. 2.
de ciuit. Dei
cap. 6.

Verb. Lub. ex
Orat. de poet.

Ad causas accedamus. turpia explicas; vt turpes
poëtę Iuuenalis & Persius intelligantur. Respondebo
tibi, non meis, sed tuis verbis: *En non satius erat super-
vacanea hæc* (addo ego turpia, &, vt cum S. Augustino
loquar, *Fugalia pudoris & honestatis transisse*, quæ nec sci-
re iuuat, nec prodest, quæ siue contineas, nihil tacitam conscien-
tiam iuuant, siue proferas; non doctior videbere, sed molestior;
(& obscenior) quæ dediscenda erant, si scires. Rides om-
nia illa, in quibus nostri temporis Critici *atatem* terunt; vti
syllabarum enarratio, verborum diligentia, versuum lex & mo-
dificatio; item querere, maior ætate fuerit Homerus an Hesto-
dus: Hecuba maior fuerit an Helena; & quare tam male
atatem tulerit: item in notissimo illa Iuuenalis versu:

Qui Lacedæmonium pitysmate lubricat orbem:

Sicne legendū pitysmate, an pitylismate, an pedemate, & qua-
eunq; his sunt similia, Hæc tu de aliis.

At fortē tibi occinentalij illud tui Iuuenalis.

Vnde tibi frontem libertatemq; parentis.

Cum facias peiora senex, vacuumq; cerebro

Iam pridem caput hoc ventosa cucurbita querat.

Verba Lub.

Addent alij quibus pietas & pudicitia cordi; tua non
nilu; sed fletu esse digna; quid enim ex his, quæ
tu in Iuuenalem & Persium commentaris, metum demis,
cupiditatem eximis, libidinem refrenat; ad virtutem viam ster-
nit? Imò quid cupiditatem non excitat? quid libidi-
nem non inflammat? Quid ad virtutem viam non
obsepit? Quid quod pleraq; ex his aut ficta sunt, (addo
impudica & flagitiola) aut mendacij similia. Et quæ ve-
ra aliquis deprehendas, cuius ista errores imminuent, cuius
cupiditates premunt; quem fortisorem, quem iustisorem, quem li-
beraliorum (quem castiorem & puriorem,) facient?

Sane

Sanè nihil in his (impudicis commentariis) inuenies, quod
 veteres timere; veteres cupere. Atq; adeo tantum abest, ut hac pos-
 sessorem meliorem reddant, ut saepe etiam eundem perdant &
 corrumpant. Ah nimis saepe, ô Lubine; non quidem
 illa Criticorum innoxia *κατάματα*, quom remigum nume-
 rum *Vlysses* habuerit: Prior scripta sit *Ilias* an *Odyssea*; eius-
 demne sint auctoris: De Patria *Homeri*; de *Aenea* matre ve-
 ra; & id genus alia; sed tua tuique similium Interpre-
 tum commentaria, propè dixeram *Cynica*; omnisque
 frontis expertia. Doce me quid sit pudicitia, & quantum
 in ea boni. Quisquis hac ignorat, alia frustra didicit; præsertim
 illa, quæ *Lubinus* suis in commentariis ad *Iuuenalem*
*Perlium*q; tradit.

Tu verò bona & salutaria tantum discas, & illa non scho-
 le, sed tibi discas, omnia ad mores & sedandam rabiem affectuū ro-
 ferens: ad quam compescendam & intra honestates
 limites coercendam tam apti sunt commentarij *Lubini*
 in satyræ secundam, sextam, & nonam *Iuuenalis*,
 & in quartam *Perlij*; quam aptum est oleum aut
 stupa ad extinguendam flammam. Optimum autem
 est, ut omnia nostra facta, dicta, scripta, cogitata, & omnia stu-
 dia denique, ad DEI gloriam, & hominum, atque adeò no-
 stri salutem referamus: Quod certè non fit; si foedissi-
 ma quæque vocabula, dicta & facta poetarum, eorumq;
 quos poetæ lasciuissimis versibus insectantur; crimina
 & flagitia non iam tectè & inuolutè; sed apertè & abs-
 que ullo integumento lectoribus proponantur & expo-
 nantur. Cui tandem, dic, obsecro, bono? Tuone
 an adolescentum? Quos hæc talia nescire; quàm
 est optabile!

Quam docta & appetenda est hæc
 igno-

ignorantia? Quasi verò eruditio in eo sit posita, vt noueris, quid nequissimi, & omni libidinum genere contaminatissimi suis in latibulis & gurgustis agere soleant.

Casaub. lect.
Theocr.

Quanto præclarius Casaubonus omnibus Lubinis longè eruditior, quicum apud Theocritum in obscenum quendam locum incidisset, hæc adiecit. *Quem ve explicem, opera non est pretium. Atque vtinam sinerent nos eruditissimi viri multa id genus in Plauto ignorare, nec tantum se in eorum expositione torquere.* Vbi non immeritò perstringit illos, qui summo conatu omnes turpitudines Plauti in apricum, vt sic loquar, ex tenebris educere certant, quos importuno suo studio non rarò eò vsq; progredi videmus, vt obscenitatem somnient, vbi nulla prorsus reperitur, Plautoq; turpitudinem affingant, quam ipsi in suo cerebro gestant.

Rectè itidem Iosephus Scaliger, qui in Catullum, Tibullum & Propertium emendationes & scholia euulgans, publicè protestatur, se nihil quod castas aures offēdat, & turpitudinem redoleat, in medium allaturum. Videturq; si me non fallit memoria, dictis mansisse, & promissa fecisse. Sed ipsius Scaligeri verba accipe, qui gloriose, vt solet, operam tribus Romanæ Poëtes luminibus impensam prædicans, ait, *se vix vllum locum animaduersione dignum prætermisisse, præterquam si quæ sunt, quæ castas aures ferre non possunt.* Ea enim attingere, neque partes meæ sūt, inquit, neq; alius cuiuspiam, qui aliquem saltem pudorem habet. In istis commentariunculis nostris ne verbulū quidem exstat, quod me præterissem melius fuerit, quàm scripsisse. Vellè equidem ipsi vereres pudoris aliquam rationem habuissent, neque tot infamibus scriptis hominibus sese traduxissent. Hæc Scaliger. Cuius vestigia, vt in aliis, ita & in hac à turpibus abstinentia imitari debebat Lubinus: Sed Lubentia aliud suauit. Satis de prima causa. Alteram excutiamus. Iuue-

Iuuenalis, inquit iste, non probat, laudatue flagitia, sed ea laceſſit, inuadit, flagellat, ſecat, vrit, lancinat, jugulat. nec ſcelera commendat, ſed omni turpitudine detecta & reuelata flagellat, idq; tanta animi vehementia, vt nemo viſiorum turpitudinem exhorrere & deſteſari non poſſit. Reſpondeo, etiam iſ, qui mala monſtrat, docet, præcipue, ſi id ſordido & cynico, iſpſiq; flagitiis pari dicendi genere faciat, vt facit *Iuuenalis*, & *cræſſius* adhuc commentator eius *Lubinus*. Multa ſunt, quæ longè ſatius eſt perpetuo ſilētio obſeruere, quam ſpeciatiſim reprehendere: ne ſi poſtea pronus ad ſcelera, in reprehentionem illam incidat, non tam abſterreatur nuda, libera, & cynica reprehentione, quàm ad ſimile quid tentandum ab inſita cupiditate inuitetur & accendatur. Quocirca qui ore & ſtylo tam procaci petulantiffima quæq; facta litteris mandant; illi non tam dehortatores, quàm hortatores ad luxuriam exiſtimandi ſunt: quidquid demùm ſui purgandi gratia, contrà garriant.

Adſcribam hîc veriffimam, & ima mente condendam *Iulii Scaligeri* orationem, qui præcepta de *Satyra* conſcribenda tradens; alterum, inquit, eſt, vt ne, dum vitia inſectamur, eas ponamus voces, è quibus, qui legunt, euadant deteriores: nam ſanè ſeditates nemo bonus nominare debet, nedum vt litteris mander: Quid enim cogitet adoleſcens, qui certarum ignarus obſcœnitatum, audiat verba, aut vocabula tam nefanda, quàm monſtroſo ſunt ingenia iſ, qui ea ſcriptis ſuis audent inferere! Malo igitur non reprehendere vitia deſteſtanda, quàm in execranda oratione mereri reprehentionem. Si quis igitur aliena peccata inſectetur, ea modèſtia veatnr, ne ſuum librum efficiat nequiores, de quo verba facit. Quid enim tetrius quibusdam verſibus *Iuuenalis*, propter quorum inſolentiam vel juſſerim, vel optarim toto opere abſtinere virum bonum. Hæc præclatè *Scaliger*,

liger, quæ à Lubino minimè præterita oportuit, cum videri velit, quasi Scaligeri de Iuvenale Iudicium maximi faciat.

Tertia Lubini ratio est; quod Iuvenalis castis & pudicis non noceat: *nisi quis*, inquit, *malum animum, malos mores iam antè huc adferat, ne utiquam hinc auferet*. Falsum erit ergo illud non iam Menædricum; sed Apostolicum: *corrumpit bonos mores colloquia prava*. Dicere enim licebit cū Lubino: nisi quis malum animum, malosq; mores ad pravas confabulationes adferat; nequaquam hinc auferet; nisi fortè neget, foedissima illa, quæ tam Iuvenalis, quam ipse in chartas retulit, esse *prava colloquia*: quibus certè nihil pravius & deterius fingi potest; ut ipse etià Lubinus nonnunquam rubore suffusus fuerit, tametsi fronte valde dura & propemodum ferrea præditus.

XL.

Deinde, si hæc talia ex cycno coruum non faciunt, hoc est, si pudicum in impudicum; continentem & modestum; in intemperantē luxuriosumq; non transformant; cur ipse Iuvenalis adeò seuerè præcipit; ne quid dictu aut visu foedum ea limina tangat; *inera quæ puer est*? Cur tanta vehementia mordaces versus in illos vibrat; qui lasciuia spectacula in symposia inducunt, nisi quia videbat, etiam sanctissimos mores tanta leuitate & procacitate dissolui & expugnari posse. Opponat se bonus iste commentator suo Vati; suumque illud oggerat. *Talia non obesse pudicis; bonos mores si quis adhuc adferat; ne utiquam malos ablaturum*. Quasi tritum illud ex sacris litteris iam exoluerit: *cum sancto sanctus eris: & cum peruerso peruerteris*.

Quam grauitè; quam copiosè; quam acriter insectantur antiqui Doctores; ut Tertullianus, Arnobius, S. Augustinus, Salustianus & alij, illos, qui ludos sceni-

eos olim frequentabant; idq; potissimum propter turpitudinem, quæ spectaculis illis admiscebatur, quod eam intueri per se cum indecens, tum etiam periculosum esset, nequid spectatoribus affricaret. Verum noster Lubinus hanc veterum disputationem paucis dissciet; obiciet enim talia castis non obesse, & cum qui bonos mores ad theatrum adferat; non ablaturum malos. Quod tam verè dicit; quam verum est; vel vnam morbidam pecudem, non inficere plures, aut etiam vniuersum gregem. *Dabit hanc contagio labem, & dabit* *Iuuen. Sat. 2.* *in plures, sicut grex rotus in agris vniuscabie cadit & porrigine porci. Vnaque conspecta liuorem ducit ab vna.* Ergo ille fruatur vocibus obscænis omnique libidinis arte: Qui Lacedæmonium pyrismate lubricat orbem: hoc est, Lubinus, & similes. Interpretes, flagitiosos poëtas flagitiosè explanantes. *Nostra dabunt alias hodie conuiuia ludos, conditor Liliados cantabitur atque Maronis Alrisoni dubiam facientia carmina palmam.* Castos poëtas castosq; Interpretes versabit pudicitia amans adolescens; & ab aliis, tanquam à Sirenium scopulis, resiliet.

Quotus enim quisque est, qui si semel pedem inferat, in hac flagitiosa pice non hæreat, aut opere, affectu & desiderio, aut simili retinaculo illigatus. *Forstian hac spernant luuenes quibus arte benigna è meliore luto finxis præcordia Titan.* Quantula autem horum portio? Nam reliquos fugienda Patrum (dicerem Vatum, si lex carminis sineret) vestigia ducunt. *Et monstrata diu veteris trahis orbita culpa.* Abstineas igitur damnis: lasciuisq; commentariis. Huiusce etenim vel vna potens ratio est, ne crimina nostra (poëtarum) sequantur ex nobis geniti, & discipuli.

Haftenus Lubinus noster solummodo lufit; vel
potius ad futuram pugnam prolufit. Nunc maius opus
mouet; maior illi rerum ordo nascitur. Arma, arma fre-
mit;

Spumantemq; dari pecora inter inertia votis

Opreat aprum, aut fuluum descendere monte leonem.

Iefuitas in certamina vocat; totus furiofus, *velut enthea*
Damone Mœnas. Ex quo jure feisciteris. Dic qua Tifpho-
ne, quibus exagitere colubris? O Medici mediam pertundite ve-
nam.

Audiamus tamen infantiētis clamores infanos. Sa-
tis demirari nōqueo illos, qui paucula ob obfcœniora, Poetam vnā
cum Interpretibus, per fe ftaret, mundo & rebus humanis exulare
juberent. En quanta *paucitas* ob obfcœniora: quafi Sa-
tyra fexta non fit refertiffima omni obfcœnitatis fpecie,
vt de aliis filfami. Et tamen huic, cui nihil obfcœnitatis
fufficere videtur, hæc obfcœnitatis abundantia nihil ali-
ud eft, quàm *paucitas*: quem mirarer, fi non demiraretur
illos, qui obfcœnitatem exftinctam cupiunt. Agit & hæ-
refi & inclinationi hæreticæ consentanea. Obfcœna e-
nim Hærefis, qualis Lutherana, ex obfcœno parente
Luthero, & obfcœna genitrice Borrhâ profeiminata nō
potest non cultorum fuorum præcordia ad obfcœnita-
tem defendendam inclinare. Pafcitur grandior natu i-
ifdem epulis, quibus tenera ætate à parentibus quis pa-
ftus eft:

Serpente ciconia pullos

Nutrit, & inuenta per deuia ruralacerta.

Illi eadem fumptis quarunt animalia pennis.

Vultur jumento, & canibus crucibusq; relictis

Ad fœtus properat, partemq; cadaueris adfere.

Hic eft ergo cibus magni quoq; vulturis, & fe

Pafcen-

Pāscētis, propriā cum jam facit arbore nidos.

Sed leporem aut capream famula lous, & generosa

In saltu venantur aues, tunc prada cubili

Ponitur. inde autem cum se matura leuabit

Progenies, stimulante fame, festinat ad illam,

Quam primam rupto pradam gustauerat ono.

Ergo cum isti vnā cum lacte Euangelii sui obscœnitatem suxerint, insolitum non est, si reliquo vitæ decursu eandem obscœnitatem diligant, sectentur, utq; vigeat & superet, ardentibus votis exoptent.

Quid verò à ratione alienum agunt, qui obscœnitatem perditum eunt, ut suus virtuti stet honos, honestoq; sua gloria incolumis perseveret? Nam quod ait; *Nos ipsum Poetam, interpretesq; eius radicibus exstirpatos percipere;* id vanitati Lubinianæ cum cæteris condonandum existimo. Turpitudinem ex adolescentiæ manibus excutere studemus & ense etiam recidere, ne pars sincera trahatur: Si quid Poetæ, eorumque interpretes continent, quod morum innocentiae non aduersetur; id studiosæ iuventuti nō inuidemus: imò libentissimè, & liberalissimè impertimus; utq; tales auctores omnium manibus terantur, sedulò laboramus. Quanquam si de tuo Commentario sententiam meam quis exquireret; fortassis nullo scolare me obtringerem, si affirmarem, eum, præter extremam obscœnitatem, plus loquacitatis, quàm eruditionis habere, verborumque perquàm diuitem; rerum autem planè inopem esse, ac proinde Rempubicā litterariam jacturam exiguam subituram fuisse, licet nunquam in luminis oras venisset, aut postquam venit, ad tenebras, vnde exstitit, remearet.

Cæterum ne sine causa demirari, vel potius debacchari existimerur, causas suæ admirationis, & indigna-

tionis nobis perquam grauitè exponit; quas tamen si non causas pro causis allatas dixeris; rem ipsam dixeris. Vera enim & legitima causa huius rei est obscœnitatis amor; qui Lubino sub pectore stimulos vertit; nec quietum esse sinit, sed ad omnis generis conuicia in turpitudinis oïores largiter euomenda concitat. Prima igitur non causa, ut causa est ista: Qui poëtas obloccenos Iuuentuti aut vetant aut purgant; id non faciunt ex sanctitate; sed ex ficta pietate & hypocrisi.

II. Ipsimet sunt flagitiosissimi vita & factis.

III. Hinc cum sua vitia in aliis reprehendi molestè ferant; Horatios, Martiales, Catullos, Tibullos, Propertios, Iuuenales, Plautos, Terentios, & alios truncatos dimidiatosq; mundo obtrudunt.

IV. Quia hoc facit secta Iesuitarum, seu ut Lubino loqui lubet, Iesuyvidarum.

Qua non immanior ulla

Pestis & ira Deum stygio sese extulit Orco.

Per quos staret, iam pridem omnis sanctitas, pietas, fides cum omnibus bonis artibus mundo & rebus mortalium profligata forent.

Dij talem ac tantam terris auertite pestem.

Matth. 5.

Hæc Lubinus planè Euangelicè: & conuenienter diuinis illis monitis: Orate pro persequentibus & calumniantibus vos: ut sitis filij patris vestri, qui in calis est, qui solem suum oriri facit super bonos & malos, & pluit super iustos & iniustos. Cui monito Lubinus in hac sua Inuestiua præclarè satisfacit; dum illos, quos ipse sibi hostes aut fingit, aut hæresi sua facit, tam faustis votis prosequitur. Quo euidenter ostendit, cuius sit filius: Si enim orare pro persecutoribus & calumniatoribus nota est ac indicium

etū filij Patris æterni; certè calūniis dirisq; impetere in-
 centes, argumentum erit filij Diaboli; qui ad se nihil
 pertinere censer illud à cœlesti Patre per os D. Pauli
 dictatum: *noli vinci à malo; sed vince in bono malum*: quia Rom. 12.
 potius diuinum hoc pronunciatum inuertens, hanc sibi
 legem à Tartareo suo Patre acceptam, sanctè custodi-
 endam credit. *Noli vinci à bono, sed vince in malo bo-*
num.

Deinde animaduerto, Lubino in intimis visceri-
 bus, tanquam viro Euangelij luce mirificè collustrato,
 hære illud Domini præceptum: *Nolite iudicare, vt non* Matth. 7.
iudicemini. Item illud Apostoli. *Tu quis es, qui iudicas*
alienum seruum? Domino enim suo stat, aut cadis. Audacissimè
 enim, de illorum vita pronunciat; quos, quia suo & suo-
 rum modulo metitur; flagitiosissimè viuere elamat: Et,
 vt sua crimina magis ob oculos ponat; vocabula scdis-
 sima, ex medio prostibulo hauſta, iactat; quæ profecto
 indicant, istum artium in lupanaribus laudatarum non
 imperitum artificem esse; qui etiam malè de omni-
 bus suspicando perspicuè demonstrat; quam sanctè
 ipse viuat; vt de Lubini similibus, propè dixeram, *Drau-*
cū, iam dudum scripsit S. Hieronymus: qui,

Aduerso nomen de nomine Christi

Ducunt, & verè malè gens contraria Christo est.

Hæreticos dico; qui vt verè ait Serapion Episcopus
 Thmucos, *pro pellibus ouium nomen Christi induci, se quidem*
dicunt, quod non sunt. quod autem sunt, dici nolunt: sed suam im-
probritatem amictu nominis tegunt; qui commune quidem habent Serap. lib.
nomen; student verò, vt nomen Christi funditus deleant: qui contra Ma-
nicheos.
 con-

contra Iesum militant, & Iesum inuocant. Hæc est difficillima omnium improbitas; nomine Christi appellari, & Christum oppugnare. Exenim quia non potuit perversitas contra Deum bellum gerere, vsa est nomine, ut vsus nominis opinionem imprudentibus inuiciat, ut quasi Christi familiaris, hic & illic, ut libet, eos, qui in Saluatorem crediderunt, perdat. Hæc verè Serapion de Hæreticis, in quorum castris Lubinus stipendia facit, quorū præter Serapionem egregiam anatomen instituit Iuuenalis Sat. 2. cum ait:

Qui Curios simulant, & Bacchanalia viuunt.

Qui Euangelium in ore, Satanam in corde ferunt. Qui se Euangelicè viuere iactant, cum calumnientur & conuiciantur prorsus Diabolicè. Sed fremant isti & frendeant, quantum lubet, Societas Iesv cum Dauide læta voce capet: Dominus illuminatio mea, & salus mea, quem timebo? Si consistant aduersus me castra (criminatorum & sycophantarum) non timebit cor meum. Quid timetis inter susurrones, detractores, Deo odibiles? inquit sanctus Augustinus. Vbi possunt palam oppugnantes, vbi non possunt occultè insidiantes, falso laudantes, verè inimicantes. Inter hos, quid timetis? Deus adiutor noster. An emulantur Deum? Numquid fortiores illo sunt? Deus adiutor noster est, securi estote.

S. Aug. in psal.
61.

Sed redeo ad Lubinum: Ex quo quero, quosnam probabilius sit sanctè, castè, & innocenter viuere; illos nē qui quoduis carnis peccatum à vōtis obstricta persona commissum pro flagitioso sacrilegio habent; digno semipiternis inferorum suppliciis; quiq; certissimò sciunt, quemuis, gratia Dei adiutum (quæ omnibus præsto est) castam vitam agere posse, expertem omnis illicite & Veneræ labis; An illos, qui hunc Magistrum sequuntur: cuius hæc sunt Epicuræ axiomata.

I. ἄγαθόν (sine matrimonio) vivere volens, planè ἀδύνατον
 ἢ ἐξ ἀδυναμίας, impossibilia servat, καὶ ὁλως διαμαχῆς penitusq. cum Deo
 pugnat; in hoc, quod verbo Dei & creatura per verbum eius crea-
 ta, & deinceps conservanda & exercenda perperam obnitendo re-
 pugnat.

Luth. Ep. ad
 Wolffg. Reif-
 senb. Tom. 2.
 Epist. f. 275.

II. Votum (castitatis) contra verbum & opus Dei susceptum,
 ut impossibile & impium nullius momenti est. Deus quoq. repro-
 bat illud, non secus, ac si novissem Dei matrem me velle fieri, aut
 novum cælum condere velle.

III. Estne dedecorosum uxorem ducere? (votis obliga-
 to, qualis erat Wolfgangus Reissenbusch, Ordinis S.
 Antonii, ad quem Lutherus scribit) cur non pari datur de-
 decori & probro, sumere cibum & potum, cum utrumq. juxta face-
 re cogat necessitas, & Deus utrumq. ex a quo fieri imperet.

IV. Miseranda res est, eò demencia ventum esse, cum homini-
 bus pudendum facinus aestimantibus, si quis (Monachus, Deo-
 que vorius) uxorem duxerit; aut si quis ob ductam vxorculam
 pudore suffunditur, cum nemo miretur homines edentes & bibe-
 res.

V. Non video hic quidquam consultius, quàm clausis animi o-
 culis quantocius ipsum opus adgredi, ad quod à Deo creatos nos esse
 videmus & sentimus, dum magnis flammis quotidie in carne no-
 stra adurimur.

VI. Quemcunq. puduerit connubii (incundi seu Monachus
 fuerit, seu Monialis) hunc quoq. pudet esse aut dici hominem, aut
 se meliorem, quàm à Deo creatus est de integro faciat.

VII. Castè & integrè vivere tam non est in manu nostra, quàm
 omnia Dei reliqua miracula, gratia & opera. Omnes itaq. ad ma-
 trimonium, hoc est, ad legitime procreandos liberos nati sumus,
 sicut ipsa corporis membra indicant.

VIII. Qui se hominem esse agnoscit, & credit hominis appel-
 latus.

latione se quoque comprehendere, ille purgatis auribus audiat, quam Deus omnium rerum conditor super omnem carnem pronunciet sententiam dicendo, nimirum se nolle vivere quenquam ἄγαμος (cælibem) sed multiplicari.

IX: Qui adeo ἄγαμος ἢ μονόσπορος manere statuit; ille nomen hominis à se deponat, plenum faciens se Angelum esse aut spiritum. Homini enim à Deo nullo modo conceditur.

X. Corpus nostrum penè in uniuersum malebris caro est, nimirum in qua conceptum, auctum, natum, lactatum, fectum & nutritum est. Ita ut super vires nostras sit, ab hac sibi temperare posse, & hoc cogente verbo Dei ita volentis & facientis. Hinc videmus homines alioqui mulieribus parum aptos procreando fœtu, naturalis inclinatione nihilominus esse plenissimos: & quo minus instructi sunt eis τὸ παῖδοποιεῖν (ad procreationem liberorum) hoc magis sunt γυναικόφιλοι mulierum amatores.

Hæc & plura huius generis prorsus Cynica Lutherus in Epistola ad V Volfgangum Reissenbuschium, l. V. Doctorem, Præceptorem in Lichtemberg, Ordinis D. Antonij; qui cum paulò tardius, quàm Luthero placeret, uxorem duceret; prædictis argumentis eum ad nuptias impulit. Nec omnia exscripsi; sed quædam duntaxat; & quidem ex vnica Epistola. Si quis enim alia huius notæ ex operibus Lutheri colligere velit; volumen ingens conficiet. Quantus quantus enim Lutherus fuit, nihil aliud quam porcus & Epicurus fuit. Quæro igitur ex quocunq; cui vel scintilla virtutis superet; quosnam credibilius sit pudicam, sobriam, castamque vitam agere; illosne, qui prædictos Magistri sui aphorismos amplectuntur & exosculantur, an verò illos; qui eos non modò ex Epicuri hara; sed & ex Diaboli officina produxisse seriò censent priuatimq; & publicè docent.

Vbi & illud notandum: Hæreticos inanem mortali-
bus vendere fumum; quando dicunt; castitatem ser-
uari posse ab illo, qui donū castitatis habeat; nemo enim
ex Lutheri decreto donum hoc habet: nam velle casti-
tatem seruare perinde est; vt Lutherus blasphematur, ac
velle matrem Dei fieri; aut nouum cælum velle condere: at do-
num hoc, vt quis mater Dei fiat; aut vt cælum nouum con-
dat nemini conceditur; ergo nec vt castè viuatur, ex senten-
tia impij Lutheri.

Item tam necessarium est; vt quis cum muliere
consuescat; quam necessarium est, vt comedat & bibat:
at hoc, via & lege Dei ordinaria, simpliciter necessari-
um est, ergo & illud. Ex quibus ineluctabili consecu-
tione colligitur inter hæreticos tā paucos castè & impol-
lute viuere; quam pauci sine cibo & potu viuunt; hoc
est, nullos.

Præterea quam necessarium est hominem esse hominē,
tam necessarium est hominem mulieris consortio uti;
sed prius illud simpliciter est necessarium; ita vt ne Deus
quidem efficere queat, vt homo non sit homo; ergo &
alterum ex doctrina Lutheri simpliciter est necessarium.
Cogitet igitur Christianus Lector, quā sanctè & integrè
Lutherus vixerit vsq; dū publicè cum sua *Borha* an *Por-
na* scortari cœpit. Cogitet; an non Lutherus se & sui
similes nebulones depinxerit cum hæc ad eundem Reif-
senbuschium verba effutit. *Fut, vt dum student viuere cali-
des & æquo, scortatione & carnis intemperantia reddantur ple-
nissimi.*

Totus profecto obstupeo, & vox quodammodo
faucibus interclusa hæret; quoties considero repertos
esse, & etiam num reperiri tam excordes & amentes;
qui huiusmodi porco talia, tam fœda, & flagitiosa;

tam ab omni omnium mortalium consuetudine, praxi & usu aliena deblateranti fidem habendam censuerint; & hodie etiam censeant. Quo certè quibusvis accuratius de hoc argumento cogitantibus suspèctissimos tam se, quàm suos liberos reddunt. Quid enim flagitii, quid labis & maculæ non fluit ex supradicta Lutheri doctrina, si in discipulorum mentes influat, ut quidem influit, non sine mellea dulcedine, tandem in felleam amaritinem desinente.

Quid ego non suspicer de Luthero, omnibusq; Lutheri discipulis & sectatoribus, qui æquis oculis & animis intueri & legere possunt obscenissimam illam salutationem, quam ad Spalatinum, Apostaram Sacerdotem, misit & perscripsit carnalis Lutherus. *Saluta tuam coniugem suavisimè; verum ut id cum facias, cum in thoro (ignoscite castæ mentes) suavisimis amplexibus & osculis Catharinam tenueris, ac sic cogitaueris: en hunc hominem, optimam creaturulam Dei mei, donauit mihi Christus meus, sic illi laus & gloria.*

Quid referam alias salutationes & valedictiones plenas Venere, jocique Venereis, impuris, impudicis, & petulantibus, quæ passim in Epistolis Lutheri occurrunt, *Ketha mea salutat Ketham tuam. Cathena mea salutat Cathenam tuam. Ketha mea vomit & nauseat, agrotatq; rursum, sed bona, ut spero, agitudine, nempe capitis & vertiginis (nescio cuius) que te, Elsamq; tuam valdè salutat. Ioannellus meus lætus & robustus est, atq; homo vorax ac bibax. Saluta costam tuam, carnem tuam, vitem tuam, cum vuis suis. Vale cum costa tua, cum Heua tua. Salutat te Heua mea, satis sana & læta, petitque pro se orari, ut saluis liberis tertium sætum salubriter ferat & pariat. Saluta Elsam tuam cum vuis suis. Et ad Amsdorffium: Vale, & pinguem marisum Melchiorem saluta, cui opo-*

Luth. Epi. ad
Spal. To. 2.
Ep. fol. 306.

Luth. To. 2. Ep.
ad M. Agri-
colam f. 333.

ad Spa. f. 377.

f. 271.

coniu.

coniugem obsequentem, quæ per diem septies eum capillo circum
forum ducat, & per noctem ter benè obtundat verbis connubiali-
bus, ut meretur. Ad Lincum. Benè vale in Domino, ich bin fol. 297.
an Kethen gebunden/ vnd gefangen/ vnd liege auff der Bore/
scilicet mortuus mundo. Vbi aliud dicens, nequissimè ad
nomen & cognomen scorti sui Catharinæ seu Kethæ
Boræ alludit.

Et quisquam cerebri tam vacuus est, ut hunc scur-
ram ex Kethæ, Elsi, Costæ, Eui, vitibus, vno verbo. mulieri-
bus, totum coagmentatum Apostoli, aut Euangelistæ
nōmine condecoret, aut organum Dei, doctrinæq; cœle-
stis reparatorem fuisse credat? Vbi, oro, simile scribendi
exemplum in Apostolicis, aut Apostolicorum virorum
Epistolis? An Apostolus Paulus scribens ad Timotheū,
Titum, & Philemonem, ad finem literarum subiecit. *Ke-
tha mea salutat Ketham tuam. Vale cum tua Elsa, cum Costa,*
cū carne, cū vite & vniū eius. Saluta coniugem tuā, quæ faciat oro,
pulchra te prole parentē. Num adhanc Lutheri normā: *Phi-*
lippe dedit heri Deus Philippulum, qualem & tibi opto det Deus. *Luth. ad Lan-*
Paul⁹ scribēs ad Timotheū dixit: *Tito dedit heri De⁹ Tuitū,* *gum Monach.*
qualē & tibi opto det Deus. Apage hos scetores à litteris & pe- *Apost. f. 293*
ctoribus Apostolicis: nequaquā halant talē Mephitim; sed
spiritū & castimoniam spirant: non carnem & sanguinē.

Nec in Epistolis sancti Pauli valedictionē huius Lu-
theranæ similem, ipse etiam Argus, quamuis totus ocu- *Luth. Tom. 2.*
leus, inueniat: *Vale cum tua costa in Domino. Meus Ioannel-* *Epist. ad Spal.*
lus te salutat, qui dentionis mense incipit jattare, & jucundis offen- *fol. 322.*
sionibus quosuis increpare. Ketha quoq; tibi omnia optima impreca-
tur, maximè Spalatinulum, qui te doceat quod se doctam jactat
à suo Iohannello, hoc est, fructum & gaudium coniugii, quibus in-
dignus erat Papa cum suo mundo. Hæc Lutherus, qui cum
doctrinam suam alio sigillo non obsignarit, quam sacri-

lego; diuinisq; & humanis legibus interdictio cum Moniali connubio; mirū non est, ex Euangelio tā pulchrè ob-
signato, nasci filios tam lasciuos, salaces & petulcos.

Quod autem postremū firmamentū & robur quin-
ti Euangelij positum sit in incestis illis nuptiis, testatur
Luth. Epi. ad Mich. Stifel. To. 2. f. 300. non semel ipsemet Lutherus: *non dūxi, inquit, uxorem, vt diu uiuerem, sed vt meam doctrinam fortè mox post meam mortem concultandam iterum proprio exemplo relinquerem confirmatā pro infirmis.* Alibi. *Vera est fama me esse cum Catharina subitò copulatum, &c. Et hoc nouissimum obsequium parenti meo (homi- ni ex infima plebis fæce) postulanti nolui denegare spe proli, simul vt confirmem factō, qua docui.* En confirmationem Lutherani Euangelij: Hæc paucissima de plurimis ex Luthero in gratiam Lubini proferre volui; vt quia dixi, quæ lubuit; audiat iam, quæ audire non lubet, simulque labes & maculas suas tuiq; gregis agnoscat; quas susci-
piunt, qui tam carnale Euangelium profitentur.

Itaq; cum Lubinus, aut similis putidus & impudicus lasciuī poëtæ interpretēs rogat; quare poëtās lasciuos ado-
lescens deuiter, ac ne attingat quidem; idem det respon-
sum; quod olim dedit S. Hieronymus, sciscitanti cur ad eremum pergeret? *Videlicet, vt te non audiam, non vi- deam, vt tuo furōre non monear: vt tua bella non patiar; ne me capiat oculus meretricis, ne forma pulcherrima ad illicitos ducas amplexus. Respondebis: hoc non est pugnare, sed fugere; sta in acie, &c. Fateor imbecillitatem meam: nolo spe pugnare vi- doria, ne perdam aliquando victoriam. Si fugero, gladium deu- tui; si stetero, aut vincendum mihi est, aut cadendum. Quid autem necesse est certā dimittere, aut incertā sedari? Aut scuto aut pe- dibus mors vitanda est. Tu qui pugnās, & superari potes, & vincere: Ego cum fugero, non vincō in eo, quod fugio, sed ideo fugio, ne vincar. Nulla securitas est vicino serpente dormire; po-
test.*

S. Hier. con- tra. Vigil.

test fieri, ut me non mordeat, tamen potest fieri, ut aliquando mordeat.

Sed ait Hæreticus. Castum & pudicum animum ad poetarum lasciuos adferas, & nihil damni referes, Pulchrè. Quasi nullus pudicus animus impudica lectione eueri queat. Quasi non ea vis insit in petulanti oratione, ut intimos etiam mentis recessus peruadere, & sollicitare ad defectionem possit.

Sirenium voces, & Circes pocula nosti?

Ea sunt lasciuia poetarum poemata,

Quæ sic cum sociis stultus, cupidusq; bibisset

Nimirum Vlysses,

Sub domina meretrice fuisset turpis & excors,

Vixisset canis immundus, vel amica lutosus.

Ut verè canit præstans ille Lyricus & Satyricus: sed refragante Lubino, ex cuius placito, si Vlysses cum sociis castum animum ad Sirenium voces & pocula Circes attulisset, sine noxa & illas audisset, & hæc hausisset.

Quam multis castimonia & innocentia morum alioquin conspicuis, cum ad turpium scriptorum lectionem accedunt, accidit quod Alypio suo euenisse scribit S. Augustinus: qui cum semel à sodalibus quodammodo inuitus raperetur ad ludorum Circensium spectaculum: *Si corpus meum, aiebat, in illum locum trahitis, & ibi constituitis, nunquid & animum & oculos meos in illa spectacula potestis intendere? Adero itaque absens, ac sic & vos & illa superabo. Quibus auditis, illi nihilo secius cum adduxerunt secum, id ipsum fortè explorare cupientes, verum posset efficere.*

Quò ubi ventum est, & sedibus, quibus potuerunt, locati sunt, feruebant oia immanissimis voluptatibus. Ille clausis foribus oculorum, interdixit animo, ne in tanta mala procederet, atq; utinam & aures ob-

Aug. lib. 6.
Confession.
cap. 8.

tura-

turauisset. Nam quodam pugna casu, cum clamor ingens totius populi vehementer eum pulsasset, curiositate victus, & quasi paratus quidquid illud esset, etiam visum contemnere & vincere, aperuit oculos, & percussus est grauiore vulnere in anima, quàm ille in corpore, quem cernere concupiuit, ceciditque miserabilius, quàm ille, quo cadente factus est clamor, qui per eius aures intrauit, & reserauit eius lumina, ut esset qua feriretur & deiiceretur audax adhuc potius, quàm fortis animus, & eò infirmior, quòd de se præsumpserat, qui debuit de re. Ut enim vidit illum sanguinem; immanitatem simul ebibit, & non se auertit, sed fixit aspectum, & hauriebat furias, & nesciebat, & delectabatur scelere certaminis & cruenta voluptate inebriabatur. Et non erat iam ille qui venerat, sed vnus de turba, ad quam venerat, & verus eorum socius, à quibus adductus erat. Quid plura? Spectauit, clamauit, exarsit, abstulit inde secum insaniam, qua stimularetur redire, non tantum cum illis, à quibus prius abstractus est, sed etiam præ illis & alios trahens,

Si ergò Ludi Circenses adeò immutare potuerunt Alypii probum, candidum & sincerum animum; quanto facilius blandimenta illa lasciuientium Poëtarum eundem quamtūvis purum, intactum, & illibatum de recto tramite deiiceret, cum Poetæ turpitudinem illis verborum lenociniis proponant,

Quibus incendi vel frigidus auro

Laomedontiades, vel Nestoris hernia possit.

Quod verò, ex intimis procul dubio præcordiis, pro leuitis has preces fundis:

Dii talem ac tantam terris auertite pestem.

Paulin. Ep. ad Id. ut scias, ne pili quidem ducimus

Auson.

Cum steriles fundas, non ad diuina, precatus

Castalidis supplex averso numine Musis.

Non his numinibus tibi me patriaq. reuelles

Surda

*Surda vocas, & nulla rogas;
Irrita ventosa rapiunt hac voca procella,
Quae non missa Deo, vacui in nubibus haerent.
Nec penetrant superi stellantem Regis in aulam.*

Finis primae partis.



Oo

Sup-




Supplementi

PRO DVOBVS
LIBRIS DE IVRE ET MORE
PROHIBENDI, EXPVRGANDI ET
abolendi libros Hæreticos & no-

xios

PARS ALTERA.



CAPVT I.

*Mos hæreticorum euulgandi libros Anony-
mos aut falso nomine insignitos; ab i-
psis hæreticis grauter reprehen-
sus.*



Nter cæteras fraudes, quibus hæretici
sectæ suæ latius diffundendæ gratia, vtrū-
tur, hæc infima non est; quod sæpe ope-
ribus suis vel commentitium, vel planè
nullum nomen apponunt; vt lector no-
minis fictione vel absentia illiciat in cassam, quam nul-
lo ne-

lo negotio vitasset, si liber verum nomē prætulisset. Luse-
runt hūno lusum nō semel Calviniani; nec rarius Luthe-
rani. De Calvinianis testem do Lutheranū Schlussembur-
gium, qui hisce coloribus Calvinistarū technas nobis de-
pingit. Sacramentarij, more spiritus tenebrarum, multa scripta,
nomine suppresso vel mutato, publicis typis inuulgari curant, ut
venenata sua dogmata hac ratione, melle fucata & circumli-
ta, incautis & ignorantibus propinent. Beza anno Domi-
ni 1575. homilias duas de negotio sacramentario typis inuulga-
ricuravit, quibus homiliis huiusmodi titulum praeiicit. Ad-
uersus sacramentariorum errorem, pro vera Christi praesentia in
cena Domini.

Schlusselb.
li. 2. de Theol.
Calvinist. a. 7.

Diligenter notetur versutia huius sacramentarij & ma-
litosi spiritus fraudulentia, quomodo videlicet sub honesto &
specioso titulo, ac plausibili inscriptione, haeresin sacramenta-
riam, leaoribus imperitijs vendites. Promittit in titulo se ad-
uersus sacramentariorum errorem pro vera CHRISTI prae-
sentia in cena Domini disputare, cum tamen ex professo contra
veram praesentiam disputet, &c. Nec subsuo, sed sub alieno &
ficticio nomine edidit Beza has duas conciones. Appellat eni-
m se Hebraica forma, & mutato nomine Nathanaelem Neseke-
um. Hoc certe non Prophetarum & Apostolorum, sed tenebri-
cosi spiritus & ingenium est, ut nomen alienum assumat. Vult
hic Beza esse & haberi pro vero Nathanaele, in quo non sit
dolos, cum tamen ex dolo, fraudulentia, & impietate totus sit
conflatus. Nomen quoque loci, ubi impressus est liber, adulteri-
um & fictitium est: nam Theopolis ista, ubi excusus esse
scribitur, non est in rerum natura. Est autem sacramentarius
admodum familiare libris edere in publicum, vel sine nomine au-
thorum, vel in eodem libris fictitia nomina praefigere. Et possent
sanē plurima huius rei exempla recitari, &c. Nos pauca nunc
addemus.

- Anno 1525. Cinglius contra Pomeranum, scriptum virulentissimum, sub nomine ficticio Conradi Riß publicari curavit. Leo Iuda Tigurinus sub adulterino nomine Ludouici Leopoldi contra Lutherum scripsit. Sic & Zvvingios quidam contra Lutheri librum, cui titulus de vero & genuino sensu verborum cœna, &c. libellum edidit circa 300. argumenta complectentem. Ita quidam sine nomine librum de Eucharistia sub titulo Diallactici edidit, cum Anonymi Calvinista, cui est nomen Quidam præfatione. Ita anno eodem Ioannes Anastasius Cinglianus libellum quendam impium sub nomine Adami Christiani, Tiguri impressum, &c. contra veram præsentiam Christi in sacra cœna publicavit. Anno sequente occultus quidam Calvinista Epistolâ de re sacramentaria contra VVestphalum edidit. Ita Thomas Erasmus, sacramentarius Germanica lingua librû de sensu verborû cœna sine nomine edidit, &c. Anno 63. Sic in schola Ingolstadiana, quidâ Cinglian^o Iesuita Anonym^o contra Iacobum Andrea, &c. de negotio sacramentario theses edidit. Siste hic gradum prædicans.

Monstra loqueris. Quale enim monstrum, Iesuita Cinglianus: Et in schola Ingolstadiana, Iesuita & Zvvinglianus disparata sunt; sicut lapis & ferrum; & hoc ipso, quod quis Iesuita est; Cinglianus non est; & si Cinglian^o sit, Iesuita esse nequit. Cinglius item & schola Ingolstadiana, toto cœlo distant. Nihil hic loci Cinglianis Professoribus; nihil Cinglianis Thesis^o, sed quia Professor ille vestram fortassis de Eucharistia Phantasiâ, & præsertim pulchellam illam ubiquitatem fortius tetigit, quàm vobis placeat; ideo Zvvinglianus à te audit. Iam pergo.

Anno 1566. quidam ex Cinglianis sub alieno nomine Abdia Liberini Syntagma sacramentarium emisit, &c. Anno 69. Cingliani sub nomine putatio Elia Palingenii Tragœdiam de Cœna Domini ediderunt, &c. Anno 71. Beza sub nomine ficti-

fictitio Christiani Heßiandri librum blasphemum de negotio Eu-
charistico edidit, &c. Anno 77. ediderunt Calvinista assertionem
contra Testamentum filii Dei sub nomine peregrino Theophili A-
lymantii Franci Theologi, &c. Anno 79. Iosua Lagus Pomieranus
&c. contumeliosissimum, & atramento Diabolico tinctum scrip-
tum edidit contra Selneccerum sub nomine Germani Bauari Hal-
lensis. Anno eodem libellus Cinglianorum contra librum Concor-
diæ sub adulterino titulo Ioannis Palmerii exiit. Contra eandem
Concordiam Anno 79. & 80. Christophorus Hardeßianus, Syndi-
cus Noribergensis, &c. sub nomine Ambrosii VVolsii verè iuriosi
lupi publicavit duo venenatissima & maledica scripta. Ita contra
Oßiandrum, rabula Calvinistarum conductitius Ioannes Scurmius
scurrilem & ineptam inuectiuam edidit sub falso titulo Herman-
ni Scurmiani. Ita Franciscus Hotcomannus sub personata facie
Francisci Aspasii virulentissimum & calumniosissimum Basilis-
cum contra Iesu Christi Testamentum euulgavit, &c.

Anno 81. Synodum Ephesinam Calvinisticis erroribus con-
taminatam, turbulenti sacramentarii, sub specioso nomine Hermā-
ni Pacifici emiserunt. Anno 82. contra librum Scroppii de re Sa-
cramentaria epistolam monitoriam Neustadiani, sub adulterino
nomine Angeli Masarelli ediderunt, prætendentes librum Romæ
excusum, per Typographum Apostolicum, cum tamen liber iste
nunquam Alpes, nedum Romam viderit, &c. De reliquis scriptis
multis Neapoli, Heidelbergæ, Genuæ, Brema & alibi à Nemi-
nistis editis, nihil jam dicam. Ex his & aliis exemplis Christianus
& pie eruditus Lector facile videt, Calvinistas sine nomine, clan-
culum, sua scripta, contumeliosa, maledica, impia & blasphemata in
agrum Ecclesiæ Domini hinc inde disseminare. Hæc Luthe-
ranus iste Superattendens non malè in Zvinglianos &
Calvinistas.

Sed quare, obsecro, oblitus est suorum Lutherano-
rum? An fortè nesciuit illos eidem crimini (si, ut iste di-
sputat,

Erasm. Epist.
contra pseu-
doguang.

sputat, crimen est) obnoxios esse? an sciuit, sed quia propria vineta cedere nolebat, dissimulauit? At stipitem esse oportet, si non animaduertit, fore, vt nec Zvvingliani, nec Catholici hanc improbam dissimulationem dissimularent. Dicat, oro, superintendens iste, an non nouerit illum Prædicantē qui *verso nomine*, vt inquit Erasmus, *dicauit librum filio Regis Galliarum*; & *insperfit identidem voces Gallicas*, ne in Germanum Auctorem caderet suspicio, affictis & aliis aliquos coniecturis: vt liber Lugduni à Gallo & scriptus, & excusus videretur. Occurrer fortassis non fuisse Lutheranum, sed Zvvinglianum. Atqui initio non modò Lutheranus, sed Lutherò tam addictus fuit, vt opera illius Germanica in linguam latinam transfulerit. An non enim Martinus Bucerus interpretem Lutheri se præbuit, tam ex Germanico in Latinum, quàm ex Latino in Germanicum? An non sæpius hoc nomine commendatur à Lutherò? Et si eas tandem illi soluit grates, quas Bucerus minimè sperauerat. Quod si Bucerus Lutheranus non fuit, cur Lutheranam causam in Colloquio Ratisbonensi cum aliis Lutheranis egit? Fortè tunc Lutheranuserat, quando se Martinum Bucerum nominabat: At cum Aretii Felini appellationem subibat, tū scilicet derepente, Lutherò exuto, Zvvinglium induebat,

Sed non contendam cum Superattendente de Bucero, factus fuerit ex Monacho Lutheranus, ex Lutherano Zvvinglianus, iterum ex Zvvingliano Lutheranus: tandem ex Lutherano rursus Zvvinglianus; aut, si vis, Iudæus Apella; hoc tantum percontanti responde: an Bucerus fuerit Lutheranus, quādo abnegata Martini Bucerii appellatione edidit librum sub nomine *VVaremundi Euseboldi* hac inscriptione: *Quis impeditur Haganoæ, ne colloquium de religione haberetur: item, quo iure à protestantibus petatur restitutio bonorum Ecclesiasticorum, &c.* Item

Item an in Lutheri castris militaret tunc, quando librum euulgauit sub nomine *Conradi Trew de Fridenpleuen?*

Mittamus Bucerum, Lutheranos fuisse Huttenum, Melanchthonem, Brentium, & Vergerium, non inficiaberis opinor. At qua metamorphosi transit Huttenus in *Abydenum Corallum*: Melanchthon in *Didymum Fauentinum*: Brentius in *Vtilingium*: Vergerius in *Fregosium*, alii in alios. Nam si quis Lutheranorum scripta & acta curiosius lustrare velit, forsân plura inueniet ab illis sine nomine, vel suppositio nomine cula & disseminata opera, quàm à Zvvinglianis. Et tamen Prædicans iste de suis mutus est: de Zvvinglianis clamorissimus.

Foras dicet: pius dolus est, nemini nocet, prodest multis. At eodem responso tuebuntur se Zvvingliani aduersus tuam accusationem. Deinde, nullinè nocet hæresis? Nec confugere potes ad rationes, quibus se Calvinistæ purgant, quia tu illas refutas. si ergò in causa Calvinistarum non censentur idoneæ, cur in causa Lutheranorû plus ponderis viriumq; haberent? Scio, inquis, & lego in *Sacramentariorum libris*, quam ratione librorum anonymorum scripturam incrustare, & excusare homines isti athei soleant. Dicunt non esse nouum, ut libri absq; nomine auctorum inuulgentur, Scriptores non metu, sed humilitatis potius causa nomen suum non sepe præfigere. Sed quæ humilitas apud Calvinianos & Lutheranos, gloriæ animalia & mancipia? Nullus hæreticus humilitatē unquā gustauit, alioquin hæreticus nō esset; nā quod humilitas intrat, inde in exilium hæresis, exturbatur.

Alii clamitant, se idē nomina sua occultare ne conceptum ex persona præiudiciū causse ipsi obsit. Verū hoc etiā sine tur, qui non venit, nisi ut furetur, nomē suum tegit, ne ex persona præiudiciū proposito suo officiat. Alii prædūc, se propterea nomina sua nō adscribere, ne videatur acquirēda fidei causa obre-

re personam. Hæc ratio omni probabilitate destituitur. Cum enim Hæretici vel maximè cupiant dogmatibus suis apud quamplurimos conciliare fidem, utiq; nomen suum silentio non præterirèt, si crederèt id ad fidem faciendam plus momenti allaturum, quàm aut nullum, aut alienum.

Alii vociferantur se nomina sua ideo suppressere, ne nominis sui fulgore alios obruant. Hæc ratio vanitate cum superiore certat. Nullus enim ex Hæreticis est, qui alteri primas deferat quemq; si fulgore nominis sui obruere posset, non obrueret. Nullus est, qui non velit Lutheri esse doctior, inquit ipse Lutherus. *Es nemo est, qui non de me prostrato victorie palmam auferre cupiat.*

Luth. Tom. 2.
Epist. ad An
uerpienses.

Alii quidam infirmitatem & timiditatem suam prætendunt tempore persecutionum, aut alioquin periculis imminentibus, ubi non semper hominibus commodum, vel tempestivum, vel tutum etiam sit, nomina sua profiteri. Huius & similibus artibus & verborum prestigiis, inquit Schlüsselburgius, Anonymi isti sacramentarii (& Lutherani) & ipsorum patroni, eiusmodi Noministica scripta excusare solent. Sed pii sciunt & dicunt, hac ratione larvas istas, quas sibi multiplices Spiritus isti tenebrarum ad fallendos imperitos induunt, non posse occultari, vnt se in Angelos lucis transformant. Prophetæ & Apostoli nomina sua libris & concionibus præmittere solent. Decreto etiam imperii publico cautum est, ne quid sine nomine auctoris edatur in lucem. Iurisconsultorum etiam præcepta prohibent suppressionem & mutationem nominum, quæ sit in fraudem aliorum. Christiani, qui sunt filii lucis, in die ambulare, & aperto Marte contra hostem dimicare consueverunt. Honesti & ingenui homines semper rationem istam sine nomine disputandi & scripta spargendi, paucillorum instar auersati sunt. Hæc omnia, quæ Schlüsselburgius disputat, tam in Lutheranos, quàm in Calvinianos valent; Et si non in illos; neq; in hos; Absit autem ut in hos non valeant.

Ergò

Ergò dum Prædicans iste in Calvinianos tela vibrat, se quoq; & suos imprudens sauciat. Numquid & Catholicos? nam & his mos est nomen interdum mutare aut suppressere. Respondeo: malè agere, & in Ecclesiasticam legem delinquere eum, qui sine justa causa nomen suum libro non præscribit. Sic enim lex edicit. *Nullus liber in posterum excudatur, qui non in fronte nomen, cognomen, & patriam præferat Auctoris: Quod si de auctore non constet, aut justam aliquam ob causam, tacito eius nomine, Episcopo & Inquisitori liber edi posse videatur nomen illius omnino describatur, qui librum examinaverit, atq; approbaverit.* Hæc lex, quæ indicat posse nominis omittendi justas causas suppetere, de quibus dixi libr. 2. de jure prohibendi libros cap. 4. Nec si veritati, veritatisq; defensoribus aliquid conceditur, id etiam falsitati, falsitatisq; propugnatoribus Hæreticis concessum videri debet: ut studium humilitatis v.g. aut inanis gloriæ fugiendæ desiderium, aut metus imminētis ab oloribus veritatis periculi excusare potest Catholicum, ne nomen suum profiteatur, dareq; potestatem, ut in sui nominis locum aliud supponat; hæc tamen & id genus alia Hæreticum nunquam excusatum reddent, tum quia ne micam quidem humilitatis possidet; cum quia hæreseos disseminatio nullius discriminis formidine ita cohonestari potest, ut auctor eius occultè agat, quod publicè & patefacto nomine absque præsentis periculo præstare nequit: imò eò fit nocentior & sceleratior, quò rectior & ignotior venenum spargit. Veritatis hoc privilegium est, ut se immunem cōservare possit; etiam nominis mutatione, aut suppressione. Neq; enim leges absolute prohibēt nominis mutationem; sed illam duntaxat, quæ in detrimentum rei communis aut alterius privati cedit. Accipe verba legis.

Ind. Clemen.
VIII. de im-
press. lib. §. 1.

*L. sicut. C. de
mutat. nomi-
ni.*

*Paul. lib. 8.
sent. tit. 25.*

Sicut in initio nominis, cognominis, prænominis recognoscendi singulos impositio libera est priuatis: ita eorum mutatio **INNOCENTIBVS** periculosa non est: mutare itaque nomen vel prænomen, sive cognomen **SINE ALIQUA FRVDE** licito iure, si liber es, secundum ea, quæ sæpè statuta sunt, minime prohiberis, nullo ex hoc præiudicio futuro. Clypeo huius legis tunc hæretici sese merito defendent, cum nobis innocentiam suam, mentemque ab omni fraude liberam demonstrauerint. Sic & Paulus Iureconsultus alienum nomen non vetat, nisi fraudulenter & dolose usurpetur. Qui sibi falsum nomen imposuerit, genus parentis suæ finxerit, quo quid alienum interceperit, possederit, pœna legis Cornelia de falsis coercetur. Notentur verba illa: Quo quid alienum interceperit, &c. quæ propriè Hæreticos tangunt, quibus solenne nomen sibi ad fingere, vt alienas oues, animas inquam, Christi sanguine redemptas interuertant, & à pascuis Ecclesiæ ad tenebrosa sua antra abripiant: aut vt liberius in famam, bonamque existimationem eorum, quos odertunt, grassentur. Quod consilium longè abest à Catholicorum pectore.

Cæterum cur hæc licentia anonyma vel recto nomine non insignita scripta toleranda non sit in Calvinianis & Lutheranis, his rationibus, iisque efficacibus ostendit Schlussemburgius.

I. Quia libri (Caluiniani & Lutherani) sine auctorum nominibus editi, non sunt ex Spiritu S. sed ex spiritu impuro potius, instigante homines ad ferenda mendacia, & excusanda, & ornanda peccata ad effundenda conuicia. Esse autem organon maligni & maledici spiritus, non est exiguum peccatum.

II. Quia anonymi isti libri oriuntur ex corde liuido, exulcerato, sibi male conscio, ardente cupiditate vindictæ, &c. Nam ex amore Dei & zelo pro veritate & ex dilectione proximi nequaquam infl-

III. Quia

III. Quia Neminiſtica illa ſcripta omni freno ac pudore carent, modumque non ſervant, ac ſunt mera inuectiva, audent quo ea proferre, qua aliàs nunquam auctor nomine ſuo adiecto, pronuntiaret. iudicium nimirum, aut refutationem extimoſcens. Non itaq; vllum Deum verentur, non vllam ſpectant honeſtatem Neminiſta (Caluiniſta, Lutheriſta) regnantq; in iis, atq; veluti in ſecido ſtagno regurgitant atq; exundant mendacia, calumnia, maleſta, conuicia, quibus miſeri Neminiſta ſeſe immergunt.

IV. Quia nulla eſt rectitudo, nulla ingenuitas, nulla dexteritas in Neminiſticis ſcriptis, ſed fraudulentæ, doſoſe, ſceleratæ pleraque peruerſantur falſis narrationibus, interpretationibus, detorſionibus, ita vt nunquam magis ſophiſtica & ſycophantia & Vlyſſea artes locum habeant.

V. Quia merito ſuſpecta habentur, & omniſido carent: nam iſtam ob cauſſam nomina diſſimulantur, quia auctores nolūt de ſingulis reddere rationem.

VI. Quia ſunt ſamoſa ſcripta, non tantum eo, quod nomina ſua Auctores occultant, ſed quia conuiciis ſpurci & inhoneſti ſcætant. Sunt igitur contra leges ciuiles, & honeſtatem publicam C. de ſamoſis libell. & §. 1. c. Hi qui inuenti. Item L. 13. Falſi ff. ad leges Cornel. vbi lureconſulti tradunt, non tantum inhoneſtum eſſe ſine nomine, vel ſub fictitio nomine, aliq; honeſtos homines conuiciis proſcindere, ſed diſcrete pronuntiant, hoc facientes de facto infames eſſe.

VII. Quia ſunt ſcandalosa ſcripta, quæ etiam alios faciunt peccare; nam calumniare, ait ille, audacter, ſemper aliquid hæret ſui; igitur calumniis multos ledunt, imò & aliis, vt ſimilia ſamoſa ſcripta edant peſſimo ſunt exemplo.

VIII. Quia non ornant gloriam Dei, ſed dedecorant, quia errores & peccata ſuci & maledicentia exornant.

IX. Quia Chriſtus ipſe de eis iudicium pronuntiat: omniſ, qui male agit, odit lucem. & non venit ad lucem, vt non arguatur.

quantur opera eius. Ergo Christus eiusmodi Neminiſtica ſcripta damnat, &c.

X. Quia eſt ſpecies mali, quam iuxta Apoſtolum omnes pii cauere debent.

XI. Quia omnes credentes, imò omnes mediocriter & poliſice ſaltem honeſti homines, talia Neminiſtica ſcripta, conuictis & ſpurcitie plena abominantur & improbant.

XII. Quia Deus ſine omni dubitatione in hoc mundo etiam eiusmodi Neminiſtas improbos & maledicos punire ſolet: ut etiam recentia exempla poſſint commemorari nò pauca in Portis, Theologiis, & poliſicis, &c. Sed etiam in nouiſſimo iudicio grauius arguet atq; vindicabit eos Deus. Non enim vana eſt hac vox Chriſti; Reddendam eſſe rationem pro vnoquoq; verbo otioſo. Sed ſcripta Neminiſtica continent ingentia plauſtra, imò integra maria maledictorum & conuictorum, &c.

Ex his rationibus patet, omnes iſtos lucifugas, qui nominibus ſuis occultatis, in fraudē Eccleſie, & bonorum virorum contumeliam ſpargunt ſcripta, non eſſe ex Deo, ſed ex ſpiritu tenebrarum. Omnes igitur boni, tenebriones iſtos fugere & deſteſtari debent.

CAPVT II.

Hereticorum proprium eſſe libros ſupponere & falſare.

Q Vomodo Hæretici libros ſuppoſitiſios euulgent, & genuinos quoq; patrum ſœtus corrumpant, tuſe demonſtratum eſt libro 2. cap. 5. & 6. Neq; enim verentur poenam falſi; cùm eò proceſſerint, ut neq; poenam inferni reformident. Falſi pena coercetur, inquit Paulus Iureconſultus, qui rationes, acta, libellos, album propoſitum.

Paulus lib. 5.
ſent. tit. 25.

ceſta.

restationes, cautiones, chirographa, epistolas, sciens, dolo malo, in fraudem alicuius deleuerit, mutauerit, subiecerit, subscripserit, quicquid in aurauerit, argentauerit, quicquid cum argenteo vel auro ponerat, as, stannumue subiecerit. Quanto magis hanc falsam poenam merentur hæretici, qui in fraudem Ecclesie, totque animarum perniciem, Epistolas & libros supponunt, & subiciunt, æreos prius & plumbeos; at ne appareat, celeberrimorum scriptorum nominibus inaurant & inargentant: quicquid acta, libellos, chirographa, cautiones, & id genus alia instrumenta, quibus vera religio & uita fides continetur, & explicatur, radunt, truncant, decurrant, & hoc dolo malo, & ingenti fidelium damno, qui olim sciens dolo malo falsis instrumentis, actis, epistolis, & rescriptis utebatur; is, si quidem humilioris status esset, in Paulus. loc. metallum damnabatur; si honestioris; in insulam deportabatur. At falsarii hæretici ita depuduerunt, ut non tantum ipsi falsis instrumentis, actis, Epistolis & rescriptis utantur, sed & alios uti velint, & pro sua detrita fronte, uti iubeant; idque impune. quorum tanta nunc est frequentia, ut illis capiendis nulla metalla, nullæque insulae sufficiant.

Actis pro auro subiectores stellionatus crimine teneri tradit Vlpianus: *si quis in pignore ff. de pig. act.* Quid ni eodem crimine notentur; qui cum poseimus aurum, hoc est, Verbum Domini purum; nobis obtrudunt plumbum, hoc est, verbum Lutheri, aut Zvinglij, aut alterius fanatici hæresiarchæ; qui spiritui sancto sensa ab omni sensu abhorrentia supponunt; ut & sanctorum Patrum venerandis monumentis.

Porro inter memorie superioris subiectores & impostores, mirifice excelluerunt Photiani, & ipse Photius, de quibus tam mira referuntur, ut incredibilia videri

Nicol. Epist.
ad Michaelē
Imper.

possent, nisi à grauiſſimis Aucto-ribus litteris proderetur. Et ut ab Epistola Nicolai Pontificis inchoemus, cum is Constantinopolim pro Ignatio Patriarcha contra Photium throni Constantinopolitani inuasorem & violentum vsurpatorem, auctoritate Apostolica scripsisset; cumq; legati Sedis Apostolicæ litteras Pseudolynodo Photianæ obtulissent; aliqua ex illis non sunt recitata; & illa quæ sunt lecta, ab illis antea fuerunt falsata. Testatur id ipsemet Nicolaus scribens ad Michaelē Imperatorem his verbis: Quia superius de falsata Epistola per iam dictos tunc Rodoldum & Zachariam Episcopos ad te directæ scripturæ memoriā fecimus, restat, ut partim loca, in quibus falsata est, quantum inspectis exemplaribus Græcis, quæ nobis per Leonē à secretis misisti, nosse tribuitur, aperiāmus.

Postea conqueritur, ea quæ pro Ignatio scripta erāt silentio fuisse suppressa; & tantum illa publicè lecta, quæ agebant de veneratione imaginum; quamvis in iis, ut ait Pontifex, quæ ibidem ex Epistola lecta sunt nonnulla addita, multa mutata, plura subtrahita reperiantur, & per omnia talis à nobis effecta, ut aut nihil aut parum aliquid nos per eam de crebro dicti comministri nostri Ignatij disposuisse causā videamur. Recenset deinceps Pontifex maioris momenti loca, suis in litteris falsata: Siquidem cum nos inter alia commemorassemus, quod multoties conuentus factus fuerit sanctorum Patrum, à quibus & deliberatum & obseruatum exstiteret, qualiter absq; Romana Sedis, Romaniq; Pontificis consensu, nullius insurgentis deliberationis terminus daretur, vos, inquit Nicolaus, erasistis ΤΒΣΩΕ, & interposuistis CVM, quibus significaretur, ut cum Sedis Apostolicæ & Ecclesiæ vestræ consensu omnis rei finis debeat omnino proferri: cum hoc fieri nulla ratione valeat, nullo prorsus exemplo gestum pateſcat, &c.

De omissione verò & suppressione eorum, quæ pro
caussa Ignatij legitimi Patriarchæ scripserat; hæc Nico-
laus. Posthæc autem, quidquid de iam facti fratris & commi-
nistri nostri Ignatij Tyrannica expulsionē; quidquid de inconsi-
derata & inuidia plena in eum prolata sententia; quidquid de
violatis patrum definitionibus, quidquid de Photij scripsera-
mus irregulari promotione saltem quodam astutia transcendentes,
etiam sanctorum Patrum instituta, quæ sancti Spiritus afflatus
sunt edita, ne ad concilij pervenirent notitiam, contexistis, & ve-
luti in quodam silentij sudario ligata, dum diuinitus attributa sa-
luta fuerint, contexistis.

Et post multa in hanc sententiam, hæc subdit Pon-
tifex de huius sceleris architectis. Et si quidem per ve-
stratum aliquem tantum nefas patratum est, (quoniam apud
Græcos, sicuti nonnulla diuersi temporis scripta testantur, fami-
liaris est ista temeritas) miramur, & modis omnibus obstupe-
scimus, si regius excellentiæ tuæ honor, qui iudicium diligit, ad
tantum potuerit dedecus incuruari, cum ad hoc magis diuinitus
ordinatus sit, ut deprauata corrigas, & falsata pristina verita-
tis honestati restituas. Nominat autem Nicolaus facinus
hoc sacrilegium: nam sacrilegium non immerito commississe
dicendus est, qui scripta pietatis, fidelium atque pij Principis
notioni vel subducis, vel à sui veritate submouens, velamen-
to prestigiorum suorum obnubilat. Veruntamen nos quomo-
docunque falsitati vel deprauationi eadem sit Epistola submis-
sa, grates innumeras agimus Deo, cuius inspiratione & fidelia
eius exemplaria penes nos retinuimus, & cuius permissu, qui
hæc, vel authenticam ipsam scripsere, superesse noscuntur. Hæc
Nicolaus de Epistola sua à Græcis falsata; quæ & alibi innuit
Græcis hoc falsariū scelus perquam vilitatum esse, remit-
tens enim Michaeli Imperatori ad Epistolam Adriani hoc
nomi-

Epist. ad Mi-
chael. Imper.
cuius init.
Proposueram
quidem

nomine primi Pontificis, sic ait: Si tamen non falsata, Graecorum more, sed sicut à Sede missa est Apostolica, penes Ecclesiā Constantinopolitanorum hactenus perseverat.

Nicet. in vita
S. Ignatii.

Habes iam vnum & quidem illustre exemplum imposturae Graecanae. Accipe aliud ab ipso Photio productū; et si fortassis praecedēs etiā ex officina Photij prodierit. Cum Photius omnibus modis Ignatium Patriarcham perditū cuperet; huiusmodi fraudulentissimam in exitium Ignatii machinam struxit. Quadam die, inquit Nicetas, eod̄ vsq; omnibus ignotus, monastico habitu indutus, Eustratius nomine, Patriarchalem domum ex tempore ingrediens, binas fideas litteras in conspectu omnium attulit. quas sapientissimus ille Photius (ut deinde apertum omnibus fuit) dolose formauerat: alteras quidem ex persona Ignatii ad Nicolaum Papam, quibus illum docebat fusi de nouitatibus; quae contra ipsum gesta fuerant, & de iniquitate Imperatoris; quas litteras, ut iste dicebat, cum Papa ipse nec intueri voluisset, inde illas iterum reportabat: alteras ad Photium ipsum à Nicolao Papa, Apologia vim habentes pro contentione, quae inter eos interea orta erat, in posterum pacem & communionem quasi firmantes. Has cum ille Photius turbarum magister accepisset, quam primum Imperatori & Barda contra innocentem Ignatium ostendit, & illos aduersus eum irritat, haec addens: Ignatius nequiter se habet aduersus Imperium vestrum, & cum extraneis vos accusat, & calumniatur, & infimos nunciat. Quapropter iustum esset, ut nec viuere permetteretur, dum talia aduersus Serenitatem vestram meditatur: horum verò esse apertam demonstrationem, litterae ipse docent, quibus nihil nos quidem offendit, sed adiuvit potius, cum satis superq; Papa sciuerit veritatem, & pacem & unionem nobiscum confirmarit. Non puto autem iustum esse, ut vestrum Imperium sic ab illo vituperetur. Haec quidem sycophantia ille Photius, qua profecto fraudulentissima calumpnia in caput innocentissimi

Ignatii

Ignatij conficta & fabricata, vix ipse omnium calumniarum parens Diabolus atrocior, & ad nocendum accommodatiorem excogitare potuisset.

Quomodo idem Photius tractauerit Epistolas Ioannis VIII. Pontificis, & commonitorium Petro Legato datum, diximus alibi, videbitq; lector apud Card. Baronium Tom. X. Annalium, An. Christi 879. Idem impostor sub nomine Ioannis Pontif. Epistolam ad sedem tam finxit, quasi Ioannes de processione sancti Spiritus ex solo Patre, idem cum Photio sentiat. Sed hanc Epistolam merum esse Photij aut alterius Schismatici commentum, perspicue demonstrat Card. Baronius; nam Tom. X. anno 879. Ioannem Pontificem de processione sancti Spiritus eam sententiam tenuisse, quam Romana & Catholica Ecclesia semper tenuit; argumento est etiam illud: quod Ioannes S. Romanæ Ecclesiæ Diaconus, scribens ad hunc ipsum Ioannem Pontificem quatuor à se elaboratos libros vitæ S. Gregorij Papæ, ubi agit de Dialogis ab eo scriptis, & in Græcum à Zacharia Papa translatis, iuste queritur, quod cum ipse S. Gregorius in eis asseruerit, disertis verbis Spiritum sanctum à Patre filioq; procedere, Græci textum corruperint; illaq; verba, *filioq;* abradendo inde abstulerint, eos magnopere redarguens, quod audacter nimis, sicut & impudenter S. Gregorij textum ita deprauarint: planè significans Romanam Ecclesiam nihil diuersum ab ipso S. Gregorio Papa sentire, nec Ioannem, ad quem scribit, ab ea sententia discrepare.

Nec temerè suspicatur Illustriss. Card. Baronius, Pseudosynodum Photianam, non verè fuisse habitam: sed Photium synodum ipsam; & quasi habita fuisset, cōfinxisse. Quid enim abs se alienum tantus falsarius cense-

Nic. in vita
S. Ignatij.

ret? Quod scelus horreret, qui toties iam summorum Pontificum Epistolis falsarias manus intulisset? qui cum à Basilio Macedone de throno nefariè occupato deturbatus, & in exilium eiectus fuisset, reuocato ad Sedem suam Ignatio, non nisi similibus falsariis technis reditum Constantinopolim sibi parauit. Quid enim fraudis & imposturæ commentus sit, Nicetas in hunc modum refert. Quid igitur ille, qui dicitur Photius? Num sententiam in se latam, ut iustam recipiens, abstinuit à calumniis & turbis? &c. Nequaquam, sed potius decem illis exilijs suis annis sexcenta aduersus S. Ignatium mala concitauit. Cum verò vndequaque illum tutum & irreprohenabilem videret, Imperatoris gratiam sibi conciliare procurat: & cum omne consilium, & omnem rationem, & omnes neruos ad hoc recendisset, tandem inuenit viam, quæ simplicitatem vel potius leuitatem Imperatoris caperet, nomina videlicet singulorum secretariorum, Basilij, inquam Imper. & Eudociæ eius uxoris & filiorum, Constantini, Leonis, & Alexandri ac Stephani, & singulorum premissas accipiens litteras & componens eas, hinc fraudis occasum suscipit, historiam enim & genealogiam hinc format, & fingit eam, quæ neq. est, neq. vnquam fuit. Tiridatem illum Magnum Armeniarum Regem, qui tempore Magni illius Gregorij Martyris fuit, constituit historiæ primum auctorem & originem. Ex illo videlicet Tiridate, genealogiam nominibus, quibus voluit consarcinans, aliam ex alijs fictam deducit historiam. Quando verò ad Patrem Basilij peruenit, hunc scripsit, natiuitate talem, qualis Basilius fuit, & eius nomen Beclas finxit fuisse, quem felicissimum & annosissimum hic Photius omnium eorum, qui hucusq. regnauerunt futurum auguratur. Sexcentis etiam mendacijs, quibus delectari nouit auditores, historiam illam cum repleisset, vetustissimis quidem membranis, characteribus etiam Alexan-

Alexandrinis pro virili imitatis, talia scribit, & antiquissimis Papyris ab antiquissimo libro detractis, omnia hac obuoluit, ac deinde in magna Palatij Bibliotheca illa deponit. Qui vero in his omnibus fidelis minister Photio erat, & hanc fraudem simul struebat, Theophanes ille fuit, qui tunc clericus regius erat, &c. Quum enim accepisset fictum illum librum, & in bibliotheca deposuisset, deinde tempus opportunum nactus illud ostendit Imperatori, tanquam omnium librorum mirabilissimum & secretissimum, quem fingit se non solum non intelligere, sed nec alium quempiam præter solum Photium. Quamprimum itaq; mittitur ad Photium; fingit autem ille, se non posse dicere alteri arcanum, nisi illi, pro quo scriptus est liber, nempe Imperatori. Quid igitur? Hæc facilitate vel leuitate superatur Imperator, deponit odium, & illi conciliatur, &c. Ecce versutissimi hominis vulpinum prorsus astum. Quid non audeat, qui tale facinus aggredi non reformidauit? At satis de Photio.

In Concilio Constantiensi sessione decima quinta dicitur; Ioannem Huls finxisse & disseminasse Epistolam quandam de VViclepho, nomine Vniuersitatis Oxoniensis, quasi vir sanctus esset. Verba Concilij hæc sunt. Post hæc litteram quandam falsificatâ sub sigillo falso Vniuersitatis studij Oxoniensis sæpius publicauit; in qua continebatur, licet falsè, Ioannem VVicleph fuisse virum Catholicum & doctorem Euangelicam, bonæ famæ & laudabilis conuersationis ab æuo suæ inuentutis, usque ad diem exitus sui.

De hodiernis falsariis & fictitiorum librorum subiecto-
ribus, quorum hac ætate maximus est prouentus; satis iam alibi est actum. Hic tantummodo lectorem in memoriam reuocare velim summum illud scelus, quo falsarii isti sub nomine clarissimi Iusti Lipsii ora-

tionem de duplici concordia confinxerunt, & in vulgus disseminarunt; ut doctissimum virum de religione suspectum redderent. Sed non eget meo patrocinio Lipsius. Defendit iam ipse innocentiam suam contra istos syco- phantas data ad Senatum Francofordiensem Epistola. Quo lectorem ablego.

CAPVT III.

*Quomodo pradicantes se mutuò accusent ob
reos Lutheri falsatos & corru-
ptos.*

DE hac re copiosè scripsi lib. 2. de iure prohibendi li-
bros noxios cap. xi. Sed hic addenda sunt nonnul-
la; imprimisq; notandum, prædicantes, dum tam stre-
nuè digladiantur inter se de corruptis Lutheri operibus,
alteriq; in alteros culpam hanc conferunt; imitari Apol-
linaristas, veteres Hæreticos, quibus similis erat pugna
de communis Magistri Apollinarij monumentis; dissen-
tiebant enim Apollinaristæ inter se de carne Chri-
sti; utrum per vnionem cum Verbo facta fuerit *consubstan-*
tialis Verbo; aliis id affirmantibus; & ex Apollinare argu-
mèta pro se petentibus; aliis id pernegantibus, & Apolli-
naris scripta ab alterius sententiæ sectatoribus corru-
pta asserentibus; ex quorum numero fuit Valentinus
Christianus, qui contra Prioris opinionis Apollinari-
stas, ut contra Timotheum, Polemium, Cataphronium,
Paregorium, Vranium, Theodorum, aliosq; agens, sic
inter cætera scribit. *Facite, ut intelligatis, quod vnio natu-*
ram hominis, non autem fecit corpus consubstantialè Deo, sicut

*Apud Leont.
Byzant. li. de
libris Apoll.
nomine SS.
Patrum ven-
disatis.*

vos semper fingere audetis, qui à veritate lapsi estis, & quod omnem superat impietatem, quamvis millies velint se facere sapientes, prave & dolose scripturas divinas interpretantes, & libros beatissimi Patris nostri & Magistri Apollinarij, ut vos redarguunt, quæ à vobis appositæ sunt, quæ ipsi adscripsistis ad decipiendas animas simpliciorum, in caput vestrum, &c.

Simile prorsus certamen viget inter hodiernos Sectarios de lucubrationibus sui Magistri. Audi, quid contra Illyricum, eiusque sodales scribant prædicantes Witebergenses. Lutheri de doctrina nostrarum Ecclesiarum sententiam, cuius nomen Apostata isti suis portenti falsò prætendunt, non petant pij ex cõmentis, quæ malitiosis detorsionibus quarũcunq; particularum auctori falsò affingunt, & scriptis ipsius falsò assuunt, sed ex perpetua eius sententia, &c. Detestamur autem impudentiam Flaccij, Galli, & similium, quos ut portenta suorum cõmentorum fuci quibuscunq; populo venditent, mentiri in re manifestum, & toti mundo cognita non pudet, referenda esse illa Lutheri testimonia ad prima & vetera scripta, quæ initio emendationis, cum horridiora fuerunt omnia, ante comprehensum in confessione Augustana doctrine corpus exierunt. Nimia hæc est impudentia, quam Deum vlturum esse non dubitamus. Detestamur meritò & malitiam eorum, qui ut explerent suæ erga nos odia, & de manibus pia scripta excuterent, &c. in editione tomorum Ienensium, omiſſis his Lutheri testimoniis, alibi inſerſerunt virus suum calumniis temperatum & mendaciis. Hoc verè est Lutheri scripta corrumpere.

In collect. ex
act. Synod.
anno 1559.

At quid tandem erit illud, dicite o prædicantes, quod communis vester præceptor Philippus in tomis Lutheri commisit; quodque Lutheranus prædicans & superattendens Schluffelburgius his verbis commemorat. Philippus ex libris Lutheri, quod verba filij Dei adhuc constant, plus de Theol. Cal- quam integrum folium cum aliquot Paragraphis studiosè & dedi-

Schluff. lib. 2.
plus de Theol. Cal-
uinist.

ta opera expunxit & omisit, praesertim verò ea induci curavit, ubi Lutherus Philippum excusavit contra Cinglianorum accusationes, quod non esset ipsorum partium: haec verò non sunt priuata vel arcana, sed publica & notoria. nam Nicolaus Amsdorffius Germanico scripto, in quarto edito, anno 1549. Philippum & eius manipulares publicè coram Ecclesia IESV Christi, de ista Lutheri falsatione accusauit & conuicit. Omissa autem sunt in 2. Tomo pag. 167 sub finem libri: Daß dise Wort Christi/daß ist mein Leib/noch fest stehen/straffen vnnnd bessern/r̃. vsq. ad illum locum: an den Früchten soll man die Bäume können. Item ab hoc paragrapho: Es treget mich auch ihre Rotte Spielen/r̃. Item paulò post: Ich sehe es auch/r̃. Lutheri admonitionem grauissimam de fugiendis Caluinistis omisit Philippus, vsque ad illum paragraphum: Denn was man dem Geist/r̃. Haec omnia in gratiam sacramentariorum post Lutheri mortē à Philippo deleta esse constat. Quid vobis videtur Prædicantes? An nō hoc est Lutheri scripta verè corrumpere? Mirabar olim, quis nam ille esset magnæ auctoritatis vir, cuius suasu multa in prædicto Lutheri libro expuncta fuisse refert Georgius Rorarius. Nunc video in communi vestro præceptore hoc falsi crimen hærere.

Rorar. in ad-
moni. sua, ad-
dita ad citat.
Luth. lib.

A quo fortassis didicit Petrus Prætorius artem falsandi Catechismum Lutheri, de quo paulò ante nominatus Prædicans Schlüsselburgius. Petrus Prætorius Caluinismi propagator & propugnator in vrbe Dantiscana, tanquam manifestus falsarius & deprauator, Catechismum Lutheri, in gratiam Caluinistarum, in articulo de Baptismo & de Cæna Domini, pessima fide mutauit, mutilauit & adulterauit, sicut ea de re Ecclesiarum nostrarum Doctores profugum Petrum publicis scriptis accusarunt, vt pote Theologi Comitatus Gretzensis, Geraviensis, & Schonburgensis. Item Ienenses Theologi, anno 71. Item Heshusius anno 64. Item Conradus Porta anno 76. Item Iacobus An-

dræ anno 80. quibus Theologis Prætorius hodierno adhuc die nihil respondit. Detestandum est autem, quod falsarius Prætorius, suum sacrilegium sub Lutheri Catechismi nomine & auctoritate, obtegere conetur. In doctrina de Baptismo omisit verba de vi & efficacia Baptismi, &c. definitionem Sacramenti altaris Prætorius omisit, & loco illius ambiguum substituit, &c.

En quot Prædicantes miserum istum Prætorium inuadant, & tantum non in Prætorium vocent, & in ipsius ambulare iubeant, ob crimen falsi in Lutheri Catechismo commissum. Sed qui vestrum sine crimine falsi est, ô Prædicantes, is primus lapidem mittat in Prætorium. Fecit quod Lutherus millies fecit. Filius à patre hanc artem didicit. Hæc dixerim, non quod Prætorii patrociniûm suscipere cogitem; apage cum talis cliente; sed ut vos vestri moris commonefaciam; utq; ante falsarii esse designatis, quam Symmystam vestrum falsi tantis clamoribus accusetis. Mihi profecto Prætorius rem longè iucundiorē fecisset; Si Lutheri Catechismum, quotquot eius exemplaria nancisci potuisset, in ignem abiecisset. Interim tamen suaue est præcones noui Euangelii tanta contentione sibi mutuo crimina falsi obiectâtes intueri. Qui si suo parenti Luthero non parcunt, cui tandem parent? Si ferrum falsarium in Lutherum stringunt, quem Diuum, quem beatum, quem Heliam, quem Euangelistam prædicant, quis tam bonus auctor erit, cui securitatem ab istorum violentia promitt-

tatem ab istorum violentia promitt-

¶ (:) ¶

¶

CA-

CAPVT IV.

Quomodo Prædicantes confessionem Augustanam falsauerint, & vitiauerint.

Lib. 2. ca. XI.

Selnec. in ad-
monit. addita
ad Concord.
lat. edit. 1584
Lipsia,

Actum est de hac re alibi copiosè, & quidem ex scriptis ipsorum Prædicantium, quos pessimè habet, cū obiicitur, mileros Lutheranos ex fæce plebis per 50. annos nihil sciuisse de non mutata & non falsata Confessione Augustana. Et tamen hoc esse ipsissimam veritatem, inde liquet, quòd vsq; ad librum Concordiæ editum, editionibus variatæ & deprauatæ Confessionis omnia redundarint. Aut ostendite vos Prædicantes vllam editionem, quæ post annum 31. prodierit, & cum Autographo Carolo V. Imp. oblato penitus consenserit. Nam, vt Selneccerus testatur, statim anno 31. mutata est Confessio Augustana; & sic etiam cum mutationibus depruatè typis impressa. *Fatendum est* enim, inquit Selneccerus. Vbi, quæso, postea sincere est excusa, & concorditer authentico exemplari? Quot variationes & mutationes annotauit Fabricius vsque ad annum Domini 1540. Si ulterius pergere voluisset, nec finis, nec modus scribendi fuisset.

Quid quod ne omnium quidem prima editio prorsus ab omni mutatione aliena fuit: quod fatetur editio Witebergensis 1531. per Georgium Rhau in octauo: led culpa conicitur in Typographum. *Hæc confessio*, inquit Præfator, *prorsus ignorantibus Principibus, qui eam Cesari exhibuerunt, ab avaro aliquo Typographo publicata est; & ita excusa*

cusa est, ut multis in locis appareat de industria deprauatam esse. Et tamen hæc ipsa editio istius Rhau, in qua VVitebergenses conqueruntur de deprauata confessione: etiam mutata & deprauata fuit, ut testatur Selneccerus. Est enim hæc editio in octauo anno 31. non amplius sine mutatione, fatendum est enim, inquit Selneccerus.

Quid, quod in editione prima latina Concordiæ necdum habuerunt, nec ediderunt Confessionem Augustanam non mutatam & variatam; qualis est in Archivio Imperialis Cancellariæ. Hoc enim expressè fateatur Selneccerus: sed confertur culpa in priuatos, & in festinationem. Quid agerent Prædicantes, si omni omnino excusationis prætextu destituerentur? *opus profectò fuit circumspeditione & delectu*, inquit Selneccerus. Ita est. nemo negat, præsertim cum Epistola nomine Electorū & Principum, & ciuitatum Imperialium, libro Concordiæ præposita, expressè dicat; Concordiæ libro insertū esse exemplar, cum autographo collatum & comparatum. Et ipsi Principes testantur, se nullam aliam agnoscere, nisi primam illam Carolo Cæsari oblatam. Et tamen ausi sunt Prædicantes, non obstare hac protestatione præfationis Principum & ciuitatum nomine scriptæ, Confessionem Augustanam mutatam & falsatam libro Concordiæ inferere, & pro felici auspicio suæ Concordiæ, deuò mundum vniuersum decipere, & ludificare.

Sed ait Selneccer. *Nullum exemplar primæ editionis latinæ in quarto anno 31. non mutatæ Confessionis in promptu fuisse.* Ecce Prædicantes. Quanta fuit raritas exemplarium non vitiatorum Augustanæ Confessionis: ut ipsi præcipui Prædicantes in media Saxonia, cum latinā Concordiam ederent, exemplar incorruptum habere

Hun. lib. de
Sacr. in Epist.
dedic. pag. 20

non potuerint; sicq; vitiatum sequi debuerint, contra protestationem & voluntatem Principum & ciuitatum &c. Quanta hæc Prædicatorum impudentia: quanta fallacia; non tantum extra librum Concordiæ; sed etiam in ipso Concordiæ libro, Confessionem mutatam, & sic nõ confessionem Augustanam pro Confessione Augustana vera & germana obtrudere & venditare, nam vt rectè ait Hunnius: *Illæ mutatae editiones non sunt Augustana Confessio, Carolo exhibita, visa & lecta, cum Carolus Imperator illas variatæ Confessionis formas nunquam viderit, neq; ea in comitiis Augustanis exstiterint, sed aliquot annis post Vitebergæ demum sint nata.* Hæc Hunnius.

Sed quot annis post, dic, obsecro, Hunni? Videamus, Anno 30. oblata est Confessio Carolo Cæsari, Anno 31. mutata est Vitebergæ in editione in 8. vt ait Selneckerus. Ecce aliquot annis post: vt dicit Hunnius: laude dignus, quod fatetur has deprauationes Vitebergæ natas esse: qui etiam vltèrius addit: *Liquidò pronunciamus non fuisse in cuiusquam hominis potestate scriptum publicum, & quidem Principum nomine oblatum Cæsari, Ecclesiæq; Dei in his postremis temporibus symbolum, cisra communem eorum omnium, quos ea res attinebat, assensum priuato arbitrio, seu libitu potius immutare (& tamen Philippus & alij Prædicantes immutarunt) ac nihilominus postea illis deprauatis editionibus nomina & subscriptiones Principum, & rerum publicarum subiungere, quasi illi ipsi Illustrissimi Principes, qui subscripti leguntur, qui comitiis interfuerunt, qui Carolo suam exposuerunt fidem, mutatis his editionibus subscripserint, & quidem Augustæ, vt titulus præfert, vt Prefatio Carolo inscripta pollicetur, atq; sic corruptelas quibus deprauata non vno in loco, sed pluribus Confessio est: sub aliorum illustri nomine venditare. Coram politico iudicio defendi hæc nullo pacto possunt: multoq; minus coram æterno & omnipotente*

rente Iudice. Hæc Hunnius, quem laudo ob tam ingentem Confessionem. Et si ipse sit, vel potius fuerit Prædicans parum ingenuus. Quid ad hoc vos Prædicantes, qui tam ægrè adigi potestis, ut fateamini Confessionem vestram fuisse deprauatam: & deprauatam ubiq; regnasse? En Hunnius pleno ore id fatetur, & deprauatores detestatur. maximè autem scelus illud, quod deprauatæ confessioni nomina Principum ausi sunt subscribere. si hoc non est falsare: quid tandem erit falsare?

Faterur Hunnius hoc ne coram ciuili quidem Magistratu defendi posse. *Excusari nequit*, inquit ille idem Hunnius loco citato: *quod ea res*, (de mutanda Confessione) non prius in Principum conuentu deliberatur: siquidem Principum nomine olim scriptam, exhibitamq; constabat. Sed absq; huiusmodi consultatione, quæ necessariò requirebatur ad publicum immutandum symbolum, mutatur priuatim, & in angulo quasi, & post in lucem editur, cum subscriptione pientissimi Ducis Ioannis Electoris Saxonie, qui anno 32. diem suum obiit, antequam Confessionis vlla tentata esset immutatio (at mutata est anno 1531 vno anno antequam Elector moreretur; in edit. lat. in 8. per Georgium Rhau Vitebergæ: ut faterur Selneccerus: & ipsa editio, quam his meis oculis vidi per se hoc ipsum clamat. Lector tantum præfationem ad Imperatorem cum Præfatione Prototypi conferat, veritatemque rei perspiciet) atque nihilominus quasi mutatam editionem sua manu subscripserit jam mortuus, ita augustum ipsius nomen exemplaribus illis subiungitur: Hæc inquam excusari in æternum nullo color, nedum vera oratione defendi possunt. Hæc Hunnius aduersus falsarios Augustanæ Confessionis, & aduersus impudentiam Prædicantium, qui perinde loquuntur, quasi nihil scirent de vlla mutatione & deprauatione Confessionis Augustanæ.

Rr 2

Porro

Porro cum corrupta & falsariorum manibus deprauata Confessio primæ editioni libri Concordiæ illigata fuerit; necesse est, vt hæc corruptela ad ipsum quoq; Concordiæ librum manarit. Quocirca licet prædicantes in libro Concordiæ ab omni dolo malo sanctè abstinuissent; summi tamen falsarij, impostores & deceptores iure meritissimo censeri possent, quia præfationem tot Principum, tot Comitum, tot Baronum, tot ciuitatum Imperialium de non mutata Confessione loquentem sua fraude fecerunt mendacem; vt & tot Concordistarum subscriptiones; subscripserunt enim Confessioni oblatæ Carolo V. At illa, quæ fuit in editione libri Concordiæ, de qua Selneccero sermo est, non fuit Confessio exhibita Carolo V. sed mutata & falsata. Et tamen subiectæ iidem sunt subscriptiones Ioannis Ducis Saxoniz & aliorum Principum, qui primi in comitiis Augustanis subscripserant; & quidem summo scelere subiectæ sunt, vt & Hunnius dicit; cum Principes illi Confessioni mutatæ nunquam subscripserint. Et hoc iudicat Hunnius tantum scelus, vt ne coram politico quidem tribunali, nedum coram diuino defendi queat.

CAPVT V.

*Mos hæreticorum traducendi Ecclesiasticos
ordines per contumeliosas & infames
picturas.*

HÆretici huius temporis non modo chartis aculeatissimis, maledicentissimis & calumniosissimis Pontificem, Cardinales, Episcopos, Clericos, & Monachos proscri-

prosciderunt & traduxerunt, sed & sæpè huiusmodi libris imagines iniuriosissimas & contumeliosissimas addiderunt; vel etiam separatim disseminarunt; ut scurris, suiq; similibus Balatronibus illa risu distenderent; & Ecclesiasticos ordines imperitæ plebi ludibrio exponerent. Nihil opus exemplis. Utinam in oculos nostros tam multa quotidie non incurrerent. Nimirum Sectarij mutuuntur ab Ethnicis, Hæreticis, & Schismaticis non tantum peruersas opiniones & perniciofa dogmata; sed etiam criminandi & tam profana, quam sacra subsannandi libidinem; præsertim illam; quæ Ecclesiæ Præsules & Ordines picturis & imaginibus incescit: idq; ut demonstrem, non repetam veterem illum in frustrandis bestiis mercenarium noxium, qui, ut est apud Tertullianum, *picturam proposuit cum eiusmodi inscriptione: Deus Christianorum Ononychites. Iseras auribus asininis, altero pede ungulatus, librum gestans & togatus.* Dicere enim possent Nouatores factum hoc cessisse in ignominiam ipsius CHRISTI; quasi quæ ipsi pari propemodum ludificatione commiserunt in vicarium & seruos CHRISTI, non redundent in contemptum CHRISTI.

Tertull. in
Apolog.

Verum, ut dicebam, præteribo mercenarij huius nequitiam, & ex Niceta vitam Ignatij Patriarchæ Constantinopolitani conscribente planum faciam, istos verissimos & planè germanos imitatores esse Photij & Photianorum Schismaticorum, in primis Gregorij Syracusani, qui, ut sanctum Ignatium verum & legitimū Patriarcham, omnibus exosum inuisumq; redderent, & de Sede deturbarent; infinitas aduersus illū criminationes commenti sunt. Præter cæteras etiam librum non sine contumeliosis imaginibus operâ Gregorij Syracusani,

pictoris & historis egregij cōcinnatis; de quibus hæc quæ
 sequuntur iam iam nominatus Nicetas. *Ut vero om-*
nis iniquitas, quæ contra sanctum illum Ignatium fuerat perpe-
trata, manifestior fieret, Deus, qui comprehendit sapientes in
astutia eorum, & Consilia pravorum dissipat, in Basilij Impera-
toris animum Consilium ingerit, ut mittat ad Photium, & om-
nia scripta, quæ à Patriarchio discedens acceperat, absque ul-
la temporis mora ut mitteret, ei præciperet: Ille verò iure-
iurando affirmabat, licet falsò, nihil tale se inde accepisse pro-
pter festinationem recedendi. Dum vero hæc à Photio prepo-
sito Bahana dicerentur, ipsius Photij famuli magna cum festi-
natione septem saccos scripturarum plenos plumbeo sigillo signa-
tos ad Calamoxem illi propinquum locum transfulerunt, occul-
tandi causa. Quod cum famuli prepositi vidissent, & ab eo-
rum manibus illos abstulissent, ad Imperatorem attulerunt.
Quibus apertis inveniunt duos libros auro & argento de foris bra-
teatos & serico tectos, intus verò litteris valde pulchris & or-
natissimos descriptos: Quorum alter continebat septem actiones sy-
nodicas, quæ nunquam exstiterunt, nec actæ sunt, adversus Ig-
natium; sed tantum Diabolico consilio frustra sunt excogitate;
& singularum actionum hæc, quæ sequuntur, initio depicta habebantur,
opera videlicet Syracusani illius Gregorij cognomento As-
bestæ: erat enim bonus ille vir pingendi peritus, puto pro additamē-
to suorum malorum. Et depictus ibi erat Ignatius.

In prima quidem Actione Ignatium depinxit, qui trah-
batur & vapulabatur. Supra verò illius caput ita scripsit. D I A-
B O L V S. Non horruisti blasphemiam excessum? Si enim Pa-
tre familias Beelzebub vocavit, quid facere debebat familiari-
bus eius?

In secunda iterum Actione Ignatium depinxerat sputis con-
spurcatum, magna vi tractum, cuius inscriptio talis erat. PRIN-
CIPIVM PECCATI.

In tertia verò Actione Ignatium exauctoratum pinxerat, & eius inscriptio hac erat: **FILIVS INIQUITATIS.**

In quarta itidem actione eundem Ignatium anathematum atq; exilio damnatum posuit, & inscriptio erat: **SIMON MAGVS.**

In principio deinde quinta Actionis vinculis Ignatium circumdatum pinxerat, & vinctum; cuius erat inscriptio: **EXTOLLENS SE SUPER OMNE, QVOD DICITVR DEVS.**

In sexta verò Actione depinxit Ignatium damnationi traditum, est eius inscriptio: **ABOMINATIO DESOLATIONIS.**

In septima tandem & extrema Actione depinxit Ignatium protractum, ut illi caput amputaretur, & eius inscriptio talis: **ANTICHRISTVS.**

Annon vides, amice Lector, prodromos sectariorum nostrorum, imò Doctores & Magistros? An non sicut illi olim Ignatium, ita hodierni Nouatores Ecclesie Catholice Præsules; præsertim sumum Pontificem, ignominiose & probrose depingunt; depictumq; iisdem & atrocioribus adhuc conuiciis appetunt & lancinant? Quid crebrius in ore illorum; quam *Antichristus; filius iniquitatis, abominatio desolationis; Extollens se super omne, quod dicitur Deus; Diaboli Vicarius.* & millena talia.

Nec in Ignatio duntaxat affecerunt Schismatici illi Græci Pontificem Romanum iniuria & dedecore; sed & in seipso. Scripsit enim Photius alium librum, qui continebat Synodica acta aduersus Nicolaum Papam Romanum, omnem videlicet calumniam & absurdam blasphemiam ad condemnationem sancti illius viri, & anathematisimum impiè & prauè conflatum; dignum potius ipso & operibus eius à

Damo-

Damone suggestis, ut ait Nicetas. Quem librum misit Photius ad Ludouicum II. Imperatorem, & Francorum Regem, multis cum encomiis & magnificis muneribus, ut Papam Nicolaum tanquam throno depositum eiiceret. Hæc Photius cum suis. Similia, si non longè deteriora, non semel hoc æuo Catholicæ Religionis perduelles; quibus nihil vſitatus, quàm omnigenere criminationum abundantissimis chartis Reges & Principes exstimulare, ut summi Pontificis auctoritatem ex ditionibus suis exterminarent ac proſcribant, exterminandi ipsi, & in sempiternum exilium exigendi, ut tandem finem fraudibus & imposturis suis imponant.

Et ne hoc innocentibus affingere videar, recitabo sanguinarium Celeusma Lutheri; ex libro illius planè diabolico, quem Germanicè scripsit & inscripsit: *De Patru à Diabolo fundato*. Ne autem caussètur non rectè à me Lutheri verba in latinum conuersa esse, dabo non meâ interpretationem, sed Matthæi Iudicis, seditiosissimi itidem Prædicantis. Ita ergò fuit Islebiensis Furippus.

Iud. in Mandato, quomodo se quisquis aduersus Papatum gerere debeat.

Nunc agite, ô Caesar, Reges, Principes, & Magnates, & quicunque prehendere potestis, apprehendite. Maledicta sit manus otiosa & ignaua. Et primum eripite Pontifici Romam, Romandiolâ, Vrbina, Bononiam, & omnia quæ tenet, & possidet eo nomine, quod Pontifex sit: nam ille est possessor pessima fidei, mendacis ac fraudibus acquisiuit omnia. At quid dico mendacis & cadibus? Imò blasphemis suis & idololatriis Imperio Romano subtraxit & eripuit & sibi subiecit, & mercedis loco sua superstitione innumeras animas ad inferos deduxit, sicut ipse iactitat d. 40. cap. si Papa, &c. Deinde magistratus debebat Pontificem & Cardinales, & reliquos eius ordinis, & superstitionis & impure sanctis consortes capere, eiq., ut blasphemis solent puniri, linguas pergeruicem extrahere, & pracidere, ac patibulo eas ex ordine redigere,

gere, ad eum planè modum, quo ipsi bullis suis signa appendere solent, licet hac pœna longè inferior & mitior esset ipsorum blasphemii & idololatrii. His ritè peractis posset eis sanè concedi, ut in patibulo inter coruos, aut in inferno inter Diabolos, vnum, aut quot pro arbitratu suo vellent, celebrarent Concilia.

In eodem libro sic insanit vefanus Apostata. Ego verò si Casaris essem loco, hoc actutum agerem, cunctos nebulones illos nefarios, Pontificem, Cardinales, & reliquos eius farina homines vna quasi catena connexos & succinctos, haud longius, quàm ad tria miliaria, Ostiam nimirum abigerem, solutionem & discincti vix tam procul abirent eò, quò nollent. Est autem in eo loco piscina quædam, quam Latini mare Tyrrhenum vocant, salubre balneum contra omnes lues, languores, & morbos immunda sanctissatù Pontificia, & omnium Cardinalium, & totius Cathedræ pestilentia. In id verò istos mollissimè collocatos, lauarem strenuè. Quod si contingeret, ut aquam ferre abborrerent, quemadmodum malè feriatì & obsessi solent ad aquam trepidare, aliquid illis adiiicerem de petra, supra quam ipsi & Ecclesia eorum fundata est, imò de clauibus illis aliquid annecterem, quibus omnia possunt soluere, quæ in cælo & in terra sunt, ut aquæ imperarent, quæ vellent. Pastorale etiam pedum ac clauam illis oporteret in procinctu esse, quibus aqua impingerent alapas, adeò graues, ut sibi ex ore & naribus sanguis exundaret. Postremò etiam cum illis vaderent pascua sua, quibus in bálneo se recrearent ac reficerent, nimirum vniuersa Decreta, Decretalia, Sexti, Clementina, extrauagantes, Bullæ, Indulgentiæ, litteræ Butyrales, Cascales, Lacteales, de collis ipsorū suspensæ propter omnimodam securitatem. Ausim quiduis deponere, si non ad dimidiam horam in eo bálneo in fundum submersi, ab omnis sua ægitudine, languore & lue liberentur. Hactenus Lutherus.

Qui, ut inquit Matthæus Iudex Prædicans, eandem sententiã paucis annis ante obitum suum pinxit imaginibus illis,

S

qua

qua *VViteberge* impressa sunt, & postea lena recusa, in quibus
Pontifex & *Cardinales* de patibulo seu cruce suspenduntur, circum-
 uolitantibus *Cacodemonibus*, qui animas eorum excipiunt, & in
 infernam deferunt, hoc inscripto titulo. Digna merces *Papæ Sa-*
sanissimi & *Cardinalium* suorum, his subiectis rythmici Germanici:

Wie zeitlich gestrafft solt werden
 Bapst vnd Cardinal auff Erden/
 Ihr Lasterung verdienet hde
 Wie ihr recht hie gemälet steht/
 Quod si pena corporali
 Nunc essent adficiendi
 Et *Cardinales* & *Papa*
 Verè eorum blasphemia
 Istam merita mercedem
 Quam sic cernis hic depictam.

Schlussel. lib.
 de Adia-
 risticis.

Hæc nefarius Iudex de sacrilego *Luthero*; quæ &
Schlusselfurgius repetit; ne seditionum scintillæ olim
 accensæ extinguantur. Quorum similia si quis ortho-
 doxus in prædicantes scriberet aut pingeret, an non in-
 rabiem versi cœlum terramq; implorarent; & præ impa-
 tientia totam Germaniam ad arma conuocarent? At
 quando prædicantes cum *Luthero* suo talia scribunt &
 pingunt in *Pontificem*, *Cardinales*, *Episcopos*, *Sacerdo-*
tes, & *Monachos*; pacem scilicet mundo nunci-
 ant, & nil nisi pacem in optatis
 habent.

FINIS.

EPI-



EPIGRAMMA

IN LVBINVM SPVRCORVM
libellorum Patronum.

N Oxia damnatis ardere volumina flammis
 R O M A pari iussit lege, pariq; iubet.
 Talibus inde suas TYBRIS negat ignib⁹ vndas;
 Et negat inde suas MARTIA VIRGO suas.
 Iam scio, vt euristos lacrimet LVBINVS ad ignes;
 Deleat vt visos lacrima fusa Rogos.



IN HÆRETICOS EORVN-
dem librorum aduocatos.

Q Vicquid L A R D A C I D Æ peccant connubia;
 quicquid
 Fleuit A G E N O R E O rapta puella sinu;
 Quicquid A Q V I N A T E S formidant prodere morsus;
 Quicquid P E L I C E N I S dicere Naso timer;
 Prodit, & infami L V B I N V S margine vulgat,
 Et quos L V B I N O non pudet esse pares.
 Dedoceas veteres si lasciuire poëtas,
 Est R H A D A M A N T E O debita caussa foro:

PRÆTEXTATA loqui nisi norit charta LATINE,
Charta IXIONIIS est laceranda rotis.

ORŒIA sola placent, & OPERTA, & sacra COTYTIVS,
Et quæcunq; vagus lustra DECEMBER amat.

IULIA quæ prohibet, quæ lex SCATINIA punit,
Hæc rentur Calamis non aliena suis,

Cede verecundo tandem LVBINE rubori,
Et noli castis prodero quicquid agis.



ANTI-

ANTIMONIVM

PRO

DELIRO QVO-
DAM MEDICO, QVI
NOMINIS SVI OBLITVS SE
BASILIVM DE VARNA NOMINAT;

*deliranti eo fine per distinctas Doses
porrectum.*

VT

EXPVRGATO CEREBRO CVM

ALIA, TVMETIAM HOC DISCAT,

que nam sit controuerfiarum norma, &

quis ludex.

AVCTORE

Iacobo Gretsero, Societatis

IESV Theologo.

— (:) —



Ss ;

Anti-



Antimonium in certas Doses distri-
butum,

PRO DELIRO
MEDICO QVODAM, QVI
nominis sui oblitus se Basilium de Var-
na nominat;

PRÆPARATIO AD SE-
QVENTES DOSES.

*Tom. I. operis
A. Athanas.*



Accidens in ea, quæ à te scripta sunt, inquit S.
Athanafius ad Maximum Philosophum;
et nam quidem pietatem amplectebat; eorum ve-
rò temeritatem, qui non intelligunt, neq; quid
ipsi loquantur, neq; de quo asseuerationes faci-
ant, diu multumq; admiratus sum. Statueram verò penitus silen-
tium tenere: de rebus enim ita apertis ac solo lucidioribus respon-
dere, nihil aliud est, quàm hominibus tam prauè agentibus, causam
improbitalis impudentiæq; suggerere. Atq; id ipsum à Salvatore
nostro didicimus: Lauanti siquidem manus suas Pilato, ac Iudeo-
rum calumnias recipienti, nullum vltius verbum fecit: Sed po-
tius

tius Vxori oraculum edidit: ut qui tum inter reos habebatur, non
 verbis, sed ex viribus Dominus esse crederetur. Caterum ad cauil-
 lationes Caiphæ respondens, professione ipsa, quis esset, indicauit,
 omnesq; ad sui cognitionem traduxit. Dinigitur, multumq; super-
 sedens, intuensq; impudentiam istorum hominum vitiligationesq;
 verborum, vix tandem me pudore commouit pro veritate zelus;
 ut ANTIMONIVM hoc medico porrigerem; quo
 aduersarius suis verbis, quibus in contradicendo usus est, euitus,
 de sententia sua decedat, & recepta fide composcat linguam suam à
 malo, & labiis suis non loquatur dolum.

Igitur ad monstruosam istud lethiferi serpentis caput mi-
 rentes manum, & pertractare omnia admodum illigata ingenti-
 bus spinis tortuosi corporis membra cupientes, quem semper pre-
 cati sumus, etiam atq; etiam domine Iesu precamur, ut det no-
 bis verbum in apertione oris ad destructionem munitionum, cogi-
 tationes destruentes, & omnem altitudinem extollentem se ad-
 uersum scientiam Dei, ut captiuemus omnem intellectum in obe-
 dientia tua: quia verè liber ille fit, qui capere tibi esse capti-
 uus. Adesto ergo tu officio tuo operi, tuis pro te supra mensu-
 ram virium connitentibus. Da hiantia noui serpentis ora, &
 tremencia lethalibus venenis colla conterere; qui facis supra ser-
 pentes & scorpiones illesos credentiū pedes ingredi, ac super aspi-
 dē & basiliscum ambulare, & cōcubare leonem & draconem: tribu
 usque per intrepidam innocentie constantis audaciam, ut dele-
 ctetur infans ab ubere super foramine aspidis: & in cauernam re-
 guli, qui ablactatus fuerit, manum suam mittat.

Cassian. lib. 7.
 Imarnas. c. 2.

Psal. 90.

Isaie 11.

Da ergo & nobis in cauernas huius immanissimi ac scele-
 rissimi reguli innocuas manus mittere. Et si in foraminibus qui-
 busdam iam, id est, in sensu humanorum latebras aut cubile ha-
 buit, aut onā posuit, aut squamosi tractus semitam dereliquit,
 aufer ab vniuersis perniciosissimi anguis huius sordidum &
 ferale

Folia 34

ferale contagium. Exerue illas perfidia immunditias, & ob-
fessas redolenti cœno animas ventilabro sacrae purgationis emunda;
ut spelunca latronum domus orationum sint. Et in quibus nunc,
ut scriptum est, diuersorij, ericij & onocentauri, & pilosi, & di-
uersorum prodigiorum monstra versantur, in his sancti Spiritus
tui dona, id est, fidei & religionis decora resplendeant. Ac sicut
eieclis quondam idolorum cultibus, exterminatisq; simulacris, feci-
sti ex fanis demonum templa virtutum: inserens in cauernas ser-
pentum & scorpionum, fulgēis luminis radios; & ex cubilibus er-
rorum ac turpitudinum, domos ornamentorum ac pulchritudinum
reddidisti. Ita omnibus, quorum oculos caligo hæretica peruersita-
tis obsedit, lucem misericordie tue ac veritatis infunde.

4. Reg. 6.

Tertull. con-
tra Prax.
cap. 18.

Tertull. lib. de
carne Christi.
Vincent. con-
tra Hæret.

Quid ni cum Helisæo propheta ad te clamem: Do-
mine aperi oculos istorum, ut videant. Cerrè si precibus me-
is, ut olim Helisæi, locum daret, viderent te esse non
Hierosolymæ, hoc est, in Ecclesia, sed in medio Samā-
riæ, & Idololatriæ. quid hæresis, nisi Idololatria? quid
hæreticus nisi Idololatra? quia, Tertulliano teste, ut na-
tiones manibus; ita hæreticus verbis idola fabricatur. Nunquid
enim inter illos (hæreticos & ethnicos) distat, nisi quod Eth-
nici non credendo credant; at hæretici credendo non credunt; ut e-
leganter dicit Tertullianus: Noua dogmata, ait Vincen-
tius, vetus testamentum allegorico sermone deos alienos appellare
consuevit; eò quod scilicet ita ab hæreticis ipsorum opiniones sicut
gentilibus dijsui obseruentur.

Sed iam tempus admonet, ut insipienti Antimo-
nium præbeamus: statueram quidem Helleboro nigro
curationem tentare; sed dissuasit clarissimus Academiae
Ingolstadiensis Medicus, Antimoniumq; purum putum
suasit; addens, cinislonem istum & carboniperdam non mo-
dò non esse sanabilem tribus anticyris; sed ne omni qui-
dem veratro, quod vnquam vsquam natum, aut post hac
aliis

aliis in annis nascetur. Cum quærerem de Dosi, respon-
dit, modum doseos esse nullum modum: non enim hic
locum habere tritum illud: *Est modus in rebus*: nec
audiendum Cleobulum cum illo suo: μέτρον ἄριστον; *modus*
est optimus; imò hac morbi specie τὸ ἄμετρον ἄριστον εἶναι. Li-
benter morem gessi experientissimi Medici consilio.

Quid verò si re hoc quidem tam acri pharmaco
saniorē mentem insanus recipiat? Quid ad nos spera-
ri successus frustratio? *Sit voluisse satis*. Nunquid ideo ne-
gligenda est Medicina, quia nonnullorum est insanabilis pestilen-
tia? At præ doloris impatientia impotentius & impu-
dentius conuiciabitur. Sed Beatum Nilum audiam; qui
inter cæteras paræneses hanc etiam tradit. *Quando con-*
uiciū peteris, considera, an aliquid à te factum sit conuicio dignū. *S. Nilus in su-*
is paranes.
Si verò nihil à te admissum fuerit, fumum fugientem conuicia esse
distimato. Præclare vetus poëta, ἡδ' ἰορ' ἄδ' ἐν δ' δ' εἰ μὲν σικώ-
τερον ἔς, ἡ δ' ὑναότα λοιδ' οὐδ' ὀξυμενον φέρεται. *Suauius & concinnius ni-*
hil est, quàm conuicia aquo animo tolerare.

Quocirca hæc vel his similia in animum meum non
admittam; licet criminationes non modio, sed ipso hor-
reo phreneticus admetiatur. *Hic ergo me contemnat, & in* *S. Ambros.*
conspectu meo loquatur talia aduersum me, quasi non possim ego ei *lib. I. off. ca. 5.*
aperire os meum? Cur non etiam ego dicam, in quibus eum mæsti-
ficare possim. Hic ergo mihi iniurias faciat, quasi vir non sim,
quasi vindicare me non possim? Hic me criminetur, quasi ego
non possim grauiora in eum componere? Qui talia dicit, inquit
S. Ambrosius, non est mitis atq; humilis, non est sine tentatione.
Tentator eum exagitat, ipse ei tales opiniones inserit. Plerumq;
adhibet hominem atq; apponit nequam spiritus, qui hac illi dicat.
Sed tu in petra fixum vestigium tene. Etsi seruus conuictum dicat,
iustus taceret. Etsi infirmus contumeliam facit, iustus taceret. Etsi
pauper criminetur, iustus non respondet. Hæc sunt arma iusti,

Psal. 38.

ut cedendo vincat, sicut periti jaculandi cedentes solent vincere
& fugientes grauioribus sequentem vulnerare ictibus. Quid enim
est opus moueri, cum audimus conuicia? Cur non imitamur di-
centem: Obmutui & humiliatus sum, & filii à bonis?

2. Reg. 16.

An hoc dixit tantummodo non etiam fecit David? Imò &
fecit, Nam cum ei conuiciaretur Semei filius Lemini, tacebat Da-
uid, & quamuis sepius armis non retorquebat conuicium, non vl-
tionem querebat, eo vsq; ut dicente sibi Saruia filio, quod vindica-
ro in eum vellet, non permiserit. Ibat ergò tanquam mutus & hu-
miliatus, ibat tacens, nec mouebatur, cum vir appellaretur sangui-
nis, qui erat conscius propria mansuetudinis. Non ergò moueba-
tur conuictis, cui abundabat bonorum operum conscientia. Itaq;
is, qui citò iniuria mouetur, facit se dignum videri contumelia,
dum vult ea indignus probari. Melior est itaq; qui contemnit iniu-
riam, quàm qui dolet. Qui enim contemnit, quasi non sentiat, ita
despicit; qui autem dolet, quasi senserit, torquetur. Hæc verissi-
me & pulcherrimè S. Ambrosius.

S. Damasc. l. 2.
Parallel. c. 81.

Cum te paruulus puer maledictis incescit, in risus argumen-
tum ipsius maledicta vertis; & cum quispiam præphrenesi, mentis
errore affectus, contumeliosis verbis te insectatur, miseratione poti-
us, quàm odio dignum eum cense.

S. Chrys. hom.
4. in 1. cap.
Ep. 1. ad Cor.

Conciliemus nobis gentiliū (Hæreticorum) beneuolen-
tiam, monet S. Chrysost. hoc autem consequemur: si non malè
facere sed malè pati parati erimus. Nonne pueros videmus, cum ge-
stati à parentibus, gestantis se maxillas percutiunt, quàm libenter
mater filio se percutiendam exhibet, ut ira exsaturetur, quam cum
posuisse videt, latatur. Itidem & nos faciamus, & quemadmodum
patres erga filios, ita nos cum Gentilibus (hæreticis) disputemus.
Pueri namq; sunt omnes gentiles. (hæretici) Et hoc eorum qui-
dam dixerunt, quod semper pueri illi, & nemo illorum senex. Ve-
gitur pueri nullius utilitatis curam suscipiunt, non secus geni-
les (hæretici) omnitempo lusus vacare volunt, & humi-

abieci

abiectione jacent, & humilium rerum desiderio tenentur. Pueri nonnuquā, cum de necessariis rebus verba facimus, quæ dicuntur non intelligunt, sed rident semper. Eiusmodi gentiles (hæretici) sunt, dum de cœlesti regno disputamus, risu concutiuntur. Et veluti ex ore pueri multa manat saliva, quæ interdum & cibum & potum corrumpit, sic quæ à Gentiliis (Hæreticorum) ore verba effluunt, & inania & turpia sunt. Et si necessarium cibum præbueris, maledictis dolorem semper tibi creant, & amoveri precantur.

Nec ideo cessandum est ab adhibenda medicina, quia æger eam ægrè fert, ægreque patitur. Qui vitiis nutritis, 23. q. 5. qui vitus. endis parcit & fauet, inquit ille, ne contristet peccantium voluntatem, tam non est misericors, quàm qui non vult cultrum rapere puero, ne audiat plorantem: & non timet, ne vulneratum doleat, vel extinctum. Non putes tunc te amare servum tuum, quando eum S. August. sup. Epist. Ioan. Tract. 7. Refertur à Gratian. 23. q. 5. non putes. non cedis, aut tunc te amare filium tuum, quando ei non das disciplinam; aut tunc te amare vicinum tuum, quando eum non corrigis. Non est ista charitas, sed languor. Ferueat charitas ad corrigendum, ad emendandum. Si sunt boni mores, delectent; si sunt mali, emendentur.

Pergendum ergo & durandum est, quidquid vociferetur iste, qui hætenus malus Poeta; Medicus non melior; & Alchymista infelix, nunc de repente ex antro Smellio Theologus nobis, & Prædicantium Hyperaspistes, propugnatorque prodit: ea metamorphosi, quæ solent isti confestim è cerdonibus in Prædicantes, & rursus ex Prædicantibus in cerdones mutari, quem non multæ literæ, sed farnuli Alchymistici, ad quos perpetuo sessitat, insanum reddiderunt. Insanum nomino, qui toto suo libro vix quidquā facit, quàm quod in me, & R. P. Tannerum atrocissima convicia non sine summa vociferatione euomit. Tantum maledicis verique, vocando hunc Furiam, hunc aliud iussit

quod *splendida bili*. Verumenimvero nunc cornu *Stibii* in manus sumpto, agamus, quod instat; dictumq; nobis arbitremur solenne illud: *Hoc age*. Utinam misero hoc *Stibii* cornu vertatur *eis κέρας αμυγδάλιδας in cornucopia & felicitatis*.

Dosis prima, de Consilio, quo Tannerus & Gretserus post Colloquium Ratisbonense libros publicarunt.

SI vel prima verba ægri huius audias, statim exclaimabis: *Strychnum bibit, insanit, mente caret. Nauiget Anticyram*. Ecce enim quomodo sine ratione ratiocinetur. *Gretserus & Tannerus ediderunt scripta nonnulla post colloquium Ratisbonense: fatentur ergo Evangelicos victoriam obtinisse*. perinde ac si dicerem: S. Augustinus post institutionem, absolutamq; collationem cum Donatistis, euulgauit librum qui inscribitur, *Liber contra Donatistas post collationem*, in quo idem argumentum exsequitur, quod in ipso conuentu Catholicorum & Donatistarum fuerat discussum; ergo S. Augustinus palam confitetur, victoriam à Donatistis stetisse. Post eandem collationem dederunt Catholici Episcopi Sylvanus, Valentinus, Aurelius, Innocentius, Maximinianus, Optatus & alii de Concilio Zertensi prolixam Epistolam ad populum factionis *Donatiana*. ergo præsules illi hoc facto facti sunt se succubuisse, palmamq; Donatistas consecutos esse. S. Augustinus ferè post singulos cum Hæreticis conflictus, de successu, causa, certaminisq; argumento aliquid euulgauit; ergo semper factus est, Marte parum propitio, cum hostibus seledcertasse. Et ut promamus exempla, quæ deli-

ramen-

ramenta medici nostri clarius oculis subiiciant; Hunnius, Rungius, Daniel Mercator, Balduinus, Eluicus, & quis non de grege Prædicantium? totam Germaniam, vix dum finito colloquio, chartis oppleuerunt. Faten-
tur ergo caussam à se fuisse amissam; à Pontificiis obten-
tam. Si enim liquidum est succubuisse Pontificiam caussam, Lu-
theranam verò vicisse, & de iudicio Ecclesie, recteq; sentientium,
cui rem commiserunt sapius, non dubitandum, quid attinebat scri-
ptionibus mendacissimis, sibi patrocinia querere? An persuasum
sibi habent, Acheronta mouendum esse, quando veritas diuina ab
ipsis discessit? num quod improbe commissum est, mendaciis in in-
tegrum restituetur? Aut corrigunt sententiam Protocolli, aut
stabilunt post editis scriptis. Illud victoriam aduersariis decer-
nit; hoc absurditates cumulat. Vero velint, gaudeant. En quam
bellè stulta oratio ad suum Varnam redeat. qui, ut ait,
Gretserum Hunnio ex arte tractandum relinquit: ipse frustula
tantum hinc inde ex meo libro, carpendi gratia, excer-
pit. Qua arte Hunnius aut Hunnianus quispiam emis-
sarius me tractaturus sit, jam scio, arte, videlicet menti-
endi, calumniandi, criminandi, clamandi, declamandi,
vociferandi, vno verbo, arte inscitie & ignorantie, in
qua Prædicantes insigniter excellunt. Hac arte me &
mea tractabit Hunnius, quam vnā tu quoque doctus
es. In qua profectò arte ego nunquam aut te, aut Hun-
nium, aut alium quemcūq; deludo vestro rabulam su-
perare desideravi, non enim tantummodò egregium est
scire vincere, inquit Plutarchus, sed etiam posse vinci pulchrum
est, ubi victoria est damnosa, cum sit reuera etiam Cadmæa qua-
dam victoria. Possumq; huius sententie testem laudare Euripidem
illum sapientem, cuius hæc sunt verba:

Dicentibus duobus, irato altera,

Qui non repugnat dictis, est sapientior.

T: 3

Do-

Verba fictitiū
Varnæ.

Plut. lib. de
ducac. lib.

Dosis secunda. De Romanorum Pontificum reprehensione.

IN Epistola ad Serenissimum vtriusq; Bauariæ Principem ALBERTVM commemoravi, quæ & quanta conuicia Hunnius in summum Pontificem, omnesq; Ecclesiæ Catholicæ ordines jaciat. Medicus noster ait id factum, *πλεροφορία* sacræ litteræ consueta, *zele* pio. Ergò jam tandem intelligo, quidnam sit illa apud Lutheranos tam decantata *plerophoria*; quis pius ille *Zelus*, quo ardent. Nihil videlicet aliud est, quàm impotentissima & impudentissima libido criminandi; & atrocissima conuicia in obuios quosq; emittendi: Qua *plerophoria* Hunnius *πλεροφορία* & ab imo ad summum vsq; factus, vocauit Pontifices Romanos, *Diabolos incarnatos*, *bipedum nequissimos nebulones*, *Panis perfidiores*, &c. Patres Concilii Tridentini *Afinos Tridentinos*, *Beanos Tridentinos*, *Bacchantes Tridentinos*, omnes Catholicos Scriptores *Afinos Romanos*, Cardinalem Bellarminum, *belluam*, *proteruum*, *syceophantam*; Ecclesiam Romanam, *Famosum & sanguinarium scortum Babylonicum*. Mirro cætera, quæ omnibus pagellis operum Hunianorum obuia, & quæ numerare nō facilis labor. Hæccine est illa tam celebrata Lutheranorum *plerophoria*; & quidem ex sacris litteris hausta? Ex illisne litteris, quorum hoc est præceptum: *Benedicite maledicentibus vobis, & orate pro calumniantibus vos. Et hoc: Noli vinci à malo, sed vince in malo bonum.*

Cum Michael Archangelus cum Diabolo disputans altercaretur de Moyfi corpore, ait S. Apostolus Iudas in sua Epistola Canonica: *non est ausus iudicium inferre blasphemiam,*

hoc

Luc. 2.

Rom. 12.

hoc est, ut Interpretes explicant, non est ausus maledictis
 diabolū inceslere; ob reuerentiā quā Angelicæ naturæ
 habebat. Sed dixit: *Imperet tibi Dominus.* Isti autem nostri
 cum sua plerophoria, quacumq; quidem ignorant, blasphemant, do-
 minationem autem spernunt, maiestatem verò blasphemant; & ni-
 si integra conuictorum plaustra in Pontificem Orthodo-
 xosque exonerent, suo se munere non probè functos
 existimant: idq; sine vlllo vllius officii, aut humanitatis,
 quam funditus exuerunt, intuitu, nihil pensi habentes,
 ad quos conuictorum ignominia redundet. Deus im-
 mortalis, si quis Lutherum, qui nihil est aliud, quàm fla-
 gitiosus Apostata, Diabolum incarnatum appellaret, quos
 Prædicantes non darent gemitus; in quos clamores ora
 sua non resolverent, quasi conuictum hoc non modò
 Lutherum, sed & Principes Confessionis Augustanæ ob-
 liquè & ex latere feriret. Nunc cū Christi Vicarios, Petri
 successores, cum quibus præcipui Romani Imperii Prin-
 cipes communionem junguntur, Diabolos incarnatos nomi-
 nāt, fauendum est linguis, bonum factum acclamandum, &
 prædicanda Lutherana plerophoria, admirandusque
 pius Zelus. Quid pulchra vocabula, pigris præsentas vi-
 tiis? probitatis inertia nomen, lustritia formido subit, imò ne-
 quitia, linguæ rabies & furor, plerophoria, & pñ
 zeli.

At Pontifex persequitur nos, inquiunt isti; Non vos,
 ô boni, sed hæresis vestram. Pastor in oue errabun-
 da non persequitur ouem, sed errorem ouis. Non
 persequimur vos, aiebat Petiliano Sanctus Augusti-
 nus, nisi quemadmodum veritas persequitur falsitatem, de
 persecutione vestra querela sedabitur, inquit ille idem
 Sanctus Augustinus: Si cogitetis & intelligatis prius,
 non omnem persecutionem esse culpabilem. Alioqui non

S. Aug. li. 2.
 cont. Petilian.
 c. 81.

S. Aug. lib. de
 vni. Eccl. c. 17
 Ref. Grat. 23.
 q. 4. qui pec-
 cat.

lau.

laudabiliter diceretur: Detrahentem secretò proximo suo, hunc persequer. Nam quotidie videmus & filium de patre tanquã de persecutore suo conqueri, & coniugem de marito, & seruum de domino, & colonum de possessore, & reum de iudice, & militem vel provincialem de Duce vel Rege, cum illi plerunque ordinatissima potestate homines sibi subditos per terrores leuiorum pœnarum à grauioribus malis prohibeant, atq; compescant: plerumque autem à bona vita, & à bonis factis minãdo, & seuiando deterreat. Sed cum à malo & illicito prohibent, correctores & consultores sunt: cum autem à bono & licito, persecutores & oppressores sunt. Culpanitur etiam qui prohibent à malo, si modum peccati modus correctionis excedat.

Persecutionem ergò patimini à Papa, vt Pseudo-prophetæ illi ab Helia, non vt Helias ipse à Rege illo iniquo. Et vt Pontifices vos persequerentur, eo modo, quo Christianos persecutus est Nero; an ideo immanissimo hoc conuicio *diabolorum incarnatorum* verberandi essent ab hominibus Euangelicam mansuetudinem profitentibus? A Nerone occisus est vterq; Apostolus Petrus & Paulus. Ostende, vbinam Neronem ob iniurias & sibi, & aliis Christianis illatas *Diabolum incarnatum* vocarint. Quid molestiarum non intulit Pharaon Moyfi, Aaroni, totiq; populo Israelitico? Num Hunniana tela in Regem illum torserunt, *diabulosq; incarnatos* ingeminarunt?

Ait Medicus. Principem, quo plura huiusmodi ornamenta Papa audierit, eò magis à Papa abalienatum iri. Falleris miser. Eò magis à Lutherò & Lutherano genio (qui quantus quantus, ex calumniis confusus est) abalienatur quò plura & atrociora conuicia ab eo fundi videt. Quis enim credat Deum in ore illo esse, & per os illud coelestẽ doctrinam mortalibus pandere, quod nihil nisi *diabulos incarnatos, asinos, nequissimos bipedum nebulones, & millena*

talìa

taliam crepat. Sapientiam cœlestem ait S. Iacobus esse modestam verbis nimirum & factis; At illam quæ desursum non descendit esse terrenam, animalem, diabolicam, hoc est, calumniatricem & criminatricem. Quibus utriusq; sapientię proprietatibus utrinq; constitutis, & attentè consideratis; statim liquet, quænam ex illis pectora & ora vestra possideat, & qua impulsus loquamini, ut proinde Serenissimus Princeps *Albertus*, vobis conuicia in Pontifices effundentibus, non magis abalienetur à Pontificibus, quam abalienati sunt serui & Comites Regis *Dauidis*, cum Semei Hunniana illa spicula in *Dauidem* vibraret. Egrederere, egredere, vir sanguinum, & vir *Belial*. Parum aberrat, quin spiritu Hunniano instinctus, diceret: Egrederere, egredere, *Diabole incarnate*. Hoc enim, aut simile quiddam est, vir *Belial*. 1. Reg. 16.

Quod Iesuitas Medicus teterrimas bestias, & ex *Diaboli larua* in Angelum lucis transformatas vocat, agnosco delirantis nouum paroxysmum. Nouum bolum meretur de Antimonio. Quanquam cerebrum tam inuersum; qua poterunt vnquam satis expurgare cicuta? Sed reprimo me, ne suum mihi vitium affricuisse videatur febricitas iste Alchymista. Si inferam contumeliam, dicetur; ambo conuiciati sunt, inquit S. Ambrosius. Vterq; condemnatur, nemo absoluitur. Ergo illius est studium, ut irriter, ut similia illi loquar: similia agam. Iusti est autem dissimulare, nihil loqui, tene-
re bona fructum conscientia, plus committere bonorum iudicio, quàm criminantis insolentia, contentum esse gravitate morum suorum. Hoc est enim filere à bonis, quia benè sibi conscius, falsis non debet moueri, nec æstimare plus ponderis in alieno esse conuicio, quàm in suo testimonio. Ita fit, ut etiam humilitatem custodiat. S. Ambro. l. 1. offi. c. 5.

Portò si imperitia insanis crimini dari posset, meritò posset hoc loco fictitius Varna imperitiæ accusari: cum enim in gratiam Serenissimi Principis Alberti blando sermone irrepere tentet, contra artis præscriptum errat, eos, à quibus Principem ab omni parte obsideri mentitur, *teterrimas bestias, & Diaboli larnas* appellitare: statim enim aduertet prudentissimus Princeps, te merum sycophantam esse, quando à tantis calumniis exordium ducis. Si ego Principis alicuius, qui Augustanam Confessionem sectatur, benevolentiam mihi conciliare studerem; Prædicantesque, vt Hunnium, & alios tali Dynastæ gratos & acceptos, vocarem, boni auspicii causa, *teterrimas bestias, & Diaboli larnas*; an non pro gratia odium è vestigio reportarem?

Legat Princeps, ait noster patiens, non quæ Gretserus, & alii dicunt, sed quæ inter Pontificios ipsos extant de vita Pontificum Romanorum historias, easque non à recentibus corrasas, corruptasque; sed vetustissimis exemplaribus ipsorum auctorum verbis integre conscriptas, easque conferat cum antiquitate synceriores ante Papatum, & sacris literis, nec credat ideo Papatum esse antiquum, quia Papista ad eum stabiliendum accommodant antiquorum verba, sed res intueatur, & quàm dissimilis sit Papatus veteri Ecclesie, verum aut falsum scripserint Evangelici, ad amussim cognoscat. En Orationem, cuius tam varix finguntur species, vt nec pes, nec caput vni reddatur forma.

Vult à Principe legi vetustissimas Romanorum Pontificum historias. Idem & ego volo. nec opto, vt plus mihi Princeps credat, quàm ex veterum monumentis demonstrarem. Sed quænam sunt vetustissimæ illæ de Romanorum Pontificum vitæ historię? Cur reticuit? Auctor fuisset Principi, vt quamprimum vetustissimas illas historias sibi compararet; imò sine mora auctor ero; si nomines.

Sed

Sed loco vetustissimarum historiarum dabistu nobis recentissimas nœnias Balxi & Magdeburgensium: loco veracissimarum, falsissimas & fabulosissimas, pluribus propemodum mendaciis, conuiciisque constantes, quàm verbis, scilicet hûc Principem vocari & diuertere velles. At ego Principem meum ducam ad Anastasium Bibliothecarium Moguntinis typis non ita pridem publicatum; Auctorem antiquum & probæ notæ. Ducam ad Luitprandum & Albonem, quos eadem Moguntia nuper nobis suppeditauit, ducam ad alios Balæo & Centuriatoribus longè antiquiores, fideliores, & veritatis amantiore. In nullo reperiet Pontifices Romanos esse *Diabolos incarnatos, bipedum nebulones nequissimos*. Ne ipsi quidem veteres Hæretici Ariani, quanquam pestilentissimi, Sedique Apostolicæ infensissimi, conuicia tam *Diabolica* in Pontifices euomuerunt, vt proinde veterum Hæreticorum non simplex, sed duplex, immò multiplex calumniator spiritus in vestra secta habitare videatur: cui nihil dulcius & iucundius, quam conuictorum, vt sic dicam; halare mephitum.

Quid porrò monstri illud; cum iubet, vt *Serenissimus historias de vitiis Paparum ante Papatum euoluat*. Fuerunt ne Papæ, quorum historiae exstent, ante *Papatum*? An non primus Papa in omnibus historicorum monumentis sanctus Petrus? An non cum eodem *Papatum* est natus? Aut si Papæ fuerunt ante *Papatum*; edat illorum nomina? Doceat, quis ex *Papis*, *Papatum* inuenerit. Inspiciat tabulas, in quibus perpetua, & nusquam interrupta serie sese consequuntur Papæ à S. Petro vsque ad hodiernum Clementem VIII. digitoque intento monstret, quisnam ex illis Pa-

pis *Papatus* auctor fuerit; si non à S. Petro vt *Paparam*, ita & *Papatus* ordo descendit.

Si ex Hunnio perconter, vnde sit *Papatus*, expedite jam dudum respondit, esse à *Diabolo*, sed quàm certum est responsum hoc proficisci à *Diabolo*, tam certum est *Papatum* à Christo & S. Petro esse, *Papatumq;* à Papis dici; ac proinde videat, quo loco S. Petrum, & alios Papas Hunnius reponat. Et si quid opus videre? Iam mentem suam aperuit Hunnius, dum Papas *diabolos incarnatos* esse blasphemauit. En Serenissime Princeps *Alberse*, quò impietatis impostores isti procedant.

Lepidum verò illud est, cum monet Principem, ne credat *Papatum* esse antiquum, tametsi antiquorum verba ad stabilendam *Papatum* proferantur. Fatua admonitio. Cui enim potius fides præbenda, ei, qui perspicuis argumentis ex ipsa perpetua *Paparam* successione euidenter demonstrat, *Papatum* esse à S. Petro, an illis, qui ex sola conuiciandi libidine mentiuntur, eum post aliquot sæcula à *Diabolo* in orbem terrarum inuectum esse. Si quæras, ante quot sæcula. hærent. Si rursum petas, quis primus Papa fuerit; per quem *Papatus* iste introductus sit, magis adhuc hæsitant, & quia non habent, quod dicant, nec tamen silere valent, ad blasphemias & criminationes relabuntur, & in iisdem semper oberrant.

*Erasm. purga.
aduers. Epist.
Lutheri.*

Imitantur nimirum Lutherum parentem suum, quem in maledicentia, & conuiciandi petulantia nemo aut veterum, aut recentiorum hæresiarcharum superasse, aut etiam æquasse videtur. Ita vt jam olim Erasmus de libris Lutheri hoc iudicium verissimè tulerit. Si tollas è libris Lutheri hyperbolas, conuicia, facetias, tautologias, extragodismos, assenerationes, ad hæc quæ illi conueniunt cum Ioanne Hus, & Ioanne VViclepho, aliq; nonnullis, fortasse non multum restabit, quo veluti proprio gloriatur.

In

In eandem sententiam Tigurini Ministri. pleraque Tigurin. Mi-
 Lutheri scripta & conuicia, & criminationes nihil aliud ferè con- nist. in sua
 tinens, adeò vt licet argumentum nonnunquam solidum & fir- Confess. contr.
 mum inueniat, idem tamen sat fœdis & diris verbis farcit & ono- Luth.
 rat, vt sanio rem doctrinam sub tam diris criminationibus laten-
 tem vix possis deprehendere. Hanc conuiciandi prurigi-
 nem manare à Luthero ad Prædicantes, tradunt iidem
 Zvvingliani. Magna & plus satis magna eorum concionatorũ
 est copia, qui ex Lutheri libris, lædoriis & mordacitatibus ingentẽ
 maledictorum vim colligentes, eandem illam postea in publico sug-
 gestu in miserum Domini gregem exonerans. Addunt, ex hu-
 iusmodi pastorum exemplo indignum illud conuiciandi &
 calumniandi studium in totam quoq; plebem sese diffunderẽ,
 vt plerique istorum, qui cum primis Euangelici videri volunt, su-
 um illud Euangelii studium maledictis solummodo & amarulen-
 tis disertiis testari velint. Ex hoc deinde apud plures hominum lau-
 dem meretur. Lutherus enim Germanorum Propheta & Apo-
 stolus idem facere consuevit. Hinc autem fit, vt insigne scelus vir-
 tutis loco habeatur, vnde plurimum offendiculi manare videmus.
 Ita Zvvingliani.

Dosis tertia, de citatione sacra- scripturae.

Quomodo scripturam citetis & tractetis, jam supra
 ostendi in præfatione ad Lectorem, ostendi & a-
 libi, ostendamq; posthac, quoties occasio dabitur. Hic
 paucis me expediam, scripturam legitis, citatis, tractatis,
 explicatis, sicut Iudæi. Vt enim isti ad omnia testimonia,
 quæ pro aduentu & diuinitate veri Messæ adferuntur;
 varia, tametsi absurda, habent effugia; ita & vos omnis

generis diuerticulâ quæritis; quæcunq; testimoniâ pro veritatis defensione ex scriptura depromantur. Et ut Iudæi ex scriptura contra scripturæ dominum & auctorem, hoc est, contra Christum argumentantur; ita & vos. Vtrique videlicet non ex scripturæ, sed ex proprio sensu & cerebro. Citatis, tractatisque scripturas more omnium Hæreticorum, quotquot ad hunc usque diem exstiterunt. Ut nominibus discrepetis, in hac certè vanitate omnes conuenitis. Sic Arius agglomerabat scripturas, sic Eunomius, sic Nestorius, sic Eutyches, sic Seuerus, sic, ut ad posteriores veniam; Wiclephus, sic Hussus, sic Albigenses, sic Petrus Waldus cū suis VValdensibus, sic vno verbo, ceteri omnes. Quin & hoc à VValdo, VViclepho, & Hussu didicistis, ut Biblia in vernaculam linguam translata infimæ quoq; multitudi ni legenda obrudatis. Quo consequimini id, quod VValdus & Hussus hac sua diligentia præpostera consecuti sunt. Quid illud? Audituum Illyricum de VValdo & VValdensibus, ex nescio quo vetusto Codice hæc denarrantem. Nouum testamentum & vetus vulgariter transfulerunt, & sic docent & discunt, &c. & quia sunt Laici Idiotæ falsè & corruptè exponunt scripturam, ut Ioannis 5. Sui, id est porci cum non receperunt (sui dicentes, id est Esus. Et in Psalmo: increpa feras arundinis, dicunt, reflectere diu terra, die Schwalmens arundinis pro hirundinis. Psalmis etiam imponunt titulos: der meide Psalm. Exurgat Deus, der Raach Psalm. De profundis der Ros Psalm. & sic deinceps.

*Illyric. in ear.
pest. verit.*

*Cochl. l. x. hist.
Hussus.*

De Hussu hæc Cochlaus. Instituit pellifices, sutores, & sartores, & id genus alios mechanitos, qui crebris concionibus operam dantes, & sacras litteras in vernaculam linguam translatas feruide legentes, cum sacerdotibus coram plebe disputarent. Et non solum viri, sed & Begitta, aliæq; mulieres, eò audacia & inu-

secundia

recundia proruperunt, ut de sacris litteris differere, & Presbyteris certamina mouere præsumerent, Quin etiam libros componerent, de quarum vna sic habetur in antiquo cuiusdam Boemi (cuius nomen non habetur expressum) volumine. Hæc enim mulier *Alexabel*, magna comminatione in seruos Dei desauiens, ludens & illudens sanctis scripturis non sanctam Ecclesiam, sed suam propriam sectam attollens, sic mentitur & dicit. Quod in omni statu, specialiter in spirituali, nec vnus quidem, exclusis Hussitis, inueniri potest, qui vitam suam spiritualiter & honestè agere, verbum Dei in Spiritu sancto prædicare possit. Et ut pro se & suis duntaxat vitam sanctitatem & prædicationis veritatem reseruet, cæteris exclusis, tanquam reprobis & reprobis, materiam suæ præsumptionis continuat, &c. Cuius tractatus summa deuotione suæ sectæ sexus promiscui susceptus est, legitur, & pro magni muneris tenetur reuerentia, quod & mulier ad gloriam scripturarum mira subtilitatis ingenio, Magistri Hussi, & suorum sequacium nouerit defendere veritatem, sed potius ventosam vanitatem, &c.

Idem quod VValdenses & Hussitæ efficitis vos Lutherani citatione, recitatione, & lectione scripturæ, & nihil aliud, quia eodem spiritu, quo illi Hæretici, ad scripturam acceditis. Omnes tument, inquit Tertullianus, omnes scientiam pollicentur. Ipsæ mulieres hæretica quam procaces, quæ audeant docere, contendere. Sanctè affirmare possum, inquit Hunnius, reperire apud nos, immenso Dei beneficio, non modò viros, sed etiam fæminas complures, quæ ex sacrorum biblicorum lectione tenent, & ad vsum suum accommodare norunt præclarissima quæq; scripturæ dicta, quæ diuini spiritus consolationem spirant efficacissimam: velut illud Ezech. 33. *Viuo ego, nolo mortem peccatoris, sed ut conuertatur & viuat.* Et illud Ioan. 3. *Sic Deus dilexit mundum, &c.* Item Ioan. 6. *Hæc est voluntas eius, qui misit me, ut ois qui videt filiū, & credit in eum, habeat vitam æternā.* Venite ad me omnes, qui laboratis & onerati estis, & ego reficiam

Tertull. de
præscript.

Hunn. l. 2. con.
Bellar. c. 15,

vos. Sanguis Iesu Christi emundat nos ab omni peccato. Iste est propitiatio pro peccatis nostris, non nostris autem tantum, sed etiam totius mundi: aliaq. innumera dicta. Quæ nostri homines, Deo per verbum suum operante, ad erigendas suas conscientias, etiam in morte norunt piè traducere.

Ecce quantam lucem, quantam consolationem adferunt & pariunt isti scripturæ citatores, recitatores & lectores mundo. Quis ex Pontificiis sententias ab Hunnio adductas nouit, quis vnquam legit, quis vnquam audiuit, quis vsurpauit? Etsi, fateor, neminem ex Catholicis nosse, legisse, audisse, vel vsurpasse, sensu Lutherano, quo solo faucibus istorum dulciores sunt, quàm mel & fauus. Placet autem, quod ait: istos suos sententias scripturæ traducere; sed piè: Quia scripturam malè accipiendo tam se, quàm scripturam ipsam traducunt, hoc est, ludibrio habent; non piè, sed prorsus delirè.

Luth. Sermo
conuiu. tit. de
verbo Dei.

Lubet porro ex te quærere, quomodo aut tu, qui Alchymista es, & carbonarius, aut Hunniani illi de triuio opifices & mulieres, scripturam intelligant, si non mentitur Lutherus, de quo hæc in sermonibus conuiuialibus, seu in Thalia Lutherana produuntur. *Alio tempore dicebat Lutherus, neminem cogitare debere, quod vel modicè scripturam olfecerit; nisi centum annis Ecclesiam cum Prophetis, Ioanne Baptista & Apostolis gubernaris.* Hoc si verum est, non video, quæ ore adeò scripturam jactetis, citetis & recitetis, cum eam ne eminus quidem salutaueritis; nisi fortè nobis persuadere potes; aut te, aut Hunnium, aut ipsum Lutherum, aut sellularios vestros & coriarios, & vitriolarios, & furnarios, & eiusdem tribus alios centum annis Ecclesiam cum Prophetis, Ioanne Baptista & Apostolis rexisse.

Ibidem hæc fundit Lutherus axiomata & oracula. *Virgilium in Bucolicis nemo potest intelligere, nisi fueris quinquaginta annis*

annis

annis pastor. Virgilium in Georgicis nemo potest intelligere, nisi fuerit quinque annis agricola. Ciceronem in Epistolis (sic precipio) nemo integrè intelligit, nisi viginti annis sit versatus in aliqua Republica insigni: Scripturas sanctas sciat se nemo degustasse satis, nisi centum annis cum Prophetis, ut Elia, Heliseo, Ioanne Baptista, Christo, & Apostolis, Ecclesias gubernarit. Hanc tunc divinam *Aeneida* tenta, sed vestigia pronus adora. Si hæc Islebici Vatis effata vera sunt, quomodo cum vero concinent, quæ tanta arrogantia de scripturarum intelligentia omnibus communi iactatis? Ipsi quidem non appellant arrogantiam, sed honesto virtutis vocabulo turpitudinem vitii tegunt.

Hæretici, inquit Lutherus, nominant (confidentiam istam) plerophoriam & certitudinem doctrinae, sic vocantes insitam & innatam cordis arrogantiam; presumptionem & contumaciam, qua quis proprii sensus tenax est, quem semel hausit, & ad scripturam, eo præoccupatus, attulit.

Obiicit Alchimista. Etiam à Pontificiis scripturam citari. Non nego: neque vobis citationem sacræ scripturæ vitio vertimus, sed malam, improbam, hæreticam. Nos citamus scripturam, ut Augustinus, Athanasius, Basilus, Gregorius, alii. Tu & tui, ut Petilianus, Cresconius, Parmenianus, Arius, Photinus, Sabellius, & similes. Ad scripturam confugimus, cum vobiscum disputamus; at non ut ad Iudicem illum ordinarium, visibilem, omnibus controuersis definiendis præpositum; sed ut ad Iudicis huius normam; non vnicam; sed partialem. Patres adducimus ut Magistros, & oculos Ecclesiæ, eo fine, quo eos adduxit sanctus Augustinus disputans aduersus Iulianum Pelagianum, & eo, quo Patres Concilii Ephesini agentes aduersus Nestorii blasphemias nouitates. Tu & tui, interdum Patres adfertis, eo modo & consilio, quo

Lut. Serm. cō-
uina. tit. de
Scholast. The-
olog.

olim Iulianus Pelagianus, Nestorius, Seuerus, & id ge-
nus alii veteres, recentioresq; sectarii, non vt discipuli
Magistros, sed vt Magistri discipulos. si tamen tanto
honore sanctos Patres dignamini. non iniuria enim
suspicietur quis vos idem sentire de omnibus vniuersim,
quod sensit & scripsit Lutherus de sancto Hieronymo,
& sancto Chrysostomo speciatim. *Hieronymus nume-
randus non est in Ecclesia Doctoribus quia Hæreticus fuit, &c.
De Christo nihil loquitur, nisi quod in solo ore nomen eius habu-
is. Nullum noui ex Doctoribus, quem adeò oderim ac Hiero-
nymum, quia tantum scribit de ieiunio, de delectu ciborum, de vir-
ginitate, &c. Nihil docet de fide, nihil de spe. nihil de charitate,
nihil de operibus fidei: Doctor Staupitius de illo dicere solebat.
Equidem libenter cognoscerem quomodo beatitudinem adeptus sit.
Nollem profectò Hieronymum fuisse meum concionatorem, adeò
est mirabilis.*

Simile iudicium tulit Lutherus de Chrysostomo.
Cum eloquens & loquax esset, magnam sibi peperit existimatio-
nem, magniq; ab omnibus habebatur, multos libros componebat
præclaros specie, sed nihil erant, nisi rudis & indigesta moles, cha-
os immensum, saccus verbis refertus, quibus nihil subest. Hæc
cum Lutherus de præclarissimis illis Patribus effutire nō
erubuerit, nunquam mihi persuadebitis, vos bona opini-
one de patribus imbutos esse, nisi Lutherum palàm mē-
dacii & calumniæ arguatis.

Redeo ad vestrum citandi scripturas morem &
modum, qui qualis sit, quàm pulchrè connexus, quamq;
vriter aptus, docuit olim non ille pide quidam Prædican-
tibus benè notus. *Pueri nunquid habetis pulmentarium? & ip-
si attulerunt ei paralyticum.* Quam bellè conuenit factum
hoc cum quæstione, tam bellè conueniunt vestrę citati-
ones scripturæ cum legitimo scripturæ sensu.

Cate-

Cæterum vt citationis Lutheranae specimen videamus, non longè abire oportet. Ipse Alchymista ex suis fornaculis hic nobis distillatum exemplum promit. *Fundamentum Ecclesie est scriptura, ad Ephes. 6. & Psal. 36. vers. 9. & seq. filii hominum in tegmine alarum tuarum sperabunt. Inebriabuntur à pinguedine domus tue, & torrente voluptatis potabis eos: Quoniam apud te est fons vitæ, & in lumine tuo videbimus lumen. ergo Lutherani vero & legitimo sensu scripturam allegant. Qui in libertate Christi ambulant, illis patet scriptura; Quis verò in lege traditionum sunt, illis manet velamen. 2. Cor. 3. ergo nos Lutherani scripturam ipsi Spiritus sancti menti conuenienter allegamus. An non, candide Lector, Paracelsi morionem hic agnoscis? nullus enim ex omnibus Theophrasticis morionibus tam insulsè & imperitè argumentaretur. Haud absque causa librum de morionibus istis edidit noster Alchymista; dedit aliquid cognationi & necessitudini.*

Dosis IV. de Ratione.

Dixerat Hunius *rationem cæcam esse.* Id ita esse, operosè probat meus Chymicus. At quid opus probatione? Concedo tuam, Hunnii, & omnium Prædicantium rationem magis esse cæcam, quàm oculis fuerit cæcus Appius, aut Tiresias, aut Timæus, *Bartimæi filius;* Et si liberalitas mea vobis nec dum sufficit, non grauatur annuam vos non cæcos, sed non videntes esse, sine vlla aptitudine ad visum recipiendum, saxorum instar. Quid vultis amplius?

Occurrit hîc, quòd Medicus iste alicubi refert ex Paracello, *sapientes fieri à Vulcano industrio; moriones velà.*

malè operante Vulcano, vel à discipulis imperitis, & in instrumentorum fabrica aberrantibus, Si ratio vestra tã cæca est, quàm ipsi palàm profitemini; oportet profectò vos deteriore luto confectos esse, quibus artifex nihil ætherei sparsit per membra vigoris: Qui pecudum ritu non impendentia vitant, nec res ante vident, accepta clade queruntur, & serò transacta gemunt.

Ratio, aiebat Hunnius, *cæca est*. Non ergò mirum, vos tam peruersè & incitè ratiocinari; quia cæci estis. Dices; *in diuinis cæca est ratio, non in aliis*. Non contendo. Si in diuinis cæca est, nihil ergò in diuinis videtis, quod tibi & Hunnio promptissimè concedo. Cæci estis, & plus quàm cæcus ille ab ortu, cui lux beneficio Christi obtigit. At si ratio in diuinis *cæca est*, quis ergò de diuinis ratiocinabitur? Fortè Æthiopes Virgiliani, quos tu proprio libro candefecisti? Dices, rationem in diuinis cæcam esse, nisi illustretur lumine diuino. Atqui hoc ipsum & nos dicimus: sed jam quæstio est: vtrum hæc lux vobis illuxerit, an verò sitis Nyctoblepæ, quibus caligo, lux, tenebræ, splendor, sicut & noctuis, vlulis, vesprilionibus. Ex horum genere te, tuumq; Hunnium esse didici ex tuo de *Nyctoblepis* libro. Ratio cæca est, hoc est, per se præcisè considerata, ad sublimia & cœlestia illa pertinere nequit, quia sunt supra rationis naturam & conditionem, at accenso fidei lumine in animo, potest ratio disquirere, examinare, & indagare, quid ex fidei articulis sequatur, quid non sequatur, quid fidei sit consentaneum, quid dissentaneum, quid conforme, quid difforme. Nec cæca jam est ratio, quia lumen præpandit fides, cuius munere obscuros illos & abditos rerum diuinarum recessus, peragrat & penetrat.

Sed hic medicus noster rursus specimen edit eius peritiæ, qua Hæretici scripturas tractare solent, mihiq;

id,

id, quod ipse meam mihi persuadeo, laboriosè probare nititur, nimirum rationem Hunnii, & suam esse cæcam. I. Ex propriis argumentandum est, non ex peregrinis, ergò ratio cæca est in Theologicis rebus. II. Qui argumentatur ex ratione, is argumentatur ut homo, non ut Theologus, sed hoc non licet, quia Theologus non est homo, ergò ratio cæca est. III. Sapientia huius mundi est stultitia apud Deum 1. Cor. 3. ergò ratio nihil valet in argumentationibus theologicis. Et quamvis argumentari sit ratiocinari, ratio tamen nihil est, nisi stultitia. IV. Fundamentum aliud nemo potest ponere præter Christum, ergò ratio est cæca, ubi de Christo agitur. V. S. Paulus prohibet argutias philosophicas, Coloss. 2. quomodo ergò Christiani disputabunt philosophicè? VI. Fides est ex audito verbo Dei, Rom. 10. & disputando fides Theologica est facienda & acquirenda. Sequitur ergò quod antea, nempe rationem esse cæcam. VII. Affectus carnis est inimicitia apud Deum, ergò nihil ex ratione colligere licet. VIII. Animalis homo non accipit ea, quæ sunt spiritus Domini; est enim illi stultitia. Rursus ergò habemus id, quod erat demonstrandum, nempe rationem Alchymista huius omni lumine prorsus destitutam esse, adeò stolidè scribit: qui longè maius operæ pretium faceret, si Theologicis, quæ nec capit, nec capiet, relictis, Paracelsi de Lunaticis Tractatum commentariis illustraret, aut in suo Reuerberio Panaceæ Ambaldinæ compositionem examinaret.

Dosis quinta. De Iudice disputationis.

Vomit hic, ut & passim alibi, multa in me conuicia. Aduersus quæ defendo me, Primò, Apophthegmate Friderici, quod iste etiam Striarius usurpauit alicu-

bi aduersus suos aduersarios. *Præstat vni probo, quàm mille improbis placere.* Secundo, qui genium istius nouit, is non mirabitur, si conuictetur; potius admiraretur, si à conuictis abstineret: Benè enim dicere non didicit; id eò tantum maledicit. Tollantur ex libris eius impudentissima conuicia, quibus Antagonistas suos Medicos, Alchymistas, Paracelsistas, Ramistas proscindit, & multæ paginae vacuæ remaneant. Id verum esse liquido cognosceat Lector, si vel vnum illum librum, quem edidit contra Iosephum Michelium Medicum Middelburgensem, euoluere velit, in quem ita boat & tonat, vt Furiam non hominem meritò ipsam censere queas. Ipse vicissim, si quid in ipsum regeratur, tam impatiens, omnisque Christianæ tolerantia immemor est, vt cœlum, terramque imploret, & ad vindictam quoq; politicum magistratum excitet. Hoc enim classicum Middelburgensibus in Michelium canit. *Videbitis, quid de atrocissimo hoc conuiciatore ex officio statuere debeatis. Non est opus, vt pluribus vos admoceam & detineam verbis, &c. quamquam non dubitem, istud capulare senium tam rabiosa maledicentia apud omnes bonos famam honorificam dudum perdidisse, & cum ignominia ad inferos descensurum. Quod si tamen vos in puniendo curastis fueritis, retorta in istum Iosephum Michelium crimina, maledictaq; quo iure possum, debeoq; volo. Tandem his verbis à Middelburgensibus digreditur. Vos valete, & de meis studiis honorificè sentite.* Vbi dubites num roget, an imperet. Sic volo, sic iubeo; nemo me tangat, omnes honorificè de me sentiant.

Hæc monere libuit, ne lector nescius esset, quid hominis sub laruato Varna lateat. Conuiciator est & calumniator. Quid mirum, si stultos, fatuos, blennos, bli-

teos,

teos, beanos, & millena talia, quæ à Paracelsi Morionibus didicit, effutiat? Non libet hæc retexere, aut etiam ad auctorem suum remittere. Cui enim bono? Præclare Tyrius. *Ut qui fuliginosum complexus, non potest non immun-* Tyr. serm. 2.
us abire à complexu, ita & eum qui iniurio homini concreditur, cumque eo pariter volutatur iniuria, necesse est flagitii partem accipere, deque eiusdem fuligine abire inquinatum. Socrates petitis calce à quodam, cum eum juberetur in ius vocare, ridiculum putabat, asinum, qui percussisset, velle in ius vocare. Quidam admiranti, quod nihil in eum commoueretur, à quo conviciis incessabatur, mihi inquit, non maledicit, quandoquidem ea, quæ dicit, mihi non adsunt, nec in me hærent. Hoc Socratis factò & dicto defendit te iste Alchymista aduersus Ambaldum, & alios Panacearios. Quo ego longè meli-
ore jure me tueor contra Lullistæ huius contumeliosa spicula.

Nunc ad Iudicem. Laicos posse & debere esse controuerfiarum fidei Iudices, probat Alchymista noster aliquot argumentis. I. Quia Christus Ioann. 7. ipsam Iudeorum turbam Iudicem constituit. Nolite, inquit, iudicare secundum faciem, sed iustum iudicium iudicate. Ergo laici possunt & debent esse iudices. II. Paulus iudicium defert Corinthiis. Vos ipsi iudicate. 1. Cor. 11. III. Concilio Ephesino Constantinus interfuit, ut præses, & ut comminister, & ut iudex, & tamen nondum erat baptizatus, si ergo iste potuit esse controuerfiarum iudex, cur non & alii? IV. Christus Matthæi 11. gratias agit cælesti Patri, quod veram doctrinam paruulis reuelarit, & non sapientibus, ergò paruuli, id est, laici possunt esse iudices V. Christus alicubi incredulis Phariseis antefert meretrices & publicanos, ergò non modò quiuñ laici, sed & laicorū labes & macula, nēpe meretrices & publicani possunt esse iudices. VI. Paulus in Ecclesiâ vult loqui prophetas duos vel tres, 1. Co. 14. ceteros diuini-

Sequitur ergo toties jam dicta conclusio. VII. Ioann. 6. Omnes dicuntur à Deo docti fore, idq; etiam Hebr. 8. & Hier. 31. & alibi. ergo omnes possunt esse controuersiarum ludices. Si enim omnes sunt in Ecclesia à Deo docti, ita vt non docturus sit quisquā proximum suum, sed omnes cognituri sint à paruulo vsq; ad magnum, quorsum repudiantur iudicia politicorum? VIII. Laici aequè sunt membra Ecclesiae, ac Ecclesiastici, aequè ergo iudicare possunt de questionibus fidei, ac Ecclesiastici. IX. Ipsi Collocutores Pontificii commiserunt aliquando iudicium Auditoribus, inter quos vtiq; erant laici, ergo agnoscunt laicos pro ludicibus. X. Si nemo prater Papam & Cardinales potest ferre iudicium, cur non vocatus fuit Papa ad iudicandum? XI. In Ecclesia quilibet Christianus est Sacerdos. 1. Pet. 2. Esaia 61. Ergo quilibet potest esse ludex.

Lib. de disput.
instruend.

Hæc Chymicus noster. Quorum pleraq; jam profligauit in Responso meo ad Theses Hunnianas. Itaq; paucis me expediam. Ac primum vniuersim ad omnia respondere possem, quod non ita pridem scripsit quidam, qui se Casparem Laurentium nominat, Lutheranusne sit, an Caluianus liq; dò exploratū nō habeo, sed q; scūq; sit, auctoritatem eius non reiiciet iste Medicus, tum quia honorificis suis de Caluinistarum secta sermonibus sæpius jam multis suspicionem mouit, quasi Lutherum apud Lutheranos duntaxat in ore, Caluinum in pectore ferat, vt ipsemet de se testatur, tum quia Laurentius iste idem docet, quod Lutherani Prædicantes, videlicet scripturam esse omnium controuersiarum solā & vnicā normā, itemq; scripturā esse oīm controuersiarum ludicem. Vobiscum ergo in his perfidiæ vestræ fundamentis præcipuis conuenit.

At vide num etiam in eo tecum sit, quod his tuis argumentis conficere tentas; nimirum laicos posse & debere

bere esse Iudices controuersiarum fidei. Audi ergo quid dicat Symmysta tuus. Hoc ante omnia intelligendum est, nullos homines posse causse diuinæ Iudices esse. Doctrina Christiana non constituenda est tanquam in foro judiciali; ut se hominum iudiciū sistat: sed est tantum proponenda legitimè & religiosè, ut audiat & reuerenter excipiat ad salutem. Augustinus de vera religione cap. 9. Iam verò illud videre facillimum est præstantiorem esse judicantem, quàm illa res est, de qua iudicatur. Neque debes hic displicere, quod Plato in Euthydemo dixit, ῥαβδευταὶ λόγων ῥα εἰσὶ καὶ ὡς ἑταῖροι, vel ἑταῖροι, hoc est, moderatores, iudices, arbitri, & præsides disputationum, si fuerint ipsis disceptantibus deteriores, non erunt idonei: si pares & similes, paria & similia tantum præstabunt. Quid igitur? Certè non opus est in hac disputatione arbitro & iudice, sed vos ipsi omnes, qui rem auditis, simul de tota re statuetis id, quod res postulat. Hæc Plato de disputationum iudicio. Ex quibus tacitè perspicitur, Moderatores in disputatione de religione omninò constituendos esse, non qui sine causa diuinæ iudices, sed tantum εὐταξίας & politici ordinis rectores, & conseruatores: omnes verò ita comparatos esse debere, ut eos audiant, qui verbum Dei proponunt, reiciantq; ea, quæ verbo Dei aduersantur.

Ecce Varna, omnia tua argumenta Hæreticus iste vna negatione delet & expungit. Simpliciter enim abnuit Iudices constituendos esse, cum quo qua tandem ratione in concordiam redibis, nisi omnia tua argumenta in spongiā incumbere jubeas? sed ego clementius tecum agam. Concedo Iudices constitui posse, sed non laicos; & ad obiectiones tuas laicales, id est, viles & plebeias generatim respondeo, aliud esse Iudicem ordinariū, publicum, & ex officio, proprièq; dictum, & aliud esse Iudicem arbitrarium, seu ex delectu partis aut partium, itemq; Iudicem impropriè dictum, cui nullum aliud forum.

Yy rum,

tum, quam propria mens & ratio, in qua jus dicit, & controuersias priuato suo iudicio, hoc est, assensu vel dissensu componit.

Quo posito ad primum respondeo, Christum nihil aliud voluisse, quàm vt Iudæi attentè & consideratè vitam, doctrinam, & miracula sua perpenderent, de quibus illis iudicium rectum formarent, iudicium inquam, non publicum, & ex officio, sed priuatum, eo modo, quo quilibet priuatus de re, quam cernit, legit, audit, iudicare potest, hoc ipso, quod naturali iudicandi facultate præditus est. Neque enim ignorabat Christus iudicium publicum, & ex auctoritate officii de religione non ad imperitam multitudinem, sed ad Cathedram Moysis pertinere, in qua jam olim Deus hanc iudicandi potestatem constituerat.

Ad secundum respondeo. S. Paulum facere Corinthios Iudices non ex officio, sed quasi arbitrarios, nec in omnibus fidei questionibus, sed in vna quadam re, vt fusius dictum in Responso.

Tertium argumentum totum ex imperitia, & mendaciis componitur. Imperitia est, Constantinum Concilio Ephesino interfuisse, volebat, opinor, nominare Concilium Nicænum, occupato quæ in furnulis suis Lullianis & Arnoldicis occurrit synodus Ephesina. Mendacium autem est, Constantinum Magnum tempore Nicæni Concilii nondum salutifero Baptismatis fonte renatum fuisse. Contrarium ex probatissimis & testatissimis antiquæ memoriæ monumentis constat. Si baptizatus non erat, quomodo Episcoporum *comminister*, vt tu loqueris, seu *Coepiscopus* erat? An tu non modò omnes illos, qui sunt in Ecclesia, Sacerdotes & Episcopos facis, sed & illos, qui necdum per Baptismi fores in Ecclesiā intrarunt?

Dein-

Deinde falsum est Constantinum fuisse Episcoporum *Comministrum*, hoc est, *Coepiscopum*: nam nec pro Episcopo, nec pro Coepiscopo, sed pro Imperatore se gessit, & ipsemet, si vitam nobiscum viueret, vanitatis & mendacii te redargueret, ut & cum Præsidentem & Iudicem nominas, nam nec Præsides, nec Iudex fuit, post omnes enim Episcopos Constantinus subscripsit, ut testatur Basilius Imperator in fine VIII. Synodi: at Præsides primo loco subscripsit. Deinde Constantinus non ausus est sedere, nisi in sede humiliori, quàm essent Episcoporum, & annuentibus Episcopis, ut colligitur ex Theodoro libro 1. capi. 7. hist. & Eusebio libro 3. de vita Constantini. Quomodo ergo Iudex & Præsides fuit? Exsecutor Concilii fuit, ut ais, & hoc ad Principum munus pertinet, ut exsequantur, quæ synodi decernunt.

Quarti argumenti Consequentia est vanissima, & planè Alchymistica; quasi verò Christus per paruulos intelligat laicos; nam siue laici, siue Ecclesiastici sint, si humilitate, mansuetudine, cæterarumque virtutum comitatu stipati & ornati sint, paruuli censentur in conspectu Dei; nec agit Christus eo loco de officio iudicandi; sed de doctrinæ cœlestis propagatione & receptione, cui longè facilius pauperes spiritu, hoc est, humiles, tenues, & abiecti assentiuntur; quàm elati, tumidi, & in excelsis dignitatis loco siti. *Videte vocationem vestram Fratres*, monet Apostolus, *quia non multi sapientes secundum carnem* (non multi Corozaitæ, non multi Capharnaitæ) *non multi potentes, non multi nobiles: sed quæ stulta sunt mundi, elegit Deus, ut confundat sapientes, & infirma mundi elegit Deus, ut confundat fortia: & ignobilia mundi, & contemptibilia elegit Deus, & ea, quæ non sunt, ut ea, quæ sunt, destrueret, ut non gloriaretur omnis caro in conspectu eius.*

Quintum argumentum dignum est eorum acuminis, qui amplexantur Euangelium in gremio Borrhæ monialis Apostatricis, hoc est, meretricis procreatum, Quæ enim hæc consequentia? meretrices ob pœnitentiam malè commissorum actam, multos alios in regno cœlorum antecedunt: alios, inquam, qui ob peccata vel nullam, vel non tantam pœnitentiam egerunt, ergò Laici sunt iudices controuersiarum fidei: imò & meretrices, quas si Lutherani agnoscere pro iudicibus velint, minimè inuidebimus.

Pari inscitia pro suis iudicibus argumentatur iste à publicanis: Quid enim publicani aut publicanorum pœnitentia ad officium iudicis? Sed Lullus noster quoduis ex quoquis distillare nouit. Facinus indignum, exclamat Tyrius, singulis aliis artibus indultum esse. Vt nequaquam ad iudicium vulgi trahantur, cum neq. licitum sit gubernatorem, qui vel opem tulerit naui, vel exercuerit artem juxta nautica ipsius rationem, apud artis ignaros reum fieri: neq. medici alicuius actiones, curationes præceptaq. viuendi, ab agrotis ipsis inspici, ac probari; non figulos, non sutores, non prætor hos ignobilia tractantes, artificii proprii sustinere alium iudicem, præterquàm artis eiusdè consortem: Scripturam verò sacram non modò laicis, sed & laicorum perditissimis, scortis & publicanis subici, vt de ea tanquam iudices sententiam ferant.

Ad sextum respondeo, S. Paulum loqui de iudicio priuato, quod nulli interdicitur, dum modo non sit temerarium, præceps, arrogans; sed legibus diuinis, humanisq. consentaneum; & ad Ecclesiæ æquissimam trutinā expensum. At nos quærimus iudicem, qui ex officio, fidei controuersias diiudicet, & decidat.

Ad septimum respondeo, si sic, Chymicus vult omnes à Deo imediatè docentur, quid ergò opus est Prædicantibus Lutheranis, & Ministris Calvinianis? Deinde cur
Deus

Deus in Ecclesia *pastores & Doctores* posuit, si omnes sunt in Ecclesia à Deo *ἀμείως* docti & instituti? Dico igitur omnes esse *docibiles Dei*, sed ministerio & interuentu Doctorum, quos in eum finem Deus Ecclesiæ mittit: ad quorum proinde tribunal pertinet quoq; norio contro- uersiarum fidei, tamen si dependenter ab alio quodam summo Doctore & Iudice, qui est Christi in terris Vica- rius, Petriq; successor. Illud Prophetæ: *non docebit ultra* Hier. 31. *uir proximum suum*. Prædicantes tuos solum vertere co- get, si quis sola verba vrgere pergat. Vt quid enim Præ- dicantes *terram occupant*; si nemo proximum suum ultra docere debet? Ergo locus ille aut ad statum cœlestis vi- tæ cum Augustino referendus est, aut explicandus, non de reconditis scripturæ sacræ mysteriis, & sensibus, sed de cognitione vnius Dei, quæ tempore Euangelii tam clara est ac diffusa, vt si compararetur cum veteris testa- menti tempore, jam nullo doctore, qui hoc doceat, opus esse videatur.

S. Aug. lib. de
Spiritu &
litt. c. 24.

Octauum argumentum simile est huic: *Pes aut ma- nus aequè est membrum corporis, ac oculus: ergo pes aut manus est oculus*, hoc est, totius corporis rector & gubernator. *Opifices aequè sunt membra Reipublicæ politicae, ac consules & sena- tores, & iudices; ergo etiam opifices in Republica sunt consules, senatores, & iudices*, hoc ipso præcisè, quod sunt membra illius Rei- publicæ. Gemellum prorsus est istud tuum. *Sæculares æ- què sunt membra Ecclesiæ, ac Ecclesiastici; ergo æquè sunt contro- uersiarum iudices*: quasi officium iudicis ex hoc præcisè ex- sistat, quod quis est pars seu membrum Ecclesiæ. Suadeo Varna, vt in furno quopiam Alchymistico hoc argumē- tum melius excoquas, meliusq; excoctum tum demum nobis reponas. Interim considera, quàm bellè tibi cum Luthero tuo conueniat, qui ne Regibus quidem &

Lut. in diff.
cont. artic.
Lovan. To. 2.
lat. XVII.

Principibus iudicium de vestra doctrina defert. Non est Regum, inquit, aut Principum, etiam veram doctrinam confirmare, sed ei subiacere & seruire, vt Psalmo 2. dicitur. Et nunc Reges intelligite, erudimini iudices terræ. At tu Cerdones itidem tuos honore doctrinam cœlestem confirmandi & iudicandi liberaliter dignaris.

Nonum argumentum si quid contra nos efficit, efficiet itidem non parum contra vos. Nam in disputatione Ratisbonensi, non raro Lutherani collocutores commiserunt iudicium auditoribus, & tamen vnicum omnium controuersiarum iudicem tradunt esse sacram scripturam. Si dicas, eos commississe iudicium auditoribus, vt priuato iudicio diiudicarent, & apud se statueret, vtrius partis argumenta firmitiora & efficaciora essent, non quod ipsi auditores iudicis munere ex officio fungerentur; si hoc, inquam, responsum mihi dederis; tu idem à me vicissim accipito, tuumq; argumentum corruisse existimato. Interim tamen quærere lubet, qua conscientia vel constantia isti iudicium auditoribus committant & permittant, si vera sunt, quæ quidam ex eorum tribu literis mandauit. Et sunt isthæc. *Iniquum, vel potius, impium est, res diuinas, ipsamq; religionis normam, hominum auctoritati, iudiciis & arbitrio committere, & subicere, sunt enim omnes multis peccatis & grauibus erroribus obnoxii.*

Cassp. Lauren.
lib. de disput.

Ad decimum respondeo, nihil opus fuisse, vt Papa & Cardinales ad disputationem conuenirent, quia jam dudum, & nouissime in Concilio Tridentino, contra vos iudiciariam & definitiuam sententiam tulerunt, in ea quaestione, de qua Ratisbonæ præcipue disceptatum est. Quod si iudices præsentem habere voluissemus, ex Ecclesiasticis utiq; delegissemus, qui loco supremi iudicis, non nouam sententiam tulissent, sed veterem aduersus vos jam latam confirmassent.

Clar.

Claudicans hoc agmen, clauditur quoq; à claudo
 argumēto, quòd omnia in antiquum chaos resoluit, sub-
 lato omni politici & Ecclesiastici status discrimine, quasi
 omnes promiscuē sint sacerdotes, veri & proprii nomi-
 nis, quod ex scriptura tunc euinces, quando pascentur
 in æthere cerui. Nam cum sacræ litteræ *sacerdotium*
 quoddam vniuersis Christianis tribuant; sacerdotii no-
 men generali prorsus notione usurpant, quatenus om-
 nes per baptismum ad hoc initiantur & destinantur, vt
 immolent Deo sacrificium laudis. Quod olim Ethnicus
 ille Philosophus, hoc de se multò magis quiuus Christia-
 nus profiteri debet. *Siluscinia essem, aiebat ille facerem quod* *Arian. lib. 2.*
solent luscinia; si cygnus, cygni more canerem. Atqui compos *c. 16.*
sum rationis, itaque hymno mihi celebrandus est Deus: nam me-
um illud est officium: quod sanè præstabo, nec deferam ordinem
bunc, quoad eius possum, vosq; vt idem faciatu, atque eadem
incedatu via, hortor. Hæc ille, Verum enim uero
 non obstante hoc generali sacerdotio, aliud quoddam
 proprie dictum in Ecclesia ex institutione diuina reperi-
 tur, quod dum sibiarius noster omnibus contendit esse
 commune, dignum se reddit, cui tanquā alteri *Mida*, affi-
 gantur *Arcadici* pecoris auricula, aut pœna *Mar/ya* decernatur.

Dosis sexta. De Scriptura norma.

Nocetur, inquis, primum argumentum, quod scriptura non
 sit norma omnium controuersiarum ex Tertulliano. Tertul-
 lianus noluit hæreticos admittere ad scripturarū disputationē, ergo
 nō agnouit scripturā pro vnica norma & iudice. Nō est hoc me-
 um argumentū, sed tuū figmētū, quod alio figmento sol-
 uis.

uis. *Negatur, inquit, id sequi propter elenchum à dicto secundū quid.* Nimirum tibi & Hunnino hæc Panacea *Elenchi* semper præstò est, qua animi vestri multò plures ignorantias curatis, vel potius tegitis, quàm Ambaldus corporis ægritudines per suam. sed mitto inaniloquentiam tuam. Ego eo Responsi loco nullum formaui argumentum, sed materiam ex Tertulliano comportaui, vt si quis vellet, inde argumenta contexeret; & tantam comportaui, vt materię *tanta abundet copia, labori faber vt desit, non fa-* *bro labor.*

Sitamen argumentum ad Dialecticam normam conformatum habere cupis, accipè. Tertullianus non ex scriptura hæreses retellendas censet in libro quidem de præscriptionibus, sed ex præscriptione, hoc est, ex traditione, ortu, origine, successione & auctoritate, qua hæreses prodierunt, ergò scripturam non habuit pro sola & vnica controuersiarum norma. II. Tertullianus monet, quando cum Hæreticis manus conferendæ sunt, non esse ad scripturas prouocandum, nec in his constituendum certamen, in quibus aut nulla, aut incerta victoria est, aut parum certa, sed ex præscriptione argumenta petenda esse, ergo ex Tertulliani sententia sacra scriptura non est vnica controuersiarum regula.

Sed Lullus noster ex fornaculis suis educit argumentum planè ferreum, & Vulcaniis armis inuictius. Quod nam illud? *Qui sacram scripturam substernit Ecclesiæ, & hac posteriorē illam, interiusq; fundamentum facit, is sacram scripturam pro norma prima & absoluta habet, Tertullianus id facit, ergo, &c.* Hic primum coniciat coniector, quisquis ille est, quidnam tenebrio iste tanta nebula circumseptus in Maiore dicere instituat. Ausim affirmare, ne ipsum quidem intelligere, quid verbis illis à lectore intelligi volue-

voluerit. Deinde si totum syllogismum concedam, quid inde conficies? An inficiamur scripturam esse normam præcipuam & absolutam? minimè verò: præcipua est & principalis: Absoluta itidem est; sed in hoc cardo rerum non vertitur; sed num sit sola & vnica regula. Huc tua tela tua, si qua suppetunt, dirige. Adhæc, si concessa Maiore, negarem Minorem, vnde tu, quæso, ex Tertulliano fidem ei conciliares? qui ne extrema quidem Tertulliani nouisti, nedum intima, totus in tuo Lullo, Arnoldo, Gebro, & id genus aliis fumiuentulis occupatus.

At Tertullianus Hæreticus fuit. Primò, quid hoc ad rem? non quæritur, num hæresi laborarit, sed an scripturam pro vnica controuersiarum norma habuerit. Secundò, Hæreticus non fuit, quando librum de præscriptionibus scripsit, qui vobis vel maximè gulam elidit. Tertiò, si Hæreticus fuit, an apud te fide dignior esse debeat, tu videris; quippe similis apud similem, Hæreticus apud Hæreticum.

Petiueram, vt Prædicantes nominarent mihi Doctores, incipiendo à Luthero, & ascendendo vsq; ad Apostolos, qui per omnia idem docuerint, quod docetur in Confessione Augustana, libroq; Concordiæ; addebamq; me contentum fore, si vel singulis annis vnum duntaxat nominent. Quid ad hæc Thessalus? *Non est semper ea facies regni Christi, vt possit dici, Hic, vel ibi est.* At debet posse dici: Nisi enim hoc ostendatis, nunquam in *omnem sempiternitatem*, vt Hunnius æuiternus Theologus loqui solet, nobis persuadebitis, vos Apostolicam doctrinam tenere. Cur præteris mea argumenta, quibus euidenter demonstraui, id à vobis præstandum esse? Incipite, oro, à Luthero tuo, & pertexe mihi genealogiam do-

doctrina vestra per singulos annos vsq; ad Apostolos. Quia moraris? Tuus sum, si prestititeris, quid vis amplius? Incipe, inquam, à Lutheto, & ascende vsq; ad S. Petrum, eo modo, quo nos in nostra serie definimus in S. Petrum exorsi à Clemente VIII. hodierno Pontifice.

*Prohibe*gor, inquis, *authoritate S. Pauli vetantis versari in stultis questionibus, genealogiis, contentionibus, & pugnis legalibus.* Siccine stulta questio est, quæ perpetuitatem doctrina vestra à vobis exigit? Quid promissit Dominus Apostolis, & in Apostolis Ecclesiæ? Ecce ego vobiscum sum usque ad consummationem seculi, si vobiscum fuit ab Ascensione sua vsq; ad Lutherum, & à Luthero vsq; ad Ascensionem, ostendite continuitatem istam & seriem nulla temporis intercapedine intercissam. Estne hæc questio legalis? An Iudæi estis? An Iudaica vestra doctrina? Cur non cum Hunnio tuo confugis ad infantes in cunis, in iisque vestram Ecclesiam perpetuatâ comminisceris? At nos non querimus infantes in cunabulis, sed Doctores in Cathedris: Ecclesia enim nunquam Doctoribus caret; Hos monstrate, si potestis, vnum duntaxat quotañis. Eia expergiscere Alchymista, furnulos tuos lustra & excute, forsan æstuanti leuamento erunt. Explica tandem intelligentiam & veritatem vel eminus intueri: si nimis est mens tua occlusa, accipe clauiculam Luili, & aperi. Sed rectè alicubi dicis, *Non posse sapere, quos natura ipsa insipientie damnauit*, quorum tu primus es.

Interim hoc saltem mihi exponito, cur veteres Patres, vt Irenæus, Optatus Mileuitanus, Augustinus, Epiphanius, & alii Hæreticos refutarint texendo Catalogos Pontificû Romanorû à Pontifice suæ ætatis vsq; ad S. Petrum, Simile quid tentate nobiscum à Luthero vsq; ad Apostolos; manusq; dabimus. Quid hac liberalitate maius

postu-

postulare potes? Optatus Mileuitanus agens contra Parmenianum, negare non potes, inquit, scire te in urbe Roma Petro primò Cathedram Episcopalem esse collatam, in qua sederit omnium Apostolorum caput Petrus, unde & Cephas appellatus est, in qua una Cathedra vnitas ab omnibus seruaretur, ne ceteri Apostoli, singulas sibi quisq; defenderent, ut iam schismaticus & peccator esset, qui contra singularem Cathedram alteram collocaret, ergo Cathedra vnica, quæ est prima de dotibus, sedit prior Petrus, cui successit Linus, &c. Pergit deinceps vsq; ad Syricium, qui, ut inquit, hodie noster est socius, cū quo nobis totus orbis cōmercio Formatarum in vna communionis societate concordat. Tandē subiūgit Vestra Cathedra (Witebergensis) vos originem reddite, qui vobis vultis sanctam Ecclesiam vendicare.

Optat. l. 2. cōj.
Parmen.

Mirum profectò Parmenianum non respondisse, & tu respondes: Paulus ad Titum 3. prohibet versari in stultis quæstionibus, genealogiis, contentionibus & pugnis legalibus. Parum abest, quin respōsum tuū laudē, manifestē enim animaduertis, quòd Lutherus tuus sit filius sine patre, tiro sine principe, discipulus sine Magistro, sequens sine antecedente, inquilinus sine domo, hospes sine hospitio, pastor sine grege, Episcopus sine populo.

Dosis VII. De Hæreticis sine scriptura profligandis.

Dixi Tertullianum maximi fecisse modum refellendi Hæreticos argumentis ex præscriptione ductis, omissa scriptura. Quid Medicus? si, vera dicis, nugator, quem facis ex Tertulliano vide. Quid op^o est illo tuo Si? An nō citauit loca Tertulliani, quibus id disertis verbis affirmat? An nō Tertulliani liber de præscriptione in medio versatur? inspicere, & euoluere, & vide num vera dicā. Quæ est ista cæcitas, in dubiū vocare, num medio die sol luceat? Quid toto

libello de Præscriptionibus Tertullianus aliud contendit & intendit, quàm omiſſis ſcripturis Hæreticos ex præſcriptionis ſerie redarguendos eſſe, & quidem omnes Hæreticos.

Tertull. c. 34. Eligant, inquit, ſibi tempora vniuerſæ hæreſes, quæ quando fuerint, dum non inter ſit quæ quando, dum de veritate non ſint: vtiq; quæ ſub Apoſtoliſ non uerunt, eas dicere fuiſſe non poſſunt. Si enim fuiſſent, nominarentur & ipſæ, ut & ipſæ coercendæ. Quæ vero ſub Apoſtoliſ fuerunt, in ſua nominatione damnantur. ſiue ergo eadem nunc ſunt aliquanto expoliſiores, quæ ſub Apoſtoliſ rudēs, habent ſuam exinde damnationem: ſiue aliæ quidem illæ fuerūt, aliæ autē poſtea abortiæ ſunt, & quaſdā ex illiſ opinionēſ uſurpauerūt, habēdo cū eiſ conſortiū prædicationiſ, habeāt necēſe eſt etiā conſortiū damnationiſ, præcedēte illo ſine ſupradicto poſteritatiſ, quo et ſi nihil de damnatiſ participarēt, de ætate ſola præiudicarētur, tātō magiſ adulteriæ, quāto nec ab Apoſtoliſ nominatæ. vnde ſirmiter cōſtat hæc eſſe, quæ adhuc tunc nūtiabantur futura. Hiſ definitionib;ſ prouocata à nobiſ & reiecta ſunt hæreſes omneſ, ſiue quæ poſtera, ſiue quæ coactaneæ Apoſtolorum, dummodo diuerſæ, ſiue generaliter, ſiue ſpecialiter notatæ ab eiſ, dummodo prædamnata, audeant reſpondere, & ipſæ aliquas eiſmodi præſcriptioneſ aduerſuſ noſtram diſciplinam. Si enim negant veritatē eiſ, debent probare illam quoq; hæreſin eſſe, eadem forma reuictam, quæ ipſæ reuincuntur: & oſtendere ſimul, vbinam querenda ſit Veritas, quæ apud illoſ non eſſe jam conſtat. Poſterior noſtra reſ non eſt, imò omniſ; prior eſt: hoc erit teſtimonium Veritatiſ vbiq; occupantiſ principatū. Hæc Tertullianuſ, de quo quæ ambigit, num iſtum ex præſcriptione refutandi Hæreticoſ modum pro validiſſimo, & efficaciſſimo habuerit, iſ ad cynoſargeſ ablegetur. Et certē quidquid verbis contra blateret, re tamen ipſa confirmat, id quod ego volo.

Nam ad argumentum meum ex præſcriptione temporis

poris aduersus vos ductum, quid, obsecro, respondisti? An non vox interclusa hæret? An non iussus catalogum Doctorum vestrorum à Luthero vsq; ad S. Petrum pertexere; nihil aliud habebas, quàm frigidum illud, & elūbe verbum: *Apostolum vetare huiusmodi stultas quaestiones.* Si testimonia scripturæ adducantur, nunquam obmutescitis. Semper aliquid ex pectore fraudibus, imposturis, & mendaciis fœcundo depromitis: at cum ad præscriptionem venit, tunc fauces vobis eliduntur, & inciduntur; vt & tūc, eū ratiocinationibus Dialecticis, & syllogisticis institutis, accuratè dispicitur, quidnam ex loco quopiā scripturæ sit consequens, & quid inconsequens.

At tu non tam in me, quàm in Tertullianum telum hoc penetrabile profectò, & cuius de vulnere sanguis sequitur, ex arcu tuo vibras. *Impossibile est Hæreticum validius confutari alio argumento, quàm scriptura canonica, si Hæreticus est, qui articulum fidei negat, & quidquid est in librū canonicis.* Hoc tu dicis, at non probas. Tertullianus abnuitt. Tu dicto tuo, si non fidem, at saltem verisimilitudinem ratione concilia. Nam si quis totam scripturam neget, quomodo hunc ex scriptura refelles? Item, si quis pro more & genio omnium Hæreticorum scripturam quidem admittat, arbitrato autem suo exponat, quomodo hunc validissimè constringes, si solis scripturæ sententiis rem agas? An non statim elabendi rimam reperiet aut faciet? An non scripturam scripturæ è vestigio opponet?

Notauit hoc ipsum jam olim Anastasius Sinaita, autor doctissimus in libro, quem ὁ δὲ γὰρ hoc est, *via Dusem*, inscripsit; instruens enim Catholicos, quomodo eū Seuerianis & Nestorianis Hæreticis confiligendum sit, inter cætera præcepta hoc etiā præscribit: *Cum duo sint di-*

sputationis modi, alter per scriptura testimonia, alter διὰ neg-
ματικῶν μαρτυριῶν, per probationes ex ipsis rebus petitas; modus
iste posterior firmior, solidior & efficacior est: nam verba scriptura
deprauari possunt. Quocirca videre licet, quod simulatq; ab aduer-
sario scriptura testimonium abiicitur, ipse vicissim aliud testimoni-
um producat, siue sit Hæreticus siue Iudæus. Quamobrem is, cui vi-
res hoc concedunt, magis se armet contra aduersarios demonstrati-
onibus ex ipsa rerum natura desumptis. Hæc Anastasius.

*Dosis VIII. de dicto contra negantem princi-
pia non est disputandum.*

NEgaueram hoc dictum Prædicantium: sola scriptura est
norma omnium controuersiarum fidei; esse principium
seu fidei, seu Theologiæ. Quia nullum principium fidei
& Theologiæ falsum est; at illud Prædicantium enun-
ciatum falsum est, & hæreticum; non potest igitur esse
principium fidei aut Theologiæ. Vbi Lullista noster.
Cum negat Grotserus axioma hoc: sola scriptura est norma contro-
uersiarum circa articulos fidei, non negare potest axioma per
se, sed tantum ad solam id dirigit negationem. Bene dicis.
Axioma non nego, quia nullum hic est axioma; sed
falsum effatum; & hoc totum nego; tantum, quan-
tum; nisi fortè putat Medicus, duas istas enunciatio-
nes: Scriptura est norma controuersiarum; & sola scriptu-
ra est norma & quidem vnica omnium controuersiarum: ita esse
cōparatas, ut qui priorē cōcedit; sicut libet a nobis cō-
ceditur, is etiam concedere debeat posteriorem, saltem
ex parte, perinde ac si diceret; Concedi a me quadante-
nus saltē hanc propositionē: Solus homo est animal mortale;
quia cōcedo istā: homo est animal mortale; & si hāc p. princi-
pio

pio alicuius scientiæ agnoscere, necessariò inde confici, me etiã priorem illã p principio habere. Quis tantas subtilitates ex fumo Alchymistico Libauii nasci crederet, ni oculis nostris intueremur inde nasci?

Quod petis, vt nominemus traditionem creditu necessariam, quæ sacris litteris non comprehendatur, rem facilem petis. Et vel has, quæ primæ occurrunt, habeo *Epistolam ad Philemonem esse Canonicam, Euangelium Nicodemi non esse Canonicum. Omnes illos libros, quos Concilium Tridentinum, vt Canonicos suscipit, esse Canonicos, simul & collectiue sumptos, vt sileam, alia de genere eodem fidei nostræ effata ad salutem creditu prorsus necessaria. De quibus paulò post plura.*

~~~~~

*Dosis IX. De his quæ credenda concesserint  
Euangelici (Lutherani) in Colloquio.*

**E**Xponit hîc nobis Medicus, quid credat Hunnius, cū fortè nec ipse Hunnius sciat, quid credat. Iste tamẽ hoc probè scit. Ait ergò: *extra scripturas etiam aliqua credit Hunnius. Assentior, & addo, non tantum aliqua, sed prope modum omnia. Extra scripturas credit, hominem sola fide justificari, Christum secundum humanitatem ubiq; præsentẽ esse: Duo tantum, aut summum tria sacramenta statui debere, & id genus centena. Oïa hæc & extra, & contra, & præter scripturam credit, & tu cum illo, si tamen cum illo quidquam credis.*

Etiã hoc credit Hunnius extra omnem scripturam, Theologiam, Philosophiam, & rationem, *hypostasim, Vide hist. p. personam, & hypostaticam relationem in Deo neq; substantiam esse, naceam Lib. neq; uii, sect. I. c. 6.*



*neq; accidens, sed medium quiddam inter vtrumq;.* Bone Deus, quo tandem isti ipsum Deum redigunt? Si filius in diuinis nec est substantia, nec accidens; quid tandem erit? fortè Ens rationis? Certè omne Ens reale aut est substantia, aut accidens. Tertium, ne fingi quidem potest: Fortassis tuebitur se Hunnius Lutheri clypeo, cuius commentis si quid obiciebatur, ex Philosophia aut Dialectica; hæc in promptu habebat, & in promptu habenda esse monebat: *Quando Dialectica arguit hæc suis regulis non quadrare, dicendum est ei, Mulier taceat in Ecclesia.* sic licet hæcenus omne Ens reale fuerit aut substantia, aut accidens, jam tamen quia Hunnius rerum naturam commutauit, *Philosophia taceat*, & prona Prædicantis huius vestigia adoret, quia personam diuinis nec est substantia nec accidens, sed quiddam medium inter vtrumq;.

Luth. disp. de  
Deo, Thef. 18.  
Tom. 2. VV. it.  
lat.

Sed non mirum istos in hæc deliramenta plusquam anilia incidere, cum sint discipuli illius, qui hanc propositionem euomere non erubuit. *Nihil mirum si Arius, Iudæus, Mahometes & totus mundus negent Christum esse Deum.* Audite vos Trinitarii, Seruetiani, imò vos etiam Iudæi & Turcæ, audite inquam, sed reprimo me.

Tu item Libani extra scripturam, Philosophiam, omnemq; rationem credis, *cadere in Deum accidentia*, non quidem absoluta, sed relata, & hoc propterea, quia Deus à nobis intelligitur, adoratur: quia ubiq; præsens est; quæ omnia sunt respectus quidam. At quis vnquam mortalium propter istos extrinsecos respectus dixit, *In Deum cadere accidentia relata?* Sunt ne isti respectus in Deo, tanquam in subiecto? ponuntne aliquid in Deo, vt ratione eorum possit dici aliquod accidens in Deum cadere?

Multò adhuc deterius innuis, etsi non satis dilucidè exprimis; ipsa etiam *respectiua*, quibus personæ indiui-

nis

nis distinguuntur, & *actiones notionales*, nihil aliud esse, quàm *accidentia*: sic inter personas diuinas nō erit nisi accidentalis distinctio, imò nec vlla persona erit: Impossibile enim est, vt vlla persona constituatur per aliquod accidens. En quò Nouatores isti progrediantur, & quàm aptè ad Arianismum, Iudaismum, & Turcismum viam sternant. Hæc paucis tangere libuit, vt planum facerē, quid isti extra scripturas credant.

Nunc in viam redeo. Qui dicit, nihil esse credendum extra scripturam fide diuina & infallibili, simulq; dicit, aliquid extra scripturam fide diuina & infallibili credendum esset, is sibi contradicit; Hunnius hoc non semel dixit, & dicit in Colloquio Ratisbonensi; dixit enim omnia ad salutem creditu necessaria in sola scriptura contineri; simulq; dixit, fide infallibili credendum esse Epistolam ad Philemonem esse canonicam; quod in scriptura non continetur, ergò Hunnius sibi contradicit, vt & alii Prædicantes, dum id ipsum asseuerant. Nam Hunnius concedit hoc credendum esse fide diuina & infallibili, nempe Ecclesiam primitiuam testimonio suo proposuisse Epistolam ad Philemonem, tanquam canonicam, & à Spiritu sancto dictatam. Hoc non continetur in scriptura, aut si continetur, ostendant, vbi contineatur: aut si fide infallibili credendum non est, dicant Prædicantes, & Prædicantium propugnatores; num liceat sine periculo hæreseos testificationem illam primitiuæ Ecclesiæ inficiari; & num Hæreticus sit, qui pertinaciter negat primitiuam Ecclesiam Euangelium sancti Matthæi pro canonico habuisse, fidelibusque proposuisse.

Adiunt, hoc non esse articulum fidei. Non cōtendo de vocabulo *articuli*, quod strictè interdum vsurpatur pro so-



lis illis dogmatibus, quæ explicitè & distinctè à cunctis fidelibus credenda sunt. sit, voceturque *dogma* seu *obiectum* fidei. Omne enim illud, quod fide infallibili credendum est, dogma & obiectum fidei est. Dogma quidem, quia à fide traditur; obiectum autem, quia fides in illud tendit: nam si qui Prædicantes tam imperiti sint, ut dicant aliquid fide infallibili credi debere; nec tamen dogma aut obiectum fidei censi posse, eorum stultitiam potius irridendam, quàm confutandam existimo.

### Dosis X. De consequentiis Hunnians.

O Bieceram Hunnio, aliisque Prædicantibus ineptiam, qua in texendis consequentiis uti solent. Obiectionem hanc non aliter diluit Medicus, quàm parâ ineptiæ accusando Pontificios, quasi hoc sit à crimine sese liberare, si idem in aduersario hætere clames. *Adstet Papa, vel quis alius, ait Medicus, & præcipiat, ut ex hoc dicto: Mihi autem nimis honorati sunt amici tui Deus, colligam Sanctos esse adorandos; & eorum imagines cultu quodam afficiendas.* Atqui facillimè præcipienti obtemperare poteris, si prædicta Psalmi verba intelligas. Si enim Propheta David, vir râtus, Spiritu sancto tam plenus, amicos Dei, sine yllo idololatriæ scelere, religioso cultu, eoq; non qualicumq;, sed eximio honoravit; (hoc enim indicant illa: *Mihi, seu, à me, nimis honorati sunt amici tui Deus*) utiq; & nobis fas erit eisdem amicos Dei, hoc est, Sanctos cum Christo in cœlis immortalē vitam agentes, piè & sedulò venerari; nisi fortè Alchymista censet; cœlites non esse numerandos inter amicos Dei.

Quod si Sanctos venerari licet, ergo & imagines  
Sani.

Sanctorum venerari licebit, quia imagines sunt aliquid Sanctorum. Quemadmodum si Cæsarem colere fas est, etiam Cæsaris imaginem colere fas erit; quia imago Cæsaris ad Cæsarem pertinet: neq; vllum Christianis de imaginibus nullo cultu afficiendis aut non afficiendis præceptum datum est, vt olim Iudæis. Verum de hoc loco plura dixi aduersus tuum Hunnium in Labyrintho Cretico hunniano. Proba igitur est hæc consequentia: *David pag. 36. 37. amicos Dei, Sanctos, inquam, insigni pietate coluit. ergo nos exemplum tanti Regis sine vlla impietate imitari possumus.*

Tu nunc vicissim adesto, & si ita lubet, adesto comitatus Hunnio, aliove Prædicante, & dispice; num istæ Hunniarum consecutiones sint sanæ, aut ex sano cerebro profectæ. I. Nolite vocari Rabbi: *Vnus est enim Magister Hun. in An- vester, nempe Christus: Omnes autem vos fratres estis: ergo Papa titannero pa-* non est supremus iudex controuersiarum ordinarius, & visibilis in *273.* hac militante Ecclesia. II. Ne vocemini Magistri. *Vnus enim ve-* *Mat. 23.* *Ibid.* ster est Magister, nempe Christus. ergo Papa non est iudex controuersiarum. III. *Vnus est vobis Petrus, legislator, qui potest seruare & Iacob. 4.* perdere. ergo Papa non est iudex controuersiarum fidei. An non sunt istæ consequentiæ Hunniochrysippæ, hoc est, fatua, stolidæ, plumbeæ, & vaniloquentissimi Prædicantis ingenio dignissimæ? Tolerabilius deliraret Hunnius, si cum Carlostadio suo ex supradictis testimoniis concluderet, nefas esse, vt quis Magistri aut Doctoris titulo insigniatur, aut afficiatur. Sed arrogantia Prædicantiū, qui ne nomē suum scribere solēt, nisi Doctoris appellationem ipsi manu sua aut pponāt, aut postponāt, tutos eos facit ab hoc Carolstadii deliramēto: statim aduolarēt cū illa Lutheri expositione: *Dictū Christi nō ita accipi debet, quasi illicitū sit nomen Lut. in Serm.* Magistri usurpare; sed perinde est, ac si Christus dixisset: *nona dog conuiu. tit. de* *bonis artibus.* mata ne excogiteris. Nihil noui in mediū proferatis Cōtēti estote in



qua tradidi vobis: & precepi, ut aliis eisdē tradatis & patefaciat. Taceo, Christū apud Matthæū nō vsū tituli, sed arrogantiā vetare, sanctūq; Iacobum non de quocunq; legislatore & iudice, sed de omnium supremo & independente loqui, non de huius supremi & independentis Vicario, qui alius non est, quā Romanus Pontifex, qui & ipse perdere & liberare potest, auctoritate & voluntate Christi, à quo clauēs regni cœlorum accepit, ita ut solutum sit, quidquid soluerit, ligatumq; quidquid ligauerit.

*Dosis XI. de Criteriis Hunnij.*

Nescio qua alia ratione ægrum medicum hoc loco alloquar, quā illo Poetæ versu:

μὲν νῦν εἰς ἡμᾶς, ἡγὼ πρὶν ἐξ ἑσῶν φρενῶν.

*Insanus nunc es; antea desipiebas tantū.*

Ita enim conuiciis furit, ut hucusq; tantum desipuisse, non item insaniisse videri possit; si quis conuicia priora cum presentibus & futuris contendere velit. Sed Alchymistæ istius furorem alia oratione repellere nolo, quā illa, qua ipse usus est; (quā meritō non facili dixerim) aduersus Iosephum Micheliū. *Quæ te causa impulit ad tam acerbè de me scribendum? Soliti sunt nostri aliquanto acrius obistere Paracelsō (Hunnio, Prædicantibus) mihiq; ludandū simili in arena fuit, cum improbitate & nequitia Embaldi (Hunnii) Gramani (Leiseri) Bisterfeldii (Halenmulleri) Enhelbardi (Gabrielis Lermæi) Diaconi (Miseni, Iunii, & aliorum) in te quid admissum à nostris esset, ut tam rabidè procurre-ros? Verum scito tuis conuiciis, calumniisq; me non plus commotū iri, quā Dianem, Socratem, Gelonem, Periclem, Cleantem, aliosq; cum Philosophos summos, tum Imperatores potentes commotos*

*Lib. 3. epistol.  
chymicarum  
epist. 1.*

*ferunt*

ferunt. Cogitandum enim est, te ideo insanire & maledicere, quia sapere & benè loqui non didicisti, agendumq; tecum est, quo modo cum deliro Medici, qui furentem verbis, non vituperant, proscinduntq; conuiciis, sed morbo sanando occupantur, contemptis criminationibus. Hæc tua verba tibi à me dicta existima, & forte furorem mitigabunt: si tamen spes vlla immedicabile malum leniendi suppetere potest.

Vexat, inquis, Hunnium, quod dixerit, sacram scripturam esse solam normam omnium controuersiarum fidei; & tamen in exemplis, num Epistola ad Titum sit Canonica, id non probet ex illa norma, sed partim ex testificatione veteris Ecclesiæ, partim ex internis Criteriis. Non vexo, sed inconstantiam Prædicantis arguo: qui cum nullam protus controuersiarum normam agnoscat, præter sacram scripturam; in angustias tamen coniectus, aliam, & quidem fallere nesciam, admittit, nempe testificationem seu traditionem veteris Ecclesiæ, qua controuersiam de Epistola ad Titum, exempli causa, aut ad Philemonem diiudicet & definiat; si quis illorum canonicam auctoritatem in dubium vocet, aut penitus inficietur. Nam quod de aliis Criteriis, seu veritatis agnoscendæ indicis fabulantur, id inane prorsus est ac fictitium. Illa enim indicia aut sunt in ipso, qui iudicat, idq; quod genuinum est, à supposititio secernit; aut sunt in re, de qua disceptatur; Si primum, tunc nihil aliud sunt, quàm, vt Arianus Philosophus loquitur: τὸ δὲ οὐκ ἔστιν, phantasia & existimatio; ideo enim liber hic vel ille in canone collocandus, aut à Canone segregandus est, quia Hunnio vel alteri Prædicanti in canone collocandus, aut à canone excludendus videtur. Quis autem tam excors est, qui non animaduertat huiusmodi Criteriis, nihil aliud esse, quàm ludibria, vanæq; mentis simulacra in singulas horas mutabilia, omniumq; errorum



potius tegumenta, quàm indicia.

Si autem cum Medico nostro dicant, Criteriâ ista à Canone non distingui, sed in ipsius quasi visceribus hæ-  
rere; tum id de quo ambigitur pro Criterio & instrumen-  
to veritatis indagandæ assignant. Licet enim Canonici-  
cum esse inhæreat in ipso scripto, quod Canonicum est;  
non tamen agnoscitur, nisi per aliquid à se distinctum,  
per regulam scilicet, quæ si adhibeatur ad id, quod quæ-  
ritur, statim veritatem manifestat, sicut licet esse aurum  
sit in ipso auro; hoc tamen non agnoscitur, nisi probati-  
onis causa ad libram aliquam seu amussim admoveatur.  
& quam ridiculus foret, qui auri pondus, de quo ambigi-  
tur, alia ratione explorari noller, nisi illo ipso auri pon-  
dere, cò quod in ipso auri natura insit, (pono enim ve-  
rum esse aurum) tam ridiculi sunt Prædicantes, cum du-  
bitanti de libro quopiam Canonico, alia criteriâ non of-  
ferunt, nisi ipsum librum: quasi id quod est esse Canoni-  
cum, per se in oculos incurrat, neq; inuestigandum sit cer-  
tâ aliquâ & indubitatâ regulâ. Si questio nobis esset de albo &  
nigro, inquit Atrianus, qualenam criterium seu instrumentum  
adhiberemus, veri cognoscendi gratia? Vtiq; visum. si de calidis &  
frigidis, duris item ac mollibus; quodnam? Tactum. Quia verò di-  
sputamus de his, quæ secundum naturam, ac de his, quæ rectè ac vi-  
tiosè fieri dicuntur, quale his internoscendis instrumentum accom-  
modabimus? Sensus porro penes quem sit facultas discernendi co-  
lores item odores, nec non etiam sapes, ignorare fortasse non ma-  
gni sit periculi ac damni, sed ignorare, quo sensu discernenda sine  
bona à malis, & quæ contra naturam sunt hominis ab iis, quæ sunt  
secundum naturam, parùm obesse censet; imò verò maius damnum nō  
esse arbitror. Quæadmodum igitur jure exploditur, & exhibi-  
latur, qui exorta de albo & nigro, de calido & frigido, de  
molli & duro, de turpi & honesto, controuersia, nullū ali-  
ud

Arian. lib. 1.  
Serm. 11.

ὡς καὶ τὸ κριθὲν controuersia dirimendā assignaret, nisi ipsū κρινόμενον, seu id, de quo disceptatur; ita Prædicantes risu non iniuria excipiuntur, cum nobis ipsum librum Canonicum, hoc est, τὸ κρινόμενον, pro Criterio offerunt.

Pari modo, non esse Canonicum, insitum est, vt sic loquar, intimè libro, qui Canonicus non est, vt Euangelio, v.g. Nicodemī, sicut non esse aurum intrinsecè inhæret in stano, auri specie fucato & colorato. At hoc non cognoscitur, nisi beneficio regulæ ab omni errore immunis, quæ alia non est, quàm testificatio & traditio Ecclesiæ: sicut fucus in auro non deprehenditur, nisi per Criterium ab adulterino auro distinctum, vt probatione ignis, lapidis Lydii, libræ, aut alterius de eodem genere.

*Stulta questio est*, inquit Alchymista, num *Epistola Pauli sit Canonica, vt id probetur ex scriptura*. Scilicet *stultum est*, quidquid istis gulam frangit. Vos asseritis scripturam esse vnicam normam omnium controuersiarum. Si hoc verè asseritis; dirimatis igitur ex scriptura hanc controuersia, quæ de Epistola ad Philemonem existere potest, num sit Canonica. Quod si hanc litem ex scriptura dirimere nō potestis, vt equidem in omnem perpetuitatem non potestis: falsum est igitur quod asseritis, nempe scripturam esse vnicā omnium controuersiarum fidei normam. Quia hoc casu vel inuiti ad aliam normam confugere debetis, nisi eò impietatis progrediamini, vt dicatis, controuersia de Epistola ad Philemonem, nū sit Canonica, non esse controuersiam fidei, seu de dogmate fidei.

*Scriptura, inquis, jam est Canonica, ergo non eget probatione*. Pulchrè, perinde ac si dicas; Aurum jam est aurum; ergo non eget examine. Honestū jam est honestū, album jam est albū, ergo illud non eget Criterio rationis, hoc sensus, Aurum adulterinū & fucatum jam non est aurum; ergo



ergò non est opus vlla probatione; & vt Alchymistæ nostro exemplum familiare adferam: *Panacæa Ambaldina*, jam est falsa & fallax, plena imposturæ & fraudulentæ; ergo opus non est, vt toties à Libauio ad furnulos probationis causa reuocetur; otio igitur, carbonibus, igne, fumo & furno abutitur iste, cum per tot experimenta ad fraudis cubilia penetrare nititur.

*Canon*, inquis, *non probatur, sed supponitur*. Tunc non probatur, cum indubium non vocatur; at si indubium vocetur, probandus est, non supponendus. Cur sancti Patres auctoritatem veteris testamenti toties omni argumentorum genere asseruerunt; nisi quia ab Hæreticis vel tota, vel quoad partem repudiabatur? Quod idem de nouo testamento affirmare licet: Si Hæretici quieuisserent, etiam sancti Patres labore probandi supersedisserent.

*Scriptura*, inquis, *sua essentia testatur se esse canonicam*. Ita est: etiam aurum sua essentia testatur se esse aurum. At hoc testimonium nobis non est notum, nisi per applicationem regulæ: tunc enim nobis patefit illud naturæ seu essentia testimonium. Aurum fucatum essentia sua testatur se non esse aurum. Cæterum vt hoc testimonium cognoscam, opus est Criteriis, quorum ope in huius testimonii notitiam deducar. *Ambaldina panacæa* essentia sua testatur se non esse, quod esse fertur. At hoc testimonium neq; videt, neq; audit Libauius, nisi beneficio suarum fornacularum. *Externa testificatio non facit canonicam*: Quis negat hoc? Non facit canonicam sed ostendit esse canonicam. Quæstio nostra non est, quis faciat Canonicam scripturam. sed quæ nam sit certa & infallibilis nota, per quam Canonica scriptura nobis innotescit. Etiam examen & probatio non facit verum aurum, verum

verum aut falsum; falsum; sed ostendit, verum esse verum; & falsum esse falsum.

## Dosis XII. De sensu Scripturae.

**P** Vlchrè & verè Constantinus Magnus in Epistola ad Arium. *Malus interpret negotium est Diaboli, eiusq; effigies ac imago.* Nam quemadmodum illum callidi opifices ad escam fraudis effingunt, decorem ei pulchritudinis molientes, qui natura est turpissimus. ut miseros mortales perdat, in errorem præ-tendens ac propinans; sic ut arbitror is (malus scripturae interpret) facit, cui id tantummodo studio videtur esse, suæ audaciæ venena nemini parcendo offerre. Hæc verè & scitè Magnus ille Imperator. Hæreticis enim nihil aliud propositum est, quàm ut Cacodæmonem scripturae quasi vestimentis induant & exornent; exornatumq; miseris mortalibus diuendant. Quocirca nihil tutius, nihilq; salubrius est, quàm scripturam alio sensu nunquam acceptare; quàm eo, quem perpetua successione à sanctis Patribus, per manus Ecclesiæ accepimus.

Apud Baro.  
Tom. 3. anno  
Christi 319.

Obiicit Alchymista. *Patres fuisse homines: omnem autem hominem mendacem esse.* Quis verò tu es, si homo non es? Quis Lutherus? Quis Melanchthon? quis Hunnius? quis deniq; totus Prædicantium grex? Si igitur homines estis, prudentius, opinor, egero; si non vobis hominibus, sed patribus hominibus in interpretatione sacrarum litterarum fidem potius adhibuero; antiquis potius, quàm nouitiis, & pronuper generatis; doctissimis potius, & sanctissimis, quàm indoctissimis, & ab omni vitæ, morumq; sanctimonia & innocentia imparatis. Exceptionem istā Alchymistæ aduersus Patres, meo iudicio; non ineptè



Erasm. in Dia-  
tribe contra  
Lutherum.

jam olim confutauit Erasmus, cuius testimonio eo liben-  
tius vtor, quo sectariorum genium & mores propius no-  
uit, quippe diu inter illos Basileæ versatus, & animo non  
planè à nouis dogmatibus alienus: Sic ergo scribit. *A-*  
*iunt: Sed homines erant. Et ego jam homines confesso cum homini-*  
*bus, non homines cum Deo. Audio, quid multitudo facit ad sensum*  
*Spiritus? Respondeo, quid facit paucitas? Audio, quid facit mi-*  
*tra ad intellectum scripturæ diuinæ? Respondeo, quid facit sagum,*  
*aut cuculla? Rectius dixisset: Toga Prædicantica. Audio,*  
*quid cognitio Philosophia ad cognitionem sacrarum litterarum? Re-*  
*spondeo, quid facit inscitia? Audio, quid facit ad intellectum scrip-*  
*turæ cōgregata synodus, in qua fieri potest, ut nullus habeat spiri-*  
*tum? Respondeo quid faciūt conuenticula priuata paucorum, in qui-*  
*bus verisimilius est neminē esse, qui habeat spiritū. Paulus clamat:*  
*an experimentum queritis inhabitantis in me Christi? Non crede-*  
*batur Apostolis, nisi miracula fidem adstruxissent doctrina: Nunc*  
*quilibet sibi postulat credi, quod affirmet, se habere spiritum Euan-*  
*gelicum. Apostoli, quoniam excutiebant viperas, sanabant egro-*  
*tos, excitabant mortuos, imposita manu dabant donum lingua-*  
*rum: ita demum creditum est, & vix creditum est illis para-*  
*doxa (contra receptam tunc perluasione) docentibus:*  
*nunc cum iuxta communem opinionem adferant paradoxotera,*  
*nullus illorum adhuc existit, qui velequum claudum sanare po-*  
*tuerit, &c.*

Rogantibus quonam argumento sciri possit, quæ sit vera  
interpretatio scripturæ, cum vtrinque sint homines: respondent:  
iudicio Spiritus. Si roges, cur illis, quorum aliquot etiam mi-  
raculis editis inclaruere mundo, defuerit Spiritus potius quàm  
ipsis: sic respondent, quasi mille trecentis annis nullum fuerit  
Euangelium in mundo. Si requiras vitam ab illis spiritu dig-  
nam: Respondent, se fide iustos esse, non operibus. Si ro-  
quiras miracula: dicunt jam olim cessasse, nec opus esse jam

in tanta luce scripturarum. Hic si neges hac in parte esse dilucidam scripturam, in qua tot summi viri caligarint, circulus ad caput redierit. Iam ut demuse eum, qui spiritum habet, certum esse de sensu scripturæ, quomodo mihi constabit, quod ille sibi sumit? Quid faciam, ubi multi diuersos sensus adferunt, quorum unusquisque se jurat habere spiritum? Hæc Erasmus aduersus illos, qui tam facile reiiciunt veterum interpretationem in sacris libris, ac suam nobis sic opponunt, velut ex oraculo proditam.

Ait Alchymista. Potius ea via insistendum esse, qua & ipsi Patres tentarunt incedere: nempe ut audiamus, legamus, oremus pro illuminatione intellectus, meditemur, colloquamur, adminicula naturæ & artis adhibeamus, linguis loquamur & interpretemur, logico iudicio rem aestimemus, dicta conferamus. Si hæc vera via est ad veram sacrarum literarum intelligentiam, utiq; causæ nihil esse video, cur non existimemus sanctos Patres germanum scripturæ sensum potius affecutos esse, quàm nouellos istos sectarios; nam ut de solo prædicandi studio loquar, ausim quouis deposito pignore certare sanctum Augustinum, sanctum Hieronymum, sanctum Ambrosium, sanctum Gregorium Magnum, sanctum Basilium, sanctum Chrysostomum, sanctos Gregorios Nazianzenum & Nyssenum, sanctum Thomam Aquinatem, & alios innumerabiles, vno die plus orasse, plusque operæ & laboris in meditando exercitationibus posuisse, quàm Libanius toto anno ad suas fornaculas oret aut meditetur: neque micam salis habeat, quisquis nostros nouatores contentione precandi, legendi, colloquendi, conferendi, præfidiis naturæ & gratiæ, iudiciiq; acrimonia & perspicacia priscis Patribus anteponat.

Verum ut liquidius nobis constet, quam validis laertis Varnæ sanctis Patribus auctoritatem derogat,



sibi; arroget, producere lubet; & quidem in forma dialectica; arietes, quos in sanctos Patres vibrat. En primum: *At cornu ferit ille, caueto. Hominis fides mendacium est ad fidem Dei ergo Patribus scripturam interpretantibus non est adhibenda fides.* II. *Omnis homo est adynamos & impotens circa veritatem: ergo Patrum expositio non est recipienda, sed Lutheri & Lutheranorum.* III. *Hominis sapientia est stultitia apud Deum. nec potest ratio capere spiritualia: sequitur ergo, quod antea; expositiones Patrum repudiari debere.* IV. *Vana salus hominis; maledictus qui confidit in homine; & quid non? Sequitur ergo denuò Varnensis conclusio, nempe soli Lutheri esse credendum, non Patribus; quia qui in Lutheri confidit, is non confidit in homine, sed in portento hominis.*

Quintum & quidem robustissimum argumentum. *Ecce inter seruos eius non manserunt fideles, & in Angelis eius deprehensa est stultitia. Iob. 4. v. 18. ergo Lutheri scripturam interpretans fidelis est interpret, ab omni stultitia immunis; soli Patres mortuibus Paracelsi à carboniperda isto annumerantur. Qui acumen harum consequentiarum non assequitur, is saltem profunditatem suspiciat & admiretur; tam profundæ enim sunt; quàm hæc & similia Lutheri axiomata.*

Luth. in disp.  
de hoc dicto:  
Verbum caro  
factum est.  
Tom. I.

I. *In Theologia verum est Verbum carnem factum: in Philosophia simpliciter impossibile & absurdum.* II. *Nec minus, imò magis disparata est predicatio; Deus est homo; quàm si dicas: Homo est asinus.* III. *Sorbona mater errorum pessimè definiuit, idem esse verum in Theologia & Philosophia.* IV. *Aliquid est verum in vna parte Philosophiæ, quod tamen falsum est in alia parte Philosophiæ.*

Concludam hanc Dosis verbis Lutheri: *Tanta est malitia & versutia Satanae, inquit Lutherus, ut homines sui, dum vera loquuntur Grammaticè (id est, verbis) mendacia loquā-*

tur *Theologicè*, id est, sensu. Hoc est, quod dicitur, *hæreticum esse*, qui scripturas aliter intelligit, quàm flagitat *Spiritus sanctus*. Dictum hoc veritati concinere, testis est ipse Lutherus, cum toto suo grege, qui quando scripturam citat *Grammaticè*, id est, verbis, veraloquitur; *Theologicè* autem, id est, sensu, mendacia fundit: Etsi non rarò tam *Grammaticè*, quàm *Theologicè*, tam verbis, quàm sensu mentitur; ut & discipuli eius, in hac arte à suo magistro non degeneres.

*Dosis XIII. De syllogismis, dialecticæq;  
dissertatione.*

**N**otetur, inquit Medicus, quod scribit *Gretserus* paratam victoriam habiturum, quisquæ ad ratiocinationis normam *Prædicantes* adegerit, si vlla vi possint adigi, quia nihil minus norint, quàm ratiocinari. Ex his sic argumentatur, ut nobis præbeat specimen suæ in ratiocinando peritiæ. Si non possunt adigi vlla vi, ad ratiocinationis normam, in qua victoria parata consistit, *Prædicantes*, falsa est gloria *Tanneri* victos ipsos & victos esse. Illud *Gretserus* ait: Hoc ergo confiteri necesse habet, & per consequens cōtradicit suo collega *Tannero*. Respondeo negando Maiorem. Tu quomodo illam probas? Non enim dixi, in eo solo consistere victoriam, si *Prædicantes* adigantur ad argumentandi formam. Quare licet *Prædicantes* victi & victi non sint per adactionem ad formam; cum omnis formæ informes *Prædicantes* sint impatientes; victi tamen & victi sunt cum aliis modis; tum fugiendo formam, & ita quidem fugiendo, ut quateret æger anhelitus artus. Etiam is, qui fugit, & quem timor alatum efficit, superatur. Quam autem *Prædican-*



tes formam argumentatricem fugerint, loquityr  
 Protocollum & Relatio P. Tanneri, loqueturq; futuris  
 itidem temporibus non sine indelebili Prædicantium  
 ignominia.

Sed instat Varna alio syllogismo. *Qui ad id non potest  
 adigi, in quo est parata victoria, is non potest vinci. Evangelici nō  
 possunt adigi ad id, in quo est parata victoria Iesuitarum. Evan-  
 gelici ergo non possunt vinci à Iesuitis.* Respondeo Maiorem  
 esse veram, si sensus sit, eum non posse vinci, qui adigi  
 nequit ad id, in quo solo parata est victoria: falsam autē, si  
 sensus sit, eū qui adigi non potest ad id, in quo parata est  
 victoria, non posse vinci alio modo, in quo itidem victo-  
 ria parata est: jam verò licet Prædicantes adigi non pos-  
 sint ad aliquid, in quo parata est victoria, nempe *ad formā*,  
 adigi tamen possunt, & necessario adiguntur, ad aliud;  
 nimirum ad fugā formę, in qua itidē victoria parata est.  
 Possunt ergo Prædicantes à Iesuitis vinci non ad actione  
 ad formam; sed turpissima & ignominiosissima formę  
 fuga. In auras igitur Syllogismus Varnensis fugit.

Obiicit. *Si victoria parata est in ratiocinatione ea, quam  
 negantur nosse Prædicantes, sequitur, quod non sit in scriptura, aut  
 aliarum rerum energia; nec in doctrina axiomatica.* Nihil minus  
 sequitur, mi Varna; quia cum victoriam in ratiocinatione  
 paratam esse affirmo, non ipsas nudas, solaq; ratiocinādi  
 formas specto; sed vestitas scriptura & materia Theolo-  
 gica: Itaq; in scriptura victoria consistit; in scriptura in-  
 quam Dialecticis dissertationibus illigata, quæ Prædicā-  
 tes extra terminos in immensum exspatiari solitos coer-  
 ceant: aut si sibi caueant, ne coerceantur, in fugam com-  
 pellant; ad quos Lucretianus ille versiculus potiore jure  
 spectat, quàm ad ceruos: *Fuga cervinis*

*A patribus datur, & patrius pavor incitat artus.*

Dofia

### Dosis XIV. De Christo Dialectico.

**C**lamat æger Medicus. *Christus Iesuitus est, & non est disputator pro libitu.* At tu pro libitu mentiris & calumniaris sine vilo aut Dei aut hominum metu. An quia dixi Christum ratione dialectica disputandi non eguisse, ideo negavi, quod cum sancto Augustino asserui, cum dialecticè disputasse? Num quia à Christo & Apostolis syllogismos non exigo, ideo eos à Prædicantibus exigere non licet? Plus, inquis, Christo & Apostolis præstare debere flagitantur. Non plus, sed aliquid aliud. Formam syllogisticā poscimus à Prædicantibus, quam non poscimus à Christo aut eius Apostolis, & hoc eò tantum, quia Prædicantes à Christo & Apostolis toto cœlo distant.

Ait Alchymista. *Impium esse, si syllogismos flagitemus à Prædicantibus, eosdèq; non exigamus à Christo aut eius Apostolis.* Hoc scripsit ex commiseratione erga Prædicantes, quos syllogismorū egētissimos esse nouit. Et quis nō rideat insulsam hanc delirantis Varnæ cōsequentia: *Impium est à Christo & Apostolis syllogismos exigere, similiter ergo impium est syllogismos à Prædicantibus postulare: quasi Prædicantes sint Christus, aut Apostoli, quibus forma disputandi præscribi nequeat, aut quasi aliis dotibus instructi sint, quæ defectum syllogismorū cōpēscent.* Sed attendat ille fatuus, fuculus & bliteus Gretserus, vociferatur Alchymista plūbeus. Iam attendo. Quid vis? *Vbi virtus Christi est, ibi minimè est opus syllogismis, juxta Gretseri sensū.* In verbo Christi quod vsurpāt Prædicantes loco armorū in disputando, est virtus Christi, quod nemo negare potest, nisi Ethnicus. In verbo ergo Christi, quod loco armorū vsurpāt Prædicantes minimè op<sup>9</sup> est syllogismis. Respo. Minorè esse Alchymisticā, h. e. fallā, triuolā, inanē. I. Quia Prædicantes nō vtuntur verbo Christi, nisi Grammaticè vt loquitur Luther<sup>9</sup> hoc



hoc est, quo ad verba duntaxat; tametsi nec verba semper integrarelinquunt; sæpe enim illa mutilant, truncant, inuertunt, & peruertunt. Quoad sensum, germanumq; intellectum tantum absunt à verbo Christi, quantum olim abfuerunt Arius & Ariani, Eunomius & Eunomiani, vno verbo, quantum falsitas à veritate. Itaq; non verbum Christi, sed verbum Lutheri Prædicantes possident. Secundò. Vt inaximè Prædicantes legitimum Christi & Apostolorum verbum prædicarent; adhuc tamen falsa esset Minor. Non enim locutus sum ego de insita verbi diuini virtute, sed de virtute seu gratia & efficacia Christi in loquendo, quæ tanta fuit, vt ipsos etiã capitales Christi hostes in admirationem raperet, & stupore defigeret. Hinc illud: *Nunquam sic locutus est homo, sicut hic homo.* Hanc gratiam dicendi & docendi, terminisq; energiam cum summo candore veritatis tradendæ & explicandæ coniunctam; si Varna in aliquo Prædicante ostenderit, eum à syllogismorum tributo pendendo non grauati liberum pronunciabimus.

Ioan. 7.

Interea dum volubili & versatili lingua sua Prædicantes tantummodo garriunt, & verba sine sensu & mente, immodicè fundunt, phaleratque fucatifsimas imperitæ multitudini obtrudunt: non desinemus Prædicantes à latè patentibus illis garriendi campis reuocare ad metas circi Dialectici, vt tam veritas quàm falsitas eò citius patefiat, quo pauciora sunt in hoc tam presso & stricto orationis genere delitescendi latibula. Quàm verò rectè scripserit Hunnius syllogismis *modicè* vtendum esse, demonstrauit satis in Responso. Equidem quod scripsit, egregiè etiam cum Symmystis suis præstitit. Tam *modicè* enim syllogismis vsus est, vt vix tres proferre, & suo Heilbrunero ex codice benè crasso recitandos offerre potuerit.

Dofis

*Dosis XV. De basi argumentationum.*

**D**Ixeram, scripturam sacram tanquam basin, omnibus argumentationum formis à nobis substerni: Et hoc fundamento inconcusso posito, quid ex fidei capitibus consequatur, quid non consequatur accuratè dispici. Hoc imprimis vocat Medicus, *turpe mendacium Gretseri*. Quid ita vere? An non totius Theologiæ fundamentum & basis est sacra scriptura? An non omnes argumentationes Theologiæ, quæ propriè Theologiæ sunt, principio ex sacra scriptura, si non proximè & immediatè, certè remotè & mediatè, nituntur, ita, ut si resolutio ad ultimum usque fundamentum instituenda sit, definere tandem in sacram scripturam debeamus, quæ nobis ipsū non scriptum Dei verbum, auctoritatem summorum Pontificum, Conciliorum, Doctorumq; toties commendat, adeo ut licet quis ex aliquo horum locorum argumentum ducat; argumentatio tamen sacra scriptura, tanquā ultima basi fulciatur, cum omnes isti argumentorum loci ex sacra scriptura deducantur.

*Ait. Si omnibus argumentationum formis substernitur sacra scriptura tanquam basis, cur negatur omnis controuersia Theologiæ circa fidem esse sola & vnica norma? Ideo, quia sunt alia normæ: quibus fidei controuersia definiri & diiudicari possunt. Ideo, quia per solam scripturam per se, proximè & immediatè non possunt omnes religionis controuersia terminari. Quare alia normæ adsciscendæ sunt, quarum ope litibus finis imponatur, quas Theologus ad suas quoq; argumentationes assumit, tanquam fa-*



cultatis suæ locos proprios; nec tamen eas assumendo, à scriptura recedit, sed per vestigia eius incedit, cum ut paulo ante dicebam, ipsa scriptura ad normas illas nos ableget.

Quando verò & ubi probationes per scripturam noluit ferre Tannerus, ut tu hîc mentiris? qui etiam perquâ argutè cōtradictionis me arguis hunc in modū. *Gretserus dixit de Tertulliano, validissimū disputandi modū esse eū, qui sit ex præscriptione aduersus Hæreticos, sine scriptura: ergo cum dicit omnibus argumentationibus Theologicis scripturam veluti basin supponi; manifestè sibi contradicit. En contradictionem. Quasi verò, qui ex præscriptione argumentatur aduersus Hæreticos, non ædificet argumenta sua super scripturā; etiam si nulla scripturæ testimonia proferat? Quasi argumentationem Theologicam niti sacra scriptura, tanquā basi, nihil sit aliud, quàm ut quis more Prædicantiū, octo vel nouem scripturæ testimonia vno spiritu deblateret, quarū pleraque ad ppositū tam aptè quadrēt, quam aptè quadrabat illa à Diabolo prolata scriptura: Angelis suis Deus mandauit de te, ad id, quod diabolus per illā Christo persuadere instituebat. Certè hoc ipso, quod scriptura toties prædixit, vēturos lupos rapaces in vestimētis ouium; & Pseudoprophetas exorturos, qui mortaliū animos in præceptis rapiant, argumēta à præscriptione aduersus istos nobis cōmendauit, nā ut rectè ait Tertull. aduersus vniuersas Hæreses jam hinc præiudicatū est, id esse verum, quodcūq; primū, id esse adulterū, quodcūq; posterius, nam hanc regulā (doctrinā catholicorū) ab initio Euangelii decucurrisse, etiā ante priores quosque Hæreticos, nō dum ante praxean (Lutherum) hesternum, probabit tam ipsa posteritas omnium Hæreticorum, quàm ipsa nouellitas praxea (Lutheri) hesterni.*

Tertul. cont.

Praxean c. 2.

Quod si argumentum à præscriptione ductum non est

est firmissimum & efficacissimum, cui Prædicâtes librum  
Tertulliani de Præscriptionibus ad eò limis oculis intu-  
entur? Cur ad eò tergiuersantur, quoties illorū vanitas ad  
aureolū hunc libellū, tanquam ad æquissimam trutinam  
adhibetur? Qui profectò vel solus omnes Hæreticos ju-  
gular. Reuertar, inquit Tertullianus, ad *principalitatem veri-*  
*tati. & posteritatē mendacitati deputandā ex illius quoq; parabole*  
*patrocinio, quæ bonū semen frumenti à Domino seminatum primò*  
*constituit: auenarū autē steriliū fani adulteriū ab inimico Diabolo*  
*postea superducit. Propriè enī doctrinarū distinctionē figurat, quia*  
*& alibi Verbum Dei seminis similitudo est. Ita ex ipso ordine ma-*  
*nifestatur, id esse Dominicū & verum, quod sit prius traditum, id*  
*autem extraneum & falsum, quod sit posterius immissum. Ea sen-*  
*tentia manebit aduersus posteriores quasq; hæreses, quibus nulla cō-*  
*stantia de conscientia competit ad defendendam sibi veritatem.*  
Hæc præter alia in eandem sententiam toto libro illo  
obuia, pulcherrimè & verissimè Tertullianus.

Tert. de Præ-  
scrip. c. 31.  
Mat. 13.

*Dosis XVI. Quos Dialecticos reprehende-*  
*rit Tertullianus.*

**D**Ixeram Tertullianum reprehendisse, non quosuis  
Dialecticos & Philosophos; aliās se ipsum etiā repre-  
hendisset maximus ipse Dialecticus & Philosophus. Sed  
eos duntaxat, qui Platonē & Stoicorū dogmata ad Euan-  
gelii decreta nō exigebāt, vel examinabāt, sed cōtra po-  
tius Euāgelii oracula ad doctrinā Platonis vel Stoicorū;  
nec captiuabant intellectum in obsequium fidei. Si, inquit ille,  
hæc vera sunt, eodem jure à Tertulliano reprehensi sunt, & Pa-  
pista longè post ipsum exoritur. Quàm longè verò post  
Tertullianum? Dic, obsecro, quando exorti sunt Papistæ?



Et quidem, si nomen consideremus, haud adeo difficile tibi accidet responsio. Tum enim nomen hoc, *Papista*, natum videtur, cum Diabolus misit in cor Lutheri, ut Iesus in Iudæis traderet & proderet, hoc est, cum Lutherus aduersus Vicarium Christi, summum Pontificem insannire & debacchari cepit, nam tunc proculsum est hoc nomen, vel saltem renouatum & recusum, si fortè Huss aut Wicleph eodem vocabulo maledicendi gratia, vsi sunt. Sic, fateor, *Papistam*, prope mille & longe amplius annis posteriorem esse Tertulliano. At si de re huic voci subiecta agatur, tum *Papista* antiquitate Tertullianum longè antecedit: quia *Papæ* multis annis Tertullianum præiuerunt. Si igitur *Papæ* ante Tertullianum fuere, oportet & *Papistas* ante illum existisse, quia nullus unquā *Papa* fuit, qui non habuerit suos subditos, hoc est, *Papistas*. Si fidem non facio, tū edisseras nobis, oro, quis primus *Papa* fuerit, & qui primi *Papistæ*: & quot seculis post Tertullianum sint prolesinati, & quo genitore?

Sed mittamus isthæc. Videamus potius, quomodo probet Tertullianicā reprehensionem conuenire in orthodoxos. Non captiuant, inquit Medicus, suum intellectum in obsequium fidei comprehensa decretis Euangelii. At mentiri te perspicuè docet ipse Catholicæ professionis & religionis genius, qui est, nihil ultra id quod à maioribus acceptum est, quærere aut credere. Nobis curiositate opus non est post Christum Iesum, inquit Tertullianus, nec inquisitione post Euangelium. cum credimus, nihil desideramus ultra credere. Hoc enim prius credimus, non esse quod ultra credere debeamus. Omnem probationem quærendi & inueniendi credendo fixisti, hunc tibi modum statuit fructus ipse quærendi. Hanc tibi fossam determinauit ipse, qui te non vult aliud credere, quàm quod instituit; id eoque, nec quærere. An tantæ seruituti intellectum subiiciunt, qui

Tertul. de  
præscript. c. 8.

cap. 10.

qui perpetuò vociferantur. *Scrutamini scripturas?*

*Hæc sibi mutuò contradicere videntur, ait Medicus, velle, vt disputationes conformentur ad decreta Euangelii, & velle iterum, vt cum Hæreticis disputetur sine scriptura. Vbi vero scripsi cū Hæreticis sine scriptura disputandum esse? Non pudette Varna mendacii tam impudentis? Si rubore suffundi nequis ex castigato mēdacio, accedas saltem furnulos tuos, vt eorum calor ruboris aliquid ex Alechymistico tuo vulsueliciat. Dixi Tertullianum in libro de præscriptionibus pro validissimo Hæreticos refutandi modo reputare argumenta ex præscriptione, omīssa scriptura; Ex præscriptione, inquam. Cur hoc vocabulum tantopere odisti? Nec tamen hoc ita asserit, vt semper hoc telo in Hæreticos pugnandum existimet, imò non semel monet, quod & ego in Responso monui, ex scripturæ quoq; hoplothea arma oppugnandis sectariis depromenda esse. Salua ista præscriptione, inquit Tertullianus, ubiq; tamen *Tert. lib. cont. propter instructionem & munitionem quorundam dandus est et. Præscan c. 2.* iam retractatibus locus, vel ne videatur vnaquæq; peruersitas non examinata, sed præiudicata damnari, maxime hæc, quæ se existimat moram veritatem possidere.*

Quam porrò argumentum ex præscriptione sectarios pungat, testatur iste ipse Medicus, qui, cum postulasset, vt Doctorem suorum à Luthero vsq; ad Apostolos catalogum contexerent; meq; si id bona fide præstent, ad Lutheri castra transiturum, nihil aliud quod responderet habuit, quàm huiusmodi catalogos esse ab Apostolo interdictos, hoc ipso quod noluit, vt circa genealogias occupemur. Sed quia nullum cuneum reperiunt, quo hunc malum nodum expellant; (videt enim fieri non posse, vt à Luthero vsq; ad Apostolos ascendendo singulis annis vnum solummodo Doctorem eadem omnino cum Lu-

Ccc 3 Luthero



thero docentem & sentientem demonstrent) & quia  
facilius est descendere, quàm ascendere, ideo acquiescā,  
si ab Apostolis seriem Doctorum suorum auspicentur,  
eāq; perenni tenore ad Lutherum vsq; deducāt, ita vt Lu-  
therus ordine non sit primus, sed postremus. Nam & hūc  
præscriptionis modum obseruandum esse docuit Ter-  
tullianus, si qui fortè ex Hæreticorum numero eò impu-  
dentiæ procederent, vt dicerēt, se ab Apostolis originem  
ducere: Si quæ (hæreses) audent interferrere se atati Apostolica,  
inquit Tertullianus, vt ideo videātur ab Apostolis tradita, quia  
sub Apostolis fuerūt. possumus dicere: edāt ergo origines Ecclesia-  
rū suarū, euoluāt ordinē Episcoporū suorū, ita per suspensiones ab in-  
itio decurrētē, vt primus ille Episcopus aliquē ex Apostolis, vel  
Apostolicis viris, qui tamē cū Apostolis perseverauerint, habuerit  
auctore & antecessorē. Hoc enim modo Ecclesiæ Apostolica census  
suos deferunt. Deferatis ergo & vos, ô Lutherani hoc mo-  
do census vestros, & tanquam victores coronabimus.

Tertul. lib. de  
Præscript. ca.  
32.

### Dosis XVII. De Patribus.

Leont. lib. 1.  
con. Eutych.

Ruffi. Inuict.  
I.

Post Apostolos & Prophetas, inquit Leōtius Byzantinus,  
posuit Deus in Ecclesia Doctores secundū prouidentā Spiritus  
S. incōprehensā in opus ministerii, ad ædificationē corporis Christi.  
Quare qui Patres illos non recipit, qui in Ecclesia clari & celebres  
sunt, planē ordinationi & constitutioni Dei resistit. Vtri autem  
Patrum reuerentiores sint & studiosiores, nosne, an Lu-  
therani id demonstratione nulla eger. Pulchrè Ruffinus.  
Si quis à me modò exigeret, vt probarem, si hodie antequā sol ori-  
retur, non fuisset in terris, aut si vsq; ad solis occasum dies illustra-  
uerit mundum, quid aliud dicerem, nisi magis ab illo, qui dubitaret  
de illo, quod omnes nouerant causas dubitationis, quam à me pro-  
bationis oportere deposci. Pari modo, si quis ambigat, quidam  
Patrum

Patrum sint obseruantiores, orthodoxi ne, an sectarii, ab eo potius causas dubitationis, quam à me probationis exigendas esse censeo. Omne tamen dubiū si quis dubitat, eximet vel hæc vna Lutheri nō tam oratio, quam vociferatio. *Stultus & ridiculus videor, qui ista petā: sed stultitiam eā mihi extorquet indomitus furor Papistarum, & deplorata amenitia luparum, id est Parisiensium, Louaniensium, & aliarū scholarū. Qui eum jam dudum sint indurati & inueterati diuturno & perpetuo contemptu Christi, Apostolorum, & Euangelistarum, vniuersāq; scriptura sanctum & Catholicum arbitrantur, vt cum furiosis furamus, & posthabitis verbis diuinis (somnia Lutheranis) iactemus cū eis verba hominū Patres, Patres, Patres, Ecclesia, Ecclesia, Ecclesia, Concilia, Concilia, Concilia, Decreta, Decreta, Decreta, Vniuersitates, Vniuersitates, Vniuersitates. Alibi idē Lutherus: Totus Faber nihil est, nisi Patres, Patres, Patres, Concilia, Concilia, Concilia, quæ fabula jam dudum mihi surdo, etiā à nostris Lipsensibus Theologis, imo a suis deriditur. Ego Patristas, Conciliistas, Copulastis istos contemnā, ac prætereire sinā, &c. Nūc ad institutū.*

*Luth. lib. de  
Missa priuat.  
To. 2. lat. lvi.*

*Lu. To. 2. Ep.  
f. 129. 30.*

Alchymista noster hoc loco mendacia, calumnias, inscitia & vesania ita miscet ac tēperat, vt ex his quatuor vnus quasi cinnus si non venustus; certē firmus & robustus, cōficiatur; sed euoluamus inuoluta, vt magis emineant. *Sanctissimi Patres multi, inquit Medicus, vt Tertullianus, Cyprianus, &c. Sozomenus quoq; & Socrates falsi accusantur, & fraudū à Papistis. Ita agitur de Chrysostomo, & Auctore operis imperfecti. Dic Varna, estne tuo iudicio Tertullianus sanctissimus? Tunc Montanistas inter sanctissimos numeras? An nescis Tertullianū alioq; eruditissimū in Mōtani Hæresin delapsū? Vix mihi psuadeo te Lutheranū, vel vt alii suspicatur, Calvinianum, credere vllum ex Montani schola sanctitatis laudem adeptum esse; quia Montani Hæresis vestræ aduersa fronte aduersari videtur. Quid enim Euangelio Lutherano magis aduersum, quam Mo-*



nogamia? quàm duæ veltres quadragesimæ? quàm interdictum fugæ persecutionis tempore; quàm alia de eodem genere? Si scires quid blaterares, Simonem Magum, aut Eunomium potius, quàm Tertullianum *sanctissimum* appellasses, quia ab his accepistis illud fidei vestræ fundamentum & vnicum solatium: *Sola fides justificat sine operibus.*

*Ex Tertulliano*, inquis, *facit Hæreticum.* Nec primus, nec solus ego: quia ipse prior se fecit Hæreticum: An *Montanista* non est Hæreticus? An non omnes veteres, nominatim S. Hieronymus, & S. Augustinus lapsum Tertulliani notarunt? An non eundem flebilibus modis deplorat Vincentius Lirinensis? An ideo Patrum; Doctorumq; Ecclesiæ auctoritas & dignitas corrui, quia Tertullianus corrui? An quia à veritate delcui, ideo vera esse desinent ea, quæ cum adhuc in Catholica Ecclesia degeret, doctissimè & verissimè aduersus varios Christianæ fidei hostes scripsit?

Iam verò quid tibi in mentem venit, vt Sozomenum & Socratem, homines Nouatianos, *sanctissimorum* titulo exornares, vt & auctorem operis imperfecti Ariani? An Nouatiani & Ariani apud te sunt *sanctissimi*? Cum Erasmus in Diatriba de libero arbitrio aduersus Lutherum produxisset Basilium, Chrysostomum, Cyrillum, Ioannem Damascenum, Cyprianum, Hilarium, Ambrosium, Hieronymum, Augustinum, eosque à vitæ sanctimonia, & eruditione commendasset: Respondit Lutherus: *Si vrgeam & postulem, quem nam inter omnes illos, quos iactas, certò possis monstrare, sanctum fuisse vel esse, aut spiritum habuisse, aut vera miracula edidisse, arbitror te multum, sed frustra sudaturum esse.* Ecce profanus pater tuus sanctitatis laudem & honorem ipsi etiam Augustino, Cypriano, Hic.

*Lut. de seruo  
arbit. Tom. 2.  
lib. VII.*

Hieronymo, aliis, communi omnium sæculorum consensu sanctissimis viris detrahit, & tu Montanistas, Novatianos, & Arianos in sanctissimorum locum nobis reponis?

Vbi verò Chrysostomum vilius erroris in Responso meo argui? Monstra locum, aut vanitatis argueris non immerens. Cypriani de Hæreticis rebaptizandis errorem, quis veterum dissimulavit?

Disputationem de Canonibus Apostolorum carptim rodas, vt soles. Cur si probus es & doctus vires tuas in illam meam disputationem non expromis? Nam vellicare modò hoc, modò illud, suppressis argumentorum neruis, id quicuis sycophanta potest. Quod vero plures responsiones tam hic, quàm alibi adhibeo, id fit, vt veritatis fecunditatem agnoscat, cui tam multiplici ratione falsitatem oppugnare, & se à vestris spiculis tueri licet. Regula Iuris est: *Nemo pluribus defensionibus vti prohibetur.* Si hoc licitum in foro, cur non etiam in certamine Theologico?

Iam quo nomine afficiam mendacium illud, cum ais: pag. 163. *Theodoretum reddit suspectum corruptelæ Hæreticæ?* Egonè hoc de Theodoro? vbi frons tua? sed vbi fraus, ibi nulla frons. Dixeram, textum Theodoretum falsatum, aut à Roberto, Hæretico editore; aut ab imperito librario; Hoccine est ipsum Theodoretum suspectum reddere, quasi hæreticæ corruptelæ auctor sit? Dices, *Te hoc non velle;* Cur ergo aliud loqueris, aliud sentis? Quis tua verba legens non arbitrabitur me scripsisse Theodoretum suspectum reddi hæreticæ corruptelæ, non quam ipse passus sit à falsariis, sed cuius ipsemet falsarius effectus auctor extiterit? Simile, si non deterius, mendacium effutis, cum Patris in Hæresin lapsi exemplum



plum S. Cyprianum à me produci scribis. Dic Alchymista, vbinam errorem S. Cypriani de Hæreticis rebaptizandis appellavi hæresin; aut Cyprianum hoc errore infectū Hæreticū? Nomina & monstra locū, ni feceris, lein quid te præmii maneat? Aliud est error, aliud hæresis. Aliud errās, aliud Hæreticus. Omnis hæresis error est, at non omnis error hæresis: quia erratur interdū, sed salua charitate & vnitare, sine peruicacia & pertinacia cedere nec parata, nec consueta: quæ obstinatio propriè Hæreticos efficit: à qua beatissimus Martyr Cyprianus quàm

*S. Hiero. epist. longissimè abfuit. Qui sententiam suam, quamuis falsam at quo I 62. 24. q. 3. peruersam nulla pertinaci animositate defendunt, inquit S. Hieronymus, præsertim quam non audacia suæ præsumptionis pepererunt, sed à seductis atq; in errorem lapsis parentibus acceperunt, quæruunt autem cauta sollicitudine veritatem, corrigi parati, cum inuenerint, nequaquam sunt inter Hæreticos deputandi.*

*Quis tam sic vesanus, clamat Medicus, vt relictis sacris litteris norma, infallibili Spiritus sancti, se committat in fidei fundamento errantibus Patribus: & credat historicis Ecclesie fraudulentis. Imò, quis nisi insanus, relictis sacris litteris, sanctisq; Patribus, & omnibus Ecclesiasticæ Antiquitatis monumentis, committat se in fidei fundamento somnianti & deliranti Luthero, hæresiarchæ arrogantissimo, & fœdissimo, qui ore verbum Domini iactat & pollicetur; re autem Diaboli verbum porrigit? Esto, erret, aut errare possit hic vel ille Doctor; at omnes Ecclesie Doctores in errorem incidere posse; id verò pernegamus: de quo fufius in Responso: nam quod omnibus vel fermè omnibus videtur, id non erratum, sed traditum est. Cæterum tamen & hic & ille ex Sanctorum numero errare potest, multò tamen prudentius faciet, quisquis & hunc, & illum potius ex sanctorum Patrum cœtu sequetur, nò ob-*

obstante potentia errandi, quàm qui Lutherum similem-  
ue Nouatorem sibi ducem deliget. Quid enim? An non  
Lutherus erroris periculo obnoxius fuit? An ideo dun-  
taxat errare non potuit, quia se diuino verbo niti auda-  
cissimè asseuerauit? sed eandem sibi regulam propositā  
fuisse in omni sua actione & scriptione testantur sancti  
Patres: quibus cur fidē potius non adhibeam, quam huic  
Thraconi; causæ nihil suppetit, siue eruditionē, siue vir-  
tatē & pbitatē, siue orationis assiduitatē, siue Spiritus di-  
uini charismata, siue alia dona cœlitus imputa cōsiderē.

Et quem, inquit Medicus, *Nectarium commendat*? In-  
spice Sozomenū aut Socratē locis à me notatis; & opus  
nō erit querere, quem nā Nectariū cōmendem. Certè illū  
non cōmendo, qui *confessionem auricularem abrogauit*. Quia  
nullus talis vnquā existitit. Quod sæpius à Theologis no-  
stris jā demonstratū est. Sed Hæretici nō habēt aures au-  
diendi; sed tantū os & animū calumniandi. *Prauentus e-  
nim falsæ opinionis errore humanus auditus*, inquit verissimè  
Vigilius Episcopus Tridentinus: *ad veri rationem percipien-* *Vigil. lib. I. cō.*  
*dam durus & perdifficilis inuenitur, quantūcunq̃ testibus vrgea-* *Eutychen.*  
*tur: mauult enim prauī dogmatis sententiam, qua semel infectus est,*  
*peruersus vendicare, q̃ā hanc eandem tantis diuinarum humana-*  
*rumq̃ legum auctoritatibus & rebus salubribus immutare.*

At vide lector, quàm validis argumentis Lullista no-  
ster S. Augustino auctoritatem detrahat. *Augustinus fuit*  
*Manicheus; ergo in explicatione scripturarum non est credendum*  
*Augustino*. Quò ruis Varna? Paulus initidō fuit Iudæus &  
persecutor Ecclesiæ; An vis, vt huic antecedēti subtilis-  
simā tuam conlecutiōē attexam? Non pudet te imitari  
Donatistas, Arianos, Pelagianos, aliosq̃; Hæreticos, qui S.  
Augustino identidē obiectabāt, q̃ fuit Manicheus; imò  
nō solū ipsi Augustino, sed & Catholicis ppter Augustinū

Ddd 2 hoc



S. Aug. in Ps.  
36. conc. 3.

hoc sæpius occinebant, contra quos elegantissimè describit sanctus ille Præsul in explicatione Psalmorum. Inter cætera sic ait: *Quid ergo, Heretice, dimittis causam, & is ad hominem? Quid enim ego sum? Quid sum? Nunquid Catholica Ecclesia ego sum? Nunquid hereditas Christi diffusa per gentes ego sum? Sufficit mihi, ut in ea sim. Vituperas mala mea præterita: Quid magnum facis? Seuerior sum ego in malo meo, quàm tu. Quod tu vituperasti, ego damnaui. Vtinam velles imitari, ut error tuus fieres aliquando præteritus.*

Luth. lib. con.  
Reg. Angliæ.

Huic imperitissimæ exceptioni subiungit Varna istam: *Augustinus scripsit libros retractationum: ergo errauit in explanatione sacrarum litterarum: ergo fides non est ei adhibenda.* At dic, num in libris Retractationum vllum articulum fidei retractarit & reuocarit? Dic, inquam, num Lutheri tui, & Philippi vertiginosum spiritum imitatus; postridie spongia eluerit, quod pridie, ut dogma sancti spiritus, ex intima sacrarum litterarum medulla depromptum venditarat? An vnquam vociferatus est Augustinus cum Luthero? Certus sum, dogmata mea me habere de cælo, quæ etiã aduersus eum triumphauit, qui in vngue nouissimo plus habet virtutis & astutiae, quàm omnes Papa, & Reges, & Doctores: An hac certitudine non obstante, cum Luthero nihil aliud fecit, quàm ut quæ prius extruxerat, destrueret; & quæ prius tãquam fidei dogmata venditarat, successu temporis repudiaret? Absit, absit hæc leuitas à tanto viro, à tanto Antistite & Doctore. Non in hunc finem Retractationum libros conscripsit, quia huiusmodi retractatione & palinodia nihil opus erat, ut intelliget, quisquis vnã vel alterã pagellam in libris Retractationum percurrere volet.

Tandem, ut Alchymista carpendi libidinem, qua laborat, manifesto exemplo manifestius nobis ob oculos ponat; sic calumniatur simul & conuiciatur. *Videtur fa-*

onus illo Gretserus non bene perpendisse historiam de Sisinnio. Nā hic non Theodosio dedit id consilii, ut narrat pag. 50. sed Nestario, qui primum erat interrogatus. Nestarius porro Theodosio aperuit. En incogitantiam Gretseri, en incircumspectionem præcipientem, & cæcam. Sisinnius totius consilii Dux, architectus & auctor fuit, illius, inquam, consilii, quod Nestarius ad Theodosium Imperatorem ex ore Sisinnii retulit: ergo non Sisinnius, sed solus Nestarius Theodosio Imperatori hoc consilium dedit; nam qui Imperatori aut Regi per alium aliquid suadet, is non suadet ipsi Imperatori aut Regi, sed tantum ille, qui huiusmodi consilium ad Imperatorem, aut Regem refert. Ecce quanta in hoc Poeta clibanario sapientia latet!

Cur hinc, inquit, non colligit, Agellium, Sisinnium & Nestarium idem sensisse cum Nouato, & sic item fuisse Hæreticos? Quid attinebat hoc colligere de Agellio & Sisinnio, cum tam Sozomenus, quàm Socrates disertè dicant, utrunq; fuisse Nouatianum? De Nestario nulla itidem opus est collectione, quem ex utriusq; historici relatione, & aliunde constat fuisse Episcopum Catholicum: Nam quod subdis: *Historia sanè dicit; Agellium Nouatianorum Episcopū in fide idem ferè sensisse, quod Nestarius* (alius emendatè diceret, quod Nestarium) id tuum est mendacium. Nam uterq; historicus caret illo Varnensi FERRE. In fide enim sanctissimæ Trinitatis (de hac enim loquitur Sozomenus & Socrates) non ferè, sed planè idem sentiebant orthodoxi & Nouatiani.



*Dosis XLIX. De legibus Prædicantium,*

**Q**uas leges Prædicantes in disputationibus obseruēt, copiose demonstraui in Responso. Id adscribit Alchymista indignationi meæ in Colloquium Ratisbonense; *Valdè, inquit, indignatur, & ut non tantum Alchymistâ, sed etiâ solœcistâ habeamus; obrectatur* Collo. Ratisbon. Ut maximè indignarer; nō tamē *obrectarer*, sed obrectarē si obrectarē. At nō obrecto, multoq; minus, cū Libanio *obrector* Colloquio; sed Prædicantiū morem & geniū depingo; & quidem expressius, quàm Prædicantiū asseclis & patronis placet. Victoriâ, quam de me reportatâ prædicât; si morarer, tum demū forē *fungus, plumbū, stipēs saturus*; quibus encomiis hic, & in omnibus propemodum pagellis me cinis iste cohonestat.

*Tyr. serm. 2.*

Notum est, quàm insolenter victoriâ, quantūvis turpiter victi, iactēt. Dolēdū profectò, homines ubiq; victoriæ tam certos, non mitti in Hungariam aduersus Turcas, sēper victores reuerterentur, & læto præne totam Germaniam complerent. Interim non negamus Catholici collocutores, nos à Prædicantibus superatos esse; sed impudentia, effreni loquacitate, euagatione extra præfixos limites, transgressionem legum præscriptarum, & id genus aliis dotibus: *Quotiescunq; vir probus, inquit Maxim⁹ Tyrius, cum improbo contendit, quod minimè in eadem Palæstra vterq; progressus est, neq; sub eodem sese exercuit Magistro, non eandem didicit artem, non iisdem certaminibus inhaesit, non eandem coronam appetiuit, neq; eodem est delectatus præconio: piget eiusmodi pugnae, inequalis est congressionis conditio. necesse prorsus est improbum ab eo stadio discedere victorem, &c. Probus namq; ha-*

rum artium rudis atq; ignarus, infidelitatis, veteramentorum, doctorumque omnium inanis existit; minimeq; eiusmodi certaminum peritus, à quibus improbitas vires & robur haurire consuevit. Hęc & pulchrè, & verè Tyrius.

De bono latrone satis dictum est in Digressionibus. Clarissimi viri Doctoris Pistorii famam & existimationem criminando & mētiēdo non lēditis aut atteritis, sed magna accessione locupletatis. itaq; si doctissimo viro obesse potius, quàm prodesse cogitatis, à calumniis in eum jaciēdis abstinete. scilicet *Apostata* est, qui à synagoga Sathanæ ad sponfam Christi transit. Dicitur *apostata* ἀποστατῆς seu ἀποστῆναι, quod est, *absistere, abscedere* ab aliqua parte ad alteram. Ergo quod S. Augustinus eleganter scripsit de vocabulo *seductoris*, id etiam accommodare licebit ad vocabulū *Apostata*. Si *seducere* decipere est, inquit S. Augustinus, nec Christus seductor, nec Apostoli eius, nec quisquā seductor debet esse Christianus. Si autē *seducere*, aliunde aliquē ad aliud persuadendo ducere est, quarendū est, vnde & quo? Si à malo ad bonum, bonus seductor est: Si à bono ad malum, malus seductor est. In hac ergo parte, qua *seducuntur* homines de malo ad bonum, vtinam omnes *seductores* & vocemur, & simus. Pari modo si ἀποστατῆς, *apostatare*, est à veritate ad falsitatem desciscere: omnes vos Hæretici, *Apostatae* estis. Si autem ἀποστατῆς est à Diabolo ad Deum transire, omnes, qui vestra castra deserunt, *Apostatae* sunt; sed laudādi & prædicandi, Deoque chari & accepti. Inter quos vtinam & tu aliquando nomen tuum profiteri posses. Etsi posses, si velles.

S. Aug. Tra.  
29. in Ioan.

Miraris, quod iussus à Prædicantibus, nolui nominare nostrum Iudicem. Iam sæpius responsū est; id ideo factū, quia seu iussio, seu petitio illa nihil erat ad rem; illo quidem confesso & tempore, & à Prædicantibus eo tantum fine mouebatur illa quæstio, vt occasionem extra  
termi-



terminos euagandi reperirent, qui Prædicantium conatus meminimè fugiebat: Hoc enim illis perpetuum est ac solenne, interrogatiunculis & petitiunculis præcauere, ne in angustias argumentationis Dialecticæ coniciantur; aut si eò coniecti sunt, ut quamprimum se inde expediât, & in spatiosum illum, lateq; patentem concionandi & declamandi campum se transferant.

Itaq; quisquis cum Prædicantibus disputare uolet, is has sibi leges inuiolabiliter obseruandas norit: I. Ut nihil aut dicat ipse, aut à Prædicantibus admittat, nisi forma Dialectica inclusum.

II. Utrogantibus causam cur quis vel simpliciter, vel in hoc, aut illo sensu propositionem aliquam neget, causam nullam reddat, quia quamprimum causa redditur, jam onere negatæ propositionis leuati, ad causam redditam garrulitate sua insectandâ se conuertunt; & à propositione, quam probare non poterant, abeunt; quo abitu suam infantiam & inscitiam tegunt. Ergone nunquam erit assignanda ratio, dixerit quispiam? Vtiq; erit; At non tunc, cum Prædicantes volunt aut imperant; sed tunc, cum manifestè auditoribus constiterit, aduersarium non posse aut potuisse probare negatam aut distinctam propositionem. Id quod vix tribus, quatuorue syllogismis aut consequentiis propositis, liquido apparebit. Tam enim jejuni, rudes, & hebetes sunt Prædicantes in argumentationibus, ut vix ullus sit, qui ad tertium aut quartum syllogismum progredi, aut pertingere possit, eo processu, qui in scholasticis & Academicis concertationibus vsitatus est, ut scilicet primi syllogismi negatam propositionem probet per alterum syllogismum, aut enthymema; & rursus, si aliqua propositio huius negetur, probet per tertium. & sic deinceps.

Neq;

Nequedandum est responsum, si in aliqua enunciatione sua petant sibi dari exemplum simile vel dissimile, ut Heilbrunner & Hunnius faciebant: qui cum probare non possent, ideo scripturam esse unicam solamque normam omnium controuersiarum fidei, quæ in scriptura laudentur; qui reformationes Deo placet instituerunt secundum scriptum Dei verbum; clamabant: *monstretur exemplum dissimile*. Quod si monstratum fuisset, ipsi è vestigio allatum exemplum arripuissent: probandi quæ onus à se excussissent. At cum nullum adductum esset, non potuerunt; quamuis in omnes partes se se versarent, probare hanc consequentiam. *Iste, & iste, & iste laudatus est, quod in cultu & religione egerit iuxta scriptum Dei verbum: ergo scriptum Dei verbum, & quidem solum, est vnica omnium controuersiarum norma.* Vel: *Iste, & iste in cultu & fidei negotio egit secundum scriptum Dei verbum: ergo ille scriptum Dei verbum pro vnica omnis cultus & fidei regula habuit.*

III- Ut proposito vno syllogismo vel Enthymemate, non sinatur Prædicans agglomerare probationes alterutrius seu vtriusque propositionis, cum necdum nouerit, quid probare oporteat, fieri quæ possit, ut operosè probando Minorem, negetur Maior. Quod Prædicantibus in Colloquio Ratisbonensi contigit. Causa autem cur hoc permittendum non sit, est cum maior lux, quæ toti disputationi accenditur, si sigillatim singula excutiantur, tum quia Prædicantes probationum enumeratione imperitis auditoribus fucum faciunt, quasi pro sua perfidia nihil habeant, præterquam adamantina testimonia, quæ tamen ficulna apparent, simulatque penitus inspiciuntur, & ad formam logicam applicantur; addito semper eo, quod quæritur; quia scripturæ testimonia ideo producuntur, ut aliquid, quod controuersum est, ad ea, tan-

Ecc

quam



quam ad libram, appendatur, vt exploremus, num aptā cum testimoniis illis conexione[m] habeat, num legitime inde deducatur: an verò more *Prædicantico*, qui quiduis ex quouis colligunt. Hæ tres regulæ, si cum *Prædicantibus* obseruentur, reliquis, quæ aut à *Prædicantibus*, aut ab aliis præscribuntur, facillimè carebimus. Sed minore negotio leones sub jugum arandi causa[m] miseris, quàm *Prædicantes* adegeris, vt hoc disputandi jugum subeant. Et quamuis se subituros promittant, fidem tamen statim fallunt, & nisi enormè illam garriendi normam amplecti queant, fugam circumspiciunt, odio, vt aiunt, *sophisticæ & josphistarum*: Probabilius dicerent: amore incitix & imperitiæ, & quidem spissæ & crassæ. Sed satis de his.

Alia quæ scripsi in Responso de legibus à *Prædicantibus* obseruari solitis, non aliter refellit Alchymista, quàm his & similibus telis. *Quarta, quinta, sexta, septimaque leges hominis vesani aniles sunt, & stulta illecebra. Octaua mendacium est turpissimum.* Quid his arietibus non subuerter Varna? Verum octauam legem, ex ipsa, vt sic loquar, veritatis medulla depromptam esse, fatebitur, quisquis nouit *Prædicantes* ad illorum classẽ pertinere, de quibus jam olim Apostolus Paulus vaticinans dixit: *A veritate quidem auditum auertent, ad fabulas autem conuertentur.* Quærun[t] & indagant veritatem; idq; vt eo citius nobis fidem faciant, ipsimet pleno ore prædicant. Sed quærunt Veritatem eo modo, quo Pilatus. Quærebat ille: *Quid est Veritas?* Quis audiens hoc non putasset Pilatum incredibili veritatis inuestigandæ desiderio teneri? At mox proposita hac quæstione, auertit se à veritate, nempe à Christo, & conuertit se ad Iudæos, ad falsitatem nimirũ, à luce ad tenebras.)

Ita & isti, se veritatem quærere clamitant: sed cū dicto

dicto à veritate, ab Ecclesia, à Patribus, à traditione sensus & canonis Ecclesiastici, ad Lutherum, hoc est, ad fabulamenta & deliramenta cerebri sui conuertuntur: vbi, vt loquitur Tertullianus, *omnia sunt extranea & aduersaria nostræ veritati*: vt interim taceam Tert. de præscr. c. 12.  
Prædicantes fateri se veritatem necdum affecutos, hoc ipso, quod aiunt se veritatem studiosè quærere: vt enim eleganter ait Tertullianus: *Nemo quærit, nisi quod aut non habuit, aut perdidit. perdiderat vnam ex decem diarathmis anus illa, & ideo quærebat: vbi tamen inuenit, quærere desinit. Panem vicinus non habebat, & ideo pulsabat: vbi tamen a- Cap. II.  
Lucæ 15. 11.  
18.  
pertum est ei, & vt accepit, pulsare cessauit. Vidua à iudice petebat audiri, qui non admittebatur; sed vbi audita est, hætenus institit. Adeo finis est & quærendi, & pulsandi & petendi. Si verè adhuc quærunt (Hæretici) nihil adhuc certi deprehenderunt, & ideo, quodcunq; videntur interim tenere, dubitationem suam ostendunt, quamdiu quærunt. Hæc Tertullianus.*

Sequentia Medicus. *Addidisse decem legibus (Prædicantium) debueras, quod Euangelicorum sit, nullam non disputationem auspiciari, & principium sermonum facere ab inuocatione sancti Spiritus.* Et quidem tam piè & deuotè, vt quisquis illos precantes intueretur, intueri sibi videatur illos, quos Saluator ait, *in angulis platearum stantes orare, vt videntur ab hominibus.* Vbi notetur Pharisaicum illud STANTES, quod egregiè imitati sunt adstantes Prædicantes: Nullus enim genua vnquam flexit: conuenienter scilicet illi factio sancti Pauli: *Huius rei gratia flecto genua mea ad Patrem Domini nostri IESU Christi.* Mat. 23.  
Eph. 3.

Timebã ne renouarent nobis hæresin Agonycitarũ, qui, vt scribit Damascenus, *quoties orant, genu flectere, prouol-*



*uiq; nolunt, sed semper stantes precantur.* Et quod timebam, eueniebat, dum timebam: nullus enim submittebat genua; quasi essent ex genere Elephantorum, quibus negant articulos esse in pedibus. Periculum item erat, ne noui Passalorinchitæ existerent; Ita vultus in pileos pleriq; abdebant, ac si puderet illos Lutheranae pietatis specimen, inspectante sole, edere. Quod autem Alchymista dicit, nos à politicis iussos, vota suscepisse, id mendacium est, cum nullus politicorum proximè nobis adsederit: nec quisquam etiam, qui hoc faciendum moneret, ad sedem nostram accesserit. Imò cum ante disputationem supremum Bauariae Aulae Cancellarium interrogassemus, num preces publicè confessoribus præmittendæ essent, satius visum est, præmissa tacita sancti Spiritus inuocatione, ipsoq; sanctæ crucis signaculo contentos, statim rem ipsam aggredi, præsertim cum ipso die, quo disputatio cœpta, res diuina in Æde maxima, solenni ritu, diuinæ opis implorandæ & obtinendæ gratia peracta fuisset: quo tempore tui Prædicantes suis in hospitibus largiter fortassis jentabant, vt famem pro largiore prandio obsonarent, sicq; Lyæo pleni rem forti fronte, & rubere nescia à prandio agerent: insulsissimasq; preculas (quod semel atq; iterum ab Heilbrunero factum) pro illuminatione cæcorum & reductione errantium nobis decantarent, quas nescio num ex libro, sicut & argumenta, recitarit. Nam memoriter recitasse vix sinunt me credere, oculi ad librum semper intenti, & tenacissima, qua alioquin Heilbrunnerus valet memoria; sed tunc cum quid ad verbum ex libro legendum est.

*Dosis*

*Dosis XIX. Discrimen normæ &  
Iudicis.*

**C**um quaritur de politico iudice & legibus, inquit Alchymista, aliud lex est reipsa, aliud iudex, legis administer. Sed cum agitur de verbo Dei, longe alia res est. Cur verò alia? Certe & hic, nisi omnia permiscere velimus; lex à iudice & interprete legis, & hic ab illa seiungi debet: Vera est enim hæc enunciatio in quacunq; materia: aliud est lex, aliud iudex & Interpres legis; eamq; nemo inficiari potest, nisi is, qui nec legis, nec iudicis notionem tenet. Et si in rebus politicis, ideo iudicem à lege distinctum esse oportet, quia alioquin nullus esset aut finis, aut modus litium, quolibet legem in fauorem suæ causæ interpretante; multo magis in rebus diuinis diuersus à lege iudex statuendus erit, cum diuinæ leges pro altitudine mysteriorum, quæ continent, multo magis sint dissonis & contrariis expositionibus expositæ, quàm humanæ, quæ tantis obscuritatibus nequaquam sunt inuolutæ.

Sed videamus, quam pulchrè huic Prædicantium Arsenicario Magistro conueniat cum discipulis Prædicantibus, quorum hæc solennis vox est; *sacram scripturam esse omnium controuersiarum iudicem*; ita enim pleriq; loquuntur. Addunt alii: *Sacram scripturam esse controuersiarum iudicem, prout est vox sancti Spiritus*. Quid verò Alchymista? Quando dicimus scripturam esse iudicem controuersiarum, non intelligitur ille sonus in aerem emissus; nec illa calamo efformata scriptio. Falsum est igitur, quod toties tanto clamore asseuerant, & in Colloquio Ratisbonensi asseuerabant Prædicantes, Verbum Dei scriptum (scriptum, in-

Ecc 3

quam,



quam, *scriptum inquit & illi*) esse normam vnicam, & vnicum omnium controuersiarum iudicem, quia verbum Dei scriptum nihil vtique aliud est, quàm illa calamo, vel typis efformata scriptio, quæ continetur libris illis, quos Canonicos appellare consueuimus: Et si sonus in aerem emissus, non est norma & iudex controuersiarum ergo sermo ille Christi, vt absurditatem Varnensem exemplo illustriorem reddam, quem post cœnam vltimam ad discipulos suos instituit, quemque sanctus Ioannes litteris mandauit, non est pars normæ & iudicis omnium controuersiarum, quia vt à Christo loquente proferebatur, sonus in aerem emissus erat: Et jam quoties quis ex bibliorum codice aliquid clara & sonora voce pronunciat, rationem normæ & iudicis pars illa amittit, quia verbum Dei non est iudex controuersiarum prout est *sonus in aerem emissus*. Lex item Iustiniani non erit lex, si ab aliquo legatur, quia lex non est *sonus in aerem emissus*.

Cum ergo verbum Dei nec scriptum, nec vocale sit iudex controuersiarum, si Varnæ contra alios Prædicantes fidem habemus; tempus postulat, vt nobis explanet, quisnam tandem sit ille nouus ex fornaculis Lullisticis egressus Iudex. Res, inquit, *concredita verbis Scriptura est iudex omnium controuersiarum*; Et huius iudicis signum quoddam externum potest esse *vel scriptio vel pictura*. Gaudeamus omnes; quia nouum controuersiarum iudicem, & quidem Lutheranum procudit nobis iste Chrysopœus seu Aurifex. Audite Lutherani, tuq; in primis Hunni & Heilbrunner, *Verbum Dei scriptum non est iudex omnium controuersiarum*; sed res verbo Dei scripto significata. Ex quo sequitur, mentiri vos iudicio huius Medici, quoties affirmatis, Verbum Dei scriptum esse  
omni-

omnium controuersiarum iudicem: quia res significata est iste iudex: Aliud est autem res significata, aliud Verbum Dei scriptum. Sicut aliud est res vocabulo hominis significata, & aliud ipsum vocabulum rem illam significans seu scriptum, seu voce prolatum. Aliud est signum, aliud signatum; Aliud significans, aliud significatum. Si igitur res significata iudex est, non ergo ipsum signum seu significans, hoc est, ipsum scriptum Dei Verbum iudex est.

Nec ad Spiritum sanctum Medicus confugere potest. Quia Spiritus sanctus non est totum & adæquatum Verbi Dei scripti significatum. Nam Verbum Dei scriptum, quod nobis historiam de nuptiis in Cana Galilææ, aut de flagellatione & passione Domini refert, obiectiue non significat Spiritum sanctum, aut aliquem actum eius; sed significat rem illam, quæ olim in Cana Galilææ; in ædibus Pilati; & in Caluariæ monte peracta est. Quam igitur diuersus & dissimilariis erit iste iudex, cum rerum scripto Dei verbo significatarum ingens sit multitudo, & incredibilis diuersitas: Quid enim diuersius rebus, quæ canonicis vtriusq; testamenti libris comprehenduntur?

At considera lector deplorandum huius calumniatoris stuporem, qui jam jam dixerat, non ipsum scriptum DEI verbum, sed rem scripto Dei Verbo significatam esse controuersiarum iudicem; ille ipse mox subdit, actum illum, quo iudicat Spiritus sanctus esse controuersiarum iudicem, & hunc actum, re nihil differre ab essentia sancti Spiritus, ac proinde rectè constitui iudicem controuersiarum, eo sensu, quo ipse Spiritus sanctus iudex controuersiarum nominatur. Quid, obsecro,



secro, est delirare, si hoc non est? Dixeras Alchymista, tametsi imperitissimè *res verbo Dei scripto significatas, esse judicem controuersiarum: nunc actum*, quo sanctus Spiritus de rebus iudicat, iudicem constituis. An toto verbo Dei scripto, nihil aliud significatur, quàm actus ille Spiritus sancti, quo verbum Dei verum esse iudicat, seu cui verbum Dei scriptum per omnia est conformè & consentaneum? An nihil verbis scripturæ sacræ subiicitur, præter impressam illam notitiam Spiritus sancti, à qua ipsum scriptum Dei verbum vim suam & appellationem trahit?

Pari stoliditate & insipientia oppugnat definitionem normæ à me allatam. Dixeram normam esse id, secundum quod aliquid seu sentiendum, seu dicendum, seu faciendum est; & ad quod dictum, factumue examinatur & exploratur, ut si cum eo consentiat, probum; si dissentiat, prauum æstimetur. Quid iste? *Norma est mensura homogenei per se, heterogenei per accidens: affirmatum prius est negato. In arte generali generalis est, in specialibus specialis.*

Quem feriunt ista, nisi fortè stultitiam huius nostri Arnoldistæ: cui si mandes, ut dictum illud Aristotelis explicet: *mensuram debere esse homogeneam mensurato*: vox faucibus hærebit, nec suppetet, quod ad rem dicat; etsi semper suppetet, quod extra rem deblateret. Quomodo cunq; enim dictum illud Aristotelis intelligatur, quid hoc ad definitionem normæ, quam attuli? An ideo falsa erit mea definitio, quod pronuntiatum illud Aristotelis nec de genere proximo intelligatur, nec de remoto, imò nec de vilo genere propriè dicto, sed de tali conuenientia, quæ sufficiat ad debitam proportionem inter mensuram & mensuratum necessariam? Hæc autem conuen-

Soarez disp.  
50. Metaph.  
sect. 10. asser.

nientia neq; in omnibus mensuris, neq; in omnibus rebus  
 æqualis esse potest, aut debet. nec de hoc potest vna &  
 eadem regula pro omnibus assignari; sed juxta rerum &  
 mensurarum diuersitatem id iudicandum est. Nam in a-  
 liqua mensura perfectionis sufficit conuenientia analo-  
 ga, in aliqua verò mensura quantitatiua requiritur non  
 tantum conuenientia generica, sed etiam specifica, linea  
 enim seu longitudo non potest nisi linea seu longitudine  
 mensurari. Sed hæc sunt supra captum huius summen-  
 duli, qui stolidè sibi imaginatur, quasi mensuratum sem-  
 per oporteat esse eiusdem speciei, cum vnitas mensuret  
 multitudinem, cum qua ne genere quidem conuenit,  
 nedum specie: cum q; ligneus modius mensuret frumē-  
 tum, inter quæ nulla eiusdem speciei communio. *Mo-*  
*dus lignum est*, inquit Arrianus, *Nihilominus mensurat fru-*  
*menta.* *Aria. l. i. c. 17*

Quam scitè autem addit, *mensuram per accidens esse*  
*heterogenei.* Vbi hoc Aristoteles? Si enim heterogene-  
 um illud est, cui nulla prorsus ne analogica quidem con-  
 uenientia cum mensura intercedit, fieri profectò nequit  
 vt heterogeneous tale per illam mensuram, à qua tanto-  
 pere discrepat, vilo modo mensuretur. Quod si vel ana-  
 logicam cum mensura proportionem habet, jam non  
 est heterogeneous, sed homogeneous.

Reprehendit, quod normam definiens dixi, *Nor-*  
*ma est id, &c. Genus*, inquit, *ignorat.* Hæc reprehensio si  
 iusta est, cadit quoq; in Aristotelem, qui mensuram defi-  
 niens ait: *Mensura est id, quo quantum cognoscimus.* En Ari- *Arist. 10. Me-*  
 stoteles ignorat genus mensuræ. Quæ ignorantia in mul- *taph. c. 2.*  
 tis aliis Aristotelis definitionibus elucescit. Quid dicam  
 de Porphyrio, qui genus, speciem, & alia definiuit per i-  
 stud *id*, quod imperito Varnæ bilem mouet. *Genus est*



id, &c. Species est id, quod predicatur, &c. Ecce Porphyrius ignorat genus generis & speciei, &c; Prætereo alias innumeras huius notæ definitiones, in quibus generis loco generale aliquid ponitur, præsertim quando definitum eiusmodi est, quod propriè genus nullum habet, aut cuius generalis notio non est eiusdem rationis & uniuoca, nec vno nomine significari potest; nisi vel synonymo, vel non latius patente, quàm pateat nomen definiti; vt si quis dicat: norma est regula secundum quam aliquid faciendum est, &c. nam regula latius non patet, quàm norma, & qui talem definitionem conficit, is æquè dicere posset: Regula est norma secundum quam, &c. & talem opinor exspectabat à me Medicus definitionem pro sua subtilitate Alchymistica. An volebat, vt loco generis collocarem mensuram? At quis ita loquitur? *Scriptura est mensura controuersiarum fidei. Omnes controuersie mensurantur per scripturam.* Et si non abnuo, verum sensum his locutionibus posse subiici, eisq; nihil ferè præter vsum, quo molliantur, deesse. At tunc norma definiretur per genus latius non diffusum, quàm ipsum definitum: Omnis enim mensura hac significatione norma est, & omnis norma, mensura. Qui definiendi modus, quam probus sit & accuratus, norunt omnes, qui regulas definiendi didicerunt.

*Sculptè, inquit, immisceet sensus dicta facta, externa hæc sunt, nec pertinent ad normæ essentiam.* potentia & habitus definiuntur per obiecta, & hoc ideo, quia licet obiecta ipsa per se non pertineant ad essentiam potentiarum & habituum. Habitudo tamen potentiarum ad illa obiecta pertinet ad essentiam potentiarum, & habituum, quæ habitudo melius explicari nequit, quàm vocabulis ipsorum obiectorum. Eodem modo licet res, quæ secundum normam conformantur, & ad eius præscriptum componuntur,

com-

comparantur & exiguntur; non sint de essentia normæ, norma tamen habet essentialē ad huiusmodi res habitudinem; Omnis enim norma alicuius vel aliquarum rerum norma est; respicit ergo illas res, & quidem respectu intrinseco; ita ut formalis ratio normæ subsistere non possit sine ista ad res ipsas habitudine. Rectè igitur res ipsæ in definitione normæ ponuntur. Nam norma Grammatica est, ad quam oratio; norma Dialectica, ad quam dissertatio; norma civilis, ad quam civilis vita exigitur, eademq; est aliarum ratio.

Dixeram: *Pravum esse, quod à norma discordat*. Occlamat iste: *non statim pravum est, quod à norma dissentit; neq; probum, quod consentit*. Iure ad Auctorem remiserim hoc conuictum. *Fatuus & bliteus est hodie Varna, ut pridem*. Quantā enim stultitiam prodit; qui hæc tam absōna chartis mandare audeat; tanta jactantia & insolentia, ac si mera oracula funderet. Si non omne illud, quod à norma discrepat, pravū est; da ergo mihi locutionem à norma Grammaticæ discrepantem, quæ non sit prava. Da dissertationem à norma Logica dissentientem, quæ sit bona. Da actionem à norma rationis abeuntem, quæ non sit mala. Da dictum, aut factum, quod cum norma sacræ scripturæ non conveniat, & tamē rectum sit ac probum. Da vllum dictum aut factum cum recta ratione, aut cum norma sacrarum literarum vndequaq; consentiens, quod non sit bonum, hoc ipso quod cum norma sua consentit.

Dixeram: omnem judicem secundum normam aliquam & regulam judicare debere, siue ea norma sit scripta, ut leges civiles: siue nitatur consuetudine, siue naturali rationis dictamine, ut cum agitur ex æquo & bono. *Videtis, clamat Lullus, hunc Phantasten (de se loquitur) non considerare, in quo versetur foro, quid scribat aut dicat.* Cæ-



*lum habet nullum. Verissimum de Ubiquistis, quia cœlum Ubiquisticum nullum est. Ecclesiam suam alligauit mundo. Vana hæc sunt conuicia. Non alligo Ecclesiam mundo, quia secundum partes suas quotidie transit ad alteram illam & triumphantem Ecclesiam, adeo non est alligata mundo: tamen ego disputo de iudice, qui præsidet Ecclesiæ huius mundi, militanti nimirum: Et ut recte & ordine de hoc iudice differam, generalem iudicis notionem indago; quæ generalis notio in hoc idem controuersiarum iudice inesse debet; nisi quis dicere velit, solo nomine esse iudicem, re autem & notione cum nullo alio iudice conuenire. Est ergo notio generalis iudicis, ut iudicet secundum aliquam legem, seu normam aut regulam. Negas ne hoc? sed homo iste, si tamen verus homo, & non Theophrasticus, nihil unquam ad rem responderet, nihil refutationis ad propositum facientis adducit; sed postquam mea verba mutilauit, responsa nec cœlum nec terram tangentia subiicit; ut & hoc loco, cum notio iudicis labefactanda esset, sic ineptit. *Theologus abstrahit contemplationem à mundana conuersatione, & in altum cogitationes eleuat.* Attamen ita mentem à rebus creatis auocare debet, ne communes rerum notiones inficietur, alias non tam à sensibus abductus, quam imis sensibus immersus erit. Quod Ubiquistis præcipue contingit, qui adeo omnem rationem, sensumq; communem transcendunt, ut velut pecora irrationabilia insaniant, & tanquam cæci in meridie palpent.*

Sed ascendamus cum Alchymista in hunc omnibus rebus caducis supereminentem montem, & ad hoc supra omnem rationem collocatum fastigium; & vel sine ratione contemplemur recondita illa mysteria, quæ nobis obiciuntur. *Ibi inueniemus Deum, iudicem nimirum, cum*

*omne*

omne iudicium Deus Pater dederit Filio: Filius autem non venit  
ad iudicandum: sed has partes commendavit Spiritui sancto &  
Verbo: ergo Spiritus sanctus & Verbum est iudex omnium contro-  
versiarum in hac militante Ecclesia. Vel: Ergo Grotius in hunc  
tam celsum montem euectus clarè jam videt, non omnem iudicem  
à norma discriminari, & non omnem iudicem debere juxta normā  
à se realiter distinctam iudicare. Vbi dixi, Vana, iudicem  
generatim sumptum iudicare debere juxta normam re-  
aliter à se distinctam? Ostende istud REALITER DI-  
STINCTAM in meo libro: aut te egregium sycophan-  
tam esse confitere. Dixi, omnem iudicem iudicare secū-  
dum aliquam normam. Nihil addidi de distinctione ju-  
dicis & normæ, quam sequitur: quia distinctio ista nihil  
ad id, quod institueram, faciebat. Satis mihi erat hoc  
euincere, omnem iudicem sibi regulam habere proposi-  
tam, siue distinguatur tantum ratione, ut accidit, cum  
Deus iudicat, cui essentia sua loco legis & normæ est, &  
quidem longè certioris & fidelioris, quàm vlla creatā  
norma esse possit: siue distinguatur realiter, ut fit in aliis  
omnibus iudicibus; quia omnes illi aut scriptas leges, aut  
consuetudines, aut naturale rationis dictamen in iudiciā-  
do sequuntur. Non inficiabitur autem, nisi fallor, Vitrio-  
larius noster, naturale rectæ rationis dictamen realiter  
ab illo, qui eo in agendo utitur, distingui. Quanquam ne  
ipse quidem Deus in iudicio ferendo sequitur jam, aut  
sequetur in nouissimo iudicio suam essentiam duntaxat,  
ut normam omnis recti iudicii; sed sequetur etiam leges  
scriptas, & naturalem, tanquam legis illius æternæ & es-  
sentia diuinæ quosdam surculos, & adeo sequetur, ut  
Hunnius tuus per summum delirium existimet; ipsos  
etiam bibliorum codices in extremo iudicio ad futuros,  
ut juxta eorum præscriptum sententia iudiciaria inde fe-  
ratur.



Quæ posthæc de iudicio & inuentione differit, tam subtilia sunt, vt non dubitem, Cardanum, si viueret, ea in libros Subtilitatum suarum relaturum fuisse. Mens, inquit, & intellectus est, quod iudicat. Quantum acumen? Quanta profunditas? Constat item actum intellectus ab intelligibili actu non re, sed ratione differre. En mysterium! Intellectio non differt realiter à seipsa, vt est actus intellectus, sed tantum ratione. Quis vnquam audiuit talia, tam arcana, & recondita? Pergamus & his epulis tam probè in Alchymistico Reuerberio distillatis, animum nostrum saginemus. Intellectus cum actu iudicat, reipsa intuetur seipsum, seu ideam illam, cuius essentiam ipse participat. Ergo falsum est, quod Gresserus ait: omnem iudicem cum iudicat sequi aliquam regulam, quia intellectus iudicat; & sequitur regulam: ergo falsum est, quod omnis iudex sequatur regulam. O acumen! Verum vnde? Anne ex Peripato? Certè non: Huius enim Magistri & Professores tradunt actum intellectus mensuram esse obiecta: Quæ circa cum intellectus iudicat, verusne an falsus sit actus, quem exercet, ad obiectum respicere debet, & ad id intellectionem suam, tanquam ad normam seu mensuram, applicare; si conueniens sit obiecto, vera erit intellectio: si disconueniens, falsa erit intellectio. Nec potest vilo modo intellectus de assensu aut dissensu, aut simplici sua apprehensione verum iudicium ferre, nisi ad obiectum, tanquam ad regulam se conferat, eiusque beneficio exploret, quomodo se intellectio habeat.

Isid. l. 18. Ety-  
mol. Refertur  
ext. ca. Forus  
de Verb. sign.

Ridet notionem iudicis, quæ est ista ex Isidoro: *Iudex dictus, quasi ius dicens populo, siue quod iure disceptet. In iure autem disceptare, est iuste iudicare.* Sed non rideret hanc notationem Iudicis istud coaxans, brexan/que bratum, si communem sensum non amisisset; communeque re-

rum & vocabulorum notitias ex animo suo per ignorantiam Lullisticam non expunxisset. Debat, inquit, ex phantasia politica pronunciare; quod jus dicere, esset legem æqui & boni verbis efferre. Quæso te per duos libros tuos, quos de *Ranis* vocalissimis, animal loquacissimum scripsisti, quid iudicis Etymologia ab Isidoro allata aliud vult, quàm iudicis proprium esse legem æqui & boni, id est, ipsum æquum, & bonum, & iustum verbis efferre, ita ut litigantes, seu partes euidenter norint; quid cuique competat, quantum est ex sententia & declaratione huius iudicis.

Addidi, jus dicere, esse causam cognita, discussisque litigantium rationibus pronuntiare, quid cuique ex iustitia præscripto competat, quid non competat, quis iustam causam habeat, quis iniustam. Iterum obliuiscitur, ait iste, in quo versetur stadio. Optimè memini. In hoc nimirum stadio versor, ut indagem, quæ sit notio iudicis, etiam maximè generatim accepti & considerati: Quæ quidem alia non est, præter eam, quam attuli; quidquid tu contra ineptè, fatuè & delirè delires, agnoscis, opinor, tua verba.

Ais. Iudex est, qui iudicat primum & per se. Et qui iudicat, est iudex. Cognoscere causas inuentoris est, non iudicis, præcedit iudicem, non coheret essentialiter.

Adeptus est quidem Iudex hoc nomen ab actu illo, quo jus seu iustum & æquum inter aliquos constituit, interim tamen ad officium iudicis etiam pertinet, & quidem essentialiter, partium causas cognoscere & discutere. Quomodo enim causa non cognita ius dicet? Quomodo unicuique quod suum est, tribuet? Itaque cognoscere causam non præcedit iudicem, sed intra terminos eius

con-



Arist. lib. I.  
Rhet.

continetur, si iudicē nō secundū vnum duntaxat actum, sed secundum totam suam latitudinem spectemus. Quoties autem fit, vt res ab vno nomen sortiatur, licet longè plura complectatur? Certè causas, causarumq; momenta & merita cum auctoritate & potestate inuestigare, & ad iustitiæ libram expendere, non minus competit iudici, quàm causa cognita sententiam iudicè pronuciare. Pulchrè & verè naturæque iudicis convenienter Aristoteles: ὥσπερ ἀργυρογνώμων ὁ κριτὴς ἐστίν, ὁ πῶς διακρίνῃ τὸ κίε-  
δ' ἄλλον δ' ἰκαίον καὶ τὸ ἀληθές. *Iudex est quasi spectator ac probator nummorum, vt jus ærosū & adulterinum discernat à vero.* Imò hoc adeò est de ratione iudicis, vt ne Deus quidem quenquam iudicet, nisi causa cognita, & vt sic loquar, *discussa*; et si ipse non discutit ratiocinando, alterumque cum altero conferendo; sed simplici intuitu, quo statim rationum momenta accuratissimè & fidelissimè perui-  
det. Qui tamen simplex intuitus discussioni nostræ æquipollet; quod enim nos assequimur per variam rationum inter se collationem, hoc Deus absq; huiusmodi rationum inter se comparatione perfectissimè possidet.

*Discutere litigantium rationes, non est cuiusvis iudicis, ait Alchymista; sed iudicis particularis, qui præfectus est litibus di-  
iudicandis.* An verò vllus iudex est, qui litibus, rebusq; dubiis diiudicandis non præsit? An non officium iudicis est vt jus suum cuius assignet, si fortè quis in iure suo sit læsus, minusq; habeat, quàm ei iure competat? *In foro politico, inquit Medicus, iudex quæstiones quasq; iudicat, & sen-  
tentiam iusti vel iniusti, vel vni tantum homini de aliqua re qua-  
renti manifestat.* Ineptis Alchymista, Nemo queritur seu querelam instituit nisi contra aliquem alium; aduersus seipsum enim quis vnquam in iudicio visus est

con-

conqueri? Si ergo vel vnus hominis in iudicio querelæ  
iudex locum dat, eaq; per motus, sententiam pronun-  
ciare cogitat, id facere non potest, nisi discussis caussis tam  
eius, qui querelam deponit, quam eius contra quem  
querelam deponit: Et hoc est discutere litigantium rati-  
ones; nam iudex *medius*, seu *mediator* est, oportet ergo vt  
*mediet* inter duas partes: & vnicuiq; jus suum tribuat: q;  
facere nequit, nisi vtriusq; partis momenta discutiat &  
expendat: Et has partes sibi oppositas voco *partes litigan-  
tes*, quas in omni iudicio reperiri tam clarum est, vt mi-  
randum sit, vllum reperiri tanta cœcitate præditum; qui  
rem manifestissimam inficiari ausit, nisi quod hæreseos  
suz gratia isti quamuis absurditatem tueri, & communes  
vocabulorum notiones pernegare non reformidant; vel  
potius inuitabili necessitate coguntur. Animaduertunt  
enim sibi nihil superesse, quo suum de iudice contro-  
uersiarum paradoxum defendant; nisi nouam iudicis  
notionem, sublata vetere, comminiscantur. At quod  
Alchymista innuit, etiam tunc iudicem fungi iudicis of-  
ficio, cum quærenti de aliqua re, manifestat, quid ex ra-  
tione juris & æquitatis faciendum sit, eo modo, quo Iu-  
reconsulti rogati à clientibus, sententiam de iure expla-  
nare solent, id inane est ac futile, quia doctori potius, quã  
iudici competit; cuius est cum auctoritate ius suum cuiq;  
efficaciter tribuere; non autem nudam duntaxat senten-  
tiam de iure patefacere.

*Pronunciare*, inquit Medicus, *non est proprium iudicis,  
sed accidit ei*. Imò maximè proprium est iudicis prout Iu-  
dex in *actu* quasi *secundo* & completo consideratur; quem-  
admodum à nobis hoc loco consideratur. Quidquid e-  
nim mente volutet ac decernat Iudex, nondum iudicis  
officio plenè & perfectè vsus censetur, si per sententiam



suam unicuique; nō tribuat, quod suum est: quod facere nō potest; nisi scripto aut voce, aut alio signo externo sententiam iudiciariam prodat; Nam quod calumniator verbum *pronunciandi* vrget, id impostoris fucus est, neq; enim *pronunciandi* vocem strictè vsurpauit pro vocali tantum, *p*-latione sententiæ, sed latius accepi pro quacunq; ratione, qua sententia manifestari potest; siue id fiat voce, siue scripto, siue alio indicio. Quis enim dubitat Iudicem non sola voce, sed & aliis signis sententiam iudiciariam notificare posse?

*Pronunciare*, inquit Lullista, *quid cuiq; ex iuris præscripto competat, & quid non, est particularis iustitia, quæ distributiuæ appellatur, non autem vniuersalis. Quocirca vniuersalem iudicem neutiquam assequitur Papista. Quam doctè!* Iudicium est actus intellectus; non ergò iustitiæ, quæ est in voluntate; nisi vt in scholis loquimur, *imperatiuè*; quatenus iustitia mouet intellectum ad iudicium eliciendum, vt eo tantquam medio constituatur inter partes æqualitas. Secundò particularis iustitiæ non est vna tantum modò species; sed minimum duplex; nempe *commutatiua & distributiuæ*. Iam verò iudicium non tantum constituit æqualitatem iustitiæ distributiuæ; sed multo magis iustitiæ commutatiuæ; nedicam solius. Silentio etiam prætereo iustitiam *vindicatiuam*, quam iudex quoq; spectat: & equalitates illas specierum quarundam iustitiæ minus propriè dictæ; quæ per sententiam iudicis constitui possunt inter patrem & filium: vxorem & maritum, &c. Omitto hæc & alia huius generis, quibus capiendis Alchymistæ huic fat cerebri non suppetit. Nam tenuitatem eius vel hinc conicias, quod existimat non posse esse iudicem vniuersalem; nisi iudicium sit actus iustitiæ *vniuersalis*, quam alii *generalem* seu *legalem* vocant; quasi non omnis inæqualitas

quæ

quæ aut fingi, aut oriri potest; queat reduci ad aliquam ex prædictis iustitiæ speciebus seu propriè seu impropiè dictis. Nec iustitiæ generalis seu legalis est, omnem inæqualitatem ad æqualitatem redigere, sed hominem proximè & immediatè perficere, in ordine ad communitatē seu Rempublicam, ut rectè & justè erga illam sese gerat: quod licet iudex in iudicio itidem spectet; spectat tamen hoc secundariò tantum & remotè; nam quod primariò & proximè tantum spectat, id nihil aliud est, quàm ut partes inæquales per iudicium ad æqualitatem reducat. Itaq; iudex potest esse vniuersalis, hoc est, omnibus controuersis dirimendis præfectus; licet iudicium non sit actus iustitiæ vniuersalis seu legalis; cuius, ut dixi, hoc munus, ut hominem in quo est, seu ipsum operantem benè afficiat & disponat ad communitatē proximè & immediatè propter bonū communitatis, quidquid sit de priuato comòdo, aut incomòdo ipsius operantis. Hic certè non est primarius finis iudicis in iudicando, ut notum est. At satis de his. In mentē venit illius symboli Pythagorici, *cibum in matulam ne iniice, quo præcipitur*, interprete Plutarcho, *prauo animo committenda non esse elegantē orationē, & solidioris doctrinæ arcana*: Insotia enim & malitia præpeditus, nihil capit. Itaq; inanis labor capitur, quoties ei erudiendo opera datur. *Irridere stultitiam hominis satius est, quàm confutare*. Labet namq; Varrenses phrasas subinde, eò vnde prædierunt, remittere.

Porro tametsi ego capite octauo mei libri generalem tantummodo iudicis rationem & notionem indagarem, ut inde suo loco & tempore ad iudicē controuersiarū descenderē; iste tamen Alchymista omnē disputationis ordinē & seriē turbat & miscet: quæq; in genere de iudice dixi, ea hunc in modum concipienda fuisse affirmat (& sic etiam concepissē, si cum Libauio aniliter



delirare voluisssem) *Theologia in quaestionibus fidei eum profere requirit iudicem, qui vniuersalis iustitiae leges, omnemq; fidem etiam in cordibus absconditam possit comprehendere.* En definitionem, quæ Lutheranum virus primo statim aspectu promittit: Vt enim de inscitia, quam præ se fert, nullum verbum faciam (iam enim satis superq; de iustitia vniuersali egimus) an non manifestæ vanitatis argumentum est, quod iudicem in rebus Theologicis nobis iam ingerit, cum non de hoc, sed de iudice in genere hoc loco disputatio sit instituta. Dic Alchymista, quis est iudicis generatim accepti conceptus? Quæ notio? Non quæro iam, quæ sit notio iudicis in controuersis fidei. Generalem iudicis notionem exquiro. Hanc, si potes, assigna. si non potes, blaterare cessa. Quamuis cur insanum morneo, vt insanire desistat?

Deinde, quænam ista insipientia est, asserere, iudicem ita comparatum esse debere, vt etiam norit fidem in corde singulorum abditam? perinde est, ac si diceres: Iudicem politicum ea vi præditum esse debere, vt etiam malefacta in animis maleficorum adhuc delitescencia cognoscere queat. Sed cauto & callido consilio id, quod in quaestione versatur, intrudit in definitionem, vt pro certo acceptetur, quod extra definitionem à cautis & prouidis, tanquam controuersum, ad examen reuocaretur. At necdum plenè depictus est iudex Lutheranus. Spectemus & expendamus cætera. *Si iudex absolutus esse debet, vim quoq; absolutam circa fidem eum possidere necesse est: Si Catholicus, Catholicam.* Non displicet hæc pars descriptionis. Perge, sed pari gradu. *Hic non fingentur rixantes inter se homines, sed & conscientia se mutuò accusantes.* Non quidem fingentur, sed sine fictione inter se rixabuntur. An non enim nemine quidquam fingente rixamur cum Prædicantibus

tibus de possessione veræ fidei ac religionis? An non cū hac rixa ad iudicem accedimus? & quia Prædicantes nolunt nobiscum adire iudicem nostrum, nos cum Prædicantibus adimus iudicem, quem vobis fingitis, nempe ipsam sacram scripturam. An iudex iste vester litibus finem imponit? An clarè & disertè explicat, quæ pars benè sentiat, quæ malè, quæ pars causam amisserit, quæ obtinuerit?

Nam quod ad *mutuam conscientiarum accusationem* confugis, id impietatis tuæ tegumentum, & ignorantia latibulum est. Dum enim in hoc mortali corpore degimus, more hominum vitam & actiones nostras instituimus. Quocirca nisi accusatio alterius per signa externa nobis innotescat; parum laboramus, qualnam accusationes conscientia aliena aduersus nos excitet: quippe ad quas respondere non obligamur, nisi nobis patefiant. At quomodo patefient absq; externis indiciis? Et cui etiam iudici in hac vita patefient? Deo, dices. Sed hoc ipsum in quæstione positum est, num Deus sit ille Iudex, quem in omni controuersia fidei immediatè adire iubemur, eiusq; sententiæ euidenter prolata acquiescere. Imò, qua tandem ratione ego me defendam, si accusationes aduersus me exploratas non habeam; vt certè non habeo, cum in alienam conscientiam oculos interere nequeam. Non accusamus nos mutuò Catholici & Hæretici solis conscientis; sed ore & calamo iudicem quærimus, qui ore vel calamo nobis cum auctoritate causam aut adiudicet, aut abiudicet. Si vester iudex talis est, faciat, & verbum non faciemus. Si noster iudex talis est, vt reuera est, sententiæ illius iam dudum contra vos data & lata acquiescite: aut si veteri acquiescere detrectatis, nouam facillimè impetrabimus, quæ omnem de-



damnatione vestra, nostraq; absolutione scrupulum vobis eximat.

*Non respiciendum est, inquit Lullista, ad id, quod consuevit saculū facere, aut quid ex aequo & bono pro sua opinione quisq; velit, sed quod ex pacto in Ecclesia aeterno ab eo, penes quem omnis potestas est, sit statutum.* Nimirum hoc statutum est, vt communis notio iudicis in huius vitæ foro, accommodetur etiam iudici controuersiarum, vtq; cum, cui hæc notio accommodari nequit, non credamus esse ordinarium, proximum & immediatum iudicem controuersiarū in huius vitæ foro. Hoc statuit, hoc immora lege sanxit is, penes quem ius & arbitrium hæc decernendi refidet.

Diuiseram iudicem in supremum & generalem omnium controuersiarum (controuersiarum inquā, non controuersiarum de fide Christiana: vt mentitur sycophanta; neq; enim eo loco agebam de iudice controuersiarū fidei, sed de iudice in communi) & in iudicem nec supremum, nec generalem. Hanc diuisionem ait *fatū λόγος, temerè & sine ratione institutam.* Quid ita verò? Quia disertè dico, me quærere iudicem supremum & generalem omnium controuersiarum circa doctrinam, fidem & cultum religionis, &c. *Talis, inquit, iudex in data definitione nō est.* In diuisione volebas, opinor, dicere. An verò non est in data diuisione? an non diuisi iudicem generatim acceptum in generalem seu supremum, & in non generalem seu non supremum? An non explicata hac generali doctrina de iudice, dixi nos non quærere iudicem non generalem, seu non supremum: sed generalem & supremum: generalem inquā respectu omnium controuersiarum fidei? quid ergo cum suis conuiciis & sycophantiis sibi vult infelix Alchymista, & fatuus Arnoldista,

qui

qui stultissimè inficiatur iudici potestatem cogendi comperere contra primam iudicis tritissimamq; notionem, non sine blasphemia in Spiritum sanctum, quem Prædicantes pro iudice generali, etsi non assentientem, constituunt, quem vi & potestate cogendi sacrilegè priuant, hoc ipso, quod *factum isto ait*, stultum esse iudici potestatem cogendi assignare.

Críminationibus cum spissa inscitia iunctis subiungit Pharmacopœus mendacium pari ignorantia implicatum. *In colloquio largius multò locuti sunt Iesuita, quàm hic ille Gretserus.* Nam non tantum de controuersia circa doctrinam, cultum & fidem religionis omnibus disceptarunt, sed comprehenderunt omnia omninò, quæ de religione vnquam incidere queunt. Qui benè coniectat, is vates optimus est; vt habet vetus prouerbiū. Coniiciat igitur, qui volet, quid hoc loco significare voluerit: Ego, quod ad me attinet, nihil aliud video, quàm quod solenni suo more insulsiſsimè mentitus sit.

Iudicem vi coactiuà præditum esse, dicebam liquere. I. ex communi omnium sensu. Obiicit. *Non videndum in Ecclesia, quid omnes communiter sentiant; sed quid sentiendum sit iuxta præscriptum diuinum.* Scilicet communes omnium mortalium notitiæ mutandæ & inuertendæ erunt, vt deliramenta Prædicantium locum inueniant, quæ specioso verbi diuini velamento obnubunt, ne turpitudine appareat.

Quod si consequentiam texere velim, quid quæso vitii in ista ostendes? Iudex propriè dictus & generatim sumptus includit in sua notione vim & potestatem cogendi, ex communi omnium intelligentium existimatione; ergo etiam iudex in rebus Ecclesiasticis eadem vi & potestate pollebit; quæ est iudex propriè dictus, subq; iudice



dice generatim, tanquam pars subiecta, comprehensus.

Secundo dicebam, id ipsum liquere ex praxi fori externi, vbi iudex cogendi potestatem habet. *Cealia est ratio Ecclesia*, inquit Medicus. Vt alia ratio sit quoad alia, certè quoad potestatem coactiuam iudicis eadem omninò est ratio.

Nam iudex in foro ciuili ideo hac potestate eger, vt obtemperare nolentes efficaciter adigere possit ad officium: Sed hoc multo magis necessarium est in foro Ecclesiastico, vbi propter sublimitatem rerum, quæ in controuersiam aut vocantur, aut vocari possunt, longe maius periculum est inobedientiæ. Necesse igitur est, vt si quis iudicis sententiæ acquiescere nolit, iudex potestatem cogendi & puniendi habeat: alioquin nunquam efficaciter officii sui partes exsequi valebit. Si quis ergo hunc in modum argumentetur: Iudex in foro externo, ea de causa, quia iudex propriè dictus est, pollet potestate cogendi; igitur & iudex in foro Ecclesiastico, ideo quia propriè dictus iudex est, pollebit potestate cogendi. Quid respondebit imperitia Varnæ? Mirum profecto est Sectarios tam inconsideratè & temerè iudici controuersiarum coactiuam potestatem abrogare, cum ipsi Spiritum sanctum pro iudice controuersiarum statuunt. An is non habet potestatem cogendi? An non eandem cogendi potestatem arrogantissimè sibi arrogant ipsi Prædicantes, dum quos sibi minus obsequentes arbitratur, excommunicant, & à cæno seu cæna sua arcant, est cum & patria, domo, fortunisque omnibus euerant?

Tertio dicebam, idem constare ex sacris literis, in quibus vocabulum iudicis crebrò occurrit ea notatione,

rione, quę potestatem coactivam indicet. Protuli aliquot  
 exempla. Obiicit Alchymista, *non quæri judicem politicū, sed  
 sacerdotem, aut Episcopum.* Atqui ego illis probationibus  
 nec Sacerdotem nec Episcopum quærebam, sed notio-  
 nem judicis in communi, in qua contineri vim coactivā  
 etiam ex scripturę usu, evidenter ostensum & evictum  
 est. Si igitur in generali judicis notione hæc vis coactiva  
 inest, oportet ut etiam insit in speciali Iudicis Ecclesia-  
 stici notione, quidquid enim inest in superiore & com-  
 muniore, id etiam inest in illo, quod ei tanquam minus  
 commune subiicitur. Hic ratiocinationis meę cursus  
 & scopus fuit, non is, quem stultitia Alchymistę sibi fin-  
 git, qui mox hæc subiungit. *Christus non fuit iudex politicus,  
 cum versaretur specie visibili inter homines.* Esto, non enim  
 de hoc tecum contendam. Quid inferis inde? An hanc  
 consequentiam? *Ergo nec fuit iudex Ecclesiasticus, cum ver-  
 saretur aspectabili forma inter mortales. Sacerdos, & quidem sum-  
 mus, in æternum secundum ordinem Melchisedech.* Si hanc con-  
 sequentiam ex illo tuo dicto colligere cogitas; tum ju-  
 bebo tibi meraciores Antimonii calices præberi.

At Christus aiebat, *se non missum ad judicandum, sed ad  
 salvandum.* Nimirum missus non erat ad sententiam ul-  
 timę damnationis contra mundum ferendam: sed ut er-  
 rantes in viam salutis reduceret: Huic tamen minimè  
 obstat, quo minus fuerit supremus & absolutus iudex in  
 rebus spiritualibus, & quę ad fidem attinent, quatenus  
 erat Sacerdos & summus Pontifex secundum ordinem  
 Melchisedech; quia hæc judiciaria potestas non aduer-  
 sabatur fini, cuius gratia Christus venerat, videlicet, ut  
 mundum salvaret; imò plurimum ad hunc finem con-  
 ferebat, quid enim salutis humanę conducibilius, quàm  
 sententiā eius judicis amplecti, qui ut nec ipse labi, ita

Joan. 3. 12.

H hh

neq;



neque aliis lapsus auctor esse potest?

Quid verò monstri, quod subnectis? Nec in extremo die per se iudicaturum esse pronunciat: nam hic Verbum suum iudicem constituit. Expungatur ergo, vel corrigatur articulus ille symboli: *Inde venturus est* (Christus) *iudicare viuos & mortuos*: si non iple, sed sermo eius venturus est, vt iudex. Sed de hoc monstroso paradoxo, ex Hunnii officina profecto plura in Responso. Hic tantummodo hoc argumentum adiecto. Ille in nouissimo iudicio iudex erit, & per se iudicabit; qui stantibus ad dexteram suam dicet: *Venite benedicti Patris mei, possidete paratum vobis regnum, &c.* quiq; stantibus ad sinistram dicet: *Discedite à me maledicti in ignem æternum*. Sed iste non est alius, quàm Christus, seu filius hominis; ergò Christus seu filius hominis in extremo iudicio per se iudicabit, sententiamq; iudiciariam per seipsum proferet; non autem sermo Christi, aut scriptum Dei verbum, vt insulsi Prædicantes hallucinantur. Quo autem sensu Christus dixerit, sermonem suum iudicaturum impios, explicatum inuenies in Responso.

Mat. 25.

Mat. 16.

In Ecclesia militante, inquit Medicus, Spiritum sanctum cum verbo iudicem proponit Christus. Vbi? quo loco? qua sacrarum litterarum pagina? Illum, illum constituit iudicem in Ecclesia militante; visibilem in visibili, cui dixit: *Tibi dabo claves regni cælorum: & quodcunq; solueris super terram, erit solutum & in cælis: & quodcunq; ligaueris super terram, erit ligatum & in cælis.* Huic inquam commisit Christus iudiciariam potestatem plenam & supremam in hac militante & aspectabili Ecclesia: Sed considera mi Lector, stuporem huius Alchymistæ.

Verbum Christi vocatur iudex.

Ergo non est alius iudex in Ecclesia.

Quo-

Quoties dictum & scriptum: Verbum scriptum improprie dici judicem, improprie iudicare, non secus ac alia quolibet lex aut constitutio dicitur improprie *iudex* & *iudicare*. cur non refutatis probationes nostras, si potestis? Tentas quidem aliquid, sed quid efficias, paulo post videbimus. Ergo argumenti huius acumen simile est acumini huius: Lex scripta civilis & forensis dicitur aliquando *iudex* & *iudicare*; ergo præter legem scriptam civilem & forensem non datur alius *iudex* in foro, qui secundum legem proprie iudicet, proprieque iudicis nomen ferat.

Pergit: *Christus vocatur iudex, Spiritus S. vocatur iudex: imò ipse etiam Deus indeterminate; ergo non datur alius iudex in Ecclesia militante.* Pulcherrima consequentia: & huic planè gemella: *Christus appellatur in scriptura Rex Regum, & Dominus Dominantium; Ipse Deus millies dicitur Dominus universorum & Rex; ergo præter Christum & Deum non est alius Rex aut Dominus.* Maiora canamus. *Conscientiis tribuitur iudicium; sunt ergo iudices; non reperitur ergo alius iudex in Ecclesia militante; qui controuersias ex officio diiudicet: quia conscientia singulorum hoc faciunt.* Perinde ac si in hunc modum delires. *Conscientiis tribuitur quoque accusatio, & testimonii dictio; nihil enim vehementius accusat, & testatur, quam conscientia, & ex vulgari verbo: Conscientia mille testes: ergo in huius vitæ foro tam civili, tam Ecclesiastico, non dantur alii accusatores, aut testes, sed singulorum conscientia munus accusatorum & testium subeunt.*

Necdum finis desipiendi. *Cuiuslibet homini tribuitur iudicium, cum vel se, vel proximum iudicat. Ergo nullus superest controuersiarum iudex in hac militante Ecclesia, qui cum auctoritate ordinaria, & ex officio per sententiam litibus finem imponat.* An non hæc sunt argumenta ad quintam usque essentiam



distillata in fornacibus Lullicis & Arnoldicis? Addamus & hoc cognationis causa. *Iudex Ecclesiasticus est spiritualis*, hoc est, circa spiritualia occupatus: ergo cogere non potest. Quasi nullæ sint poenæ spirituales, nullæ coercitiones, nulla anathemata, quibus homines in officio vel retineri, vel ad officium adigi queant: quasi nullus sit Magistratus politicus, qui videns spirituales poenas ab improbis cōtemni, possit, externam vim exercere, & ad id, quod rectum est compellere.

Dixeram: Legem esse iudicem improprie. Respondet. *Credo, si eadem ratio est legis politica & divina. Sed non est.* At ego assero esse; & asseram, donec tu contrarium demonstraues; Nulli enim legi scriptæ, quatenus est lex scripta, a legislatore distincta, proprie convenit, ut sit iudex, nec sub ratione legis, nec sub quocunque alio respectu.

Verum ineptæ tuæ assertioni fidem conciliare conatur Alchymista hoc argumento,

*Qui ius dicit, ille est iudex, & quidem proprie dictus;*

*Lex ius dicit:*

*Ergo Lex est iudex, & quidem proprie dictus.*

Similiter ac si ita colligat:

*Omnis qui loquitur est homo:*

*Omnis Lex loquitur:*

*Ergo omnis Lex est homo.*

In huius syllogismi speculo agnoscat Medicus venustatē sui: cuius Maior distinguere debet. Vera enim est de eo, qui ius dicit, ut agens & causa principalis; In Scholis diceremus: qui ius dicit, ut *Quod*. Falsa autem est de eo, quod tantummodo ius dicit, ut *Quo*, seu ut instrumentū, seu ut idea & exemplar, ad cuius præscriptionem principalis causa sese conformare debet. Iam vero Lex ius dicit;

cit, hoc posteriore duntaxat modo, videlicet vt instrumentum seu norma & idea causſæ principalis: ſequitur ergo legem non eſſe propriè judicem.

Quo pacto lex animata & jus animatum dicatur, longè ſtupidior eſt Greſſerus, ait meus Medicus,, quàm vt intelligat.

Explica, ſodes, enitar, vt ſubtilitates tuas aſſequar. Omnes ingenii neruos intendam, vt capiam, quiſnam ſit *lex animata*, quis *ius animatum*. Et niſi me omnes ſenſus fallunt: Ariſtoteles & alii nomen *legis* & *juris animati* ipſi iudici propriè dicto tribuunt. Fallor, an veritatem tango? Sed perge, obſecro; ô Tuberorotenburgenſis pædottiſſima, pandere mihi tam abdita *legis* & *juris animati* myſteria. Cum actu iudicat iudex, qua iudicat, reuera idem eſt, quod ius. Reuera non idem eſt propriè quod jus. Non magis propriè idem eſt, quod jus, quàm Medicus ſanans, idem eſt, quod ſanitas. Vt igitur iſte ſanitas duntaxat eſt efficiens; quatenus ſanitatem efficit, ita iudex tantummodo jus eſt, quia ipſe per ſententiam ſuam jus ſeu æqualitatem efficit & conſtituit: Et quia jus hoc, quod à iudice efficitur in ipſo viuente iudice quodammodo viuit, tanquam in cauſſa ſua: Ideo, vt eſt in illa cauſſa, vtq; ab ea proficiſci & effici potest, *ius animatum* appellatur. Sic idem iudex *lex animata* dicitur; tum quia lex quam pro norma propoſitam habet, in eo quodammodo animatur; tum quia iudex, & ſententia iudicis ſubditis pro lege eſſe ſolet.

Prædictæ ſubtiliſſimæ ſubtilitati ſubnectit Alchymiſta iſtam. *Iudex in potentia non poteſt eſſe ius animatum, vel lex animata. Anima enim actus eſt.* Vult dicere, iudicem, quando actu ſententiam non pronunciat, non eſſe *animatum ius*, aut *animatam legem*. Qua de cauſſa verò? An caret iudex anima tunc, cum ſententiam actu non pronunciat? An non animatur ab anima, niſi cum jus



de facto dicit? An non jus, quod suo tempore ab illo p-  
fificetur, iam in illo tanquam in causa sua animata ani-  
matur & vivit, sicut & in Deo omnes res vivere di-  
cuntur, etiam longè antequam à suis causis producantur?  
Sic enim explicant & legunt sancti Patres, nominatim  
sanctus Augustinus, illud; omnia per ipsum facta sunt, & sine  
ipso factum est nihil, quod factum est, in ipso vita erat. Anima, in-  
quit, actus est. At essentialiter primus actus est, non secun-  
dus: Actus corporis est per suam entitatem & substanti-  
am, etiam sine vlla operatione superaddita. Et corpus  
animatum est, licet nullam operationem animo concipi-  
amus.

Ex hoc sequitur, ait Alchymista, non respiciendum esse ad  
personam externam, cui adharet relatio vel affectio iudicis, sed in-  
ternum principium, quo iudex est id, quod est; quæcunq; sanè sit  
persona singularis. Principium, quo iudex est iudex, nihil  
utiq; aliud est, quam officium & dignitas iudicis; sicut id,  
quo Rex est Rex, nihil aliud est, quam officium & digni-  
tas Regis. Igitur in quocunq; officium iudicis inerit,  
is utiq; iudex erit, & rectè iudicis nomen feret. Quod  
fatemur ex solo aspectu externo personæ colligi non  
posse, sed ad alia indicia recurrendum esse.

Quid verò hoc sibi vult? *Aliter se habet iudex in con-  
creto, aliter in abstracto.* Quem petit? Quo tendit?  
Quem ferit? Iudex in abstracto non est iudex, sed iudici-  
um; à iudicio enim iudex: sicut homo in abstracto non est  
homo, sed humanitas. Album in abstracto non est al-  
bum, sed albedo. In abstracto, inquit Lullus, secundum i-  
deam. Estne idea, seu norma iudicis abstractum iudicis,  
prout iudex est quoddam concretum? Redi quæso ad ru-  
dimenta Dialectices, ut ab hac ruditate libereris. Sed  
forte Alchymista indoctos suos doctores imitatus iudi-  
cem

cem in abstracto vocat, quem nos in communi, seu in genere nuncupamus: Iudicem vero in concreto illum, quem vulgò iudicem in specie dicimus, hoc est, hanc vel illam singularem Iudicis personam.

Sed rursus acutissimo syllogismo me aggreditur.

*Vult Gretserus iudicem esse viuum & spirantem:*

*Verbum Dei est viuum & spirans; est enim θεός ὡς ὁ λόγος, δι-  
uinitus inspiratum:*

*Ergo iudex.*

Quo se vertet Gretserus, ut acumē hoc euadat? quod maius longē & penetrabilius fuisset, si Lullus subsumpsisset:

*Spiritus sanctus loquens per scripturam est viuus & spirans:*

*Ergo Spiritus S. loquens per scripturam est iudex.*

In quas angustias Gretserus compactus fuisset, si hanc Minorem Maiori tuæ subtexuisses; ad quam respondeo iudicem controuersiarum in Ecclesia militante deberē esse viuū & spirantē, verum non hoc duntaxat requiritur (neq; enim iudicis ratio in hoc adæquatē consistit; alioquin quiuis homo iudex esset; cum quiuis viuat & spiret) sed & illud, ut qui officium iudicandi accepit, eiusmodi sit, qui adiri & audiri à quouis volēte possit, utq; euidenter sentētia eius iudiciaria partibus innotescat. Quæ cōditiones, cum non insint in scriptura sacra; vanum & frivolum est, qd Prædicantes scripturæ, quantūvis nolēti, supremā iudicis in hac Ecclesia militāte potestatem obtundūt. Mitto dicere, qd verbū scriptū non nisi metaphoricē viuū & spirans appellatur. Nec magis proficiūt, cū dogmatū suoru turpitudini p̄texūt Spiritū S. tanq̄ iudicē: Tametsi enim cœci sunt, tam cœci tamen non sunt, quin animaduertant, de secta sua actum esse, si iudicem visibilem in hac Ecclesia militante recipiāt, cuius vox super omnibus controuersis clarē & perspicuē audiri & percipi que-

at.



at. Ut autem in exemplo Alchymista intueatur, quàm peritè syllogismos nectat, dicat mihi, an superior ille syllogismus, quem fecit, non sit similis huic:

*Gretserus dicit ceruum esse viuum & spirans animal:*

*Homo est viuum & spirans animal:*

*Ergo homo est ceruus.*

Quid deest, oro, huic syllogismo? Si nescis, adi Huñium, qui admodum probè nouit syllogismos ex meris affirmatiuis in *secunda figura*.

Negaueram vocem iudicis & normam idem esse: Dicebam, minimum ratione distingui debere. Iste meâ sententiam sic refert, quasi asseruerim, *vocem iudicis & normam in Ecclesiasticis questionibus non esse rem eandem*; cum ego generatim de omni voce iudicis, deq; omni norma locutus sim. *Apertum est*, inquit, *quod vox iudicis Spiritus sancti & Saluatoris sit norma: nam si sacra scriptura est norma, & est vox iudicis Spiritus sancti: vna eademq; res est*. Si tu probares, non autem pro confesso sumeres, Spiritum sanctum esse illum iudicem, de quo vobiscum litigamus, forte nõ planè nihil diceres. Sed cum hoc tantum affirmes, nulla autem ratione demonstres, nihil est, cur inanes probationum assertiones moremur. Est quidem sacra scriptura vox Spiritus sancti, sed non vox Spiritus sancti iudicis in hac militante Ecclesia, adiri & audiri propter officiũ, quo fungitur, consueti. Huc, huc, Alchymista, dirige tua, si quæ in pharetra habes, tela. Aliàs aerem verberas, & omnia dicendo, nihil dicis. *Finge*, inquit, *iudicem subdolegatum, ut ministrum Ecclesie vel Sacerdotem. Is, quid enunciat? An non ex norma illa aliquam partem vel regulam? veluti quærenti: Estne Deus incorporeus?* Respondet; *Deus est Spiritus: quod est norma & vox, & iudicium Spiritus sancti, & pars sacre scripture*. Respondet, licet interdum contingere possit, ut

senten-

sententia iudiciaria verbis scripturæ constet: sæpissimè  
tamen accidit, vt verbis scripturæ non constet: licet se-  
cundum scripturam, veluti normam, conformari & con-  
cipi debeat. Quo casu jam re ipsa aliud est vox iudicis, a-  
liud *norma*: quia norma est scriptura: vox iudicis, id, quod  
secundum istam normam pronuntiatur. Quod ipseme-  
Lullista animaduertens, sic scribit. *Quod si non illud ipsum  
iudicium, quod apud Ecclesiam deposuit Spiritus sanctus, sit pro-  
nunciandum* (hoc est, si sententia iudicis, verbis scripturæ  
non efferatur) *sed aliquid ex eo deductum, veluti ex principio de-  
ducta scientia: iam non quidem normam ipsam eloquitur, sed ta-  
men norma homogeneum*: Fatetur ergo vocem iudicis saltem  
*subdelegari*, hunc enim nominat, distinguere re ipsa à norma  
seu scriptura. Cur ergo in me reprehendit, quod ipse si-  
bi laudi tribuit? Verum isthæc mera sunt inscitæ Alchy-  
misticæ diuerticula. Nam siue iudex scripturæ verbis  
sententiam iudiciariam proterat, siue verbis in scriptu-  
ra non comprehensis, vt necesse est, cum quod definit, in  
scriptura expressè non continetur; semper tamen aliud  
est norma iudicis, aliud vox iudicis. Priore quidem casu  
aliud sunt vox & norma iudicis sola ratione: *Posteriore*  
etiam *realiter*: Semper item fixum, immotumq; manet,  
scripturam esse quidem vocem Spiritus sancti; sed non  
Spiritus sancti iudicis, controuersias fidei in hac Eccle-  
sia per seipsum immediatè & ex officio dirimentis.

Illud insuper obseruet lector, quam iste cum Præ-  
dicantibus bellè concinat. Docent Prædicantes, scriptu-  
ram solam & vnicam esse sancti Spiritus, tanquam iudicis  
omnium controuersiarum vocem, & quidem adæquatā;  
ita vt cum controuersias definit; nihil nisi scripturæ ver-  
bis, tanquam peculiari sua voce, definiat. Ita Prædican-  
tes. Quid Lullus noster? *Fieri posse, vt non illud ipsum iudi-*



cium, quod Spiritus S. apud Ecclesiam deposuit, sit pronunciandū. Et hoc casu iudicem non eloqui ipsam normam, sed normam homogeneum seu consentaneum. Et quamuis ille loquatur tantum de iudice, quem vocat *subdelegatum*: eadem tamen est ratio de Spiritu sancto, si, ut his placet, iudex est: Si enim aliquid pronunciandum sit, quod ex scriptura deducatur tantum, tanquam scientia seu conclusio ex principio; utique verbis scripturæ æquæ parum ac iudex *subdelegatus* uti poterit, & consequenter fallum est, quod isti affirmant; scripturam solam esse adæquatam & vnicam vocem Spiritus S. iudicis, iudicis, inquam, iudicio non ipsius Spiritus S., sed Hæreticorum.

Quæ posthæc Alchymista subiungit, ea partim sunt calumniæ, partim mendacia. Calumnia est, cum præcisè ait: *Spiritum sanctum iudicem fuisse repudiatum*. Nemo nostrum repudiat, aut repudiavit Spiritum S. sed hoc repudiamus, quod vos Spiritui S. impie & imperite contra omnem scripturam & rationem affingitis. Non cupit Spiritus S. ut plura sibi tribuantur, quam ipse sibi cōpetere voluit. Mendacium est, cū ait: *meum iudicem ne ad visibile quidem ministerium sufficere, ita ut satisfaciatur omni, qui aliquid dubii habeat in vlla parte fidei, cultus & doctrinæ Christianæ*: nam iudex controuersiarum in hac Ecclesia militante ita cōparatus est, ut omnes controuersias de fide, cultu & doctrina definire, & sententia iudicialia terminare possit; omnes, inquam, quæ vel fingi queunt. De omnibus enim ita suam sententiam explicare valet, ut qui litigat aut dubitat, euidenter cognoscere possit ex hoc iudice, si iudiciariam sententiā ferat; num bene an malè prius senserit.

Mendaciis annumeretur & hoc, cum scribit me *excusare socios, negantes sacram scripturam esse normam*. non dixi; collo-

collocutores Catholicos in colloquio Wormaticensi hoc negasse; sed dixi: *Si negassent* scripturam esse normam non admissuros fuisse inexpressibile facinus: non enim negassent esse normam in se & per se; sed negassent eam esse normam Hæreticis; sicut qui negat lucem esse cæco lucem, is non negat lucem esse lucem in se & per se; sed negat cæco esse lucem. Cur verba mea depravas?

Negat scripturam à Lutheranis arbitrato suo inflecti quò lubet. Utinam hoc negaret tam veraciter, quam audacter & impudenter. Dilucidior est hæc Lutheranorum, aliorumque Hæreticorum impietas, quam ut villo inficiationis mantello abscondi queat. quam iam olim Erasmus aduersus Lutherum scribens, lepidè traduxit & itrisit introducta pertona Lutherani. Nihil recipimus, nisi scripturas; sed sic ut penes nos solos sit certa auctoritas interpretandi. Quod nos interpretamur, id sensit Spiritus sanctus, *Eras. li. I. Hy. perassist.* quod aduersarii alii, quamuis magni, quamuis multi, à Spiritu Satanae, & alienata mente profectum est. Quod orthodoxi docuerunt, quod auctoritas Ecclesiae tradidit, quod populus Christianus amplexus est, quod schola defendunt, exitiabile venenum est Sabanae: quod ego doceo, Spiritus est vita. Credite in scripturis nihil prorsus esse obscuritatis, vel quod egeat iudice, aut ut omnes cæcutiant, ego non cæcutio. Nam conscius mihi sum, me habere Spiritum Christi: quo possum de omnibus iudicare, nemo de me. Nolo iudicium, sed requiro obsequium. Neque quengquam vel tantillum moueat multitudo, magnitudo, latitudo, profunditas, miracula, sanctitas, Ecclesiae Sanctorum, omnes perierunt, si sic senserunt ut scripserunt: nisi qui fortè resipuerunt ante supremum vitæ diem Qui meis probationibus dissidunt, aut carent sensu communi, aut blasphemiam committunt in Spiritum S. & subuertunt Christianismum. Hæc ille.



Afferit Tertullianus, *haereses sine scriptura esse non poss.* Ex hoc Tertulliani dicto extrahit Alchymitta *no-*  
*ster* *geminum argumentum.*

I. *Nullus est Hæreticus, quin scripturam deprauet.*

*Ergo subiectum hæresium est sola scriptura.*

II. *Vbi scriptura non est, ibi nulla hæresis.*

*Ergo Lutherani non sunt Hæretici, quando exhibent*  
*traditiones, quæ nec scriptæ sunt, nec ex scriptura eviden-*  
*ter deduci possunt.*

Ad primum, negatur consequentia, si sermo sit tantum  
 de obiecto proximo & immediato: Conceditur autem  
 consequentia, si intelligatur de obiecto tam mediato,  
 quàm immediato, tam remoto, quàm proximo: Nam il-  
 le etiam, qui traditiones negat, aut Ecclesiæ definitio-  
 nem, impingit saltem indirectè in scripturam, quæ no-  
 bis traditiones & auctoritatem Ecclesiæ tam sedulo com-  
 mendat: ut taceam, tales negatores plerumque directè iti-  
 dem & immediatè scripturam deprauare; hoc ipso quod  
 traditionum eneruandarum, & auctoritatis Ecclesiasticæ  
 eleuandæ gratia testimonia scripturæ prauè, peruersè, &  
 perfidè exponunt.

Ad secundum, negatur consequentia. Causa ex  
 dictis liquet. Quia Lutherani dum traditiones negant,  
 in scripturam traditiones commendantem obliquè im-  
 pingunt: Nec obliquè tantum, sed & directè; quia ut pra-  
 uam suam persuasionem stabiliant; novos & inauditos  
 in Ecclesia Catholica sensus scripturæ traditiones com-  
 mendanti affingunt. Sunt ergo, eruntque Lutherani Hæ-  
 retici, quoad vela retrorsum dederint.

Ait: Non ob stare scripturæ sacræ, quo minus possit esse in-  
 dex quamuis de illa, illiusque sensu à diuersis partibus litigetur: nam  
 & de Pontifice controuerti, quæ tamen non ideo inficiemur esse iudi-

cem. Respondeo; quod de scriptura litigetur, id simpliciter non impedire. quo minus iudex esse posset, si cætera non deessent, sed hoc obstare dico, quod lites istas non dirimit; quod sententiam, quando aditur, non ita profert, ut altera pars euidenter sciat, se causam obtinuisse, altera se amisisse: Et quia hoc Pontifex præstat: ideo iudex esse, & iudicis officio fungi potest, non obstante vestro litigio. Quamuis enim nobiscum de Pontifice litigetis; euidenter tamen scitis, vos à Pontifice, tanquam Hæreticos, damnatos & anathemati subiectos esse.

Cæterum, quod dixi, nos in rebus ad doctrinam, fidem, cultum, & salutem pertinentibus, alias regulas, canones atq; normas, præter scriptum Dei verbum agnoscere & prædicare; id in hunc modum refutat Alchymista. *Nisi fatuus & delirus esset, non ita loqueretur.* Tu nisi fatuus & delirus esses, non ita conuiciareris. Quid enim adfers, quo me refutes; quod tanto criminationum apparatu indigeat? Audiamus. *Verbum Dei est norma infallibilis. Si hoc ita est, stultam certè antithesin dedit, quæ iuxta enunciationem intelligitur, præter Dei verbum (scriptum videlicet) poni aliam normam ad doctrinam, fidem, cultum, & salutem. Admoneant pueri fatuum copulatum debere esse axioma, non segregatum.* Admoneant quæso pueri ægrum hunc Medicum aliud esse conuiciari, aliud, quæ ab aduersario dicta, refutare. Admoneant pueri, ut consideret, quæ dicere velit, ne tota eius oratio, tanquam inconsiderata, non in pectore, sed labris nata videatur. Expendat, qui potest, quid delirans dicere voluerit, mihiq; renūciat, ego quid dicere debuerit, video. quid dixerit, ne per coniecturam quidem assequor. Nos asserimus præter scripturam, normam infallibilem, esse alias itidem infallibiles. Argu-  
mentatur iste contra;



*Scriptura est norma infallibilis:*

*Ergo non est alia.*

Probat<sup>ur</sup> consequentia; quia copulatum debet esse axioma, non segregatum; ergo non dantur aliæ normæ infallibiles præter scriptum Dei verbum. Vide verò, quò processerit Alchymistæ amentia.

Non est aliud nomen sub cælo datum inter homines, in quo nos oporteat saluos fieri, præter nomen IESV Christi Nazareni crucifixi. Act. 4.

Ergo est tantum unica controuersiarum norma infallibilis; nam qui plures normas infallibiles statuunt, illi aliud nomen, in quo nos saluos fieri oporteat, introducunt, contra expressum sacram litterarum oraculum. Quanta igitur impietas, dura ceruice, & incircumcisis cordibus, alias normas admittere, suscipere, suspicere, & venerari? Stultiorem Alchymistam vix putes solem vidisse. Ita enim scribere debeas, mutato nomine Iesuitæ in vocabulum Alchymistæ.

Obieceram Lutheranos plures normas infallibiles statuere, quantum uis vnam duntaxat, sacram nimirum scripturam, ore jactitent: Eos enim & Augustanam Cōfessionem, & librum Concordiæ, & symbola fidei, Apostolicum, Nicænum & Athanasianum pro normis infallibilibus habere, imò etiam Schmalcaldicos articulos, & libros Lutheri. Ita enim Prædicantes in præfatione colloquii Aldenburgerensis: Referimus itaq; nos palàm & disertis verbis ad normam istam, nempe ad verbum Dei comprehensum in veteri & nouo testamento; ad veram confessionem Augustanam, & Apologiam, ad Schmalcaldicos articulos, & libros Lutheri. Quid Lullus? Discat ille stolidus de norma summa & generali hic agi. Pacatè, Alchymista, pacatè. Iam adfero Antimonium. Scio de summa regula Prædicantes agere, cum scripturam unicam controuersiarum normam ap-

pell-

pellitant. Interim tamen & hoc scio, eos sibi contradicere, quando dicunt, nullam aliam præter scripturam normam esse: & tamen cum hoc dicto, obtrudunt nobis suas illas normulas anormes & enormes: *Augustanam Confessionem, librumq; Concordiæ*: ut taceam, sanctas illas, vereq; venerandas symbolorum normas: quas si verè admittunt, laudem merentur, non vituperationem. Si suam illam asseuerationem duntaxat intelligunt de vna summa & prima; quare id claritatis & explicationis gratia non adiciunt?

Quare stentoreis vocibus clamitant, vnam præcisè esse controuersiarum normam, cumq; in rem præsentē veniunt; plures nobis enumerāt; & quidē iudicio Prædicantium, *infallibiles*: Aut si Confessionem Augustanam, & librum Concordiæ pro norma fallaci & deceptrice reputāt, mecum sentiunt, & rectè iudicant.

*Dosis XX. De Argumento pro norma  
Pseudoeuangelicorum.*

**P**Rædicantes hunc syllogismum proposuerant: si non verbis, certè sensu,

*Ille est vnica norma, cui nihil licet addere:*

*Scriptura nihil licet addere:*

*Ergo scriptura est vnica norma controuersiarum.*

Respondi in colloquio, Maiorem concedi posse, negandamq; Minorem. In Responso ad Hunnianas Theses dixi, Maiorem negandam esse: & postquam ostendi, eā cū vero nullo pacto congruere, subiici demus, Maiorem esse veram, Minorem discutiamus. Hic Alchymista totus in futias cōuersus, mirificè bacchatur, & ad *Anticyras*,  
& ne-



nescio quo me ablegat. Ecce vanitatem Papistæ. Quod in publico concessit ore, id negat calamo. Nota Iesuita vanitatem, quin & Tannero & sibi in Protocollo contradicit. Mera conuicia hæc sunt Alchymistæ furentis, & præ delirio, quid aut quomodo loquatur, ignorantis. Probè vidi in colloquio maiorem simpliciter loquendo esse falsam: sed quia rebar totum momentum in Minore esse positum; ad Minorem me contuli, sicut & in Responso feci; etsi quid de Maiore sentirem; satis innui, quando dixi; Maiorem cōcedi posse: ex gratia scilicet, & vt loqui solemus, *ex misericordia*. Etsi negassem Maiorem, in quantas, bone Deus, difficultates coniecissem Heilbrunnerum, qui in suo codice, nullam Maioris probationem habebat; quia nullam Hunnius dictauerat. Ergo aliud in Responso non dico, quàm dixi in Colloquio; vt mentitur iste Lullus. Nec in Responso, postquam de Maioris falsitate disserui, Maiorem veram esse concessi, vt impudenter iste mihi imponit: sed dixi; demus Maiorem esse veram. An qui ita de propositione aliqua sentit aut loquitur, ipsam propositionem simpliciter veram esse pronunciat? An qui dicit, demus seu faciamus hominem *alas habere*, idcirco hominem alatum esse statuit? Quid ergo nugatur Sy-cophanta iste de contradictionibus, non meis, sed quas ipse in semicerebro suo sibi comminiscitur? imò nouerit hanc esse veritatis fiduciam, vt quantumuis aliqua aduersariis largiatur, eos nihilominus prosternere, & ad nihilum redigere queat. Et quid tandem refutandi mei caussa adducit? Id nimirum, quod nec pede, nec capite constat: *Connexio falsa est*, inquit, *quia consequens est etiam, si non sit antecedens. Fiat Syllogismus:*

*Si nec norma est, nec solius norma pati nullam accessionem*  
*(hoc est, si omnis norma capax est accessionis) falsum est il-*

*lam*

lame esse unicam normam, cui nihil licet addere:

Sed illud est: Hoc ergo.

Mirum nisi Alchymista tunc, cum hac scriberet, in tertio stultitiae caelo. Ferulam scholasticam Patribus Rotenburgen-  
 si, qua solacismus corrigatur. Pergit insanire: Cum deberet  
 Gretserus argumentum negationis ad Maiorem accommodare,  
 Minoris prosyllogismum tangit. Quisquis ineptiam & fatuitatem  
 Zythulci huius propius considerauerit; is non nisi probè appotum hæc ab eo scripta esse, vel iureiurando  
 interposito confirmabit; adeo, quid dicat, nescit. Non  
 ero longior; Lecter Responsum meum videat, & de fronte  
 Bruti huius iudicet.

Verba Libanii  
 domi remissa

Nec minus insipienter refellere conatur, quæ disputavi de additione ad sacram scripturam, nimirum illam tantum additionem interdici, quæ scripturæ aduersetur. Traditiones autem, Ecclesiæ & Doctorum auctoritatem & decreta non aduersari scripturæ. Obiicit Alchymista: Hanc non esse additionem, quam quarimus, scripturæ accensere ea, quæ ei per omnia sint consentanea. Quam tu additionem quæras, nescio, quia tu ipse nescire videris. Ego eam quæro, & de ea loquor, quæ scripturæ per omnia est consentanea, qualis est additio traditionum, auctoritatis Ecclesiæ, Doctorum, &c. At cur si cum scriptura per omnia concordent, additio existimari nequeat. causam hæc reddit: quia aut sunt membra scripturæ integra (tantum: nam si membra scripturæ forent, jam non adderentur; sed in ipso quasi scripturæ complexu comprehenderentur) aut conclusiones ex scriptura: quales sunt doctrina & interpretationes scripturæ fundamento innitentes. Sicut Dialectica integra non accipit augmentum per commentarios Dialecticorum. Quam acutè omnia! Etiam scriptura integra non accipit augmentum seu accessionem per alias normas; ita ut illæ a-



hæ normæ sint partes scripturæ, quatenus scriptura est, & peculiaris norma à reliquis distincta, sed accipit augmentum; si minus, ut in scholis loquimur, *intensivè*, at profectò *extensivè*; quatenus ad illam traditiones non scriptæ, auctoritas Ecclesiæ & Doctorum tanquam norma accedunt, ita ut illis accedentibus, verum non sit dicere: Scripturam solâ esse unicam omnium controuersiarum normam. Exemplum de perfecta & integra Dialectica partim simile est, partim dissimile. Simile, quia accedentibus commentariis ad Dialecticam, augmentum accipit Dialectica, quia ei aliquid superadditur, non ut pars ipsius perfectæ & integræ Dialecticæ; sed ut expositio & declaratio eius. Et qui hoc negat, ille communi sensu eget: Dissimile autem est, quia Commentarii illi non sunt norma differendi; sed tantum elucidatio normæ differendi. At traditiones, & Ecclesiæ decreta, Doctorumque placita, ita sunt sacræ scripturæ interpretamenta, & quasi commentaria, ut simul etiam sint controuersiarum normæ. Quamuis necesse non sit, dissimilitudinem in adducto exemplo confiteri. Nam & eruditorum in differendi artem sibi vndeque concinentia Commentaria; rectissimè norma & regula differendi appellari queunt. Non enim sequitur. Est explicatio alterius normæ; Ergo non potest esse norma. Nec sequitur: Sunt conclusiones ex norma deductæ; ergo normæ rationem & officium non subeunt.

Multò minoris momenti est hæc ineptia potius, quàm consequentia Alchymistarum.

*Quæ extra complexum, & ut cum Prædicantibus loquamur, extra systema scripturæ sunt, ea sunt mensurata juxta illam mensuram, & riuli ex fonte:*

*Ergo per se non constituunt peculiares & distinctas normas.*

Sed

Sed negatur consequentia: Non enim absurdum est, ut quod vno respectu est *mensuratum*, alio respectu fiat & sit, voceturq; *mensura*. Omnes traditiones non scriptæ, respectu scripturæ, *mensurati*; respectu autem controuersiarum, quæ circa religionem existunt, *mensura* rationem habent: Non enim notioni mensuræ repugnat, ut probeatur, atq; adeo mensuretur, quamuis sit mensura ex natura sua, & non tantum ex accommodatione hominum.

*Partes normæ*, inquit Medicus, *in vnitatem collectas integritatem constituere, non augmentum & accessum ad normam jam totam, nemo non intelligit*. Siue *integritatem*, siue *augmentum*, siue *accessum* voces, parum moror, dum modo obtrineam ad scriptum Dei verbum, quod est norma controuersiarum, addi posse alia, quæ & ipsa normæ officium subeant, idque scriptura adeo non refragante, ut ipsa ad has normas digitum, ut sic dicam, intendat. Nam vtrum quis omnes controuersiarum normas simul sumptas nominare velit vnam integram, an plures partiales, id potius ad nomen, quàm ad rem ipsam spectat: nam qua ratione normæ sunt, vna integra norma, & quælibet sigillatim sumpta normæ illius integræ & adæquatæ pars appellari potest; cû verbum DEI non scriptum, quæ tale, minimè sit pars verbi DEI scripti, quæ tale, ut nec auctoritas Ecclesiæ & Doctorum; ut per se notum.

Mentitur porro Lullus, cum scribit, me ita argumentari:

*Traditiones sunt veræ:*

*Ergo sunt norma controuersiarum:*

non ita argumentatus sum; scio enim non omne illud, quod verum est, fungi officio normæ in decidendis fidei controuersijs; sed dixi, ad scripturam sine vilo scelere



addi posse id, quod cum scriptura, hoc est, cum ipsa veritate consonat, & huius generis censei traditiones à Deo olim, & à Prophetis in veteri testamento, & in nouo à Christo & ab Apostolis sine scripto traditas; auctoritatē quoq; Ecclesiæ, & Doctorum, &c. Et hæc omnia normæ officium subire, non colligimus inde præcisè, quod veritati per omnia concinunt, sed inde, quod ipsa scriptura hæc omnia, tanquam normas in rebus religionis sentiendi, agendi & loquendi præscribit & commendat, & quia absq; his fidei controuersia terminari & sopiri nequeunt: quod experimento ipso jam toties edocti sunt sectarii, & indies magis edocebuntur, nisi resipiscant.

Fatetur Medicus *Ecclesiam à suo fundamento, quod ait esse sacram scripturam, non decedere.* Est ergo auctoritas eius infallibilis. Ergo absq; dubitatione sequenda. vt ex S. Augustino affirmabam: Ergo cum vox Ecclesiæ sonat, nihil opus est vocem illam ad scripturæ normam exigere & comparare, num consonet aut dissonet; quia certum est consonare, cum Ecclesia à scriptura non decedat, vt Alchymista loquitur. Sed ait: *Vocem Ecclesiæ non ideo ad normam applicari, quod dubitetur de veræ Ecclesiæ iudicio, quæ pro diuino non habet, quod diuinum non est: sed ne decipiamur specie Ecclesiæ.* At non decipi specie Ecclesiæ facillimū est cuius non planè stulto. Illa enim vera est Ecclesia, quæ palmites suos extendit à mari vsq; ad mare, & à solis ortu vsque ad occasum. Illa item vera vox est veræ Ecclesiæ, atq; adeo vox infallibilis, cuius sonus in omnem terram penetrauit, omnibusque sæculis sonuit. Si nota hæc in Lutheranam synagogam, eiusq; vocem conuenit, tum fatebor, eam esse illam Ecclesiam, quam S. Paulus *columnam & firmamentum veritatis* appellat.

Verum hic accurrit Alchymista cum syllogismo, quem

quem adamantinum censet:

*Si nulli vnquam mortalium licuit, vt sua vel alterius commē-  
ta, aut doctrinam scripto Dei verbo contrariam traderet,  
vel in mundum introduceret, Papistica additamenta sunt  
illicita (intelligit autem per Papistica additamenta, tra-  
ditiones, auctoritatem Ecclesiæ & Doctorum)*

*Sed antecedens est, iudice Gretsero: consequens ergo.*

**Paucis, mi Lulle, nego Maiorem. Tu proba.**

*Papistica additamenta sunt scripto Dei verbo contraria.*

*Ergo, &c.*

**Negatur antecedens. Probas.**

*Venditantur pro fundamento & norma:*

*Ergo sunt illicita.*

**Nego consequentiam. Quam expeditè hunc in modum  
ostendis:**

*Nullus homo potest aliud fundamentum ponere, quàm quod  
Christus posuit:*

*Ergo, &c.*

**Concesso antecedente, negatur consequentia. Pergis:**

*Nullus homo potest quidquam ad fundamentum, hoc est, ad  
normam controuersiarum addere:*

*Ergo ista additamenta sunt illicita.*

**Concesso iterum antecedente, neganda est consequen-  
tia. Quia non scriptum Dei verbum nullus hominum  
adiicit ad scriptum Dei verbum; sed Deus ipse partim  
per se, partim per Apostolos: Et auctoritas Ecclesiæ, si-  
militer & Doctorum non est ab homine; sed à Deo; &  
cum nobis Ecclesia vel vnanimis Doctorum consensus  
aliquid proponit; id ipse Deus, eorum ministerio, nobis  
proponit. Alias igitur probationes promas oportet, si  
quid efficere velis.**

*Traditiones esse figmenta, & inuentiones humanas demonstra-*



*ur historia Ecclesiastica:*

*Ergo, & cat.*

Respondeo antecedens esse Alchymisticum, nisi forte hoc de historia Magdeburgensium intelligis. Quod si ita est, concesso antecedente, nego consequentiam. Noverris tamen Magdeburgensium historiam rectius dici *pharasticam*, quàm Ecclesiasticam.

~~~~~

*Dosis XXI. De dicto; Quod tibi precipio,
hoc tantum facito. Et de declinatione
ad dextram vel sinistram.*

IN colloquio Ratisbonensi propemodum ad raurum usque inculcarunt Prædicantes illud: *Quod precipio tibi hoc tantum facito. Omne autem illud quod Deus precepit, scripto consignatum esse, atq; adeò disertè & expresse in scriptura contineri.* Ex quo sequitur, nihil aliud agi aut credi debere, quàm qd expresse in scriptura comprehenditur: quandoquidem Deus præcepit: *hoc tantum facito, quod precipio tibi;* hoc autem totum in scripturam expresse relatum est, si non mentiuntur Prædicantes: quare quidquid agitur aut creditur, quod in scriptura scriptum non est; id ex Prædicationum decreto, malum, ipsiq; scripturæ dissonū judicandū est. Hæc Prædicantes, quæ tamen ipsi met statim alia assertionem evertunt: cum ut infinitas absurditates non nihil effugiant, docent: etiam illud agendum & credendum esse: quod etsi in scriptura scriptum non est, legitima tamen consequentia inde colligatur & deducatur, *tanquam scientia & conclusio ex demonstratione*, ut ait noster Lullista. Omne autem illud legitima consequentia inde deducitur,

tur; quod Prædicantibus allubescit & placeat: Quod non lubet nec placet; id nulla legitima consequentia ir de extundere licet.

Verum enim verò ut cunq; hæc se habeant, illud manifestum est, Prædicantes sibi non constare. Nam dicere: illa tantum esse facienda & credenda, quæ Deus præcepit, quæq; expresse sacris litteris madata sunt; & dicere, etiam illa esse facienda, quæ ex sacris litteris per bonam consequentiam deducuntur, id nihil aliud est, quàm sibi contradicere: nihil enim est aliud, quàm dicere, illa tantum esse facienda & credenda: quæ expresse scripta sunt in sacris litteris; & illa non tantum esse facienda & credenda, quæ expresse scripta sunt in sacris litteris: quia quæ ex sacris litteris deducuntur, tanquam conclusiones ex principiis, illa non sunt expresse scripta in sacris litteris.

Cæterum quod Prædicantes affirmant, illa tantum esse facienda & credenda, quæ scripto Dei verbo expresse continentur; id etiam inde liquet, quia solum scriptum Dei verbum, prout à Canonicis scriptoribus expresse & disertè scriptum est, pro vnica omnium actionum in fide & cultu regula agnoscunt. Huius tamen dogmatis sui obliti, mox illud etiam faciendum & credendum clamant, quod ex hac expresse scripta regula per bonam consequentiam deducitur. Quocirca vnam & non vnam regulam ponunt. Vnam, cum scripturam nominant. Non vnam, cum scripturæ id, quod ex scriptura deducitur, inque scriptura expresse non continetur, tanquam normam superadiiciunt. Nam quod ex scriptura tantum deducitur, illud non est ipsa scriptura, sed quid à scriptura distinctum, sicut id, quod ex *Principiis* seu *premissis* deducitur,

tur; non est ipsa *principia* seu *premissæ*; sed aliquid à principiis distinctum.

Quod verò hoc, quod ex scriptura per legitimam consecutionem colligitur; sit etiam norma agendi & credendi ex *Prædicantium* sententia, hinc manifestum euadit, quia *Prædicantes* docent, talia fide diuina & infallibili credenda & amplectenda esse. Sunt ergo norma fidei; falsum est ergo solum Verbum Dei scriptum esse normam fidei. Falsum, inquam, est, etiam ex *Prædicantium* principiis & fundamentis. Hinc itidem falsum est, nullam actionem internam aut externam *sacra scriptura* consentaneam esse, nisi illam, quæ in *sacra scriptura* expresse præcipiatur. nam & illæ actiones *sacra scriptura* consentaneæ sunt, quæ consentiunt cum dogmatibus & præceptis ex *sacra scriptura* eo modo, quo *Prædicantes* tradunt, per legitimam consequentiam deductis; quia quod congruit cum conclusione, id congruit etiam cum principiis conclusionis. *Prædicantes* ergo sua vineta cædunt, & in seipsum pugnant, cum illam tantum actionem bonam, Deoq; acceptam tradunt, quæ ex præcepto in scriptura expresse comprehenso suscipitur.

Negat Medicus, *Prædicantes* hoc affirmare. At ego eos hoc affirmare aio; & jam ostendi; licet non hoc tantum dicant, sed & sibi contradicant, dum aliud quiddam adiiiciunt, quod cum priore assertionem subsistere non valet. Quanta verborum profluentia conatus est Hunnius in colloquio demonstrare, omnia, quæ Deus Moyse & aliis præcepit, à Moyse & aliis in litteras relata fuisse, ita ut ne vnum quidem præceptum diuinum, vel fidei obiectum super sit, quod disertè non sit canonicis libris consignatum: at quidquid inde per consequentiam tantum deducitur, illud non est in sacris litteris expresse consignatum.

Ergo

Ergo expressum Dei verbum & scriptum non est vnicuique omnium actionum, tam internarum, quàm externarum in negotio fidei & cultus norma; etiam secundum Prædicantes: qui quod contrarium pariter affirmant: non est, quod mireris, quia ex eodem ore calidum & frigidum efflare didicerunt.

Mentitur ergo & calumniatur Alchymista, cum negat Prædicantes velle, illud tantum esse conforme scripturæ, quod in scriptura expressè est præceptum: Hoc enim volunt, & summa contentione asseuerant, ut jam demonstraui: licet simul etiam per leuissimam inconsistentiam sibi contradicant. Quam vero subtiliter disputat contra hæc mea verba: Nihil esse Prædicantium iudicio, scripturæ consonum, nisi quod in scriptura expressè sit præceptum: *Quod expressè præceptum est in scriptura, est forma ipsa & lex, & principium: non id, quod ei conforme vel consonum quaritur. Aliud mensura est, aliud mensuratum.* Quasi vero ego ex sententia Prædicantium locutus sim de ipsis præceptis, quæ in scriptura continentur, seu de ipsis partibus scripturæ. Nihil minus cogitaui ô Alchymista; sed locutus sum de actionibus tam internis, quàm externis: & hæc dixi, ex doctrina Prædicantium, scripturæ non esse conformes, nisi in scriptura expressè præcipiantur. Itaque superfedere poteras tua jam toties inculcata de *mensura*, & *mensurato* cantilena. Si quis ita verba conciperet: *nihil esse legi consonum, nisi quod in lege expressè sit præceptum*: an non hoc ipso loquendi modo significaret, se loqui de *mensurato*, seu de actione aliqua, quæ secundum legem sit suscipienda, non autem de ipsa lege secundum verba, quibus comprehensa est, seu de lege secundum suam essentiam? Sed Alchymista ex verbis meis integrum syllogismum contexxit;

Si id tantum faciendum, quod Deus præcipit, nihil consonum est scripturæ, nisi quod expressè est in ea præceptum:

Sed id tantum faciendum, quod Deus præcipit:

Ergo nihil consonum est scripturæ, nisi quod expressè in ea est præceptum.

Propositionem Maiorem, ait, nullius esse Evangelici. Solenne tenet. Mentitur. toto fermè biduo nihil aliud contendit Hunius, quàm illud *Tantum esse faciendum, quod Deus præcepit*: totumq; quod Deus præcepit, in scriptura discretè perscriptum esse. Itaq; verissima est illa Maior in schola Prædicantium, si hæc ultima appendix à Lullo omiſſa, adiciatur; nimirum, *omnia, quæ Deus præcepit, in litteras esse redacta*. Nam quod postea Prædicantes, necessitate preſi, si contrarium asserunt, id mea nihil refert. Non ideo nõ erunt Vertumni, quod modò in hanc, modò in illam formam sese vertant.

Dixeram, cum neq; ad dexteram, neq; ad sinistram declinare, qui *medium tenet*, hoc est, qui facit, quod ex præcepto faciendum est. *Et quidem rectè*, inquit Alchymista: Mox tamen conuiciari ingressus *stulticiam suam, & aurículas asininas*, (sic enim loquitur) exerens, mentitur me quædam *præcepta facere libera*: Vbi hoc Alchymista in meo libro legisti; si sermo sit de præcepto, propriè & strictè accepto? Licet enim vota liberè quis suscipiat, & ex consilio: at ubi jam suscepta sunt, non ex consilio, sed ex præcepto perſolui debent. Nam illud *Vovete*, consilii quidem est; sed verbum, *Reddite*, quod mox adiungitur, præceptum refert, votisq; obſtricto necessitatè perſoluendi imponit.

Re benè gesta hunc syllogismum sibi ex mea disputatione fabricat.

Qui facit, quod Dominus præcepit, is non declinat à medio:

Qui

Qui facit, quod superiores jubent, is facit, quod Dominus
præcepit.

Qui facit ergo, quod superiores jubent, is non declinat à me-
dio, hoc est, in præceptis Dei manet.

Assumptum probatur. Quia Hebr. 13. jubemur præpositis no-
stris obedire. Idemque præcipitur Deut. 17. Quid Lullista? Re-
spondemus more Salvatoris cum Diabolo disputatis: At scriptum
est: Oportet Deo magis obedire, quàm hominibus. Scribere,
opinor, volebas, certè debebas: Respondemus more Diaboli
cum Salvatore disputatis, scriptum est, &c. Sicut enim Diabo-
lus Christo, hoc est, ipsi veritati, & auctori omnis scriptu-
ræ opponebat scripturas; ita nunc tu scripturæ opponis
scripturam præuè & peruersè acceptam. Nam locus ille
ex Actibus Apostolicis nequaquàm repugnat illis ex Epi-
stola ad Hebræos, & ex Deuteronomio: Deo enim ma-
gis mos gerendus est, quàm hominibus; cū hoīes præcipi-
unt, quæ mādatis diuinis repugnāt, aut dissentanea sunt;
At tam Deo, quàm hoībus obtemperare oportet, cū re-
cta & honesta & scripturis consentanea præcipiunt. Sed
hic cauenda est Hæreticorū fraudulētia, quorum iudicio
scripturis nihil est consentaneum, nisi q̃ ipsis arridet. Ita
deniq̃ fiet, vt jam olim: Hæreticorū nō magnus hostis Eras-
mus illis obiecit, vt nulla scriptura valeat, nisi juxta sensum
ipsoꝝ, nulli Magistratui sit obediētiā, nisi qui ipsis cōsentiat. Non
est, inquit, Magistratui parendū, nisi juxta scripturā diuinā regu-
las veatur potestate; scripturas autē interpretari nostrum est, non
aliorum.

Eras. ad frat.
inf. Germ.

Placet autem, quod fatetur Lullus, locū Apostoli,
& Deuteronomii non tantum pertinere ad Magistratū
politicū, sed etiā ad Ecclesiasticū: Si tamē nomine Magi-
stratus Ecclesiastici intelligit Magistratū p̃prie, & verè
sic appellatū, nō solo noīe magistratū. De quo vehemēter

Phil. in Locis,
cir. de Magist.
Argentorati
1523.

Phil. Commē.
super Epist. ad
Roman.

dubito; utq; dubitem, facit Philippus, qui hæc in Locis;
*De Ecclesiasticis Magistratibus sic censemus. Primum ministros
esse Episcopos, non potestates aut Magistratus: Deinde, non habere
ius Episcopos condendi leges, &c. Primum ergo si doceant scri-
pturam, sic audiendi sunt, ut Christus; juxta illud: Qui vos audit,
me audit. Verum autem scripturam doceant, non erit
præsulum, sed subditorum judicare & definire. Deinde si
quid contra scripturam docuerint, non sunt audiendi. Omne ve-
rò illud contra scripturam censebitur, quod facere aut
credere nolunt subditi. Totum huius rei iudicium pe-
nes illos esto. Tertiò, si quid præter scripturam statuerint, in
hoc ut conscientias obstringant, non sunt audiendi. Nihil enim
conscientias obligat, nisi ius diuinum. Et tamen ipse Philippus
alibi fusè docet, leges politicas, & iussa ciuilis magistra-
tus, etiam conscientias subditorum ligare; & quidem sub
lethali culpa. Tandem hoc axioma addit Philippus.
Quidquid Episcopi præter scripturam imperant, tyrannis est: nam
imperandi ius non habent. Ex his, & id genus aliis infinitis a-
pertè colligitur, merum fucum esse, quando isti de Ma-
gistratu Ecclesiastico aliquid scribunt, cum nullum talem
agnoscant, eiq; non magis obediendum esse distitent,
quam quatenus iussa jubetium cuius videntur cum scri-
ptura concordare, aut ab eadem discordare, contra ex-
pressum Dei mandatum cum alibi, tum ad Hebr. 13. &
Deut. 17. subditis præscriptum, ut fatetur etiam Alchy-
mista noster, si non peccote, certe calamo & ore, qui de
actionibus liberis, & votis ita hic disputat, ut sobrium
fuisse, cum talia chartis illeuit, nemo sibi sobrius persua-
dere possit.*

Tradunt Catholici vota liberè, & ex nullo præcep-
to suscipi; suscepta autem necessariò, & ex præcepto im-
plenda esse: & nec susceptiouem, nec impletionem scri-
pturæ

pturæ sacræ aduersari. Vbi Alchymista. *Contra Iesuitam sic argumentamur:*

Quæ libera sunt relicta, nulla necessitate facere cogimur:

Ergo præcepta tantum sunt facienda.

Respondeo: Ea quæ libera relicta sunt, nulla necessitate facienda esse, antequam quis sua sponte ad illa facienda sese obliget; at postquam quis volens, sciensq; se ad ea præstanda obstrinxit; jam non liberè, sed necessariò præstare debet, q; vtrò in se suscepit. Quare non tantum ea, quæ præcepta sunt, sed & ea, quibus sponte sua quis cuique subiecit; necessariò facere oportet; quia scriptum est: *Vouete & reddite*; quodq; ante obligationem erat liberum, id accessu obligationis vtrò susceptæ sit necessarium.

Dixeram; si illud tantum faciendum est, quod per verbum scriptum propriè est præceptum, vt delirant Prædicantes, secuturum, neminem mortalium jus habuisse, vt fieret Nazaræus; cum nulli propriè præceptum fuerit, vt Nazaræorum institutum susciperet: Respondet Alchymista: *istud non sequi, sed tantummodo hoc: neminem coactum fuisse, vt fieret Nazaræus.* Hoc quidem sequitur; at non tantum; sed & illud, quod ego sequi pronunciaui. An non enim hæc est proba consecutio ex Prædicantium placitis, dictisq; extructa?

Tantum illud faciendum est, quod per Verbum Dei scriptum propriè est præceptum:

Ergo nulli fas inquit fuit Nazaræorum institutum amplecti.

Antecedens est Prædicantium; consequentia probatur. Quia institutum Nazaræorum nusquam in scriptura præcipitur; sed planè cuius liberum relinquitur. Habetne hoc loco quod hiscat Alchymista cum ratione? Nam sine ratione perpetuò habet non modò, quod hiscat, sed & quod vocifertur.

1. Reg. I.

Simili stultitia negat sequelam huius propositionis meæ. Si istud TANTVM excludit opera, quæ ppriè & strictè præcepta non sunt, vt volunt Prædicantes, sequitur Annâ, Samuelis matrem exulari non posse, cum orans ad Dominum largiter fleuit, & vouit, dicens; *Domine exercituum, si respiciens videris afflictionem, &c.* Negat Alchymista hoc sequi. Quid cum tali stipite incēptes, qui nec sua, nec aliena dicta capit? Tam certò enim sequitur, Annam malè egisse, si id tantum est faciendum, quod in scriptura ppriè & strictè præceptum est: quam certò sequitur, eum, qui hoc inficiatur, fatuum & delirum esse. Vbi enim præceperat Annæ Dñus, vt largiter fletet, vt votum nuncuparet, vt filium concipiendum diuino seruitio perpetim addiceret, vt omnem à capite illius nouaculam remoueret?

Obiicit Alchymista, in colloquio non fuisse quæstionem de adiaphoris, & liberis; *sed de necessariò obseruandis*. Sed Alchymista dicit tantum; nec tamen, quid dicat, intelligit. Clamitabat Hænnius, TANTVM ea facienda, quæ Deus præcepit: neq; quidquam in cultu & dogmatibus licitum esse, nisi quod per scriptum Dei verbum sit ppriè & strictè præceptum. Hæc vesana assertio refutata est & in colloquio, & postea publicis libris eorum exemplo, qui in cultu & religione fecerunt ea, de quibus nullum exstabat præceptum, quos tamen piè, religiosè, & sanctè egisse, ne ipsi quidem Prædicantes abnuere audent. Annon hoc vel maximè ad propositum nostrum faciebat? etsi non ad propositum Prædicantium, quos talia exempla, vel solum producta dērepentè jugulant.

Leuit. IO.

Imperitiam Prædicantium circa factum Nadab & Abiu velare conatur Lullus; sed velis solitis, nempe mendacis

dacijs & calumnijs. Aiebant Prædicantes, *istos idè tantum fuisse punitos, quod opus non præceptum fecissent; ex quo conficere volebant: Tantum illud, quod ex præcepto fit, in cultu & religione licitum esse; omne autem illud, quod sine præcepto agitur, illicitum censei; quod non nisi imperitissimè asseritur: nam duo illi, faciendo, quod illis præceptum non fuerat, violarunt præceptum de igne ad incensa & holocausta aliunde non accendendo, quàm ex igne altaris. & quia præceptum hoc transgressi sunt: ideo etiam debitas pœnas luerunt, de quo plura in Responsò.*

Obiicit Alchymista: Si Prædicantes propterea imperitiæ arguantur, ipsum quoq; Moysen simili nota inuri debere. Qua de causa? Quasi verò Prædicantes non possint esse inepti & imperiti, nisi Moyses etiam sit ineptus & imperitus. Quasi verò Moyses sit Hunnius aut Heilbrunnerus, aut alius de grege Prædicantium hircoceruus? Ait Lullus: *Si nihil omninò præcepisset Deus de incenso, illique excogitassent id de nouo, tamen peccassent in cultum aliter mādatum, & sic pœnam incurrissent; quia electio cultu præceptum cultus corrupissent.*

Hoc non est Prædicantium imperitiā defendere; sed risui magis atque magis exponere. Si in præceptum hoc impegissent; non igitur pœnis affecti fuissent ideo tantum, quod aliquid non præceptum in cultu fecissent; sed quod huiusmodi rem faciendo præceptum aliud violassent; falsum igitur est, quod Prædicantes contendunt, eam solum ob causam punitos esse, quod ausi fuissent opus non præceptum facere: hæc enim non fuisset causa puniendi; sed transgressio præcepti de non introducendo *cultu electio.*

Deinde antiquum Prædicantium deliramentum est, prohiberi à Deo simpliciter omnes cultus *electio-*

os, eos enim tantum prohibet, qui diuinis mandatis repugnant; non autem illos, qui cum præceptis Dei consentiunt, cuiusmodi cultus ille esse poterat, Leuit. 10. si non expressum de igne alieno non vsurpando mandatum à Deo editum fuisset. Quod si, vt Prædicantes somniant, omnes *electi* cultus, hoc est, qui liberè, & absque præcepto suscipiantur, prohibentur & damnantur; non igitur commisi mendacium, vt mendax Alchymista hîc scribit, quando Pseudoeuangelicis hoc enunciatum tribui: *Omne illud peccatum est, quod agitur absq[ue] expresso præcepto, in cultu nimirum & religione: quia tantum hoc faciendum est, quod Deus præcepit in verbo suo scripto, vt contendunt Prædicantes.*

Probaueram in Responso, loca Deut. 4. 5. 12. propriè loquendo non pertinere ad totum scripturæ corpus; sed tantum ad præcepta quædam Mosaica: Alchymista hoc validissimis argumentis oppugnans, has machinas intorquet:

I. *Qui vetus testamentum condidit, condidit etiam nouum:*

Ergo loca illa pertinent ad totum scripturæ corpus.

II. *Idem interdictum repetiuit Salomon, Idem Ioannes in Apocalypsi; Saluator dicit, soluentem aliquod ex mandatis, fore minimum in regno cælorum: dicit etiam, iuxta suum verbum fore vltimum iudicium: appellatq[ue] verbum Dei veritatem, lucem, & ouibus suam non alienam vocem commendat:*

Sequitur ergo, quod antea, nempe præcepta illa Israelitis à Moyse, vel potius à Deo per Moysen data: ad totum scripturæ corpus, & ad solum scriptum Dei verbum pertinere.

Et quis neget hanc consequentiam probam esse ac legitimam, cum ex tot Scripturis, quibus antecedens refer-tum est, naturali sequela, sicut lux ex sole, fluat?

Post has tam ingeniosas consecutiones mendacii non-

non nihil sese oblectat. cum ait: me locum illum Prouer.
30. *Omnis sermo Dei ignitus clypeus est sperantibus in se; non ad-
das quidquam verbis illius, &c.* reducere ad particularem
sensum. Quo jure hoc asseris Alchymista, nisi jure men-
tiendi, calumniandi, & decipiendi? Nullum verbum in
meo libro ostendes, quo id, quod tu, impostor, mihi af-
fingis, asseruerim: Nam in cap. 10. vbi probaui loca Deu-
teronomii propriè tantum spectare ad præcepta quædã
Mosaica, nullam feci mentionem dicti illius ex Prouer-
biis; sed in capite præcedenti, vbi dixi in eandem sen-
tentiã locum Salomonis interpretandum esse, in quam
loci Deuteronomii interpretatus fueram. At quomodo
illa capite nono interpretatus sum? Nonne vniuersim de
tota scriptura? Nonne de omni illa additione, quæ sacræ
scripturæ vtriusq; testamenti repugnat? An non vidisti
hæc meã verba? *Ad totum sacræ scripturæ complexum perti-
net locus Salomonis.* Os & frontem Alchymistæ, sed fron-
tem ab effronte frustra postules.

Quæsieram: si Prædicantibus ad eò legalibus esse
libet, *ut hoc tantum*, & quidem omne illud, quod in sa-
cris litteris præcipitur, agere velint; cur non circumci-
dantur, cum hoc expressè sit præceptum? Respondet
Alchymista: *Legem circumcisionis jam sublatam esse; ut & ali-
as ceremoniales.* Non ignota refers, scimus à Christo sub-
latam. Interim tamen & hoc scimus, si quis more Hun-
niano urgeat verba illius præcepti: *Hoc tantum facito*; nul-
lamq; restrictionem aut explicationem præcepti illius
adterat, aut adferri patiatur; non immeritò à tali dispu-
tatore quæri; cur non circumcidatur, cum hoc expressè
sit præceptum in ea ipsa lege, in qua scriptũ legitur: *Hoc
tantum facito, quod ego præcipio tibi*: præsertim cum non ita
sit abrogata; quin sine peccato in synagoga Lutherana

vsurpari possit, vt docet Philippus Melanchthōn, cuius
Melan. loc. de hæc sunt verba: Quid senserit de ceremoniarum abrogatione,
abrogat. legis Hieronymus, etiam constrina norunt; sed in ea disputatione, quos
Argent. 1523 secutus sit, ipse viderit. Scriptura certè liberas facit omnes huiusmo-
 di obseruationes, vt inter Iudeos Iudaicos ritus: inter gentes, gen-
 tiles seruare possis, &c. Errat qui exigit circumcisionem tanquam
 necessariam. Errat item, qui vetat circumcisionem tãquam impiã,
 &c. Hæc Melanchthōn, non obstante illo ad Galatas: Et-
 ce ego Paulus dico vobis, quoniam si circumcidamini, Christus ni-
 hil vobis proderit. An fortè Melanchthōn maior Paulo; aut
Luth. epist. ad equalis? Audiamus Lutherum: Volumus Paulo suam quoq;
Meläch. præ- gloriam saluam, ne quando jaſſet aliquis, Philippum esse Paulo su-
fixa Annota. periozem vel æqualem. Sufficit te proximum Paulo esse.
super ep. ad
Rem.

Loca Deuteronomii non tantum intelligi de verbo
 Dei scripto; sed etiam de non scripto, copiosè demon-
 strauit in Responso. Alchymista solito acuminere con-
 tra me gerit:

Saluator citat scripturam: & Psalm. 40. In volumine libri
 scriptum est de me. Et Esa. 29. Et audient in die illa (tem-
 pore noui testamenti) verba libri, &c.

Ergo loca Deuteronomii tantum de verbo Dei scripto ac-
 ciipiuntur; nulla autem ratione de verbo Dei non scri-
 pto.

Vides, lector, acumen Varnæ, quod tamen clarius ad-
 huc elucescit in his, quæ subiungit. Volens enim de-
 monstrare Moysen omnia sibi à DEO mandata lit-
 teris mandasse: & omnia ad salutem necessaria in
 scripto DEI verbo comprehendi, sic argumenta-
 tur:

Audi-

Audiant Moysen. Luca 16. Et Ioannis 5. Scriptura testatur de me, & in ea est vita: & scripta sunt ea, quæ sufficiebant ad fundamentum Ecclesie sicut & D. Ioannes loquitur de miraculis Christi ad fidem.

Ergo quidquid Deus unquam precepit, vel Moysi, vel alteri, id scripto Dei verbo comprehensum est.

Præterea:

Saluator repudiat traditiones veterum non scriptas, & multa alia signa fecit. I E S V S in conspectu discipulorum suorum, quæ non sunt scripta in libro hoc: hæc autem scripta sunt, ut credatis, quia I E S V S est filius DEI, & credentes vitam habeatis in nomine eius.

Ergo omnia quæ Deus in veteri & nouo testamento tradidit, scriptura sacra consignata sunt.

Hocine est argumentari Alchymista, an fatuari?

Quia verò mentionem fecisti loci illius Ioannis de miraculis Christi, toties ab orthodoxis scriptoribus explicatis, quærere ex te lubet, an quis obligatus sit credere illa miracula, quæ Ioannes testatur Christum fecisse, nec tamen scripto consignata esse? Si ais, credenda esse: ergo aliquid credendum est, quod in scriptura non continetur. Si negas credenda esse, concedere ergò debes, illum hæreseos nota notari non posse, qui miracula illa non scripta inficietur. At quis tam delirus est, qui talem inficiatorem ab hæreseos crimine absoluat? Si dicas: miracula ista licet in scriptura non sint scripta; hoc ipso tamen fidem mereri, quod generatim saltem in scriptura affirmetur, ea à Christo patrata esse: Respondeo, hoc ipso nomine etiam traditiones, seu non scriptum DEI verbum firmum. M m m dem

dem mereri; quia generatim saltem scriptura nobis indicat præter scriptum Dei verbum, aliud non scriptum in Ecclesia superesse.

Loca Deuteronomii non pertinere, nisi ad certa quædam præcepta à Moyse tradita; probavi etiam ex vobula *hodie*; quæ præceptis illis non raro additur: eò quod certum definitumque tempus significet. Occurrit Alchymista:

In Psalmo 2. Filius meus es tu, ego hodie genui te: vox hodie non signat tempus præsens:

Ergo neq; tempus præsens denotat, cum Deut. 13. dicitur: Quæ ego tibi præcipio hodie: aut cap. 12. ubi legitur: omne verbum, quod ego tibi præcipio hodie, custodies servare.

Hæc tam acuta sunt argumenta, ut nulla Antimonii dosi exacui posse videantur. Interim tamen, quisquis hæc non adorat, is ab hoc Alchymista *asinus Cumanus, fatuus, delirus, stultus, & quid non? audit.*

Dosis XXII. De verbo lumine, deq; dicto S. Pauli: Cetera, cum venero, disponam. & de illo: Sed licet nos aut Angelus de cælo, &c. Gal. 1.

Mat. 5.

Dictum Christi est: *non potest ciuitas abscondi supra montem posita; neq; accendant lucernam, & ponunt eam sub modio, sed super candelabrum, ut luceat omnibus, qui in domo sunt.* Aduersus hoc Redemptoris nostri dictum agere dicebã illos, qui sacram scripturam proprii ingenii angustis penetrare moliantur; hos enim, contempta Ecclesiæ, veterumq; Doctorum auctoritate, quæ est veluti *lychnuchus*

& candelabrum, lucernam sacrae scripturae sub proprii cerebri quasi modio abdere. Vbi Alchymista. *Ex qua Ecclesia didicisti hunc sensum?* Ex ea, in qua Dei munere, dego, nimirum ex Catholica. *Adi, inquit, Dialecticam, & vide proportionem terminorum: Modius ingenium angustum: candela scriptura sacra.* Atqui si quid in Metaphora peccatum esset, potius ad Rhetoricam, quam ad Dialecticam ablegandus eram; Rhetorum enim potius est praecepta de Metaphoris aptè formandis tradere; quam Dialecticorum: id enim cum aliunde, tum ex Aristotelis & M. Tullii Rhetoricis operibus mihi didicisse videor. Mirum autem tibi insolitum videri, si scriptura Metaphoricè sit *candela* seu *lucerna*; hac enim voce usus sum, non illa *candela*, quam de tuo apponis. Quid apud Prædicantes vulgatus, quam illud: *Lucerna pedibus meis verbum tuum?*

Iam quod modius rectè transteratur ad proprium, priuatumq; ingenium: Id hinc planum fit, quod omnes illi, qui scripturam proprio ingenio explanare & interpretari conantur, scripturae lumen potius condunt, quam promunt, & quantum in se est, efficiunt, ut non luceat omnibus, qui in hac magna Ecclesiae domo viuunt, cum priuatum, propriumq; ingenium non sit ita comparatū, ut insitum scripturae lumen ad omnes diffundere & transmittere queat. Ut ergo solem in publico, omnibusque communi loco constitutum esse oportet, quo lux eius ad omnes pertingat, ita & scriptura sacra in publico & sublimi Ecclesiae domicilio collocata esse debet, ut radios suos ad omnes mittat: & ut is, qui solem de caelo detraheret, eumq; si quæ vires hoc permetterent, sub terra abderet, mortales solis splendore priuaret; sic & ille, qui scripturae solem, ex Ecclesiae, ut ita dicam, caelo, deripit, & ad modicas ingenii sui angustias redigit, lucem scriptu-

ratum ex mun. tollit, & omnia tenebris inuoluit.
 Obicit Lullus. *Quomodo subiicere modio lumen is potest?*
qui cupit lumen penetrare, & id cognoscere? Imò hoc ipse lumē
 scripturæ modio subiicit, quod proprio ingenio id cog-
 noscere & penetrare contendit, absq; Ecclesiæ magiste-
 rio; quia hac *modii* metaphora nihil aliud intellectum vo-
 lumus, quàm conatum illum, inanemq; laborem, quo se
 macerant Hæretici, cum sacras litteras ex Ecclesiæ *can-*
delabro detractas, quasi domum secū deferunt, priuatimq;
 lumen illud scripturæ propius & penitus intueri & cog-
 noscere student; cum sub illo modio priuatę cognitionis
 & auctoritatis non luceat; nec alibi, aut aliunde, nisi in &
 ex Ecclesiæ *candelabro* illuminet. Porro, quod Chymicus
 noster Metaphoram *Modii & lucernæ* tanquam proporti-
 onis expertem, ex Dialectica corrigendam existimat;
 vereor, ne & Christum leges Metaphorarum doceat,
 cum Apostolos *salem* terræ, & *lucem* mundi nominat. Quę
 enim, dicit, proportio *salis & lucis* cum Apostolis?

Dictum illud Apostoli; *Cetera, cum venero, disponam:* a-
 it Alchymista *pertinere ad caeremonias & ritus Ecclesiasticos:*
 Sit ita. An ideo traditiones non erunt, quia in caeremo-
 niis & ritibus consistunt? An ideo falsum non erit Prædi-
 cantium assertum, quando clamant, omnia, quæ ad cul-
 tum & religionem pertinet, sacris litteris consignata &
 perscripta esse: neq; enim vllum tam stupidum, præter
 Alchymisticos cinisfohes, fore arbitror, qui inficietur,
 ea, de quibus se præsentem dispositurum promiserat A-
 postolus, ad religionem, diuinumq; cultum pertinuisse.
Et libera erant, ait Chymicus, *nec obseruatu ad salutem neces-*
saria. Vnde verò hoc probat? An ipse Paulus ait; *cetera cum*
venero, disponam, sic tamen, vt vobis integrum sit ea serua-
 re, aut negligere, acceptare aut repudiare?

Locum Apostoli ad Galatas 1. quo veratur, ne quid recipiamus, præterquam, quod vobis *Euangelizatum* est, restringere videtur S. Augustinus ad scriptum Dei verbum, quasi nihil sit admittendum, quod in scripto Dei verbo non continetur. Respondi inter cætera: Etiam traditiones, auctoritatem Ecclesiæ & Doctorum in scripto Dei verbo comprehendi, saltem *virtute & potentia*, quatenus scriptum Dei verbum hæc omnia nobis commendat, & amplectenda tradit. Quid Alchymista? *Elumbe & stolidum* est, quod fatuus ille & pavidus sophista de actu, potentia, repugnantibus, præterpositis, seu disparatis garrat. Verba (Augustini) sunt aperti sensus, nec possunt corrumpi vlla sophistica. Nemo putet nos vitiosissimos illos blaterones pluris aestimare Spiritu S. & veritate Augustini. *Figmenta sordida sunt; nec possunt ex scriptura vlla authentica demonstrari.* Cum olim quidam gentiliū spectaculorum nimii amatores suam consuetudinem adeundi Circum, theatrum, & amphitheatrum defendere conarentur: quod scriptura aditionem huiusmodi non vetaret: argumenti indignitate motus Tertullianus, *quam vana*, inquebat, imò *desperata argumentatio* eorum, qui dicunt, nullam eius abstinentia mentionem specialiter vel localiter in scripturis determinari, quæ directò prohibeat huiusmodi conuentibus interesse seruū Dei. Quonemine affecisset Tertullianus hæc & similia Alchymistæ respōsa, quæ tertio verbo quoq; audire cogimur. Sed causæ, quam defendit iniquitas, & Chymicæ naturæ geni-

Tertull. lib. de
spect. c. 20.

us non promunt alia responsa, quam ex ca-

luminis & criminationibus con-

sarcinata.

Dofis

Dosis XXIII. De dicto S. Pauli: Omnis scriptura diuinitus inspirata, &c.

2. Timoth. 3.

EX hoc loco dicebam, Prædicantes hunc syllogismum contexere:

Illud quod hominem perfectum reddit, instructumq; ad omne opus bonum, est vnica norma omnium controuersiarum:

Sola scriptura reddit hominem perfectum, instructumq; ad omne opus bonum:

Ergo sola scriptura est norma omnium controuersiarum.

Concessa Maiore, negaui Minorem, quod scriptura reddat quidem hominem perfectum, sed non sola, nec ut totalis, sed ut partialis regula. Quid Alchymista? Nimirum id, quod solet. Exclamat: *Adesto Tannere per Deum, & ipse iudica.* Iam adest Tannerus, aitq; se nunquam stultiores phantasten audiuisset, aut vidisset in *Dialectica & Theologia* tota quam te: hoc enim liquidum esse, cum ex tota *Analysi* tua, tum ex illis, quæ nominatim contra Gretseri *Responsum* scriptitas, præsertim hoc loco, ubi vesaniæ tuæ perquam manifesta documenta edis.

Male te habet adiecta ad Minorem vöcula illa: *Sola.* At si malè te habet, non mecum, sed cum Prædicantibus expostula; illorum enim est hæc enunciatio: *Sola scriptura reddit hominem perfectum;* & quia Prædicantiū est, ideo à nobis negatur. *Otiösa,* inquis, est illa vöx, *sola.* Hoc tuis Prædicantibus cane, non nobis. *Mollissime,* inquis, sequitur, omissio illo vocabulo. Quid sequitur? hoc videlicet:

Perfectum reddens hominem est norma vnica controuersiarum fidei, in qua perfectio quaritur:

Sacra

Sacra scriptura reddit hominem perfectum:

Ergo sacra scriptura est vnica norma.

Mollissimè profectò, & lanceo quodammodo pede sequeretur conclusio, si *premissa* sine vlla distinctione à nobis concederentur; at cum nemo sit tam plumbeus, qui non videat tam Maiorem, quàm Minorem *mollissimè* distinguì posse & debere; ideo nemo etiam tam plumbeus est, qui vanitatem conclusionis & iactantiæ tuæ non animaduertat. nam si sensus Maioris sit, illud esse vnicam controuerfiarum normam, quod solum & vnicum reddit homines perfectos; conceditur Maior: sed statim redundabit distinctio ad Minorem, eamq; falsitatis coarguet: si enim subsumas; *Sed sola & vnica scriptura reddit homines perfectos*: Negabitur Minor. Vbi remanebit Conclusio? Maior item vera est de causa totali perfectionis; sed hoc sensu falsa erit Minor. Vbi ergò *mollissima* illa tuæ conclusionis sequela? Quod si Maior de sola partiali perfectionis causa intelligatur, jam pridem pleno ore à nobis negata est, totiesq; negabitur, quoties à Prædicantibus, aut Prædicantium Alchymisticis subsidiariis proponetur. Et quare tu syllogismum à me propositum corrigis; & quidem ineptissimè? Non enim meus est, sed Prædicantium; qui vt euincant solam scripturam esse omnium controuerfiarum normam, confugiunt ad locum prædictum Apostoli, ex eoq; argumentum supra adductum conficiunt. Dic Alchymista, si quis hanc quæstionem; *Virum sola scriptura sit norma controuerfiarum*; in modo aliquo syllogistico affirmatiuè concludere velit; an non vocem, *sola*, in conclusione, & in aliqua *premissa* adicere debeat; sicut si quis hanc quæstionem inferre contenderet: *solum homo esse risibilis*: vtiq; vocem *solum*, in ipsa conclusione, & in aliqua *premissa* exprimere deberet.

Quid tu igitur

Nnn

nuga-

augaris de voce *sola* tanquam *otiosa*, & in syllogismo minime collocanda, cum totius controuersie momentum in hac voce consistat?

Immaniter boar & conuiciatur, quod in conclusione vocem *unica* præterii, positam tamen in Maiore. Sed conuiciatores cæci sunt. Nam vox *sola*, & vox *unica*, synonyma sunt. Si enim *sola* scriptura est norma omnium controuersiarum; erit etiam *unica*. Sicut si solus sol diem efficit, vnicus utique sol diem efficit. Et si scriptura est *unica* norma omnium controuersiarum; erit etiam *sola* scriptura norma omnium controuersiarum: Sicut si vnicus sol efficit diem, utiq; solus etiam sol diem efficit. Itaque quis nisi Alchymistico fumo occæcatus has propositiones eiusdem, ut sic loquar, tenoris & valoris esse non videt? *Sola scriptura est norma controuersiarum. Sola scriptura est vnica norma controuersiarum. Unica scriptura est norma controuersiarum.* Siue enim vox *Unica* adiungatur voci *Norma*, siue voci *Scriptura*, idem sensus existit. Quod si Lullista vocem *unica* adeo in conclusione desiderat, addat licet. Sed quid inde consequetur, negata Minore? *Remoue*, inquis, *inutilem illam, & alienam SOLAM.* Quam *solam*? Sed noto, Arsenicarii acumen plulquam *sutorium*. Cruciat illum vox *sola* in Minore. At si tibi cruci est, culpam confer in Prædicantes, quia Minor illa non est mea, sed Prædicantium: Si enim mea esset, non negaretur à me, cur enim vineta mea cederem?

Si negat *assumptum*, inquis, *vocem Spiritus sancti negat.* Imò vocem Prædicantium nego, non Spiritus sancti. Hec enim vox, *Sola scriptura hominem perfectum reddit*; à Spiritu sancto nunquam profecta est: ut nec ista: *Scriptura homi-*

nem perfectum reddit: si sensus sit; sola scriptura tanquam
causa totalis hominem perfectum reddit. Maior, in-
quis, est concessa. Ita est. Concessa est & Minor. Men-
tiris. Negavi & pius Minorem: & denuò nego. Nam
hanc ponit:

Scriptura reddit hominem perfectum.

Iterum mentiris: Non enim hæc Minor est; sed ista:
Sola scriptura reddit hominem perfectum. Magno discrimine
distant istæ propositiones: *Sola scriptura hominem perfectum
reddit.* Et, *Scriptura hominem perfectum reddit:* Tantum enim
distant, quantum istæ: *Solus homo est animal mortale. Homo
est animal mortale.* Inter quas tanta est differentia, ut prior
à vero sit longè remotissima; posterior veritati quàm ma-
ximè consentanea.

Sequitur aries iudicio Chymici ineuitabilis: at
meo non magis quàm fulgur ex vitro formidabilis:

*Si effectus ille non est etiam solius scriptura, non potest dici
quod perfectum reddat hominem: nisi in rem seriam & sim-
plicem colores Rhetoricos inducere velis.*

*Nisi spiritum sanctum rectè hunc effectum perfectionis ei tri-
buis, & sine furo Rhetorico, palam est & irrefraga-
bile.*

Est ergo etiam solius.

Respondeo, Maiorem esse Alchymicam, & aurisfacto-
riam; hoc est, vanam, inanem, futilem, vno verbo Li-
bauianam. Et gemellam huic. Si tribus vnam trabem tra-
hentibus effectus ille non est etiam solius Petri, v. g. non potest
dici, quod Petrus trabem illam trahat. Ergo, ut pauci & me
& te expediam, negatur Maior. Tu proba. At quid ju-
beo? Iam probas etiam iniustus.

Propositio declaratur stulticia enunciationis Logice, quæ fit contra affectionem argumentorum:

Ergo Maior est vera.

Pulchrè. Vltèrius perge. Euidens textus est Spiritus S. de hac ordinaria causa, quod scriptura instruat hominem, & perfectum reddat ad omne opus bonum, qui est finis perfectus. Vbi verò euidens ille textus, quod sola scriptura hoc faciat? At non facis hoc, inquis, nisi sola hoc faciat. Argutè, quia perinde, ac si dicas: sol non generat hominem, nisi solus generet. Homo non generat hominem, nisi solus generet. Et tamen sol & homo generant hominem ex decreto eius, quem tu principem Philosophorum, Lutherus tuus propemodum Diabolum incarnatum appellat.

Rursus argumentatur an tatuatur Chymicus?

Si Spiritus sanctus particularem perfectionem scripturæ tribueret, falsum enunciaret, quod ad omne opus bonum instrueret hominem:

Sed hoc est impium & blasphemum:

Non ergo particularem perfectionem tribuit.

Respondeo, Maiorem esse falsam: Tu quomodo probas? Particularis perfectio non potest omne opus consequi. Respondeo. I. Non posse per se, ut est causa partialis, posse tamen adiuuantibus & concurrentibus cæteris causis; sicut solus pes aut manus, ut sunt causæ partiales, non possunt solâ suâ operâ perfectionem dare corpori, ut instructum reddatur ad omnem functionem corporis, possunt tamen dare hanc perfectionem concurrentibus & adiuuantibus causis cæteris: Quo fit, ut totam corporis perfectionem efficiant, at non totaliter, sed partialiter. Sicut igitur verissimè asseritur pedes & manus utiles esse ad hoc, ut homo physicè sit integer, & ad omne opus Physico corpori competens instructus, licet tantum sint causæ
partia-

Partiales huius perfectionis, & ad omne opus physico corpori consentaneum instructionis; ita & Apostolus de scriptura diuinitus inspirata verissimè asserit, eam esse *utilem ad docendum, &c. ut perfectus sit homo Dei ad omne opus bonum instructus*: licet sacra scriptura huius perfectionis, & ad omne opus bonum instructionis sit tantum causa *partialis*. Quod alio item exemplo declaratur. Nam si plures eandem domum simul extruant, de quouis verè affirmatur, operam eius utilem esse ad hoc, ut domus sit perfecta, & ad omne commodum instructa. Et tamen nemo est tam rudis & hebes, qui quemlibet fabrum dicat huius perfectionis *totalem* causam esse, cum quilibet singulatim spectatus sit tantummodo *partialis*; omnes autem simul & collectiuè sumpti causa *totalis*. Deinde ex superabundanti hoc responsum adiicio: Scripturam, licet sit causa *partialis*, posse tamen, ut iste loquitur, *omnem perfectionem consequi*, seu attingere & efficere, si non immediate, certè mediatè per alias causas. Itaq; licet scriptura in se, & per se *explicitè* hominem ad omne opus bonum non instruat; instruit tamen *implicitè* & mediatè ad omne opus bonum, hoc ipso, quod eorum operum, quæ ipsa immediate non tradit, magistros, & ut sic vocem; Præceptores monstrat. Sed responsum hoc bilem mouet Alchymista, ut paulò post videbimus.

Arguit me mendacii, quod scripsi, de quauis scripturæ parte rectè affirmari, quod Apostolus affirmat de scriptura generatim; esse nimirum utilem ad docendum, ad arguendum, &c. Si hoc, inquit, verum est, sequitur, quod *quartum præceptum perfectum reddat hominem ad omne opus bonum*. Hoc sequitur, Alchymista, quartum præceptum esse *utile ad docendum, ad arguendum, ad corrigendum, ad erudiendum in iustitia*, quæ omnia de scriptura affirmat Apo-

stolus *ut perfectus sit homo Dei*: ex vi etiam huius præcepti, tanquam causæ partialis. & *ad omne opus bonum instructus*: ex vi etiam huius præcepti, tanquam causæ partialis; instructionem ad omne opus bonum *partialiter*, ut ita loquar, suppeditantis. Quo fit, ut minimè sequatur, quod Alchymista inferat: *Omne opus bonum esse in quarto præcepto*. Sed hoc duntaxat: Quartum præceptum esse quasi quandam *concausam*, cuius beneficio homo ad omne opus bonum instruitur: sicuti minimè sequitur; omne bonū hominis esse in manu aut pede, quòd manus & pes etiam concurrat ad hoc, ut homo instructus sit omni bono, hoc est, tota integritate & perfectione corporis.

Discrepantiam inter me & R. P. Tannerum tibi oblectationis causa commisceris. Tannerus enim in sua Relatione nihil aliud dicit, quàm non esse idem, ut hallucinantur Prædicantes, utilem esse scripturam, & *sufficientem* esse scripturam; alias secuturum, quemlibet scripturæ librum esse *sufficientem*, cum Apostolus dicat: Omnis scriptura, &c. At ego nō de *sufficiencia* locutus sum, sed de utilitate: dixiq; , & etiamnum dico , omnem scripturæ partem , utilem esse ad docendum, ad arguendum, &c. quod P. Tannerus neq; negat, neq; vnquam negavit. Distingue Alchymista inter utilitatem & *sufficienciam* , & calumniæ tuæ statim evanescent.

Nunc ex verbis meis huiusmodi syllogismum forma: quàm probum ipsemet architectus viderit:

Quod generatim affirmat Apostolus de scriptura, id de quavis scriptura parte rectè asseueratur.

Apostolus 2. Tim. 3. de omni scriptura affirmat, quod sit diuinitus inspirata, & utilis ad doctrinam, ad redargutionem, ad correctionem, ad institutionem, quæ est in iustitia, ut sit perfectus Dei homo, & ad omne opus bonum apparatus.

Ergo de qualibet parte scriptura rectè asseueratur, quod sit in-

spirata, &c. ut perfectus sit, &c.

Atqui Tannerus negat conclusionem, inquit Alchymista. Atqui te mentiri testatur Relatio R. P. Tanneri; nam Tannerus loquitur de *sufficiencia* ad omne opus bonum; aliud est *sufficiencia*, aliud utilitas. Quilibet liber scripturæ, imò quælibet scripturæ particula utilis est ad docendū, ad arguendum, &c. ut perfectus sit Dei homo; sed non quælibet est per se *sufficiens* ad hoc, ut homo Dei sit perfectus, ad omne opus bonum instructus; sicut quilibet faber utilis est ad hoc, ut domus perficiatur, utque ad omnem commodum habitandi vltum instruatur: sed non quilibet faber ad hunc finem est *sufficiens*; *sufficiens* inquam, *sufficiens* inquit & Tannerus. Arrige aures, Lullista, & exporrigere frontem, ut desinas calumniari de dissidio inter me & Tannerum. Quid verò illud sibi vult? Atqui Tannerus conclusionem negat. Anne putas Tannerum adeo in Dialecticis imperitum, ut concessis præmissis neget conclusionem, si syllogismus sit legitima forma vestitus? Deinde quidquid sit de propositione illa, prout à te per syllogismum infertur (potest enim fieri, ut quis merito neget veram propositionem, non præcisè quatenus vera est, sed quatenus ex præmissis legitimè, & ex arte non infertur seu colligitur) an tu tam vecors es, ut credas, te cuiquam persuasurum hoc plusquam portentum, nempe P. Tannerum negare, quamlibet sacræ scripturæ partem esse *diuinitus inspiratam*: esse *utilem ad docendum, ad arguendum, ad corrigendum, &c.* ut perfectus sit homo Dei, ad omne opus bonum instructus? profectò nimis multa de credulitate & facilitate auditorum tibi polliceris, si hoc polliceris.

Quam verò subtile argumentum illud, quod iste exstruit ex meo de paribus corporis humani

exem-

exemplo. Si quemadmodum membra corporis humani singula in se suas perfectiones particulares habentia, concursu suo reddunt absolutum, perfectumq; ita membra quoq; sacra scriptura singula in se suas partiales perfectiones habentia, constituunt totam scripturam perfectam ad hominem reddendum perfectum in omni opere bono: Consequens est, sacram scripturam integram, omninoq; absolutam & perfectam esse, & solam consequi finem suum posse in homine ad omne opus bonum perficiendo. Hæc Maior est huius Alchymistici syllogismi, qua vix in vita legi maiorem, & longiorem; & si subtilitas æquaret longitudinem, subtilissimam quâ prius nominarem. Quid quod necdum finis est huius Maioris? Hanc enim annexit appendicē, quasi onerariæ naui cymbulam: *Est & hoc consequens, nihil ei addi, nec detrahi posse omnino absque iactura, & deformatione in substantia.*

Iam videamus Minorem, quæ forsan breuitate sua penfabat prolixitatem Maioris: *Sed illud est, aduersario teste; Hoc ergo, &c.* Respondeo sequelam Maioris esse falsam & mendacem; cuius falsitas, ut euidentius elucescat, exemplis demonstrabitur. Si membra singula, singulas suas perfectiones habentia, reddunt hominē concursu suo absolutum, perfectumq; consequens est, corpus hominis nunquam esse vllius effectus causam partialem, sed tantum totalem; Sed verum est illud; ergo & hoc. Quantum valet sequela huius Maioris, tantum valet sequela Maioris Alchymisticæ. Licet enim membra concursu suo corpus in perfectione corporis constituent, atque adeo perfectum corpus reddant, minimè tamen propterea hoc perfectum ex omnibus suis partibus coagmentatum corpus, eam perfectionem consequitur, ut se solo postea quemuis effectum producere queat; nam non obstante perfectione corporis, indiget ad aliquos effe-

ctus

Aut ope & concursu aliarum caussarum, quarum respectu ipsum causa partialis est, sicut & alia causa partialis duntaxat sunt respectu illius: (neque enim Petrus ideo, quia ex omnibus partibus physicis & integrantibus corpus compactum habet, potest solus lapidem molarem de loco ad locum transferre, sed eget subsidio aliarum caussarum partialiter ad hanc translationem concurrentium) ita & in nostro proposito: licet corpus sacrae scripturae ex omnibus suis partibus componatur, perfectumque & absolutum corpus reddatur, non sequitur tamen, quod ob hanc suam *in esse*, ut sic dicam, *scripturae* perfectionem à partibus datam, quidvis aliud per se solum efficere queat; neque ullius alterius causae auxilio egeat. Inter cetera autem, quae scriptura sola, & per se praestare nequit, hoc etiam unum est, quod se sola & per se nequit dirimere & terminare omnes fidei controuersias, consequenter neque per se sola tanquam causa totalis ad omne opus bonum sufficit, quia terminare controuersias, opus est utique longè optimū, & planè eò pertinens, ut homo Dei sit perfectus, & ad omne opus bonum instructus. Nec quidquam ideo de scripturae perfectione decerpitur; quia non est perfectionis posse quidvis; sed posse id quod natura ut possit, tanquam debitum exposcit.

Sed ecce alium syllogismum ex furnulis Libauianis.

Qui negat scripturam tribuere perfectionem omnem in hoc mundo ad salutem necessariam, is contradicit Spiritui sancto:

Id facit Grotius:

Ergo, &c.

Respondeo Maiorē esse falsam, si intelligatur de scriptura sola: adeo enim is, qui negat solam scripturam tribue-

re omne perfectionem ad salutem necessariam non contradicit Spiritui S. ut potius is, qui contrariū asserit, manifestissime Spiritui S. refragetur, ut jam sæpius ab orthodoxis demonstratum est. Neq; S. Paulus ad Timotheum id tradidit, cum tantum asserat, omnem scripturam esse utilem ad docendū, ad arguendū, &c. *ut perfectus sit homo Dei, ad omne opus bonum instructus.* licet enim hæc perfectio hominis Dei, & ad omne opus bonum instructio ex scriptura proficiscatur, non tamen ex *sola*, de quo solo cum aduersariis contendimus: nam ut vno exemplo rem planiorem faciam, perfectio hominis Dei, & opus bonum est, ut credat Epistolam ad Philemonem esse Canonicam; ad hanc perfectionem, & ad hoc opus bonū, vbinam, quæso, hominem Dei perficit & instruit scriptura per seipsam, & quidem solam, tanquam causa *totalis*? nam tanquam causa *partialis* etiam ad hoc opus bonum Dei hominem perficit, hoc ipso, quod *partialiter* ad totam hominis Dei perfectionem concurrat; in tota autem hominis diuini perfectione, hæc etiam, de qua modò dicebam, perfectio comprehenditur. Nimium autem imperitus fuerit, qui inficietur causam *partialem* suppeditando vim & perfectionem *partialem*, itidem concurrere ad perfectionem *totius* constituendam; cum perfectio totius nō aliunde existat, quam ex collatione & contributione partium: ad perfectionem enim totius domus quæuis causa partialis concurrat: licet tantum vim & perfectionem *partialem* ædificio illi suppediter: ut non repetam, quod jam supra dicebam; scripturam ad omne opus bonum instruere, *mediate* scilicet, quia monstrat vnde petenda sit instructio in illis, quæ ipsa disertè non tradit.

Petit Alchymista huius rei probationem: *Vbi leu-
itica probatio?* neq; exspectat, dum à me reddatur: *Nempe
ex hoc dicto*, inquit, *dic Ecclesia*. Imò syllogismū, quasi à me
ex hoc dicto confectum proponit: hoc præfixo lemate.

Syllogismus. Christus dicit: dic Ecclesia, quam si non audis, &c.

*Ergo sacra scriptura demonstrat, unde petenda sunt cetera,
quæ ipsi desunt.*

Subiungit Alchymista. *Deliras*. Secum loquitur, non me-
cum. Verè enim delirat, & quidem mendacissimè: Nam
eo loco Responsi, quem hic exagitat, nullam penitus fe-
ci mentionem præcepti illius de re ad Ecclesiam deferē-
da, multoq; minus syllogismum talem texui, qualem de-
lirus iste comminiscitur. Itaq; nihil aliud, quàm sua deli-
ra mendacia hic proponit & refellit. Et quamvis dixis-
sem, scripturam loco citato monstrare nobis quasi in-
tento digito, quonam instructionis gratia nos conferre
debeamus, si quid forè eiusmodi existat, quod alia ratio-
ne dirimi nequeat, nihil peccati, opinor, admissem. An
non enim commendat nobis scriptura eo loco, ut & a-
libi passim, auctoritatem Ecclesiæ, hoc est, Præsulum,
Pastorum, & Doctorum? An non hæc maxima Ec-
clesiæ auctoritas, quod loco Ethnici & publicani ha-
bendus sit, quisquis Ecclesiæ vocem audire renuit? *Si,*
inquit, *peccauerit in te frater tuus, &c.* quid si non in qua-
lecunque, sed in infidelitatis crimen incurrat, & ad sa-
niores mentem regredi nolit; tametsi admonitus, eo,
quem Christus præscribit, modo? Quid facio opus?
Dic Ecclesia. Si Ecclesiam non audieris, hoc est, si iudi-
cio definitiuo Ecclesiæ non steteris; *sit tibi sicut Ethnicus
& publicanus.* Ergo sententiæ illius obsequendum est, &
consequenter, Ecclesiæ quoq; auctoritas & decreta nor-
mæ locum apud nos obtinere debent, secundum quam

actiones nostras conformemus & instituamus, vt jam de traditionibus nihil dicam, quas toties scriptura nobis commendat.

Obiicit Alchymista: Si ad ordinariam perfectionem aliquid deest sacra scriptura, idq; petendum est ab Ecclesia, falsum est, quod Ecclesia exstructa sit super fundamentum Apostolorum & Prophetarum. Quis verò ex orthodoxis affirmat scripturæ aliquid deesse ad ordinariam perfectionem, vt tu homo extraordinarius loqueris? Quidquid perfectionis scripturæ competit, id scripturæ non deest, sicut & homini non deest, quidquid perfectionis ei conuenit ex natura sua specifica. Itaq; scriptura nulla perfectione caret, licet non sit causa totalis, vt homo Dei sit perfectus, & ad omne bonum opus instructus; quia hoc scripturæ non est debitum: Quæ verò hæc argumentatio? Scriptura non est causa totalis, sed tantum partialis totius perfectionis & instructionis ad omne bonum; quia ad eandem concurrunt quoq; Ecclesiæ, hoc est, Conciliorum & Doctorum auctoritas, maxime in controuersis fidei dirimendis & componendis; falsum igitur est, quod Ecclesia sit ædificata supra fundamentum Apostolorum & Prophetarum. Quæ hæc ratio vel potius vesania delirandi? An norma nequit inniti normæ? An regula non potest fundari in regula? An regula esse desinet, si aliam quandam super se exstructam regulam sustentet? Neq; dicit Apostolus; Fidelium collectionem ædificatam esse super scripturam; sed super fundamentum Apostolorum & Prophetarum, hoc est, supra doctrinam, siue doctrina illa sit litteris prodita, siue absq; litteris posteritati tradita. Multò minus sequitur: Ecclesiam fore fundamentum sui ipsius, habituramq; lapidem fundamentalem partim Christum, partim seipsam. Nugæ Alchymisticæ. Nam Ecclesiæ lapis angularis primarius & principalis

cipalis, Christus est. Secundarius, respectu Christi, ille, cui dictum: *Tu es Petrus, & super hanc petram edificabo Ecclesiam meam.* Etsi suo quodam, eoq; recto & vero sensu, lapides fundamentales Ecclesiæ appellatur cæteri quoq; Apostoli, Prophetæ, Pastores, & Doctores, quorum auctoritate & doctrina fideles itidem nituntur, vt non circumferantur omni vento doctrina. Vt igitur acumen eorum, quæ hîc deblateras, clarius emineat, in consequentias redigendum est. *Auctoritas Ecclesiæ est etiam norma controuersiarum fidei:* (& quid nî? cum sit columna & firmamentum veritatis) ergo Ecclesia est fundamentum sui ipsius. Ergo fundamentum Ecclesiæ est partim Christus, partim Ecclesia. Ergo solû nomen in quo saluamur, non est Christus, sed & Ecclesia. Ergo baptizari debemus non in nomine tantum sanctæ Trinitatis in Christum, sed etiam Ecclesiæ. O acumina, non modò tribus sed & ter tribus Anticyris dignissima.

Dosis XXIV. De Canone.

DIxeram vocem Canonis aliquando sumi pro ipsa scriptura sacra & diuinitus inspirata: aliquando pro indice & catalogo librorum sacre scripturæ. occlamat iste. *Ridicula distinctio. Quæ auctoritate vnquam illa vox Canon per se accepta est pro librorum catalogo? Quæ auctoritate initio id factum sit, ego certè nescio. Hoc scio, Canonis nomen pro catalogo, Indice, seu numero voluminum sacrorum me v'surpasse auctoritate S. Hieronymi, aliorumque & tritissimæ loquentium consuetudinis. Quid enim vul-* *S. Hieron. in prologo galeato.* *gatus, quàm illud? Hic liber est in Canone. Hic extra Canonem,* hoc est, extra album, syllabum, censum & numerû librorum diuinitus inspiratorum. Tu litiges licet cum

S. Hieronymo, ipsoq; omnium vocabulorum Domino, usu. Ais. *Accidit Canon librum esse.* Ita est, quia accidit Canon, ut in litteras referretur, & verbum Dei Canon erat, antequam libris consignaretur; & hodie idem Canon est illud Dei verbum, quod ab Apostolis & Euangelistis scripto non est traditum. Quo fit, ut scripturam pro unico Canone omnium controuersiarum minimè agnoscamus, licet tu id more tuo, verbosissimo syllogismo probare contendas in hunc modum:

Vbi unicum tantum est corpus doctrinae generale, authenticum summumq; à Spiritu S. conceptum & traditum auctoritate infallibili & principali per Prophetas & Apostolos, ita ut oia, quae deinceps sunt, ad illud referantur & iudicentur; inde quae accipiant auctoritatem, tanquam ex principio, ibi unicus quoque est authenticus & generalis Canon omnium controuersiarum, quae circa illam doctrinam euenire possunt, non plures
καθόλου:

In Ecclesia Christi est unicum doctrinae corpus authenticum, &c. Resp. Maiorem esse *Alchymisticam*, hoc est, falsam & confutam ex meris principii petitionibus, cum enim Alchymista per *generale corpus doctrinae*, nihil aliud intelligat, quam verbum Dei scriptum, quasi ad omnia simpliciter sufficiat, ideo perinde facit, ac si diceret: Vbi est unicum & generale scriptum Dei verbum, ibi est unica tantum norma & unicus canon καθόλου, non plures, sed in Ecclesia est unicum Dei scriptum verbum, &c. probatur Maior: Quia scriptum Dei verbum est καθόλου, seu vniuersim sufficiens ad omnia, Hæc est vis argumenti Varnensis, hic neruus, totumq; robur.

Sed probat Chymicus, scripturam sacram esse unicū omnium quæstionū & controuersiarū fidei Canonem:

1. Quia scriptura est liber vita respondens Christo, 1. Pet. 2. Ergo scriptura est unicus Canon, & unica regula oīum controuersiarum.

Pulchra consequentia. Nec mirum; quia ex pulchro antecedente. Vbi enim asserit S. Petrus hoc, quod tu ex S. Petro in antecedente ponis? Inspexi locum citatum. Nihil reperi. Inspexi & alios eiusdē & alterius Epistolæ locos. Nihil compareret. sed nihil nouū; si is, q̄ scripturas perperā intelligit & interpretatur, perperam quoq; alleget.

Secundum argumentum.

Nullus alius Canon ea documenta & certitudinem Canonicam primam habet, quam sacra scriptura:

Ergo, &c.

Respon. Antecedens esse falsum. Nam verbum Dei non scriptum eandem prorsus certitudinem habet, quam scriptura. & auctoritas Ecclesiæ, & Doctorum infallibilis est, quod ad normæ rationem sufficit.

Tertium argumentum.

Sacra scriptura authenticam, summamq; habens in Ecclesia auctoritatem est indubium Spiritus S. verbum:

Ergo scriptura est vnicus Canon omnium controuersiarum.

Respondeo, totum antecedens, etiam de non scripto Dei verbo, verum esse; summam enim habet in Ecclesia auctoritatem, & est indubium Dei verbum. Nec refert, quod tu & tui similes dubitatis, immò funditus pernegatis. Nam & Manichæi vetus testamentum inficiabantur esse verbum Spiritus sancti. An inficiatio eorum effecit, vt quod verè erat Spiritus sancti verbum, non esset Spiritus sancti verbum? Itaq; negatur deliri argumenti consequentia; cui adiungit, inanes jam, que milles refutatos coccysmos; *ad scriptum Dei verbum scrutandum omnes ablegari* (sed non ad solum) *in eo omnia necessaria ad plenam Christi cognitionem & bona opera explicitè inesse* (quis hoc præter Hæreticos affirmat?) *ea omnia continere, quæ ad Ecclesiam constituendam, fundandamq; sunt* necessa-

necessaria. (negatum sexcentis ab orthodoxis, & nunquā probatum ab Hæreticis)

Quartum argumentum:

Partes scripturæ sunt sola membra Canonis authentici & generalis, nec ulla alia membra homogenea extra eam inveniuntur:

Tota ergo est Canon totalis.

Respondeo, antecedens esse *petitionem principii*. Solam enim scripturam esse *Canonem generalem*, hoc est, ad omnia sufficientem, non est pro concessio assumendum; sed tãquam à nobis negatum, argumētis firmis probandū est. At ubi illa argumenta? Ecce præsto sunt: *Quidquid in Ecclesia doctrinarum est, aut veteris, aut novi testamenti esse necesse est. Non datur tertium.* Audi Alchymista. Tertium datur, nempe, non scriptum Dei verbum. Hoc neq; in nouo, neq; in veteri testamento scriptum est; aliàs non esset non scriptum.

Sed quia hoc argumentum corrui, en aliud. *Sicut totus Christus ymbraticè seu typicè in veteri testamento, ita totus realiter & sine ymbris in nouo. Ad Christianismum vero nullo alio opus habemus; nam in Christo tota est plenitudo.* Respondeo, si de toto Christo quoad personam Christi sermo sit, tunc totus Christus est non modò in tota scriptura veteri & noua; sed etiam totus est in capite secundo Euangelii S. Lucæ; quia ibi totius Christi natiuitas describitur. Totus item est eo Exodi loco, ubi immolatio & effus Agni Paschalis describuntur: ergò cæteræ partes scripturæ non sunt necessariae, quæ consequentia proba est, si Chymici nostri ratiocinatio proba est: *Nam in toto Christo, tota est plenitudo.* Quod si Chymicus nomine Christi intelligat, ut debet, doctrinam Christi, tunc sicut falsum est, omnia, quæ Christum typicè adumbrarunt, doctrinamq;

namq; Christi in noua lege tradendam antecesserunt, (& eatenus typicè Christi fuisse dici possunt) litteris consignatam fuisse (habebant enim Israelitæ etiam verbum Dei non scriptum, ut alibi dictum & probatum) ita falsum est totam doctrinam Christi in noui testamenti sacris libris contineri. Nec quidquam aliud sunt, quàm nebulæ, quidquid Alchymista hic *de toto Christo, de toto Christianismo, de tota scriptura, deq; perfectione scripturæ* garrit. Totus Christus quoad personam suam, est in scriptura; tota scriptura perfecta est, eamq; perfectionem habet à suis partibus: neq; tamen rectè hinc deducitur hæc consequentia: *Ergo sola scriptura est norma omnium controuersiarum*: Et quamuis omnis doctrina Christi litteris madata esset, nullo verbo Dei non scripto exstante; adhuc tamen sola scriptura omnium controuersiarum norma & canon non esset, sed necessariò, ut jam, pro norma & Canone statui itidem deberet Ecclesiæ & Doctorum auctoritas. Quàm verò acutum illud nostri Lulli, cum ait, *nulla alia membra (scripturæ) homogenea* extra scripturam reperiri. Quasi vllum sit membrum siue *homogeneum*, siue *heterogeneum*, quod *formaliter* ut membrum est, inueniri queat extra suum corpus.

Illud tamen nosse velim Chymicum, verbum Dei non scriptum *homogeneum* esse scripto, quia ratio verbi diuini utriq; *yniuocè* competit. licet enim verbum Dei non scriptum, non sit pars verbi Dei scripti; illi tamen *homogeneum* est, sicut enim caro Petri est homogenea carni Pauli; licet non sit membrum & pars Pauli. In ratione item normæ utrunq; verbum *homogeneum* est, sicut & auctoritas Ecclesiæ, Doctorumq; utriq; verbo *homogenea* est; si præcisè rationem normæ consideremus; tamen si enim Verbum Dei scriptum, ut scriptum est, differat se-

P p p cundum,

cundum scripti rationem à non scripto; vt & hoc secundum rationem non scripti à scripto, itemq; ab auctoritate Ecclesiæ & Doctorum; consentiunt tamen hæc omnia inter se, atq; adeo *homogenea* seu *similiaria* sunt secundum rationem normæ & regulæ.

Quod dixi nobis curæ non esse Dialecticam Philippi, aut Rami, ex eo colligit Chrysopæus noster, Iesuitis Dialecticam curæ non esse, variaque vomit conuicia, quasi nulla alia sit Dialectica, præter ineptias Philippi & Rami, nomine tam specioso indignè abutentes.

Postquam stomachum nonnihil leuauit eiectione conuiciorum, hunc syllogismum ex dicto quodam S. Hieronymi confectum, proponit.

Omne illud, quod de scripturis non habet auctoritatē, eadem facilitate contemnitur, qua asseritur:

Traditiones, Doctores, & Concilia de scripturis non habent auctoritatem:

Ergo, &c.

Maiorem concedit, inquit Lullista, *atq; ita argumentum Hunnii non euerit, sed confirmat contra seipsum.* Pulcherrima confirmatio, cum concessa Maiore, mox negem Minorem. An negatio Minoris in argumento est argumenti confirmatio? Negat Alchymista Minorem a Lutheranis affirmari, Sed quam impudenter id neget, palàm est. Quid enim apud Hæreticos vulgatius, quàm traditiones ex scriptura auctoritatem non habere, nihilq; aliud, quàm *somnia & figmenta* Papistica esse. Quod autem diximus in colloquio, traditiones expresse non exstare in scriptura, nec ex ea solà euidenter deduci, id intelligendū est de traditionibus in specie, de hac videlicet aut illa; in genere enim inde deduci posse, nimirum, exstare aliquas diui-

diuinas traditiones extra scriptum Dei verbum, nemo Catholicus vnquam negauit. Quare in finem abijt ficti-
ria contradiçtio, quàm Varna orthodoxis collocutoribus affingit. Sed vt facunditatem ingenij Alchymistici cog-
noscamus, varia nobis argumenta ex celebrato illo S.
Hieronymi dicto procudit:

*Papistica traditiones, &c. non habent auctoritatem de sacris
scripturis:*

Ergo eadem facilitate contemnuntur, qua asseruntur.

In hac Minore Rhodos est, inquit Chymicus: *hic saltet Gret-
serus.* Atqui sine vlla saltatione promptissimum est negare
Antecedens. Vbi remanebit consequentia, quam iste in-
spicienter Minorem vocat. Mox syllogismum profert:

*Omne non contemnendum ea facilitate, qua asseritur, auctori-
tatem habere debet ex sacra scriptura:*

*Papa Romanus cum toto suo regno nullam habet auctoritatem
ex sacra scriptura:*

*Non ergo est non contemnendus Papa cum vniuerso suo regno,
ea facilitate, qua asseritur.*

Huius syllogismi, qualiscunq; sit, Minorem nego. Quam
Alchymista ne probare quidem tentat; sed probationis
loco diuersum syllogismum profert:

*Qui non habet auctoritatem, nisi ex sacra scriptura, ii non sunt
authentici, nec Catholicam & authenticam normam facere
possunt, iidem etiam necessario sunt sub scriptura, & debent
pati, vt de sua auctoritate ex scriptura iudicetur:*

*Traditiones, Doctores & Concilia non habent auctoritatem nisi
ex scripturis:*

*Ergo traditiones, Doctores, Concilia non sunt authentica, nec
authenticam & Catholicam normam facere possunt, sed sunt
sub scriptura, & debent pati, vt de sua auctoritate ex scrip-
tura iudicetur.*

Respondeo I. Maiorem esse falsam. Posito enim quod traditiones, Concilia, Doctores, nullam haberent auctoritatem, nisi ex scriptura, minimè tamen sequeretur, ea de causa non posse esse, normas *authenticas*; imò vel maximè ideo normæ esse possent, quod auctoritatem infallibilem à scriptura mutuarentur.

Deinde Respondeo, Minorem itidem esse falsam; illa enim omnia, quæ in Minore commemorantur, suam quoq; propriam, & quidem infallibilem auctoritatem sortiuntur; nam verbum Dei non scriptum per se, & ex natura sua infallibili auctoritate constat, hoc ipso præcisè, quod verbum Dei est. Quando verò dicimus; illa ex scriptura auctoritatem habere, nihil aliud volumus, quàm illa per scripturam nobis commendari, eorumq; auctoritatem scripturæ indicio & encomiis nobis innotescere; mentiturq; Alchymista, cum ait, me affirmare traditiones, Concilia, Doctores,, nullam, nisi ex scripturis, auctoritatem habere. nunquam dixi hoc; quia traditionibus, Doctoribus, & Conciliis sua cuiq; auctoritas est; & auctoritas quidem verbi non scripti nec infra, nec supra scripturam est; sed par scripturæ. Quod si quis auctoritatem Ecclesiæ, & Doctorum simul & collectiue sumptorum dicat esse infra scripturam, is nullo piaculo se obstringet; tamen quod ad infallibilitatem attinet, par sit infallibilitati scripturæ; ab omnibus enim quàm longissimè abest falsitas. Nec negamus auctoritatem Ecclesiæ & Doctorum exigì posse ad scripturam, non quod sit fallibilis; sed ut eius infallibilitas certius exploretur & patefiat, si fortè in dubium reuocetur. Sed hinc non conficies hanc auctoritatē nō esse normā infallibilem; neq; enim regula ideo fit fallibilis, quod eius infallibilitas ad aliam normam examinari possit, (licet non à quouis cínifione & cerdone) eaq; ratione alteri normæ

quodammodo sublit. Quare nil nisi Alchymistam, hoc est, impostorem, agit Varna, cum multis scripturæ locis adductis probat neminem à verbo Dei immunem esse. omnes ei subiaci. Nullum Christianum reperiri, qui non sit sub auctoritate sacre scripturæ, & plura talia, quæ nil sunt, nisi meri & vani fumi, imperitorum oculis præstinguendis & perstringendis excitati, quos prætereo, quia fumorum nec finis est, nec modus in huius Alchymistæ officina.

Sufficientiam scripturæ ad salutem, quomodo S. Augustinus asseruerit, demonstraui in Responso, ad quæ iste nihil præter maledicta & impudentiam: quam mox in ipsos Apostolos exerit, quando scribere non veretur, *Apostolos cum Iudeis celebrasse Pascha*, post ascensionem scilicet Domini in cælum, de hoc enim tempore loquitur, & sic impudentissimè ex Apostolis Hæreticos *Quartadecimanos* facit: inq; testem huius suæ impudentiæ mendaciter aduocat historiam Ecclesiasticam. Quæ nam hæc historia? Forsitan illa, ex qua didicisti Canones, qui Apostolorum nomine feruntur, post *Concilium Ephesinum*, & post tempora *Valentiniani & Theodosii*, qui legem tulerunt contra *Quartadecimanos*, compositos esse. Item illa, quæ te docuit Canones istos non à Clemente I. sed à Clemente sexto collectos; seu vt tu Alchymisticè loqueris, consutos esse, quo nihil imperitius dici poterat cum Clementes VI. Año Domini M. CCCXLII. Non. Maij Pontificatum inierit, Canones autem isti citentur ab illis, qui multis sæculis ante Clementem sextum vixerunt: vt ex Turriano aduersus Magdeburgenses liquet. Et quis stupor ille, dicere post *Victorem Pontificem*, imò post *Concilium Ephesinum & tempora Valentiniani & Theodosii* Canones istos conscriptos fuisse? Et tandem ætatem Clementis sexti nominare? Quo profecto modo affirmare posses

tuas quoq; *Notas* ad meum Responsum publicatas esse post Victorem Pontificem, imò post Concilium Ephesium, & tempora Valentiniani & Theodosii.

Dosis XXV. De auctoritate Doctorum.

Cap. 15.

V Nanimem sanctorum Patrum, Doctorumq; Ecclesie consentum infallibilem esse normam dirimendi controuersias, si quæ circa fidei quæstiones existunt, sapientius à Catholicis demonstratum est, & à nobis quoq; in Responso, satis multa pro instituta operis breuitate disputata sunt. Contra hanc præmittit initio Alchymista non vnum, sed plures, eosq; sibi solennes, hoc est, verbosissimos & intricatissimos syllogismos, vt pugnam incœptent, Patrumq; auctoritatem expugnent.

Primus syllogismus:

Qui non nouam doctrinam commendat auditoribus, sed in ea, quam ante didicerunt crescere & perseverare iubet concorditer per informationem Doctorum & cæterorum Ecclesie antistitum, donec perfecti euadant, is nullo modo aliam normam proponit à Doctoribus cognoscendam, sed antiquam fidei unitatem pro norma sanctitatis & iustitiæ ad vitam cōseruari iubet vsq; ad perfectionem.

Apostolus Paulus multis locis hoc facit:

Ergo nullo modo illam normam proponit à Doctoribus cognoscendam, sed antiquam fidei unitatem in Christo pro norma sanctitatis & iustitiæ ad vitam cōseruari iubet vsq; ad perfectionem.

Respondeo, Maiorem esse *Alchymisticam*, hoc est, futilem, vanam, veritatisq; expertem: licet enim Apostolus nunquam commendat auditoribus aliam doctrinam præter illam

illam, quam à Domino per Apostolos acceperunt, hoc ipso tamen, quod exorta controuersia iubet, vt Doctores consulantur; vtq; isti sint cœlestis & diuinæ doctrinæ interpretes; voluit, vt Doctores pro norma & regula agnoscerentur, in qua fideles constanter & immobiliter acquiescerent: neque enim ad nouam normam opus est noua doctrina; neque Doctores alterius doctrinæ, quàm Christi norma sunt, Christi inquam, non suæ. Quod vt clarius euadat, exemplum adfero.

Disceptatum est olim acriter, vtrum doctrina illa, quæ tradebat baptizatos ab Hæreticis, rebaptizandos esse à Catholicis, esset doctrina Christi. Norma & regula opus erat, ad quam exploraretur. Itum est cum ad auctoritatem Ecclesiæ; tum ad vnanimem consensum Doctorum Ecclesiæ. Hac norma ad doctrinam illam adhibita, statim apparuit, cuius notæ esset; quamque *imaginem & superscriptionem* præ se ferret; Et eam ob causam mox etiam explosa, & ex fidelium cœtu expulsa fuit; quandoquidem cum neutra regula congruebat.

Sic etiam hoc tempore controuersia nobis est cum aduersariis, vtrum Pontifex Romanus sit Christi Vicarius, & vniuersalis Ecclesiæ pastor vniuersalis. Negant ipsi, nos affirmamus: quia cum hoc nostrum dogma ad sanctorum Patrum amussim expendimus, ad vnguem cum illa quadrare, atq; adeo dogma à Deo traditum esse euidenter cernimus, sicut vicissim illud alterum aduersariorum placitum ab eadem norma toto cœlo discrepare intelligimus; ac proinde non Dei, sed Diaboli dogma esse.

Pergit

Pergit Alchymista:

Qui excludit ventum doctrinae varium; & commendat fidei unitatem in Christo cognitam, in nullam aliam normam (præter scripturam) vult expectari, sed illam ipsam stabiliter manere:

Sed id D. Paulus facit, &c.

Respondeo, Maiorem esse falsam, neque aliter probatur ab Alchymista, quam nuda & sola asseueratione, quæ tantum apud nos pondus habet, quantum ipsa Alchymia, & ars conficiendi aurum, cui iste apprimè deditus. Nam ad hoc ut stabiles in doctrina Christi perseueremus, neque in horas decreta fidei permutemus, maximè conducit, ut præter scripturam sacram, sint aliæ normæ, quibus exortæ lites examinentur, & quam in partem dirimendæ & definiendæ sint, circumspiciatur. Vnde, oro, apud Hæreticos tanta in dogmatibus fidei inconstantia, nisi quia tres istas normas; *Verbum Dei non scriptum, auctoritatem Ecclesie, & vnanimem Doctorum consensionem* repudiant? Tertius syllogismus Alchymistæ:

Si suffecit ad salutem Ephesius doctrina Pauli, non opus fuit decretis Pontificiorum Doctorum præter scripturam:

Sed illud:

Hoc ergo.

Immitcet nugator *Doctores Pontificios*, ut luis fumum Chymicum vendat, quasi cum de auctoritate Doctorum disputamus, de solis illis loquamur, quos Hæretici visitato sibi more, *Pontificios* nominant; cum tamen nobis vniuersim de omnibus Ecclesie Catholice Doctoribus sermo sit; quos si ideo *Pontificios* appellat, quod Romani Pontificis auctoritatem secuti & amplexi sunt, fateor, omnes Ecclesie Catholice Doctores fuisse *Pontificios*. Nunc ad argumentum, concessa Maiore, quæ hypothe-

tica

tica est, negatur Minor. Ephesiis enim *scriptura sola* ad salutem non suffecit, quod vel inde liquet, quia eo tempore, quo Apostolus Epistolam ad Ephesios misit, doctrina Christi non tam habebatur ex scriptura, quam ex traditione, & viuz vocis annunciatione, plerisque libris Canonicis necdum conscriptis. Deinde annon in illa ipsa ad Ephesios Epistola disertè docet S. Paulus fidelibus ad salutem necessarios esse *Apostolos, Prophetas, Evangelistas, Pastores, & Doctores*. Annon ait hos omnes in Ecclesia collocatos esse *ad consummationem Sanctorum, in opus ministerii, in adificationem corporis Christi*. Si fideles confirmari nequeunt absq; Pastoribus & Doctoribus; si absq; iisdem corpus Christi non potest ædificari; necessario sequitur præter scripturam Pastores & Doctores esse necessarios, non ideo tantum, quia docent; sed & quia exemplar & norma sunt fidelium in credendo: *donec*, inquit Apostolus, *occurramus omnes in unitatem fidei & agnitionis filii Dei; ut jam non simus paruuli fluctuantes, & circumferamur omni vento doctrina* (quod contigit Hæreticis, hostibus Doctorum) *in nequitia hominum, in astutia ad circumventionem erroris*. Quis tam cæcus est, qui non videat, fidelibus, præter sacram scripturam, necessarios esse Doctores velut regulam & anchoram in credendo, & hoc expressè ex sententia S. Pauli, ex cuius doctrina syllogismum Alchymistico planè contrarium, & ea de causa verissimum extruere possumus hac forma. Illud sine quo fideles nequeunt esse stabiles & immobiles in fide; Fidelibus prorsus est necessarium ad salutem. Sed sine Doctoribus & Pastoribus nequeunt fideles esse stabiles & immobiles in fide; ergo Doctores & Pastores prorsus sunt necessarii fidelibus ad salutem. Item. Illud sine quo errores & circumventiones in nequitia hominum vitare non possumus,

mus, necessarium est ad salutem. Sine Doctoribus & pastoribus vitare nō possumus, ergo &c. Preterea: Illud, quo posito, si solum sit, nihilominus circumferri possumus *omni vento doctrina in nequitia hominum*; non sufficit fidelibus ad salutem. Sed posita sola scriptura (absque pastoribus & Doctoribus) circumferri adhuc possumus *omni vento doctrina, &c.* Ergo sola scriptura non sufficit fidelibus ad salutem. Minor patet primò experientia quotidiana. Nam sectarii, qui sola scriptura, tanquam vnica norma gloriantur, mutabiliores sunt in fide quoniam Chamaeleonte aut Vertumno. Deinde clarè liquet Minor ex Apostolo. Si enim ideo Deus posuit Doctores & Pastores in Ecclesia, ne circumferamur *omni vento doctrina*, neque auui à fide in errores præcipitemur; Ergo si Doctores & pastores desint, circumferemur *omni vento doctrina*, & in errores præcipitabimur, quia sublata causa, necesse est sequi effectum, cuius impediendi & remouendi gratia, causa fuerat posita. Ad hæc. Si auctoritas pastorum & Doctorum efficit, vt non circumferamur *omni vento doctrina*, neque in errores fidei contrarios incidamus, sequitur auctoritatem pastorum & Doctorum Ecclesiæ esse infallibilem, non quidem huius aut illius, sed omnium collectiue sumptorum (neque enim Apostolus de hoc vel illo Doctore aut pastore determinatè locutus est, sed de tota multitudine) sed verum est prius, Apostolo illud disertis verbis asserente; ergo & posterius verum est.

Sed rursus nouo argumento instructus aduolat Alchymista:

Si omnino tales sunt Doctores Pauli, vt possint normam nouam præter scripturam facere decretis suis, Papiſtica ea non potest esse.

nega-

Negatur. Probat, quia *Doctōr scriptura Paulinus non docet scriptura Paulina repugnantia, sicut Doctōr Papisticus.*

Respondeo Doctōrem Paulinum, siue à Paulo commēdatum, & Doctōrem Papisticum, vt Hæretici loquuntur, esse vnum & eundem, in eadem q̃; schola educatum & institutū, eiusdem doctrinæ & disciplinæ alumnum; ac proinde id, quod Doctōr Paulinus docet, docere itidem *Papisticum*, hoc est, orthodoxum & Catholicum. Nānias de cœlibatu, deq; Episcopo *vnus vxoris*, quas adfert, refutet ille, qui operam & chartam perdere cogitat. Mihi nec tātum otii, nec tantum animi est, vt in jam toties profligatis immorer. Satiū dūco, vt hunc Alchymistæ tyllogismum consideremus.

Secundum quem librum ceteri tam fidelium, quàm infidelium, id est, omnium omninò hominum debent iudicari, is est iudex & regula ceterorum:

Secundum libros Canonicos sacra scriptura ceteri tam fidelium quàm infidelium debent iudicari:

Libri ergo Canonici sacra scriptura sunt iudex & regula omnium ceterorum.

Supposito iudicis vocabulum hic improprie accipi,

Respondeo Maiorem esse verā; si sensus sit; secundum quem librum *solum* tanquam *causam totalem* ceteri omnes iudicandi sunt, eum esse iudicem (sumendo iudicem improprie pro lege) & regulam ceterorum omnium; at hoc sensu minor erit falsa; fallum enim est secundum *solos libros canonicos* sacra scripturæ ceteros tam fidelium, quàm infidelium iudicari debere: mentiturque more suo Alchymista, cum ait: Minorem, hoc sensu, esse sancti Augustini. Nihil minus: Nusquam dixit sanctus Augustinus, ceterorum scriptiōnes vel controuersias ad solam & vnicam scripturā posse

aut debere exigi, tanquam ad vnicam omnium disceptationum & controuersiarum regulam.

Dixeram Conciliorum & Doctorum auctoritatem per se & inseparabiliter annexam habere infallibilem Spiritus sancti assistentiam. Ad quod Chymicus. *Nota per se implicat contradictionem. Si enim annexa est assistentia Spiritus sancti, quomodo eam per se habent? Perinde ac si diceret: Si risibile inseparabiliter annexum est essentiae hominis, quomodo id per se habet? si lux inseparabiliter annexa est soli, quomodo eam per se habet?* Addit. *In Ecclesia nulla est alia assistentia Spiritus sancti ordinaria, nulla alia cohabitatio nisi per verbum, hoc est, per scripturam.* Falsum est ergo illud Domini: *Et ecce ego vobiscum sum omnibus diebus vsq; ad consummationem saeculi*; nisi quis addat glossam Chymicam. *Ecce ego vobiscum sum per scripturam omnibus diebus, &c.* Ex quo sequitur, Christum aliquot annis non fuisse cum discipulis & Ecclesia, contra suum promissum; quia aliquot demum annis post hanc promissionem scriptura à scriptoribus Canonicis confecta est. Alchymisticè itidem glossandus erit ille Evangelii textus: *Et ego rogabo patrem, & alium paracletum dabit vobis, vt maneant vobiscum in aeternum, Spiritum veritatis, &c.* sensus enim erit, si non mentitur Arsenicarius, vt maneant vobiscum in solo scripto verbo, nullo modo extra; quidquid alibi ipse Spiritus S. de auctoritate Ecclesiae, Pastorum & Doctorum nobis diuinitus reuelarit.

Ioan. 14.

Dosis

*Dosis XXVI. An verum sit, si hic velille
Doctores errare possit; omnes collectivè
sumptos errare posse.*

NOs cum orthodoxis negamus. Affirmat cum suis Alchymista. Et ne sine causa id affirmare videatur, en probationes: 1. *Spiritus sanctus testatus est omnes errasse.* Vbi verò testatus est Spiritus Sanctus omnes Ecclesiæ Doctores simul & collectivè acceptos errasse? Monstretur locus. Monstratur 3. Reg. 19. Vbi Helias. *Derelictus sum ego solus, & querunt animam meam, ut auferant eam;* Et quamvis dixerit illi diuinum Responsum: *Reliqui mihi septem millia virorum, qui non curuauerunt genua sua ante* Rom. II. *Baal:* Omnes tamen ad vnum errauerunt, si vera capit noster Lullus. Et licet eo loco non agatur de Doctoribus, sed de tota promiscua multitudine; tamen omnes Doctores, ne vno quidem excepto, errauerunt, ex sententia Alchymistæ. Quod rursus validè demonstrat ex cap. 65. Isaia, & cap. 10. Epist. ad Roman. vbi totus populus dicitur non credens. Et quamvis in Isaia & Apostolo non dicatur: *Totus populus, aut, ad totum populum: sed tota die expandi manus meas ad populum non credentem;* Alchymista tamen pro sua facultate, quam habet ex cupro faciendi aurum, facit itidem ex *tota die*, totum populum. Et quamvis huiusmodi vniuersales locutiones, etiam si vniuersales forent, non nisi cum restrictione accipi debeant, Alchymista tamen potestatem habet illas vniuersaliter absq; vlla limitatione vsurpandi, dummodo inde extundat, quod optat; sicut & in hoc pleno jure gaudet, quod quæ loca de moribus populi aut pastorum duntaxat

agunt, ea liberè transfert ad vitia doctrinæ, quasi fieri nequeat, ut qui malè viuunt, benè doceant. At nimis diu moramur Alchymistam, ne sententiæ suæ robora producere queat. Progrediatur igitur.

II. *Potentia erroris in singulis præsupponitur in vniuersis similiter se habentibus, hoc est, errori obnoxiiis, & nullo modo ἀναμαρτίταις.* Clarius proponamus fumosam Chymici rationem, ut vel cæcis pateat. Hic particularis Doctor potest errare, & ille, & ille similiter, & sic quouis sigillatim spectatus: Ergo omnes simul & collectiue sumpti: Quodlibet enim prædicatum conueniens singulis sigillatim spectatis, conuenit etiam vniuersis vniuersim acceptis. Non pudet te Alchymista tantæ vanitatis? Non vides fatuam tuam ratiocinationem esse similem huic? Hic homo potest hoc tempore portare ex maxima congerie & hunc lapidem, & hunc, & hunc, &c. ergo omnes simul & collectiue acceptos. Hic panis hoc tempore sufficit & huic homini, & huic, & huic; ergo omnibus simul & collectiue sumptis. Certè si hæc tua ratiocinatio valeat, vel ipsum Saluatorem patrands miraculis superabis. Non enim tantum aliquot panibus aliquot milia; sed vno pane totum mundum pascas, imò & vna veste homines vniuersos vesties.

III. *Producantur scripta omnium Patrum. Singuli comperientur errasse:* Ergo omnes.

Respondeo, etiam si verum esset, quod iste ponit, singulis scilicet patribus esse suos nãuos; id tamen nostræ sententiæ nihil officeret. Dicimus enim fieri non posse, ut omnes simul & collectiue spectati errent circa aliquod dogma fidei: Exẽpli gratia, impossibile erat suppositis Christi promissionibus, ut omnes Doctores Ecclesiæ à vero abirent in quæstione de baptismo Hæreticorum, licet S.

Cypri.

Cyprianus in hac quæstione errârit: Sed ut iste erret circa hanc vel illam quæstionem, alius circa aliam, hoc accidere posse non imus inficias; hoc tantum abnuimus, in quæstione fidei, omnes à vero excidere posse. Addo etiam plerosq; Patrū sigillatim consideratorum lapsus eiusmodi esse, qui ad capita fidei nō ptineāt, sed in eiusmodi rebus versantur, de quibus hoc vel illo modo sentias, ad salutem nihil interest.

IV. *Ipsi Patres subiiciunt sua scripta primum sacra scriptura, postea Ecclesiæ.* Singuli hoc faciūt; quia singuli errare possūt. Nam omnium simul & collectiue sumptorum sententiā circa fidei dogmata subiicere, nihil opus: Quia nec à scriptura, nec ab Ecclesiā deflectere potest. Deinde esto, subiiciatur scripturæ & Ecclesiæ. Quid inde concludis? Fallibilem esse omnium Doctorum vnanimem consensum? Nihil minus. Non enim ea tantum subiiciuntur regulæ, quæ fallacia & falsa esse possunt, sed & illa, quæ solida & innotata veritate subsistunt; ut eorū sinceritas & pbitas omnibus palam fiat. Hoc ipso enim, q̄ regulæ cōtrouersarū sibi mutuo concinūt & consonāt, alias per aliam aut alias probare licet.

V. *Non sunt ulli iudices, qui scripta Patrum æstiment, præter scripturam; ex hac ergo de Patrum scriptis iudicium erit ferendum.*

Respondco, iudices eorum dogmatum, quæ Patres tradunt, esse eosdem, qui sunt iudices dogmatum, quæ tradit scriptura; Pastores nimirum Ecclesiæ, Pastoremq; pastorum suū Pontificem. Nec negamus dogmata Patrū etiā vniuersorū expēdi posse ad scripturā, nō tamē ut fallacia & fallibilia, nec à quouis triuiali litteratore, & semidocto pēdagogo, aut seſq̄ docto Chymico; sed ab illis q̄ se norūt patrū discipulos, nō Magistros esse, ratū, fixumq; habētes illud, Patres vniuersim spectatos circa dogmata fidei ab omni errore immunes esse.

VI. *Non*

VI. *Non plus credendum est omnibus; quam uni, vel paucis.*

Ergo, &c.

Respondco negando antecedens. Probat illud ex Tertulliano, dicente, non habendam esse rationem vnus, quamuis Sancti, quamuis docti, quamuis Episcopi, quamuis Confessoris, aut Martyris, si quid præter omnes, aut contra omnes senserit. At hoc non est Tertulliani monitum, sed Vincentii Lirinensis, citatum à me in Responso. Sed quia Tertulliani sententiam quandam interieceram, lippiens vel cœcutiens, vel fortè mero grauatus Chymicus credebat, sequentia quoq; Tertulliani esse. Deinde quid dictum illud ad rem, de qua agitur? Dicimus omnibus Doctoribus credendum esse. Idem dicit Vincentius. Dicimus vnus aut paucorum nullam ducendam rationem, si à pluribus discrepent. Idem dicit Vincentius. Quorsum ergò inconsideratus & præceptus Alchymista hoc dictum Vincentii profert? Audiamus. Ille ipse Tertulliani locus (imò Vincentii) contra vnus Papæ auctoritatem præclare facit. Quid ita verò? Quia negat vniuersalis dogmatis dimissa veritate nouitium sectandum esse errorem. Idem & nos affirmamus; sed negamus euenire posse, vt Papa, veritate vniuersalis dogmatis dimissa, nouitium Ecclesiæ in definiendo obtrudat errorem præter vel contra omnes Ecclesiæ Doctores præsentis & præteritos.

Obliicit Alchymista:

Non sumus baptizati in fidem Doctorum, nec in eam iurauimus:

Ergo licitè doctrinam Doctorum ad scripturam examinamus.

Et consequenter doctrina Doctorum non est norma fidei.

At si huic argumento quidquam ponderis inest, erit & huic. Non sumus baptizati in nomine Matthæi, Marci,

Licet,

Lucæ, Ioannis Euangelistarum; aut Pauli, Iacobi, Petri, Iudæ Apostolorum: licitè ergò à quouis examinantur illorum scripta, & ad aliquam normam, num omnis falsitatis expertia sint, explorantur: Et quod hinc est consequens, scripta Apostolorum & Euangelistarum non sunt norma fidei. Si prior illa tua argumentatio valet; valebit & ista, quam, vt tuam agnoscas, formaui.

Instat Alchymista:

Si non sunt examinanda Doctorum decreta & doctrina, errarunt Berrhœenses, qui D. Pauli doctrinam contulerunt cū scriptura, & temere Saluator iussit suam doctrinam de Mo- se, Psalmis & Prophetis agnoscere. Frustra item D. Ioan- nes scribit, ne cuius Spiritui credatis, sed probate spiritus, num ex Deo sint:

Sed hoc dicere est absurdum & impium:

Ergo & illud:

Respondeo huius vel illius Doctoris scripta examinari posse ad sacram scripturam, at non superciliosè, non elatè, non arroganter, more modoq; Hæreticis solenni & vſitatissimo, sed humiliter, verecundè, sinceroq; veritatis discendæ desiderio. Vnanimem Doctorum consensum circa aliquod fidei caput; nihil opus ad scripturam examinare, cum sit infallibilis: & perperam agit, quisquis tanquam fallibilem ad scripturæ trutinam expendit. Quod si quis animo recto & candido infallibilitatem vnanimis Doctorum consensionis cum scriptura, tanquā cum norma quadam, comparare velit, faciat id licet, dummodo sciat ex natura rei hoc examen non esse necessarium, quasi Doctorum consensui falsum subesse queat. Iam ergo vt ad Alchymisticum argumentum accedamus, nego Maiorem. Nam quod ad Berrhœenses attinet, vel jam crediderant, vel non crediderant Euan-

gelio. Si non crediderant, non poterat eis vitio verti quod doctrinam sibi à Paulo propositam ancipites animi examinarent, & ad sacrarum litterarum stateram appenderent, ut inuestigarent, num infallibilis esset. At si iam crediderant, tum non ut de infallibilitate doctrinæ cœlestis dubii eam comparisonem atque inquisitionem instituerunt; sed ut inspecta dilucidius doctrinæ à Paulo propositæ harmonia & conuenientia cum antiqui testamenti oraculis, magis in Christiana religione firmarentur.

Neque etiam Christus iussit, ut sua doctrina tanquam fallibilis examinaretur ad Moysen, Psalmos, & Prophetas; sed certus de infallibilitate voluit, ut quod Iudæi negabant, experimento iusti examinis intelligerent. Quopacto non abnuimus, ut ipse etiam Doctorum consensus, ad scripturam exploretur; non quidem ut fallibilis; quia hoc defectu caret, sed ut infallibilis, quæ eius genuina est nota.

Faciant hoc Hæretici rectè & decenter; non impediemus. Multò minus vituperabimus. Sed quæ lance Iudæi expendebant doctrinam CHRISTI ad legem & Prophetas, eadem expendunt isti Doctorum auctoritatem ad sacras litteras; iniqua nimirum, curua, & ex proprii cerebri vertiginosis imaginationibus fabricata.

Illud diui Ioannis: *Probato Spiritus, si ex Deo sunt*; varios habet sensus; de quibus alibi. Hic breuiter hoc. Probari posse quosuis spiritus; at non omnes, ut fallibiles. Nam si quis Spiritum Dei probeat, ut fallibilem, seu tanquam eius conditionis, cui fallum subesse queat, is Spiritui Dei iniuriam facit, nisi ignorantia excusetur, totumq; quod facit, animo veritatis inueniendæ sinceriter

ceriter cupido faciat. Quo fit, ut quæ ratione probare licet ipsam doctrinam Christi, eadem etiam probare liceat concordem Doctorum consensum circa aliquod fidei dogma; nimirum, non quod ex natura sua tali examine opus habeat, cum sit infallibilis; sed ut eius infallibilitas clarius emineat, deq; ea hæsitantibus, manifestius pateat: Sicuti aurum, v. g. purum & obryzum probatione non indiget, quia verissimum aurum est: probari tamen potest, ut bonitas eius magis conspicua fiat.

Nunc ad syllogismos alios, quos Alchymista ex forniculis suis aduersus Doctorum auctoritatem educit.

I. Si *ynanimis consensus sanctorum Patrum à scriptura nec discrepat, nec discrepare potest, non est alia norma à sacra scriptura; sed eadem:*

Hoc asserit Iesuita:

Ergo & illud.

Respondeo, sequelam Maioris esse *Eibauianam*, falsam, & inanem, quam ne probare quidem tentat. Et rectè; quia non potest. Et si ubiq; longè plura soleat tētare, quā possit.

II. Si *Patrum consensus nec discrepat, nec discrepare potest à sacra scriptura, quæ est norma infallibilis per se, satius quod est indubium, quàm dubium, & primum quàm secundum amplecti, nihil interest, utrum consulamus Patres in controuersis, an non. Nihil enim noui aut discrepantiæ in illis inuenimus, aut saltem inuenire debebamus, si credimus Iesuita:*

Sed illud Iesuita Gretserus pronunciat:

Hæc ergo simul pronunciasse creditur.

Respondeo, negando sequelam Maioris, mentiturque Chymicus, cum in Minore dicit, me priorem Maioris

parte nona firmare, licet enim disputans de auctoritate Doctorum, assuerem, eam nec discrepare, nec discrepare posse à sacris litteris, nunquam tamen dixi, in hoc quidem argumento, *indubium potius esse sequendum, quàm dubium* (quo significat me de Doctorum auctoritate quasi de dubia loqui) & *primum potius, quàm secundum*; nunquam usus sum hoc loquendi genere; licet enim quodam respectu scriptura, ut est norma, dignior sit & præstantior, quàm Doctorum auctoritas; partamen est, quod ad infallibilitatem attinet: quæ paritas facit, ut *primo & secundo* nihil loci sit reliquum.

Alia item fraus, quod ait, me teste, *nihil novi aut discrepantia in patribus inueniri*. De *discrepantia* facile annuo. Sub vocabulo *novi* fraudem noto: eo enim significat, per Doctorum consensum nihil de doctrina Christi nobis patefieri, nisi quod in scripto Dei verbo expressè comprehenditur. Quo nihil falsius, & à mente mea alienius. At

Doctores tantum tradunt doctrinam Christi;

Ergo illam duntaxat, quæ scripto Dei verbo expressè continetur.

Quoties jam negata est consequentia? Quoties occines nobis absq; vlla probatione, totam doctrinam Christi scripto comprehensam esse? Neq; testimonium infallibile tantummodo de doctrina Christi, tam scripta, quàm non scripta Doctores dicunt; sed & ipsam doctrinam explicant; ut si controversia existat, quis nam sit doctrinæ scriptæ, aut non scriptæ sensus, ille certus sit & infallibilis, quem vnanimis Doctorum consensus nobis tradit. Quare Alchymista in Maiore sua solenne suum tenet, miscens mendacia veris, ac proinde efficiens, ut

quid-

quidquid in maiore, ritu suo verbosè deblaterat, id vno negationis spiritu diffletur. Pergit Alchymista.

III. *Si patrum consensus vnanimis nec discrepat, nec discrepare potest à sacrís litteris, stultè dicunt Papistæ, præter sacram scripturam esse normam, quæ nec apertè in scriptura inuenitur, nec euidenter inde deducitur:*

Illud ait Gretserus:

Hoc ergo:

Syllogismus iste similis est priori. Maior enim falsa est, licet orthodoxi dicerent, consensum Doctorum esse eiusmodi normam, quæ nec apertè in scriptura continetur, nec euidenter inde deducatur. Quod tamen Catholicis falsò affingit Alchymista. Nam Doctorum auctoritas expressè continetur in scriptura cum alibi, tum in Epistola ad Ephesios, & quæcunq; à nobis de auctoritate Doctorum differuntur, ea ex scripturæ fundamentis perspicuè deducuntur. Et Alchymista in Maiore sua prorsus disparata, hoc est, tigres & agnos jungit; & similiter facit, ac si in hunc modum argumentaretur:

Si Patrum vnanimis consensus nec discrepat, nec discrepare potest à sacrís litteris, stultè dicunt Papistæ septem esse sacramenta:

Illud ait Gretserus:

Hoc ergo.

Huic planè gemellum est prius illud Arlenicarii argumentum.

IV. *Qui stultè vititur argumento, ñ nihil concludit sapienter.*

Gretserus stultè vititur argumento:

Nil ergo concludit sapienter.

Videbat negatum iri Minorem: quam probat. Quia quod vnanimis Doctorum consensus nihil discrepet, nec discrepare possit à sacrís litteris, putat probari posse argumento hoc, quia infallibi-

Verba Alchy-
mista.

li. An non bona hæc consequentia? Doctorum consen-
sus circa doctrinam fidei est infallibilis: ergo nec discre-
pat, nec discrepare potest à sacris litteris. Quanto recti-
us, ô Alchymisticum caput, ego tibi illud tuum accino-
rem: *Ad ferulam scholasticam cum hoc beano, vbi dilcat, quæ*
nec intelligit, nec nisi præconis ad fastidium scutica la-
ceratus præ Alchymistico stupore intelligere poterit.

S. Aug. epist.
118.

De Eucharistia infantum delirum & meracissimo
Antimonio expurgandum calumniatorem agit. Nusquam
enim dixi, morem illum aliquarum Ecclesiarum dandi
infantibus Eucharistiam fuisse traditionem Apostolicā.
Non enim omnis consuetudo huius vel illius Ecclesiæ,
etiam proba & laudabilis, ab Apostolis manat: Sunt e-
nim nonnullæ consuetudines, *que per loca regionesq; va-*
riantur, vt præclare docet S. Augustinus, de quibus hoc
dat documentum: Faciat quisq; quod in ea Ecclesia, in quam
venit, inuenerit. Non enim quidquam eorum contra fidem, aut
contra mores, hinc vel inde meliores. Nec disciplina vlla in
his melior, graui prudentique Christiano, quam vt eo modo
agat, quo agere videris Ecclesiam ad quamcunque foret deuene-
rit. Quod enim neque contra fidem, neque contra bonos mores
iniungitur, indifferenter esse habendum, & præ eorum, inter quos
vinitur, societate seruandum est.

Huius generis consuetudo est etiam ista de Eucha-
ristia paruulis porrigenda; quæ nonnullis olim Eccle-
siis placuit; & etiamnum Græcis placet: Aliis tamen
non immerito aliter faciendum vsum; quia totum hoc ge-
nus rerum liberas habet observationes, vt loquitur sanctus
Augustinus; pro varietate nationum & Ecclesiarum.
Qui etiam pro nota & indicio Apostolicæ trad. tionis po-
nit non id, quod ab hac vel illa particulari Ecclesia,
sed quod toto terrarum orbe, obseruatur; vt quod Domini passio,
& res.

& resurrectio, & ascensio in cælum, & aduentus de cælo Spiritus sancti anniuersaria solennitate celebrantur, & si quid aliud tale occurrerit, quod seruetur ab vniuersa, quacunq; se diffundit, Ecclesia.

Heliam sub finem mundi reuenturum esse fatetur Alchymista doceri à Patribus. Sed obiicit. *Quæritur, Saluatori ne plenior fides, an patribus Papistarum habenda, qui vò de Antichristo errant, ita & de Helia non possunt benè sentire.* Saluatori vtiq; mi Alchymista, potius fides habenda est, quàm cuiquam alteri, si Saluator hoc affirmet, & ille alter, quisquis est, aliud. At si vtriq; idem asserant, vtriusq; sine scelere habetur fides, vt sit in hac, de qua agimus, questione. Vbi enim affirmavit Christus Heliam Thesbite jam venisse? Certè si vísquam id affirmasset, id sanctorum Patrum diligentiam minimè latuisset. quos, si non magis sedulo, quàm Chymicum in lectione Euangeliorum versatos crederem, grandi profectò iniuria afficerem. Nam quod tu nobis oggeris illud Domini Math. 17. *Helias jam venit, & non cognouerunt eum, sed fecerunt in eo, quacunq; voluerunt: facis quod edoctus es à Magistro tuo Diabolo.* Dissimulas enim, quo sensu id à Christo pronūciatum sit. Subiungit enim Euangelista: *Tunc intellexerunt discipuli, quia de Ioanne Baptista dixisset eis.* Qua fronte ergo citat Alchymista hunc locum Euangelistæ de Helia Thesbite, quasi jam venerit, cum Euangelista palàm testetur, Dominum non de Helia Thesbite, sed de Ioanne Baptista locutum esse. At quod Patres erroris accusat, id in Alchymistico Chamo maiorum irrisore mirandum non est; conuenienter genio eorum agit, qui, vt ait sanctus Augustinus, *comparant sibi sua voluntate peruersa & presentis meritum cæcitatís, & futuri aeterni supplicii, quia per contumaciam indociles sunt, seq; cum in hac vita sunt, corrigere atq; emendare negligunt.*

S. Aug. epist.
141.

Qui

Qui sequitur syllogismus tantundem neruorum
habet, quantum cæteri.

*Per quos Spiritus sanctus non loquitur authenticè, mouendo,
impellendoq; eos vt Apostolos, (hoc est, vt non tã agant,
quàm agantur, potiusq; vt dici solet, passiuè se ha-
beant, quàm actiuè) ii non possunt authenticam normam
omnium controuersiarum fidei Christianæ omnem auctori-
tatem à Christo & Spiritu sancto habentis, nec vniuersali-
ter, nec partialiter condere:*

*Per Doctores etiam vniuersim consideratos, non ita loquitur
Spiritus S. nec eos sic mouet:*

Ergo, &c.

Respondeo Maiorem esse cæteris similem, vanam, falsam,
verbis tumidam, ventosam, vno verbo, *Chymicam*. Quam
more suo, nec probat, nec probare valet, vt nec istam,
quam mox subiicit:

*Si Augustinus, Chrysostomus, & similes Patres normam, ad
quam controuersia in Ecclesia omnes iudicandæ præter scri-
pturam fiat, posuerunt; consequens est ante istos Ecclesiam
caruisse norma perfectâ, & sic non potuisse aliquas contro-
uersias componere:*

Sed hoc est absurdum dictu:

Ergo & illud.

Respondeo, negando sequelam Maioris, quia etiam
ante sanctum Augustinum & Chrysostomum habuit Ec-
clesia, quauis ætate, suos Doctores, ad quorum vnani-
mem consensum controuersias exigere & componere
poterat. Et hæc norma quasi *intensiuè* perfecta fuit antè
Augustinum & Chrysostomum; licet tam illis, quàm aliis
singularum ætatum Doctoribus accedentibus, perfecti-
or quodammodo fiat *extensiuè*, propter accessionem plu-
rium Doctorum, qui quouis sæculo clarent.

Obser-

Obseruet autem Lector, Lullistam malitiosè rem proponere, vt incautos circumueniat; nō enim dicimus, Augustinum, aut Chrysostomum, aut hunc vel illū Doctorem constituere normam controuersiarum fidei; sed omnes simul & *collectiue* sumptos; nec dicimus omnium controuersiarum normam esse debere; vt mentitur Chymicus; sed indefinitè controuersiarum. Nam vt aliquid norma sit controuersiarum, necesse non est, vt norma sit omnium controuersiarum; sufficit quod quarundam. Hinc plures statuuntur, vt si fortè vna in hac vel illa controuersia deficit, ad aliam recurratur. Deinde si Alchymistæ argumentum legitimum esset, esset & hoc legitimum: Si scriptura noui testamenti cōstituit normam, ad quam vnā omnes controuersiæ sunt iudicandæ; sequitur Ecclesiam caruisse norma antequam scriptura à Canonicis scriptoribus cōscriberetur, & sic non potuisse aliquas controuersias componere. Item, si Epistolæ ad Timotheum, Titum, Philemonem, Hebræos, item Canonica & Apocalypsis sunt pars eius normæ, ad quam ex Hæreticorum sententia, omnes controuersiæ diiudicandæ sunt, sequitur Ecclesiam ante prædictas Epistolas & librum Apocalypsis caruisse norma perfecta, & sic non potuisse aliquas controuersias componere. Vt placeat tibi istæ ratiocinationes Alchymistæ?

Pergis delirare.

Qui regulam omnium controuersiarum Ecclesiæ ponere vult, eum oportet statim in principio Ecclesiæ esse. Non enim potest regula posterior esse regulato, principium posterius principiatis:

At Augustinus & ceteri Patres non fuerunt in principio Ecclesiæ:

Ergo, &c.

Quanto rectius subsumam ego, Maiore tua posita; *Sed scriptura sacra non fuit in principio Ecclesiæ*; diu enim fuit Ecclesiæ tam veteris, quàm noui testamenti ante sacram scripturam, ergo scriptura sacra non est norma omnium controuersiarum. Quid, obsecro, hic negabis Lulle? Maioremne? At illa tua est. Minoremne? At illa est certissima. Quis enim tam hebes est & stolidus, cui compertum non sit, quot annis vetus Ecclesiæ & noua durarit, antequam Moyse, Prophetæ, Euangelistæ & Apostoli cœlestem doctrinam litteris cōsignarent? Quàm cœca est perfidia, quàm præceps & incōsiderata! Ex illa ipsa Maiore tua euidenter intelligere poterat, falsum esse illud Lutheranae Atheologiæ fundamentum & principium, videlicet, scripturam esse unicam normam & iudicem omnium controuersiarum; *quia non fuit in principio Ecclesiæ, & regula non potest esse posterior regulato*, ut ait Alchymista; tantum ergo abest, ut sit unica omnium controuersiarum norma, ut ne norma quidem sit secundum huius Arnoldistæ principia; quia quocunque se vertat, inficiari nequit, scripturam esse posteriorem, quàm sit Ecclesiæ; & sic regulam posteriorem esse regulato; & principium principiato, contra axioma Alchymistæ.

Ad argumentum in forma, respondeo Maiorem esse falsam, si intelligatur de omnibus normæ partibus adæquatè, prout jam norma controuersiarum constituta est, quasi norma controuersiarum existere debuerit secundum omnes suas partes in principio Ecclesiæ. Hoc enim manifestè falsum est, ut patet de scriptura, quæ est secundum nos norma *partialis* controuersiarum, secundum aduersarios autem norma *totalis*. Et tamen non existit in principio Ecclesiæ. Satis ergo est, quod
nor-

norma exstiterit tunc secundum aliquas partes; sufficientes tamen ad omnes omnino controuersias dirimendas; nempe secundum doctrinam non scriptam, sed voce uiua traditam: item secundum auctoritatem ipsius Ecclesiæ, Doctorumque eius; quæ norma secundum has partes, quas tunc, nimirum in principio Ecclesiæ, habebat; sufficientissima erat ad omnes controuersias dirimendas; & hodie quoque esset, licet scriptura non exstaret: neque enim simpliciter necessarium erat, ut doctrina cœlestis scripto comprehenderetur; & sic etiam simpliciter necessarium non erat, ut ad normam illam, vel partes illius normæ, ex qua in principio Ecclesiæ, controuersiæ diiudicabantur, accederet etiam scriptum Dei verbum, quia essentialiter idem Dei verbum est scriptum & non scriptum, & sic quidquid discriminis in illis apparet, id totum est accidentarium. Quid, quod ne secundum quidem non scriptum Dei verbum oportebat regulam illam adæquatè in Ecclesia exstare, quia multa ad cœlestem doctrinam pertinentia postea temporis progressionem reuelata sunt, cum Ecclesia Christiana (de hac enim claritatis causa loquamur) multos iam annos exstisset, ut sunt illa nominatim, quæ Apostolus Ioannes in Apocalypsi sua scribit.

Porro hæc omnia, quæ disputauimus, confirmari possunt, testimonio sancti Irenæi, hunc in modum scribentis. *Quid autem, si neque Apostoli quidem scripturas reliquissent nobis, nonne oportebat ordinem sequi traditionis, quam tradiderunt iis, quibus committebant Ecclesiæ? Cui ordinationi assentiunt multa gentes barbarorum eorum, qui in Christum credunt, sine charactere vel atramento scriptam habentes per Spiritum in cordibus suis salutem, & ueræ traditionem diligenter custodientes, in unum DEVM cre-*

S. Iren. l. 3. c. 4.

denos fabricatorem celi & terra, & omnium, quæ in eis sunt, per Christum Iesum Dei filium, &c. Hanc fidem, qui sine literis crediderunt, quantum ad sermonem nostrum barbari sunt; quantum autem ad sententiam & consuetudinem, & conuersationem propter fidem, per quam sapientissimi sunt, & placent Deo, conuersantes in omni iustitia, & castitate, & sapientia. Quibus si aliquis annunciauerit ea, quæ ab Hereticis adinuenta sunt, proprio sermone eorum colloquens, statim concludentes aures longo longius fugient, ne audire quidem sustinentes blasphemum colloquium. Sic per illam veterem Apostolorum traditionem, ne in conceptionem quidæ mentis admittunt, quodcunq; eorum portentiloquium est. Hæc pulchrè & verè S. Irenæus: Ex quibus lucem accendere licet illis, quæ hîc à nobis disputata sunt.

Cæterum quod Alchymista in Minore sua assumit, At Augustinus & alii Patres non fuerunt in principio Ecclesiæ; antiquum obtinet, & impostoris personam egregiè sustinet. Quid enim refert, tamen S. Augustinus initio Ecclesiæ non vixit? Quis dixit S. Augustinum, aut hunc, illumue Doctorem particularem, esse normam infallibilẽ controuersiarum? Patres initio Ecclesiæ non fuisse negamus; Nam Patres Ecclesiæ nulli sunt alii, quam pastores & Doctores; sine his nec fuit, neq; vquam erit orthodoxa Ecclesia.

Superest vna adhuc aduersus Doctores machina, reliquis par robore:

Solus Christus, Propheta & Apostoli fundatores sunt Ecclesiæ & normæ positores:

Ergo Augustinus & alii non possunt facere normam in Ecclesiâ.

Respondeo, negando consequentiam; vt maximè verum esset antecedens de Prophetis & Apostolis: Nam Christus inter cæteras normas posuit quoq; auctoritatem &

con-

consensionem vnanimem Doctorum. Ipse enim quosdam quidem dedit Apostolos, &c. alios autem Pastores & Doctores. Quo fit, vt Augustinus cum aliis Ecclesiæ Doctoribus normam fidei constituat; etsi hoc nõ suo nutu, sed Christi Spiritum sanctum Doctoribus mittentis, vt illis simul & collectiue sumptis infallibiliter adhistat, eosq; in omnem veritatem dirigat. Illæ consequentiæ, quas attexit Alchymista:

Christus est fundamentum Ecclesiæ; Aliud fundamentum ponere non licet, quàm quod est positum:

Doctores edificati sunt supra Christum & Apostolos:

Ergo vnanimis Doctorum consensus non est controuersiarum norma.

Stipulæ sunt, & quauis pluma leuiore, sæpius jam discussæ, ac proinde non iterandæ, sed solo silentio & contemptu præteruolandæ.

Dosis XXVII. De Conciliis.

VT disceptatio hæc gratior sit Lutheranis calumniatoribus & sycophantis, admisceat Arsenicarius nofter tertio quoq; verbo conuicia, (vt de crassissimis mendaciis nihil dicam) Hinc passim videas ista: *Iesuita Diabolicalarua, rana, locustaq; Antichristica, pessimi sycophanta, Beani, Diabolica secta Papistarum, pestes infernales, & viperea Iesuita, & sexcenta talia, quorum Alchymista tam ferax est, vt suo in pectore plusquam legionem Diabolorum, hoc est, calumniatorum, continere videatur. Verum nos crassioribus istis Diabolorum ruditibus & rugitibus omissis, dispiciamus, quid paulò, si non veracius, certè in speciè subtilius contra Conciliorum auctoritatem grunniat.*

Primum ergo Alchymistæ argumentum in compendium redactum est istud.

Concilia spectant sacram scripturam, ut infallibilem normam.

Ergo ipsa, seu ipsorum decreta, non sunt infallibilis norma.

Probatur consequentia:

Quia habet se ut mensuratum ad mensuram,

Sed mensuratum non est mensura seu norma:

Ergo, &c.

Respondeo, negando consequentiam. Ad probationem dico, mensuratum, quâ tale, sub hac videlicet formalitatem ratione, non esse mensuram seu normam; esse tamen sub alia: quatenus scilicet ea præstantia pollet, ut & alia ad illius æquitatem & infallibilitatem expendi queant. An non in rebus item externis mensura potest mensurari, & norma ad aliâ normam exigi? Certè mensura non est mensura, quatenus mensuratur, nec norma norma est, quatenus ad aliam, & per aliam normam exploratur; at ubi per omnia cum mensura aut norma convenire deprehenditur, jam mensura seu norma ipsa itidem est, omni ex parte recta, omnisque fraudis & fallaciæ nescia. Idem de Conciliorum decretis judicium.

Obicit Alchymista. Si ipsi, hoc est, Patres Conciliorum, haberent normæ fabricandæ potestatem, non spectarent aliam superiorem & immotam, nec ad eam se accommodarent, sed suam ponerent. Perinde est, ac si diceret; si qui in Republica mensuris & ponderibus præfunt, haberent potestatem definiendi & determinandi per suam sententiam mensuras justas & æqua pondera, tum non esset necesse, ut aliquam superiorem, jamque receptam, & ab omnibus approbatam mensuram intueren-

tur, & ad eam se suumq; iudicium accommodarent. Quā
parum momenti inest in hoc discursu, tam parum inest
itidem in illo altero Lullistico. Quid enim regulæ obest,
si ad rectitudinem alterius regulæ conformetur & exi-
gatur? neque enim vilo modo rationi regulæ repugnat,
vt secundum regulam instituat & fiat. Licet ergo
decreta Conciliorum comparentur & explorentur ad
sacram scripturam, infallibilia tamen postea per se sunt,
& certissima, ac proinde apta, ad quæ, tanquam ad li-
bellam & perpêdiculum, spirituale fidei Christianæ ædi-
ficiū expendamus.

Sed ait Lullus. Si Concilia exigunt & componunt sua de-
creta ad scripturæ normam, licebit ergo illa decreta ad scripturæ
normam examinare, sicut & Christus non modò passus est do-
ctrinam suam ad scripturæ normam examinari; sed & mandauit,
vt hoc fieret. Respondeo Christum hoc permisisse, imò &
iussisse, non quod id necessarium foret (nemo enim cer-
tius & melius norat doctrinam Christi esse infallibilem,
quàm ipse Christus) sed vt dux ludæorum cervici sese
accommodaret, accommodandoque omnes excusatio-
nis de incredulitate vias præcideret. Pari modo Conci-
lia nō verant sua decreta ad normam sacræ scripturæ ex-
aminari, si quis examinare velit; si id fiat non more
Kemnitiano, hoc est, Hæretico, qui nihil cum scriptura
consentire credit, quàm quod ipse cerebro malè feriato
præconcepit; sed spiritu humilitatis, veriç; inueniendi
verè cupido. Quia verò sectarii nostri eo prorsus ritu Cō-
ciliorum scita cum diuina scriptura comparant, quo o-
lim cæci Pharisei comparabant doctrinam Christi cum
Moysè & Prophetis; ideo eundem, quem illi fructum
ex hac sua collatione, & ex tam pulchrè instituto exami-
ne reportant.

At Concilia consulere debent sacram scripturam:

Ergo decreta illorum non constituunt normam infallibilem.

Præclare & acutè. Quasi dicas: Qui secundum normam mensuræ optimæ, æquissimæ, vndique sibi consentientis & fallere nesciæ mensuram conficit, is non conficit mensuram infallibilem, quia si infallibilem conficeret, necesse non esset, vt ad aliam infallibilem respiceret, suasq; actiones secundum illam conformaret. Quam subciles ratiocinationes progignit fumus Alchymisticus.

Inter cætera, quæ Hæretici obiiiciunt aduersus Oecumenicarum Synodorum auctoritatem, est etiam hoc: *quod Deus non sit alligatus ad multitudinem*: Respondi, alligatum esse non simpliciter, sed ex hypothesi, posito scilicet, quod promiserit se Concilio, hoc est, multitudini pastorum cum capite suo congregatæ, infallibiliter velle adstiterè. Ad quæ Furippus, à Furiis instinctus. *Impudentiam Diabolicæ sectæ Papistarum videtis.* Videmus impudentiam *Alchymisticam & Lutheristicam*, & quidem euidenter. Arguit me contradictionis, quod dixi, Deum magis alligatum esse (ex hypothesi nimirum promissionis) ad plures, quàm ad vnum, cum tamen dicam, Deum etiam alligatum esse (ex hypothesi scilicet promissionis) ad vnum pastorem summum, hoc est, ad Pontificem Romanum. Hæc sunt, quæ Chymicū nostrum in rabiem vertunt. At si ex potestate mentis non exisset, facilè animaduertisset, me de vno priuato, paucisq; priuatis loqui, cum nego, Deum in definiendis fidei controuersis ad vnum vel paucos alligatum esse: Et cum rursus aio, Deum in definiendis quæstionibus ad vnum summum pastorem (supposita promissione) alligatum, me non loqui de vno priuato, sed de vno publico omnium controuersiarum iudice & definitore, qui est Dei in terris Vicarius,

carius, successorq; Petri; qui non vt vnus priuatus est, sed vt Ecclesiæ publicam personam sustinet, controuersias decidit ac dirimit. Quare in auras abeunt insani Alchymistę clamores, qui præ amentia quid scribat, aut garriat nesciens, vrget illud Domini Matth. 18. *Si duo ex vobis consenserint super terram, de omni re, quamcunq; petierint, fiet illis à Patre meo, qui in cælis est*: quasi etiam quibusuis priuatis infallibilis adfistentia Spiritus sancti in decidendis fidei quæstionibus permessa sit, eò quod Dominus dicat: *De omni re*; nulla videlicet excepta: Et tamen paulò pòst ipsemet dicit: *Christum nunquam promississe talem præsentiam, qua decreta priuatorum pro decretis Christi (infallibilibus) censerì debeant*: moxq; quod rectè asseruerat, iterum euertit; cum subiungit: *duobus vel tribus testibus omne iudicium finiri*; ergo etiam iudicium de rebus fidei duorum vel trium testium, hominum priuatorum, iudicio & auctoritate finietur; at hoc paulò antè inficiabaris. Porro illud, *de omni re*, intelligitur de omni re ad propriam cuiusque salutem pertinente; non de omni re simpliciter.

Syllogismus, quem postea proponis, non est meus, sed tuus, ac proinde vanus; cuius siue Maiorem, siue Minorem, siue Conclusionem *blasphemam* voces, mea nihil interest. Cum laruis à te confictis bellum geris, non mecum. Dico, impossibile esse, vt priuatus nitatur melioribus, solidioribusq; rationib; pro sua sententia, quàm Concilium aut Pontifex habeat pro ea, quam definiunt omnibusq; Christianis amplectendam proponunt: quia nulli priuato dictum est, *Porta inferi non praualebunt aduersus te*, in definiendo scilicet, quod Petro & successoribus dictum est. Nullus item priuatus audiuit: *Ego rogavi pro te, vt non deficiat fides tua*; in definiendo scilicet: nam quod Chymicus in Maiore & Minore añectit hanc

propositionē: Nulli item priuato Deus tam fidelis est, vt seipsū non neget; quasi à me assertā & positā, impudentissimè mē- titur simul ac calumniatur: nunquā enim mihi in mentē venit, cum directè sit contra sacras litteras, ipsamq; Dei maiestatem; cui⁹ fidelissimè naturæ ex diametro repugnat, vt contra suam obligationem se cuiquā, quantūuis priuato, neget. Inspiciat lector duntaxat locum Responsi mei, vanitatēq; Alchymistæ non modò manibus tanget, sed & toto pectore execrabitur. Neq; enim dictum Apostoli 2. Tim. 1. *Fidelis De⁹ est, & seipsum negare non potest*: alio fine adduxi, quā vt ostēderē, promissiones Petro ei⁹q; successorib⁹ à Christo factas, ab eodem reipsa exhiberi & impleri; quandoq; dem fidelis est, seq; ipsū negare nequit, negaret autem seipsum, si q; pollicitus est, opere ipso nō imple- ret. cum autem nulli priuato infallibilem Spirit⁹ sancti in de- finiēdo aduſtentiam promiserit, sequitur q; nulli quoq; priuato sese cōtra fidelitatem negare cēseri debeat, non largiēdo illi in decretis infallibilē Spirit⁹ ſācti aduſtentia, cū talē ei nūquā p̄miserit. Hęc mea in Respōso doctrina est, planis & disertis verbis p̄posita; quā iste summa im- p̄bi- tate inuertit & p̄uertit; ratus, opinor, ea, q̄ scribebat, se nō hominibus, sed stipitibus sudibusq; præuultis scribere.

Cæterū de quæstione *Iuris* & *facti* ita disputat, vt nō iniuria quæstio excitari queat, num vel leuiter intelligat quid sit quæstio *Iuris*, & quid quæstio *facti*? Consideret, oro, lector eruditus, quam *disparata* planēq; aduersa, & non magis, quam funiculos ex arena, cohærentia, in hoc syllogismo Alchymista conglobet.

Qui de iure, quod sciunt sibi sequendum esse, non debent errare, errant autem de facto, quando contra ius pronunciant, & faciunt, magis sunt condemnandi, quàm qui ius ignorant, tantumq; de facto errant.

Concilia non debebant de iure errare, scientia, id ipsum sibi sequendum esse: errant autem de facto pronunciando & agendo contra ius:

Concilia ergo magis sunt condemnanda, quam qui ius ignorantes, tantum de facto errant.

Quis, obsecro, tam expeditus est, qui intricatissimi huius syllogismi tricas extricare norit? Quid enim illud est? *Errant de facto, quando contra ius pronunciant:* imò si Concilia contra ius diuinum pronunciarent, errorē iuris & fidei, non facti admitterent, nisi Alchymista turpi fallacia lectores ludificet, vocabulo illo *de facto*, nihil aliud intelligēs, quā q̄ vulgò dicimus *reipsa*. Quo pacto non inficiamur *reipsa* teu *de facto* errare, qui contra ius pronunciant. Sed aliud est *reipsa* & *de facto* errare errore iuris, & fidei; aliud errore *facti*. error iuris *de facto* seu *Reipsa* error est; sed non est error *facti*: sicut error *facti*, non est error iuris. Quis vel leuiter ratione, (non enim dicam Theologia & Iuris peritia) tinctus, ignorat, errorem facti diuersum esse ab errore iuris?

Verum, ut ad syllogismum reuertamur; Maior videtur mihi simillima huic, conflata nimirum ex alystatis, & in vnum coalescere non consuetis.

Qui de iure, quod sciunt sibi sequendum esse, non debebant errare, baculum autem in angulo reponunt, quando contra ius pronunciant, ac prater ea leporem venantur quando contra ius faciunt, magis sunt condemnandi quam qui ius ignorant & baculum in angulo collocant, tantumq̄ de facto leporem capiendo errant.

Concilia non debebant de iure errare, & baculum in angulo collocare, scientia, id ipsum esse sibi sequendum, nullumq̄ leporem capiendum, errant autem de facto pronunciando, & agendo contra ius venandi.

Ergo Concilia magis sunt condemnanda, quam qui ius ignorantes tantum de facto leporem capiunt.

Hunc syllogismum aio Alchymistici illius esse fratrem; neq; potui melius deformitatem & absurditatem eius ob oculos ponere, quàm in exemplo. Sed quidquid sit de hoc informi monstro, Alchymistam informia mendacia fundere dico, cum ait, Maiorem suam planè ex repugnantibus consutam, ex oraculis filij Dei exstructam esse. Secundo cum ait, *Minorem* esse meam, vbi ego vnquam hoc enunciationis portentum posui? *Concilia non debebant de iure errare, scientia id ipsum sibi esse sequendum, errant autem de facto pronunciando & agendo contra ius.* Ne in somnio quidem vnquam talem propositionem formaui, in qua nec pes nec caput vni redditur formæ.

Alia quæ adiungit eiusdem sunt farina. Ne terminos quidem intelligit Brutus iste; quomodo rem terminis subiectam caperet? Verè Arrianus tradit, *principium* eruditionis esse intelligentiam *vocabulorum*; quorum intelligentia hunc adeo fugit, vt summa contentione non probet, (qui enim posset?) sed vociferetur, eum, qui errat errore facti, necessario etiam errare errore iuris. Quæ tam spissa & Chymica fuligine vnde quaq; obducta incitiam quouis vel de triuio arrepto litteratore castigari poterit. Nihilò meliora & saniora sunt, quæ de Caipha; eiusq; Pontificatu adfert. Paucis, nihil in hoc Alchymista sincerum, nihil candidum, nihil probum, nihil vel tenuiter doctum & ingenuum pectus olens. Totus calumniator & sycophanta est; totus impostor & plus quam Græcus ἐπιβήτης, odium Diabolicum in orthodoxos & incitiam in rebus Theologicis plusquam asininâ, & nihilominus audaciam maiorem quàm Thraſonicam vbiq; præ se terens; & hoc ex ipsa professione Alchymistica;

stica; quia, vt quidam non inconcinnè cecinit. *Alchymia est scientia sine arte: cuius scire est pars cum parte; Medium est strenuè mentiri; Finis mendicatum ire.*

DOSIS XXVIII.

De Pontifice & Cathedra Petri.

Pontificem Romanum, Petriq; Cathedram solitis spiculis aggreditur Alchymista.

Ad illegitimum, inquit, successorem & heredem nihil pertinet legitima sedes & hereditas:

Papa Romanus est successor & haeres Petri illegitimus:

Ergo, &c.

Negatur Minor. Quam quomodo aut quando probabis Alchymista? Loço probationis obtrudit nobis hunc syllogismum.

Qui nullam vnquam habuit sedē aut hereditatē Roma, is nullum potest habere successorem & heredē in Sede & hereditate Romana:

Petrus nullam vnquam habuit Sedem aut hereditatem Romanā:

Ergo, &c.

Respondeo Minorem esse Chymicam & Lullicam, loquendo de Sede & hereditate spiritali, de qua sola quaestio est. Nam quod Hæreticus de donationibus Constantini Magni, Pipini & aliorum hic occinit, id nihil ad rem: non enim disputamus de Dominio Politico Pontificis; sed de Iurisdictione & Potestate spiritali. Hanc Petrus Romæ habuit; eamq; non adstrictam Romanæ vrbs finibus; sed quā patet orbis diffusam; pariqlatitudine ad successores suos transmisit.

vide Bell. lib.
3. de Eccl. c. 2.
& 7.

Definitionem Ecclesiæ à Wiclepho olim & Hussallatam, & in Concilio Constantiensi damnatam, mirum quod sit prædestinatorum cætus, acriter propugnat Alchymista, ut non modo Lutheristæ, sed & Wiclephistæ & Hussitæ nomen obtineat. Ne tamen id abiq; argumētis facere videatur: en Chymicas consequentias.

1. Petri 2. dicitur: Vos estis genus electum, regale sacerdotium, gens sancta:

Ergo Ecclesia est tantum cætus prædestinatorum. Probatur consequentia. Quia electio nulla est, nisi ad vitam æternam; electio autem ad vitam æternam quid aliud est, nisi prædestinatio. Omnia acutè, more suo. Et est quod Iudas proditor Alchymistæ huic immortales agat gratias, quia beneficio & ope eius in prædestinatorum numerum venit. Electus enim est à Dño ad Apostolatam; juxta illud Christi: Nōne ego vos duodecim elegi: & ex vobis vnus Diabolus est? Dicebat autē Iudā Simonis Iscariotem. Si electio & prædestinatio in sacris litteris idem est, oportet ergo dicere, hūc, quem Dominus Diabolum appellat, fuisse prædestinatum; præclare profectò meretur Alchymista de cōsanguineo suo Iuda.

Syllogismus, quem mox proponit, adeo æger est, ut nullis pharmacis, ne Alchymisticis quidem & Paracelsicis curari queat.

Si in Papatu hæ res sunt veritates & virtutes, quæ in sacra scriptura falsitates & vitia, necesse est, ut aut sacra scriptura sit fallax, &c. aut Papatus scriptura ex diametro contrarius:

Sed impossibile est scripturam fallere.

Ergo Papatus est scriptura ex diametro contrarius.

Respondeo, negando consequentiam; quia syllogismus æquè est informis, ac syllogismi parens Alchymista: Ex præscripto enim legum Dialecticarum sub Maiore subsumen-

sumendum erat. Sed in Papatu haec sunt veritates & virtutes, quae in sacra scriptura falsitates & vitia: vel, ut Alchymista cum suis Praedicantibus crebrius facit: Sed verum prius. Quo pacto si subsumpsisset, est vestigio Minor negatione displosa fuisset.

De cathedra Petri, quae garrit, adeo futilia & contrita sunt, ut rangere pigeat. Quid enim opus quisquillas illas identidem reponere?

Qui Petri doctrinam sonant, illi sedent super cathedram Petri:

Papa Romanus non sonat doctrinam Petri:

Ergo, &c. Si quis huiusmodi dapibus delectatur, is culinam Alchymistae huius adeat. Ingentes subministrabit struices. Actum jam de his in Respōto. Nec aliter iste refellitur, quam his & similibus argumētis: delirat Grieserus, Fatuus & mēdax est, nil credendum homini mēdacissimo, qui Papatus causam & sacra scripta & humana violat, ut alias Quinti Evangelii phaleras silentio transiliam. At vide sis lector extremam vanitatem Alchymistae, qui ut demonstret, Pontifices definiendo quaestiones fidei à vero abire posse, hunc in modum argumentationem instituere non veretur.

Quicum Bulla & anathemate ex cathedra, officioque Papali pronunciando errat, non priuato, sed judiciali errore, qui commissus sit definiendo & statuendo, quod recte fidei repugnet, errat:

Multi Papa cum Bulla & anathemate ex cathedra, officioque Papali pronunciando errarunt:

Multi ergo Papa, non priuato, sed judiciali errore, qui commissus sit definiendo & statuendo, quod recte fidei repugnet, errarunt.

Respondeo Maiorem esse veram, si intelligatur ut debet, de quaestionibus fidei, ut sensus sit, qui in quaestione seu materia fidei cum bulla & anathemate officioque Papali errat, &c. sed negatur minor, negatur inquam, Multos Papas cum bulla & anathe-

anathemate in quæstionibus fidei pronunciando errasse: imo ne vnus quidem hunc in modum errauit. Neque vel vnum monstrabunt vnquam sectarij, quantumuis ne ipsum quidē Acherontē hui⁹ rei ostēdendæ gratia sollicitare cessēt. Quod si Alchymistæ Maior accipiat nudē & p̄cisē, vt à fabro suo edolata est; negari debebit. Duplex est enim error iudicialis & public⁹. Alter in argumēto, & quæstione fidei; alter in argumēto & quæstione facti: vt si nō de fide, sed de facto quopiā quæstio sit; iudiceturq; sec⁹, quàm facti species & veritas ferat. Si ergo Maior ita generatim accipiat, neganda erit absq; vlla distinctione: quia manifestē falsū est quod quicū bulla & anathemate ex Cathedra officioq; Papali pronūciando errat, is nō privato, sed iudiciali errore erret, qui sit definiendo & statuendo quod recta fidei repugnet: Falsum inquam hoc est; quia fieri potest, vt pronunciet Pontifex auctoritate Pontificia cum bulla & anathemate, non in materia fidei, sed facti alicuius: vbi si pronunciando erret, minimē errabit errore iudiciali contra fidem, sed contra veritatem facti: vt si Pontifex auctoritate Pontificia, & diplomate edito aliquem innocentem excommunicet, existimans eum huius vel illius criminis excommunicatione digni reum esse. Hoc casu errat pronunciando, at non errore iudiciali contra fidem. Hinc cum dixi Pontificem errare non posse errore iudiciali, statim adieci: *errore, inquam, qui commissus sit definiendo & statuendo, quod recta fidei repugnet.* Non confundat ergo Alchymista velex imperitia, velex nequitia errorem iudicalem circa factum & errorem iudicalem circa fidem.

Rursus instat Chymicus.

Qui errat talibus factis, quæ fidem secum trahunt, & sine fidei læsione & scandalo committi non possunt, idq; facit publicē,

etiam eius gratia synodo collecta, eum necesse est in fide simul errare.

Mulci Papatalib⁹ factis errarunt, quæ fidem secum traxerunt.

Multos ergo Papas Romanos necesse fuit in fide simul errare.

Respondco, maiorem esse veram, si intelligatur de eiusmodi facti erroribus, qui simul etiam iudicalem errorē fidei connexum habuerint; sed hoc sensu, negatur Minor. Nullum enim vnquā Pontificem proferent sectarij, qui in definitione facti iudicialiter aberrans, simul etiam inciderit in iudicalem errorem circa fidem, definiens nimirū iudicialiter aliquid, q̄ rectæ fidei aduersetur. Nā q̄ nugatur Alchymista de Stephano VI. & Sergio ex vna parte; deq̄ Theodoro, Romano, & Ioanne IX. ex altera parte in causa Formosi Pontificis, id extra causæ nostræ statū est; nā vt Stephanus & Sergius maximè errarint, errarunt tamen nō in quæstione fidei definiendo aliquid, q̄ fidei orthodoxæ repugnaret, sed in quæstione facti; utrū scilicet Formosus fuerit legitimus Pontifex: vt iam dudū rectè Pontificū calumniatoribus explicauit Bellarminus.

Obiicit Alchymista: Error iudicialis Stephani & Sergij circa factū scādālū peperit, eratq̄ cōtra charitatē proximo debitā:

Erat igitur etiam error iudicialis contra fidem.

Egregiè, quasi necesse sit, vt qui agit contra charitatem proximi; hoc ipso etiā peccet contra fidem: nec quomodocunq; peccet, sed definiendo cōtra veritatē fidei falsitatē aliquā. Quæso, quam falsitatem aduersus fidē definiuit Srephanus, quādo Acta Formosi iudicialiter rescidit: & in hac ipsa rescissione circa facti materiam errauit? Nam q̄ iusserūt ordinatos à Formoso iterum ordinari, id nō ex heresi aut ignorantia accidit, quasi putarint ordinatos ab Episcopo degradato esse iterum ordinādos, sed ex odio in Formosum. Et vt maximè huius opinionis fuissent, nul-

lum tamen decretū de ea ediderunt; consequenter neq̃ definiuisse cēseri possent; sed quidquid hoc erroris circa quæstionem fidei fuisset, id priuatum, non publicum & iudiciale fuisset: aut ostendat nobis Alchymista decretum aliquod Stephani aut Sergij, quo ex Pontificia auctoritate definierint, & tanquā dogma fidei cunctis fidelibus amplectendum proposuerint; ordinatos ab Episcopo degradato denuo ordinandos esse.

Instat Alchymista; sed subtilissimè.

Damnare innocentē ex solo odio & liuore est contra ius diuinū.

Ergo si quis Pontifex id fecit, eo ipso contra ius diuinum fecit.

Definiendo scilicet errorem aliquem contrarium fidei, totiq̃ Ecclesiæ amplectendum proponendo; sic enim vt ad rē faciat, intelligi debet. Sed perinde est, ac si diceret.

Omnis ille, qui peccat, facit contra ius diuinum:

Ergo omnis, qui peccat definit aliquem errorem orthodoxæ fidei contrariū, eumq̃ vniuersæ Ecclesiæ sectandum proponit.

Suadeo Alchymistæ, vt quia hætenus aliquot libros singularium publicauit, tandem de libris subtilitatum, Cardanī exemplo, euulgandis cogitationem suscipiat, in vsum multiplicem noua (commenta) audire desiderantium.

De erroribus, quos Hæretici quibusdam Pontificibus adscribunt, nihil amplius addo; quia iste nihil contra adfert, quod vllū responsum mereatur. Deme cōiugia & mendacia, & nihil remanebit. Mentitur, me cōcedere Liberiū Arianæ hæresi subscripsisse. Nō concessi simpliciter. Sed dixi, *demus subscripsisse, quādo ita vis.* An qui ita loquitur, *Demus* seu *faciamus* Alchymistā habere alas, absolute concedit, Alchymistā alis esse præditū? Dixi, neminē propriè esse hæreticū, nisi qui mente & assensu hæresin appetet, quidqd̃ exteri⁹ agat. *Et talis est hypocrita*, clamat Chymic⁹, & præbet scandalū Ecclesiæ, Cæterū nos de hæresi & hære-

heretico loquimur, nō de hypocrisi & hypocrita, Iterū mē-
tatur cū ait, me teste, errorē Liberij fuisse hereticū ex hypothesi.
Mendaciū hoc redarguitur à meis verbis, q̄ sūt ista: Et vt
ver^o heretic^o fuisset: hæresin tamē, vt Pōtifex, nec docu-
it, nec definiuit. Quare totū illud, quiddā erroris fuisset,
nō ad iudiciālē, sed ad priuatū errorē ptinuisset. Hęc ego.
Dixerā, Liberij nō subscripsisse formulæ Arianae, sed al-
teri cuidā cōtra Photinū. Occurrit Chymie^o. *Quomodo ex-
casabis simulationis & hypocrisis eos crimē.* Nō hoc agimus in p-
fenti; sed hoc, vt à Liberio hæreseos crimē amoliamur,
quod vos frustra tentatis impingete. Sed ecce syllogis-
mum Alchymisticum.

*Qui consensit in damnationem Athanasij, & cum Arianis com-
municauit, is iudicio Gretseri ex antiquitate pro heretico sine
dubio est habendus.*

Liberius hoc fecit, ergo, &c.

Respondeo maiorem præter falsitatem continere mani-
festum mendacium; nunquam enim asseruit Gretserus,
quod ei Alchymista impudenter imponit.

Quod ad Leonem X. attinet, q̄ro ex te, aliisq; Leonis
criminatoribus, nū verè locut^o, an mētitus fuerit Luthe-
rus, cū hęc ad Leonē X. scripsit. *Celebratior & augustior est in* Luth. Tom. 2.
omni terrarū orbe, tot cātorū virorū litteris cātata opinio, & vite Epist. 166.
tua inculpata fama, quam vt à quouis vel maximi nominis possit
quouis arte impeti. Nō sū tā stultus, vt eū incessā, quē nemo nō lau-
dat. Aut hæc scribēs Luther^o vera scripsit, aut mētit^o est.
Si vera scripsit, mētimini ergo tu tuiq; fratres, cū de Leo-
ne X. nescio quæ crimina spargitis. Si autē Lutherus mē-
titus est, mendacē ergo Magistrū sequimini; cuius ipdo-
lē si mentiendō referatis, nihil causæ erit, cur vestramē-
tiendi libidinē valdē admiremur. Quapropter nulla me
subit admiratio, cum huius syllogismi:

Vu

Ani

Antichristi praeursor & Antichristus in fide errat:

Pontifices Romani sunt Antichristi:

Ergo, &c.

Maiores me distinguere mentiris. Videatur Responsum meum, tuūq; mendaciū patefcet: non enim huius Hunniani syllogismi maiore distinxī; sed alteri^o, quē p ista seu minore, seu maiore cōfirmāda adfert. Vbi frōs, vbi pudor Alchymista? vbi vel mica ingenui pectoris? Illud lepidū, quod iste *asin^o cornu^o* (agnoscis tua verba) putat, ppositiōnem, quā distinctiōne eget, indistinctā haberi pro falsa; imo nec pro falsa, nec p vera habetur, si nō distinguatur; hoc sensu vera censetur; alio, falsa. Rursus mētitur, cū ait, concedere me, *Pontificē Romanū esse Antichristū, titulo vniuersalis Episcopi humiliter vtentem*. Mētiris, miler. Nihil huius dixi aut scripsī. Eandē mentiendi artē facit, quando Alchymistica & attritissima fronte pronunciare non veretur, me concedere *Pontifices esse Antichristos si superbē vtantur titulo Episcopi vniuersalis*: Mentiris Chymice. Neq; dixi, neq; somniaui talia. Minor erat ista. *Hodierni Romani Pontifices eum sibi titulum vsurpant*. Respondi eum vsurpare titulū vniuersalis Episcopi ex officio, cum debita humilitate & iure optimo. Nullum verbum in Minore de Antichristo factum est: Cuius rei testem laudo librum meum in medio positum. Et audet adhuc impudens istud & effrazne ostā inuerecundē mentiri, quasi nulli mortaliū vlli oculi supersint, quibus mendacia filo tam crasso cōtexta deprehendant. Nec silenda insignis illa fraus, quod *Antichristi* vocabulū ita pponit, quasi aut D. Gregorius, aut ego nomine hoc *Antichristum* propriē dictū intellexerimus: cum disertē testatus sim nomen hoc impropriē & lata notione, pro quouis aduersario Christi, à S. Gregorio eo loco vsurpari.

Nec

Nec postremum Alchymistæ mendacium est, cū ait, modò asseri à me *Aaronem fuisse sacerdotem*, modò non fuisse; *Moysem modò esse sacerdotem*, modo non esse. Ad idem mendaciorum Prædicamentum spectat, quod fingit, me, *vt excussem delicta sacerdotum*, dicere modò interius fuisse illorum peccatum, modò exterius. Simile mendacium, vel potius dissimile, quia multiplex, his verbis effutiit Alchymista. *Illud sanum est, quod subiicit, si sacerdos Christianus talia fecerit, eum non posse amplius esse sacerdotem, nisi nomine.* Mentiris Alchymista. Nunquam affirmaui hoc, quod comminisceris; quia sacerdos manet verus sacerdos siue in hæresin, siue in morum flagitia incurrat. De Pontifice Romano dicebam, nonnullorum sententiam esse, eum hoc ipso, quod in hæresin incideret, excidere itidem à Pontificatu, & quod consequens est, jam non amplius reipsa, sed solo nomine Pontificem esse. Aliud est Alchymista, excidere à Pontificatu & Vicariatu Christi: aliud à sacerdotio: Illud ex quorundam sententia contingeret, si Pontifex non quocunq; , vt tu insinuas; sed hæreseos scelere obstringeretur. Quare enormius adhuc mendacium est hoc, quod oræ tui libri allinis. *Papa est æquiuocè sacerdos, Iudice Iesuita.* Iudice me arrogantissimus, prorsusque effrons calumniator es, non æquiuocè, sed vniuocè, & quidem in supremo gradu.

Malè habet Alchymistam, quod S. Augustinus scribit: Saul Regem, etsi sceleratum, habuisse *sanctitatem* nō innocentie, sed sacramenti & vntionis, seu officii. Iam dicat Augustinus, vociferatur Alchymista, *quam sanctitatem possit habere is, à quo Spiritus sanctus recessit.* Iam explicauit sanctus Augustinus, quam sanctitatem habuerit, sacramenti nimirum & vntionis; propter quam David & honorauit viuum, & vindicauit mortuum. At transtulerat iam Dominus Regnum à

Saule in Dauidem. Veruntamen non possidendum, nisi Saule de medio sublato. Transfulerat, quoad jus, non quoad executionem juris. Ceterum his, quæ sequuntur verbis, agnosco jam non tantum Alchymistam, sed & Donatistam, & VViclephistam. *Hæc*, (quæ nugatus fuerat, de translatione Regni Saul ad Dauidem) indicat sacerdotem errantem in officio & negligentem amittere gratiam Spiritus S. officialem, & non amplius coram Deo posse esse Sacerdotem, licet adhuc gerere externam speciem officii possit. Quæ si Donatistica & VViclephistica non sunt, quid tandem Donatisticum & VViclephisticum erit?

Rursus imperitè mentitur, cum ait, *ab Heli sacerdote* (viuente adhuc & vidente) *translatum fuisse officium ob admis-* *sa peccata, in Samuelem.* Vbi hoc diuinæ litteræ? O Lullista. *p-* *curre, oro, caput 2. 3. & 4. lib. 1. Regum*, sed non oculis Alchymisticis, & renuncia mihi, num hoc tuum mendacium ex capitibus illis excusare, & in non mendacium transformare possis? Ex Donati & VViclephi schola fundit etiam hoc Alchymista oraculum. *Impossibile est, ut persona vitiosissima publicè & priuatim retineat Spiritum S.* (respectu sci. officii) *si eius officium à Deo est, dicimus Spiritum S. alio modo eius procuracionem obire, tamen si videatur per illam personam.* Maeste Alchymista. Magis atque magis indefinenter proficis, cuius profectus specimen non leue hoc itidem arbitror. *Diabolis sacrificare, hereticis communicare, idola colere non sunt mali mores personæ, sed officii.* Quæso cuius officii? De Iuda inquit Alchymista. *Diabolum in se habitantem non accepit, nisi post sumptum bolum, nec quamdiu fuit in Apostolatu, legitur contra officium tam enormiter peccasse, ut Papa.* Nisi Iudas Chymico gratias & agat & habeat, non immerito ingrati notam subibit; nam & hic & supra strenuum Iudæ aduocatum agit Lullista noster. At, cedo, num *Diabolum in se habitantem*, etiam ante buccellam non habuerit, qui ante buccellam

sum.

sumptam, fur erat, & ante buccellam sumptam Dominū
iam triginta argenteis vendiderat? cuius tandem pe-
ctus incolet Diabolus, si non eius, qui pecuniam Chri-
sti mala fraude interuertebat, ipsumque Christum im-
probissimis Iudæis ad necem vendiderat? An ante buc-
cellam sumptam Diabolus in eius animo non habitabat,
quem Dominus non hospitium seu sedem Diaboli, sed
ipsum Diabolum appellat? Cur Diabolum nominavit, nisi
propter summam Iudæ cum Diabolo consuetudinem?
Et hoc ante buccellam à Christo oblaram. Et tamen odi-
um in Pontifices adeò furiat istum Alchymistam, ut di-
cat, Iudam suo in Apostolatu tam enormiter contra of-
ficiū suum non peccasse, quàm enormiter peccant
Papæ. O portentum Alchymisticum in quintam essen-
tiam distillandum! An non Iudas in Apostolatu Christū
vendidit? Quod facinus hoc immanius fingi potest? an
non in Apostolatu re ipsa Christum tradidit? An non de-
mum desperatione adactus laqueo vitam finiuit? Pudeat
te, improbe, talia chartis mandare, quæ stultitiæ tuæ,
vel potius vesanæ amentię tot luculentissima testimo-
nia cuius prudenti exhibent, quot verba continent.
Quod verò Ioannes dicit, post buccellam introisse Dia-
bolum in Iudā, id ideo dicit, quia post illam buccellam
totum cordis locum Dæmoni instiganti aperuit, animo-
que suo obfirmavit Christum tradere, & quod concepe-
rat, ad rem conferre. Nam quod Chymicus putat Iudam,
tanquam Dæmoniacum, corporaliter à Diabolo fuisse
possessum & agitatū, id ex Alchymistarū fornaculis, nō
ex diuinis oraculis, aut Patrum commentariis hausit.

Dixerā: Christū verbis illis: *Reges gētiū dominantur eo-
rū, &c. non ita erit inter vos: prohibere dūtaxat dominatū violen-
tū & truculentū.* Obiicit Alchymista, si vera esset lesuita decla-
ratio,

no, omnes Reges essent truculenti & violenti. Satisne sanus es Chymice? sed quid num sanus sis, quæro, quia si insanus non esses, Antimonio non indigeres. Si hoc, quod dicis, sequeretur, non ex meis, sed ex Christi verbis sequeretur. At non sequitur, quia Christus non dicit; Reges Christianorum & fidelium; sed Reges gentium seu gentilium, quales tempore Christi erant. Nec dicit: omnes Reges Gentium; sed indefinitè; Reges Gentium, vt proinde minimè sequatur; Christus ait; non omnes, sed Reges Gentium, hoc est, aliquos violenter & truculenter subditis imperare, (dico aliquos, quia propositio indefinita, constans materia contingenti, idem valet, quod particularis, vt tradunt Dialectici) ergo omnes simpliciter Reges & Principes etiam Christiani violenter & truculenter subditis imperant. Quæ hæc consequentia? Quam vt ineptiis, ita hanc notulam marginalem jure annuero mendacii Alchymisticis. Iesuita tacitè accusat omnes Reges & Principes violentia, nec parit suo domino Serenissimo. Mentiris Alchymistas; & huius mendacii coram ipso Serenissimo Principe meo paratus sum te convincere hac lege, vt nisi manifestè conuicero, ipse mendax habeat. Absit à me vt vobis sim similis, quibus reuerentia erga Deū, Cœlites, & principes jam dudum deperiit. Nec mirum, quia spiritu Lutheri pleni, imò ebrii estis, qui Magister vester, quàm erga Principes reuerens & obseruās fuerit, à multis non semel demonstratum est, & vel ex hoc vnico Lutheri testimonio perspicuè liquet. Scis (Spalatinum affatur) quod si cuiuspiam opes perdendæ sunt, Principū perdendæ sunt, quod Principem esse, & non aliqua ex parte latronem esse, aut non, aut vix possibile est, eoq; maiorem, quò maior Princeps fuerit.

Luth. To. 1.
epist. 241.

Dixeram Ius Canonicum non esse normam pecuniariam,

liarem, & distinctam à reliquis: quatenus enim vel Conciliorum, vel Patrum in vnum aliquod dogma concorditer conspirantium decreta, vel sacrę scripturę oracula comprehendit, omninò fidei & controuersiarum normis accensendum erit. Quare vana est Alchymistę collectio, cum concludit, Conciliorum decreta, Pontificum definitiones, Doctorumq; vnanimem consensum, non esse controuersiarum normas; eo quod jus Canonicum, continens hæc talia, non sit norma; quia vt hæc cōtinet, norma est; etsi non distincta & peculiaris.

Dosis XXIX. De syllogismo quodam, quo probatum, scripturam sacram non posse esse controuersiarum Iudicem.

Syllogismus est iste.

Omnis iudex, quādo à partibus in aliqua controuersia aditur, ita debet dicere sententiā, vt altera pars euidenter sciat, se amisisse causam, quantum est ex parte huius iudicis, siue iustē, siue iniustē; altera euidenter sciat, se causam obtinuisse, quārum est ex parte huius iudicis:

Scriptura vel Spiritus sanctus loquens per scripturam, quando à partibus in controuersia fidei aditur, non dicit sententiam, ita vt altera pars euidenter sciat, se causam amisisse, quantum est ex parte huius iudicis, altera se causam obtinuisse, quantum est ex parte huius iudicis, siue iustē, siue iniustē:

Ergo scriptura vel Spiritus S. loquens per scripturam non est Iudex controuersiarum fidei.

Hunc syllogismum, quia Hunnius soluere nequit, soluere conatur alchymista; neque vna duntaxat, sed

duodecim solutionibus, ut copiam Alchymisticam suscipiamus.

I. Solutio.

Papiste deberent proferre aliqua argumenta ex normis suis infallibilibus, praesertim ex scriptura, quod hic non fit:

Ergo praedictus syllogismus nihil valet, praesertim in foro Theologico, in quo non potest ullam veri auctoritatem habere: tam facile igitur reiicitur, quam leuiter dicitur.

En primam solutionem, & quidem efficacissimam; si quis tamen tam praefractus est, qui nolit acquiescere, is hanc secundam accipiat.

II. *Fucum & imposturam committit Papista mutatione Syllogismi, qui talis non erat in Protocolla. At te mentiri testatur Protocollum, in quo quod ad sensum attinet, idem prorsus est Syllogismus. Nam quod verba ipsa in Responsio non retinui, causa fuit, quod quando Responsum conscripsi & edidi, Protocollum editionem necdum videram, ut Syllogismum inde ad verbum exscriberem. Sensem me retinuisse, lectores arbitrari volo, ad quos prouoco. Interim, non obstante hac Alchymistica tergiuersatione, syllogismus stat immotus, quem nec tertia ista, non tam solutio, quam tergiuersatio labefactat.*

III. *Fucum facit in Assumptione omittendo terminos illustratorios, qui tamen erant in propositione, debebantque una cum argumento transferri in assumptionem de omni jure Dialectico. Haec solutio nihil aliud est, nisi fucus: nam verba illa: siue iuste, siue iniuste, posita in Maiore, utique in Minore vel poni, vel intelligi debent; ideoque praeterii, quia nullum credebam fore tam stupidum, qui subintelligenda esse, sine mea adiectione, non animaduerteteret, nec ullum augurabar fore tam excordem, qui subintelligenda esse, sine mea adiectione, non animaduerte-*

uerteret; nec vllum augurabar fore tam proiectum criminatorem, qui hanc rem mihi vitio verteret. Quando vero ita vis, vt addantur expressè, addantur licet. Tantum enim abest, vt verba illa: *sive iuste, sive iniuste*: reformidem, vt bonam partem roboris, quo syllogismus pollet, in illis situm esse existimem. Interim tres istę primę aciei machinę ne leuiter quidem syllogismum meum attigerunt, tantum abest, vt quassentur.

IV. *Falsum dicit, quod Hunnius bis terne concesserit Maiorem, cum eam saltem suspenderit*: Needum vlla solutio syllogismi mei apparet, nam quod ad Hunnium attinet, melius scio, quoties Maiorem concesserit, quippe præsens, quam tu, quem eo tempore furnuli tui Alchymistici distinebant. An non concessit Maiorem, qui minimum bis terne negauit Minorem, donec tandem pondere Minoris pressus eam negauit? negatio certè *Minoris*, nihil aliud erat, quàm concessio Maioris; negabat enim Prædicans, scripturam illud non præstare, quod ad communem iudicis notionem & rationem pertinet, nempe, vt cum aditur à partibus, ita sententiam dicat, vt altera pars euidenter sciat, se causam obtinuisse, altera euidenter sciat, se causam amisisse. Hoc cum Prædicans scripturam non præstare initio negauerit; manifestè id ad communem iudicis notionem pertinere fassus est; & sic Maiorem, in qua hoc ipsum continebatur, concessit: Etsi postea per summam inconstantiam pedem retulit, Minoremq; negatam cōcessit, & Maiorem concessam, negauit.

V. *Gretserus ridiculum simul & flagitiosum sophisma commisit, quando, vt Minorem ab Hunnio negatam probaret, Codicem Bibliorum arripuit, postulauitq; vt ab eo, tanquam à iudice iudicium clarum & euidentis pro altera parte daretur.* Atqui, mi

Alchymista, nihil aptius & appositius pro Minoris illius probatione adduci poterat: cum enim Hunnius Minorem negaret, diceretq; scripturam, quando à partibus aditur, ita sententiam dicere, vt altera pars euidenter sciat, se causam obtinuisse, altera se causam amisisse, nihil accommodatius erat, quàm vt cum Hunnio, cæterisque Prædicantibus scripturam adirem, experirerq; num ita sententiam diceret, vt euidenter scirem, me cum Catholicis causam amisisse, Hunnium autem cum Prædicantibus causam obtinuisse. Num scriptura ita sententiã dixit? Nam quod tu & alii calumniâmini de *orali*, vt sic loquar, sententia, id nihil aliud est, quàm sycphantia. Scio iudicem non tantum ore, sed & scripto sententiam pronuntiare posse. At si sententia scripturæ tanquam iudicis contra nos, ita in scriptura continetur, vt euidenter scire queamus, nos, scriptura Iudice, causam amisisse, vos causam obtinuisse: cur Hunnius sententiam illam iudiciariam in scriptura nobis non ostendit, statimque transissem ad Prædicantium *scamnum*, vt pollicitus fueram. Interim syllogismus meus ab Alchymista necdum oppugnari cœpit, vt suspicer hæc, quæ præmisit fuisse tantum præparamenta quædam ad futuram oppugnationem.

VI. *Negatur*, inquit Alchymista, *propositio*, quia est *particularis*. Audite Dialectici, propositio ista: *Omnis iudex, quando aditur, ita debet dicere sententiam, &c.* ista, inquam propositio, signo vniuersali, vniuersaliter sum pro insignita, est *particularis* in Alchymistæ huius officina. An non exclamabitis ipsius Alchymistæ verbis? *Hem stultum, fascuum, blennum, & sexcenta talia*, quibus omnes pagellas suas oppleuit & obleuit? *Negatur*, inquit, *propositio*, quia est *particularis*. Ergo omnis propositio hoc ipso præcisè negari

negari debet, quia est *particularis*? An nulla particularis propositio vera est? Vide verò stuporem Chymici. Cur propositionem, quæ apud omnes Dialecticos *vniversalis* est, appellet *particularem*, hanc reddit causam; quia inquit, *verum non est in Theologia*, quod omnis iudex talis esse debeat. Primum, licet ita, vt dicis, res se haberet; an ideo propositio illa *particularis* foret? Estne hæc propositio; *omne animal est homo*, ideo particularis, quia quoddam dūtaxat animal est homo? Deinde, si Maior illa nō est vera in Theologia, quō ibi tādē vera est? Nū in Iurisprudētia? Nū in Philosophia morali? Nū in cōmuni omniū rectē sentiētīū iudicio & existimatione? Noueris verò id, quod his locis verum est, esse etiam verum ubiq; aliorum locorum. nam verum ubiq; atq; adeo etiam in Theologia, verum est; verum namq; vero nunquam & nusquam repugnat; & iam pridem explosum euauit deliri tu? Lutheri fatuum simul & impium placitum; *aliud verum esse in Philosophia, & aliud in Theologia*. Adhæc si maior illa falsa est vniuersim accepta; assigna mihi, obsecro, generalem notionem iudicis pro tribunali sedentis; iudiciumq; & iustitiam inter partes, à quibus aditur, facientis & constituentis. Quæso quod nā est officium iudicis generatim loquendo; quando à partibus litigantibus sententiæ poscendæ, & accipiendæ gratia acceditur? Nonne talis iudex, si hoc nomen & officium sustinet; lites componere debet? Quæ verò ratione componet, si sententiam non ita ferat, vt altera pars euidenter sciat, se causam obtinuisse, altera se amisisse? Illēne iudex fuerit, qui partes dissidentes, quantumuis sæpissimè adeuntes, & sententiam iudicariam opportunè & importunè efflagitantes, semper dimittat incertas; quod Lutheranorum Iudex facit, quoties aditur: quem certè æquum erat tandem

Luca. 18.

exorari, vt sententiam ad supradictum modum ferret, exemplo illius Iudicis Euangelici, de quo Dominus apud S. Lucam. *Iudex quidam erat in quadam ciuitate, qui Deum non timebat, & hominem non reuerbatur. Vidua autē quādam erat in ciuitate illa, & veniebat ad eum dicens; vindica me de aduersario meo. Et nolebat per multum tempus. Post hæc autem dixit intra se, etsi Deum non timeo, nec hominem reueror, tamen quia molesta est mihi hæc vidua, vindicabo illam, ne in nouissimo veniens fugillet me. Si ergo iste Iudex, iu quo nullus omnino iustitiæ & æquitatis amor inerat, tandem tamen precum assiduitate victus est, vt sententiam daret, & ita quidē daret; vt altera pars euidenter sciret, se causā obtinuisse; altera se causā amisisse; quid censendum est de sacra scriptura vel de Spiritu sancto loquente per scripturas? An non si Iudex controuersiarum immediatus & ordinarius ex officio esset; vel propter importunitatem nostram tandem indicialem sententiam proferret, vt altera pars euidenter sciret, se causā obtinuisse; altera se amisisse, quod ex officio iudicis fecisse Iudicem illum iniquū ipse Dominus indicat. Quod si iste Iudex tandem inflexus & emollitus est, quid de scriptura seu Spiritus sancto loquente per scripturas non sperandum esset; si iudicium hoc immediatē, & ex officio ad ipsius tribunal pertineret? præsertim cum vtraque pars, maximē ego in Colloquio, clamarit, & etiamnum clamet. *Vindica me de aduersario meo. Et ita vindica; vt sciam me aut causā cecidisse, aut vicisse.* Subdit Dominus. *Audite, quid Iudex iniquitatis dicit.* En exemplum Iudicis huius nobis ob oculos ponit non sine emphasi, orationisq; energia. Deus autem non faciet vindictam electorum suorum clamantium ad se die ac nocte, & patientiam habebit in illis? Si Iudex ille*

im-

importunitate instantis viduæ victus iudicium dedit, quanto magis daret scriptura aut Spiritus sanctus loquens per scripturam; si Iudicis immediati & ordinarij officio fungerentur in hac militante Ecclesia, cum nihil magis, quam iustitiam expetant, nihilq; magis, quam iniustitiam auersentur.

Sed ad Alchymistam: ex quo quærere lubet, cur Hunnius *Maiorem* non semel concesserit, si, vt ipse putat; falsa est. An doctior & perspicacior est Chymicus prædicante? progrediamur ad alia.

VII. *Assumptum conceditur iam, contra ac fiebat in Protocollo.* Bene habet. Rursus Alchymista noster supra prædicantes se extollit. Hunnius negabat *Minorem* non semel; iste concedit, *contra*, inquit, *ac in Protocollo factum est.* Audite prædicantes, ferréne potestis supercilium istud Alchymisticum supra omne, quod nominatur prædicans, se eleuerens? præsertim cum non sine mendaciis se supra vos eleuet. Nam in Protocollo non modò negata est minor, sed & concessa, ea, quæ decet noui Evangelij præcones, constantia. Qua fronte igitur fingit iste se nunc concedere *Minorem* contra ac in Protocollo factum est; cum in Protocollo fecerit concedendo prædicans Hunnius, quod nunc facit Chymicus Libavius & aliquid amplius; quia eandem *Minorem* prius concessit, & paulò post negauit? Audiam⁹ tamē causam, cur Alchymista secus statuat, ac in Protocollo constitutū est. *Quia argumentum, inquit, est mutatum.* At te mentiri palā faciet Protocolli cum Responso meo collatio. Nihil mutatum, si sensum spectes. Mutatum non nihil, si verba consideres, saluo sensu; ob causam supra allatam.

Porro rationē, cur argumentū dicat mutatum, reddit
his

his verbis. *Omnino verum est, quod neq; scriptura, neq; Spiritus sanctus iudicet siue iuste, siue iniuste.* Si hoc verum est, ergo nec scriptura iudicat, nec Spiritus sanctus. Omnis enim qui iudicat, is vel iuste iudicat vel iniuste. Et consequenter iudicat, siue iuste, siue iniuste.

Obiicit Chymicus.

Neq; scriptura neq; Spiritus sanctus iudicat iniuste:

Ergo neq; scriptura, neq; Spiritus sanctus iudicat siue iuste, siue iniuste.

Pulchre & argutè, quia perinde, ac si diceret. Neq; Deus, neque vllus beatus operatur malè: ergo quando Deus aut beatus operatur, non operatur siue bene, siue malè.

VIII. Hoc responsum cetera omnia subtilitatis profunditate superat. Audite Lectores, & capite, qui potestis: qui non potestis, suspicite. *Totus syllogismus errat in forma.* Brevis, sed efficax solutio. Quare verò errat in forma? Nam ex puris particularibus nihil sequitur. Et tamen Maior est ista. *Omnis iudex, quando à partibus in aliqua controversia aditur, &c.* An particularis propositio est, quæ signo vniuersali vniuersaliter sumpto constat? Sed ait Alchymista. *Maior est falsa, quia non competit omni iudici.* At licet falsa esset, (cum tamen sit verissima) nū ideo particularis esset? Num falsitas ex vniuersali propositionem particularem efficit? Num hæc enunciatio: *omne animal est homo*, ideo particularis est, quia falsa est? Imo ideo falsa est, quia vniuersalis est. At satis de hoc iam supra.

IX. Maiorem dicit ideo etiam esse falsam, quod nulla pars possit euidenter scire, causam victam esse, aut vicisse, iudice ita pronunciante, ut non pateat iuste an iniuste pronunciauerit. At hoc inanissimum est effugium. Neq; enim ego in Maiore di-

re dixi, iudicem ita debere pronunciare sententiam, ut altera pars vel utraque sciat num iustè, an iniustè pronunciauerit Iudex; sed ita pronunciare debet, ut altera pars euidenter sciat se causam obtinuisse, siue iustè, siue iniustè: altera euidenter sciat, se causam amisisse, siue iustè, siue iniustè. Hoc de officio & ratione iudicis esse contendo. *Scire*, inquit Alchymista, *euidenter, est ex principiis legum de iure & iusto cognoscere, & scientiam habere.* Verum isthæc quid aliud sunt, quam fumi chymici, & nebulae Alchymisticæ. Maior mea non loquitur de scientia legum & iuris, sed de scientia siue cognitione sententiæ prolata à Iudice; hanc ut cognoscam, siue iustè siue iniustè prolata sit, non opus est scientia iuris & legum; sed auribus duntaxat, ut audiam; vel oculis, ut legam; & animo, ut verba & scripta intelligam; alio præterea opus non est: præcisè enim sententia cognoscenda est, siue iusta sit, siue iniusta. Sed ait Alchymista; nil præter solitum subtilis, *Audire iudicem damnantem vel absoluentem, non est scire.* Quid stultius? An non euidenter scio iudicem me damnasse, si audiam eum sententiam damnationis in me proferentem, vel, si scripta sit, oculis meis legam? Siue postea sententia illa iustè sit prolata; siue iniustè, de hoc enim hic non quaerimus. Quid, quaeso, est scire communi loquentium consuetudine, quam rem certò & euidenter cognoscere? Quod si Alchymista tam religiosus est, ut contra omnem usum verbum *scire* aliter usurpare nolit, quam pro cognitione certa & euidenti per causam, qualis per demonstrationem gignitur; substituatur in syllogismo verbo *sciendi* vocabulum *cognoscendi*; omnis enim Iudex ita debet sententiam dicere, ut altera pars euidenter cognoscat se causam ob-

tinuisse; altera se causā amisisse. Quam durum telū necessitas, q̄ aduersarios ad tā absonas absurditates adigit; inter quas nō minima etiā ista; cū negat, Lutheranos euidēter scire se dānatos esse à Pōtifice Romano, & Cōcilio Tridētino. Quid insipienti? vel excogitari potest? Nimis euidenter hoc sciunt omnes p̄dicantes, & p̄dicantium ppugnatores Alchymistę. Et quia hoc adeo euidenter sciūt, ea de causa adeo vruntur & tēdis quasi ardentibus contra Pontificē & synodum Tridentinam inflāmantur.

Obiicit Alchymista. *Illa à Pontifice, & Concilio Tridentino profecta damnatio, non est vera dānatio: Ergo Lutherani euidenter non sciunt se à Pōtifice Romano & Concilio Tridentino dānatos esse.* Fatua in primis consequentia; quidquid sit de Antecedente: magno enim discrimine distant euidenter scire se damnatum esse iustē; & euidenter scire se damnatum esse. Deinde syllogismus meus non dicit, Iudicem ita debere dicere sententiam, vt altera pars euidenter sciat se iustē damnatū esse; sed vt euidenter sciat, se damnatum esse, quantum est ex parte huius Iudicis, siue iustē, siue iniustē. Quid tricaris nugator? *Non sice rupe-rū*, hinc euades, constrictus teneris in salubili nexu; quem non abrumpes licet nihil technatum, imposturarum, & versutiarum vel potius stultitiarum intermittas.

X. & XI. Dux istę Responſiones gemellę sunt; Summa in hoc consistit. *Spirium sanctum seu scripturam non esse talem iudicem, qualis in argumento describitur; nec forum eius tale forum; nec modum procedendi talem modum procedendi.* Quid multis? Si omnia, quę Alchymista blattit, diligenti? ppendas, videbis tandē eū nihil aliud dicere, quā scripturā, aut Spiritū S. loquentē p̄ scripturas, nō esse ordinariū, & immediatū controuersiarū in hac Ecclesia militante iudicē; qualē q̄rimus, & qualē status Ecclesię Chri-

Rianz

stianæ deposcit: Quia oīs Iudex, quando aditur à partib⁹, ita debet dicere sententiā, vt altera pars euidenter sciat se causā obtinuisse, altera se causā amisisse: Hoc nec scriptura facit, nec Spiritus S. loquens per scripturas; ergo nec scriptura, nec Spiritus S. est Iudex.

XII. Tandē negat Minorē Syllogismi; quam supra cōcesserat: *dūmodo particula, iniuste, omittatur.* Quid verò impedit hęc particula? Neq; enim Minor asserit scripturam aut Spiritū S. per sacras literas loquentē *iniuste* sententiā dicere; sed ait: Scripturā, vel Spiritum S. p. Scripturas loquentē, nō ita dicere sententiā, vt altera pars euidenter sciat, se causā obtinuisse; altera, se causā amisisse: q. verissimū est. Tu iā negas, si omittatur vox INIVSTE. At siue addatur, siue omittat, negare debes Minorē, si intelligis, qd neges: q. vox illa INIVSTE Minorem illam nec verā, nec falsā facit. Cū ergo iā affirmes, *scripturā verē efficere, vt partes EVIDENTER scire possint, quidnā sit iudicatū*, quare, obsecro, id nō fecit Scriptura in Colloquio Ratisbonēsi? An non tēp⁹ erat hoc faciendi? Imò nunquā magis necessariū & opportunū, si enim Scriptura EVIDENTER scire nos fecisset, se sententiā iudicialē & definitiuā contra nos p. vobis aut dicere aut dixisse; non modò ego absq; mora trāsisset ad vestra castra; sed & tota Bavaria manib⁹ pedibusq; statī in vestrā sententiā cōcessisset. Quis enim nō ē vestigio obtēperaret sentētiæ Scripturæ, aut Spirit⁹ S. p. scripturas loquētis, si eā contra se esse euidenter intelligeret?

Ecco Greifere, inquit Alchymista, *duodecim argumentis eius syllogismus iugulatur.* Ex duodecim tuis argumentis, q. adduxisti; vix vnum vel alterum syllogismum tetigit, tantū abest, vt vel vnum, vel aliqua, vel omnia collectiuē sumpta, Syllogismū meū iugularint; qui stat, stabitq; immotus cōtra omniū p. dicantū & Chymicorū p. teruiā, &

petulantiam : cuius Maiorem dixeram non modò intelligendam esse de sententia iudiciaria, quæ voce proferatur; sed & de illa, quæ scripto; quis enim ignorat, scripto sententiam proferri posse?

Occurrit Alchymista. *Audi Stulee*. præsto sum ; loquere, sapientissime Chymice. *Si Maior tua loquitur de scripto, quorsum clamaſti in Protocollo iam pro præſente debere fieri iudicium?* Ideo, quia prædicantes aiunt, sacram scripturam iam pro præſenti eſſe controuerſiarû iudicē: debet ergo pro præſenti inſtitui ab illa iudicium. Quorsum proieciſti librum Biblicum, & exſpectaſti locutionem? Ideo arripui biblia; vt vel audirem à libro, vel legerē in libro euidenter & perſpicuē ſententiā Iudiciariā contra me pro veſtra ſecta. Nā quod ais, me *determinatē* vocalem locutionē à ſcriptura exſpectaſſe vel expetiſſe; more tuo mentiris; ſententiam enim iudiciariā expetij ab illo veſtro iudice; ſiue voce, ſiue ſcripto. Si Iudex veſter vocaliter, vt ſic dicam, loqui neſcit; vt illius ſententia auribus clarē percipiatur; cur Hunnius & alij prædicantes non oſtenderunt mihi in illo ſuo Iudice ſcriptam ſententiam Iudiciariam; quæ euidenter certior me redderet, ſententiam à iudice illo veſtro contra me pro vobis pronun-
ciatā eſſe? Quod ſi feciſſent, iā argumentū meū toliſſimè ſoluſſent, meq; ſuis partibus adiunxiſſent. Poſtquam ergo Alchymiſta duodecim illis, quas vidimus, machinis, ſyllogiſmum meum validiſſimè & feliciſſimè proſtrauit, in calumniarum campum ouans exſpatiat; ſummæq; blaſphemix loco reputat; quod Hunnio clamante; *iam ſe iudicat ſpiritus per hunc locum*: ego reſponderim: *nego, quia mihi non conſtat euidenter me eſſe damnatum*. Hoc dictum meum vocat horribilem blaſphemiam. Sed nil moueor, quātumuis horribilis prædicantium exaggerationib⁹ vel po-
cuius

tius mendaciis. Si sententiam suam judicariam contra me Iudex ille vester tunc protulit, cur mihi non est patefacta, ut euidenter eam cognoscerem? *Te est tibi patefacta ore Hunni Ministri*, inquit Alchymista. Ridiculè. Egonè illum ipsùm, cum quo litigo, agnoscam & suscipiam pro Spiritus sancti vel scripturæ ministro, cuius officium sit, sententiam definitiuam mihi manifestare? Itane Hunnius, cum quo litigabam, præco sancti Spiritus loquentis per scripturam erat, ut quidquid ipse mihi diceret, id ipsius sacrae scripturæ & Spiritus sancti judicariam sententiam crederem, & ni absq; vlla tergiuersatione assensum præberem, ingens scandalì peccatum committerem?

Argumentum illud:

Spiritus S. non vult per scripturam Græserum condemnare tãquam ordinarius controuersiarum Iudex:

Ergo non potest;

Si verbis meis integrè recitasses, sycophanta saltem hoc loco non fuisses. Non enim præcisè dixi: *ergo non potest*; sed addidi; non potest ex hypothese talis decreti, quia quod non vult facere, id non potest facere, ex hypothese scilicet talis decreti. Alchymista negat antecedens, cuius tamen veritas sole clarius lucet: nam si Spiritus sanctus vellet per scripturam judicare tãquam ordinarius & immediatus controuersiarum Iudex, tunc id faceret, quando à partibus litigantibus aditur; sed non facit hoc, non est ergo Iudex: quia si id faceret, faceret utique illud, ut altera pars euidenter sciret, se vicisse, altera se victam esse; quia hoc est officium iudicis à partibus aditi. Hoc ad hunc modum non facit Spiritus sanctus: ergo, &c. Porro stultitiam suprà nobis decantatam, reponit hoc loco Alchymista:

Greſerus coactus eſt audire à viſibili miniſterio, hoc eſt, à Prædicantibus; Tu iam es damnatus:

Ergo euidenter cognouit Scriptura ſeu Spiritus ſancti per ſcripturam loquentis aduerſus ſe & ſuos ſententiam iudicariam & deciſiuam.

Probatur conſequentia:

Quia vox illa Prædicantium, quam clariſſimè percipiebat

Greſerus, erat vox ipſius Scripturæ & Spiritus ſancti.

Riſum compeſcat, qui poteſt. Fateor me tam potentem non eſſe, vt cum has Alchymiſticas nœnias lego, riſum teneam. Ait Alchymiſta, Scripturam ita dicere ſententiam, vt pars damnata euidenter ſciat ſe damnatam eſſe. Si roges, in quonam hæc euidentia cognitionis conſiſtat, aliud non dicit, quàm quia Prædicantes hoc aſſerunt, euidenter autem cognoscitur vox & ſententia iudiciaria Prædicantium; ergo ipſius Scripturæ, vel Spiritus S. loquentis per Scripturam. Quo quid magis ridiculum?

Quæ deinceps Syllogiſmi mei explicandi, cõſtabiliendi, & à calumniis vindicandi gratia in Reſpõſo differui, ea ne tenuiter quidem aſſequitur rudis Alchymiſta. Itaq; aduerſus illa non pugnat, niſi inſcitâ, criminationibus, & portentofis mendaciis: quæ jam in digreſſionibus meis proſtigauì, cum Hunnius & alii Prædicantes ſimilia plenìs faucibus eructaſſent. Nam Spiritum S. vt præciſè loquitur per Scripturam eo modo, quo hætenus locutus eſt, & vt Scriptura jam tanquam Spiritus S. verbum, conſtituta eſt, & conformata, non poſſe ſententiam iudicariam in omni controuerſia ita dicere, vt altera pars euidenter ſciat, ſe cauſſam obteinuiſſe, altera, ſe cauſſam perdidiffe: quid mirum, cum hoc, vt in ſcholiſ loquimur, implicet: Nam ſi poteſt per Scripturam ſic dicere ſententiam; ergo jam ſic dixit ſententiam; quia

quid.

quidquid loquendo per sacram scripturam, ut jam constituta est, loqui nunc potest, illud jam locutus est: & quod per illam, ut verbum suum scriptum locutus non est, illud per illam, tanquam verbum suum jam scriptum loqui nunc non potest: Si ergo jam sententiam suam ita dixit per Scripturam, ut altera pars euidenter sciat, vel inspectione sacrae Scripturae scire possit, se causam amisisse: Altera, se causam obtinuisse, oportet, ut exstet in Scriptura: ostendatur ergo mihi in sacra Scriptura ista sententia; nec verbum amplius addam; sed cuncta, quae hactenus aduersus Lutheranos docui & scripsi, promptissime retractabo. Interea hoc etiam argumentum accipe, & si potes, digere. Princeps quispiam loquens per aliquam scripturam certum quid significantem, non potest per eandem scripturam sententiam iudiciariam ita proferre, ut altera pars euidenter sciat, se causam obtinuisse, altera, se causam amisisse; nisi in illa scriptura sententia illa iudiciaria exstet: ergo etiam Spiritus S. loquens per sacram Scripturam certum quid significantem, non potest per eandem Scripturam sententiam iudiciariam ita proferre, ut altera pars euidenter sciat, se causam obtinuisse, altera, se causam perdidisse, nisi sententia illa iudiciaria exstet in sacra Scriptura (Implicat enim contradictionem, ut quis per scriptum, quatenus tale scriptum est, pronunciet sententiam, quae in illo scripto, quatenus tale scriptum est, non exstet) quia talis sententia iudiciaria nusquam exstat in tota Scriptura: aut si alicubi exstat, ostendatur mihi ab Alchymista, manusque dabo: nam si ibi exstet ipsa sententiae lectio & inspectio, velim, nolim, coget me, ut euidenter sciam, me ab hoc Iudice damnatum esse;

esse; sicuti lectione & inspectione Concilii Tridentini euidenter cognoscitis, velitis, nolitis, vos à nostro Iudice damnatos esse.

Et quemadmodum, si quis clamaret, me per aliquod scriptum decretum Principis damnatum esse; necessarium esset, vt in illo scripto decreto sententia damnationis exstaret, iureq; optimo flagitarem, vt in decreto illo scripto sententia damnationis mihi exhiberetur, eaque exhibita, euidenter cognoscerem (si quidem ibi exstaret) me damnatum esse: (pono enim decretum ea lingua scriptum, cuius notitiam adeptus sum) ita & in nostro proposito, cum Prædicantes clamant, Spiritum sanctum loquentem per scripturas protulisse sententiam iudiciariã aduersus nos, oportet vt in scriptura sententia illa exstet, (si Prædicantes verum dicunt) meritoq; ab illis postulamus, vt nobis talem sententiam demonstrent, quam si demonstrarent, etiam inuiti cogeremur euidenter scire nos à Spiritu sancto damnatos esse; ea enim lingua, scriptura, vt opinor, concepta est, quæ nobis nota est. Et quemadmodum impossibile est, vt Princeps per illud decretum scriptum me damnet, in quo scripta non exstat condemnationis sententia, quam alter euidenter intelligere possit, si decretum legat; ita impossibile est, vt Spiritus S. per illam scripturam quemq; damnet, in qua non exstat damnationis sententia, quam damnatus euidenter intelligere possit, si scripturam illam legat, aut legi lingua sibi nota audiat.

Præterea, si Spiritus S. loquens per scripturam, tãquam per verbum suum, est Iudex immediatus, & generalis omnium controuersiarum; tunc per scripturam, tãquam per verbum suum, omnes fidei controuersias dirimere debet: Sed non potest per scripturam omnes fidei

dei

dei controuersias dirimere; nam si existat controuersia de Epistola ad Philemonem, per quem, quæso, scripturæ locum hanc controuersiam decideret? ubi in tota Scriptura scriptum est, epistolam ad Philemonem esse Canoniceam? quæ tamen debet esse in hac lite iudiciaria sententia. At ostendat mihi in scriptura, tanquam in verbo Spiritus S. hanc iudiciariam sententiam, quam exempli duntaxat gratia protuli: nam eadem est aliarum non paucarum controuersiarum ratio.

Dosis XXX. De eodem syllogismo.

Sessione nona Colloquij Ratisbonensis hoc Enthymema Hunnio proposui, postquam monueram, sermonem esse non de qualicunq; iudice, sed de supremo in terris & generali, cuius auctoritas sit infallibilis. Nec scriptura sola, ut est verbum S. Spiritus, est talis iudex; neq; etiã ipse Spiritus S. ut loquitur per Scripturã, ergo nullo modo cõcedi potest, qd aut sacra Script. aut Spiritus S. loquens per scripturã, sit supremus & generalis iudex omnium controuersiarum. Hoc meum Enthymema Hunnio suspectum erat. Clamabat ergo: *Non video connexionẽ in argumento.* Credo, te non uidisse: Non enim frustra initio statim Colloquij dixeras; *Rationem esse cecam*: quod de tua nemo non libentissimè fatebatur. Secundo aiebat: *fiat integer syllogismus. Nego Antecedens.* Rogatu igitur Prædicantis integrum Syllogismum confeci, prout plerumque fieri assolet, quando Antecedens vel Consequentia Enthymematis alicuius negatur; Enthymemata autẽ plus ferme, quàm Syllogismos oderat Hunnius; quare non semel audito Enthymemate dicebat: *Abscindis alteram propositionem, pone illam.* Hoc Enthymema meum re-

citatur quoque Alchymista in Analyfi Protocolli pagina 3. parte secunda; sed fide Alchymistica; non enim recitat, ut in Protocollo legitur; sed addit, demitque, ponit & transponit, quæ vult, planè arbitrato suo, ut lector perspicieret, si mendacissimam Chymici analysin conferre vellet cum Protocollo.

Secundò, arguit Protocollum Bauaricum, quod huic Enthymemati præponatur *nota secundi argumenti*, cum non sit secundum; sed illud, quod sequitur: *Omni Index, præsertim supremus & generalis, &c.* Sed Alchymista nescit, quid dicat, idque præ turore & amentia: nam Enthymema illud fuit secundum argumētum, in sessione nona propositum, & Syllogismus ille, omnis Index, &c. huius secundi argumēti confirmatio est, ut pater legenti Protocolli. Quod verò P. Tannerus in Relatione secundū argumentum vocat illum Syllogismum: *Omni Index, præsertim supremus, &c.* id ideo facit, quia est pars & confirmatio argumenti secundi. Respondet deinde Alchymista, *idem in consequente poni, quod in antecedente, exceptis voculis, nullo modo.* At Chymicum mentiri intelliget, quisquis Enthymema meum, ut in Protocollo legitur, non ut ab isto fraudulenter refertur, aspexerit, vimque eius assecutus fuerit: nam si quæstio sit, utrum Petrus aut Paulus haberi debeat pro supremo & generali iudice, dicamque: Nec Petrus, nec Paulus est talis Index; ergo nec Petrus, nec Paulus pro tali Iudice haberi potest; non ponam, nisi fallor, idem in antecedente, & in consequente: nam esse talem, & concedi seu haberi & agnoscere pro tali, diuersa sunt, omnium iudicio, qui notionem diuersitatis formare norunt. Eadem ratio est mei Enthymematis, in cuius locum substituit Chymicus Syllogismum, hoc præmisse quasi prodromo. Do-

ccamini

eamus eum syllogizare. Non opus mihi te Doctore. Infelicem me reputarem, si Alchymista & fraudulētus Chrysopæus Doctor mihi aut obtingeret, aut vnquam obtigisset. Doctrinam tuam Syllogismos eudendi, tu tibi retine; nihil habes, quo non extremè egeas. Non est, quod largiter promas, statim ad fundum delaberis. Pleriq; tui Syllogismi tam probi sunt, quàm aurū, quod per Alchymiam tuam conficis.

Circa Syllogismum, de quo doli superiore satis, quærebat Hunnius, quidnam intelligerem modo illo loquendi: *Quantum est ex parte huius iudicis.* Etsi autem non tam quærebat, quod nesciret, quàm vt effugiendi rimam reperiret; Respondi tamen, me intelligere *vocem* huius Iudicis, sententiam iudiciariam ita ferentis, & pendentis, vt altera pars euidenter sciat, se causam apud tribunal huius Iudicis obtinuisse, altera se amisisse. Quid Alchymista? *Non intelligis ille miser sua verba.* Mirum, si tu melius mea verba intelligas, quàm ego, certiusq; noueris, quid per illa verba intellexerim, quàm ego. *Ista determinatio,* ait Chymicus, *significat per se ex iudiciaria auctoritate id fieri debere; siue jam in praxi agnoscas id reus, siue non agnoscat, obediat, vel non.* Ego verò ego me hoc verbis illis, *quantum est ex parte huius iudicis:* aut intellexisse, aut intelligere debuisse. Somnium hoc tuum est, pariterque mendacium, cum ais, Tannerum verba illa hoc modo explicare. Vbi hoc P. Tannerus? Nomina locum, aut manifesti mendacii teneberis. Quis enim ignorat locutioni illi alium sensum non subici, quàm hunc: si spectes istum iudicem, siue hoc tribunal, vel hanc sententiam iudicariam, causa amissa est. Hæc locutionis illius, *quantum est ex parte huius iudicis,* notio est.

Addis: *Scholastici etiam deprehendunt propositionem loqui de iudice omni: Conclusionem negare de iudice TALIS.* At vel pueri deprehendent te hic & alibi, in signem impostorem esse. Nam vox illa TALIS refertur ad hoc, quod in Maiore positum erat, & in quaestione versatur, num scilicet scriptura aut Spiritus S. loquens per scripturam, sit supremus & generalis iudex: & in Conclusionem inferitur, quod nec Scriptura, nec Spiritus S. loquens per Scripturam sit TALIS, nempe supremus & generalis, & hoc colligitur per istud medium, quod omnis iudex ita debeat dicere sententiam, ut altera pars euidenter sciat, se causam obtinuisse; altera se causam amisisse: Sed nec scriptura, nec Spiritus sanctus loquens per Scripturam ita dicit sententiam; ergo nec Scriptura, nec Spiritus S. est talis iudex, supremus nimirum, & generalis, quiq; in omnibus controuersis adiri & audiri manifestè queat. Et quam tu tautologiam in Maiore comminisceris? Syllogismum tui similem confecissem, si Alchymista, ut tu, hoc est, hæreticus sycophanta aut essem, aut tempore Colloqui fuiissem. Ne tamen quæ ultro offers pro fus ad spernari videat: accipiamus, quem das Syllogismum:

Omnis iudex in controuersis judicialibus verè contrarius, ubi damnatio & absolutio locum habent, tam liquido debet sententiam dicere, ut quantum in se est veraq; pars litigantium euidenter iudicatam causam sciat.

Posita hac Maiore, in omnes partes sese versat, animi dubius, negare an concedi debeat. Tandem concedit, nihil Hunni auctoritate absteritus, qui meam sensu ab hac non multum & vix discrepantem pertinaciter negauit; etsi initio concesserat. Subsumit Alchymista:

Illud non potes facere in hoc mundo vllus iudex humanus, siue Papa sit, siue alius quispiam.

Nega

Negatur Minor Alchymista. Papa, & Concilium cum Papa potest hoc facere; & iam sæpius fecit; & nouissimè in Concilio Tridentino idem fecit: quia in controuersis iudicialibus verè contrariis, vbi damnatio & absolutio locum habent, tam liquidò dixit Papa, seu synodus cum Papa sententiam, vt quantum in se est, vtrāq; pars litigantium euidenter causam iudicatam sciat, nos enim euidenter scimus, vos à iudice illo damnatos esse. Idem & vos euidenter scitis. Euidenter etiam scimus, nos ab illo Iudice absolutos esse; idem & vos euidenter scitis. Negata igitur Minore; vbi remanet tua illa conclusio? *Nul- lus ergo Iudex est in hac vita.* Quanto rectius subsumam ego sub Maiore tua: Illud (nimirum, quod in tua Maiore ponitur) non facit in hoc mundo scriptura, aut Spiritus sanctus loquens per scripturam, vt ipsa experientia manifestissimum est: ergo nec scriptura, nec Spiritus S. loquens per scripturam est Iudex, talis nimirum, qualis in Maiore describitur.

Subiungis. *Euangelici negant Assumptum syllogismi Grefseriani.* Initio negabat Hunnius assumptum, seu Minorem, concessa Maiore: At ego Minorem adeo euidenter è vestigio probaui, vt Hunnius vela verterit, minoremq; concesserit, negata Maiore. Quid enim euidenter in rebus, si euidenter non est, scripturam, quando à partibus litigantibus aditur, non ita dicere sententiā, vt altera pars euidenter sciat, se damnatam; altera euidenter cognoscat, se absolutam esse. An non adiuimus scripturam, seu Spiritum sanctum loquentem per scripturas? An non iudicium & sententiam eius implorauimus? An data est pro nobis vel contra nos sententia euidenter, quæ nobis de iudicis sententia omnē scrupulum eximeret? Et quæ tandem est istorum stulticia,

cum sententiam prædicantium pro sententia iudiciali scripturæ, aut Spiritus sancti loquentis per scripturam venditant; quasi ideo evidens nobis sit, nos à scriptura & Spiritu sancto loquente per scripturas damnari; quia evidens nobis est, nos damnari à prædicantibus, *internunciis*, & *interpretibus scripturæ & Spiritus sancti*; si vera canit Alchymista. Ergo Alchymista & alij aliam evidentiam sententiæ iudicialiæ à scriptura, aut Spiritu sancto loquente per scripturas prolata, nobis non proferunt; nisi quia prædicantes evidenter nos damnant? Pulcherrimè profecto & ingeniosissimè. Formemus consequentiam; ut res dilucidior fiat.

Prædicantes, (quos Alchymista vocat *internuncios* & *interpretes Spiritus sancti*, ego rectius; *Diaboli*) evidenter damnant *Greserū & Pontificios omnes*;

Ergo scriptura seu Spiritus sanctus evidenter damnat *Greserum & Pontificios*.

Quod si quis de consecutione ambigat, is nouerit prædicantes esse infallibiles interpretes Spiritus sancti; ac proinde os illorum, esse os Spiritus sancti. En quomodo prædicantes tandem in officium Iudicis controuersiarum clanculum & quasi per cuniculos trepant, & in locum legitimi iudicis expulsi sese substituant. Clamant usque ad rauim: Solam scripturam esse omnium controuersiarum Iudicem: at cum in rem præsentem itur; sese vnà cum scriptura pro Iudice venditant; ut notum ex Alchymistæ testimonio sæpius iterato, & ex Huanij verbis qui Sess. 9. Colloquij ait; non esse opus in Ecclesia iudice visibili, sed tantum requiri, ut sint interpretes scripturæ, qui sunt Doctores Ecclesiæ, quos Deus dono Prophetiæ instruxit; proinde ad executionem non esse opus, ut iudex aliquis constituitur, &c. Sufficere Ministeriū, &c. Ministeriū, inquit Huanius,

rius, compellit verbo, magistratus verò piis decretis. Ministerio non derogamus omnē potestatem; sed pratoriam illā potestatem decidendi, Nō omnē iudiciū Magistratus & ministerio derogam⁹, sed suum cuiq; distinctē tribuimus. Ecce, quam ingeniosē venērabile prædicantiū Ministerium potestatem iudicandi sibi vendicat, non quidē pratoriam, ut dicit prædicans, sed potius Tyrannicā. Contradicat quis prædicanti paululum valentiori, potētiori & gratie fieri apud eos, qui rerū potiuntur. Videamus, an non exilio aut carcere contradictionem lustrus sit, nisi quam primum palinodiam canat, s. q. p. abiectioni prædicantis substat. Ignoscant tamen nobis prædicantes. Nesciūm⁹ hætenus illos esse Iudices; & quidē tales, qui, ut Alchymista scribit, sunt internuntij & interpretes sententiæ iudicantiæ à scriptura vel Spiritu sancto loquente per scripturas pronuntiatæ. Si hoc sciuissem in Colloquio, feliciter sanē & mihi & Reipublicæ Lutheranz id evenisset: nam statim ad prædicantium subsellia ex patetio convento transeundum fuisset. Miror Hunnium nō affurrexisse; barbaq; hircina semel atq; iterum demulsa in hæc verba fecisse verba.

Negat Gretserus scripturam, aut Spiritum sanctum, prout per scripturam loquitur, ita dicere, & quod horribilius dictum, ita posse dicere sententiam, ut altera pars evidenter sciat se causam obtinuisse, altera se causam perdidisse:

Hoc falsum esse, evidenter demonstro; quia ego hic palam pronuncio tanquam interpres, & internuntius scripturae & Spiritus sancti, & quidem infallibilis, Gretserum cum omnibus Pontificiis à scriptura, & Spiritu sancto damnatum esse:

Nullo igitur modo amplius dubitare licet, num scriptura

ita dicat sententiam, ut altera pars euidenter sciat, se causam obtinuisse, altera se causam cecidisse.

Sed procedamus ab hoc venerabili Ministerio ad alia. Mentitur Alchymista, me nouum syllogismum eudere contra fidem Protocolli; quod tamen me non nouum facere, sed priorem repetere ait; his enim verbis utitur. *D. Gresserus repetit syllogismum.* Deinde contra omnem Protocolli fidem audet impostor iste syllogismum mutare, & conclusionem ponere, quam nec ego, nec Protocollo ponit; sed ipse sibi suo ex Chymico cerebro fingit, fictamque quasi malè factam corrigit. Syllogismus in Protocollo est iste. Si Spiritus sanctus, ut per scripturam loquitur, est Iudex, tunc debet facere, seu ita iudicare, ut sciam euidenter me amisisse causam: Sed non potest, ut per hanc scripturam loquitur, iudicare, ut euidenter sciam, me amisisse causam: ergo, &c. Ita Protocollo, Alchymista non modo Minorem decurtat, sed & hanc conclusionem integram ponit. Ergo sacra scriptura (pro, Spiritus sanctus, ut per scripturam loquitur) non est iudex. Impostor, qua fide exprimis tu conclusionem in Protocollo non expressam; si bona & non Chymica fide agis? Nec mea errata, sed tua figmenta corrigis. Quæ longè alia correctione egent, quam sit ea, quæ à te adhibetur. Negat Maiorem, quam tamen supra concesserat. Dicit ab Hunnio maiorem non concessam simpliciter, sed *suspensam*, in paxillo scilicet ignorantie. Omnino inconstantissimi mortaliū nesciunt, quò se vertant: modò annuunt, modò abnuunt; & mera sunt, vana tamen, hæc Alchymistæ effugia; ab Hunnio antea quoque usurpata. Etiam absentem & ignorantem damnari posse: Posse quempiam generatim scire se damnatum esse, non tamen euidenter & in specie, num iuste damnatus sit, an iniuste. Ni-

hili hæc sunt. Loquimur enim de Iudice, qui à parti-
bus litigantibus aditur; præsens à præsentibus; cuius sen-
tentia præsentis à præsentibus efflagitur, non in altera
vita; sed in hac, in hac, inquã. Nec quærimus, vtrum eui-
denter debeat scire se iustè damnatum, vel iniustè; sed
hoc asserimus, ita sententiã dicendam esse, vt altera
pars euidenter sciat, se causã obtinuissè, altera, se causã
cecidissè, siue iustè, siue iniustè. Hunc autem discursu-
m de iudice, in ipso Colloquio, in Responso, in Di-
gressionibus, & his Dosibus à me explicatum & defen-
sum, vt & à P. Tannero in sua Relatione; explican-
dumque & defendendum, quoties necessitas postula-
uerit, *ferreum & adamantinum* esse, testatur improbus præ-
dicantium & huius Ciniflonis labor, quo, etsi incassum,
tentat huius Syllogismi robur labefactare & incidere.
Vide verò sis insipientiam Alchymistæ, vbique quidem
admodum conspicuam, in hoc tamen Syllogismo eui-
dentissimè relucens. Vt verbum diuinum probet esse
Iudicem, atq; adeò iam iudicare, sic argumentatur.

*Si in extremo die (siue is sit omnium vltimus, siue vltimus vi-
ta cuiuslibet) verbum olim à Salvatore pronunciatum iudi-
cabit actu, potentiam iudicandi aut tunc accepit, cum dictũ
est: aut accipiet tandẽ extremo die:*

Sed non accipiet extremo die:

*Habuit ergo potestatem istam statim, vt à Salvatore est enun-
ciatum.*

Syllogismus iste est Alchymisticus, & χερσοποιικτίνος. Nã
subsumendum erat. *Sed in extremo die (siue is sit omnium vl-
timus, siue vltimus vita cuiuslibet) verbum à Salvatore pro-
nunciatum indicabit: ergo potestatem illam aut tunc ac-
cepit, cum pronunciatum est; aut accipiet demũ in ex-
tremo die.* Hac legitima forma omissa, aliã nobis obtru-

dit Alchymista prorsus spuria & illegitimā, & legibus cō-
iunctorum Syllogismorū aduersa trōte repugnantē. Sed
donemus Alchymistæ vitiū formæ. Ad argumentū con-
cedo Maiorē cum illa hypothesi, *si habet potestatem iudicā-
di*, propriè sumendo *iudicandi* vocabulum; concedo insup
Minorem; & deniq; conclusionē; cum illa conditionali;
Si potestatem iudicandi propriè loquendo habet. Assume iam:
prout assumendū erat sub illa Maiore. *Et habet propriè lo-
quendo iudicandi potestatem*. Nego Chymice, quia iu-
dicat tantum impropriè; impropriè igitur duntaxat Iu-
dex est, & consequenter impropriè tantum potestatem
iudicandi accepit; eo sensu, quo quævis lex dicitur *Iudex, iu-
dicare*, & *potestatem iudicandi* accepisse; quatenus videlicet
secundū legem iudiciū à Iudice instituitur; vt iā antea in
Responso dictum. Cum igitur iam iudicia de religione
instituantur etiā secundum Verbum scriptū; vtiq; Verbū
scriptum iā quoq; non immerito *iudicare* & *Iudex* esse di-
citur; quia est norma & regula Iudicis. Sed hoc nihil ad
nostrum propositū: non enim quærimus iudicē impro-
priè, sed propriè dictum; qui propriè dictam ex legū præ-
scripto iudicandi potestatem acceperit; qui adiri & audi-
ri in quauis cōtrouersia clarè possit: qualē cum legibus
in quauis benè constituta Republica necessarium esse,
qui non videt, is nihil videt. ipseq; Chymicus fermè
in eam rursus it sententiam, vt munus hoc iudicandi
arroget prædicantibus, seu vt ipse loquitur, *ecclesiasti-
co exercitio*, in quo *actum*, quo scriptura iudicat, sem-
per *vigere* & *quocunq; tempore exerceri* ait; nimirum, quia
prædicantes perpetuò vociferantur; hanc vel illam esse
scripturæ aut Spiritus sancti loquentis per scripturas
mentem. Egregij profecto controuersiarum iudices di-
gniq; quos tanquam falli & fallere nescios in omni con-
trouersia ad eam & audiamus,

Ex

Ex illo Ioan. 3. Qui non credit iam iudicatus est: hunc
Syllogismum exstruit Lullista.

Si Spiritus sanctus loquitur per Verbum, & iam iudicat non credentes, siue sciant, siue nesciant se iudicatos, recipiant sententiam, aut repudient (debuerant enim) dicat in suo verbo iudiciariam sententiam, estque Iudex per illud presens:

Sed verum est antecedens:

Verum ergo & consequens.

Respondeo Maiorem esse falsam, si, vt debet, intelligatur, de Iudice controuersiarum, de quo solo disputamus, immediato & ordinario, qui à quouis in quauis causa facile adiri & euidenter audiri possit: non enim ideo Spiritus sanctus loquens per scripturam talis Iudex censeretur potest; quia loquitur per verbum, & iam qualitercunque iudicat non credentes; ostendendo nimirum illis per scriptum Verbum sententiam futuræ damnationis, & declarando illos reos suppliciorum, ne resipiscant; non inquam propterea censeretur potest Spiritus sanctus loquens per scripturas immediatus & ordinarius omnium controuersiarum Iudex, quia talis ita debet esse comparatus, vt cum à partibus aditur, euidenter det iudicium inter lepram & lepram, sanguinem & sanguinem: quod Spiritus sanctus loquens per scripturam non facit, quantumuis licet tergiuersemini. Quemadmodum verò in rebus politicis præter summum legislatorem & Iudicem, oportet, pacis conseruandæ gratia, alios esse iudices, qui lites dirimant, & quid secundum leges agendum aut fugiendum sit, edicant; licet summus legislator & Iudex per leges suas, maleficos iam iudicari & pœna dignos declararit; ita & in Eccle-

siastica Hierarchia necesse est, vt præter Spiritum S. damnatē omnes infideles & hæreticos vna cum erroribus, quos introducunt; sit alius iudex immediatus, generalis & ordinarius; qui exorta controuersia in ipse dicat, hoc vel illud dogma à Spiritu sancto alienum; ac proinde summopere vitandum esse; idq; præstare debet, non modò in vna vel altera, sed simpliciter in omni omnino circa res fidei controuersia. Quæ spiritui sancto loquenti per scripturas non competunt; & ideo non competunt, quia ipse Spiritus S. noluit illa sibi competere.

Necdum finis. Psalmo 96. vt Alchymista numerat, legimus: *Dominus venit iudicare terram, iudicabit orbem terræ in iustitia, & populos in veritate sua*: hinc nascitur hoc enthymema. *Deus iudicat in veritate sua, vt Saluator explicat.* (Vbi?) Ergo verbū Dei in Ecclesia est iudex, & quidē omniū controuersiarū. De tali enim Iudice litigamus. Qui Alchymistici huius argumenti profunditatem non capit, is Chymicū nostrū adeat, ab eoq; suppliciter Mercurium sublimatū, & eleuando ingenio petat scilicet, vbicunq; Deus aut Redēptor noster Christus iudicare, aut iudicaturus dicitur, ibi omnis alius controuersiarū iudex excluditur; ac proinde statim huic Chymicæ consequentiæ locus est.

Deus iudicat, aut iudicabit:

Ergo nullus alius querendus, aut expetendus est omnium controuersiarū iudex in ista militante Ecclesia; qui vice Dei fungatur, & ab omnibus faciliè adiri & clarè audiri queat.

Argutè; quasi ideo Deus non iudicet, quia per ministrū & Vicarium suum iudicat. Et quasi ideo non sit alius iudex, quam Christus, quia Christus extremo iudicio ipse ad spectabiliter præsidebit. Et quam docta est hæc istorum potius imaginatio, quam argumentatio?

Christus

Christus generatim lege sua iudicat, & damnat omnem improbitatem:

Ergo non est opus ullo alio speciali iudice, qui improbos sententia iudiciaria percellat, & à nequitia absterreat.

Timendum erit, ne isti paulatim eo deueniant, ut omnes simpliciter Iudices, etiam politicos, exterminent: nam Dominus venit iudicare terram, ut noster Alchymista differit; ipse iudicabit orbem in aequitate, & populos in veritate sua. Quid ergo opus aliis iudicibus? Abeant & valeant, aut si in foro ciuili iudices necessarii sunt, non obstante, quod Christus generali sua doctrina iudicat, iudicabitq; orbem in aequitate, & populos in veritate sua; etiam in foro Theologico & Ecclesiastico alii iudices necessarii erunt, præsertim vnus, qui cæteris omnibus maior, iidem auctoritate infallibili præmineat. Quam verò impium & blasphemum est, quando Alchymista cum suis Prædicantibus affirmare non veretur; non Christum, sed verbum Christi iudicaturum in extremo iudicio. Quæso, de quo profiteamur istud in symbolo? Inde venturus est iudicare viuos & mortuos. De verboné, seu doctrina Christi, an de ipso Christo? De quo vaticinatur Propheta? Iudicabit orbem terra in aequitate, &c. De verboné, an de ipso Christo? Nam quod Christus ait: Sermo, quem locutus sum, ille iudicabit eum in nouissimo die: id perinde est, ac si Imperator diceret; lex quam tuli, iudicabit proditorē, quando scelerum suorum pœnas dabit: an ideo lex, non ipse Imperator Iudex est? quia actus iudicandi non nisi impropriè legi adscribitur, quatenus nimirum lex est regula iudicii & iudicis, ad cuius præscriptum totus iudicandi actus & processus conformatur. Verum isti ad illud perfectionis culmen adscēderunt, ut eos nullius amplius aut blasphemix, aut incitix, aut impudentix pudeat.

deat. Et hic finis esto tricesimæ Doseos Stibiariæ, quæ
ut & omnibus antegressis, insanum istum Alchymistam
sanitati restituere conatus sum. Si euentus spem fecel-
lit, cogitet prudens & eruditus lector, hunc Arsenicari-
um ex eorum esse numero, quibus, ut ait præclarus Chri-

Iren. l. 2. c. 53. sti Martyr Irenæus: vniuersa terra helieborum (Antimoni-
um) non sufficit ad expurgandum, vti euomant tantam suam
stultitiam.

Hormisdæ

Pontif. epist.

ad Possess.

Quando enim virus, quod viscera penetravit euellitur? Quan-
do corda male sibi credula veritatis obtemperant institutis? Quan-
do induit obediencia humilitatem opinionibus suis vallata superbia?
Quando acquiescunt paci contentionum studiis assueti, sola certa-
mina amantes de religione captare, & mandata negligere? Nun-
quam apud eos charitas nouo commendata præcepto, nunquam pax
Dominico relicta discessu. vna pertinacis cura propositi, rationi
velle imperare, non credere, contemptores auctoritatum veterum,
nouarum cupidi questionum, solam putantes scientiæ rectam viam,
qualibet concepta facilitate sententiam, eo vsq; tumoris elati, vs-
ad arbitrium suum veriusq; orbis putent inclinandum esse judici-
um, nec in numero fidelium deputantes sequaces traditionis pater-
næ, si sua viderint cedere nolle sententia. Docti crimina serere,
obirefactionum venena componere, integrum Ecclesiæ corpus odif-
se, seditiones instruere, inuidiam concitare, & pro obedientia ob-
stinationem pertinacis amare superbia.

Tom. 2. operū

1. Athan. fol.

262.

Qui contentionis studio feruntur, ait vetus scriptor, eorū
insanum furorem nulla, credo, potest oratio cohibere: sed ut mille
quis, eaq; inuicta argumenta proferat, veritatem quidem ille demō-
strauerit: at operari mendacii de ea minimè persuaferit: sic enim
& qui clarissimis demonstrationum firmamentis conuicti à verita-
te exciderunt, ij nec desistunt à proposito suo, nec in viam rectam
redeunt, sed vias præcipientes ingressi, hinc inde circumueiunt; & ut
inquit S. Cyrillus: tum ciuitates, tum regiones, quasi agrestes

S. Cyrill lib. 1.

Dial. de Trin.

vespa

pro deliro.

350

vespe, passim volantes grauib. bombis implent, loquentes ea quæ
in cordibus ipsorum sunt, & non ex ore Domini, sicut scriptum
est: qui sicut vituli ab armentati & dispersi, eunt rectè ad id, quod
sibi arridet, & praterkursis optimis & verè pulcherrimis
pascuis ad tribulos festinant & spinas, dum im-
prudentium quorundam falsorum Do.

Aorum sermonibus pa-
scuntur.

FINIS.



Epi-



Epigramma

IN DELIRVM AL-
CHYMISTAM.

Nescio quem Medicū laeso insanire cerebro
 Cogit, & in rabiē maior ERINNYS agit:
 Mittite, si qua liquāt medicatos germina suc-
 cos,

*Si qua Machaonias insula sudat opes.
 Viscera si Medico tumuissent agra rubet à,
 Te poterā medicas poscere, Psylle, manus.
 Nunc date, si quid habet natura potētius; iste
 Sanari tritā non solet arte furor.
 Huic & veratri vis prodest nulla cerebro,
 Euacuet totas iam licet ANTICYRAS:
 Et pariter serum est, mediā pertundere venā,
 Nō una hūc morbū vena, sed omnis habet.
 Quid faciā? dices; furor est à sanguine. Causa
 O utinam morbo desinat esse tuo.*

Brenis



Breuis admonitio,

QUALIS SIT LI-
BER ANTIGRET,
SERVS INSCRIPTVS,

ET A

*Padagogo quodam Witebergensi in gra-
tiam Hunnij emissus.*

Rater fictitium Varnam, verissimumquē
Alchymistam Libauium scripsit ex Lu-
theranis contra Responsum meum ad
Theses Hunnianas, pædotriba quidam
VVitebergensis; cui si separatim respon-
derem, profectò non pretium, sed dispendium operæ fa-
cerem. I. Quia ex ineptiis, mendaciis, & calumniis
totus confusus est. II. Quia librum meum in plures
partes, quàm Penthea Mænades, discerpit, turbatoque
omni ordine quiduis quouis loco inlicitâ & impudentiâ
Bbb b incesit,

incessit, meaꝫ; verba passim inuertit, & quæ in mentem nunquam venerant, atque adeo non semel ipsa Hunnii verba mihi affingit. III. Quia si quid adfert, nil nisi veteres nœnias adfert, jam in Chymico à nobis profligatas, vt & in digressionibus aduersus Hunnium; vt taceam varios R. P. Tanneri de eodem argumento libros, quibus extremam istorum vanitatem validè redarguit, & perspicuè conuicit: *Quis disceptandi finis erit, & loquendi modus*, ait præclare sanctus Augustinus, *si respondendum esse respondentibus semper existimeamus?* præsertim huiusmodi respondentibus, Magistellis insulsis & inscitis, quos gloria vexat inanis, & in theatrum agit, vt famam, nomenq; sibi mentiando & criminando conficientes, hac saltē via ex tenebris emergant, & in mundo inclarescant: *quorum dicta contraria*, inquit S. Augustinus, *si toties velimus refellere, quoties obnixæ fronte statuerint non curare quid dicant, dum quocunq; modo nostris disputationibus contradicant, quam sit infinitum, & arduum, & infructuosum vides.* Nam qui vel non possunt intelligere, quod dicitur, vel tam duri sunt aduersitate mentis, vt etiam si intellexerint, non obediant, respondent vt scriptum est, & loquuntur iniquitatem, atq; infatigabiliter vani sunt. Facile est, cuiquam videri respondisse, quæ tacere noluerit. Aut quid est loquacius vanitate? Quæ non id eo potest, quod veritas, quia si noluerit tacere, etiam plus potest clamare, quàm veritas.

Aug. l. 5. de
ciui. Dei c. 27

Ioan. Maxen.
Resp. epist. ad
Possess.

Quamuis verò semper inuicta maneat veritas, nunquam tamen aduersus eam se attollere desinit falsitas. Et quia aperta fronte contra eam non est ausa assurgere, ne mox validissimis eius jaculis prosteratur, ipse adumbrata specie, aduersus eam dimicat. Atq; ita non solum leues & incautos, verum etiam aliquando prudentes & graues decipit animos, quos cum suis suppleuerit tenebris, cogit eos insano mentis iudicio detrectare, quæ vera sunt, &

appro-

approbare, quæ suæ sunt, & ideo non est mirum, si apud eos virtus reputetur in vitium, qui deserti lumine veritatis fallaciæ nebulis obæcantur. Hinc denique eos, quos ad sui erroris dedecus inclinare nequiverint, irreligiosos, superbos, & invidos accusare non metuumt, cum hæc de illis potius integro & vero adseueretur iudicio, qui erroris tenebris delectantur, non de illis, qui fixis permanenti in veritate vestigiis.

Ut autem lector aliquot saltem ineptiarum prædottribi-
æ specimina videat, aliqua ex immenso quasi ineptiarum campo excerpam. Ac primum Syllogismum illum, de quo supra Dosi 29. & 30. copiosè disputauimus, ipse etiam oppugnat; sed *Hunnianis pugionibus*, hoc est, plumbeis, magnum quidem vulnus minitantibus; sed nullum prorsus infligentibus. Quid magis horrificum, quàm illud, quod contra me intotquet telum? Non verebatur, aut exhorrescebat cyclopis & giganteis faucibus rugire. Et quid tandem? Spiritus sanctus non potest per scripturam judicare, ut euidenter sciam, me amisisse causam. En crimen Cyclopum & Gigantum: quod ut euidentius fiat, hunc syllogismum eruditus lector consideret.

Quod per scripturam Canonicam, quam modò habemus, non est locutus Spiritus sanctus, illud per scripturam Canonicam, quam modò habemus, loqui non potest. Sicut ego loqui non possum per scripturam huius mei libri confecti jam, & absoluti, quod per scripturam huius mei libri non sum locutus: quia plus loqui nequeo per scripturam jam absolutam, quàm per illam locutus sum. Sed Spiritus sanctus sententiam iudiciariam per scripturam, quam modò habemus, non ita contra me locutus est, ut eâ scripturâ lectâ aut inspectâ, euidenter sciam, me amisisse causam.

ergo Spiritus S. non potest per Scripturam, quam modò habemus, ita contra me loqui sententiam judicariam, vt euidenter sciam, me amisisse causam; & consequenter Spiritus S. non potest per Scripturam judicare, vt euidenter sciam me amisisse causam. Maior tam est euidenter, vt tungus sit, qui neget. Minor nihilo est obscurior, vt ipsi Prædicantes agnoscunt. Aut si in Scriptura, & per Scripturam Spiritus S. ita locutus est contra me sententiam judicariam, vt euidenter scire queam, me causa cecidisse: ostendant mihi Prædicantes in Scriptura hanc sententiam, & acquiescam.

Nec refert, quod Spiritus sanctus absoluta sua potestate vti potest Scriptura, tanquam instrumento, ad ingenerandum menti euidentem de sententia judicaria conceptum & notionem, quodq; idem vocibus scripturæ nouas significationes imponere valet; non refert, inquam, hoc, quia vt à postremo incipiā, de scriptura loquimur, prout iam suos significatus certos & determinatos habet, nō vt nouos per nouam impositionē accipere potest. Quocirca diserte dico, per scripturam, quam modo habemus, seu per scripturā, prout iam scriptura constituta est, vt excludam ea, quæ de nouo scripturæ accedere, & accidere diuinitus queunt: Certè si quis ita philosophari velit, is concedere debet, non modò sententiam judicariam, sed quiduis aliud à scriptura significati posse, cum vocibus eius per impositionem Dei diuersissimæ significationes obtingere possint.

Iam quod ad instrumentum attinet, potest Spiritus S. etiam lapidem, & quamcunq; aliam creaturam assumere, tanquam instrumentum, ad productionem alicuius effectus, atq; adeò etiam huius, qui est, euidenter scire, num quis in controuersia fidei causam obtinuerit, an amise-

amiserit. An ideo lapis, aut quælibet alia creatura, vt ea, tanquam instrumento, Spiritus sanctus vti potest, rectè dicetur, Iudex omnium controuersiarum fidei? Nec quidquam ad rem facit hæc de instrumento obiectio. non enim loquimur de scriptura, vt esse potest instrumentum Spiritus sancti; sed vt de facto est verbum Spiritus sancti. Aliud est verbum; aliud instrumentum. nec verba loquentis dicuntur instrumenta, nisi lata & ampla notione, qua omne illud dicitur instrumentum, quod seipsum sensui, & præter se etiam aliquid aliud animo obicit. Quo pacto scripturam esse Spiritus S. instrumentum, nihil aliud est, quam scripturam esse verbum Spiritus S. cuius instrumentalis vis nihil aliud est, quam significatio, ac proinde quod per hoc suum Verbum, vt iam tanquam significans in chartâ relatum est; Spiritus S. locutus non est; id per illud, vt iam sese quoad significationem habet, loqui non potest: nisi nouam vim instrumentalem, hoc est, nouam significationem verbo largiri velit. Quod si contingeret, iam scriptura aliter, quàm hætenus, constituta foret: quod nostræ hypothesi repugnat: ponimus enim scripturam eodem modo comparatam manere, quo huc vsq; fuit, sine vlla significationis variatione.

Negat Hunnium concessisse Maiorem. Atqui Maiorē ab illo concessam fuisse inde manifestum fit, quod transmissa Maiore negauit Minorem: vbi enim vnquam auditum est, vt quis ad Minoris negationem se conferat, si Maiorē credat esse falsam, præsertim si eiusmodi sit Maior, in qua totius disceptationis cardo vertatur; quod de Maiore Syllogismi mei non temerè profecto affirmauerim, si affirmem. An non Hunnio statim publicè gratias egi, pro tam liberali concessione?

An quidquam contra gratias à me actas mutuit? An non siluit totus in Minorem intentus? Cuius pondere cum nimium vrgeretur & arctaretur, ad Maiorem sese retulit; concessa Minore, quam antea negauerat. An non implemet Hunnius dixit, me de Maioris concessione monente: *Concessa est Maior*, quamuis adiecerit: *Sed cum promissa declaratione*. Vbi verò illa *promissa declaratio*? Ego coram nullam audiui; neq; vllam lego in Protocollo. Sed cum in angustiis versaretur, nec exitum videret, modò hoc, modò illud dicendum erat, ne prorsus obmutuisse videretur. Nec tam curabat Hunnius, quam constanter diceret; quam vt diceret; quia putabat se auribus secundis audiri, quidquid demum diceret; modo non sileret. Quod si hoc est respondere posse, quod est tacere non posse; tum taceor & Hunnium, & Alchymistam, & Pædotribam aliosq; prædicantes ad Syllogisum meum respondisse; quia tacere nunquam potuerunt.

Qua tacendi impatientia incitatus pædotriba ait. *Ista Greiseriana propositio communissima est omnibus iudicibus*. Propositio mea est ista. *Omnis Iudex*, quando aditur à partibus, ita debet dicere sententiam, vt altera pars euidenter sciat se causam obtinuisse, altera se causam amisisse. Si conditiones in hac propositione positæ communissimæ sunt omnibus iudicibus; vera ergo erit Maior, quia exstructa est ex illis conditionibus, q̄ omnibus iudicibus sunt communissimæ. Si omnibus iudicibus communissimæ sunt; erunt igitur etiam communes Iudici controuersiarum Theologicarum; quia continetur sub Iudice in communiquemadmodum homini commune esse debet corporeum, viuens, sentiens; quia hæc sunt communissima omnibus animalibus, inter quæ etiam homo comprehenditur; & animali in communi competunt. Communia igitur

erunt

erunt & homini, quia homo sub animali in communi continetur. At communissima illa omnibus Iudicibus, non competunt sacrae scripturae, seu Spiritui sancto loquenti per scripturam. Neque enim scriptura neque Spiritus sanctus loquens per scripturam, quando aditur a partibus, ita dicit sententiam, ut altera pars euidenter sciat, se causam obtinuisse, altera se causam amisisse; ut ipsimet praedicantes vel inuiti & reclamantes agnoscere coacti sunt, & adhuc agnoscere coguntur, etsi admodum durus hic bolus Hunnio accidit; scriptura igitur aut Spiritus sanctus loquens per scripturam non est Iudex; quia si Iudex esset, communissima omnibus iudicibus ei competere: sicut si lapis animal esset, communissima omnibus animalibus lapidi conuenirent.

Immiscet, inquit *Pædagogus*, *sapissimè politicū iudicem, tã iustum, quam iniustum*. At qui mentiri te testatur mea Maior, in qua nullum verbum de iudice politico; quia discretè dicit: *Omnis Iudex, quando aditur, &c. Omnis Iudex* latius patet, quam Iudex politicus: Sicut *omne animal* latius diffunditur, quam homo. Est quidem Politicus Iudex, Iudex, at non omnis Iudex est Politicus Iudex. Ego in Maiore mea generalissimum, quod Iudici, qui aditur, competere potest; assumo; ut si hoc generalissimum non reperiam in Iudice controuersiarum; quem vos fingitis, & per fictionem introducitis; palam demonstrarem; Iudicis nomen & notionem ei nullo pacto conuenire posse. Quod ipsum, si ne in iudice quidem civili inuenirem, quid aliud restaret, quam ut verum iudicem esse abnuerem? Generalia enim praedicata necessario insunt in speciebus, generi illi subtratis. At vide obsecro, lector, quam peritè, vel potius

potius pædottibicè quæstionis statum formet. *Subiectum primum & adequatum demonstrationis est, aut esse debet: Iudex controuersiarum Theologicarum summus, iustus, iudicij inchoati, quale competit Ecclesiæ militanti.* Vbi sub singulis prope verbis singulas fraudes celat, maximè sub illis: *Iudicij inchoati*, quibus innuit, decissionem controuersiarum in Ecclesiâ militante non tam terminari, quàm inchoari. Quod isti comminiscuntur, vt à iudicio Ecclesiastico huius vitæ & status confugere & transilire liceat ad alterum sæculum, quasi tunc palam futurum sit, quis rectè senserit; quis malè; quis causam perdiderit; quis obtinuerit. Verum non nos quærimus iudicem in altero sæculo; scimus quis ille sit; sed inquirimus, quis in hac vita controuersiarum sit Iudex ordinarius, in singulis controuersis adiri & audiri idoneus. Itaq; quæstio nostra hæc est, Vtrum scriptura, aut Spiritus sanctus loquens per scripturam, sit ordinarius iste controuersiarum Iudex. Hæretici affirmant. Nos negamus; & vt negationem nostram demonstremus, assumimus id, quod generatim omni Iudici conuenit; & quia in Iudice, quem sibi fingunt hæretici, non reperitur, ideo fidenter asseueramus, Iudicem reuera non esse, quia Iudicis nomen in illum minimè quadrat, cui communissimæ Iudicis notiones & functiones non quadrant. Quia tamen pædottibæ displicet, etsi immeritò, quòd meo in Sylogismo, ex generalibus iudicis proprietatibus argumentor, vt inde concludam, num scriptura, aut Spiritus sanctus loquens per scripturam, sit controuersiarum Iudex; agendum omittamus isthæc, & assumamus id, quod iste nobis ineruditè præscribit, dispiciamusq; num & hinc propositum conficere liceat. Iudex controuersiarum Theologicarum summus iustus, iudicij inchoati, (respe-

tu extremi iudicij, et si perfecti quoq; in suo genere) in hac Ecclesia militante, ita debet dicere sententiam, quando à partib; litigantibus aditur, vt altera pars euidenter sciat se causam amisisse; altera se causam obtinuisse; sed scriptura, vel Spiritus S. loquens per scripturam, quando à partibus aditur, non dicit sententiam ita, vt altera pars euidenter sciat se causam obtinuisse, altera se causam amisisse: ergo scriptura non est controuersiarum Theologicarum Iudex ille summus, iustus, *iudicij inchoati* in hac Ecclesia militante. Maiorē si neget pēdotriba, suo inprimis Hunnio contradicet, qui eam concessit. At negauit postea: Non nego: si igitur cum negante sese cōformet, dicat, oro, cui bono tandem talis Iudex in Ecclesia militante constitutus sit, si non ita ferat, & proferat sententiā iudiciariam, vt altera pars post sententiam latam sciat quid obtinuerit; altera quid amiserit. Fingamus enim in rebus politicis esse eiusmodi Iudicem; qui quoties exorta controuersia à partibus aditur, partes æque dubias atq; incertas relinquat; neq; vnquam clarè & perspicuè, causæ meritis ad iustitiæ lancem expensis, definiat, quid huic de iure competat, quid alteri non competat: fingamus, inquam, talem iudicem in foro ciuili, litibusque politicis, an non perinde erit, ac si nullus planè Iudex constitutus foret? Anne talis nomen Iudicis merebitur? An hoc honore iure afficietur? Certè quisquis sapit, is abnuet. Quorsum enim Iudex, si sententiam non dicat? Si dictam partibus euidenter non *intimet* seu notificet; vt sciant, quid tenendum, quidq; respuendum. Quis finis Iudicis, nisi vt contentiones sopiat, & de medio tollat? An sopiet, si partes mentem Iudicis euidenter non percipiant? Si euidenter non percipiant, nihilo plus effectum est, quam si

Iudex nullus penitus esset; sicut & reuera nullus est, nisi ubi ita tandem sententia profertur, vt partibus sententia iudicis perspicuè liqueat, non in altero sæculo, sed in isto; quia in isto controuersia existunt: in isto disceptatur & decertatur à partibus; oportet ergo in isto sæculo esse Iudicem, qui has disceptationes iudicialia sententia tandem terminet. Dico, TANDEM; quia non est necesse, vt primo statim partium accessu sententiam ferat; ferat secundo, tertio, quarto, & si placeat, vltiore; at simul hoc etiam necesse est, vt si sententia differatur, alter euidenter sciat, contra se ab hoc iudice, quem adiit, sententiam, se adeunte & præsente, & audiente non esse latam; aut si putaret latam, certo tamen sciret, sibi patefaciendam & euidenter manifestandam. Nec absistere tenetur à lite, quoad usq; sententiâ iudicis euidenter cognoscat; quidquid altera pars de sententia condemnatoria voiferetur. Quod si qui fortè ad iudicem legitimum controuersiarum adeant, quorum nulli veritas & æquitas patrocinetur, sed tertio cuidam; vt si Lutheranus & Calvinista ad iudicem sententiæ iudicialiæ in materia Eucharistica expetendę gratia se conferant; tum licet neutri litiganti parti causa adiudicetur; vtraq; tamē pars euidenter intelligit, se causa cecidisse; victoriâq; alteri cuidâ reservari. Quæ de iudicio *inchoato & cōsummato* scribit, *Pædagogica* sunt; Nā iudicium, q̃ Iudex controuersiarū instituere & facere debet; *perfectum & consummatū* esse debet in hoc Ecclesiæ militantis foro. q̃ enim Deus in extremo iudicio hæreticos etiā, omnesq; erronei iudicaturus est; id iudicio *perfecto & consummato* non officit: nā fures quoq; & latrones iudicabit Deus; contra quos tamē iā in hac vita *iudiciū perfectū & consummatū* datur; sed in hui⁹ vitæ foro ci-

nisi. Aut neget pædotriba iudiciū aduersus furē vel latronē in hac vita perfectū & consummatū esse. Quod si perfectionē & consummationē iudicij aduersus furē non impedit ordo ad iudiciū alteri⁹ seculi, cur perfectionē & consummationē iudicij aduersus hereticos & erroneos impediret ordo ad iudicium Dei in altera vita? Sed ad sæculi alterius latibula confugiunt, vt suæ inscitæ & ruditati mantelū quærant. Quærunt quidē, sed nō inueniunt; aut si nonnullū inueniunt, nullo negotio detrahitur: nam q. pædotriba Maiorē meā fingit & refingit identidē; fingat & refingat, quoties volet; semper in ea, velut in tenacissima pice, inhærescet. Anne enim sele extricabit, quamuis Maiorem hunc in modum formet? *Iudex in controuersis fidei ac religionis, quādo à partib⁹ aditur, ita debet dicere sententiam, vt altera pars euidenter sciat se iustē causam amisisse; altera pars euidenter sciat se iustē causam obtinuisse;* licet enim de veritate Maioris huius quæri posse videam, (de quo paulò infra) esto tamē seu *Transcat* Maior. At statim tubsumor: Sed scriptura seu Spiritus S. loquens per scripturā, quando aditur, nō ita dicit sententiam, vt altera pars euidenter sciat, se iustē amisisse causā; altera pars euidenter sciat, se iustē obtinuisse causā. Ergo scriptura aut Spiritus S. loquens per scripturam nō est iudex controuersiarū fidei ac religionis. Quid ad hunc Syllogismum pædotriba hifcet? Verum Maior necdum sat commode ad vsum & gustum pædagogicum aptata est: Ait enim. *Sed neq. hæc limitatio sufficit.* Quæ ergo tandem sufficiet? *Limita & relimita quantum voles; & hoc vbi feceris, tum mihi indica, quānam limitatio sufficiat.* Cur vero prædicta limitatio non sufficit? *Quia iudex & iudicis conditio ad conditionem Ecclesie militantis iudicijq. inchoati adæquate nondum est compositus.* Addamus igitur hos terminos

Maiori; sicut & supra tuo seu monitu seu impulsu ad-
didi. Idem prorsus sequetur, quod omissis his termi-
nis, vt supra ostensum, & quiuis cognoscet, qui adiectis
ad Maiorem illis terminis Syllogismum integrum con-
struere volet.

Si, inquit iste, ad conditionem militantis Ecclesie Iudex
constituendus est, aut Christi voluntas & Apostolorum vaticinia
irrita facienda erunt, aut Maioris propositionis iam modò ex
parte limitata, non poterit subsistere conditio illa; vt altera pars
evidenter sciat se iustè damnatam esse; altera se causam iuridi-
cè & iustè obtinuisse. At hæc conditio Maioris non est
mea; sed tua; nam in Maiore dixi ego, iudicem ita de-
bere dicere sententiam, vt altera pars evidenter sciat se
causam obtinuisse; altera se causam amisisse; quantum
est ex parte huius Iudicis, siue iustè, siue iniustè: Neq;
enim de iudicis officio est, ita pronunciare sententiam, vt
altera pars evidenter sciat, se iustè causam obtinuisse;
altera evidenter sciat, se iustè causam amisisse: Nullo mo-
do iudici hæc conditio cōpetit; quotus enim quisq; est,
q; etiam iustè amissa causa, iustitiā amissæ causæ cogno-
scat, ignorantia, aut praua animi affectione impeditus &
occæcatus? Satis igitur est, q; Iudex, quando aditur, ita p-
nunciat sententiā, vt altera pars evidenter sciat se causā
obtinuisse, quantum est ex parte huius iudicis; altera se
causam amisisse, quantum est ex parte huius iudicis; siue po-
stea iustitiā sententiæ vtraq; pars evidenter agnoscat; siue
nō; hoc enim planè est sententiæ iudiciariæ accidentariū:
Et cur tu, si quid efficere studes, meam Maiorē non op-
pugnas? nā q; proprias tibi concinnas, easq; mox falsitatis
accusas; quid hoc ad me? Et si ex tuis quoq; pp-
ositionib; factis & refutatis arduum non est institutum concludere.

Audire tamen iuuat, cur Maior illa falsa, prout à te
restr-

restricta & temperata est. Quia, inquit, si iudex in contro-
uersis fidei ita sententiā proferret, ut altera pars euidenter sciret, se
iustè causā obtinuisse; altera se iustè causā amisisse: tūc hostes ple-
nissimo dominio Ecclesiæ subiiceretur; neq; ampli⁹ quoad hæreses &
hæreticos esset militās, sed perfectè triūphās Ecclesiæ in hoc sæculo.
Nihil minus sequeretur, mi homo, quia posset quis ex
mera malitia & obstinatione Iurisdictionē Ecclesiæ repu-
diare, ut non rarò contingit; licet euidenter sciret, se ius-
tè ab Ecclesiastico Iudice damnatum esse; nam & Dia-
boli euidenter sciunt, se iustè à Deo damnatos; & tamen
voluntati Dei totis viribus repugnant: nec dicitur Eccle-
sia militans eò tantū, quòd ab Hæreticis, alijsq; infideli-
bus exagitetur; sed quia etiam à carne & sanguine, &
ab inaspectabilibus Dæmonum copiis indefinenter op-
pugnatur & impetitur; quæ pugna minimè cessaret, licet
omnes Ecclesiæ hostes euidenter scirent, se iustè ab Ec-
clesia damnatos esse.

Responsum, quod sequitur, Hunnianum est. *Falla-
ciam accidentis committit Gregerus.* Ad hunc locum, quoti-
es cum suis retulit sese Hunnius? Sed ubi illa *Fallacia* in
illo Syllogismo? In qua præmissa? *Hic non est questio*, in-
quit, *qualis ab Hæreticis in hac vita agnoscatur, sed qualis in se
sit, & esse debeat.* Neq; ego quæro Iudicem, qualis ab Hæ-
reticis aut fingitur, aut pingitur, aut agnoscitur; sed quæ-
ro Iudicem controuersiarum fidei, qualis in se est, & esse
debet. Inspice Syllogismum meum; at non pædotri-
bicis oculis; fortè tandem scopum Syllogismi asseque-
ris. Sed instat Orbilius. *Si Spiritus S. & Christus non esset
iudex per Scripturam etiam in militante, & controuersis turbata
Ecclesia, tum nulli forent* *αὐτοκατάκριτοι*, *nulli indurati, nulli pec-
cato in Spiritum S. obnoxii.* At negatur sequela. Probas:
Quia peccatores eiusmodi hoc ipso, tanquam essentiali sua conditio-

re, definiuntur, quod in corde Spiritus sancti iudicio conuicti
sint, & sciant, se, quantum est ex parte iudicis Christi aut
Spiritus sancti per scripturam ac verbum loquentis, damnatos
certè esse falsitatis aut impietatis. Cæterum hoc est mul-
tùm tabulari, & nihil probare. Falsum enim est *αὐτοκα-
τάκριτον*, hoc est, suo ipsius iudicio damnatum, ideo es-
se talem, quod à Spiritu sancto tanquam ab ordinario &
immediato in hac militante Ecclesia controuersiarum
iudice euidenter conuictus & damnatus sit: imò si hæc
notio *αὐτοκατάκριτον* foret, nullus planè *αὐτοκατάκριτος* fo-
ret, nullū enim euidenter damnat Spiritus sanctus tanquā
ordinarius & immediatus omnium controuersiarum in
hac militante Ecclesia iudex, quia hoc iudicium alteri cō-
misit. Quis ergò proprio iudicio damnatus dicitur? Ille
nimirum, qui agnitæ veritati ex mera proteruita refraga-
tur & insultat, quales multi inter Hæreticos, vnde cūque
tandem in agnitionem veritatis peruenerint. Item ille,
qui veritati aures ocludit, quales pleriq; Hæretici, qui
nihil instructionis admittere volunt, aut si admittunt,
ad aures admittunt, non ad mentem. Quam τὸ *αὐτοκατά-
κριτον* notionem, indicauit Apostolus, cum ait: *Hereti-
cum hominem post vnam & secundam correptionem deuota: sci-
ens; quia subuersus est, qui eiusmodi est, & delinquit, cum sit proprio
iudicio cōdēnatus; hoc ipso videlicet, quod admonitioni &
institutioni locum nullum præbet. Mentitur autem Hæ-
reticus, cum subdit, me talem iudicem postulare, qui ita-
lites terminet, ne aduersarius contra latam à iudice sententiam a-
lias moueat neq; ea à perversis & malè feriat in ingeniis deprauari,
& in alienum sensum, aut trahi, aut rapi, aut in dubitationem ro-
tari queat. Nihil huius, quod mihi iste imponit, in libro
meo inuenitur. Quis enim nescit proteruos & contuma-
ces, iudicis sententiæ, quantumuis ad vnguē exploratæ*

refra-

refragari, & alias lites opponere posse? Quod si hoc ignorauissemus, perspicuè id nos docuissent, exemplo suo, Hæretici, qui aduersus sententiam Concilii Tridentini, tametsi euidentissimè sibi perspectam, alias lites mouent, & nihil nõ tentant, quo vim illius declinent; aut meritò declinare velle videantur. Interim euidenter norunt, se à Concilio Tridentino damnatos esse. Sicut & in foro ciuili euenire potest, imò in singulos dies euenit, vt quis euidenter sciat, se ab hoc vel illo iudice damnatum esse, & tamen minimè acquiescat, motis de integro contra latam sententiam litibus. Neque inficias ierim, iudicis sententiam in alienum sensum trahi, aut rapi, aut in dubitationem vocari posse: at si hoc contingat, tunc iudex iterum adiri & orari debet, vt omnem obscuritatem à sententia iudiciaria remoueat; & hoc præstare debet, si iudicis officio legitimè fungi velit, potest etiam hoc facili negotio præstare. quis enim tam indisertus est & infans, qui tandem planè & perspicuè eloqui nequeat; quæ pars causam perdiderit, quæ obtinuerit? Arbitror profectò paucos ex Lutheranis aut Calvinianis reperiri, qui Synodi Tridentinæ iudiciarias definitiones in alienum sensum propter obscuritatem trahere, aut in dubium vocare valeant; etiamsi animus id faciendi non deesset. Quid clariùs & euidentius illa sententia Iudicis. *Si quis dixerit, sacramenta nouæ legis non fuisse omnia, à Iesu Christo Domino nostro instituta, aut esse plura vel pauciora, quàm septem, &c. anathema sit.*

Quid clariùs ista? Si quis dixerit, hæc sacramenta propter solam fidem nutriendam instituta fuisse, anathema sit. Quid clariùs aliis eiusdem Concilii definitionibus? Si aliqua vel aliquæ minus claræ apparent Hæreticis, facillimè impetrabunt à nostro iudice eam declarationem, quæ

Conc. Trid.
Sess. VII.

quæ omnem dubitationem de sententiâ iudiciaria eximat. Pulchrè verò ex nostris assertionibus & fundamentis probat Spiritum S. esse omnium controuersiarum in Ecclesia militante Iudicem. Nos docemus summum Pontificem, aut Concilium à Pontifice approbatum habere in definiendis dogmatibus infallibilem Spiritus S. assistentiam, & eatenus etiam Pontificem, aut Conciliū cum Pontifice controuersiarum omnium iudicem esse. Ex his hanc in modum argumentatur Hæreticus:

Papa est iudex omnium controuersiarum, ut infallibilem Spiritus S. assistentiam habet:

Ergo multo magis Spiritus sanctus erit iudex omnium controuersiarum.

Respondeo, si Hæreticus has voculas suæ consequentiæ attexeret:

Ergo Spiritus S. loquens per Papam, aut per Concilium à Papa confirmatum, est iudex omnium controuersiarum.

Forſan non negaremus consequentiam, quam ſi & ipſe admittere cogitat, non deſperandum erit de concordia inter me & illum in hac quæſtione. Nos enim minimè excludimus infallibilem inſtinctum & directionem ſancti Spiritus, quando dicimus, Pontificem, aut Concilium à Pontifice confirmatum eſſe omnium controuersiarum Iudicem: Sed noſſe debet Pædagogus has propoſitiones multum inter ſe diſcrepare. I. Spiritus ſanctus, aut Chriſtus eſt Iudex immediatus omnium controuersiarum fidei in hac militante Eccleſia. II. Spiritus S. aut Chriſtus loquens per Scripturam eſt Iudex immediatus omnium controuersiarum fidei in hac militante Eccleſia: III. Spiritus S. aut Chriſtus infallibiliter loquens per Pontificem, & ut per Pontificem loquitur, eſt iudex omnium controuersiarum fidei in hac militante Eccleſia:

Duas

Quas enim priores propositiones falsas esse non modò arbitramur, sed & inuictis argumentis euincimus. Terti-
am si Hæreticus ut veram admittere velit, gratulabimur
ei agnitæ veritatis felicitatem; utq; in ea constanter per-
sistat, precabimur. Nam vox iudiciaria Pontificis defi-
nientis quidpiam ex cathedra Petri, verè est vox Christi,
& Spiritus S. Hic enim vel maximè valet illud Domini: *Matth. 16.*
Non enim vos estis, qui loquimini, sed Spiritus Patris vestri, qui loquitur in vobis. Illud tamen nescius non sit sectarius,
Pontificem propriè esse controuersiarum omnium iudi-
cem; licet talis non sit, nisi propter infallibilem adstisten-
tiam Spiritus sancti per Pontificem sententiam iudicia-
riam & definitiuam proferentis; quia Pontifex est, qui
aditur, qui consulitur, qui auditur, qui videtur. Sicut
Moyse olim proprius & ordinarius, & immediatus Isra-
elitarum Iudex erat; licet plerasque controuersiarum
decisiones ex ore Dei acciperet, & postea publicè cum
auctoritate iudiciaria proferret; quia ipse, ut controuer-
sis exortis, adiretur & audiretur à Deo constitutus & or-
dinatus erat; homo nimirum inter homines; visibilis in-
ter visibiles; loquens inter loquentes; auditus & audiens
inter auditos & audientes: cuiusmodi Iudicem status &
conditio hominum in hac vita & Ecclesia militante de-
gentium, & ipsa etiam huius temporis litium natura effla-
gitat; nam qui vel ad inuisibilem Iudicem controuersias
huius vitæ ablegant, vel ad talem, cuius sententia eui-
denter in quauis lite non percipitur: illi verbo iudicem
statuunt, re tollunt.

Porro Spiritum sanctum non posse esse per scrip-
turam Iudicem omnium controuersiarum, quod *absolu-*
te dixerim, nec nego, neque vnquam negaui. Menti-
tur ergò imperitus Pædotriba, cum ait, me hoc negare.

Vbi nego? *Indicet, notet, innuat*: Sed inscitia decepit Præ-
 doctribam: Quia enim nego, me absolutè dixisse in Col-
 loquio, Spiritum sanctum de potentia sua absoluta & ex-
 traordinaria posse esse controuersiarum iudicem: ideo
 videor ei negare, quod absolutè dixerim, Spiritum san-
 ctum non posse esse iudicem controuersiarum per scri-
 pturam: quasi non sit clarissimum inter hæc duo discri-
 men, & quasi necesse sit, ut qui negat se asseruisse primū,
 neget propterea etiam secundum à se assertum esse, quia
 alia ratio est potentia Dei extraordinaria & absoluta:
 alia ordinaria. Quod autem de potentia ordinaria lo-
 cutus sim in Colloquio, inde liquet, quia disputatio er-
 rat de Iudice ordinario, &, ut sic dicam, quotidiano,
 qui in omnibus controuersis adiri, consuli & audiri
 possit, qui Iudicis officium ordinariè obeat; quique
 id, quod officium Iudicis exigit, ordinariè præstet,
 atque ad eò ordinaria sua potentia & potestate lites de-
 finiat. Hoc Spiritum sanctum loquentem per scriptu-
 ras ordinariè non efficere, luce meridiana clarius est: sed
 nec efficere posse ordinaria sua potentia, inde manife-
 stum euadit, quia quod ordinariè sibi noluit Spiritus S.
 cōpetere, hoc potētia ordinaria facere non potest: Sed ut
 Spirit⁹ S. loquens per scripturas controuersias fidei im-
 mediātè dirimat, sibi ordinariè competere noluit; ergo hoc
 ordinaria potentia facere non potest. Maior clara est ap-
 ud omnes, qui notionem potentia⁹ ordinaria norūt. Mi-
 nor probatur. Quia si Spiritus S. loquēs per Scripturas vo-
 luisset sibi competere officiū ordinariè & immediātè diri-
 mendī cōtrouersias, id faceret, quando ut loquens per
 Scripturas aditur, consulitur, utq; sententiā ferat, quodā-
 modo obsecratur, & ita quidem faceret, ut altera pars e-
 uidenter sciret, quid ex huius iudicis sententia sentien-
 dum

dum sit & amplectendū, altera quid repudiādum: At Spiritus S. hoc nō facit, vt pater quotidiana experiētia. Quid ergo sequitur Prædottiba? Sed hæc sat scio, non capies. Dicamus planius & rudius. Quod de potētia ordinaria nō vult Spiritus S. loquens per Scripturas, illud de potētia ordinaria non potest per Scripturas. Sed de potentia ordinaria nō vult Spiritus S. loquēs per scripturas esse iudex imēdiatus oīum cōtrouersiarū fidei, ergo de potentia ordinaria nō potest hoc Spiritus S. per Scripturas. Maior est certa ex terminis: quia Spiritus S. nihil p potētiā ordinariā potest, nisi q̄ per potētiā ordinariā vult, vt exempli causa, quia Deus per potētiā ordinariā non vult cōdere nouum mundū; ideo p potētiā ordinariā non potest cōdere nouum mundū; & si per potētiā ordinariā cōderet nouū mūdū, posset utiq; p potētiā ordinariā cōdere nouū mundū. Minor probatur. Quia si Spiritus S. loquens per Scripturas de potentia ordinaria vellet esse iudex immediatus omniū controuersiarū fidei, tunc definiret omnes controuersias fidei imēdiatē & ordinariē quoties à partibus adiretur & cōsuleretur, & ita definirer, vt altera pars euidenter sciret, se ex sententia huius iudicis causam amisisse, alterā verò partem causam obtinuisse. At hoc non fit, vt ipsimet Prædicantes, tametsi non sine mentis remorsu agnoscunt. Quare cum omnes concertationis illius circumstantiæ tantum non clamarint, disputationem nobis esse de Iudice ordinario, deque eo, quod ordinaria sua potentia facere potest & solet, non immeritò dixi in Responso, mihi in mentem non venisse loqui de absoluta & extraordinaria Spiritus sancti potentia, neque in mentem venire potuisse, nisi mente captus fuisset, positis nimirū prædictis controuersiarum nostrarū circumstantiis. Nam absolutē loquendo placu-

lum nullum fuerit, asserere Spiritum sanctum, vt loquitur per scripturam Canonicam, quam jam habemus, & prout eam jam significantem habemus, ne posse quidem per absolutam & extraordinariam suam potentiam omnes fidei controuersias dirimere: quia, vt supra differebam, implicat, vt Spiritus sanctus id loquatur per scripturam, prout jam in significando cōstituta est, quod per scripturam locutus non est; sed sententiam iudiciariam de omnibus fidei controuersis per scripturam locutus non est. vbi enim in scriptura est sententia iudiciaria huius controuersia, Epistolam ad Philemonem v.g. esse Canonicā, & à D. Paulo scriptā? Item omnes illos libros collectiue sumptos, quos pro Canonicis veneramus, verè Canonicos, & diuinitus inspiratos esse? vt plurima alia huius generis omittā, eaq; similiter prætereā, quæ supra contra Alchymisticā ignorantia, & in Digestionibus, contra prædicantiam in scitiam differui. Sed ait Pædrotriba: *non statim decernendū hoc vel illud nō posse à Deo fieri, quia nobis ita videatur.* Omnino, temerè hac in re nihil asseuerari debet. At si implicatio seu contradictio manifesta sit, sine villo crimine affirmamus hoc vel illud potentia diuina non posse fieri. *Scimus*, inquit iste, *euidēter, nos à Papa damnatos esse iniuste.* Benè, q̃ fateris de euidētia. Scitis, vel inuiti, euidēter vos à Papa damnationis sententia percullos. Nam quod addis, *iniuste*, id secundum estimationē quidē, & phantasiā vestrā euidēter scitis, vt non secundum rei veritatem. quia quod à patre rei non est, non scitur, multò minus euidēter scitur. Etgo nec hoc falsū vestrum scitur, multoq; minus euidēter scitur. Dices: *putamus nos id euidēter scire.* Etiam Arius putabat euidēter scire, se & suos iniuste dānatos à Nicæna Synodo: Nestorius ab Ephesina: Eutyches à Chalcedonensi. An

idea

Idèd falsa hæc Hæreticorum opinio, scientia euidentis erat, fundata non in fanatico hæresiarcharum cerebro, sed in re ipsa? Quod addit de *Doctoribus & Ministris Ecclesie*; sunt & ipsi Iudices, sed à summo dependentes, nec singuli per se infallibiles; nam quod vnanimem Doctorum consensionem infallibilem statuimus, inde non sequitur, hunc Doctorum consensum esse omnium controuersiarum iudicem. Quid enim si de ipso Doctorū vnanimi consensu quæstio incidat? Quis tū decideret, si non sit alius iudex? Quid si nō constet, quis sit concors Doctorū sentus? Satis ergo fuerit, vt hæc cōsensio normæ locū obtineat, sicut & ipsi scripturæ hoc sufficit.

Quæris, quæ hæreses hodie à Pontifice extinguantur? Respondedo, per sententiam iudiciariam omnes, quotquot hoc sæculo ex infelicissimo Lutheri partu prognatæ sūt, damnatas, & quantum est ex parte sententiæ iudiciariæ extinctas esse. Nam quod adhuc multæ ex damnatis Hæreticis vigent, & latè regnant, id non adscribi potest defectui definitiuæ sententiæ, sed peruicaciæ & improbitati Hæreticorum, qui contra omnia jura ita se muniunt, vt non tantum spirituales Ecclesiæ pœnas floccifeciant, sed & minas Imperatorum, Regumq; aspernentur.

Reliqua, quæ vel contra nostrum iudicem, vel pro suo iudice differit, eiusdè sunt tenoris & valoris, trita scil. vulgaria, incōstantia, mēdacia, egregiæ ruditis & improbitatis egregia testimonia, indigna refelli, dignissima cōtemni, præsertim jam toties refutata, & ad nihilū redacta. Quod S. Augustinus de prioribus quinq; libris operis sui de Ciuit. Dei pronunciauit, id ego meis itidè libris non iniuria accommodaui. *Nimia quidem stultitiæ vel pertinaciæ, nec istos quinque, nec ullos alios, quancūque numeri libros de ciuit. cap. 1. satis esse posse quis nesciat, quando ea putatur gloria*

Quint. lib. 1.
cap. 13.

vanitatis, nullis cedere viribus veritatis, in perniciem utiq; eius, cui vitium tam immane dominatur. Nam & contra omnem curantis industriam non malo medici, sed agroti insanabilis morbus inuictus est. Pulchrè Quintilianus. Persequi quod quisq; unquam vel contemptissimorum hominum dixerit; aut nimia miserie, aut inanis iactantia est, & detinet atq; obruit ingenia melius aliis vacatura; nam qui omnes etiam indignas lectione schedas (quales pleræq; hæreticorum chartæ, præsertim istius pædōtribe) excutit, anilibus quoq; fabulis accommodare operam potest: & cum hoc finio, indoctoq; magistrælio obscurum suum nomen illustrare volenti illud non mali poëtæ accino.

Mart. lib.
3. Epigr.

Adlatres licet vsq; nos & vsq;
Es gannitibus improbis laceffas:
Certum est hanc tibi pernegare famam,
Olim quam petis in meis libellis
Qualiscumq; legaris ut per orbem.
Nam te cur aliquis sciat fuisse?
Ignotus pereas miser necesse est.

FINIS.





INDEX DOSI.

V M.

- D**osis prima. De Consilio, quo Tannerus & Grotserus post Colloquium Ratisbonense libros publicaverunt. 332
2. De Romanorum Pontificum reprehensione. 334.
3. De citatione sacra scripturae. 341
4. De ratione. 347
5. De iudice disputationis. 349
6. De scripturae norma. 359
7. De haeticis sine scripturae profligandis. 363
8. De dicto contra negantem principium non est disputandum. 366
9. De his quae credenda concesserint Evangelici, (Lutherani) in Colloquio. 367
10. De Consequentiis Hunniani. 370
11. De Criteriis Hunnij. 372
12. De sensu scripturae. 377
13. De Syllogismo, dialecticae disputatione. 381
14. De Christo dialectico. 383
15. De basi argumentationum. 385
16. Quos Dialecticos reprehenderit Tertullianus. 387
17. De Patribus. 390
18. De legibus praedicantium. 398
19. Discrimen normae & iudicii. 405
20. De Argumento pro norma Pseudoeuangelicorum. 439
21. De dicto; Quod tibi praecipio, hoc tantum facito Et de declinatione ad dexteram vel sinistram. 446
22. De verbo lumine, de quo dicto S. Pauli: Cetera, cum venero disponam. & de illo: Sed licet nos aut Angeli de caelo, &c. Gal. 3. 460
23. De dicto S. Pauli: Omnis scriptura diuinitus inspirata, &c. 2. Timoth. 3. 464
24. De Canone. 477
25. De auctoritate Doctorum. 486
26. An verum sit, si hic vel ille Doctor errare possit, omnes collectiue sumptos errare posse. 493
27. De Conciliis. 509
28. De Pontifice & Cathedra Petri. 517
29. De syllogismo quodam, quo probatum

batum, scripturam sacram non
posse esse controuersiarum lu-
dicem. 529
30. De eodem syllogismo. 545

INDEX RE,

RVM.

A Cademia secundum hareticos
quam Reip. adferans utilita-
tem. 76. & seq.
Academiæ Encomia ex Lu-
thero. 78. & seq. 83. 96
Ex Academia Viteberg. quid bo-
ni prodierit. 101. & seq.
Adriani VI. litteræ contra libros
Lutheri. 240. & seq.
Alchymia descriptio. 517
Andreas Libanius. vide. Varna.
Antilutherani Vitebergenses. 133.
134. 135
Aristoteles Lutero quis. 94
Augustana confessio quomodo &
quoties à prædicantibus falsata.
312. & seqq.
Augustana confessio. 128. & seq.
S. Augustini quadam loca ab Hüss
adducta explicantur. 220. & seqq.
Axiomata Lutheri per quam pudi-
ca. 281. & seqq.

B

Basilii Varna. vide Varna.
Beñleri argumentorum refutatio.
151. & seqq.

eius inscitia. 164. 168
eius ineptia. 172. & seqq. 177
Beze fraudes. 191
Biblia quam fideliter à Lutero
versa sint. 127. & seq.

C

Caluiniiani Euangelij fructus. 57.
& seqq.
Caluinistarum fraudes. 291. & seqq.
Caluinista cur libros ficto nomine
edere nequeant. 298. & seqq.
Candor cuius nota sit. 171
Canones & Canonista à Lutero
quantifaciti sint. 85. 88. 89
Canones & Canonista à Hüsso ad-
ducti explicantur. 230. & seqq.
Canon hæc vox quo significatu ca-
piatur. 477
Carlstadius quibus epithetis conde-
coretur à Lutero. 124
Carlstadij præceptor. 146
Caroli. V. de Lutheri scriptis iudi-
cium. 28
Castitas & Continentia prædican-
tium aliorumq. Lutheranorum.
57. 58. 284. & seqq.
Catholici an & quando possint tacito
vel alieno nomine lib. euulgare. 297
Celeusma Lutheri in Papam & Cle-
rum Romanum. 320.
& seq.

S. Chry.

E

3. Chrysoft. ab impostura Beumleri
vindictur. 118. & seq.

Conciliorum auctoritas quanta a
pud Varnā. 509. & seqq.

Confessio Augustana. 128 & seq.

Confessio Augustana quomodo &
quoties a Prædicantibus corrupta.
312 & seqq.

Consequentia Hunniana. 370. &
seqq.

Controversiarum iudex Varna nō
uus. 406

Conuictiū Hæreticorum quomodo
respondendum. 329. & seqq. 337.

Corui Euāgelici vita descripta. 54

Criteria Hunnii. 372. & seqq.

de Criticis Lubinus Hæreticus quid
sentiat. 266

Cycni Islebici cantus. 44. & seq.

D

Danielis locus à Luthero explica-
tus. 81. 96.

Deus quos cultus prohibeas. 456.

Diabolus hæresū auctor. 144. 146

Doctores & pastores præter scrip-
turam sunt necessarii. 489

Doctor Paulinus & Papisticus i-
dem esse. 491

Doctorum sanctorum scripta quo-
modo examinanda. 497.

Donatistætor esse Varna. 526

Ecclesia vera. 444

Ecclesie lapides angulares & fun-
damentales. 477

Elogiū Lutheri de se & aliis. 35

Epigramma in Lubinum. 323

Epitaphium Rabi seu corui. 64

Erasmus Lutheranorū mores insigni-
ter depingit. 8. 50. 51. 52. 57. 58.

& seq. 126. 254. 378. 435.

Erasmus cur tam sæpè ab auctore
testis productus. 65. 378

De Erasmi operibus Lutheri judi-
cium. 256. & seqq.

Erasmi censura de libris Luth. 340

Erasmi de Prædicatib. iudiciū. 378

Euangelii Lutherani & Calviniani
fructus. 57. & seqq.

Euangelii quinti firmamentū. 286

Eurychetis fraus. 198

F

Facultas qualibet Viteberge pro-
prios habuit patronos. 86

Iuridica S. Iuonem. 86. 87

Medica SS. Cosmam & Damianū.

86. 92.

Philosophia S. Catharinam. 86. 94

Artistica Facultatis officium. ibi.

Falsarii moneta quomodo lege pu-
niendi. 4. 5.

Falsariorum punia. 300. 301

Eccs

Falsa

Falsariorū celebriorū inter hereticos aliquot enumerantur exempla. 302. & seqq.
Festa Christi, crucis, Mariæ Virg. & sanctorū abrogant Luther⁹ & Luthera. 69. 70. 71. 72. & seqq.
Festū translationis Bibliorū. 74. 76
Fidei articulus, dogma, obiectum, quæ ratione differant. 370
Fleckus vates. 100
Formula salutandi Luthero cōiuncta 284. & seqq.
Formula valedicendi ex eodē. 285
Fructus Euangelij Lutherani & Calviniani. 57. & seqq.

G

Gelasius Pont. explicatur. 228
Godefridi Rabi vita. 54
eius doctrina. 60
eius Epitaphiū. 64
Gregorij syracusani in Ignatiū Patriarcham iniuria. 318. & seq.
Gretserus à Tannero num discrepet. 470. 471

H

Heretici sunt Paracharactæ. 5
Item Parermeneutæ. ibid.
Falsarii moneta sacra. ibid.
quomodo agnoscendi. 7
Heretici insigniter ab Erasmo depicti. 52. 435

Hereticorum diabolus præceptor. 144. 146.
Hereticorum mos & fraus. 198. 199. 279. 280. 290. & seqq.
Heretici ipsi hereticos libros interdicunt. 256 & seqq.
Heretici ipsi anonymorū librorum auctores reprehendunt. 290. & seqq.
Hereticorum rationes cur tacito vel alieno nomine libros edant frivola. 295. & seqq.
rationes aliæ, cur tali modo libros vulgare nequeant. 298. & seqq.
Hereticorum propriū libros supponere & falsare. 300. & seqq.
eorum impudentia. 301
Heretici quomodo quoscūq; Catholicos cuiuscūq; ordinis traducant. 316. & seqq.
Hereticus est Idololatra. 328.
Hereticorum conuitia quanti facienda & iis quæ ratione sit respondendum. 329 & seqq. 337
Heretici pueris vel phreneticis similes. 330
Hereticorum plerophoria seu zelus. 334. & seqq.
S. scripturam quomodo citent. 341. & seqq. 345
Hereticarum muliercularum impudentia. 343

He-

- Hæretici S. scripturæ quos Inter-*
pretes habeant. 342
ijdēss. patres quōdo adducāt. 345
Hæretici qua ratione conuincendi.
 364. & seqq.
Hæretici cū errant qui non sint di-
cendi. 394.
Heilbrunneri pietas. 404
eius tenax memoria. 404
S. Hieronymi qdā loca à Hufso ad-
ducta explicātur. 225. & seqq.
Heluetij prohibēt lib. Zwing. 246
Hunnus festum faculare quomodo
obierit. 73. & seqq.
Hunniana consequentia. 117. 370.
 & seqq.
Hunniana demonstrationes. 121
Hunnus Propheta. 131
est patronus ubiquitatis. 133. &
seq. mentitur. 134. 136. (& seq.
Hunnii tuba & laudat. 137.
Hunnii epithetum. 138
Hunnii inscitia. 147
Hunnus laudatur, &c. 314. 315
Hunnii lapsus. 315
is Prædicatēs falsi cōdēnat. 314. 315
Hunnii Plerophoria & zelus. 334
Hunnus muliercularum sua festā
Encomiastes. 333
Hunnii ratio cæca est. 347. & seq.
Hunnus quid credat extra scrip-
turam. 367
sibi contradicere. 369
eius criteria. 372. & seqq.
eius delirium. 413
eius ut patronus Varna causā agit
 534.
Hunnio aduersatur Varna. 535
Hunnii incōstātia in colloq. Ratis.
 549. (cōcordat. 44. 77. 78.
Hussi doctrina cum quo Lutherus
Hussi vaticinia. 120. 121. 210. & se.
de eius libris. 210. & seqq.
Hussus appellat sedē Apostolicā. 213
Hussus refutatur. 210. & seq. 215. 217
 & seqq. 220. & seq. 230. & seqq.
Hussus falsarius. 307
Hussus quos instituerit S. scripturæ
interpretes. 342
Hussitica mulieris impudētia. 343
Hutteni Lutherani amor in Carho-
licos. 25
 I
Illyrici querulosa impudentia. 256
Illyricus à Vitebergensibus falsi-
tatis accusatur. 309
testatur quā absurdē hæretici S.
scripturam citent. 342
Imperatorum numismata quo cul-
tu habita. 2. (192
Impi hæreticos libros igni adducūt
Ioannes Pistorius à calumniis Var-
na vindicatur. 329
Ioannes Staupitius. 110. 111
 Ecce 2. 106.

Iosephi Scaligeri laus. 272
Islebius quàm honorificè à Luthero
excipiatur. 124
Iudei Sanctos inuocabant. 164
Iudicis distinctio. 352. 422
Iudex controuerfiarum nouus Var-
na. 406
Iudicis generalis notio. 412. & plu-
ra de eo per seqq.
ad Iudicis officium quæ spectent.
415. & seqq.
Iudex Lutheranus describitur. 420
Iudex in Ecclesia militante quis sit.
426. de Iudice in Colloquio Ra-
visbonensi propositus syllogismus
fusè & pulchrè soluitur à Var-
na. 530. & seqq.
Iulij Scaligeri præclara orat. 273
eius de Iuuenale iudicium. ibid.
Iurista quid. 84
Iuridica facultatis Encomia de Lu-
thero. 88
Iustus Lipsius calumniam ab Ha-
reticis patitur. 308
Iuuenalis nouus Lutheranus pa-
tronus. 260. & seqq.
Iuuenalis obscenitas. 261. & seqq.
de Iuuenale iudicium Scaligeri.
273.
Nellerstadius 19. VVitebergæ re-
tor. 103. vaticinatur. 105.
S. Iuo VVitenbergensiu Iureconsul-

tor. Patronus 86. quæ ratione
sum coluerint. 87

L

Leonis X elogium ex Luthero. 523
Libros noxios Romani exurunt
195. & seqq.
Libri Numæ exuruntur. 196. &
seqq.
Libros Hæreticorum Impp. igni ad-
iudicant. 199. & seqq.
Libri Origenis damnati. 202. &
seqq.
Libri Flussi condemnati ad ignem.
214.
Libri VViclephi an jure sint inter-
dicti & exusti, à fol. 217. per seqq.
plurima.
Libri Lutheri interdicti ab Adria-
no V l. Pont. Calmp. 240. &
seqq.
Libri Zyvinglii ab Heluetiis veti-
ti. 246
Libri Hæretici ab Hæreticis inter-
dicti. 256. & seqq.
Lubinus Iuuenalis patronus refu-
tatur à fol. 261. per seqq.
eius iudicium de Criticis. 266
Lubinus insânit & furit in Iesui-
tas. 276. & seqq.
eius preces pro Iesuitis quanti
sint.

- fin.* 288
in Lubinum spurcorum libellorū
patronum epigramma. 323
Lutheri fraus. 1 & 119
Lutherus quàm suoris reuerens in
Patres. 3. 391. 392
Lutheri cemeritas & leuitas. 13
Lutheri spiritus quam pacificus 24.
& seqq.
Lutheri consilio aduersus Pradicā-
tes utendum. 30
Lutheri impudentia in Imp. 31. 119
 120.
Lutheri concordia cum Carlsradio.
 35. 124.
Lutherus à Melanchthone disidet.
 36.
Lutherus est bestia. 40
Lutherus quàm cum Husso conue-
nias. 43
Lutheri Cyeni Islebici docilitas. 44
Lutherus cyenus ne sit, an aper, an
porcus, seu sus. 46. 48. 49. & seq
 119.
Lutheri hieroglyphicum signū. 47.
Lutherus in scriptis suis cur tam
mundus seu spurcus sit. ibid.
Lutheri argumenta epistolica ibid.
Lutherus quo in loco Islebii natus.
 48.
Lutheri subscriptio. ibid.
Luthero frater Lacedamonius, di-
ctus sus. ibid.
- Lutherus qualis cyen.* 49. & seqq.
 119.
Lutherus quàm bellè cycno compa-
ratus. 50. & seqq.
Lutherani Euangelii fructus. 57.
 & seqq.
Lutheri praecepta de abrogandis fe-
stis. 69. 70
eius blasphemia. 70
in festis obeundis quae requirant.
 73.
quantifaciat Academias. 78. 83;
 96. 97.
Luthero Facultas Theologica quid
 81.
quibus epithetis Theologos ho-
noret. ibid.
eius de D. Thoma iudicium. 82
Lutherus quomodo iuristas defini-
at. 84
eius in iurisconsult. amor & re-
uerentia. ibid. & seqq.
eiusd. in Canones & Canonistas
amor. 85. 88. 89. 90
in Aristotelem quàm aequus. 94.
 106 & seqq.
de scientiis Philosophicis quid
consuerit. 95. & seqq.
Lutherus vaticinatur. 100
Lutherus quam insignis Philoso-
phus. 107. 108
quis futurus esset. facile ex eius
 Ecce 3 adin

- actis contici potuit. 109
 cuius ope factus sit Doctor. 110
 eius cum diabolo familiaritas. 113
 Lutheri celestia. 114
 quam feruens in orationibus. 115
 Lutheri contubernales & familia-
 res. ibid.
 eius scripta quibus scateat. ibid.
 eius tonitrua & fulmina. ibi.
 eius scribendi & dicendi genus. ibid.
 olim de eo vaticinatum. 118. 119.
 121.
 Lutheri in Turcam odium. 120
 eius arma in Papam & Cartho-
 licos. 122.
 Lutherus verum dicit. 124
 Lutheri in Carlsbad. & Isleb gra-
 titudo. 124.
 Lutherus cum quibus sit comparā-
 dus. 125. & seq.
 Luther esse beatus. 126
 quam fideliter Biblia verterit. 127
 & seq.
 Lutheranorum vita Evangelica. 139.
 Lutheri vera de se & suis confessio. 140.
 Lutheri praeceptor. 146
 Lutherus exemplo Huski sedem
 Apostolicam appellavit. 213.
 215
 Lutheri libros interdicere Pont. &
 Impe. 240. & seqq.
 eius observantia in Principes. 243. & seq.
 Luther & Lutherani Zwinglii
 opera proscribunt. 255
 Lutheri iudicium de libris Erasmi. 256. & seqq.
 Luther & Lutherani Catholicorum
 lucubrationes VViteberga exu-
 runt. 257
 Lutheranus Iuvenalis Patronus. 260
 Lutheri axiomata Epicurea. 281
 & seqq. alia 380.
 eius blasphemia. 283. item casti-
 tas. ibid.
 eius salutationis formula. 284.
 & seq.
 item valedicendi. 287
 Lutheranorum fraudes in edendis
 libris. 294. & seqq.
 car Lutherani libros ficto nomi-
 ne, &c. edere nequeant. 298. & seq.
 Lutheri sanguinarium celestia. 320. & seq.
 eius in Pont. benivolentia. 323
 Lutheranorum plerophoria seu ze-
 lus. 334. & seqq.
 Lutherus in arte conuiciandi, &c.
 omni.

omnibus omnino antequam. 340.
 341
 eius de difficili S. scriptura in
 intellectu testimonium. 344
 eius de SS. Patribus censura.
 346-391.
 quando verè loquatur de S. scrip-
 tura. 381
 Lutheranismus impietas. 435
 Lutherani plures normas infallibi-
 les statuunt. 438
 Lutherus S. Paulo proximum Me-
 lanchthonem facit. 458.
 eius de Leone X. elogium. 523
 Luth. in Principes reverentia. 528
 Lutheri delirium axioma. 533

M

Martinus Bucerus fueritne Luthe-
 ranus. 294.
 Melanchthonis impudentia. 13.
 458.
 eius elogium de Carlstadio. 35
 Melanchthon à Luthero dissentit.
 36. 132.
 esse sacramentarius. ibid.
 Melanchthon Lutheri scriptorum
 corruptor. 309. & seq.
 eius doctrina & sibi eadem con-
 traria. 452.
 proximus S. Paulo. 458
 Medicus delirus. vide Basilius Var-
 na.

Ministerium iudicandi potestatem
 sibi vendicat. 551
 Missam Tigurini senatusconsulto
 abrogant. 150
 Modii nomine quid intelligatur
 metaphoricè. 460. & seqq.
 Moneta falsarii quomodo lege pu-
 niantur. 45.
 Moneta unde sic dicta sit. 10
 Moneta Prædicantium quid nos
 moneat. 22

N

Nestorii libri iubentur exuri. 199
 Nicetas Pectoratus libros suos dæ-
 nat & comburit. 209. 210.
 Nicolai I. Pont. epist. ad Imp. Mi-
 chaelem, &c. 24. & seqq.
 Nigro cuius nota. 171. 172
 Nummi libri exuruntur. 196. 197
 Numismata Imperatorum quo cul-
 tu habita. 2
 Nummularius probatus quis sit. 10
 Nummus unde dictus. 20
 Nummi isti cusi hoc nomine appel-
 lari nequeunt. 22
 Nummorum cuserum verus sensus
 22. & seqq.
 eorum sensus mysticus & alle-
 goricus pro hereticis. 32. & seqq.
 eorum alius sensus mysticus pro
 Catholicis. 37

O

- Origenis libri damnati.* 202. &
seqq.
Orlamundenses rustici. 252

P

- Parerementa qui sint.* 5
Papista quando exorti 388
Paracelsi impietas. 160
Paracharacta qui sint. 5.
Quomodo agnoscendi. 7
S. S. Patrum auctoritas quanti à
Luthero facta. 3. 391. &
 392.
Patres qui pluris reuereantur, or-
thodoxine an Heretici. 390. &
seqq.
à calumniis Libanii seu Varna de-
fenduntur. 393. & *seqq.* 494.
 & *seqq.*
Pelagius Pont. de lege Imp. The-
odosii explicatur. 200
Petrus Pratorius Catechismi Lu-
theri fallarius. 310
Pbotii insignis falsarii fraudū ex-
empla aliquot. 302. & *seqq.* 307
Pbotii in Ignatium Patriarcham
contumelia. 318. & *seqq.*
Plerophoria & zelus Lutherano-
rum & Hereticorum. 334. &
seqq.

- Pocula lasciuia cur deuicandi.* 286
Poemata lasciuia quid sint, eorū vi-
 287. & *seqq.*
Pūtifex Roman. an & quomodo ha-
reticos persequatur. 335
Pontifex à Varna quam honorificè
tractetur. 517. & *seqq.*
Pradicantium fraus. 3129
Pradicantium genius & ingenium.
 22. 29. 184. 451
Pradicantes iuxta Lutheri consili-
um eludendi. 30
Pradicantium vnitas. 36
Pradicantes quàm belle descripti
ab Erasmo. 52. 57. 58. 435.
Pradicantes de Vbiquitate quid
senferint. 134. & *seqq.*
Pradicantica tuba. 137. & *seqq.*
Pradicantium epithetum. 138
Pradicantium vita. 139
Pradicantium preceptor. 184
quales sint S scripturae interpretes.
ibid.
Pradicantium ruditas & inscitia.
 202. 400. & *seqq.* 455.
Pradicantes de impostura se mutuo
accusant. 308. & *seqq.*
quomodo & quoties confess. Luga-
stanā deprauauerint. 312. &
seqq.
Pradicantes formam argumeta-
tricem fugiunt. 332. 402
 quando

quando utantur verbo Christi. 381.

R

383
eorum leges. 398. & seqq.

qua in re sint victores Catholicorū.

398.

cum iis disputaturus, quas leges ser-
uare debeat. 400

Pradicantes quomodo veritatem
quarant. 402

quā pie orant. 403

eorum solennis vox. 405

ab iis Varna dissidet. 406.

535

Mentuntur Varnæ. ibid.

Pradicantium blasphemia in Spi-
ritum S. 423

plures statuunt normas infallibiles
438.

sibi contradicunt. ibid. 447.

448.

super Pradicantes omnes se effere
Varnæ. 535

Pradicantes cuius sint internuntii,
& interpretes. 550

conantur se intrudere in locum ju-
dicis controuersiarū. 550. & seq.

Privilegium cuso nummo additum
examinatur. 20. & seq.

Proverb. Quid an albus, quo sensu
dicatur. 169

Romani libros noxios exurāt. 195.
& seqq.

Romanus Pontif. an & quomodo
hereticos persequatur. 335

Rustici Orlamundenses. 259

S

Salutationis formulæ ex Epist. Lu-
thæ. 284. & seqq.

Sancti venerandi sunt. 370

Sanctos Iudæi colebant & inuoca-
bant. 164

Schlussemburg. Calvinistar. fraudes
&c. depingit. 291. & seqq.

eius rationes cur heretici nō possint
edere scripta anonyma, vel alio
no nomine insignita. 298. & seq.

Philippum & Petram Prætorium
falsitatis conuincit. 309. 310

Scriptura canon. 15. & seq.

Scriptura sensus. 377. & seqq.
est omnium argumētationum ba-
sis. 385

In symbolum Husi & Lutheri. 65
66.

T

Tannerus à Gresero nam discre-
pe. 470. 471

Terullian. hereses & hereticos quo
modo

Ff+ f

modo refutandos censeat. 364.
 388. & seqq.
Tertullianus quoniam. 391. & seqq.
Theodori Mopsuestheni fallacia 399
 eius libri iubentur exuri. 399
 eius libri à discipulis studiosè occul-
 tati. 201
Theologos quibus Epithetum *Luthe-*
rus cobonestet. 81
D. Thomas à *Luthero* quanti fiat.
 82.
Tigurinorum de *Lutheri* scriptis
 iudicium 115. 341
Tigurini *Missam* senatusconsulto
 abrogant. 1, 0

V

Varna insaniens *Medicus* quoniam
 randus. 328 & seqq.
Ineptia & *inscitia* eius per totum
 tractatum.
 eius de *Papatu* delirium. 339
 eius fatua admonitio ad *Principem*
 340
cacus, vel potius, non videns est.
 347. & seqq.
Furit. 350. 440. 463. & alibi
 passim.
Varna larvatus quis, qualisue.
 356
 extra scripturam quid credat.
 363.

eius de *Patribus* iudicium. 377
 in *Patres* quæ producat argumen-
 ta. ibid.
 qui sint apud ipsum sanctissimi. 391
 & seqq.
 In *S.S. Patres* eius reuerentia 395
 494 & seqq. 525.
 esse solacista & *Alchymista*. 398
 à *Predicantibus* dissidet. 406. 432
 464. 535.
 novum controversiarum iudicem
 fingit. 408
 ingēs eius stupor seu acumina. 407
 426. 427. 430. 458. 459. 468
 477. 533. 536. 542.
 eius paradoxum monstruosum. 426
 Mendacia eius aliquot. 354. 383.
 386. 388. 393. 394. 413. 423.
 434. 443. 449. 450. 457. 467
 475. 491. 499. 502. 509. 514.
 516. 522. 523. 524. 525. 526.
 528. 530. 535. 540. 546. 552.
 Quam pulchre ratiocinetur passim
 maxime tamen 332. 349. 351.
 360. 380. 381. 395. 427.
 428. 431. 436. 445. 468.
 472. 478. 479. 480. 482. &
 seqq.
 eius convicia in *Iesuitas* passim, ma-
 xime 337. 437. 438. 440. 466.
 482. 509.
 calumnia. 434. 457.
 470

470. 471. 502. 514 525.
 impudentia. 485. 514. 526. 527.
 542.
 argumenta & rationes eius refu-
 tantur per totum tractatum
 passim.
 quam delirè & inscitè S. scripturā
 citet, & ex ea argumētetur. 347
 349. 351. 427. 451. 458. 459.
 478. 479. 480. 492. & seqq.
 facit Apostolos Hæreticos. 485
 fraus eius. 505 552
 Conciliorum auctoritatem infrin-
 gere nititur. 510. & seqq.
 Varina pulchra & germana descrip-
 tio. 516.
 eius in S. Pont. reuerentia. 517
 & seqq.
 Ecclesiam quomodo definias.
 518.
 bono meritis de Iuda Iscariote. 518
 526.
 esse Donatista & VViclephista
 526.
 eius in Papam odium. 526.
 & seqq.
 quam expeditus in soluendis syllo-
 gismis. 530. & seqq.
 tuetur Hunnii causam & honorē.
 531.
 quam insignis sit Dialecticus. 532.
 536

aduorsatur Hunnio. 535
 super omnes se offert Prædicantes
 ibid.
 religio eius in verbis. 537
 deprauatè Protocolli adducit. 552
 Verbum Dei non scriptum passim
 Verbum Dei non scriptum homoge-
 neum esse scripto. 481
 Ubiquitas. 134
 Vincentii Lirinenfis de libr. Orig.
 iudicium. 202. & seqq.

W

VViteberga contra statuta Luthæ-
 ri noua instituuntur festa. 69.
 70.
 VVitebergensis Academia valde
 Papistica. 79. 86. & seqq.
 à Papa confirmata. 98
 quid boni ex VVitebergensi Aca-
 demia prodierit. 101. & seqq.
 VViteberga triumphi. 113. & seqq.
 VVitebergenses Antilutherani.
 133 & seqq.
 VVitebergensium in Illyricum quo-
 relæ. 309
 VVitebergenses malè festum sacu-
 lare celebrarunt anno M. DCII.
 79. 83. 86.
 habuerunt olim VViteberg. Iurif-
 consulti S. Iuonem patronum
 ibid.


Ffff

2

sum

- cum quomodo coluerint. 37
*V*Viclephi art. magni à Prædican-
 eibus faciendi. 77
 eius libri juro interdicti & exusti.
 217. & seqq. plurimis.
*V*Viclephista est Varna. 526
Z
*Z*angerus quam benè Lutherum
 purget. 88. 89.
*Z*elus Hereticorum & Luthera-
 norum. 334. & seqq.
*Z*vinglii præceptor Diabolus.
 144. 145. 146. 150. & seqq. plu-
 ribus.
 eius libri vetiti ab Heluetiis. 246
 cur Badā ad disputationem veni-
 re renuerit. 246
 eius argumenta pro conseruatione
 suorum librorum discutiuntur.
 250. & seqq.
 eius opera à Luthero & Luthera-
 nis proscripta. 255
 eius fraudes. 292
*Z*vinglianorum fraudes. ibid. &
 seqq.
*Z*vinglianorum de Luthero judi-
 cium. 341
*Z*ygostata Ecclesia qui sint. 17

Finis Indicis.



Erra-

Errata sic corrigantur.

Folio I. versu ultimo. Χεῦρε τοῖς. f. 12. v. pen. dele se. 37. v. 3. alloquū-
 eur. ibid. v. 29. visio. 34. v. 10. vulnerans. ibi. v. 22. caueantur. 35. v.
 1. varietate. ibid. v. 14. librum. 36. v. 2. immensum. 38. v. 13. arbitra-
 eu. 39. v. 8. qui. ib. v. 15. accuret. ib. v. 25. falsis. 45. v. 14. verissimū.
 48. v. 11. foriq; ibid. v. 29. porcus. ibid. v. vlt. candidissimum. 49. v.
 11. sic. 52. v. 26. lateq; 58. v. 9. tragœdia. 61. v. 28. tam. 62. v. 6.
 dedit. ib. v. 28. cum serenitate. 70. v. 18. sunt. 75. v. 1. diem. 85. v. 19
 facinus. 91. v. 19. damnabat. ibid. v. 27. obiiiciant. 95. v. 13. promptus
 99. v. 2. Raimundo. ibid. v. 27. fuerint. 100. v. 20. similis. ib. v. 32. ca-
 lamitas. 130. v. 32. Tubingensi. 105. v. 26. Berengarius. 106. v. 17. in
 manibus. 115. v. 33. Anglia. 132. v. 28. sententiæ. 144. v. 20. Christi
 151. v. 28. vniuersæ. 156. v. 9. complecteretur. 162. v. 12. notum. 163.
 v. 21. deprehendi. 167. v. 21. ex rudissimis. 170. v. 17. Horatius. 174
 v. 27. ater. 176. v. 7. definit. ibid. v. 13. definit. ibid. v. 14. à Domino.
 183. v. 13. inquis. 191. v. 7. diligatis. 196. v. 28. timuit. ne. 202. v. 5.
 quia. 210. v. 17. prefatum. 216. v. 25. v. 217. v. 27. in. 237. v. 28. de-
 finat. 253. v. 30. concubinari. 255. v. 2. mihi. 266. v. 11. quoq; 267.
 v. 14. ille. 271. v. 16. honestatis. 277. corrige 278. 285. v. 20. dixit.
 294. v. 6. v. 296. v. 6. vociferantur. 298. v. 21. licentia edendi ano-
 nyma. 305. v. 4. traelaueris. 313. v. 21. obstante. 323. v. 8. iam scio cur
 328. v. 10. turpitudinum. 340. v. 4. respondit. 356. v. 30. si v. 379. v.
 18. precandi. 414. v. 5. constat. 486. v. 12. intricatissimos. 488. v. 9.
 quantum. 492. v. 2. disceptationum. 513. v. 9. promissa. 533. v. 10. v-
 bi. ibid. v. 17. iudicalem ibid. v. 22. spiritu. 537. v. 23. prolata. 539.
 v. 25. scriptura. 547. v. pen. iudiciariam.



INGOLSTADII

Ex officina Typographica
Ederiana, apud Andream
Angermarium.



ANNO M. DCIV.

ca
m



